

প্রথম প্রতিশ্রুতি

আশাপূর্ণা দেবী

রবীন্দ্র পুরস্কার : ১৩৭২

মিত্র ও শ্যোস

১০ ভ্রামাচরণ দে স্ট্রীট, কলিকাতা ২২

প্রথম প্রবন্ধ কাঙ্ক্ষন ১৩৭১

সপ্তম মুদ্রণ

এই গ্রন্থের সমস্ত চরিত্রই কল্পনিক ॥

প্রচ্ছদপট :

অঙ্কন—আশু বন্দ্যোপাধ্যায়

মুদ্রণ—রিপ্রোডাক্শন সিন্ডিকেট



মিত্র ও ঘোষ, ১০ আশাচরণ দে স্ট্রীট, কলিকাতা ১২ হইতে এন. এন. রায় কর্তৃক প্রকাশিত ।

প্রথম বাক্টি কর্তৃক পি. এম. বাক্টি এণ্ড কোং (প্রাঃ) লিমিটেড,

১৯ গুলু ওস্তাগর লেন, কলিকাতা ৬ হইতে মুদ্রিত

উৎসর্গ

নিভৃত লোকে বসে একদা যঁরা রেখে গেছেন প্রতিশ্রুতির
স্বাক্ষর, সেই বরণীয়া ও অরণীয়াদের উদ্দেশে—

এই লেখিকার অন্যান্য বই

সমুদ্র নীল আকাশ নীল
অগ্নিপরীক্ষা
নির্জন পৃথিবী
বলয়গ্রাস
যোগবিশেষ
নেপথ্যনায়িকা
গল্প-পঞ্চাশৎ
শ্রেষ্ঠগল্প
স্বপ্নশব্দরী
কল্যাণী
অতিক্রান্ত
সাগর শুকায়ে যায়
নবজন্ম
শশীবাবুর সংসার
উড়োপাখী
ছাড়পত্র
পঙ্খীমহল
উত্তরলিপি
নবনীড়
মুগুররাত্রি
কেশবতীকল্পা
আলোর স্বাক্ষর
তিনছন্দ
প্রথম লগ্ন
নদী দিক্‌হারা
সোনার হরিণ
রাণীশহরের কানাগলি
দিনান্তের রং
মিত্রিরবাড়ী

সুবর্ণলতা
জনম্ জনম্কে সাথী
উন্মোচন
মেঘ পাহাড়
জল আর আগুন
একটি সন্ধ্যা একটি সকাল
আর এক ঝড়

যুগে যুগে প্রেম
অনিবারিত গল্প
পূর্ণপাত্র
সরস গল্প
মনোনয়ন
অতলান্তিক
সোনালী সন্ধ্যা
দোলনা
ছায়াহর্য
প্রেম ও প্রয়োজন
সাজবদল
বহিরঙ্গ
জীবনস্বাদ
জলছবি
বেগবতী
উত্তরণ
দূরে মিলে এক
শক্তি সাগর
মায়াজাল
লঘু ত্রিপদী
জনতার মুখ
আবহসঙ্গীত

—ছোটদের—

ছোট্টাকুর্দার কাশীযাত্রা
হাফ্-হলিডে
এক সমুদ্র অনেক ঢেউ
বলবার মতন নয়
ছোটদের শ্রেষ্ঠ গল্প
শোনো শোনো গল্প শোনো
গল্প ভালো আবার বলে

কনকদীপ
ছোটদের ভালো ভালো গল্প
ভাগ্যি যুদ্ধ বেধেছিল
গল্প হলো শুরু
রত্নিন মলাট
শুধু হাসির গল্প
সেই সব গল্প

বহির্বিষয়ের ভাঙাগড়ার কাহিনী নিয়ে রচিত হয় বিগত কালের ইতিহাস। আলো আর অন্ধকারের পৃষ্ঠপটে উচ্চকিত সেই ধ্বনিমুখর ইতিহাস পরবর্তী-কালের জ্ঞাত সঞ্চিত রাখে প্রেরণা, উন্মাদনা, রোমাঞ্চ। কিন্তু স্তিমিত অস্ত্রপূরের অস্ত্রাঙ্গেও কি চলে না ভাঙাগড়ার কাজ? যেখান থেকে রং বদল হয় সমাজের, যুগের, সমাজমানুষের মানসিকতার। চোখ ফেললে দেখা যায় সেখানেও অনেক সঞ্চয়। তবু রচিত ইতিহাসগুলি চিরদিনই এই অস্ত্রপূরের ভাঙাগড়ার প্রতি উদাসীন! অস্ত্রপূর চিরদিনই অবহেলিত। বাংলাদেশের সেই অবজ্ঞাত অস্ত্রপূরের নিভূতে প্রথম যারা বহন করে এনেছেন প্রতিশ্রুতির স্বাক্ষর, এ গ্রন্থ সেই অনামী মেয়েদের একজনের কাহিনী।

তুচ্ছ দৈনন্দিনের পৃষ্ঠপটে আঁকা এই ছবি যদি বহন করে রাখতে পেরে থাকে বিগত কালের সামান্ততম একটি টুকরোকে, সেইটুকুই হবে আমার শ্রমের সার্থকতা।

লেখিকা

॥ এই গ্রন্থে বর্ণিত চরিত্রগুলির পরিচয় ॥

সত্যবতী

রামকালী—	সত্যবতীর বাবা	ভুবনেশ্বরী—	সত্যবতীর মা
জয়কালী—	" ঠাকুর্দা	দীনতারিণী—	" ঠাকুমা
কুঞ্জ—	" জ্যাঠামশায়	কাশীশ্বরী	" পিসঠাকুমা
জটা—	" পিসির ছেলে	মোক্ষদা	
নবকুমার—	" স্বামী	শিবজায়া	" জ্যাতিঠাকুমা
নীলাধর বাঁড়ুয্যে—	" স্বশুর	নন্দরাণী	
সাধন—	" বড়ছেলে	নিভাননী	" মামী
সরল—	" ছোটছেলে	হুকুমারী	
রাসবিহারী—	কুঞ্জর বড়ছেলে	পুণ্ডি—	সত্যবতীর সমবয়সী পিসি
নেড়ু—	" ছোটছেলে	ধেঁদি—	" বালাবাকবী
শবতোষ—	নবকুমারের শিক্ষক	স্ববর্ণ—	" মেয়ে
নিতাই—	" বন্ধু	সেজপিসি—	" জটার মা
লক্ষ্মীকান্ত বাঁড়ুয্যে—	পাটমহলের জমিদার	শশীতারা—	কুঞ্জর বোন
জামকান্ত—	ঐ জমিদার-পুত্র	অভয়া—	" স্ত্রী
রাধহরি ঘোষাল	}— ঐ প্রতিবেশী	সারদা—	রাহুর বো
দয়াল মুখুয্যে		পটলী—	রাহুর দ্বিতীয় স্ত্রী
নগেন—	কাটোয়ার যুবক	শঙ্করী (কাটোয়ার বো)—	কাশীশ্বরের নাতবো
বিজ্ঞানরত্ন—	রামকালীর ভক্তিজাজন পণ্ডিত	বেহলা—	জামকান্তের স্ত্রী
গোবিন্দ গুপ্ত—	" আশ্রয়দাতা	ভাবিনী—	নিতাইয়ের স্ত্রী
কেলু বাঁড়ুয্যে—	" স্বশুর	এলোকেশী—	সত্যবতীর শাশুড়ী
পটলা ঘোষাল	}— ঐ প্রতিবেশী	মুক্তকেশী—	এলোকেশীর সইয়ের মেয়ে
বিপিন নাহিড়ী		সোদামিনী—	এলোকেশীর ভাগ্নী
মুরুন্দ মুখুয্যে—	সোদামিনীর স্বামী	হুহাস—	শঙ্করীর মেয়ে
তুটু—	গোয়াল		
রঘু—	তুটুর নাতি		
বিশ্বে—	গুণা		
গোপেন—	রাখাল	সাবিপিসি, রাখুর মা, নাপিত-বো, দত্তগিন্নী, ক্যান্ডঠাকরন ইত্যাদি।	

ପ୍ରଥମ ପ୍ରତିଶ୍ରୁତି

সত্যবতীর গল্প আমার লেখা নয়। এ গল্প বকুলের খাতা থেকে নেওয়া। বকুল বলেছিল, “একে গল্প বলতে চাও গল্প, সত্যি বলতে চাও সত্যি।”

বকুলকে আমি ছেলেবেলা থেকে দেখছি। এখনও দেখছি। বরাবরই বলি, “বকুল, তোমাকে নিয়ে গল্প লেখা যায়।” বকুল হাসে। অবিশ্বাস আর কৌতূকের হাসি। না, বকুল নিজে কোনদিন ভাবে না—তাকে নিয়েও গল্প লেখা যায়। নিজের সম্বন্ধে কোন মূল্যবোধ নেই বকুলের, কোন চেতনাই নেই।

বকুলও যে সত্যিই পৃথিবীর একজন, এ কথা যেন মানতেই পারে না বকুল। সে শুধু জানে, সে কিছুই নয়, কেউই নয়। অতি সাধারণের একজন, একেবারে সাধারণ!—যাদের নিয়ে গল্প লিখতে গেলে কিছুই লেখবার থাকে না।

বকুলের এ ধারণা গড়ে ওঠার মূলে হয়তো ওর জীবনের বনেদের তুচ্ছতা! হয়তো এখন অনেক পেয়েও শৈশবের সেই অনেক কিছু না-পাওয়ার ক্লোভটা আজও রয়ে গেছে তার মনে। সেই ক্লোভই স্তিমিত করে রেখেছে তার মনকে। কুণ্ঠিত করে রেখেছে তার সত্যকে।

বকুল সুবর্ণলতার অনেকগুলো ছেলেমেয়ের মধ্যে একজন। সুবর্ণলতার শেষদিকের মেয়ে।

সুবর্ণলতার সংসারে বকুলের ভূমিকা ছিল অপরাধীর।

অজানা কোন এক অপরাধে সব সময় সন্ত্রস্ত হয়ে থাকতে হবে বকুলকে, এ যেন বিধি-নির্দেশিত বিধান।

বকুলের শৈশব-মন গঠিত হয়েছিল তাই অদ্ভুত এক আলোছায়ার পরিমণ্ডলে। যার কতকাংশ শুধু ভয় সন্দেহ আতঙ্ক ঘৃণা, আর কতকাংশ জ্যোতির্ময় রহস্যপূরীর উজ্জল চেতনায় উদ্ভাসিত। তবু মানুষকে ভাল না বেসে পারে না বকুল। মানুষকে ভালবাসে বলেই তো—

কিন্তু থাক, এটা তো বকুলের গল্প নয়। বকুল বলেছে, “আমার গল্প যদি লিখতেই হয় তো সে আজ নয়। পরে।” জীবনের দীর্ঘপথ পার হয়ে এসে বুঝতে শিখেছে বকুল, পিতামহী প্রপিতামহীর ঋণশোধ না করে নিজের কথা বলতে নেই।

নিভৃত গ্রামের ছায়াঙ্ককার পুষ্করিণীই ভরা বর্ষায় উপচে উঠে নদীতে গিয়ে মিশে শোত হয়ে ছোট। সেই ধারাই ছুটে ছুটে একদিন সমুদ্রে গিয়ে পড়ে। সেই ছায়াঙ্ককারের প্রথম ধারাকে স্বীকৃতি দিতে হবে বৈকি।

আজকের বাংলাদেশের অজস্র বকুল-পারুলদের পিছনে রয়েছে অনেক বছরের সংগ্রামের ইতিহাস। বকুল-পারুলদের মা দিদিমা পিতামহী আর প্রপিতামহীদের সংগ্রামের ইতিহাস। তারা সংখ্যায় অজস্র ছিল না, তারা অনেকের মধ্যে মাত্র এক-একজন। তারা একলা এগিয়েছে। এগিয়েছে খানা ডোবা ডিঙিয়ে; পাথর ভেঙে, কাঁটারোপ উপড়ে। পথ কাটতে কাটতে হয়তো দিশেহারা হয়েছে, বসে পড়েছে নিজেরই-কাটা-পথের পথ জুড়ে। আবার এসেছে আর একজন; তার আরন্ধ কর্মভার তুলে নিয়েছে নিজের হাতে। এমনি করেই তো তৈরি হল রাস্তা। যেখান দিয়ে আজ বকুল-পারুলরা এগিয়ে চলেছে। বকুলরাও খাটছে বৈকি। না খাটলে চলবে কেন? শুধু তো পায়ে-চলার পথ হলেই কাজ শেষ হল না।

রথ চলবার পথ চাই যে।

সে পথ কে কাটবে কে জানে? সে রথ কারা চালাবে কে জানে?

যারা চালাবে তারা হয়তো অলস কোতূহলে অতীত ইতিহাসের পাতা উল্টে দেখতে দেখতে সত্যবতীকে দেখে হেসে উঠবে।

নাকে নোলক, আর পায়ে মল পরা আট বছরের সত্যবতীকে।

বকুলও একসময় হাসত।

এখন হাসে না। অনেকটা পথ পার হয়ে এসে বকুল পথের মর্মকথা বুঝতে শিখেছে। তাই যে সত্যবতীকে বকুল কোনদিন চোখেও দেখে নি, তাকে দেখতে পেয়েছে স্বপ্নে আর কল্পনায়, মমতায় আর শ্রদ্ধায়।

তাই তো বকুলের খাতায় সত্যবতীর এমন স্পষ্ট চেহারা আঁকা রয়েছে।

নাকে নোলক, কানে ‘সার’ মাকড়ি, পায়ে বাঁজর মল, বৃন্দাবনী-ছাপের আটহাতি শাড়ীপরা আট বছরের সত্যবতী। বিয়ে হয়ে গেছে বছরখানেক আগে—এখনও ঘরবসত হয় নি। অপ্রতিহত প্রতাপে পাড়ামুদ্ধ ছেলেমেয়ের দলনেত্রী হয়ে যথেষ্ট খেলে বেড়ায়! সত্যবতীর মা ঠাকুমা জেঠা পিসি এঁটে উঠতে পারে না ওকে!

পারে না হয়তো সত্যবতীর যথেষ্টাচারের ওপর ওর বাপের কিছু প্রশ্রয় আছে বলে।

সত্যবতীর বাপ রামকালী চাটুয্যে, চাটুয্যে বামুনের ঘরের ছেলে হলেও ব্রাহ্মণজ্ঞানোচিত পেশা তাঁর নয়। অল্প শাস্ত্রপালা বেদ-বেদান্ত বাদ দিয়ে তিনি বেছে নিয়েছেন আয়ুর্বেদ। ব্রাহ্মণের ছেলে হয়েও কবিরাজি করেন রামকালী। তাই গ্রামে ঔর নাম ‘নাড়িটেপা বামুন’। ঔর বাড়ির নাম ‘নাড়িটেপার বাড়ি’।

রামকালীর প্রথম জীবনটা ঔর অল্প সব ভাই আর অল্প জ্ঞাত-গোত্রদের চাইতে ভিন্ন। কিছুটা হয়তো বিচিত্রও। নইলে ওই আধাবয়সী লোকটার ওইটুকু মেয়ে কেন? সত্যবতী তো রামকালীর প্রথম সন্তান। সে যুগের হিসেবে বিয়ের বয়স একেবারে পার করে কেলে, তবে বিয়ে করেছিলেন রামকালী। সত্যবতী সেই পার-হয়ে-যাওয়া বয়সের ফল।

শোনা যায় নিতান্ত কিশোর বয়সে বাপের ওপর অভিমান করে বাড়ি থেকে পালিয়েছিলেন রামকালী! কারণটা যদিও খুব একটা ঘোরালো নয়, কিন্তু কিশোর রামকালীর মনে বোধ করি সেটাই বেশ জোরালো ছাপ মেরেছিল!

কি একটা অসুবিধের পড়ে রামকালীর বাবা জয়কালী একদিনের জন্তে সন্ত উপবীতধারী পুত্র রামকালীর উপর ভার দিয়েছিলেন, গৃহদেবতা জনার্দনের পূজা-আরতির। মহোৎসাহে সে ভার নিয়েছিল রামকালী। তার আরতির ঘণ্টাধ্বনিতে সেদিন বাড়িসুদ্ধ লোক ‘তাহি জনার্দন’ ডাক ছেড়েছিল। কিন্তু উৎসাহের চোটে ভয়ঙ্কর একটা ভুল ঘটে গেল। মারাত্মক ভুল।

রামকালীর ঠাকুমা ঠাকুরঘর মার্জনা করতে এসে টের পেলেন সে ভুল! টের পেয়ে ঝাড়া মাথার উপর কদমছাঁট চুল সজারুর কাঁটার মত খাড়া হয়ে উঠল তাঁর। ছুটে গিয়ে ভাইপোর অর্থাৎ রামকালীর বাবা জয়কালীর কাছে প্রায় আছড়ে পড়লেন।

“সর্বনাশ হয়েছে জয়!”

জয়কালী চমকে উঠলেন, “কি হয়েছে পিসি?”

“ছেলেপুলেকে দিয়ে ঠাকুরসেবা করালে যা হয় তাই হয়েছে। সেবা-অপরাধ ঘটেছে। রেমো জনার্দনকে ফল-বাতাসা দিয়েছে, জল দেয় নি।”

চড়াং করে সমস্ত শরীরের রক্ত মাথায় গিয়ে উঠল জয়কালীর! “ম্যা” করে একটা আত্ননাদ-ধ্বনি তুললেন তিনি।

পিসী একটা হতাশ নিশ্বাস ফেলে সেই সুরেই সুর মিলিয়ে বললেন, “হ্যা! জানি না এখন কার কি অদৃষ্টে আছে। ফুল তুলসীর তুল নয়, একেবারে তেষ্ঠার জল।”

সহসা জয়কালী পায়ের খড়মটা খুলে হাতে নিয়ে চীৎকার করে উঠলেন, “রেমো! রেমো!”

চীৎকারে রামকালী প্রথমটার বিশেষ আশঙ্কিত হয় নি, কারণ পুত্র-পরিজনদের প্রতি স্নেহ-সম্ভাষণও জলকালীর এর চাইতে খুব বেশী নিয়ন্ত্রণামের নয়। অতএব সে বেলের আঠার হাতটা মাথায় মুছতে মুছতে পিতৃসকাশে এসে দাঁড়াল।

কিন্তু এ কী! জয়কালীর হাতে খড়ম!

রামকালীর চোখের সামনে কতকগুলো হলুদ রঙের ফুল ভিড় করে দাঁড়াল।

“ভগবানকে স্মরণ কর রেমো,” জয়কালী ভীষণ মুখে বললেন, “তোমার কপালে আজ মৃত্যু আছে।”

রামকালীর চোখের সামনে থেকে হলুদ রঙের ফুলগুলোও লুপ্ত হয়ে গেল, রইল শুধু নীরব অন্ধকার। সেই অন্ধকার হাতড়ে একবার খুঁজতে চেষ্টা করল রামকালী, কোন্ অপরাধে বিধাতা আজ তার কপালে মৃত্যুদণ্ড লিখেছেন। খুঁজে পেল না, খোঁজবার সামর্থ্যও রইল না। সেই অন্ধকারটা ক্রমশঃ রামকালীর চৈতন্তর উপর ঝাঁপিয়ে পড়ল।

“জন্মদর্শনের ঘরে আজ পূজা করেছিল তুই না?”

রামকালী নীরব।

পূজার ঘরেই তা হলে কোন অপরাধ সংঘটিত হয়েছে। কিন্তু কই? কি? ষথারীতি হাত-পা ধুয়ে তার পৈতের পাওয়া চেলির জোড়টা পরেই তো ঘরে ঢুকেছিল রামকালী! তারপর? আসন। তারপর? আচমন। তারপর? আরতি। তারপর—ঠাঁই করে মাথায় একটা ধাক্কা লাগল।

“জল দিয়েছিলি ভোগের সময়?”

এই প্রশ্নটি পূজকে করেছেন জয়কালী খড়মের মাধ্যমে।

দিশেহারী রামকালী আরও দু-দশটা ধাক্কার ভয়ে বলে বসল—“হ্যা। দিয়েছি তো।”

“দিয়েছিলি? জল দিয়েছিলি?” জয়কালীর পিসী যশোদা একেবারে

নামের বিপরীত ভঙ্গীতে বলে উঠলেন, “দিয়েছিল তো সে জল গেল কোথায় রে হতভাগা ? গেলাস একেবারে শুকনো ?”

প্রশ্নকর্তা ঠাকুরা ।

বুকের গুরু-গুরু ভাবটা কিঞ্চিৎ হাল্কা মনে হল, রামকালী ক্ষীণস্বরে বলে বসল, “ঠাকুর খেয়ে নিয়েছে বোধ হয় ।”

“কী ? কী বললি ?” আর একবার ঠক করে একটা শব্দ, আর চোখে অন্ধকার হয়ে যাওয়ার আরও গভীরতম অভূভূতি ।

“লক্ষ্মীছাড়া, শুয়োর, বন্বরা ! ঠাকুর জল খেয়ে নিয়েছে ? শুধু ভূত হও নি তুমি, শয়তানও হয়েছে । ভয় নেই প্রাণে তোমার ? ঠাকুরের নামে মিছে কথা ?”

অর্থাৎ মিথ্যা কথাটা যত না অপরাধ হোক, ঠাকুরের নামের সঙ্গে জড়িত হয়ে ভীষণ অপরাধে পরিণত হয়েছে । রামকালী ভয়ের বশে আবারও মিছে কথা বলে বসে, “হ্যাঁ, সত্যি বলছি ! ঠাকুরের নামে দিবিয় ! দিয়েছিলাম জল ।”

“বটে রে হারামজাদা ! বামুনের ঘরের চাঁড়াল ! ঠাকুরের নামে দিবিয় ? জল দিয়েছিস তুই ? ঠাকুর জল খেয়ে ফেলেছে ? ঠাকুর খায় জল ?”

মাথার মধ্যে জ্বলছে !

রামকালী মাথার জ্বালায় অস্তির হয়ে সমস্ত ভয়-ডর ভুলে বলে বসল, “খায় না জানো তো দাও কেন ?”

“ও, আবার মুখে মুখে চোপা ?” জয়কালী আর একবার শেষবেশে ষড়মটার সন্ধ্যাবহার করলেন । করে বললেন, “যা দূর হ, বামুনের ঘরের গরু ! দূর হয়ে যা আমার স্নমুখ থেকে !”

এই !

এর বেশী আর কিছুই করেন নি জয়কালী ! আর এরকম ব্যবহার তো তিনি সর্বদাই সকলের সঙ্গে করে থাকেন ! কিন্তু কিসে যে কি হয় !

রামকালীর চোখের সামনে থেকে যেন একটা পর্দা খসে গেল ।

চিরদিন জেনে আসছে জনার্দন বেশ একটি দয়ালু ব্যক্তি, কারণ কারণে-অকারণে উঠতে-বসতে বাড়ির সকলেই বলে ‘জনার্দন, দয়া করো ।’ কিন্তু কোথায় সেই দয়ালু কণিকামাত্র !

রামকালী যে মনে মনে প্রাণ ফাটিয়ে চীৎকার করে প্রার্থনা করল, “ঠাকুর !

এই অবিধ্বাসীদের সামনে একবার নিজমূর্তি প্রকাশ করো, একবার অলঙ্কার থেকে দৈববাণী করো, “ওরে জয়কালী, বৃথা ওকে উৎপীড়ন করছিস! জল আমি সত্যিই খেয়ে ফেলেছি! এক মুঠো বাতাসা খেয়ে ফেলে বড্ড তেষ্ঠা পেয়ে গিয়েছিল!”

নাঃ। দৈববাণীর ছায়ামাত্র নেই।

সেই মুহূর্তে আবিষ্কার করল রামকালী, ঠাকুর মিথ্যে, দেবতা মিথ্যে, পূজো-পাঠ-প্রার্থনা—সবই মিথ্যে, অমোঘ সত্য শুধু খড়ম।

পৈতের সময় তারও একজোড়া খড়ম হয়েছে। তার উপযুক্ত ব্যবহার কবে করতে পারবে রামকালী কে জানে।

অথচ এই দণ্ডে সমস্ত পৃথিবীর উপরই সে ব্যবহারটা করতে ইচ্ছে করছে।

“পৃথিবীতে আর থাকব না আমি!”

প্রথমে সংকল্প করল রামকালী।

তার পর ক্রমশঃ পৃথিবীটা ছেড়ে চলে যাবার কোন উপায় আবিষ্কার করতে না পেরে মনের সঙ্গে রফা করল।

পৃথিবীটা আপাততঃ হাতে থাক, ওটা তো যখন ইচ্ছেই ছাড়া যাবে। ছাড়বার মত আরও একটা জিনিস রয়েছে, পৃথিবীরই প্রতীক যেটা।

বাড়ি!

বাড়িই ছাড়বে রামকালী।

জন্মে আর কখনও জনার্দনের পূজা যাতে না করতে হয়।

তখনও ‘নাড়িটেপার বাড়ি’ নাম হয় নি, আদি ও অকৃত্রিম ‘চাটুয্যো বাড়ি’ই ছিল। সকলের শ্রদ্ধা-সমীহেরও আদার ছিল। কাজেই বেশ কিছুদিন গ্রামে সাড়া পড়ে রইল, চাটুয্যোদের ছেলে হারিয়ে যাওয়া নিয়ে।

গ্রামের সমস্ত পুরুষের জাল ফেলা হল। গ্রামের সকল দেবদেবীর কাছে মানসিক মানা হল। রামকালীর যা রোজ নিয়ম করে ছেলের নামে ঘাটে প্রদীপ ভাসাতে লাগল, জয়কালী নিয়ম করে জনার্দনের ঘরে তুলসী চড়াতে লাগলেন, কিছুই হল না।

ক্রমশঃ সকলে গ্রাম যখন ভুলেই গেল চাটুয্যোদের রামকালী বলে একটা ছেলে ছিল, তখন গ্রামের কোন একটা যুবক একদিন ঘোষণা করল ‘রামকালী আছে’। সে মুকুন্দদাবাদে গিয়েছিল, সেখানে নিজের চোখে দেখে এসেছে

রামকালী নবাব-বাড়ির কবরেজ গোবিন্দ গুপ্তর বাড়িতে রয়েছে, তার শাকরেদি করে কবরেজি শিখছে।

শুনে ক্যাল ফ্যাল করে তাকিয়ে রইলেন জয়কালী। ছেলের বেঁচে থাকার খবর, আর ছেলের জাত যাওয়ার খবর, যুগপৎ উটোপাণ্টা দুটো খবরে তিনি ভুলে গেলেন, আনন্দে হৈহৈকার করতে হবে কি, শোকে হাহাকার করতে হবে।

ছেলে বত্তিবাড়ির ভাত খাচ্ছে, বত্তিবাড়ির আশ্রয় গ্রহণ করেছে, এ তো মৃত্যু-সংবাদেরই সামিল।

অথচ রামকালী এযাবৎ মরে নি, একথা জেনে প্রাণের মদ্যো কী যেন ঠেলে ঠেলে উঠছে। কী সে? আনন্দ? আবেগ? অমৃত্যুতাপের যন্ত্রণামুক্তির সুখ?

গ্রামের সকলের সঙ্গে পরামর্শ করতে লাগলেন জয়কালী। অবশেষে রায় বেরোলো, জয়কালীর নিজের একবার যাওয়া দরকার। সরেজমিনে তদন্ত করে দেখে আসুন প্রকৃত অবস্থাটা কি! তা ছাড়া—সে লোক প্রকৃতই রামকালী কি না—তাই বা কে জানে! যে দেখেছে সে তো নিকট আত্মীয় নয়, চোখের ভ্রম হতে কতক্ষণ?

কিন্তু পরামর্শ শুনে জয়কালী আকাশ থেকে পড়লেন, “আমি যাব? আমি কি করে যাব? জনার্দনের সেবা ফেলে আমার কি নডবার জো আছে?”

রামকালীর মা, জয়কালীর দ্বিতীয় পক্ষ দীনতারিণী শুনে কঁদে ভাসাল। মুখে এসেছিল বলে ‘জনার্দনই তোমার এত বড় হল?’

বলতে পারল না সাহস করে, শুধু চোখের জল ফেলতে লাগল।

অবশেষে অনেক পরিকল্পনান্তে স্থির হল, জয়কালীর এক ভাগ্নে যাবে, বয়স্ক ভাগ্নে। তার সঙ্গে জয়কালীর প্রথম পক্ষের বড় ছেলে, কুঞ্জকালী যাবে।

কিন্তু এই গওগ্রাম থেকে মুকুন্দাবাদে যাওয়া তো সোজা নয়! গরুর গাড়ি করে গঞ্জর গিয়ে খোঁজ নিতে হবে কবে নৌকা যাবে মুকুন্দাবাদে। তার পর আবার চাল চিঁড়ে বেঁধে নিয়ে গরুর গাড়িতে তিন ক্রোশ রাস্তা ভেঙে নৌকার কিনারে গিয়ে ধনী পাড়া।

খরচও কম নয়।

জয়কালী ভাবলেন, খরচের খাতায় বসানো সংখ্যা আবার জমার খাতায় বসাতে গেলে ঝগড়াট বড় কম নয়। এত ঝগড়াটের দরকারই বা কি ছিল?

রাগ হল সেই ফাজিল ছোকরাটার ওপর ; যে এসে খবর দিয়েছে । যে এত ঝগড়াট বাধানোর নায়ক ।

রামকালী তো খরচ হয়েই গিয়েছিল ! ওই ফাজিলটা এসে খবর না দিলে আর—

কিন্তু দরকার ছিল রামকালীর মার দিক থেকে, তাই সব ঝগড়াট পুইয়ে ভাগ্যকে আর ছেলেকে পাঠালেন জয়কালী । আর কদিন পরে তারা এসে জানাল, খবর ঠিক । রামকালী নিঃসন্তান গোবিন্দ বড়ির পুষ্টি হয়ে রাজার হালে আছে, এর পর নাকি পাটনা যাবে । এদের কাছে বলেছে একেবারে রাজবত্তি হয়ে, টাকার মোট নিয়ে দেশে যাবে, তার আগে নয় ।

শুনে যাদের বেশী ঈর্ষা হল, তারা বলল, “এমন কুলাঙ্গার ছেলের মুখদর্শন করতে নেই । তা ছাড়া, ও তো জাতিচ্যুত ।”

যাদের একটু কম ঈর্ষা হল, তারা বলল, “তবু বলতে হবে উদ্বোধনী পুরুষ ! আর জাতিচ্যুতই বা হবে কেন ? কুঞ্জ তো বলছে নাকি জেনে এসেছে গোবিন্দ গুপ্ত রামকালী চাটুর্ঘ্যের জন্তে কোন এক বামুনবাড়িতে ভাতের ব্যবস্থা করে রেখেছে !”

গ্রামে আবার কিছুদিন এই নিয়ে খুব আলোচনা চলল । এবং যখন এসব আলোচনা কিম্বদন্তি গিয়ে ক্রমশঃ আবার সবাই রামকালীর নাম ভুলতে বসল, তখন একদিন রামকালী সশরীরে এসে হাজির হল টাকার বস্তা নিয়ে !

গোবিন্দ গুপ্ত পরামর্শ দিয়েছেন, “তোমার আর রাজবত্তি হয়ে কাজ নেই বাপু, রাজ্যে এখন ভেতরে ভেতরে ঘুণ ধরতে বসেছে, নবাবের নবাবী তো শিকয়ে উঠেছে । আমার এই দীর্ঘকালের সঞ্চিত অর্থরাশি নিয়ে দেশে পালিয়ে গিয়ে নিজে নবাবি করো গে ! আমরা স্ত্রী-পুরুষ উভয়ে কাশীবাসে মনঃস্থির করেছি ।”

অগত্যা চলে এসেছে রামকালী ।

গঞ্জের ঘাট থেকে নিজের পাল্কি করে ।

গোবিন্দ গুপ্তর পাল্কিটাও পেয়েছে রামকালী, নৌকোয় চাপিয়ে নিয়ে এসেছে ।

কিন্তু তখন জয়কালী মারা গেছেন এই এক মন্ত আপসোস ।

বাবাকে একবার দেখাতে পারল না রামকালী,—সেই তাড়িয়ে দেওয়া ছেলেটা মাছুষ হয়ে ফিরল ।

দুই

গঞ্জের মেলায় যেমন লোকে দল বেঁধে ‘পাঁচপের গরু’ দেখতে ছোট, ভেমনি করে দেশের সমস্ত লোক আসতে লাগল রামকালীকে দেখতে! রামকালী মনে মনে বিব্রত হলেও সকলকে যথোচিত মায়া করল, এবং বয়োজ্যেষ্ঠ সকলকে একজোড়া করে ধুতি ও নগদ দু টাকা দিয়ে প্রণাম করল।

ঘরে ঘরে সবাই বলাবলি করতে লাগল, ‘উঃ, কী উঁচু নজরটাই হয়ে এসেছে!’ অনেকে নিজের নিজের চিরদিন বাড়ি বসে থাকা ছেলেগুলোর দিকে তাকিয়ে তাকিয়ে নিশ্বাস ফেলল।

তবু কিছুদিন একটু জাতে-ঠেলা জাতে-ঠেলা হয়ে থাকতে হয়েছিল বৈ কি রামকালীকে! বারবাড়িতে শুত খেত, বাড়ির ছোট ছেলেপুলে দৈবাৎ কেউ রামকালীকে ছুঁয়ে ফেললে তাকে কাপড় ছাড়ানো হত। কিন্তু রামকালীই একদিন গ্রামকর্তাদের ডেকে সালিশ মানল।

এটা কেন হবে?

একটি দিনের জন্তো সে বৈজ্ঞের অন্ন গ্রহণ করে নি, এক দিনের জন্ত কোন অনাচার করে নি! শুধু শুধু পতিত হয়ে থাকতে হবে কেন তাঁকে?

গ্রামকর্তারা মাথা চুলকে হেঁ হেঁ করতে লাগলেন, স্পষ্ট কিছু বলতে পারলেন না। কারণ ছোঁড়াটা নাকি রাজবত্তি গোবিন্দ গুপ্তর সমস্ত বিত্তে আর সমস্ত টাকা হাতিয়ে নিয়ে এসেছে!

তা ছাড়া ছোঁড়ার হাতটাও দরাজ।

শোনা যাচ্ছে শীগগিরই পুষ্করিণী প্রতিষ্ঠা করবে।

কর্তাদের হেঁ হেঁ করার অবসরে রামকালী নিজের বক্তব্য ব্যক্ত করল, “দেখুন আমার গুরুর ওষুধ ডেকে কথা কয়। আমি তাঁর কিছু কিঞ্চিৎ আশীর্বাদও তো পেয়েছি? সে বিত্তে, আমার জন্মভূমির, আমার পাড়াপড়শীর, আমার জ্ঞাতিগোস্তরের কাজে লাগুক এই আমি চাই। তবে যদি আপনারা তা না চান, তা হলে আবার আমাকে গ্রামের বাস উঠিয়ে চলে যেতে হবে।”

এবার গ্রামকর্তারা হাঁ হাঁ করে উঠলেন। সত্যিই তো, কথাটা তো উড়িয়ে দেবার নয়! সকলেরই একদিন না একদিন ‘নিদেনকাল’ আছে।

ওদের “হাঁ-হাঁ”র অবসরে রামকালী বললে, এই যে একটি পুষ্কর কাঁটারবার ইচ্ছে হয়েছে, সেই উপলক্ষ্যে একদিন ‘গ্রাম-ভোজন’ দেব আশা করে বসে আছি, সে আশা তা হলে পূরণ করে না।”

এঁরা আবার বিধাশূন্য হয়ে ‘সে কি ? সে কি ?’ করে উঠলেন।

আর ইত্যবসরে কেলু বাঁড়ুঘো এক চাল চেলে বসলেন। কি এক সংস্কৃত শ্লোক আঁউড়ে বললেন হেসে হেসে, “জানো তো, উপযুক্ত বয়সে বিবাহ-সংস্কার না হলে কতটা যেমন অরক্ষণীয় হয়, পুরুষও তেমনি পতিত হয়।”

রামকালী মাথা নীচু করে বলল, “বয়স প্রায় ত্রিশ পার হতে চলল, এ বয়সে কে আমাকে কন্যাদান করবে ?”

কেলু বাঁড়ুঘো বীরদর্পে বলে উঠলেন, “আমি করব! এতে আমার ভায়ারা আমাকে জাতে ঠেলেন তো ঠেলুন।”

কেলু বাঁড়ুঘোকে জাতে ঠেলা!

জাতের যিনি মাথা!

“হাঁ-হাঁ”র শ্রোত বহিতে লাগল সভায়।

আর কেলুর চালাকি দেখে মনে মনে সবাই নিজেদের গালে মুখে চড়াতে লাগল। মেয়ে আর কার ঘরে নেই?

এরই কিছু দিন পরে কেলু বাঁড়ুঘোর ন বছরের মেয়ে ‘ভুবি’ বা ভুবনেশ্বরীর সঙ্গে বিয়ে হয়ে গেল রামকালীর।

বহুদিন এত ঘটনার বিয়ে হয় নি গ্রামে।

কারণ রামকালী নাকি নিজে পাঁচ-পাঁচ শ টাকা লুকিয়ে ওর মা দীনতারিণীর হাতে গুঁজে দিয়েছিল ঘট। করতে।

এই বেহায়ামিটা যথেষ্ট নিন্দনীয় সন্দেহ নেই, কিন্তু ঘটার ‘মাছ মোড়া’গুলো! অনিন্দনীয় ছিল।

অতএব রামকালী পুনশ্চ সমাজে প্রতিষ্ঠিত হয়ে গেল! অহুমতি পেল বাড়ির মধ্যে গিয়ে খাবার শোবার!

যাক, তার পরও তো কাটল কতকাল।

সেই ‘ভুবি’ বড় হল, ঘর-বসত হল, পনেরো ষোলো বছরের ‘ভরা-নদী’ হল। তার পর তো সত্যবতী!

বুড়ো বয়সের প্রথম সন্তান বলেই হয়তো বাপের কাছে কিছু প্রশ্ন আছে সত্যবতীর!

তিন

দীনতারিণী নিরামিষ ঘরে রান্না করছিলেন, সত্যবতী দাওয়ার নিচেত 'ছাঁচতলা'য় এসে দাঁড়াল। উঁচু পোতার ঘর। দাওয়ার কিনারাটা সত্যবতীর নাকের কাছাকাছি, পায়ের বুড়ো আঙুলের ওপর সমস্ত দেহভারটা দিয়ে ডিড়ি মেরে গলা বাড়িয়ে সত্যবতী তার স্বভাবসিদ্ধ মাজাগলার ডাক দিল, "অ ঠাকুমা, ঠাকুমা!"

নিরামিষ হেঁসেলের দাওয়ায় ওঠবার অধিকার সত্যবতীর কেন, বাড়ির কারোরই নেই, কেবলমাত্র যাঁরা নিরামিষে অধিকারী তাঁদেরই আছে। মেটে দাওয়ার একপেশে কোণটা থেকে খাঁজ কেটে কেটে সিঁড়ি বানানো হয়েছে, আর সে সিঁড়ি থেকে পায়ে পায়ে এগিয়ে যাওয়া পথ হয়েছে একেবারে 'ঘাট' বরাবর। দীনতারিণী, দীনতারিণীর সেজজা শিবজায়ী, দীনতারিণীর দুই ননদ কানীশ্বরী আর মোক্ষদা, মাত্র এঁরাই এই পথে পদক্ষেপের অধিকারিণী। ঘড়া নিয়ে ঘাটে যান, এবং স্নান সেরে ঘড়া ভরে ভিজ়ে কাপড়ে পায়ে পায়ে এসে একেবারে ওই সিঁড়ি কটি দিয়ে স্বর্গে উঠে পড়েন। ওই রান্নাঘরের দেওয়ালেই তাঁদের কাচাকাপড় শুকোয়, কারণ রাত্রে তো আর এ ঘরে রান্নার পাট নেই। ঘর নিকোনোর কাজেও কিছু আর অছুৎরা কেউ এসে ঢুকবে না। সে কাজ মোক্ষদার। এঁটোসকড়ির ব্যাপারে মোক্ষদা বোধ করি স্বয়ং ভগবানকেও সম্পূর্ণ বিশ্বাস করতে পারেন না। কাজেই সে কাজ নিজের হাতে রাখেন। তা ছাড়া মোক্ষদাই বয়সে সব চেয়ে ছোট, অত্যাশ্রয়ী সকলেই তাঁর গুরুজন, অতএব সকলের খাওয়ার শেষে তাঁরই 'ডিউটি'।

রান্নার দায়িত্ব দীনতারিণীর, মোক্ষদার উপর সে রান্নার বিশুদ্ধতা রক্ষার দায়িত্ব। বাকী দু'জন 'যোগাড়ে'। তা অবিশ্রি যোগাড়ের কাজটাও কম না। প্রয়োজনটা চারজনের হলেও আয়োজনটা অন্ততঃ দশজনের যত হয়।

কিন্তু ওসব কথা থাক।

আসলে ছেলপুলের এ উঠোনে পা দেবারও হকুম নেই, কিন্তু সত্যবতীকে কেউ এঁটে উঠতে পারে না। ও যখন-তখন এই দাওয়ার নিচে থেকে নাক বাড়িয়ে হাঁক পাড়ে, "অ ঠাকুমা", অথবা "অ পিসঠাকুমা!"

দীনতারিণী ওর গলা পেয়েই নিজের গলাটা বাড়িয়ে দরজা দিয়ে উঁকি

মেয়ে বলেন, “এই মলো যা, এ ছুঁড়ি কী দস্তি গো! আবার এসেছিস? বেরো বেরো, ছোট ঠাকুরঝি দেখতে পেলে আর রক্ষে রাখবে না।”

সত্যবতী ঠোট উন্টে বলে, “ছোটঠাকুর কথার বাদ দাও। তুমি শোন না একটু।”

সত্যবতী দীনতারিণীর ‘উপায়ী’ ছেলের মেয়ে; তা’ছাড়া সত্যর বিয়ে হয়ে গেছে, কাজেই খুব ‘দূর-ছাইটা’ ওর কপালে জোটে না। তাই ওর আবদারে অগত্যা দীনতারিণী একটু ডিডি মেয়ে দাওয়ায় এসে দাঁড়ালেন। ইশারায় বললেন, “কি চাই?”

সত্যবতী পিঠের দিকে গোটানো হাতটা ঘুরিয়ে একখানা ছোট মাপের কচি মানপাতা মেলে ধরে চুপি চুপি বলে, “একটা জিনিস দাও না।”

“এই মরেছে, এখন আবার জিনিস কি রে? এখন কি কিছু রান্না হয়েছে? আর হলেও তোরা সেজঠাকুর ‘গোপালে’র ভোগের আগ্ আগে দিয়েছি, টের পেলে কুলুক্ষেত্তর করবে না?”

“আগ্ চাই নি, আগ্ চাই নি, ভাল মন্দ রেঁধে নিজেরাই খেয়ো বাবা, আমাদের এক মুঠো পাস্তাভাত দাও দিকি।”

“পাস্তাভাত!”

দীনতারিণী আকাশ থেকে পড়লেন। আর সঙ্গে সঙ্গে যেন পাভাল ফুঁড়ে উঠলেন মোক্ষদা। পরনে সপসপে ভিজ়ে থান, কাঁখে ভরস্ক কলসী।

এইটা বোধ করি মোক্ষদার তৃতীয় দফা স্নান।

যে কোন কারণেই হোক, চাল ধুতে কি শাক ধুতে ঘাটে গেলেই মোক্ষদা একবার সবস্ত্র স্নান সেয়ে নেন। দাওয়ার পৈঠে দিয়ে কখন যে উঠে এসেছেন, ঠাকুরা নাতনী কারো চোখে পড়ে নি, চোখ পড়লো একেবারে সশরীরিণীর উপর।

দীনতারিণী অপ্রতিভের একশেষ, সত্যবতী বিরক্ত।

আর মোক্ষদা?

তিনি হাতেনাতে চোর ধরে ফেলা ডিটেকটিভের মতই উল্লসিত।

“আবার তুই এখানে?” খনখনে গলায় প্রশ্ন করেন মোক্ষদা।

সত্যবতী ঈষৎ আমতা আমতা করে বলে, “বা: রে, আমি কি তোমাদের দাওয়ায় উঠেছি?”

“দাওয়ায় উঠিস নি, বলি সত্যিক রাস্তা মাড়িয়ে এসে সেই পায়ে ওই উঠোনে তো পা দিয়েছিল? তুলসী গাছে জল দিতে উঠোনে নামতে হবে না আমাদের?”

সত্যবতী গৌজ গৌজ করে বলে, “নাববার সময় তো দশঘড়া জল না চেলে নাবো না, তবে আবার অত কি?”

“মুখে মুখে চোপা করিসনে সত্য, অব্যাস ভাল কর,” মোক্ষদা ঘড়াটাকে হুম্ করে রান্নাঘরের চৌকাঠের ওপিঠে বসিয়ে আঁচল নিংড়ে নিংড়ে পায়ের কাদা ধুতে ধুতে বলেন, “বাপের সোহাগে সোহাগে যে একেবারে ধিক্বী পদ পেয়ে বসে আছিস, বলি স্বশ্রম করতে হবে না? পরের বাড়ি যেতে হবে না? আর ক’দিন ধিক্বী নাচ নেচে বেড়াবি? মেরে কেটে আর দুটো-চারটে বছর, তা’পর গলায় রশ্মি দিবে টেনে নিয়ে যাবে না? ওখন করবি কি?”

প্রতিকথায় এই ‘পরের ঘরে’ যাওয়ার বিতীষিকা দেখিয়ে দেখিয়ে জ্বল করার চেষ্টাটা দু-চক্ষের বিষ সত্যবতীর। বরং তাকে ওরা ধরে ছা মাঝক, সহ্য হবে। কিন্তু ওই পরের ঘরের খোঁটা সয় না। অথচ ওইটাই যেন এদের প্রধান ব্রহ্মাস্ত্র। সত্যবতী তাই বিরক্তভাবে বলে, “করবো আবার কি!”

“কি আর করবি? উঠতে বসতে শাউড়ীর চোনা খাবি। ওই পটলা ঘোষালের ভাইপো-বৌটার মতন চোনা খেতে খেতে গালে কালসিটে পড়ে যাবে।”

সত্যবতী বয়েস-ছাড়া ভঙ্গীতে ঝঙ্কার দিয়ে বলে ওঠে, “ছিষ্টি সংসারের লোক তো আর পটলকাকার ভেজের মতন দজ্জাল নয়!

“ওমা ওমা, শোন কথা মেয়ের,” মোক্ষদা হন্তেলের রং নিটোল টাইট হাত দু’খানা নেড়ে বললেন, “তা বলবি বৈকি! বো’র দোষ হলো না, দোষ হলো শাউড়ীর! অবাধ্য চোপাবাজ বৌকে কি করবে শুনি? টাটে বসিয়ে ফুল-চন্ন দিয়ে পূজো করবে?”

“আহা, পূজো করা ছাড়া আর কথা নেই যেন! একটু ভাল চোখে চাইতে পারে না? দুটো মিষ্টি কথা বলতে পারে না?”

“ও মাগো!” মোক্ষদা খনখনে গলায় হেসে উঠে বলেন, “ভেতরে ভেতরে মেয়ে পাকার খাড়ি হয়েছেন! দেখবো লো দেখবো তোর শাউড়ী কি মধু-

ঢালা কথা কইবে! কত সোনার চক্ষে দেখবে।...সে যাক, বলি পাস্তাভাতের কথা কি বলছিলি?”

এতক্ষণ চুপ ছিলেন, এবারে দীনতারিণী হাসেন।

হেসে কেলেন বলেন, “ও আমার কাছে এসেছে পাস্তাভাত চাইতে।”

“পাস্তাভাত চাইতে এসেছে!” মোক্ষদা সহসা যেন কেটে পড়েন, “আমাদের হৈসেলে পাস্তো চাইছে, আর তুমি সেই শুনে গা পাতলা করে হাসছ নতুন মেজবো? আর কত আহ্লাদ দেবে নাটনীকে? পরকাল যে ঝরঝরে হয়ে যাচ্ছে। বলি শ্বশুরবাড়ি গিয়ে যদি বিধবার হৈসেল থেকে দুটো পাস্তো চেয়ে বসে, তারা বলবে কি? একথা ভাববে না যে, আমরা বুঝি গপ্ গপ্ করে বাসিহাঁড়ির ভাতগুলো গিলি! বলো বলবে কি না।”

“তাই কখনো কেউ বলে ছোট্টাকুরঝি?” দীনতারিণী কথাটা হাল্কা করতে একটু কষ্টহাসি হেসে বলেন, “ছেলে-বুদ্ধি অজ্ঞানে কী না বলে!”

“ছেলে-বুদ্ধি! ও মা লো! সোয়ামীর ঘর করতে পাঠালে ও এখন ছেলের মা হতে পারে, বুঝলে নতুন মেজবো!” মোক্ষদা কাঁধ থেকে গামছাখানা নিয়ে জোরে জোরে ঝাড়তে ঝাড়তে বলেন, “মেয়ের বাকি-বুলি শোন না তো কান দিয়ে! মোহাগেই অন্ধ। এই তোকে সাবধান করে দিচ্ছি সত্য, খবরদার পাঁচজনের সামনে এমনি বেকাঁস কথা বলে বসবি না। পাড়াপড়নী উলুনমুখীরা তো মজা দেখতেই আছে, এমন কথাটা শুনলে ঠিক বলবে আমরা বাসি হাঁড়িতে খাই।”

হঠাৎ হি-হি করে হেসে ওঠে সত্যবতী, হেসে বলে, “লোকে বললেই বা! বললে কি তোমার গায়ে কোন্স্কা পড়বে?”

মোক্ষদা নেহাৎ মেয়েটাকে ছুঁতে পারবেন না, তাই নিজের গালেই একটা চড় মেরে বলেন, “শুনলে? শুনলে নতুন মেজবো, তোমার নাটনীর আসপদার কথা! বলে কি না ‘লোকে বললেই বা!’ ডাক্ শাস্ত্রের কথা, ‘যাকে বললো ছি, তার রইলো কি?’ আর বলে কি না—”

সেরেছে!

দীনতারিণী ভাবেন মোক্ষদা একবার মুখ ধরলে তো আর রক্ষে নেই! দুর্দান্ত স্বাস্থ্য মোক্ষদার, দুর্দান্ত ক্ষিদে-তেষ্ঠা, সেই খিদে-তেষ্ঠা চেপে রেখে তিন পহর বেলায় জল খায়, বেলা গড়িয়ে অপরাহ্ন বেলায় ভাত, সকালের দিকে

শরীরের মধ্যে ওর খাঁ খাঁ বাঁ বাঁ করতে থাকে। তাই কথার চোটে থরহরি করে ছাড়ে সবাইকে।

প্রসঙ্গটা তাই তাড়াতাড়ি পরিবর্তন করেন দীনতারিণী, “হ্যাঁ লা সত্য, সকাল বেলা জলপান খাস নি? অসময়ে এখন পাস্তাভাতের খোঁজ?”

“আহা কী বুদ্ধির ছিরি!” সত্য বেঁজে ওঠে, “আমিই যেন থাকো! কেঁচো আর পাস্তাভাত দিয়ে টোপ্ ফেলবো।”

“কী করবি?” দীনতারিণীর আগেই মোক্ষদা দুই চোখ কপালে তোলেন, “কী করবি?”

“টোপ ফেলবো, টোপ। মাছের টোপ। পেয়েছ শুনতে? নেড়ু আমার কঞ্চি চেষ্টে খু—ব ভালো একটা ছিপ্ করে দিয়েছে, খিড়িকির পুকুরে মাছ ধরবো!”

“সত্য!” মোক্ষদা যেন ছিটপিটিয়ে ওঠেন, “ছিপ কলে মাছ ধরবি তুই? খুব নয় বাপসোহাগী আছিস, তাই বলে কি সাপের পাঁচ পা দেখেছিস? মেয়েমানুষ ছিপ কলে মাছ ধরবি?”

সত্য বাঁকড়া চুলে ভরা মাথাটা বাঁকিয়ে বলে, “আহা! ছোট্টাকুমার কী বাক্যির ছিরি। মেয়েমানুষ মাছ ধরে না? রাজা খুড়িমার ধরে না? ও বাড়ীর পিসিরা ধরে না?”

“আ মরণ মুখপোড়া মেয়ে! ওরা ছিপ কলে মাছ ধরে? ওরা তো গামছা ছাঁকা দিয়ে চুনোপুঁটি তোলে।”

“তাতে কি!” সত্য হাতের মানপাতাখানা দাওয়ার গায়ে আছড়াতে আছড়াতে বলে, “গামছা দিয়ে ধরলে দোষ হয় না, ছিপ দিয়ে ধরলেই দোষ? চুনোপুঁটি ধরলে দোষ হয় না, বড় মাছ ধরলেই দোষ? তোমাদের এসব দোষের শাস্তর কে লিখেছে গা!”

“সত্য!” দীনতারিণী কড়াগরে বলেন, “এক কোঁটা মেয়ে অত বাকি কেন লা? ঠিকই বলেছে ছোট্টাকুরঝি, পরের ঘরে গিয়ে হাড়ির হাল হবে এর পর।”

“বাবা! বাবা! ছোটো পাস্তা চাইতে এসে কী খোয়ার! যাচ্ছি আমি আঁশ হৈসেলের ওদের কাছে। যাবো কি! সেখানে তো আবার বড় জেঠি! গুলি ভাঁটার মতন চাউনি! খেদিদের বাড়ি থেকে নিলেই হত তার চেয়ে।”

“কী বললি! খেঁদীদের বাড়ি থেকে ভাত? কায়েত-বাড়ির ভাত নিয়ে ঘাঁটিবি তুই?”

“ঘেঁটেছি নাকি! বাবা: বাবা:! ফি হাত তোমাদের খালি দোষ, আর দোষ! আচ্ছা, যাচ্ছি আমি ও: হেঁসেলেই। কিন্তু যখন ইয়াবড় মাছ ধরবো, তখন দেখো!”

বলে সত্য আছড়ানোর চোটে চিরে চিরে যাওয়া মানপাতাটা হাত থেকে ছুঁড়ে ফেলে দিয়ে চলে যায় দাওয়ার কোণ-বরাবর ধরে ও মহলে।

সেখানে বিরাট এক কর্মযজ্ঞের কাণ্ড চলেছে অহরহ। দিন হু বেলায় দুশো আড়াইশো পাত পড়ে।

সেখানেও এমনিই উঁচু পোতার রান্নাঘর, তবে দাওয়ায় উঠতে তেমন বাধা নেই। বেপরোয়া উঠে গেল সত্য। আর এদিক ওদিক তাকিয়ে দাওয়ার কোণ থেকে একখানা খালি নারকেলের মালা কুড়িয়ে নিয়ে রন্ধনশালার দরজার সামনে এসে দাঁড়িয়ে সাহসে ভর করে ড'কল, “বড় জেঠি!”

চার

সারাদিন গুমোটের পর হঠাৎ এক চিলতে ঠাণ্ডা হাওয়া উঠল। গা জুড়িয়ে এল, কিন্তু প্রাণে জাগছে আতঙ্ক। সময়টা খারাপ, চৈত্রের শেষ। ঈশান-কোণে মেঘ জমেছে, তার কালো ছায়া আধখানা আকাশকে যেন ঘোমটা পরিয়ে দিল। যেন একটা দরস্ত দৈত্য হঠাৎ পৃথিবীর ওপর বাঁপিয়ে পড়বার আগের মুহূর্তে পায়তাদা কষছে।

মাঠে ঘাটে পথে পুকুরে যে যেখানে বাইরে ছিল, তারা ঘন ঘন আকাশের দিকে তাকাতে তাকাতে হাতের কাজ চটপট সারতে শুরু করল।

আর বাতাসে বাতাসে ভরক তুলে গ্রামের এ প্রান্ত থেকে ও প্রান্ত অবধি ছড়িয়ে পড়ল একখানা একটা সাহুনাসিক স্বরের ধূয়ো। সে স্বর

ধাপে ধাপে চড়ছে, মাঝে মাঝে খাদে নামছে। তার ভাষাটা এই—“বুদী
আঁ—য়! সুন্দরী আঁ—য়! মৃগী আঁ—য়! নক্ষী আঁ—য়!”

ঝড়ের আশঙ্কায় গৃহপালিত অবোলা জীবগুলিকে গোচারণ ভূমি থেকে
গোহালে ফেরবার আহ্বান জানানো হচ্ছে।

সত্যবতী জানে না ঝড়ের আগের মুহূর্তে কিংবা সন্ধ্যার আগে গরুগুলোকে
যখন ডাক দেওয়া হয়, অমন নাকি নাকি সুরে ডাকা হয় কেন। ও জানে
এই নিয়ম। অবিশ্রি যারা ডাকে, তারা নিজেরাই বা আট বছরের সত্যবতীর
চাইতে বেশী কী জানে? তারাও জানানাবধি দেখে আসছে গরুকে সাঁঝ-সন্ধ্যায়
ঘরে ফিরিয়ে আনবার সময় আকাশ-বাতাস কাঁপিয়ে যে আহ্বানটা
জানানো হয়, সেটার সুর সাহুনাসিক। কে জানে কোনকালে কোন
‘বরপ্রাপ্ত’ গরু মাহুঘের ভাষা শিখে ফেলে, মাহুঘের কাছে তার পছন্দ-
অপছন্দ নমুনাটা জানিয়েছে কিনা। বলেছে কিনা “এই সাহুনাসিক স্বরটাই
আমার রুচিকর।”

সাপাততঃ দেখা যাচ্ছে ওই অবোলা জীবগুলি এই এ প্রান্ত ও প্রান্ত
ধুয়োতে সচকিত হয়ে দ্রুতগতিতে গোহালমুখী হচ্ছে। তারাও গলা তুলে
আকাশটাকে দেখে নিচ্ছে একবার একবার।

সত্যবতী একটা সংবাদ বহন করে দ্রুতগতিতে বাঁড়ুয়ো-পাড়া থেকে বাড়ির
দিকে আসছিল, তবু আশেপাশে ধুয়ো শুনে অভ্যাসবশে গলার সুর চড়িয়ে
হাঁক পাড়ল, “শামলী আঁ—য়! ধবলী আঁ—য়।”

আমবাগানের ওদিক দিয়ে রামকালী কিরছিলেন রায়পাড়া থেকে পায়ে
হেঁটে।

পালকিটি ধার দিয়ে আসতে হয়েছে রায়পাড়ায়।

গ্রাম-বৃদ্ধ রায়মশায়ের অবস্থা খারাপ, খবর পেয়ে নাড়ী দেখতে গিয়েছিলেন
রামকালী। নাড়ীর অবস্থা দেখে গঙ্গাযাত্রার ব্যবস্থা দিলেন, আর ব্যবস্থা
দিয়েই পড়লেন বিপাকে।

রায়মশায়ের ছেলেরা দুজনেই গত হয়েছে, আছে তিন নাতি, কিন্তু
তাদের এমন সঙ্গতি নেই যে পালকিভাড়া দিয়ে আর চারটে বেহারাকে
মজুরি জলপানি দিয়ে ঠাকুরদার গঙ্গাযাত্রা করাবে! অথচ অমন নিষ্ঠাবান
সদাচারী প্রাচীন মাহুঘটা ঘরে পড়ে মরবে? এটাই বা চোখে দেখে সহ্য
করা যায় কি করে? আর গেলে ত্রিবেণীর গঙ্গাই উত্তম। ‘গঙ্গাযাত্রা’র

ঘোষণা শুনেই রায়মশাইয়ের নাতিরা যেই মুখ চাওয়া-চাওয়ি করল, সঙ্গে সঙ্গেই বলতে হল রামকালীকে, “পাল্কির জন্তে চিন্তা ক’রো না, আমার পাল্কিতেই যাবেন রায়-কাকা।”

নাতিরা অশ্রুটে একবার বলল, “আপনাকে রোগী দেখতে দূরে দূরে যেতে হয়, পাল্কিটা দিলে—”

রামকালী গম্ভীর হাশ্বে বললেন, “তবে নয় ঠাকুরদাকে কাঁধে করেই নিয়ে যাও। তিন নাতি রয়েছে উপযুক্ত।”

বয়োজ্যেষ্ঠের পরিহাস বাক্যে হেসে ফেলবে এমন বেয়াদবির কথা অবশ্য ভাবাই যায় না, কাজে কাজেই তিনজনে ঘাড় চুলকোতে লাগল। আর ওরই মধ্যে যে বড়, সে সাহসে ভর করে বলল, “ভাবছিলাম গো-গাড়ি করে—”

“ভাবাটা খুব উচিত হয় নি বাপু!” রামকালী বলেন, “গো-গাড়ি চড়িয়ে নিয়ে গেলে ওই বিরেনবরই বছরের জার্ণ খাঁচাখানা কি আর প্রাণপাখি-সমেত গঙ্গা পর্যন্ত পৌঁছবে? পাখি খাঁচাছাড়া হয়ে উড়ে যাবে। আমিও ঠুঁর সম্ভানতুল্য বাপু, তোমাদের সঙ্গে চকরবার কিছু নেই। তা ছাড়া চটপট ব্যবস্থার দরকার, কখন কি হয় বলা যায় না।”

রায়মশাইয়ের ঘোলাটে চোখ দুটো থেকে দু ফোঁটা জল গড়িয়ে পড়ল। তিনি শিরাবহল শীর্ণ ডান হাতখানা আশীর্বাদের ভঙ্গীতে তুলে বললেন, “জয়ন্তু।”

বাইরে এসে রামকালী পাল্কিবেহারী কটাকে নির্দেশ দিলেন, “পাল্কিটা আর মিথ্যে বয়ে নিয়ে যাবি কেন, ওটা এখানেই থাক, তোরা বাড়ি গিয়ে থেয়েদেয়ে নে গে। শেষরাতে উঠে চলে আসবি। আর দেখ, বাড়ি থেকে কালকের সারাদিনের যতন জলপান নিয়ে আসবি বুঝলি? আর শোন তোরা এখন এখানে কিছু কাজ-কর্মের প্রয়োজন আছে কি না দেখ। আমি বাড়ি ফিরছি।”

জোর পায়েই ফিরছিলেন রামকালী, কারণ বেরিয়েই দেখেছিলেন ঈশান কোণে মেঘ। পাল্কি চড়ে রুগী দেখতে যান বলে যে রামকালী হাঁটতে অনভ্যস্ত, তা নয়। প্রতিদিন ব্রাহ্মমুহুর্তে উঠে, প্রাতঃকৃত্য সেরে ক্রোশ দুই হেঁটে আসা তাঁর নিত্য-কর্মের প্রথম কর্ম। তবে ইঁা, ষোগীর বাড়ি যাওয়ার কথা আলাদা, সেখানে মান-মর্যাদার প্রশ্ন।

পথ সংক্ষেপের জন্ত বাগানের পথ ধরেছিলেন, কিন্তু আমবাগানের কাছ

বরাবর আসতেই বরাপাতা আর ধুলোর ঝড় উঠল। রামকালী তাড়াতাড়ি বাগানের মাঝামাঝি থেকে বেরিয়ে কিনারায় এলেন, আর আসতে না আসতেই থমকে দাঁড়িয়ে পড়লেন। গলা কার ?

সত্যর না ?

হ্যাঁ, সত্যরই তো মনে হচ্ছে।

যদিও বাড়ির সোঁ। সোঁ। শব্দের বিপরীতে শব্দটা হওয়ায় বুঝতে সামান্য সময় লেগেছিল, কিন্তু সে সামান্যই। তা ছাড়া গরু দুটোর নামও পরিচিত। - শ্রামলী ধবলী রামকালীর বাড়িরই গরু। গরু অবিচ্ছিন্ন চাটুয্যেদের এক-গোহাল আছে, কিন্তু এই গরু দুটি বিশেষ সুলক্ষণযুক্ত বলে রামকালীর বড়ই প্রিয়। সময় পেলেই রামকালী নিজে হাতে ওদের মুখে ঘাস ধরে দেন, গায়ে হাত বুলায়। বাড়ির কুমারী মেয়েরা শ্রামলী ধবলীকে নিয়েই “গোকাল ব্রত” করে, আর মোক্ষদা ওদের কাছ থেকে সংগৃহীত গোময় দ্বারাই সম্যক বিপুলতা রক্ষা করে চলে।

কান খাড়া করে ধনির মূল উৎসের দিকটা অনুমান করে নিলেন রামকালী, তার পর দ্রুতপায়ে এগিয়ে গিয়ে ধরে কেললেন কত্থাকে। সত্যবতী তখন ধুলোর আটোটে থেকে চোখ রক্ষা করতে আঁচলের কোণটা ছ' হাতে মুখের সামনে তুলে ধরে ছুটছিল।

“যাচ্ছিস কোথায় ?”

জলদগন্তীর স্বরে হাঁক পাড়লেন রামকালী।

সত্যবতী চমকে মুখের ঢাকা খুলে থ।

যদিও সকলেই সত্যবতীকে ‘বাপ-সোহাগী’ আখ্যা দেয় এবং সত্যিই সত্যবতী রামকালীর বিশেষ আদরিণী,—তা ছাড়া পরমন্ত মেয়ে বলে রামকালী মনে মনে বেশ একটু সমীহও করেন তাকে, তাই বলে সামনাসামনি যে কোন আদর-আদিপোতার পাট আছে তা নয়। কাজেই বাবার গলা শুনেই সত্যবতীর ‘হয়ে গেছে।’

রামকালী আর একবার প্রশ্ন করেন, “এমন সময় একা গিয়েছিলি কোথায় ?”

সত্যবতী ক্ষীণ কণ্ঠে বলে, “সেজপিসীর বাড়ি।”

সত্যবতী যাকে সেজপিসী আখ্যা দিল, তিনি হচ্ছেন রামকালীর খুড়তুতো বোন, এ গ্রামেই খণ্ডরবাড়ি। এ গ্রামেই বাস।

রামকালী ভুরু কুঁচকে বলেন, “অত দূরে আবার একা একা যাবার দরকার কি ? সঙ্গে কেউ নেই কেন ?”

এই, এই জন্তেই সত্যবতীর ‘বাপসোহাগী’ আখ্যা ।

চড় নয়, চাপড় নয়, নিদেন একটা কানমলাও নয়। শুধু একটু কৈফিয়ত তলব ।

সত্যবতী এবার সাহস পেয়ে বলে, “না একা কেন, পুণ্যিপিনী আর নেড়ু ছিল সঙ্গে। তারপর আমি এই তোমাকে ডাকতে ছুটে ছুটে আসছি।”

“আমাকে ডাকতে ছুটে ছুটে আসছিস ?” রামকালী ভুরু কুঁচকে বলেন, “কেন ? আমায় কি দরকার ?”

সত্যবতী এবার পূর্ণ সাহসে ভর করে সোৎসাহে বলে, “জটাদার বৌ যে মর-মর। নাড়ি ছেড়ে গেছে। তাই সেজপিসী কঁদে বসল, ‘যা সত্য এক বার মেজদাকে ডেকে নিয়ে আয়, যেখানে পাস।’ তা আমি রায়পাড়া গিয়ে শুনলাম তুমি এইমাত্র চলে এসেছ।”

“আবার রায়পাড়াও গিছিল ? নাঃ বিপদ করলে দেখছি। জটার বৌয়ের আবার হঠাৎ কি হল যে নাড়ী ছেড়ে যাচ্ছে ?”

“যাচ্ছে কি বাবা”, সত্য আরও উৎসাহ সহকারে বলে, “গেছে ! সেজপিসী চোঁচাচ্ছে, বুক চাপড়াচ্ছে, আর বালিশ বিছানা সরিয়ে নিচ্ছে।”

“আঃ, কী যে বলে ! চল দেখি গো।” রামকালী বলেন, “ঝড় উঠে পড়ল এখনি বিষ্টি আসবে, কী মুশকিল ! হয়েছিল কি ?”

“কিছু নয়। সেজপিসী বললে, রান্নাবান্না সেরে যেই খেতে বসেছে জটাদার বৌ, আর অমনি জটাদা পান চেয়েছে। জটাদার বৌ বলেছে ‘পান ফুরিয়ে গেছে’, বাস, বাবু মহারাজের রাগ হয়ে গেছে। দিয়েছেন ঠাই ঠাই করে পিঠের ওপর লাথি। আর অমনি জটা বৌঠান কঁাসিতে মুখ খুবড়ে—” হঠাৎ থুক থুক করে হেসে ওঠে সত্যবতী।

“হাসছিস যে ?”

ধমকে উঠলেন রামকালী। বিরক্তও হলেন। কী অসভ্য হচ্ছে মেয়েটা ! হাসির কি সময় অসময় নেই ? বললেন, “মাছুষ মরছে দেখে হাসতে হয় ? এই শিক্কা-দীক্কা হচ্ছে ?”

সত্যবতী নিতান্তই হেসে ফেলেছিল, এখন বাপের ধমকে সামলে নিয়ে মুখটা শ্লান করবার চেষ্টা করে বলে, “সেজপিসী বলছিল, যেই না ধাক্কা

খাওয়া অমনি কুমড়ো গড়াগড়ি হয়ে দাওয়া থেকে উঠোনে পড়ে গেল।”
কষ্টে হাসি চেপে ফের বলে সত্যবতী, “জটাদার বৌ অনেক ভাত খায় না
বাবা? তাই অত মোটা?”

“আঃ!” বলে বিরক্তি প্রকাশ করে তাড়াতাড়ি এগোতে থাকেন
রামকালী।

সত্যবতীও হাঁটায় কিছু কম দড় নয়। বাপের সঙ্গে সমানই এগোতে থাকে।

রামকালীর জটার বোয়ের জন্তু সহানুভূতিতে যতটা না হোক, জটার
বাবহারে মনে মনে অত্যন্ত বিরক্তি বোধ করেন। হতভাগা বামুনের-ঘরের
গরু, পেটে ‘ক’ অক্ষরের আঁচড় নেই, গাঁজা-গুলি সবচেয়েই ওস্তাদ। আবার
বংশছাড়া বিচ্ছেদ হয়েছে, বৌ-ঠেড়ানো! ‘জটা’ ‘ফটা’র বাপ তো অমন ছিল
না! বরং রামকালীর গুণবতী বোনই লোকটাকে সারাজীবন জালিয়ে-
পুড়িয়ে খেয়েছেন।

কে জানে কী ভাবে বেটুকের লেগেছে, সত্যিই যদি মরে-টরে যায়, দস্তুরমত
ফাসাদে পড়তে হবে।

সত্যবতীর কথা ভুলে গিয়ে আরও জোরে পা চালান রামকালী। সত্যবতী
এবার দৌড়তে শুরু করে। হেরে যাবে না সে।

চোখ কপালে উঠে স্থির হয়ে গেছে, মুখে ফেনা ভেঙে সে কেনা শুকিয়ে
উঠেছে। হাত পা ঠাণ্ডা পাথর।

সন্দেহ আর নেই, সমস্ত লক্ষণই স্পষ্ট। তুলসীতলার শুইয়ে দেওয়া হয়েছে
ইতিমধ্যেই। অবশ্য কষ্ট করে আর ঘর থেকে বয়ে আনতে হয় নি, লাথি খেয়ে
গড়িয়ে তো উঠোনেই পড়েছিল তুলসীতলার কাছ বরাবর। দণ্ড খানেকের
মধ্যেই বেতারবার্তার সারা পাড়ায় সংবাদ রটে গেছে, এবং পাড়া বৌটিয়ে
মহিলারূপ এসে জড়ো হয়েছেন, আসন্ন ঝড়ের আশঙ্কা তুচ্ছ করে।

ব্যাপারটা তো কম রংদার নয়, দৈনন্দিন বৈচিত্র্যশূন্য জীবননাট্যের মধ্যে
এমন একটা জোরাগো দৃশ্য দর্শনের সৌভাগ্য জীবনে কবার আসে?

প্রথমে সমস্ত জনতার মধ্যে উঠল একটা চাপা উত্তেজনার আলোড়ন, “জটা
নাকি বৌটাকে একেবারে শেষ করে ফেলেছে?” তার পর ‘হায় হায়’।
জটা সম্পর্কে মন্তব্যগুলিও এখন আর জটার মার কান বাঁচিয়ে হচ্ছে না।

কারণ স্পষ্ট কথা বলে নেবার মত এ-হেন সুযোগই বা কার জীবনে কবার আসে ?

“সত্যি শেষ হয়ে গেছে ? ছি ছি ছি, কী খুনে দস্তি ছেলে গো !” ...“দস্তি সন্তান পেটে ধরেছিল মাগী ! আচ্ছা জটাটাই বা এত গোয়ার হল কোথা থেকে ? ওদের বাপ তো মহা ভালমানুষ ছিল !” ...“হল কোথেকে । তুমি আর জালিও না ঠাকুরঝি, বলি গর্তধারিণীটি কেমন ? এ হচ্ছে খোলার গুণ !” ...“আহা হাবা গোবা নিপাট ভালমানুষ বোঁটা, মা-বাপের বাছা, বেঘোরে প্রাণটা গেল !” এমন নানাবিধ আলোচনা চলতে থাকে । একটা মেয়েমানুষের জন্তে এর চাইতে আর কত বেশী দরদ আশা করা যায় ?

প্রতিবেশিনীদের আক্ষেপোক্তিগুলো নীরবে হজম করতে বাধ্য হচ্ছিলেন জটার মা, কারণ আজ তিনি বড়ই বেকায়দায় পড়ে গেছেন । তাই সমস্ত মন্তব্য চাপা পড়ে যায় এমন সুরে মড়াকান্নাটা জুড়ে দেন তিনি, বুক চাপড়ে চাপড়ে মর্মভেদী হৃদয়বিদারক ভাষায় ইনিয়ে বিনিয়ে ।

বাড়ির কাছাকাছি আসতে না আসতেই শুনতে পেলেন রামকালী খুঁড়তুতো ছোটবোনের সেই পাঞ্জরভাড়া শোকগাথা, “ওরে আমার ঘরের লক্ষ্মী ঘর ছেড়ে আজ কোথায় গেল রে ! ওরে সোনার পিতিমেকে বিসজ্জন দিয়ে আমি কোন্ প্রাণে ফের সংসার করব রে ? ওরে জটা, তোর যে নগরে না উঠতেই বাজারে আগুন লাগল রে !”

সত্যবতী বলে উঠল, “যাঃ, সর্বনাশ হয়ে গেল !”

দ্রুত পদক্ষেপটা হঠাৎ স্থিমিত হল, ভুরুটা একবার কুঁচকোলেন রামকালী । যাক, তা হলে হয়েই গেছে ! তবে আর তিনি গিয়ে কি করবেন ? এখন জটা হতভাগার কপালে কত দুর্গতি আছে কে জানে !

হঠাৎ ভয়ানক রকমের একটা চীৎকার উঠল, বোধ করি ফিনিশিং টাচ্ । “ওরে বাবারে, আমার কী সর্বনাশ হল রে ! কী রাঙের রাধা বোঁ এনেছিলাম রে !”

রামকালী পারে পারে এগোতে এগোতে সহসা দরজার কাছাকাছি এসেই ঘুরে দাঁড়িয়ে বললেন, “যাক, সত্যিই শেষ হয়ে গেছে তা হলে । সত্য তুই বাড়ি যা ।”

সত্যবতী কাঠ !

“বাড়ি! একলা?”

“কেন একলা কেন, নেড়ু আর পুণি এসেছিল বললি না?”

সত্যবতী ভয়ে ভয়ে বলে, “এসেছিল তো, আর কি এখন যাবে তারা?”

“যাবে না? যাবে না মানে? ওদের ঘাড় যাবে। দেখ কোথায় আছে। আমাকে তো আবার এদের এদিক দেখতে হবে।”

কৈকিয়ত দিয়ে কথা রামকালী কদাচ কাউকে বলেন না, কিন্তু সত্যর কাছে সামান্য একটু সহজ রামকালী।

সত্যবতী গুটি গুটি এগিয়ে একবার পিসীর উঠোনের ভিতর গিয়ে দাঁড়ায়, এদিক ওদিক তাকিয়ে নেড়ু পুণি কারও দেখা না পেয়ে ফিরে এসে স্নান মুখে বলে, “ওদের কাউকে দেখতে পাচ্ছি না।”

“কেন, গেল কোথায় সব?”

“কি জানি।” সত্য আস্তে আস্তে সাহসে ভর করে প্রাণের কথাটা বলে ফেলে, “বাবা, তুমি তো মরা বাঁচাতে পার?”

“মরা বাঁচাতে! দূর পাগলী!”

সত্য ভ্রিয়মাণ ভাবে বলে, “তবে যে লোকে বলে।”

“লোকে বলে? কি বলে?” অত্মমনস্ক ভাবে মেয়ের কথায় জবাব দিয়ে রামকালী এদিক ওদিক তাকাতে থাকেন যদি একটা বেটাছেলের মুখ চোখে পড়ে। এসে যখন পড়েছেন তিনি, দায়িত্ব এড়িয়ে চলে যেতে তো পারেন না। জটাদের তেমন বাঁশঝাড় না থাকে, রামকালীর বাগান থেকেই বাঁশ কেটে আনতে হুকুম দেবেন। কিন্তু কই? কে কোথায়? বাড়ির ভিতর থেকে সুর উঠেছে নানা রকম, বাইরেটা শূন্য স্তব্ধ!

ভালর মধ্যে আকাশটা হঠাৎ মেঘ উড়ে গিয়ে দিব্যি পরিষ্কার হয়ে উঠেছে, আর বোঝা যাচ্ছে সন্ধ্যার এখনো দেরি আছে।

হঠাৎ সত্যবতী একটা অসমসাহসিক কাণ্ড করে বসে, বাপের একখানা হাত দুহাতে চেপে ধরে রুদ্ধকণ্ঠে বলে ওঠে, “বলে যে কবরেজ মশাই মরা বাঁচাতে পারেন। দাঁও না বাবা একটুখানি ওষুধ জটাদার বৌকে।”

রামকালী এই অবোধ বিশ্বাসের সামনে খতমত খেয়ে সহসা কেমন অসহায় অনুভব করেন। তাই ধমকে গুঠার পরিবর্তে মাথা নেড়ে বলেন, “ভুল বলে যা! কিছুই পারি নে। মিথ্যে অহঙ্কারে কতকগুলো শেকড়-বাকড় নিয়ে নাড়ি, আর লোক ঠকাই।”

সত্যবতী এ কথার সুর ধরতে পারল না, পারার কথাও নয়, বুঝল এ হচ্ছে বাবার রাগের কথা। কিন্তু আপাতত সে মরীয়া। যা থাকে কপালে, বাবার হাতে যদি ঠেঙানি খাওয়া থাকে তাই থাকে, সত্য, কিন্তু সত্যবতীর চেষ্টায় জটাদার বোটা যদি বাঁচে! তাই চোখ-কান বুজে সে বাবার গায়ের চাদরের খুঁটটা টেনে বলে কেল, “তোমার পায়ে পড়ি বাবা, জন্মের শোধ একটু ওষুধ দাও না! আহা বিনি চিকিচ্ছেয় মারা যাবে জটাদার বো!”

মরার পর যে আর চিকিচ্ছে চলল না এ কথা আর মেয়ের কাছে ব্যাখ্যা করতে পারলেন না রামকালী। শুধু একটা নিশ্বাস কেল ফের ঘুরে দাঁড়িয়ে বললেন, “চল দেখি।”

জমজমাট নাটকের মধ্যখানে যেন হঠাৎ অঙ্গরের চাঁদোয়া ছিঁড়ে পড়ল।

কবরেজ মশাইয়ের গলা-খাঁকারি না?

হ্যাঁ, তাই বটে। বিশালকায় সুকান্তি পুরুষ দরজার সামনে দাঁড়িয়ে। সঙ্গে সঙ্গে সত্যর শানানো গলা বেজে উঠেছে, “বাবা বলছেন ভিড় ছাড়তে হবে।”

পাড়ার মহিলারা মাথার কাপড় টেনে চূপ করে গেলেন। শুধু জটা-জননী ডুকরে উঠলেন, “ও মেজদা গো, আমার জটা আজ লক্ষ্মীছাড়া হল গো!”

“থাম্!” যেন একটা বাঘ হুঙ্কার দিল, “তোমার জটা আবার লক্ষ্মীছাড়া না ছিল কবে? একেবারে শেষ করে ফেলেছে তো?”

ভিড় সরে গেছে, কবরেজ মশাই ভাগ্নে-বৌয়ের কাছে গিয়েও যতটা সম্ভব ছোঁওয়া বাঁচিয়ে হেঁট হয়ে দু'আঙুলে নাড়িটা টিপে ধরেন, আর মুহূর্তকাল পরেই চমকে ওঠেন।

যাক্, সব রং তামাশা ফক্কিকার!

শুধু নাটকের একটা দৃশ্যই জখম নয়, আগাগোড়া নাটকটাই খতম! ‘বহুব্রাহ্মণ্ডে লঘুক্ৰিয়া’র এহেন উদাহরণ আর কখনও কেউ দেখেছে না শুনেছে? জটীর বৌয়ের এই আচরণটা যেন ধাষ্ট্যমোর চরম, ক্ষমার অযোগ্য। ছি ছি, মেয়েমানুষের প্রাণ বলে, কি এমনই কাঠ-পরমাযু হতে হয় গা? তবে এ মেয়েমানুষের কপালে যে অশেষ দুঃখ তোলা আছে, তাতে আর কারও মতভেদ থাকে না। মরে গিয়ে তুলসীতলায় শুয়ে আবার চার দণ্ড পরে ঘরে

উঠে শোয়, ঢক ঢক করে এক বাটি গরম দুধ গেলে, এমন যেয়েমাহুয়ের খবর এর আগে এঁরা অস্বস্ত কেউ পান নি।

“ছি ছি, কী ঘেন্না! পুরুষের প্রাণ হলে আর ওই স্বর্ণসিঁদুরটুকু জিভে ঠেকিয়েই চোখ খুলতে হত না।”...“যাই বল জটার বোঁ খুর খেল্ দেখালো বটে!”...“এইবার শাণ্ডী মাগীর হাতে যা খোয়্যার হবে টের পাচ্ছি, মাগীর যা অপমান্তি হয়েছে আজ!”...“কিন্তু যাই বলো তুলসীতলা থেকে অমন ছুট করে ঘরে তোলাটা ঠিক হয় নি, একটা অঙ্গ প্রাচিতির-টাচিতির করা কোর্তব্য ছিল।”...“কে জানে বাবা, সত্যি বেঁচে ছিল না কোন অপদেবতার ভর করল! আমার তো কেমন সন্দ হচ্ছে।”...“থাম সেজ বোঁ, সাঁজ সন্ধ্যায় একা ঘাটে পথে যাই, ভাবলে গা ছম্ ছম্ করবে। কিন্তু চাউনিটা একটু কেমন কেমনই লাগল।”...“না না, ওসব কিছু না, কবরেজ মশাই তো বললেনই, আচমকা ধাক্কা খেয়ে ভিঁষি গেছল।”

“নে বাবা চল চল, ছিটি সংসারের কাজ পড়ে, নাইক পাঁচ দণ্ড সময় বুখা নষ্ট হল।”...“জটার মার আদিখ্যেতাটা দেখলি? যেন বোঁ মরে বুক একেবারে কেটে যাচ্ছিল!”...“দেখেছি! দেখতে আর বাকী কিছু নেই। বুক যদি কেটেছে তো বোঁ জীইয়ে ওঠায়! বড় আশায় ছাই পড়ল। ভাবছিল তো বেটা তার ‘ভাগ্যমান’ হল! আবার এখুনি তার বে দিয়ে, দানসামগ্রী গয়নাপস্তর ঘরে তুলবে!”

বাক্যের স্রোত আর থামে না।

ঘাটে পথে, আপন আপন বাড়ির চৌহদ্দির মধ্যে বাক্যের বৃন্দাবন বসে যায়। এত বড় একটা ঘটনাকে এত সহজে জুড়িয়ে ফেলতে হচ্ছে কারুরই হচ্ছে না; জটার মাকে ‘পেড়ে ফেলবার’ এত বড় সুবর্ণ-সুযোগটাও মাঠে মারা গেল। জটার বোয়ের উপর কিছুতেই আর প্রসন্ন হতে পারছেন না কেউ, বোঁটা যেন সবাইকে বড় রকমের একটা ঠকিয়েছে। জ্ঞাতি খুড়াশাণ্ডী খবর পেয়েই আঁচলের তলায় লুকিয়ে আলতা পাতা আর সিঁদুর গোলা এনেছিলেন, যাতে প্রথম সিঁদুর দেওয়ার বাহাছুরিটা তাঁরই হয়। সেগুলো এখন ঘাটে ভাসিয়ে এলেন। যতই হোক, মড়ার জন্তো আনা তো। তা রাগটা তাঁরই বেশী হচ্ছে জটার বউয়ের ওপর!

না, নাম কেউ জানে না, জানবার চেষ্টাও করে না ‘জটার বোঁ’ এই তার একমাত্র পরিচয়, এরপর শেষ পরিচয় হবে, ‘অমুকের মা।’ তবে আর নামে

দরকার কি? নামে দরকার নেই কিন্তু তার কথায় সকলেরই দরকার আছে। সেই দরকারী কথাগুলোর মধ্যে হঠাৎ জাতি খুড়শাশুড়ী বলে উঠলেন, “আমাদের বাপের বাড়ির দেশ হলে ও বৌকে আর ঘরে উঠতে হত না, ওই গোয়ালে কি ঢেঁকশেলে জীবন কাটাতে হত।”

হু-একজন মুখ চাওয়াচাওয়ি করলেন, ‘জীবন’ নিয়ে বিচারটা কেন?

খুড়শাশুড়ী ফের রায় দেন, “একে তো তুলসীতলায় বার করা, তা’পর আবার কত বড় অনাচার ভাব, মামাশ্বশুরের ছোঁয়াচ খাওয়া! কবরেজ মশাই যখন নির্ভরসায় নাড়ি টিপে ধরলেন, তখনই তো আমি ‘হাঁ’! অবিশ্রি উনি ভেবেছিলেন মরেট গেছে। আর মরে গেলে সংকারের আগে দেহশুদ্ধ তো একটা করতেই হত। কিন্তু এ যে একেবারে জলজ্যান্ত জীইয়ে উঠল! প্রাচিস্তির না করলে কি করে চলবে।”

বহু গবেষণাস্তে স্থির হল মামাশ্বশুর স্পর্শের পাতকস্বরূপ একটা প্রায়শ্চিত্ত জটার বৌকে করতেই হবে, তা ছাড়া মরে বাঁচার পাতকে আর একটা। নইলে জটার মাকে ‘পতিত’ থাকতে হবে।

বেচারী অপরাধিনী তো অটোতত্ত। জটার মাও জটাকে খুঁজে বেড়াচ্ছেন, কাজেই একতরফা ডিক্রী হয়ে যায়।

কিন্তু সত্যবতী এসবের কিছুই জানে না। ও এক অদ্ভুত গৌরবের আনন্দে ছলছল করতে করতে বাবার সঙ্গে সঙ্গে বাড়ি ফেরে।

উঃ, রাগ করে বাবা কী উল্টো কথাই বলছিলেন। বলছিলেন কি না “চিকিচ্ছে-টিকিচ্ছে কিছু জানি না—” সাধে কি আর সত্য অত হুঃসাহস করে বাবাকে হাতে ধরে বলেছিল, একটু ওষুধ দিতে, তাই না বেচারী বৌটা বাঁচল। আহা সত্য যখন শ্বশুরবাড়ি যাবে, তখন যদি সত্যর বর (মুখে অলঙ্ক্যে একটু হাসি ফুটে ওঠে) অমনি মেরে সত্যকে মেরে ফেলে বেশ হয়। বাবা খবর পেয়ে গিয়ে একটি মাত্রা স্বর্ণসিঁদুর মধু দিয়ে মেড়ে খাইয়ে দেবেন, আর একটু পরেই সত্য চোখ খুলে সবাইকে দেখে তাড়াতাড়ি মাথায় ঘোমটা টেনে ফেলবে।

উঃ, কী মজাই হবে তা হলে!

দেশশুদ্ধ লোকের তাক্ লেগে যাবে সত্যর বাবা রামকালী কবরেজের গুণের মহিমায়। বাপ রে বাপ, সোজা বাবা তার? গায়ের আর কোন্ মেরেটার এমন বাপ আছে?

হাসির কথা ভাবতে ভাবতে হঠাৎ সশব্দে হেসে ফেলা সত্যর বরাবরের রোগ।

রামকালী চমকে প্রশ্ন করলেন, “কী হল? হাসলি যে?”

সত্য কণ্ঠে সামলে নিয়ে ঢোক গিলে বলল, “এমনি!”

“তোর ওই ‘এমনি’ হাসিটা একটু কমা দিকি,” প্রায় সহাস্তেই বলেন রামকালী, “নইলে এর পর স্বশ্রুতবাড়ি গিয়ে ওই জটার বোয়ের দশা হবে তোরা।”

মনটা বড় প্রসন্ন রয়েছে, এই সামনে রাত, না হক্ কতগুলো ঝগাট-ঝামেলায় পড়তে হত, জটার বোঁ তার হাত থেকে বাঁচিয়েছে। বাপের মনের প্রসন্নতার কারণটা অসুমান করতে না পারলেও প্রসন্নতাটুকু অসুখাবন করতে পারে সত্যবতী, এবং তারই সাহসে প্রায় উচ্ছ্বসিত ভাবে বলে, “ওই জন্তেই হাসলাম। আমি মরে গেলে তুমি বেশ গিয়ে বাঁচিয়ে দেবে।”

“ই, বটে!” স্বল্পভাষী রামকালী।

রামকালী নিঃশব্দে হন হন করে খানিকটা অগ্রসর হয়ে যান, এবং সত্যবতী বাপের সঙ্গে তাল রাখতে প্রায় ছুটেই থাকে।

হঠাৎ একসময় থেমে রামকালী বলেন, “মরে গেলে স্বয়ং ভগবান এসেও কিছু করতে পারেন না বুঝলি? জটার বোঁ মরে নি।”

“মরে নি!” সত্য একটু আনমনা হয়ে যায়, মরাটা তা হলে আর কোন্ রকম? হঠাৎ চিন্তার গতি বদলায়, সত্য সোৎস্রুকে বলে, “কিন্তু বাবা, তুমি গিয়ে নাড়ি দেখে স্বর্ণসিঁদুর না কি না খাওয়ালে, ওই রকম মরা-মরা হয়েই তো থাকত জটাদার বোঁ? আর সবাই মিলে বাঁশ বেঁধে নিয়ে গিয়ে পাকুড়তলার ঋশানে পুড়িয়ে দিয়ে আসত!”

রামকালী একটু চমকালেন।

আশ্চর্য! এতটুকু মেয়ে, এত তলিয়ে ভাবে কি করে? আহা মেয়েমানুষ, তাই সবই বুঝা। এ মগজটা যদি নেড়ুটার হত! তা হল না—আট বছরের হাতী এখনও ‘অ আ ই’তে দাগা বুলাচ্ছে। নেড়ু রামকালীর দাদা কুঞ্জর শেষ কুড়োস্তি। তেরোটা ছেলেমেয়ে মানুষ করার পরে চৌদ্দটার বেলায় রাশ একেবারে শিথিল হয়ে গেছে কুঞ্জ আর তার পরিবারের। ছেলেটা বামুনের গুরু হবে আর কি!

কিন্তু মেয়ে-সন্তানের বোধ করি এত বেশী তলিয়ে ভাবতে শেখাও ভাল

নয়, তাই রামকালী ঈষৎ ধমকের স্বরে বলেন, “থাম থাম, মেলা বকিস নি, পা চালিয়ে চল। গহীন অন্ধকার হয়ে গেছে দেখছিস্?”

“অন্ধকার! হুঁ!” সত্যবতী স-তাচ্ছিল্যে বলে, “অন্ধকারকে আমি ভয় করি নাকি? এর চাইতে আরও অনেক অনেক অন্ধকারে বাগানে গিয়ে পেঁচার চোখ গুনি না?”

“অন্ধকারে কী করিস?”

চমকে ওঠেন রামকালী।

সত্য খতমত থেয়ে বলে, “ইয়ে—আমি একলা নয়, নেড়ু আর পুণিপিসীও থাকে। পেঁচার চোখ গুনি।”

হঠাৎ রামকালী হা হা করে হেসে ওঠেন।

অনেকক্ষণ ধরে দরাজ গলায়। এই মেয়েকে আবার ধমকাবেন কি, শাসন করবেন কি!

নির্জন পথে অন্ধকারের গায়ে সেই গম্ভীর গলায় দরাজ হাসি যেন স্তরে স্তরে ধ্বনিত হতে থাকে।

বাঁড়ুঘোদের চণ্ডীমণ্ডপ থেকে উৎকর্ণ হয়ে ওঠেন দু-একটি গ্রাম্য প্রৌঢ়।

“বদ্বি চাটুঘোর গলা না?”

“ই্যা তাই তো মনে হচ্ছে।”

“একলা অমন অন্ধকারে হাসি কেন?”

“একলা কি আর? নিশ্চয় দ্বিজী মেয়েটা সঙ্গে আছে। নইলে আর—”

“ওই এক মেয়ে তৈরি করেছেন রামকালী। ও মেয়ে নিয়ে কপালে দুঃখ আছে।”

“আর দুঃখ! টাকার ছালা ঘরে, ওর আবার দুঃখ! শুনছি নাকি বর্ধমানের রাজার কাছ থেকে লোক এসেছিল কাল, রাজার সভা-কবরেজ হবার জন্তে সাধতে।”

“তাই না কি? কই শুনি নি তো? তা হলে গাঁয়ের মায়া কাটাল এবার চাটুঘো?”

“না না, শুনছি যাবে না।”

“বটে? তবু ভাল। তোমায় বললে কে?”

“কুঞ্জর বড় ছেলেটা বলছিল।”

“হুঁ ভালই, এ বয়সে আবার বিদেশে গিয়ে রাজদরবারে চাকরি! তবে

রামকালীর মতিগতি বড় বেয়াড়া, অত বড় খিঙ্গী মেয়েকে এতটা বাড় বাড়তে দেওয়া উচিত হয় না, পাড়ার ছেলেগুলো হচ্ছে ওর খেলুড়ি।”

“হ্যাঁ, গাছে চড়তে, সাঁতার কাটতে, মাছ ধরতে বেটাছেলের দশগুণ ওপরে যায়!”

“এটা একটা গৌরবের কথা নয় খুড়ো! যতই হোক মেয়েছেলে, তার আবার একটা মাগ্গিমান ঘরের বোঁ হয়েছে। তারা টের পেলে ও বোঁকে ঘরে নিতে বোঁকে বসবে না?”

“একটা কলঙ্ক রটিয়ে দিতেই বা কতক্ষণ?”

বন্দি চাটুয্যের ও তার খিঙ্গী মেয়ের আলোচনায় চণ্ডীমণ্ডপ ভারাক্রান্ত হয়ে ওঠে। যাকে সামনে সমীহ করতে বাধ্য হতে হয়, তাকে আড়ালে নিন্দে করতে না পেলে বাঁচবে কেমন করে মানুষ?

এইসব সমালোচনার প্রধানা পাত্রী তখন বাবার পিছন পিছন ছুটছে আর মনে মনে আকুল প্রার্থনা করছে, ‘হেই ভগবান, আমার পাটা বাবার মতন লম্বা করে দাও না গো, তা হলে বাবার মতন হাঁটি। হেরে যাই না।’

হেরে যেতে একান্ত আপত্তি সত্যবতীর!

কোন ক্ষেত্রে কোথাও হার মানবে না এই পণ!

“এই পুণ্যি, ছড়া বাঁধতে পারিস?”

চিলেকোঠার ছাদের ওপর সত্যবতীর ‘খেলাঘর’! প্রধানা খেলুড়ি রামকালীর জাতি খুড়োর মেয়ে পুণ্যবতী! সত্য তাকে পাঁচজনের সামনে সভ্যতা করে ‘পুণ্যিপিসী’ বললেও নিজের এলাকায় পুণ্যিই বলে।

“বাবুই পাখীর বাসা আনতে পারিস?” অথবা “কাঁচপোকা ধরতে পারিস?” কিংবা “সাঁতরে তিনবার বড় দীঘি পাঁরাপার হতে পারিস?” এ ধরনের পরীক্ষা-মূলক প্রশ্ন প্রায়ই করে সত্য, কিন্তু ছড়া বাঁধতে পারিস কিনা, এহেন প্রশ্ন একেবারে আনকোরা নতুন।

পুণ্যি বিমুঢ়ভাবে বলে, “ছড়া? কিসের ছড়া?”

“জটাদার নামে ছড়া। বুঝলি? ছড়া বেঁধে গাঁ সুড়ু সব ছেলেমেয়েকে শিখিয়ে দেব, জটাদাকে দেখলেই তারা হাততালি দিয়ে ছড়া কাটবে।”

“হি হি হি!”

জটাদারের ছুঁদাশার চিত্র কল্পনা করে হুজনে হুলে হুলে হাসতে থাকে।

অতঃপর পুণ্যবতী একটি পান্টা প্রস্থ করে, “খুব তো বললি, বলি মেয়েমানুষকে আবার ছড়া বাঁধতে আছে না কি?”

“বাঁধতে নেই?” সহসা অগ্নিমূর্তি ধরে বসে সত্য, “কে বলছে তোকে নেই? মেয়েমানুষ! মেয়েমানুষ! মেয়েমানুষ যেন মায়ের পেটে জন্মান না, বানের জলে ভেসে আসে। অত যদি মেয়েমানুষ মেয়েমানুষ করবি তো আমার সঙ্গে খেলতে আসিস নে।”

পুণ্যি মুচকি হেসে বলে, “আহা মশাই রে! আর তোর বর যখন বলবে?”

“কি বলবে?”

“ওই মেয়েমানুষ।”

“ইস! বলবে বৈকি! দেখিয়ে দেব না। আমি ওই জটাদার বোয়ের মত হব ভেবেছিস? কক্ষনো না। দেখ না, ছড়া বেঁধে জটাদাকে কী উৎখাত করি।”

পুণ্যি ঈষৎ সমীহ ভাবে বলে, “কিন্তু কি করে বাঁধবি?”

“কি করে আবার? কথক ঠাকুর যেমন আখর দেন তেমনি করে। একটু-খানি তো বেঁধেছি, শুনবি?”

“বেঁধেছিস? অ্যা! বল না ভাই, বল না।”

সত্য আত্মস্থ ভাবে চেখে চেখে তেঁতুল খাওয়ার ভঙ্গীতে বলে—

“জটাদাদা, পা গোদা

যেন ভোঁদা-হাতী,

বোঁ-ঠেঁজানো দাদার পিঠে

ব্যাঙে মারুক লাথি।”

“ওরে সত্যি!” পুণ্যি সহসা ডুকরে উঠে সত্যকে জড়িয়ে ধরে, “তুই কী রে? এর পর তো তুই পয়সার বাঁধতে শিখবি রে।”

সেটাও যেন সত্যর কাছে কিছু নয় এমন ভাবে বলে, “সে যখন শিখব তখন শিখব, এখন এটা যে-যেখানে আছে সবাইকে শিখোতে হবে বুঝলি? আর জটাদাকে দেখলেই—হি হি হি হি।”

পাঁচ

রোদে পিঠটা চিন্‌চিন্‌ করছে অনেকক্ষণ থেকে, হঠাৎ যেন হু হু করে জলে উঠল। ওঃ, বকুলগাছের ছায়াটা দাওয়া থেকে সরে গেছে। বেলা তা হলে কম হয় নি। বিপদে পড়লেন মোক্ষদা, দুহাত জোড়া অথচ পিঠের কাপড়টা সরে গিয়ে সরাসরি রোদটা পিঠের চামড়ায় লাগছে; নিজে দেখতে পাচ্ছেন না মোক্ষদা, আর কেউ কাছে থাকলে দেখতে পেত মোক্ষদার হন্তেলরঙা পিঠটার কতকাংশ কোম্পাড়ার মত লাল হয়ে উঠেছে।

নাঃ, তসর থানখানা না পরে ভিজে থানখানা পরে আমতেল মাথতে বসলেই হত। ভিজে কাপড়ে যেন দেহের দাহ অনেকটা নিবারণ হয়। কানাইচু ভারী ভারী পাথরের খোরা দুখানা খানিকটা টেনে নিয়ে সরে গিয়ে দাওয়ার খুঁটির ছায়াটুকুতে পৃষ্ঠরক্ষা করতে গেলেন মোক্ষদা।

সমুদ্রে ভূগণ্ড! তাছাড়া রোদ এখন দৌড়চ্ছে, এখুনি খুঁটির ছায়া সরবে।

হঠাৎ মোক্ষদা একটা সত্য আবিষ্কার করে বসলেন। সারা বছরটাই রোদে পুড়ে পুড়ে মলেন তিনি। এই তো কচি আমের আমতেল, এর পরই বাখড়া বাঁধা আমের গুড়আম, মসলা-আম, তার পরই পড়ে যাবে আমসস্তর মরশুম। আর সে মরশুমকে সামলে তোলা তো সোজা নয়। আমসস্তর পালা চুকতে চুকতেই অবশ্য বর্ষা নামে, সেই দু-তিনটে মাসই শুধু রোদে পোড়ার ছুটি, বর্ষা শেষ হতেই দুর্গোৎসবের সুর ওঠে। দুর্গোৎসবের আগে সারা ভাঁড়ারটাত্তেই তো ঝাড়া বাছা রোদে দেওয়ার ধুম চলে, তারপর পড়ে তিলের নাড়ুর ধুম।

বস্তি চাটুয্যের বাড়ির দুর্গোৎসবের তিলের নাড়ু একটা বিখ্যাত ব্যাপার, হাতে বাগিয়ে ধরে কামড় দিতে পারা যায় না এত বড় নাড়ু। পক্কায় আনন্দনাড়ু মুড়কির মোয়া সবই কবরেজ বাড়ির বখ্যাত, কিন্তু সে সব তো ওবু পাঁচহাতের ব্যাপার, নিতান্ত প্রতিমার ভোগের উপযুক্ত সেরকতক জিনিষ গন্ধাজলে ভোগের ঘরে তৈরি হলেও বাকী বিরাট অংশটায় অনেকে হাত লাগায়। কিন্তু তিলের নাড়ুটি সম্পূর্ণ মোক্ষদার ডিপার্টমেন্ট। কারণ তিলের নাড়ুর অমন হাত নাকি—শুধু এ গ্রামে কেন—এ তল্লাটে নেই। তা সেই নাম কি আর অমনি হয়েছে, আগাগোড়া নিজের হাতে রাখেন বলেই না এদিক ওদিক হতে পায় না। বস্তা বস্তা তিল তো এসে হাজির হল, তার

পর ? সেই ভিল ঝাড়া-বাছা, নিখুঁত করে ধুয়ে নিপাট করে রোদে শুকিয়ে
ঝুনো করা, ঢেঁকিতে কোটা, প্রকাণ্ড পেতলের সরা চড়িয়ে গুড় জাল দিয়ে
দিয়ে নিটুট নিশ্ছিন্দ্রি ধামায় সেই তিলচুর মেখে মেখে তাড়াতাড়ি গরম
ধাকতে ধাকতে নাড়ু পাকিয়ে ফেলা, এর কোনটা নিজের হাতে না করলে
চলে ? একবার বুঝি তিলটা কুটেছিল সেজ বোঁতে আর বড় বোঁমাতে, সেবার
তো নাড়ু ‘দয়ে’ মজ্জল। আগাগোড়া খোসায় ভর্তি। রঙ ও হল তেমনি
কেলে-কিষ্টি। রামকালী নাড়ু দেখে হেসেছিলেন, প্রশ্ন করেছিলেন,
‘এ নাড়ু কার তৈরি ?’

সেই থেকে সাবধান হয়ে গেছেন মোক্ষদা। ঢেঁকির গড়ের কাছে কাউকে
একটু বসানো ছাড়া আর সব একা করেন।

হুর্গাপূজায় রোদে পোড়া তো শুধুই তিলের নাড়ু নয়, বাড়ি বাড়ি
নেমন্তন্ত্রর কথা বলতে যাওয়া, গুরুপুরুতের বাড়ি সিধে দিতে যাওয়া, সে সবও
তো মোক্ষদার ডিউটির মধ্যেই। কারণ তিনি ঝিউড়ি মেয়ে। কানীশ্বরীও
কতকটা করেছেন আগে আগে কিন্তু ইদানীং তিনি রোগে কেমন জবুথবু
হয়ে গেছেন। মাঠ ঘাট ভেঙে রোদে রোদে ঘুরে কাজ উদ্ধার করার সামর্থ্য
নেই। মোক্ষদাই সব করেন, আর দিনে অন্তত বার চোন্দ-পনেরো স্নান
করেন।

কেন কে জানে, আজ রোদের কথাটাই বার বার মনে পড়ছে মোক্ষদার।
মনে হল পূজোর ঝঞ্ঝাট কাটতে না কাটতেই তো বড়ির মরশুম। বছরে
বারো-চোদ্দ মণ বড়ি লাগে। আঁশ-নিরামিষ ছদিকের প্রয়োজনের দায়টা
পোহানো হয় এই দিকেই, কারণ বড়িও তো আম-কাসুন্দির মতই শুদ্ধাচারের
বস্তু। আর শুদ্ধাচারের ব্যাপারে কাকে দিয়ে নিশ্চিত হবেন মোক্ষদা নিজেকে
ছাড়া ?

বড়ি দিতে দিতে মোক্ষদার হস্তেল রঙ কালসিটে মেরে যায়। তবে জিনিস
যা হয় দেখে তাক লাগবার মত। ডাকসাইটে হাত। সাবধানীও খুব
মোক্ষদা, কাউকে ছুঁতেই দেন না সাধ্যপক্ষে, বড় বড় তিজ্জেলে ভরে সরাচাপা
দিয়ে ‘সাদা’র তুলে রাখেন, সময়মত বার করে দেন। কত তার স্বাদ, কুমড়ো
বড়ি, খাস্তা বড়ি, পোস্ত বড়ি, তিলের বড়ি, জিরের বড়ি, ঝালমশলার বড়ি,
টকে-সুস্তর দিতে মটর খেসারির বড়ি, বাহার অনেক।

ওরই মধ্যে মূলোর বড়িটা আবার আলাদা রাখতে হয়, মাঘ মাসে পাছে

তুলে খাওয়া হয়ে যায়। মাঘ মাসে মূলো খাওয়া আর গোমাংস খাওয়ায় তো তফাৎ কিছু নেই।...খুঁটির রোদটা সরে গেছে, পিঠটা আবার চিনচিন করছে। মনটাও যেন চিনচিন করছে।

বড়িপর্ব সারা হতেই আসে কুল, আসে তেঁতুল।

কবে তবে রোদে পোড়ার ছুটি ?

সারা বছর ধরে এই রোদে পোড়ার দায়িত্ব মোক্ষদাকে দিয়েছে কে, এ কথা কে বলবে ? তবে মোক্ষদা জানেন এটা তাঁরই দায়িত্ব।

আমতেল মাখা একটা সময়সাপেক্ষ কাজ। চটকে চটকে তেলে আমে মিশোতে হবে তো ? হয়েছে এতক্ষণে, এবার রাইসরষের মিহিগুঁড়ো ছড়িয়ে দিয়ে ক্রমাগত রোদ খাওয়ানো।

কোমরটা টান করে উঠে পড়লেন মোক্ষদা, পিঠের জালা-করা জায়গাটা নড়াচড়া পেয়ে আর একবার হু-হু করে উঠল। কিন্তু কী আশ্চর্য, সরষে গুঁড়োবার জন্তে রান্নাঘরে এসে ঢুকতেই মনটা ‘হু-হু’ করে উঠল কেন ?

ঘরে ঢুকেই হঠাৎ কেমন বোকার মত দাঁড়িয়ে পড়লেন মোক্ষদা। ঘরটা আজ এত বড় দেখাচ্ছে কেন ? কই এমন তো কোন দিন দেখায় না। বরং ভাত বাড়ার সময় পরস্পরের গা বাঁচিয়ে ব্যবধান রেখে ঠাঁই করতে তো জায়গার অকুলানই লাগে।

ঘরের মধ্যে তো রোদ নেই, তবু এই ছায়াশীতল প্রকাণ্ড লম্বা ঘরখানা যেন ওই রোদে খাঁ খাঁ প্রকাণ্ড উঠোনটার মতই বাঁ বাঁ খাঁ খাঁ করছে। আর সেই খাঁ খাঁ করা ঘরের এক প্রান্তে বড় বড় দুটো উল্লুহন তাদের মাজাঘষা নিকোনো চুকোনো চেহারা নিয়ে স্তব্ধ হয়ে বসে আছে বহু অকথিত শূন্যতার প্রতীকের মত।

উল্লুহন দুটোকে আজ আগুনের দাহ সহ্য করতে হবে না। ওরা হয়তো এই নিরালা ঘরে স্তব্ধ হয়ে বসে নিজেদের শূন্যতার পরিমাণ করবার অবকাশ পাবে।

আজ ওদের ছুটি। আজ এদের একাদশী।

মোক্ষদার ছুটি নেই কেন ?

ঘরের নর্দমার কাছ বরাবর একটা জলভর্তি ঘড়া বসানো থাকে—নেহাৎ সময় অসময়ের জন্তে। মোক্ষদাই শেষবারের স্নানের পর এনে রেখে দেন।

তেল-তেল হাতটা ঘড়া কাৎ করে ধুয়ে নিয়ে মোক্ষদা হঠাৎ আছড়া আছড়া জল নিয়ে সজোরে ছুঁড়ে ছুঁড়ে মারতে লাগলেন, পিঠের রোদে চিন্চিনে জায়গাটার জলুনি একটু ঠাণ্ডা হোক। দূর ছাই, হাত ধুতে পুকুরে গেলেই হত, তবু একবার গা-মাথা ভিজিয়ে আসা যেত। গায়ের চামড়াটা খানিক ভিজলেও যেন ভেতরের তেষ্ঠাটা খানিক কমে।

একাদশীর দিন ‘তেষ্ঠা’ কথাটা মনে আনাও পাপ। এ কি আর জানেন না মোক্ষদা? তায় আবার তাঁর মত বয়স-ভাঁটিয়ে-যাওয়া শক্তপোক্ত মজবুত বিবহার। কিন্তু ‘মনে করব না’ বললেও মনে যদি এসে যায়, সে পাপকে তাড়ানো যায় কোন্ অস্ত্রে?

রোদ লাগলে বোশেখ-জষ্টির দুপুরে তেষ্ঠাটা জানান দেয় বেশী, কিন্তু উপায় কি? আজকেই যে যত রাজ্যের বাড়তি কাজ করবার পরম দিন। আজকের মতন এমন অথণ্ড অবসর আর ক’দিন জোটে?

রাইসরষের সন্ধানে কুলুঙ্গীতে তুলে রাখা রঙিন ফুলকাটা ছোট ছোট ছোবা হাঁড়ির একটা পাড়লেন মোক্ষদা। সব হাঁড়িতে একেবারে সষৎসরের মশলা ঝেড়ে বেছে তুলে রাখা হয়, আর নিত্য প্রয়োজনে দুটি দুটি বার করে কাঁচা ত্রাকড়ার কোণে কোণে পুঁটুলি বেঁধে রাখা হয়। শুধু এরকম অ-নিত্য প্রয়োজনেই মূল ভাঁড়ারে হাত পড়ে।

একটা পাথরবাটিতে আন্দাজ মত সরষে ঢেলে নিয়ে শিল পেতে বসতে যাচ্ছিলেন মোক্ষদা, হঠাৎ দরজার কাছে শিবজায়ার গলা বেজে উঠল, “কালে কালে কি হল গো, এ যে কলির চার পো পুরল দেখছি। আমাদের দ্বিঙ্গী অবতার মেয়ের আস্পদার কথাটা শুনেছ ছোট্টাকুরঝি?”

দ্বিঙ্গী অবতার মেয়ের আস্পদার ইতিহাস শোনার আগেই ভাজের আস্পদায় রে রে করে ওঠেন মোক্ষদা, “উঠোনের পায়ে তুমি দাওয়ায় উঠলে সেজবো? আর ওইখানেই আমার আচারের খোরা! বলি তোমরা স্নদ্ধ যদি এ রকম যবন হও—”

শিবজায়া ঈষৎ রুগ্নভাবে বলেন, “তোমার এক কথা ছোট্টাকুরঝি, উঠোনের পায়ে দাওয়ায় উঠে আসব আমি অমনি অমনি? এই দেখ পায়ে গোবর লেগে। হাতে করে এক নাদ এনে পৈঠের নীচেয় কেলে সেই গোবর দু পায়ে মাড়িয়ে তবেই না উঠেছি।”

নিভান্তপক্ষে পুকুরে নেমে পা ধুয়ে আসা যদি অসম্ভব হয়, তা হলে অহুকল্প হিসেবে এই বাবস্থা দিয়ে রেখেছেন মোক্ষদা। তবু সেজবৌয়ের আশ্বাসবাণীতে তেমন নিশ্চিন্ত হলেন না। সন্দিক্ত সুরে বললেন, “বলি গোবরটা নিজেদের তো? না কি আর কারুদের ঘরের ঐটোকাটা খাওয়া গরুর?”

“শোন কথা—” জেরা থামানোর চেষ্টার বলে ওঠেন শিবজায়া, “আমাদের উঠোনে আবার অপরের গরুর গোবর আসবে কোথ্ থেকে?”

কিন্তু থামাতে চাইলেই কি সব জিনিস থামে? মোক্ষদার জেরাও থামল না। তিনি একটু কটুহাস্তে বলে উঠলেন, “ও মা লো! আমাদের উঠোনে অস্ত্রের গরুর গোবর আসবে কোথ্ থেকে! তোমার কথা শুনে মাঝে মাঝে মনে হয় সেজবৌ, তুমি যেন এই মাস্তুর মায়ের পেট থেকে পড়লে!”

শিবজায়া ননদকে খুব ভয় করলেও, তবু ছোট ননদ। তাই বিরক্ত সুরে বলে কেলেন, “নাও বাবা, তোমার কাছে আসাই দেখছি ঝকঝক। গোবিন্দ-বাড়ি থেকে ফিরতে পথে আমাদের কীত্তিমান মেয়ের কীত্তির কথা শুনে ই হয়ে গেলাম তাই, থাক গে—”

মোক্ষদা এতকালে একটু নরম হন। প্রায় সন্ধির সুরেই বলেন, “কেন, কী আবার করল কে? সত্য বুঝি?”

“তবে আবার কে!” শিবজায়া ঔদাসীত্ব ত্যাগ করে মহোৎসাহে পুরনো সুর ধরেন, “সত্য ছাড়া আর কার এত বুকুর পাটা হবে? হারামজাদী নাকি জটার নামে ছড়া বেঁধে পাড়ার গুটিমুদ্র ছেলেমেয়েকে শিথিয়ে দিয়েছে, আর গাঁমুদ্র ছেলেপিলে জটাকে কি জটার মাঝে দেখলেই ঝোপঝাড়ের আড়াল থেকে শুনিয়ে শুনিয়ে তাই আওড়াচ্ছে। জটার মা তো রেগে গাল দিয়ে শাপশাপান্ত করে একাকার।”

শেষ পর্যন্ত সবটুকু শোনবার জন্তে ঐধর্ম ধরে চূপ করে থাকিয়েছিলেন মোক্ষদা, এবার ভুরু কুঁচকে তীক্ষ্ণসুরে বলে ওঠেন, “ছড়া বেঁধেছে মানে কি?”

“মানে কি, তাই কি ছাই আমিই আগে বুঝতে পেরেছিলাম? মেয়েমানুষ যে আবার ছড়া বাঁধে বাপের জন্মেও শুনি নি। তা’পর পথে আসতে আসতে দেখি একপাল ছোঁড়া হি হি করে হাসতে হাসতে বলছে ‘জটা মোটা পা

গোদা—’ভেঙেচি কেটে আরও সব কত কি পয়সার ছন্দ বলতে বলতে যাচ্ছে।’

মোক্ষদা আরও ভুরু কুঁচকে বলেন, “ছড়া বেঁধেছে সত্য?”

“তবে আর বলছি কি?”

“ওই মেয়ে হতেই এ বংশের মুখে চুনকালি পড়বে”—মোক্ষদা এবার শিলটা পাততে পাততে বলেন, “রামকালী চন্দর এখন বুঝছেন না, এর পর টের পাবেন, যখন স্বপ্নরঘর থেকে ফেরত দিয়ে যাবে। ভেঙেচি কাটা ছড়া বোধ হয় জটা বোঁ ঠেঙিয়েছিল বলে?”

“তবে না তো কি? বলি পরিবারকে আবার না মারে কোন্ মন্দ? চলানি বোঁ অমনি তিলকে তাল করে, দাঁতকপাটি লাগিয়ে পাড়ার লোক জানাজানি করে ছাড়লেন। জটার মা বলছে ছোঁড়াগুলোর জালায় নাকি জটা বেচারার ঘরের বার হতে পারছে না। কি গেরো বল দেখি?”

মোক্ষদা ঘস ঘস করে শিলে সরষে রগড়াতে রগড়াতে বলেন, “হাতের কাজটা মিটিয়ে নিসে যাচ্ছি আমি বোঁমার কাছে। ভাল করে সমঝে দিয়ে আসছি। মায়ের আশকারা না থাকলে মেয়ে কখনও এত বড় বেয়াড়া হয়? পাড়ার ছোঁড়াদের সঙ্গেই বা রাতদিন এত মস্করা কিসের? একটা কলঙ্ক রটে গেলে তখন রামকালীর মুখটা থাকবে কোথায়? পয়সাওলা বলে তো আর সমাজ রেয়াৎ করবে না?”

শিবজীরাজ কাজ কিছুটা সিদ্ধ হল।

বড়জায়ের নাতনীর বিরুদ্ধে ছোট ননদকে কিছুটা তাতাতে পেরেছেন। শেষবেশ বলেন, “তুমি যাই আছ ছোট্টাকুরঝি, তাই এখনও সংসারে একটা হক কথা হয়; নইলে আমরা তো ভয়ে কাঁটা।”

“ভয় আবার কিসের!”

মোক্ষদা হুম্ করে শিলটা তুলে ফেলে বলেন, “ভয় আবার কিসের? ভয় করব ভৃত্যকে, ভয় করব ভগবানকে। মানুষকে ভয় করতে যাব কেন? বিধবা পিসীকে ভাত দিয়ে পুষছে বলে যে হক কথা শুনতে হবে না রামকালীকে, এ তুমি ভেবো না সেজবোঁ। সে যাক, জটার বোঁর প্রাচিস্তিরের কিছু ব্যবস্থা হয়েছে?”

“ওমা, তুমি শোন নি সে কথা? প্রাচিস্তির তো করবে না।”

“করবে না।”

“না। রামকালী নাকি ভটচাক্ষুকে শাসিয়েছে প্রাচীন্তিরের বিধেন দিলে তাকে গাঁ ছাড়া করবে।”

“তার মানে?” আকাশ থেকে পড়লেন মোক্ষদা।

“মানে বোঝ! অহমিকা আর কি! আমি গায়ের মাথা, আমি যা খুশি তাই করব।”

“হুঁ।”

মোক্ষদা সরষে-গুড়ো-ছড়ানো আচারের খোরা ছুটো ছুম ছুম করে ঘরে তুলে, ঘরের কপাটটা টেনে শেকল তুলে দিয়ে বলেন, “যাচ্ছি। দেখছি পয়সার বাড় কত বেড়েছে রামকালীর। সত্য আছে বাড়ি?”

“বাড়ি? ছপুরবেলা বাড়ি থাকবারই মেয়ে বটে সে! কোথায় আগানে-বাগানে ঘুরে বেড়াচ্ছে। বে’ওলা মেয়ের এত বৃকের পাটা, এতখানি বয়সে দেখি নি কখনও।”

তসরখানা গুলিয়ে পরে উঠোন পার হয়ে খর খর পায়ে বেড়ার দরজা খুলে পথে পড়লেন মোক্ষদা। ফিরে তো জ্ঞান করতেই হবে, একবার কেন, কত বার, কিন্তু এসবের একটা হেস্তুনেস্ত দরকার।

জগতের কোথাও কোন অনাচার ঘটবে, এ মোক্ষদা বরদাস্ত করতে পারবেন না।

কিন্তু ও কী!

একটু এগোতেই থমকে দাঁড়াতে হল।

বজ্রাহতের মতই থমকানি।

দেখলেন একখানা তেপেড়ে শাড়িতে গাছকোমর বেঁধে, একরাশ ক্লক চুল উড়িয়ে, একইটু ধুলো মেখে একদল ছেলেমেয়ের সঙ্গে আমবাগানের মাঝখান দিয়ে চলেছে সত্যি হি হি করতে করতে, আর সমস্বরে কি যেন একটা ছড়ার মতই আওড়াতে আওড়াতে।

দাঁতে দাঁত চেপে আরও একটু এগিয়ে গেলেন মোক্ষদা, দলের পিছন দিকে একটা গাছের আড়ালে দাঁড়িয়ে সবটা শুনতে চেষ্টা করলেন। হি হি হাসির চোটে সব কি শোনাই যায় ছাই? তবু বালকঠের শানানো সুর, আর বার বার উচ্চারণ করছে, কাজেই ক্রমশঃ সবটাই কর্ণগোচর থেকে মর্মগোচর হয়ে যায়।

শুনতে পেলেন খাঁজে খাঁজে হাসি ছড়ানো সেই ছড়া—

“জটাদাদা পা গোদা
যেন ভোঁদা হাতী,
বৌ-ঠেড়ানো দাদার পিঠে
ব্যাঙে মারে লাথি।
জটা জটা পেট মোটা—
ভাত মারবার ধাড়ী,
দেখব মজা কেমন সাজা
যাও না স্বশুরবাড়ি।”

বলতে বলতে চলে গেল ওরা।

মোক্ষদা স্তম্ভিত হয়ে দাঁড়িয়ে রইলেন।

না, ভাইপোর মেয়ের কবিত্বশক্তির পরিচয়ে অভিভূত হয়ে নয়, স্তম্ভিত হলেন এ মেয়ের ভবিষ্যৎ ভেবে। একে তিনি শাসন করতে এসেছেন! এর পরে আর একে শাসন করে শায়েস্তা করবার সাধ তাঁর নেই; শুধু এইটে মনে মনে অনুধাবন করলেন—একে নিয়ে চিরকাল জলে-পুড়ে মরতে হবে তাঁদেরই, কারণ স্বশুরবাড়ি থেকে তো মারতে মারতে খেদিয়ে দেবেই।

কাগজের চিলতেয় মোড়া গোটাকতক ওষুধের বড়ি আঁচলের গিট থেকে খুলতে খুলতে সত্য তার শানানো গলাটাকে কিঞ্চিৎ নামিয়ে বলল, “এই নাও বৌ, কি যেন বটিকা। বাবা বলে দিলেন সকাল সন্ধ্যা একটা করে বটিকা পানের রস দিয়ে খেতে। গায়ে বল পাবে।”

আর গায়ে বল!

মনের বল তো সমুদ্রের তলায়। ভয়ে বুক কেঁপে থর-থর। জটার বৌ কাতর করুণ কণ্ঠে ফিস্‌ফিস্‌ করে বলে, “হেই ঠাকুরঝি, তোমার পায়ে ধরি, ওষুধ তুমি নিয়ে যাও। ওষুধ খাচ্ছি দেখলে ঠাকরুন আর আমাকে আস্ত রাখবেন না।”

সত্য গিন্নীর মত গালে হাত দিয়ে বলে, “ওমা! শোনো বিত্তাস্ত! দেহ দুর্বল হয়েছে, মিনি মাগ্নান্য ওষুধ পাচ্ছ, খেলে শাউড়ী তোমায় মেরে কেলবে? তুমি যে তাজ্জব করলে গা!”

“দোহাই গো ঠাকুরঝি, একটু আস্তে—” প্রায় কান্দো কান্দো মুখে বলে

জটার বো, “তোমার ছুটি পায়ে পড়ছি, ঠাকরনের কানে গেলে পুকুরে ডুবে মরা ছাড়া আর গতি থাকবে না আমার।”

সত্য এবার একটু গুছিয়ে বসে, বসে অবাক গলায় আশ্তে আশ্তে বলে, “কী শুনলে গো?”

“ওই যে মেরে ফেলার কথা বললে। জানো তো ভাই সমস্ত? মামাঠাকুর ওষু পাঠিয়ে দিয়েছেন, আর সেই ওষু আমি খাচ্ছি! ওরে বাপরে! এই দেখ ঠাকুরঝি আমার বৃকের ভেতর কেমনতর ঢেঁকির পাড় পড়ছে।”

জটার বোয়ের ওই ব্যাধের তাড়া খাওয়া হরিণের চোখের মত চোখ আর ঘুঁটের ছাইয়ের মত পাঁশুটে-রঙা মুখের দিকে তাকিয়ে দেখতে দেখতে হঠাৎ কেমন চিন্তাশীল দেখায় সত্যবতীকে। কিছুক্ষণ চূপ করে থেকে ওষুগুলো ফের আঁচলে বাঁধতে বাঁধতে বলে, “আচ্ছা, তা হলে ফেরত নে যাই।”

ফেরত!

মামাঠাকুরের কাছে!

আর এক ভয়ে বৃকের রক্ত হিম হয়ে আসে জটার বোয়ের। আর এবার আর কান্দো কান্দো নয়, ভঁয়াক করে কেঁদেই ফেলে।—“ও সত্য ঠাকুরঝি, তোমার পা-ধোওয়া জল খাই, তোমার কেনা গোলাম হয়ে থাকি, ও বড়ি মামাঠাকুরকে ফেরত দিতে যেও না।”

ফেরত দিতে যেও না!

হঠাৎ সত্য তার নিজের স্বভাবসিদ্ধ হাসি হেসে ওঠে, “এই সেরেছে! ব্যায়রামে পড়ে দেখছি তোমার ভিমরতি ধরেছে বো! শাউড়ীর ভয়ে ওষু খাবেও না আবার ফেরতও দেবে না, তবে বড়িগুলো কি আমি খেয়ে নেব? দাও, তা হলে একখোরা গানের রস করে দাও, সবগুলো একসঙ্গে গুলে গিলে ফেলি।”

জটার বো এবার মনের কথা খুলে বলে। শাউড়ীর অসাক্ষাতে ওষু খাবার সাহস তার নেই, বলে কয়ে সাক্ষাতে খাবার তো আরোই নেই, অতএব—

অতএব পুকুরের জলে।

“পুকুরে?”

সত্যর চোখে আগুন জ্বলে ওঠে। “বাবার দেওয়া স্বয়ং ধ্বস্তরী, তা জান? এ বড়ির অপমান করলে, ধ্বস্তরীর অপমান তা জান?”

“তবে আমি কী করি?”

ফুঁপিয়ে ফুঁপিয়ে কাঁদতে থাকে জটার বো।

সত্য ওর অবস্থা দেখে কাতর না হয়ে পারে না, একটু ভেবেচিন্তে বলে,
“তা হলে নয় এক কাজ করি, পিসীকেই দিয়ে যাই, বলি বাবা পাঠিয়ে
দিয়েছেন। বাবা অবশিষ্ট বলেছিলেন পিসীকে দিস নি, তা হলে খেতে দেবে
না, ফেলে দেবে। তুতিয়ে পাতিয়ে কাকুতি-মিহুতি করে বলে যাই।”

উঠে দাঁড়ায় সত্য, আর সঙ্গে সঙ্গে ওর কাপড়ের একটা খুঁট ধরে হুমড়ে
পায় ওর পায়ে পড়ে জটার বো, “ও ঠাকুরঝি, তার চাইতে তুমি আমার
গলায় পা দিয়ে মেরে রেখে যাও, আঁশবাটি দে’ কেটে রেখে যাও
আমায়।”

সত্য আবার বসে পড়ে।

একটা নিশ্বাস ফেলে বলে, “আচ্ছা বো, তোমাদের এত ভয় কিসের
বলতে পার?”

ছন্দ

হুম্ হুম্ হুম্!

শুধু হাঁটু পর্যন্ত আটকাটা পাগুলোই নয়, জিভে মুখেও ধুলো বেটে যাচ্ছে
বেহারাগুলোর। জৈষ্ঠের আর দুঃস্বপ্ন মেঠো রাস্তা। খানিক খানিক পথ
তো একেবারে ধূ-ধূ প্রান্তর, গাছ নেই ছায়া নেই। পথ সংক্ষেপের জন্য মাঝে
মাঝে মাঠ ভাঙতে হচ্ছে বলেই লোকগুলো যেন আরো একেবারে জেরবার
হয়ে যাচ্ছে। চারটে লোক পালা করে কাঁধ বদলে বদলে ছুটছে, তবু থেকে
থেকে ঝিমিয়ে যাচ্ছে।

কিন্তু রামকালীরও তো আর এখন পাল্‌কি-বেহারাগুলোর ওপর দরদ
দেখাবার উপায় নেই। আজ চার দিন গাঁ ছাড়া, “তো ধর মো ধর” না হলেও
হাতে কটা রুগী ছিল, কে জানে কেমন আছে সে কটা।

গিয়েছিলেন জীরেটের জমিদারবাড়িতে রুগী দেখতে। শুধু তো এক-
আধখানা গাঁয়ে নয়, দশখানা গাঁ অবধি নামডাক বন্ডি চাটুঘোর।

রাজার আদরে রেখেছিল ওরা, আর পায়ে ধরে সাধছিল আরও দুটো দিন থেকে যাবার জন্যে। রাজী হন নি রামকালী। বলে এসেছেন, “প্রয়োজন নেই, যে ওষুধ দিয়ে গেলাম এতেই রুগী তিন দিনে উঠে বসবে। তবে পথ্যাপথ্যের যা ব্যবস্থা দিয়ে যাচ্ছি সেটি নিষ্ঠার সঙ্গে পালন করা চাই।”

কবিরাজ মশাই পথে থাকেন বলে ওরা এক ঝুড়ি “কলমের আম” গুঁর পাল্কির মধ্যে তুলে দিয়েছে, আপত্তি শোনে নি। পা ছড়াতে অনবরত ঝুড়িটা পায়ে ঠেকছে আর বিরক্তি বোধ করছেন রামকালী। এই এক আপদ! পথে তিনি কিছু খান না, একথা ওরা মানতে চাইল না। স্বয়ং জমিদার মশাই দাঁড়িয়ে তুলিয়ে দিলেন। তবু মুখ কাটা ডাব গোটাচারেক পাল্কিতে তুলতে দেন নি রামকালী, বলেছিলেন, “বায়রাগুলো তা হলে আপনার বাগানের ওই ফলটলগুলোই বয়ে নিয়ে যাক রায়মশাই, আমি পদব্রজেই যাই।”

সম্পূর্ণ তৈরি আম, জ্যেষ্ঠের দুপুরের বলসানি হাওয়ায় একেবারে শেষ তৈরি হয়ে উঠে, থেকে থেকে মিষ্ট সুবাস ছড়াচ্ছিল। রামকালী বিরক্ত হচ্ছিলেন, আর বেহারাগুলো যেন অন্তর দিয়ে সেই সুবাসটুকুই লেহন করছিল। আর তাবছিল ডাব-চারটে পাল্কির বাঁকে বাঁকে নিলেই বা ক্ষতি কি ছিল? তবু তো “কেষ্টর জীবের” ভোগে লাগত!

অন্যমনস্ক হয়ে বোধ হয় একটু ঝিমিয়ে এসেছিল তারা। হঠাৎ চমকে উঠল কর্তার হাঁকে।

পাল্কি থেকে মুখ বাড়িয়ে রামকালী হাঁকছেন, “ওরে বাবা সকল, ঘুমিয়ে পড়িস নে, একটু পা চালা।”

কথাটা শেষ করেই হঠাৎ সুর-ফের্তা ধরলেন কবরেজ। “এই দাঁড়া দাঁড়া, আস্তে কর, পেছনে হঠাৎ যেন আর একটা পাল্কির শব্দ পাচ্ছি।”

চার বেহারার আঁটখানা পা থমকে দাঁড়াল।

হ্যাঁ, শব্দ একটা আসছে বটে পিছন থেকে। হঠাৎই আসছে। হুম্ হুম্ আওয়াজটা ক্রমশই স্পষ্ট হচ্ছে।

প্রধান বেহারা গদাই ভুঁইয়ালী পাল্কির বাঁক থেকে ঘাড় সরিয়ে পিছন সড়কের দিকে তাকিয়ে উৎফুল্ল কণ্ঠে বলে ওঠে, “আজ্ঞে কর্তামশাই, নিয়াম বলেছেন বটে! পাল্কিই একটা আসছে, মনে নিচ্ছে কোন বিয়ের বর আসছে।”

বিয়ের বর!

রামকালী পাল্কি থেকে গলাটা আরও একটু বাড়িয়ে এবং সে গলার স্বরটাকে অনেকখানি বাড়িয়ে বলেন, “বিয়ের বর এ খবরটা আবার চাই করে কে দিয়ে গেল তোকে?”

গদাই ভুঁইমালী মাথা চুলকে বলে, “পাল্কির কপাটে হলুদ ছোপানো ঝাকড়া ঝুলছে দেখতে পাচ্ছি কতী, ব্যায়রাগুলোর পরনে লালছোপু খেঁটে!”

‘খেঁটেটা হচ্ছে ধুতির সংক্ষিপ্ত সংস্করণ। আরও অনেক শ্রমজীবীদের মত পালকি বেহারাদেরও পুরো ধুতি পরা চলে না। জোটেই বা কই? ছালার মত মোটা সাতহাতি খেঁটেই তাদের জাতীয় পোশাক। লোকের বাড়ি কাজে-কর্মে বিয়ে-পৈতেয় লাল রঙে ছোপানো ওই ধুতি মাঝে মাঝে তাদের জোটে। এতে স্ত্রিবেটা খুব। মাস তিন-চার ‘ক্ষার’ না কেচে চালানো যায়।

লাল হলুদ রঙটাই শুধু নয়, ক্রমশ মালুগুলোও স্পষ্ট হচ্ছে। গদাই আরও একটা উৎফুল্ল আবিষ্কার করে, “পশ্চাতে গো-গাড়িও আসছে কতী, বলদের গলার ঘটি শুনতে পাচ্ছি। এ আর বরযাত্রীর না হয়ে যায় না। ইদিকেই কোথাও বে। উই পাশের গাঁর সড়ক দিয়ে বেরিয়েছে।”

“পাল্কি নামা!”

গভীর কণ্ঠে হুকুম করেন রামকালী!

দেখা দরকার প্রকৃত ঘটনা গদাইয়ের আন্দাজ অনুযায়ীই কিনা। আর এও জানা দরকার যদি সত্যিই তাই হয়, কে এমন হুঁবিনীত আছে তাঁর গ্রামে, যে ব্যক্তি মেয়ের বিয়ে দিতে বসেছে, অথচ রামকালীকে জানায় নি! আর এ গ্রামের যদি নাও হয়, খোঁজ নেওয়াও চাই, গ্রামের ওপর দিয়ে বর-বরযাত্রী নিয়ে যাচ্ছে কোথায়!

রামকালীর মনে যাই থাকুক, বেহারাগুলো একটুখানির জন্তেও বাঁচল। একটা পাকুড় গাছতলায় পাল্কি নামিয়ে, খানিক তফাতে গিয়ে কাঁধের গামছা ঘুরিয়ে বাতাস খেতে লাগল।

কতামশায়ের চোখের সামনে তো আর বাতাস থাওয়া চলে না।

কিছুক্ষণ পরেই দূরবর্তী পাল্কি অদূরবর্তী, এবং ক্রমশঃ নিকটবর্তী হল।

রামকালী বেরিয়ে পড়ে কাঁধের মটকার চাদরখানা গুছিয়ে কাঁধে কেলো রাজোচিত ভঙ্গীতে দাঁড়িয়ে জলদগভীর কণ্ঠে হাঁক দিলেন, “কে যায়?”

পাল্কি থামল। না থেমে এগিয়ে যাবার সাধ্য কার আছে, এই কণ্ঠকে উপেক্ষা করে ?

পাল্কি থামল।

বর আর বরকর্তা এতে সমাসীন। বরকর্তার সঙ্গে সঙ্গে কিশোর বরটিও সভয়ে একটু মুখ বাড়াল।

ওই দীর্ঘকায় গৌরবাস্তি পুরুষ মাটিতে নেমে দাঁড়িয়ে, অতএব কে পাল্কি চড়ে বসে থাকতে পারে তাঁর সামনে ?

সে পাল্কি থেকেও নামলেন বরকর্তা।

করজোড়ে বললেন, “আপনি আজ্ঞে ?”

রামকালীর কিন্তু তখন ভুরু কুঁচকেছে, তীক্ষ্ণ দৃষ্টির শরসন্ধান চলছে পাল্কির মধ্যে। অভ্যাসবশতঃই দুই হাত তুলে প্রতি-নমস্কারের ভঙ্গীতে বললেন, “আমি রামকালী চাটুয্যে।”

“রামকালী চাটুয্যে !”

ভদ্রসন্ধান বিহ্বল হয়ে—না আত্মগত, না প্রশ্নহৃৎক, কেমন ঘেন আল্গা ভাবে উচ্চারণ করলেন, “কবরেজ !”

“হ্যাঁ ! ছেলেটির কপালে চন্দন দেখলাম মনে হল, বিবাহ না কি !”

সে ভদ্রলোক রামকালীর চাইতে বয়সে ছোট না হলেও বিনয়ে কীটানুকীটের মত ছোট হয়ে পায়ের ধুলো নিয়ে বলেন, “আজ্ঞে হ্যাঁ। ওঃ, কী পরম ভাগ্য আমার যে এই শুভযাত্রায় আপনার দর্শন পেলাম।”

রামকালীর দৃষ্টির সেই শরসন্ধান বন্ধ হল না, তবু মুহূ হেসে বললেন, “চেনেন আমার ?”

“আহা! আপনাকে চেনে না এ তল্লাটে এমন অভাগা কে আছে ? তবে নাকি চাক্ষুষ দর্শনের সৌভাগ্য ইতিপূর্বে হয় নি। রাজু বেরিয়ে এসে পায়ের ধুলো নাও।”

“থাক থাক, বিয়ের বর !” রামকালী স্বভাবসিদ্ধ গভীর গলায় প্রশ্ন করলেন, “আপনার পুত্র ?”

“আজ্ঞে না, ভ্রাতুষ্পুত্র ! পুত্র আমার কনিষ্ঠ সহোদরের। সে আছে পেছনে গো-যানে। আরও সব আত্মকুটুম্ব আসছেন তো !”

“হঁ। কতটি কোথাকার ?”

“আজ্ঞে এই বে ‘পাটমহলে’র। পাটমহলের লক্ষ্মীকান্ত বাড়ুয়ার পৌত্রী —”

“লক্ষ্মীকান্ত বাঁড়ুয়োর পৌত্রী?” রামকালী যেন সহসা সচেতন হলেন,
“তাই নাকি? আপনারা কোথাকার? আপনার ঠাকুরের নাম?”

“আমরা বলাগড়ের। ঠাকুরের নাম ঈশ্বর গঙ্গাধর মুখোপাধ্যায়, পিতামহের
নাম ঈশ্বর গুণধর মুখোপাধ্যায়, আমার নাম—”

“ধাক আপনার নামে প্রয়োজন নেই। তা হলে আপনারা মুখুটি কুলীন?
তা হাবভাব এমন যজ্ঞমেনে ভট্টাচায়ে মতন কেন? কিন্তু সে যাক্, দুটো কথা
আছে আপনার সঙ্গে। বর নিয়ে বেরিয়েছেন কখন?”

‘যজ্ঞমেনে ভট্টাচা’ শব্দটায় ঈষৎ ক্ষুব্ধ হয়ে পাত্রের জেঠা গম্ভীর ভাবে বলেন,
“আভ্যুদায়িক আন্ধের পর।”

“সে তো বুঝলাম, কিন্তু সেটা কত বেলায়?”

“এই এক প্রহরটাক্ আগে হবে।”

“হুঁ! পাত্রের কপালের ওই চন্দনরেখা কি সেই তখনকারই নাকি?”

চন্দনরেখা!

এ আবার কেমন প্রশ্ন!

পাত্রের জেঠা নানাবিধ প্রশ্নের সম্মুখীন হবার জন্তে প্রস্তুত হচ্ছিলেন,
কিন্তু পাত্রের কপালের চন্দনরেখাঙ্কনের কালনির্ণয়ের মত এমন অদ্ভুত
প্রশ্নের জন্ত নিশ্চয়ই প্রস্তুত ছিলেন না। তাই অবোধের মত বলেন,
“কি বলছেন?”

“বলছি, ছেলের কপালে ওই যে চন্দন পরানো হয়েছে, ওটা কি সেই
যাত্রাকালেই?”

“আজ্ঞে হ্যাঁ, তা তো নিশ্চয়ই!” পাত্রের জেঠা সোৎসাহে বলেন,
“যাত্রাকালে মেয়েরা যেমন পরিয়ে দেয় তেমনি দেওয়া হয়েছে, আমাদের
বাড়ির মেয়েদের বুঝলেন কিনা এসব ব্যাপারে খুব নামডাক আছে।
পাড়া থেকে ডাকতে আসে পিড়ি আলপনা দিতে, শ্রী গড়তে, বরকনে
সাজাতে—”

রামকালী ওই পাল্কির দিকে তাকাতে তাকাতে আবার কেমন
অগম্য হয়ে পড়েছিলেন, ইত্যবসরে পশ্চাত্বর্তী গোরুর গাড়ি দুখানা
এসে পড়েছে। পাল্কি নামানো এবং অপর এক পাল্কির আরোহীর সঙ্গে
বাক্যবিত্তাসের ব্যাপার দেখে ঈষৎ ঘাবড়ে গিয়ে বরের বাপও নেমে এসে
দাঁড়িয়েছেন।

অল্পমনা রামকালী একটা দীর্ঘনিশ্বাস ফেলে গাঢ় স্বরে বলেন, “আমি আপনাকে একটি অল্পরোধ করছি মুখ্যো মশাই, আপনি যাত্রা স্থগিত করুন।”

যাত্রা স্থগিত করুন!

বিবাহযাত্রা! হাঁ করে তাকিয়ে থাকেন বরের জেঠা আর বরের বাপ! লোকটা পাগল না শয়তান! না কনের বাড়ির সঙ্গে গভীরতম কোন শত্রুতা আছে!

ওদিকে ঘাম ছুটে যাচ্ছে বেহারাদের, রোদ্দুরটা অসহনীয় হয়ে উঠেছে। দু পাল্কির বেহারারা অদূরে দাঁড়িয়ে পরস্পর বাক্য বিনিময় করে ব্যাপারটা অলুপাবন করার চেষ্টা করতে ঘন ঘন এদিকে তাকাচ্ছে কখন পাল্কি তোলার ডাক পড়ে।

ব্যাপারটা যে একটা কিছু হচ্ছে এ অল্পমান করে ইত্যবসরে গরুর গাড়ি থেকে এক ব্যক্তি লাফিয়ে নেমে পড়েছেন, যিনি হচ্ছেন বরের পিসে; গাড়ির ছইয়ের মধ্যে গলদঘর্ম হয়ে আসতে আসতে এমনিতেই মেজাজ তাঁর চড়ে উঠেছিল, নেমেই যাত্রা স্থগিতের কথা শুনে তেলেবেগুনে জলে উঠে বললেন, “কে মশাই আপনি? ভাঙ্‌চি দেবার আর জায়গা খুঁজে পান নি? যাত্রা করে বর বেরিয়েছে, পথের মাঝখানে দাঁড় করিয়ে ভাঙ্‌চি দিচ্ছেন?”

মুখ্যো ভ্রাতৃঘর ভগ্নীপতির এ হেন ছর্বিনয়ে বিচলিত হয়ে তাড়াতাড়ি বলে ওঠেন, “আঃ গাঙ্গুলী মশাই, কাকে কি বলছেন? ইনি কে তা জানেন?”

“জানতে চাইনে মুখ্যো, থামো তুমি। যে ব্যক্তি এ হেন অবাচীরের ত্রায় কথা কয়—”

“চোপ্‌রাও।” হঠাৎ যেন ঘুমন্ত বাঘ জেগে উঠে গর্জে উঠল, “চোপ্‌রাও বামুনের ঘরের কুখাণ্ড!”

“মুখ্যো!” চৈচিয়ে উঠল বাঘের পর থেক্‌শিয়াল, “দাঁড়িয়ে অপমানিত হবার জন্তে তোমার ছেলের বিয়ের বরযাত্র আর আসি নি। ইটি বোধ হয় তোমার কোন বড় কুটুম্ব? তা এঁকে নিয়েই বিয়ে দেওয়াও গে, আমি চললাম।”

“আহা, করেন কি গাঙ্গুলী মশাই। ইনি হচ্ছেন আমাদের সাতখানা গাঁয়ের মাথা, কবিরাজ চাটুয্যো মশাই! অবশ্যই অনিবার্য কোন কারণে ইনি যাত্রা স্থগিতের আদেশ—”

গল্পেরে নিক্ষেপ করে মুড়ের মত ‘যাত্রা-করা’ বর নিয়ে ফিরে যাবেন! বাঁড়ুযোদের হবে কি? কত্যা ভ্রষ্টলগ্না হওয়া মৃত্যুর চাইতে কি কিছু কম?

না এ অসম্ভব! নিশ্চয় এ কোন চক্রান্ত!

হয় এই চাটুযোর সঙ্গে লক্ষ্মীকান্ত বাঁড়ুযোর ঘোরতর কোন শত্রুতা আছে, নচেৎ এই লোকটা আদৌ কবরেজ চাটুযোই নয়! কোন ক্ষাপাটে বামুন! তবু এই ব্যক্তিত্বের প্রভাবের সামনে কেমন যেন সব গুলিয়ে যাচ্ছে। আর সন্তানের সম্পর্কে অত বড় অভিশাপ সদৃশ বাণী!

ছোট মুখ্যে একবার অদূরবর্তী পাল্কির দিকে তাকিয়ে রুদ্ধশ্বাস-বক্ষে বলেন, “আমি তো রোগের কোন লক্ষণ দেখছি না কবরেজ মশাই।”

রামকালী একটু বিষাদব্যঞ্জক হাসি হাসেন, “তা দেখতে পেলে তো আমার সঙ্গে আপনার কোন প্রভেদই থাকত না মুখ্যে মশাই। আশুন, এদিকে সরে আশুন। দেখছেন তাকিয়ে ছেলের ললাটে ওহ চন্দনরেখা? সত্ত্ব চন্দনের মত আর্দ্র। অথচ বলছেন এক প্রহরকাল আগে চন্দন পরানো হয়েছে! তা হলে সে চন্দন এতক্ষণে শুকিয়ে খড়ি হয়ে যাবার কথা। হয় নি। কারণ চোর। সান্নিপাতিকে সর্বশরীর রসস্থ হয়ে উঠেছে—”

“এই কথা!” হঠাৎ পাত্রের জেঠা হেসে ওঠেন, “কবিরাজ মশাই, খুব সম্ভব পথশ্রমে আপনি কিছু অধিক ক্লান্ত, তাই লক্ষণনির্ণয়ে ভুল করেছেন। গ্রীষ্মকালে ঘর্ম-নির্গমের দরুন চন্দন শুকিয়ে ওঠবার অবকাশ পায় নি, এই তো কথা! ওহে বেয়ারারা, চল চল। পালকি ওঠাও। শুভযাত্রায় এ কী বিপত্তি!”

লক্ষণনির্ণয়ে ভুল করেছেন রামকালী! রামকালীর নিজেরই মাথার শিরা ফেটে যাবে নাকি!

একবার নিজের পাল্কির দিকে অগ্রসর হতে উদ্যত হলেন রামকালী, কিন্তু আবার কি ভেবে থমকে দাঁড়িয়ে আরও ভারী গলায় বললেন, “শুভ্রন মুখ্যে মশাই, রামকালী চাটুযোর লক্ষণনির্ণয়ে ভুল হয়েছে, এ কথা যদি অত্ৰ কোন ক্ষেত্রে উচ্চারণ করতেন, সে ঔদ্ধত্যের সমুচিত উত্তর পেতেন। কিন্তু এখন আপনার সঙ্কট সময়, ওদিকে বাঁড়ুযোরাও বিপন্ন, তাই মার্জনা পেয়ে গেলেন। লক্ষ্মীকান্ত বাঁড়ুযোর বাড়ি এখনই সংবাদ দেওয়া প্রয়োজন, এবং সে কাজ আমাকেই করতে হবে। প্রয়োজন হলে পাল্কি ছেড়ে দিগে ঘোড়া নিতে হবে। তবে আপনাকে শেষ সাবধানের কথা জানিয়ে যাচ্ছি, ছেলেটির মাথার

শিরা ছিঁড়ে ভিতরে রক্তক্ষরণ শুরু হয়েছে, চোখের শিরার রং এবং রগের শিরার ক্ষীতির দিকে লক্ষ্য করলে আপনিও ধরতে পারবেন। মনে হচ্ছে খানিক বাদেই বিকার শুরু হবে। জানানো আমার কর্তব্য বলেই জানিয়ে দিলাম। বলেছিলেন না লক্ষণনির্ণয়ে ভুল? ঈশ্বরের কাছে প্রার্থনা করছি, রামকালী কবরেজের বিচারে যেন ভুলই হয়ে থাকে। রোদের ঘামকে ‘কালঘাম’ ভাবার ভ্রান্তিই তার হয়েছে, এই যেন হয়। আর কি বলব! আচ্ছা নমস্কার। ...ওরে গদাই তোল পালকি। পা চালিয়ে একবার বসিরের ওখানে চল দিকি, ঘোড়াটাকে নিতে হবে।”

পালকি চলতে শুরু করেছে হঠাৎ ছুটে এলেন ছোট মুখুয্যো, প্রায় ডুকরে কেঁদে চীৎকার করে উঠলেন, “কবরেজ মশাই, এত বড় সর্বনাশের কথা বললেন যদি তো একটু ওষু দিলেন না?”

রামকালী গম্ভীর বিষণ্ণ ভাবে হাতটা একটু নেড়ে সে হাত কপালে ঠেকিয়ে বললেন, “দেবার হলে আপনাকে বলতে হত না, আমি নিজেই দিতাম। কিন্তু এখন আর স্বয়ং ধনুন্তরীর বাবারও সাধ্য নেই।”

ও পালকিতে তখন বড় মুখুয্যো উঠে পড়ে বিরক্তভাবে বলে ওঠেন, ‘ভূর্গা ভূর্গা, যত সব বিদ্ব। যাত্রাকালে কার মুখ দেখে বেরোনো হয়েছিল! কোথা থেকে এক উৎপাত জুটে—এই রাজু, অমন ঢুলছিস কেন? গরমে কষ্ট হচ্ছে?’

রাজু রক্তবর্ণ দুটি চোখ মেলে বলে, “না জেঠামশাই, শুধু বড্ড শীত করছে।”

সাত

আঁচল ডুবিয়ে নাড়া দিয়ে দিয়ে তলার জল ওপরে আর ওপরের জল তলায় করছিল ওরা তপ্ত জল শেতল করতে। বেলা পড়ে এসেছে, তবু পুকুরের জল টগবগিয়ে ফুটছে। এ জলে নেমে বাঁপাই ঝুড়লে গা ঠাণ্ডা হবার বদলে দাহই হয়, তবু জলের আকর্ষণ বড় আকর্ষণ, তাই বেলা পড়তেই জলে পড়া চাই পাড়ার নবীনাকুলের।

চাটুয্যো-পুকুরের জল ‘তোল মাটি ঘোল’ করছিল পুণ্য টেঁপি পুঁটি খেদি প্রমুখ নবীনারা। সত্য কেন এখনো এসে হাজির হয় নি তাই ভাবছে ওরা, আর অল্পপস্থিত সত্যর সন্তোষ বিধানের জগ্গেই বোধ করি জল শেতল করার অভিযানটা এত জোর কদমে চালাচ্ছে। সত্য ওদের প্রাণপুতুল।

সত্য কি শুধুই তাদের দলনেত্রী?

ভগবান জানেন কোন্ গুণে সত্য সকলের হৃদয়নেত্রীও। ‘সত্য’-বিহীন খেলা ওদের শিবহীন দক্ষ্যজ্ঞেরই সামিল। পুকুরে বাঁপাই বোড়ার ব্যাপারে সত্যই রোজ অগ্রণী, তাই ওরা বার বার ফুটন্ত জলকে তলা-ওপর করতে করতে এ ওকে প্রশ্ন করছিল, “সত্যর কি হল রে?” “ঘরে তো দেখলাম না?” “বলেছিল তো ঠিক সময় দেখা হবে।” “বাগানে কোথাও আছে নাকি এখনো?” “দূর, একা একা কি আর বাগানে ঘুরবে? বে’ওলা মেয়ে, ভয় নেই পরাণে?” “ভয়! সত্যর আবার ভয়! দেখিস ও স্বপ্নরবাড়ী গিয়ে শাউড়ী পিসশাউড়ীকেও ভয় করবে না!” “তা আশ্চর্য্য নেই, ও যা মেয়ে!”

সত্য যে তার সমস্ত সখী-সঙ্গিনীদের প্রাণের দেবতা, তার প্রধান কারণ বোধ হয় সত্যর এই নির্ভীকতা। নিজের মধ্যে যে গুণ নেই, যে সাহস নেই, সে গুণ সে সাহস অন্তের মধ্যে দেখতে পেলে মোহিত হওয়া মামুুষের স্বভাবধর্ম। নির্ভীকতা ব্যতীতও আরও কত গুণ আছে সত্যর। খেলাধুলোর ব্যাপারে সত্যর উদ্ভাবনী শক্তির জুড়ি নেই, বল আর কৌশল দুইই তার অন্তের চাইতে একশ’ গুণ। মোটামোট একটা গাছের কাটা গুঁড়িকে দড়ি বেঁধে একা টেনে আনা সত্যবতীর পক্ষে আদৌ অসম্ভব নয়, আবার সেই গাছের গুঁড়িকে গড়িয়ে পুকুরের জলে ফেলে ডিঙি বানানোও সত্যর কৌশলেই সম্ভব।

এর ওপর আবার ‘পরার’ বাঁধা!

পরার বাঁধার পর থেকে পাড়ার সমস্ত ছোট ছেলে-মেয়েই তো সত্যর পায়ে বাঁধা পড়েছে।

সেই সত্যর জগ্গ জল শেতল করেছে ওরা এ আর বেশী কথা কি। কিন্তু সত্যর এত দেরি কেন? এদিকে যে এদের মেয়াদ ফুরিয়ে আসছে। ঠাকুমা-পিসীরা একবার চৈতন্ত পেয়ে খোঁজ করলেই তো ‘হস্বে’ গেল!

নেহাৎ নাকি ঠিক এই সময়টুকুই অভিভাবিকা দলের কিঞ্চিৎ দিবানিদ্রার সময়, তাই এদের এই অবাধ স্বাধীনতা। ই্যা, এই পড়ন্ত বেলাতেই গিল্লীরা

একটু গড়িয়ে পড়েন। সারা বছর তো নয়, (মেয়েমানুষের দিবানিদ্রার মত অলক্ষ্যে ব্যাপার আর কি আছে সংসারে ?) নেহাৎ এই আমার সময়টা।

আমের যে একটা ‘নেশা’ আছে।

গিন্নীরা বলেন, ‘আমের মদ’।

আম খাও বা না খাও, এ সময়ে শরীর চিস্ চিস্ করবেই। অবশ্য না খাওয়ার প্রশ্ন ওঠেই না। আম-কাঁটাল আবার কে না খায় ? হরু ভট্টাচার্য মার মত কে আর আম-হেন বস্তুকে জগন্নাথের নামে উৎসর্গ করতে পারে ? হরু ভট্টাচার্য মা সেবার শ্রীক্ষেতর গিয়ে এই কাণ্ড করে এসেছেন, ‘ক্ষেতর করার’ পর জগন্নাথকে ফল দিতে হয় বলে আম ফলটি দিয়ে এসেছেন। মনের আক্ষেপে সেবার হরু ভট্টাচার্য আমবাগান বেচে দিতে চেয়েছিলেন, বলেছিলেন, “মার ভোগেই যদি না লাগল তো, আমবাগানে আমার দরকার ?” তা ভট্টাচার্য মা ছেলেকে হাতে ধরে বুঝিয়ে ঠাণ্ডা করেছিলেন, বলেছিলেন “বাবা আজন্মকাল তো খেয়ে এলাম, তবু খাওয়ার লালস ঘোচে না, তাই বলি যে দব্যাতে এত আসক্তি, সেই দব্বাই জগন্নাথকে উজ্জুষ্ট করব। তাই বলে তুই বাগান নষ্ট করবি ? ছেলেপুলে খাবে না ?”

ছেলেপুলে বুড়ো যুবো আমার ভক্ত সবাই। আমার মরশুমে দিনে এক কুড়ি দেড় কুড়ি আম খাওয়া তো কিছুই না।

অবশ্য সব আম সবাই খায় না।

অর্থাৎ পায় না।

সংসারে সদশুদের শ্রেণীহিসেবেই আমার শ্রেণীহিসেব করে ভাগ হয়। কর্তাদের নৈবেদ্যে লাগে “জোড় কলম” গোলাপখাস, ক্ষীরসাপাতি, নবাব পসন্দ, বাদশা ভোগ, চাউশ্ কজলী ইত্যাদি, গিন্নীদের ভোগের জন্তে সরানো থাকে পেয়ারাফুলি, বেলসুবাসী, কাশীর চিনি, সিঁদুরমেঘ।

আর বৌ কি ছেলেপুলের ভাগ্যে জোটে ‘রাশি’র আম। তা রাশি রাশি না পেলে যাদের আশ মিটেবে না তাদের জন্তে রাশির বরাদ্দ ছাড়া আর কি বরাদ্দ হতে পারে ? বাড়ির ঝুড়ি ঝুড়িতেই কি ওদের আশা মেটে ? দু বেলাই জলখাবারের ঝুড়ি ঝুড়ি তো পায়, কারণ গিন্নীরা প্রকৃতির এই দাক্ষিণ্যের সময় মুড়িভাজা পর্বট থেকে কিঞ্চিৎ রেহাই নেন। কিন্তু হলে কি হবে, বাড়ি থেকে ‘মধুকুলকুলি’ আমার পাহাড় শেষ করেই ওরা তক্ষুণি ছোটো হয়তো বা “বৌ পালানে” কি “বান্দর ভাবাচাকা” আমার বাগানে। বাঘা

তেঁতুলের বাবা জাতীয় সেই আমগুলি পার করার সহায় হচ্ছে মুঠো মুঠো ছুন। অবিশ্রি তুচ্ছ হলেও বস্তুটা সংগ্রহ করতে বালকবাহিনীকে বিশেষ বেগ পেতে হয়, কারণ ওর আশ্রয়স্থল যে একেবারে রান্না-ভাঁড়ার। যেন নাকি সম্পূর্ণ গিল্লীদের এলাকা। আর যে গিল্লীরা হচ্ছেন একেবারে সহানুভূতিহীনতার প্রতীক। ছেলেপুলেদের সব কিছুতেই তো তাঁরা খড়াহস্ত। ছুন একটু চাইতে গেলেই প্রথমটা একেবারে তেড়ে মারতে আসবেন জানা কথা! তবে নাকি ছেলেগুলোর খুব ভাগ্যের জোর যে, প্রায় সব সময়ই ওরা ওনাদের অস্পৃশ্য। কাজেই মারতে আসলেও মারতে পারেন না। তার পর বহুবিধ কাকুতি-মিনতির পর যদি বা দেবেন তো, সে একেবারে সোনার ওজনে। দেবেন আর সঙ্গে সঙ্গে বলবেন, “যাচ্ছিস তো আবার টুকু বিষ আমগুলো গিলতে? ঘরে এত খায় তবু আশ মেটে না গা! কী রাক্ষুসে পেট গো, কী লক্ষ্মীছাড়া দিশে! মরবি মরবি রক্ত-আমাশা হয়ে মরবি। সবগুলো একসঙ্গে ‘মনসা তলা’য় যাবি। যত সব পাপগুলো একস্তর জুটেছে।”

গালমন্দ-বিহীন লবণ?

সে ওরা কল্লনাও করতে পারে না।

তবে সত্য আগে আগে চরণ মূদির দোকান থেকে বেশ খানিকটা সংগ্রহ করে আনতে পারত, কিন্তু ইদানীং অর্থাৎ বড় হয়ে ইস্তক মূদির দোকানে ভিক্ষে করতে যেতে ওর লজ্জা করে। বড় জোর দূরে দাঁড়িয়ে থেকে নিতান্ত একটা শিশুকে লেলিয়ে দেয়।

কবরেজের মেয়ে বলে সমাজে সত্যর কিছুটা প্রতিষ্ঠা আছে।

সে প্রতিষ্ঠার মর্যাদাটাও তো রাখতে হয়?

আজ দুপুরে আমবাগান পর্বে সত্য ছিল, তার পর কখন একসময়ে যেন বাড়ি চলে গিয়েছিল।

খৈদি একটু কল্লনা-প্রবণ, তাই সে বলে, “সত্যর স্বস্তরবাড়ি থেকে কেউ আসে নি তো?”

“দূর! স্বস্তরবাড়ি থেকে আবার শুধু শুধু কেউ আসবে কেন? আর আসেও যদি, সত্যর সঙ্গে কি? যে আসবে সে তো চণ্ডীমণ্ডে বসবে।”

সহসা পুঁটি চেঁচিয়ে ওঠে, “আসছে, আসছে!”

“আসছে! বাবা, ধড়ে পেরাণ পাই।”

“এত দেরি কেন রে সত্য? আমরা সেই কখন থেকে জল ঠাণ্ডা করছি।”

সত্য বিনাবাক্যে গম্ভীর ভাবে ঘাটের পৈঠের ভাঙাচোরা বাঁচিয়ে জলে নামে।

“কি রে সত্য, মুখে কথা নেই যে? বাবা, আজ এত পায়া-ভারী কেন রে তোরা?”

সত্য একমুখ জল নিয়ে কুলকুচো করে ঠোট বাঁকিয়ে বলে, “পায়া-ভারী আবার কি! মনিষ্টির রীত-চরিত্রির দেখে ঘেন্না ধরে গেছে।”

“ওমা, কেন রে? কাকে দেখে? কার কথা বলছিস?”

সত্য জলন্ত স্বরে বলে, “বলছি আমাদের জটাদার বৌয়ের কথা! গলায় দড়ি! গলায় দড়ি! মেয়েজাতের কলঙ্ক!”

সত্যর বয়েস ন বছর, অতএব সত্যর পক্ষে এ ধরনের বাক্যবিত্তাস অসম্ভব, এমন কথা ভাববার হেতু নেই। শুধু সত্য কেন—নেহাৎ ঝাকাহাবা মেয়ে ছাড়া, সে আমলে আট-ন বছরের মেয়েরা এ ধরনের বাক্যবিত্তাসে পোক্তই হত! না হবে কেন? চার বছর বয়স থেকেই যে তাকে পরের বাড়ি যাওয়ার তালিম দেওয়া হত, আর বয়স্কদের মহলেই বিচরণের ক্ষেত্র নির্বাচন করা হত। সে ক্ষেত্রে ‘শিশু’ বলে কোন কথাই বাদ দেওয়া হত না তাদের সামনে।

কাজেই সত্য যদি কারো উপর খাপ্পা হয়ে তাকে ‘মেয়েজাতের কলঙ্ক’ বলে অভিহিত করে থাকে, আশ্চর্য হবার কিছু নেই।

পুণ্যি তাড়াতাড়ি প্রশ্ন করে ওঠে, “কেন রে, কি হয়েছে?”

“ধম জানে!” বলে প্রথমটা খানিকক্ষণ যমের উপর ভার ফেলে রেখে, অতঃপর সত্য মুখ খোলে, “জন্মে আর ওর মুখ দেখছি না! ছি ছি! গেছলাম! বলি আহা, সোয়ামী শাউড়ীর ভয়ে রোগের ওষুধটুকু পর্যন্ত খেতে পায় না, যাই একবার দেখে আসি কেমন আছে। সেজপিসী তারকেশ্বর গেছে শুনেছি, মনটা তাতেই আরও খোলসা ছিল। ওমা গিয়ে ঘেন্নায় মরে যাই, কী দুঃ পিবিস্তি, কী দুঃ পিবিস্তি!”

এরা শঙ্কিত দৃষ্টি মেলে তাকিয়ে থাকে, না-জানি কোন্ ভয়ঙ্কর কাহিনী উদ্ঘাটন করে বসে সত্য।

শুধু পুণ্য ভয়ে ভয়ে বলে, “কি দেখলি রে?”

“কি দেখলাম? বললে পেতায় করবি? দেখি কিনা ঘরে জটাঙ্গা বসে, আর বৌ কিনা তাকে পান সেজে দিচ্ছে, আর হাসি-মস্করা করছে।”

জটাঙ্গা?

খেঁদি পুঁটি টেঁপি সকলে একযোগে বলে ওঠে, “ও হরি! এতেই তোর এত রাগ! শাউড়ী বাড়ি নেই, তাতেই বুকের পাটাটা বেড়েছে আর কি।”

“বুকের পাটা বেড়েছে বলে পান সেজে খাওয়াবে? হাসি-মস্করা করবে?”
সত্য যেন ফুলতে থাকে।

পুণ্য আরও ভয়ে ভয়ে বলে, “তা পরপুরুষ তো আর নয়? নিজের সোয়ামী—”

“নিজের সোয়ামী!” সত্য ঝটপট বার-দুই কুলকুচো করে বলে, “খ্যাংরা মারো অমন সোয়ামীর মুখে! যে সোয়ামী লাখি মেয়ে ঘরের দক্ষিণ দোর পাঠায় তার সঙ্গে আবার হাসি-গল্প? গলায় দিতে দড়ি জোটে না? আবার আমায় কি বলেছে জানিস? ‘আমার সোয়ামী আমায় মেরেছে, তোমায় তো মারতে যায় নি ঠাকুরঝি? তোমার এত গায়ে জালা কেন যে ছড়া বেঁধে গালমন্দ করতে আস?’ এর পর আবার আমি ওর মুখ দেখব?”

জাঁচলটাকে গা থেকে খুলে জোরে জোরে জলের ওপর আছড়াতে থাকে সত্য।

সখীবাহিনী কিঞ্চিৎ বিপদে পড়ে।

ওরা অভিযুক্ত আসামীনীকে খুব একটা দোষ দিতে পারে না, কারণ স্বামী একদা একদিন বেদম মেরেছে বলে যে জন্মে আর সে স্বামীকে পান সেজে খাওয়ানো চলবে না, এতটা কঠোর ক্ষমাহীন মনোভাব তাদের পক্ষে আরম্ভ করা শক্ত। অথচ সত্যের কথার প্রতিবাদ চলে না, সত্যের কথায় সমর্থন না করলে চলে না।

কিন্তু ও কি! ও কি! ও কিসের শব্দ!

হঠাৎ বুঝি ওদের বিপদে রক্ষা করলেন মধুসূদন। পুকুরপাড়ের রাস্তায় তালগাছের সারির ওদিকে যেন অশঙ্করধ্বনি ধ্বনিত হল।

ঘোড়ার স্কুরের শব্দ না?

ঘোড়ায় চড়ে কে আসে ?

পুণ্য তড়বড় করে ঘাটে উঠে এগিয়ে দেখে পড়ি তো মরি করে ছুটে আসে,
“এই সত্য, মেজদা !”

মেজদা !

অর্থাৎ রামকালী !

সত্য অবিশ্বাসের হাসি হেসে মুখ ভেঙিয়ে বলে ওঠে, “স্বপ্ন দেখছিস না কি ?
বাবা না জীরেটে গেছে ?”

“আহা, তা সেথেনে তো আর বাস করতে যায় নি ? আসবে না ?”

ইত্যবসরে ক্ষুরধ্বনি একবার কিছুটা নিকটবর্তী হয়েই, ক্রমশঃ দূরবর্তী
হয়ে যায় ।

সত্য গলা বাড়িয়ে একবার দেখতে চেষ্টা করে, তার পর নির্লিপ্তভাবে বলে,
“যেমন তোমার বুদ্ধি। বাবা বুঝি ঘোড়ায় চড়ে জীরেটে গেছল ? নাকি
পাল্কিটা মাঝরাস্তায় ঘোড়া হয়ে গেল !”

পাল্কি ! তাও তো বটে। পুণ্য দ্বিধায়ুক্ত স্বরে বলে, “আমি কিন্তু সত্য
দেখলাম মেজদা আর মেজদার ঘোড়াটা। বাড়ির দিকেই তো গেল।”

তা গেল বটে। তবে কি হঠাৎ জীরেটের সেই রুগীর ‘নেয়-দেয়’ অবস্থা
ঘটেছে ? তাই হঠাৎই কোন মোক্ষম ওষুধের দরকার পড়েছে ? যার জন্তে
পাল্কি রেখে ঘোড়ায় চড়ে ছুটে আসতে হয়েছে চিকিৎসক রামকালীকে ?

খৈদি বলে, “যাই হোক বাপু সত্য, তুই বাড়ি যা। কবরেজ জ্যাঠা ভেল
এ গেরামে ঘোড়াতেই বা চড়বে কে ?”

এ কথাটাও খাঁটি।

ঘোড়া আর আছেই বা কার ? এ অঞ্চলে কালেকশ্বিনে বর্ধমান রাজ্যের
কোন কর্মচারী কি কোম্পানির কোন লোক, ঘোড়ার পিঠে চড়ে আসে, নইলে
ঘোড়া কে কোথায় পাচ্ছে ?

ঘাট থেকে উঠে পড়ে সত্য-বাহিনী।

এখন প্রথমটা সকলেরই সত্য-ভবনে অভিযান। কারণ ঘোড়া-রহস্ত ভেদ
না করে কে স্থির থাকতে পারবে ?

ভিজ়ে কাপড়ে জল সপ্‌সপিয়ে আর মলের গোছা বাজিয়ে ওরা রওনা হল,
কিন্তু এ কী তাজ্জব ! এ যে একেবারে রূপকথার গল্পের মত।

সত্যদের বাড়ির কাছাকাছি পৌঁছতে না পৌঁছতে হাঁ হয়ে দেখে ওরা রামকালী ফের ফিরে যাচ্ছেন ঘোড়া হাঁকিয়ে, শুধু এবারে বাড়তির মধ্যে তাঁর পিছনে পিঠ আঁকড়ে আর একজন বসে।

সে জনটি হচ্ছে, সত্যর বড়দা।

রামকালী চাটুয্যের বৈমাত্র ভাই কুঞ্জবেহারীর বড় ছেলে রাসবেহারী।

পুণ্যির কথাই সত্যি বটে। অস্বারোহী ব্যক্তি রামকালীই। কিন্তু এ নিয়ে এখন আর বাহ্যিক ফলায় না পুণ্য, শুধু হাঁ করে অনেকক্ষণ ঘোড়ার পায়ের দাপটে ঠিকরে ওঠা ধুলোর ঝড়ের দিকে তাকিয়ে থেকে নিশ্বাস কেলে বলে, “ব্যাপার কি বল তো?”

“আমিও তো ভাই ইন্তাম করছি।” সত্য অবাক ভাবে বলে, “ওষুধ নিতে আসবে যদি বাবা, তো বড়দাকে পিঠে বেঁধে নিয়ে যাবে কেন?”

“সেই তো কথা!”

প্রাচণ্ড গরম, তবু জল সপ্‌সপে ভিজ়ে কাপড়ের ওপর হাওয়ার ডানা বুলিয়ে যাওয়ার দরুন গাটা কেমন সিরসির করে এল। সত্য এবার ‘হাঁ-করা’ ভাব ত্যাগ করে বিচক্ষণের স্বরে বলে, “নে নে চল, দোরো দাঁড়িয়ে গুলতুনি করে আর কি হবে? বাড়ি গেলেই টের পাব, কি হয়েছে! তোরা যা, ভিজ়ে কাপড় ছেড়ে আর। আমি দেখি গিয়ে কি হয়েছে!”

কি হয়েছে!

যা হয়েছে তা একেবারে সত্যর হিসেবের বাইরে। শুধু সত্যর কেন সকলেরই হিসেবের বাইরে। ঘোড়ায় চড়ে ঝড়ের বেগে এসে সমগ্র সংসারটার উপর যেন প্রকাণ্ড একখানা পাথর ছুঁড়ে মেরে ফের ফিরে গেছেন রামকালী। সেই পাথরের আঘাত সহজে কেউ সামলাতে পারছে না।

সত্য ভেতরবাড়ির উঠোনে ঢুকে দেখল, উঠোনের মাঝখানে বসানো মরাই ছোট্ট মাঝখানে যে সরু জমিটুকু, সেইখানে দাঁড়িয়ে আছে বড়জ্যেঠা, ঠিক যেন কাঠের পুতুলটি, আর দাওয়ার পৈঠেয় গালে হাত দিয়ে কাঠ হয়ে বসে তার ঠাকুমা। এবং দাওয়ার ওপর জটলা বেঁধে বাড়ির আর সবাই। শুধু যা পিসঠাকুমাই অল্পস্থিত।

অবশ্য সেটাই স্বাভাবিক, কারণ তিনি এই যবনাচারী দাওয়ায় কখনো পাঠকান না। এ দাওয়ায় রাস্তা-বেড়ানে ছেলেপুলে ওঠে, কর্তাদের খড়ম ওঠে।

পিসঠাকুমা না থাক, আর সবাই তো জটলা করছে। কেন করছে? অথচ কারো মুখে বাক্য নেই কেন? কিস কিস কথা, ঘোমটার ভেতর হাত-মুখ নাড়ানাড়ি। সত্য ঠাকুমার যতটা সম্ভব গা বাঁচিয়ে গা ঘেঁষে বসে পড়ে সাবধানে ইশারায় প্রশ্ন করে, “কি হয়েছে গো ঠাকুমা?”

দীনতারিণী নীরব।

অতঃপর সত্য সরব।

“ও ঠাকুমা, বাবা অমন করে ছুটে এসেই আবার কোথায় গেল?”

দীনতারিণী মৌন।

“কী গেরো! কথার উত্তর দিচ্ছ না কেন গো? ও ঠাকুমা, বাবা জীরেট থেকে অমন হাঁপাতে হাঁপাতে ঘোড়া ছুটিয়ে এলই বা কেন, আবার ছুটলই বা কেন, অ ঠাকুমা, বলি তোমাদের সব বাক্য হরে গেল কেন?”

এবারও দীনতারিণীর ঠোঁট নড়ে না, তবে ঠোঁট নাড়েন তাঁর সেজজা শিবজায়া। শুধু ঠোঁট নয়, সহসা পা মুখ সব নড়িয়ে তিনি বলে ওঠেন, “বাক্য হরে যাবার মতন কাণ্ড ঘটলে আর হরবে না? তোর বাবা যা অভাবনী কাণ্ড করে গেল?”

“বাবা, বাবা খুলেই বল না স্পষ্ট করে। বাবা জীরেট থেকে ঘোড়া ছুটিয়ে এসেই তক্ষুনি আবার কোথায় গেল?”

“অ, তবে তো দেখেইছিস। তবে আর ত্বাকা সাজছিস কেন? রাস্তকে নে গেল তোর বাবা বে দিতে।”

“বে দিতে! ধোং!” সত্য পরিস্থিতির মর্যাদা ভুলে হি হি করে হেসে গড়িয়ে পড়ে, “আহা আমার যেন ত্বাকা পেয়েছে সেজঠাকুমা তাই পাগল বোঝাচ্ছে। বড়দার বুঝি বে দিতে বাকি আছে? বলে ছেলের বাবাই হয়ে গেল বড়দা।”

“গেল তার কি?” এবার হঠাৎ দীনতারিণী মৌন ভঙ্গ করে নাতনীকে ধমকে ওঠেন, “বড় তো দেখছি ট্যাকটেঁকে কথা হয়েছে তোর? ছেলের বাবা হলে আর বে করতে নেই? মহাভারত অন্তঃক হয়ে যায়?”

সত্য উত্তর দেবার আগে শিবজায়াই সাংসারিক মাংসপ্রিয় ভুলে ফস করে

বড়জায়ের মুখের ওপর বলে বসেন, “মহাভারত অশুদ্ধ কথ্য হচ্ছে না দিদি, তবে এও বলি রামকালী যে একেবারে কাউকে চোখে কানে দেখতে দিলে না, চিলের মত হোঁ মেরে নে গেল ছেলেটাকে, বালস-পোয়াতি বোঁটা, যাত্রাকালে সোয়ামিকে একবার দূর থেকে চোখের দেখাটুকু পর্যন্ত দেখতে পেল না, এটা কি ভাল হল?”

কখন যে ইতিমধ্যে মোক্ষদা এসে দাঁড়িয়েছেন এপাশের বেড়ার দরজা দিয়ে, এবং আলোচনার শেষাংশটুকু শুনে নিয়েছেন, সে আর কেউ টের পায় নি। মোক্ষদার থান ধুতি গুটিয়ে হাঁটুর ওপর তোলা, কাঁধে গামছা অর্থাৎ স্নানে যাচ্ছেন মোক্ষদা। অবিশ্বাস স্নানে যাচ্ছেন বলেই যে এই ‘ভেতর-বাড়ির’ অর্থাৎ শয়নবাড়ির উঠোনে তিনি পা দিতেন তা নয়, তবে আজকের কথা স্বতন্ত্র। আজকের উত্তেজনার অত মরণ-বাঁচন জ্ঞান রাখলে চলে না, আজ নয় ঘাটে দু-দশটা ডুব দিয়ে ফের দীঘিতে ডুব দিতে যাবেন, তবে এদের মজলিশে যোগ দেওয়াটা দরকার।

মোক্ষদা সেজভাজের কথাটুকু শুনতে পেয়েছেন, এবং তাতেই সমগ্র নাটকটি অল্পধাবন করে কেলেছেন। তাই তিনি তিন আঙুলে হেঁটে খানিকটা এগিয়ে এসে গলা বাড়িয়ে বলে ওঠেন, “কী বললে সেজবো, কী বললে? আর একবার বল তো শুন?”

শিবজয়া অবশ্য আরও একবার বললেন না, শুধু মাথার কাপড়টা অল্প টেনে মুখটা একটু কেরালেন।

মোক্ষদা একটু বিষ-হাসি হেসে বলেন, “বলতে অবিশ্বাস আর হবে না, কানে প্রবেশ করেছে সবই। তবে ভাবছি সেজবো তুমি হঠাৎ এমন ভট্টাচার্য হয়ে উঠলে কবে থেকে? যাত্রাকালে রাসুর আমাদের, পরিবারের সঙ্গে চোখাচোখি হয় নি এই আক্ষেপে মরে যাচ্ছ তুমি? কলি আর কত পুণ্য হবে? চারকাল হয়ে তো কলি এখন উপচোচ্ছে। শুভকাজে যাত্রাকালে লোকে ঠাকুর-দেবতার পট দেখে বেরোয়, গুরুজনের চরণ দর্শন করে বেরোয় এই তো জানি, জেনে এসেছি এতকাল! পরিবারের বদন দর্শন না করে বেরোলে জাত যায়, এটা তুমিই প্রথম শোনাতে সেজবো।”

শিবজয়া ননদকে ভয় করলেও এতজনের মাঝখানে হেরে যেতে রাজী হন না, তাই বলে ওঠেন, “রাসুর কথা আমি বলি নি ছোট্টাকুরঝি, বড় নাত-বোয়ের কথা বলছি। আবাগী জানল না শুনল না আচমকা মাধব

পাহাড় পড়ল, আপনার সোয়ামী একা আপনার থাকতে থাকতে একবার শেষ দেখাও দেখতে পেল না ; সেই কথা হচ্ছে।”

মোক্ষদা সহসা খলখলিয়ে হেসে ওঠেন, “অ সেজবো, আর কেন ঘরে বসে আছ? যাত্রার পালা বাঁধ না! সত্য পয়ান বেঁধেছে—তুমিই বা বাকী থাক কেন? যা তোমাদের মতিগতি দেখছি, এ আর গেরস্ত-ঘরের যুগি নয়। বুড়োমাগী তুমি, চারকাল গিয়ে এককালে ঠেকেছে, লজ্জা এল না ও কথা মুখে আনতে? সোয়ামী কি মণ্ডা মেঠাই, যে একলা আস্তটা না খেতে পেলে পেট ভরবে না, ভাগ হয়ে গেলে প্রাণ ফেটে যাবে? ছি ছি! একটা ভদ্রলোকের কত বড় বিপদ থেকে উদ্ধার করতে ছুটল রামকালী, আর তার কাজের কিনা ব্যাখ্যানা বসেছে!”

বড়দের এই বাকবুদ্ধির মাঝখানে সত্য হাঁ করে তাকিয়েছিল, মোক্ষদার কথা শেষ হতেই হঠাৎ ঠাকুমার কোলের গোড়া থেকে উঠে সরে এসে বলে বসে, “সেজঠাকুমা তো ঠিকই বলেছে পিসঠাকুমা। নিবাস বাবার অত্মাই হয়েছে!”

বাবার অত্মায়! সন্দেহযুক্ত নয়, একেবারে ‘নিবাস’!

উঠোনে কি বাজ পড়ল!

কলিকাল শেষ হয়ে কি প্রলয় এল?

আট

দুঃসংবাদের সঙ্গে সঙ্গেই অন্দরে কান্নার রোল উঠল। এ কী হরিষে বিষাদ! এ কী বিনামেঘে বজ্রাঘাত! এমন দুর্ঘটনা আর কবে কার সংসারে ঘটেছে? এত বড় সর্বনাশের কল্পনা দুঃস্বপ্নেও কে কবে করেছে?

এই তো এইমাত্র মেয়ে কলাতলায় শিলে দাঁড়িয়ে স্নান করে ‘আইবুড়ো মুচি’ ভেঙে, গায়ে-হলুদের দরুন কোরা লালপাড় শাড়িটুকু পরে চুল বাঁধতে বসেছে, পাড়ার শিল্পী মহিলার ঝাঁক ‘কনে’র কেশ-রচনায় কে কত নৈপুণ্য দেখাতে পারেন তারই আলোচনায় অন্দরের দালান মুখর করে তুলেছেন, হঠাৎ বাইরের মহল থেকে আগুনের হলুকার মত এই সংবাদ এসে ছড়িয়ে পড়ল।

পরিণামে? দাবানল!

অতি বড় অবিশ্বাস্ত্র হলেও এ যে বিশ্বাস না করে উপায় নেই। কারণ সংবাদ এনেছেন আর কেউ নয়, স্বয়ং রামকালী! যার সম্পর্কে হিন্দুমাত্রও সন্দেহ পোষণ করা অসম্ভব। নচেৎ মিথ্যা ছুঃসংবাদ রটনা করে বিয়ে ভণ্ডুল করে দিয়ে মজা দেখবে এমন আত্মীয়েরও অভাব নেই। কিন্তু ইনি হচ্ছেন রামকালী!

কাজেই সংবাদ মিথ্যা হতে পারে, এমন আশার কণিকামাত্রও নেই। নাঃ, কোন আশাই নেই। তা ছাড়া কবরেজ নিজের চোখে দেখে এসেছেন পাত্রেয় শিয়রে শমন।

অতএব কোরা শাড়ি জড়ানো বছর আঠেকের সেই হতভম্ব মেয়েটাকে ঘিরে প্রবল দাপটে কান্নার যা রোল উঠেছে তাতে ভয়ে মেয়েটার নাড়ি ছেড়ে যাবার যোগাড় হচ্ছে।

বিয়ের দিন যাত্রা-করা-বর মৃত্যুরোগ নিয়ে যাত্রা ভঙ্গ করে বাড়ি ফিরে গেলে এবং বিয়ের লগ্ন ভ্রষ্ট হলে, এমন কি সর্বনাশ সংগঠিত হতে পারে, সেটা বেচারার বুদ্ধির অগম্য, অনিষ্ট যদি কিছু হয় সে নয় তার ঠাকুদার হবে. তার কি?

কিন্তু তার কি, সে কথা সে নিজে কিছু না বুঝলেও মহিলার দল তাকে ধরে নাড়া দিয়ে দিয়েই তারস্বরে চৈচিয়ে চলেছেন, “ওরে পটলী, তোর কপালে এমন ছাই পোরা ছিল, একথা তো কেউ কখনও চিন্তে করি নি রে! ওরে লগন-ভ্রেষ্ট মেয়ে গলায় নিয়ে আমরা কী করব রে? ওরে এর চাইতে তোকেই কেন শমনে ধরল না রে, সে যে এর থেকে ছিল ভাল!” গুঁরা লুটোপুটি করতে থাকেন, আর পটলী কাঁঠ হয়ে বসে থাকে। বসে বসে শুধু এইটুকু বিচার করতে পারে সে যে এত সব কাণ্ডকারখানা কিছুই হত না, যদি পটলীই রাতারাতি ওলাউঠে হয়ে মরত!

ওদিকে চণ্ডীমণ্ডপে লক্ষ্মীকান্ত বাঁড়ুয্যে মাথায় হাত দিয়ে পাথরের পুতুলের মত বসে আছেন, আর সেই পুতুলের মস্তিষ্কের কোষে কোষে ধ্বনিত হচ্ছে, ‘এ কী করলে ভগবান! এ কী করলে ভগবান!’

রামকালী চলে যাওয়ার পর থেকে লক্ষ্মীকান্ত আর একটিও কথা বলেন নি, অপর কেউও তাঁকে সনোদন করতে সাহস পায় নি। ওদিকে বড়ছেলে, ক্রামকান্তও বিস্ক মূখে ঘাটের ধারে শিবভলার গিয়ে বসে আছে চুপচাপ,

বাপের দিকে যাবার সাহস তার নেই। তার জামাই হচ্ছে বটে কিন্তু বরসটা আর তার কি? এখনও তো তিরিশের নিচে। বাপকে সে যমের মত ভয় করে।

পটলীর মা বেহুলাও মুখ লুকিয়েছে ভাঁড়ার ঘরের কোণে। নিজেকেই তার সব চেয়ে অপরাধিনী মনে হচ্ছে। নিশ্চয়ই মহাপাপিষ্ঠা সে, নইলে তার মেয়ের বিয়ের ব্যাপারেই এত বড় দুর্লক্ষ্য দুর্ঘটনা! সকলেই ফিসফাস বলাবলি করছে মেয়েটা নাকি তার আস্ত রাক্ষসী, তাই বাসস্বে না উঠতেই সোশায়ীটার মাথা কড়মড়িয়ে চিবিয়ে খেল। থাকুক এখন বেহুলা চিরজন্ম শুই দ' পড়া সর্বনাশী মেয়েকে গলায় গঁথে। জাত ধর্ম কুল মান সবই গেল, রইল শুধু আমরণ যম-যন্ত্রণা।...

হ্যাঁ, বিয়ের রাত্রে বর-বিভ্রাট কি আর হয় না? ছাঁদনাতলা থেকেও বর উঠে যেতে দেখেছে অনেকে, কিন্তু সে সব অল্প কারণে। হয়তো 'পণের টাকা ঠিক সময়ে হাজির করতে না পারার জন্তে বচসার ফলে, নয়তো বা কোন হিতৈষীর দ্বারা কোন পক্ষের 'কুলের' ঘাটতির কথা প্রকাশ হয়ে পড়ায়, অথবা কতাপক্ষের কনেকে বদলে ফেলে কালো কুশী কনে গছিয়ে দেবার চেষ্টার ফলে, বচসা থেকে হাতাহাতি মারামারি হতে হতে বরপক্ষ রেগে-টেগে বর উঠিয়ে নিয়ে যায়। কিন্তু তখনি তার পারাপারও হয়ে যায়।

কারণ লগ্নদ্রষ্ট হয়ে গেলেই মেয়ে চিরকালের মত আধাবিধবা হয়ে বাপের ঘরে বসে থাকবে, এই আক্ষেপে পাড়ার কেউ না কেউ করুণাপরবশ হয়ে কোমর বেঁধে লেগে গিয়ে রাতারাতি অল্প পাত্রের যোগাড় করে আনেন। অতএব ভদ্রলোকের জাত মান রক্ষা পায়।

কিন্তু এ যে একেবারে বিপরীত কাজ! এ যে সত্ত্ব রাক্ষসী-কত্তা।

এ হেন পতিঘাতিনী মেয়ের জন্তে আপনার ছেলেকে ধরে দেবে এমন মহাভূতব ত্রিগতে কে আছে?

না, বেহুলার এই মেয়ের জন্তে রাতারাতি পাত্রসংগ্রহ হওয়ার আশা দুর্ভাষা। রামকালী কবরেজ অবশ্য একটু নাকি আশ্বাস দিয়ে গেছেন "চেষ্টা দেখছি" বলে, কিন্তু বোঝাই তো যাচ্ছে সেটা সম্পূর্ণ স্তোকবাক্য! এত বড় দুঃসংবাদটা বাড়ি বয়ে এসে দিয়ে গেলেন, মুখটা একটু হেঁট হল তো, তাই একটা অলীক স্তোক দিয়ে পালিয়ে গেলেন!

বেহুলা বোকা হতে পারে, কিন্তু এটুকু বুদ্ধি ধরে।

হাস্য মা ভগবতী, পটলী যে এত বড় অপরা মেয়ে এ কথা তো কোনদিন বুঝতে দাও নি? ফুলের মত দেখতে মেয়ে, বাড়ির প্রথম সন্তান, সকলের আদরের আদরিনী আগানে-বাগানে হেসে খেলে বেড়িয়েছে এতদিন, ইদানীং সম্প্রতি ডাগরটি হয়েছে বলেই যা বাড়ির মধ্যে আটক ছিল, তা যেমন স্নন্দরী তেমনি হাস্তবদনী, কে বলতে পেরেছে এ মেয়ে সর্বনাশী রাক্ষসী?

শ্বশুরঠাকুর তো বলেন পটলীর নাকি দেবগণ, তবে? দেবগণ কল্পে এমন রাক্ষসগণের কপাল পেল কি করে? আর শুধুই কি আজ? ও মেয়ে যদি ঘরে থাকে সংসার তো ছারেখারে যাবে।

মানদার পিসী তো স্পষ্টই বললেন সে কথা, “কে নেবে মা ও মেয়েকে? কার বাসনা হবে সংসারটা ছাড়ে-গোল্লায় দিই? ও চিরটা কাল এই দ’পড়া হয়ে পড়ে থাকবে আর ঠাকুদার সংসারটা চিবিয়ে চিবিয়ে থাকে, এই আর কি!”

বেহলা ডুকরে কঁদে ওঠে।

কাঁদতে কাঁদতে বলে, “হে মা ওলাই বিবি, হে মা শেতলা, পটলীকে তোমরা নাও, ওর যেন আর এ ভিটেতে তেরাত্তির না পোহায়।”

মাটিতে হুমড়ি খেয়ে পড়ে কাঁদতে থাকে বেহলা।

কাঁদছে সবাই।

বাড়ির গিন্নী থেকে শুরু করে বিচুলি কাটুনি বাগ্দি মাগীটা পর্যন্ত। পরের দুঃখে কাঁদবার এত বড় স্রোত জীবনে ক’বার আসে?

কাঁদছে না শুধু পটলী, যে হচ্ছে এই বিবাহবিভ্রাট নাটকের প্রধান নায়িকা। সে শুধু অনেকক্ষণ কাঠ হয়ে বসে থেকে সবে এইমাত্র ভাবতে শুরু করেছে বিয়েটাই যদি না হয়, তা হলে এখনও পটলীকে উপুসী রেখেছে কেন এরা? কেন কেউ একবারও বলছে না, “ওরে তোরা তবে এখন পটলীকে দুটো মতিচূর কি দেদোমণ্ডা দিয়ে জল খেতে দে।” পটলীর বুক থেকে পেট অবধি যেন মাঠের ধুলোর মতো শুকনো লাগছে।

কিন্তু পটলীর মুখে বুক ধুলো বেটে যাচ্ছে, এ তুচ্ছ খবরটুকু ভাবতে বসবার সময় কার আছে? বরং পটলীর ওপর রাগে ঘৃণায় রি রি করছে সবাই!

শ্রামকান্ত বার দুই-তিন পুকুরপাড়ের দিক থেকে এসে উঁকি মেরে বাবাকে দেখে গেছে এবং যতবারই দেখেছে বাবা তামাক খাচ্ছেন না, বাবার হাতে হুকো নেই, ততবারই তার প্রাণটা ফেটে চৌচির হয়ে যাচ্ছে, কিন্তু সাহস করে তামাক সেজে এনে সামনে ধরে দেবে এত বৃকের বল নেই, অপেক্ষা শুধু যদি পাড়ার কোন বিজ্ঞ ব্যক্তি এসে পড়েন। হয়তো তেমন কেউ এলে লক্ষ্মীকান্তের মৌনভঙ্গ হবে।

নিজের যত বড় বিপত্তিই হোক, মানীর মান অবশ্যই রাখবেন লক্ষ্মীকান্ত।

কিন্তু পাড়ার ভদ্রলোকদের আর আসতে বাকী আছে কার? তাঁরা তো সবাই একে একে এসে গেছেন।

বেলা পড়ে এল।

অর্থাৎ সর্বনাশের সময় ঘনিয়ে এল।

এ হেন সময় শ্রামকান্তের প্রার্থনা পূর্ণ হল। এলেন রাখহরি ঘোষাল। রীতিমত বয়স্ক ব্যক্তি, অপেক্ষাকৃত দূরের পাল্লায় থাকেন, তাই এতক্ষণ এসে উঠতে পারেন নি। তিনি এসে নীরবে খড়ম খুলে ফরাসে উঠে বসলেন, ট্যাক থেকে শামুকের খোলের নশুদানি বার করে ছুটিপ নিলেন, তার পর ধীরেস্থে বললেন, “ব্যাপার তো সবই শুনলাম লক্ষ্মীকান্ত, কিন্তু তুমি এভাবে মচ্ছিভঙ্গ হয়ে বসে থাকলে তো চলবে না।”

লক্ষ্মীকান্ত বাঁড়ুয্যে বয়সের সম্মান রাখতে জানলেও ঘোষাল-ব্রাহ্মণের পায়ের ধুলো তো আর নেবেন না, তাই মাথাটা একটু নিচু ভাব করে ক্রান্ত স্বরে নেপথ্যের দিকে গলা বাড়িয়ে বলেন, “ওরে কে আছিস, ঘোষাল মশাইকে তামাক দিয়ে যা।”

“থাক থাক, ব্যস্ত হতে হবে না।” রাখহরি ঘোষাল বলেন, “সন্ধ্যা তো আগতপ্রায়, এখন কি করবে স্থির করলে?”

“স্থির আর আমি কি করব ঘোষাল মশাই”, লক্ষ্মীকান্ত হতাশভাবে বলেন, “স্বয়ং যজ্ঞেশ্বরই যে যজ্ঞ পণ্ড করতে বসলেন—”

“তা বলে তো ভেঙে পড়লে চলবে না লক্ষ্মীকান্ত, কোমর বাঁধতে হবে। কতাকে নির্দিষ্ট লগ্নে পাক্তস্থা করতেই হবে। লগ্ন কখন?”

“মধ্যরাত্রের পর।”

“উত্তম কথা। সময় কিছু পাচ্ছ তুমি। আমি বলি কি তুমি আমার সঙ্গে একবার দয়ালের ওখানে চল—”

“দয়াল? দয়াল মুখ্যো?”

“হ্যাঁ, দেখ যদি হাতেপায়ে ধরে রাজী করাতে পারো। এমনতেই তো কালবিলম্ব হয়ে গেছে।”

লক্ষ্মীকান্ত বিস্মিত দৃষ্টি মেলে বলেন, “মুখ্যো মশায়ের কাছে কার আশায় যাব ঠিক বুঝতে পারছি না তো ঘোষাল মশাই?”

“কার আশায় আবার লক্ষ্মীকান্ত, তুমি নেহাৎ শিশু সাজছ দেখছি। মুখ্যের আশাতেই যাবে। নইলে রাতারাতি আর তোমার স্ব ঘর পাত্র পাচ্ছ কোথায়?”

লক্ষ্মীকান্ত কাতর মুখে বলেন, “মুখ্যো মশায়ের সঙ্গে পটলীর বিয়ে? পটলীকে আপনি দেখেছেন ঘোষাল মশাই?”

“দেখেছি বৈকি”, রাখহরি একটু রসিকহাসি হাসেন, “নাতনীকে তোমার দেখলে, ওর নাম গিয়ে মূনিরও মন টলে, ‘ঘরে’ মিললে আমিই এই বয়সে টোপর মাথায় দিতে চাইতাম। মুখ্যোও তো তোমার গিয়ে বয়েস হলে কি হয়, রসিক ব্যক্তি। এই সেদিনও পথে পটলীকে দেখে বলছিল—”

রাখহরি একটু থামেন।

লক্ষ্মীকান্ত কিঞ্চিৎ বিরক্তভাবে বলেন, “কি বলছিলেন?”

“আহা! দুঃখ কিছু নয়, তামাশা করে বলছিল, ‘বাঁড়ুঘ্যের নাতনীটিকে দেখলে ইচ্ছে হয় আমার তৃতীয় পক্ষটিকে ত্যাগ করে ফেলে ফের ছাঁদনাতলায় গিয়ে দাঁড়াই’।”

লক্ষ্মীকান্ত এবার ঘোরতর বিরক্তির স্বরে বলেন, “এ প্রসঙ্গ ত্যাগ করুন ঘোষাল মশাই।”

“বটে! ও!” রাখহরি সঙ্গে সঙ্গে উঠে দাঁড়ান, “বুঝতে পারি নি! কলি পূর্ণ হতে এখনও কিছু বিলম্ব আছে ভেবেছিলাম। যাক শিক্ষা হয়ে গেল। আর যাই করি, কারুর হিত করবার চেষ্টা করব না।”

লক্ষ্মীকান্ত এবার ত্রস্ত কাতরতায় বলে ওঠেন, “আপনি অযথা কুপিত হবেন না ঘোষাল মশাই, আমার অবস্থাটা বিবেচনা করুন। মুখ্যো মশাই আমার চাইতেও প্রায় চার-পাঁচ বৎসরের বয়োধিক, তা ছাড়া ইপানি-রোগগ্রস্ত।”

“হাপানিটা যমরোগ নয় লক্ষ্মীকান্ত,” রাখহরি সতেজে বলেন, “আয়ুর্বেদ মতে ওটা হচ্ছে জীওজ ব্যাধি। তাছাড়া বয়সের কথা যা বলছ ওটা কোন কথাই নয়, পুরুষের আবার বয়েস! বরং মুখুয্যের আর দুটি পত্নীর ভাগ্য-প্রভাবে তোমার ঐ অলক্ষণা পৌত্রীটির বৈধব্য-যোগ খণ্ডন হয়েও যেতে পারে।”

“কিন্তু ঘোষাল মশাই—”

“থাক, ‘কিন্তু’তে আর কাজ কি লক্ষ্মীকান্ত? তবে এটা জেনো, নিজেকে সমাজের শিরোমণি ভেবে যতই তুমি নির্ভয় থাক, এর পর অর্থাৎ তোমার ওই পৌত্রীকে নির্দিষ্ট লগ্নে পাত্রস্থ করতে না পারলে, মদ্রাক্ষণরা তোমার গৃহে জলগ্রহণ করবেন কিনা সন্দেহ। এই দুঃসময়ে অপোগণ্ড একটা ছুঁড়ির বুড়োবর-যুবোবরের ভাবনা তুমি ভাবতে বসছ, কুলমর্যাদা ধর্ম-সংস্কার জাতি-মান এসব বিস্মৃত হচ্ছে, এ একটা তাজ্জব বটে!”

“ঘোষাল মশাই আপনি আমায় মার্জনা করুন, বরং পটলীকে নিয়ে আমি কাশীবাসী হব—”

“তা হবে বৈকি,” রাখহরি একটু বিষহাসি হেসে বলেন, “বে-মালিক সুন্দরী যুবতীর পক্ষে কাশীর মত উপযুক্ত স্থান আর কোথায় আছে? নাতনী হতে কাশীবাসের সংস্থানটাও তোমার হয়ে যাবে লক্ষ্মীকান্ত।”

“ঘোষাল মশাই!” লক্ষ্মীকান্ত বিহ্বলবেগে উঠে দাঁড়িয়ে বলেন, “আপনি আমার গুরুজনতুল্য ভাই এযাত্রা রক্ষা পেয়ে গেলেন। নচেৎ—”

“নচেৎ কি করতে লক্ষ্মীকান্ত,” বিজ্রপহাস্তে মুখ কুঁচকে রাখহরি বলে ওঠেন, “নচেৎ কি মারতে নাকি?”

শোধ নেবার দিন এসেছে, শোধ নেবেন বৈকি ঘোষাল। ঘোষাল বামুনদের প্রতি লক্ষ্মীকান্ত বাঁড়ুয্যের অস্তঃসলিলা তাক্ষিল্য ভাবটা তো আর অবিদিত নেই রাখহরির! যতই বিনয়ের ভাব দেখাক বাঁড়ুয্যে, ওর চোখের দৃষ্টিতেই সেই উচ্চ-নীচ ভেদাভেদটা ধরা পড়ে যায়। আজ সেই প্রতিশোধ নেবার সময় এসেছে, ছাড়বেন কেন রাখহরি?

“ঘোষাল মশাই, আমাকে রেহাই দিন,” দুই হাত জোড় করে লক্ষ্মীকান্ত বলেন, “ভগবান যদি আমার জাতিধর্ম রক্ষা করিতে ইচ্ছুক থাকেন, লগ্নের আগেই উপযুক্ত পাত্র পেয়ে যাব, নচেৎ মনে করব—”

“লগ্নের আগেই উপযুক্ত পাত্র!” রাখহরি আর একবার বিজ্রপ-হাস্তে

মুখ বাঁকিয়ে বলেন, “পাত্রটিকে বোধ হয় স্বয়ং তিনি বৈকুণ্ঠ থেকে পাঠিয়ে দেবেন?”

লক্ষ্মীকান্ত কী একটা উত্তর দিতে উত্তত হচ্ছিলেন, সহসা শ্রামকান্ত নিজের স্বভাববিরুদ্ধ উত্তেজনায় ছুটে এসে বলে—“বাবা, কবরেজ চাটুষ্যে মশাই আসছেন। ঘোড়ায় চেপে পিছনে কাকে যেন নিয়ে।”

“ঐ! নারায়ণ!”

লক্ষ্মীকান্ত উঠে দাঁড়াতে গিয়ে বসে পড়েন।

বন্য

আসর-সাজানো বরাসনে বসবার সময় আর ছিল না, হুড়মুড়িয়ে একেবারে কলাতলায় খেউরী করিয়ে স্নান করিয়ে নিয়ে সোজা নিয়ে যেতে হবে সম্প্রদানের পিঁড়িতে। সেই পিঁড়িতেই পানভূষা আর আংটি দিয়ে ‘পাকা দেখা’ অনুষ্ঠানের প্রথাটা পালন করে নিতে হবে।

অবিশ্রি সারাদিনে অন্ততঃ বার পাঁচ-ছয় চর্বচোষ করে খেয়েছে রাস্তা, কিন্তু কি আর করা যাবে! এরকম আকস্মিক ব্যাপারে ওসব মানার উপায় কোথায়? বলে কত মেয়েরই বিয়ে হয়ে যাচ্ছে ‘ওঠ, ছুঁড়ি তোর বিয়ে’ করে। এই তো লক্ষ্মীকান্তরই এক জাতি ভাইপোর মেয়ের বিয়ে হল সেবার ঘুমন্ত মেয়েটাকে মাঝরাতে টেনে তুলে। গ্রামের আর কার বাড়িতে বর এসেছিল বিয়ে করতে, তার পর যা হয়! কোথা থেকে যেন উঠে পড়ল কন্তোপক্ষর কুলের খোঁটা, তা থেকে বচসা অপমান, পাত্র উঠিয়ে নিয়ে যাওয়া।

যাক সে কথা, মূল কথা হচ্ছে, আকস্মিকের ক্ষেত্রে চর্বচোষ খেয়েও বিয়ের পিঁড়িতে বসা যায়।

কথা হচ্ছে—এখন রাস্তাকে নিয়ে।

রাস্তার অবস্থাটা কি?

সে কি এখন খুব একটা অন্তর্দ্বন্দ্ব পীড়িত হচ্ছে?

তীব্র একটা যন্ত্রণা, ভয়ঙ্কর একটা অস্বস্তি, প্রবল একটা মানসিক

বিত্রোহের আলোড়ন কি রাস্তাকে ছিন্নভিন্ন করছিল? বলা নেই কওয়া নেই হঠাৎ এই চিলের মত ছোঁ মেয়ে উড়িয়ে ঘোড়া ছুটিয়ে এনে আরও একটা সাতপাকের বন্ধনে বন্দী করে ফেলবার চক্রান্তে কারকার ওপর কি রাগে ক্ষিপ্ত হয়ে উঠছিল রাস্তা?

না, রাস্তার মুখ দেখে তা মনে হচ্ছে না।

বলির পাঠার অবস্থা ঘটলেও ভয়ে বলির পাঠার মত কাঁপছিলও না রাস্তা, শুধু কেমন একটা ভাবশূন্য ফ্যালফেলে মুখে নিজের নির্দেশিত ভূমিকা পালন করে চলছিল সে।

হ্যাঁ, এই আকস্মিকতার আঘাতে বেচারী রাস্তার শুধু মুখটাই নয়, মনটাও কেমন ভাবশূন্য ফ্যালফেলে হয়ে গিয়েছে। সেখানে সুখ-দুঃখ ভাল-মন্দ দ্বিধা-দ্বন্দ্ব কোন কিছুই সাড় নেই।

সে-মনে ধাক্কা লাগল স্ত্রী-আচারের সময়। সে ধাক্কা খানিকটা সাড় ফিরল।

সেই সাড়ে মনের মধ্যে একটা ভয়ানক কণ্ঠবোধ করতে থাকল রাস্তা।

সাত এয়োতে মিলে যখন মাথায় করে স্ত্রী, কুলো, বরণডালা, আইহাঁড়ি চিতের কাঠি, ধুতরো ফলের প্রদীপ সাজানো থালা ইত্যাদি নিয়ে বর-কনেকে প্রদক্ষিণ করছিল, ধাক্কাটা লাগল ঠিক তখন।

এয়োদের অবস্থা একগলা করে ঘোমটা, কিন্তু তার মধ্যেও ‘আদল’ বলে একটা কথা আছে। যে বোটির মাথায় বরণডালা, তার আদলটা ঠিক সারদার মতন। যদিও দিনের বেলা হঠাৎ সারদার মুখটা দেখলে রাস্তা ঠিক চিনতে পারবে কিনা সন্দেহ, তবু আদলটা চেনে। ওই রকম বেগুনী রঙের জমকালো একখানা চেলিও যেন সারদাকে মাঝে মাঝে পরতে দেখেছে রাস্তা। পাড়ার কারুর বিয়েটিয়েতে, কি সিংহবাহিনীর অঞ্জলি দেবার সময়।

দেখেছে অবিজ্ঞি নিতান্ত দূর থেকে, আর ভাল করে তাকাবার সাহসও হয় নি। কারণ রাতদুপুরের আগে, সমস্ত বাড়ি নিশুতি না হওয়া পর্যন্ত কাছাকাছি আসবার উপায় কোথা? আর তখন তো সারদা সাজসজ্জা গহনাগাটির ভারমুক্ত। তা ছাড়া সারদা ঘরে ঢুকেই ঘরের কোণের প্রদীপটা দেয় নিভিয়ে। বলে, “কে কমনে থেকে দেখে ফেলে যদি!”

অবিজ্ঞি দেখবার পথ বলতে কিছুই নেই। রামকালী চাটুঘোর বাড়ির

দরজা-কপাট তো আর পাড়ার পাঁচজনদের মত আমকাঠের নয় যে, কাটাফুটো থাকবে, মজবুত কাঁটালকাঠের লোহার পাতমারা দরজা। দরজার কড়া-ছেকলগুলোই বোধ করি ওজনে দু-পাঁচ সের। আর জানলা? সে তো জানলা নয় গবাক্স। মালুয়ের মাথা ছাড়ানো উঁচুতে ছোট্ট ছোট্ট খুপরি জানলা, সেখানে আর কে চোখ ফেলবে? তবু সাবধানের মার নেই।

গ্রীষ্মকালে অবশ্য পুরুষরা এ রকম চাপা ঘরে শুতে পারেন না, তাঁদের জেষ্ঠ্য চণ্ডীমণ্ডপে কিংবা ছাতে শেতলপাটি বিছিয়ে রাখা হয় ভিজে গামছা দিয়ে মুছে মুছে। সেখানে তাকিয়া যায়, হাতপাখা যায়, গাড়ুগামছা যায়, ‘বয়ে’ নিয়ে যায় রাখাল ছেলেটা কি মূনিষটা। কর্তাদের অসুবিধে নেই।

প্রাণ যায় বাড়ির মহিলাদের, আর নববিবাহিত যুবকদের। তারা প্রাণ ধরে বারবাডিতে শুতে যেতে পারে না, অথচ ভেতরবাড়ির ঘরের ভিতরের গুমোটও প্রাণান্তকর।

তবে সারদার মত বৌ হলে আলাদা। সারদা এই গ্রীষ্মকালে সারারাত্তির পাখা ভিজিয়ে বাতাস করে রাখত।

প্রাণের ভেতরটা হঠাৎ কেমন মোচড় দিয়ে উঠল রাস্তুর। গতকাল রাত্রেও সারদা সেই পতিসেবার ব্যতিক্রম করে নি। রাস্তা মায়ী করে বার বার বারণ করছিল বলে, কচি ছেলেটার গরমের ছুতো করে পাখা নেড়েছে সারদা। আর সব চেয়ে মারাত্মক কথা, যেটা মনে করে হঠাৎ বুকটা এমন মুচড়ে মুচড়ে উঠছে রাস্তুর, মাত্র কাল রাত্তিরেই সারদা তাকে ভয়ানক একটা সত্যবন্ধ করিয়ে নিয়েছিল।

বাতাস দিতে বারণ করার কথায় চুপি চুপি হেসে বলেছিল সারদা, “এত তো মায়ী, এ মায়ীর পরিচয় প্রকাশ করতে পারবে চেরকাল?”

রাস্তা ঠিক বুঝতে পারে নি, একটু অবাক হাসি হেসে বলেছিল, “চিরকাল কি গরম থাকবে?”

“আহা তা বলছি নে। বলছি—”, রাস্তুর বুকের একেবারে কাছে সরে এসে সারদা বলেছিল, “সতীনজালার কথা বলছি। তখন কি আর মায়ী করবে? বলবে কি ‘আহা ওর সতীনে বড় ভয়’!”

রাস্তা যতটা নিঃশব্দে সম্ভব হেসে উঠেছিল, হেসে উঠে বলেছিল, “হঠাৎ দিবা-স্বপ্ন দেখছ নাকি? সতীনজালা আবার কে দিলে তোমায়?”

“দেখ নি, দিতে কতক্ষণ?”

“অনেকক্ষণ! আমার অমন হু-চারটে বৌ ভাল লাগে না। দরকারও নেই।”

সারদা তবু জেরা ছাড়ে নি, “আর আমি বুড়ো হয়ে গেলে? তখন তো দরকার হবে?”

রাসু ভারি কৌতুক অনুভব করেছিল, আবার হেসে কলে বলেছিল, “এ যে দেখি ‘হাওয়ার সঙ্গে মনান্তর’। তুমি বুড়ো হয়ে যাবে, আর আমি বুঝি জোয়ান থাকব?”

“আহা, পুরুষছেলে কি আর সহজে বুড়ো হয়? তা ছাড়া ঠাকুরের তুমি জ্যেষ্ঠ ছেলে, দেখতে সোন্দর। এত পয়সাওলা মানুষ তোমরা, কত ভাল ভাল সম্বন্ধ আসবে তোমার, তখন কি আর আমার কথা—”

ঠাৎ আবেগে কঁদে কলেছিল সারদা।

অগত্যা নিবিড় করে কাছে টেনে নিয়ে বৌকে আদর সোহাগ করে ভোলাতে হয়েছে রাসুকে। বলতে হয়েছে, “সাধে কি আর বলছি, হাওয়ার সঙ্গে মনান্তর। কোথায় সতীন তার ঠিক নেই, কঁদতে বসলো। ওসব ভয় করো না।”

আরও অনেক বাক্য বিনিময়ের পর পতিব্রতা সারদা স্বামীকে আশ্বাস দিয়েছিল, “তা বলে তোমাকে আমি এমন সত্যিবন্দী করে রাখছি নে যে আমি মরে গেলেও কের বে’ করতে পারবে না। আমি মলে তুমি একটা কেন একশটা বে’ করো, কিন্তু আমি বেঁচে থাকতে নয়।”

“নয়, নয়, নয়! হল তো?” তিন-সত্যি করেছিল রাসু।

মাত্র গতরাতে।

আর আজ সেই রাসু এই টোপর চেলি পরে কলাতলায় দাঁড়িয়ে আছে, এই মান্তর বে গিন্নী মানুষটা বরণ করছিল, সে বলে উঠেছে, “কড়ি দিয়ে কিনলাম, দড়ি দিয়ে বাঁধলাম, হাতে দিলাম মাকু, একবার ‘ভ্যা’ কর তো বাপু।”

একটা মানুষকে কতবার কেনা যায়?

বাঁধা জিনিসটাকে আবার কি ভাবে বাঁধা যায়?

হায় ভগবান, রাসুকে এমন বিড়ম্বনায় কলে কি সুখ হল তোমার?

আহা, রাসু যদি ঠিক আজকেই গায়ে না থাকত। রুগী দিদিমাকে

দেখতে এমন তো মাঝে মাঝে গাঁ ছেড়ে ভিন্গাঁয়ে যায় রাস্তা। আজই যদি তাই হত! যদি দিদিমা বুড়ী টেঁসে গিয়ে ওখানেই আজ আটকে ফেলত রাস্তাকে!

যদি ঠিক এইসময় জ্ঞাতিগোত্রর কেউ মরে গিয়ে অশোচ ঘটনায় রাখত রাস্তাদের! যদি রাস্তারও এদের সেই বরটার মতন আচমকা একটা শক্ত অসুখ করে বসত!

তেনন কোন কিছু ঘটলে তো আর বিয়ে হতে পারত না!

কতাদায়গ্রস্ত বিপন্ন ভদ্রলোকের বিপদের কথা মনের কোণেও আসে না রাস্তার, মরুক চুলোয় যাক ওরা, রাস্তার এ কী বিপদ হল!

এ যদি কাকা রামকালী না হয়ে বাবা কুজবেহারী হত! বাবা যদি বলত “ভদ্রলোকের বিপদ উপস্থিত রাস্তা, দ্বিধা-দ্বন্দ্বের সময় আর নেই, চল ওঠ।” তা হলেও হয়ত বা রাস্তা খানিক মাথা চুলকোতে বসত!

কিন্তু এ হচ্ছে যার নাম মেজকাকা। যার হুকুমের ওপর আর কথা চলে না।

অনেক ‘যদি’র শেষে অবশেষে হতাশচিত্ত রাস্তা এ কথাও ভাবল, “আর কিছুও না হোক, যদি গতরাত্রে রাস্তা গ্রীষ্মের কারণে ‘বারবাড়িতে’ শুতে যেত। তা হলে তো ওই সত্যবন্দীর দায়ে পড়তে হত না তাকে!

এর পর কি আর জন্মে কোন দিন কোন ব্যাপারে রাস্তাকে বিশ্বাস করতে পারবে সারদা? বিশ্বাস করতে পারবে এক্ষেত্রে রাস্তা বেচারাও সারদার মতই নিরুপায়? কোন হাত ছিল না তার? নাঃ, বিশ্বাস করবে না সারদা, বলবে, “বোঝা গেছে বোঝা গেছে! বেটাছেলেদের আবার মন-মায়া! বেটাছেলের আবার তিন-সত্যি!”

কিন্তু কথাই কি আর কখনো কইবে সারদা? হয়তো জীবনে আর কথা কইবে না রাস্তার সঙ্গে, নয়তো দুঃখে অভিমানে মনের ঘেঁষায়—হঠাৎ রাস্তার মনশব্দে বিশালকায় “চাটুযোপুকুরের” কাকচক্ষু জলটার দৃশ্য ভেসে ওঠে।

মনের ঘেঁষায় আজ রাত্তিরেই সারদা কিছু একটা করে বসছে না তো?

বুকের ভেতরটা কে যেন খুঁচিয়ে খুঁচিয়ে চিরে চিরে ছুন দিচ্ছে। রাস্তা বুঝি আর চূপ করে থাকতে পারবে না, বুঝি হাউমাউ করে চোঁচিয়ে উঠবে।

না, চোঁচিয়ে ওঠে নি রাস্তা, তবে মুখের চেহারা দেখে কতাপক্ষের কে

একজন বলে উঠল, “বাবাজীর কি শরীর অসুস্থবোধ হচ্ছে?”

আবার বিয়ের বরের শরীর অসুস্থ!

লক্ষ্মীকান্ত একবার এই হিতৈষী-সাজা দুর্মুখটার দিকে তুরুর কুঁচকে তাকালেন, তার পর গম্ভীর কণ্ঠে আদেশ দিলেন, “ওরে কে আছিস, আর একখানা হাতপাখা নিয়ে আস দিকি, নতুন নাতজামাইয়ের মাথার দিকে বাতাসটা একটু জোরে জোরে দে।”

জোর জোর বাতাসে মুখের চেহারাটা রাসুর সত্যি একটু ভাল দেখাল। আর না দেখালেই বা কি, ততক্ষণে তো বিয়ে সাজ হয়ে গেছে, বরকনেকে “লক্ষ্মীর ঘরে” প্রণাম করিয়ে বাসরে বসাতে নিয়ে যাচ্ছে সবাই ধরে ধরে, পায়ের গোড়ায় ঘটি ঘটি জল ঢালতে ঢালতে।

সেখানে আবারও তো সেই সেবারের মতন উপদ্রব হবে? সারদার বাপের বাড়ির সেই সব মেয়েমানুষদের বাক্য আর বাচালতা মনে করলে রাসুর এখনো হৃৎকম্প হয়।

আবার তেমনি ভয়ঙ্কর একটা অবস্থার মুখোমুখি গিয়ে দাঁড়াতে হচ্ছে এখন রাসুকে!

সম্পূর্ণ অসহায়, সম্পূর্ণ নিরস্ত্র।

ইঠাৎ রাসু দার্শনিকের মত নিজের ব্যক্তিগত দুঃখজালা ভুলে একটা বিরাট দর্শনের সত্য আবিষ্কার করে বসে।

মানুষ কি অভূত নির্বোধ জীব!

এই কুশ্রী কদর্যতাকে ইচ্ছে করে জীবনে বারবার সেধে নিয়ে আসে! বারবার নিজে কানাকড়িতে বিকোয়!

পরদিন সকালে এখানে ‘বোছত্র’ আঁকা হচ্ছিল।

ইচ্ছে-শখের বিয়ের মত নিখুঁত করে বাহার করে না হোক, নিয়মপালাটা তো বজায় রাখতে হবে?

আর এত বড় উঠোনটায় যেমন তেমন করে একটু আলপনা ঠেকাতেও এক সের পাঁচপো চাল না ভিজোলে চলবে না।

তা’ সেই পাঁচপো চালই ভিজিয়ে দিয়েছিলেন রামকালীর খুড়ী নন্দরাণী। রামকালীর নিজের খুড়ী নয়, জেঠতুতো খুড়ী। সংসারের যত কিছু নিয়ম

লক্ষণ নিতকিভের কাজের ভার নন্দরাণী আর কুঞ্জর বোয়ের উপর। কারণ ওরাই দুজন হচ্ছে একেবারে ‘অখণ্ডপোয়াতি’। কুঞ্জর বোয়ের তো সাতটি ছেলেমেয়েই যেটের কোলে খোসমেজাজে বাহাল তবিয়েতে টিঁকে আছে।

নন্দরাণীর অবস্থা মাত্র দু-তিনটিই।

সে যাক, বিয়ের ব্যাপারে নিয়মশালার কাজের সব কিছুই যখন নন্দরাণীর দখলে—তখন এক্ষেত্রেই বা তার ব্যতিক্রম হবে কেন? কাজেই রাসুর এই ‘বিয়েটাকে মনে মনে যতই অসমর্থন করুন নন্দরাণী, পুরো পাঁচপো আতপ চালই ভিজিয়ে দিয়েছিলেন তিনি উঠোনে ‘বোছতর’ আঁকতে। দুধে-আলতার প্রকাণ্ড পাথর বসিয়ে তাকে কেন্দ্র করে আর ঘিরে ঘিরে জ্বতহস্তে ফুল লতা শাঁখ পদ্ম এঁকে চলেছিলেন নন্দরাণী; সাঙ্গ হতে কিছু-কিঞ্চিৎ দেরি আছে এখনও, সহসা রাখাল ছোঁড়া ঘর্মান্ত কলেবরে ছুটতে ছুটতে এসে উঠোনের দরজার দাঁড়িয়ে আকর্ণবিস্তৃত হাশ্বে জানান দিল, “বরকনে এয়েলো গো! আমি উই-ই দীঘির পাড় থেকে দেখতে পেয়েই ছুটে ছুটে বলতে এলুম।”

“তা তো এলো—” নন্দরাণী বিপন্নমুখে এদিক ওদিক তাকিয়ে ঈষৎ উচ্চকণ্ঠে বলে ওঠেন, “দিদি, অ দিদি, বরকনে এসে পড়ল শুনছি—”

বরকনে! এসে পড়ল!

দীনতারিণী কুটনো কেলো ছুটে এলেন, “এখুনি এসে পড়ল? রামকালীর কি এতও তাড়াহুড়ো?”

“বারবেলা পড়বার আগেই বোধ করি নিয়ে এসেছেন রামকালী।”

যদিচ ভাসুরপো, তথাপি ধনে মানে এবং সর্বোপরি বয়সে বড়। কাজেই নন্দরাণী রামকালী সম্পর্কে ‘ছেন’ দিয়েই বাক্যবিত্তাস করেন। এখনো করলেন।

দীনতারিণী ‘বারবেলা’ শব্দটার মনকে স্থির করে নিয়ে বললেন, “তা হবে। তা তোমাদের ‘নেমকন্সর’ সব প্রস্তুত?”

নন্দরাণী আরও ব্যস্ত হাতে হাতের কাজ সারতে সারতে বলেন, “প্রস্তুত তো একরকম সবই, কিন্তু দুধটা যে ওখলাতে হবে! সেটা আবার এখন কে করবে?”

দুধ! তাই তো!

ওখলানোর দরকার বটে।

বৌ এসে সত্তা উথলে-পড়া দুধ দেখলে, সংসার নাকি ধন-ধাত্তে উথলে ওঠে।

দীনতারিণী উদ্বিগ্ন মুখে প্রশ্ন করলেন, “বড় বৌমা কোথায় গেলেন?”

“বড় বৌমা? সে তো রান্নাশালে। তাড়াছড়ো করে একঘর রেঁধে রাখতে হবে তো? বৌ এসে দৃষ্টি দেবে।”

বড় বৌমা অর্থে রাসুর মা! তাকে তাই বলে তো নন্দরাণী।

কারণ নন্দরাণী বয়সে রাসুর মার সমবয়সী হলেও মাতে বড়, সম্পর্কে খুড়শাশুড়ী। কাজেই ‘বৌমা’!

যাই হোক, কুঞ্জর বৌ রান্নাশালে।

অতএব দুধ ওথলাতে আর কাউকে দরকার। ওদিকে বরকনে আগতপ্রায়।

দীনতারিণী মনশ্চক্ষে চারিদিক তাকিয়ে নেন, আর কে আছে? অথণ্ড-পোয়াতি, সোয়ামীর প্রথম পক্ষ।

দ্বিতীয় তৃতীয় পক্ষ দিয়ে তো আর পুণ্যকর্ম হবে না?

কে আছে?

ওমা, ভাববার কি আছে?

সারদাই তো আছে।

তাকেই ডাক দেওয়া হোক তবে। একা ঘরের কোণে বসে রয়েছে মনমরা হয়ে, কাজেকর্মে ডাকলে তবু মনটা অন্তমনস্ক হয়ে, তা ছাড়া নতুন লোক নির্বাচনের সময়ই বা কোথা?

সত্য উঠোন পার হচ্ছিল তীরবেগে, দীনতারিণী তাকেই ডাক দিলেন, “এই সত্য, ধিক্বী অবতার! যা দিকিন, বড় নাতবৌমাকে ডেকে আন দিকিন শীগগির, বরকনে এসে পড়ল পেয়ায়, দুধ ওথলাতে হবে।”

“বৌকে? বড়দার বৌকে ডেকে দেব?” সত্য দুই হাত উল্টে বলে, “বৌ কি আর বৌতে আছে? ভোর থেকে মাটিতে পড়ে কৈঁদে কৈঁদে মরছে!”

“কৈঁদে কৈঁদে মরছে?” দীনতারিণী বিরক্ত কণ্ঠে বলে ওঠেন, “একেবারে মরছেন, কেন এত মরবার কি হল? ওমা, শুভদিনে ইকি অলক্ষুণে কাণ্ড! যা শীগগির ডেকে আন।”

সত্য এদিক ওদিক তাকিয়ে বলে, “কে বাবা ডাকতে যায়। তুমি তো বললে কাঁদবার কি হয়েছে? বলি নিজের যদি হত? সতীন আসছে কাঁদবে না,

আহ্লাদে উদ্বাহ্ন হয়ে নাচবে মানুষ! হুঁঃ! কই কোথায় কি আছে তোমাদের? আমিই দিচ্ছি দুধ জাল দিয়ে।”

“তুই? তুই দিবি দুধ জাল।”

“কেন, দিলেই বা?” সত্য সোৎসাহে বলে, “পিসঠাকুমা যে সেবার খুন্তির দিদির বিয়েতে বলল, সত্যর বছর ঘুরে গেছে, এখন এয়োডালার হাত দিতে পারে!”

বছর ঘুরে অর্থাৎ বিয়ের বছর ঘুরে।

সেটা আর স্পষ্টাঙ্গী উচ্চারণ করল না সত্য।

দীনতারিণী সন্দ্বিগ্ন স্বরে বলেন, “বছর ঘুরলেই বুঝি হল? ঘরবসত না? হল—”

“জানি নে বাবা। রাখো তোমাদের সন্দ! আমি এই হাত দিলাম।”

বলেই সত্য দাওয়ার পাশে দুখানা ইঁট পাতা উল্লুনের উপর জালে বসানো ছোট্ট সরা চাপা মাটির হাঁড়িটার নিচে হুঁ দিতে শুরু করে।

ঘুঁটের আগুন জ্বলছে ধিকি ধিকি, হুঁ পেড়ে ছ-চারখানা নারকেল পাতা ঠেলে দিলেই জ্বলে উঠবে দাউ দাউ করে। তা গোছালো মেয়ে নন্দরাণী নারকেল পাতার গোছাও এনে রেখেছেন পাশে।

সত্যর সকল কাজই উদ্দাম।

তার হুঁয়ের দাপটে বরকনে আসার আগেই দুধ ওথলাতে শুরু করল। উথলে ধোঁয়া ছড়িয়ে ভেসে গেল গড়িয়ে পড়ে।

দীনতারিণী হাঁ হাঁ করে উঠলেন, “ওরে একটু রয়ে বসে, নতুন বৌ ঢোকা মাস্তর যেন দেখতে পায়।”

কথা শেষ হবার আগে বাইরের উঠোনে শাঁখ বেজে উঠল।

অর্থাৎ শুভাগমন ঘটেছে নতুন বোয়ের।

মোক্ষদা শাঁখ হাতে দাঁড়িয়েছিলেন বাইরে। আজ পূর্ণিমা, বিধবাদের ঘরে রান্নার ঝামেলা নেই, কোন একসময় আমকাঁঠাল ফলমিষ্টি খেলেই হবে। কাজেই আজ ছুটি মোক্ষদাদের।

ছুটিই যদি, তবে ছোটোছুটি না করবেন কেন মোক্ষদা? স্নান ভো করতাই হবে জল খাবার আগে?

তাই মোক্ষদাই অগ্রণী হয়ে বারবাড়ির উঠোনে দাঁড়িয়ে আছেন। আছেন শাঁখ হাতে নিয়ে।

শুভকর্মে বিধবারা সমস্ত কর্মে অনধিকারী হলেও, এই একটি কর্মে তাদের অধিকার আছে, সমাজ অথবা সমাজপতিরা বোধ করি এটুকু আর কেড়ে নেন নি, ক্ষামা-ঘেরা করে ছেড়ে দিয়েছেন। শাঁখ আর উলু।

অতএব সেই অধিকারটুকুর সম্যক সদ্ব্যবহার করতে থাকেন মোক্ষদা রাসুর দ্বিতীয় অভিযানান্তে প্রত্যাবর্তন উপলক্ষে।

দীনতারিণী উদ্গ্রীব হয়ে এগিয়ে যেতে যেতে চমকে উঠে বলেন, “অমন করে হাতে ফুঁ দিচ্ছিস যে সত্য? পোড়ালি বুঝি?”

সত্য তাড়াতাড়ি সত্য গোপন করে ফেলে বলে, “পোড়াবো কেন, হুঁ:।”

“তবে হাতে ফুঁ পাড়ছিস কেন?”

“এমনি।”

“যাক এবার উত্থনে ফুঁ পাড়, ঢোকার সময় যেন আর একবার দুধটা ফেঁপে ওঠে, তা উঠেছে, বৌ পয়মস্ত হবে। সেবারে বরং—”

কথা শেষ হবার আগেই রামকালীর গম্ভীর কণ্ঠনিদাদ ধ্বনিত হল, “তোমাদের ওই সব বরণ-টরণ তাড়াতাড়ি সেরে ফেলো ছোটপিসী, বারবেলা পড়তে আর বেশী দেরি নেই।”

মুহুমুহু শঙ্খনিদাদে রামকালীর কণ্ঠনিদাদও শ্রান হয়ে গেল।

বরকনে ঢুকল ভিতরবাড়ির উঠোনে। পিছনে পিছনে পাড়া ঝোটিয়ে অবগুষ্ঠনবতীর দল।

বিয়েটা যেভাবে আর যে অবস্থাতেই ঘটে থাকুক বৌভাতের যজ্ঞি একটা করতেই হবে। আমোদ-আহ্লাদের প্রয়োজনে নয়, ‘সমাজ-জানিত’ করবার প্রয়োজনে। খামকা একদিন “হুট” করে লক্ষীকান্ত বাঁড়ুয়ের পৌত্রী এসে চাটুঘোষাড়ির অন্তরে সামিল হল, কাকে-পক্ষীতে টের পেল না, এটা তো আর কাজের কথা নয়। তার প্রবেশটা যে বৈধ, এ খবরটুকুর একটা পাকা দলিল তো থাকা চাই।

দলিল আর কি। লিখিত পড়িত তো কিছু নয়, সই-সাবুদও নয়, মাহুষের স্মরণ-সাক্ষ্যই দলিল। তা সেই স্মরণ-সাক্ষ্য আদায় করতে হলে, গ্রাম-সমাজকে একদিন গলবস্ত্রে ডেকে এনে উত্তম ফলার খাইয়ে দেওয়া ছাড়া অন্য উপায় কি?

তা ছাড়া বাঁড়ুখোদের মেয়ে যে চাটুয্যে-পরিবারভুক্ত হল, তার স্বীকৃতিটাও তো দিতে হবে? ‘বৌভাতে’র যজ্ঞিতে নতুন বোয়ের হাত দিয়ে ভাত পরিবেশন করিয়ে জ্ঞাতিকুটুমের কাছ থেকে সেই স্বীকৃতি নেওয়া।

অতএব বিয়েতে যজ্ঞির আয়োজন না করলেই নয়। আগে থেকে বিলি বন্দেজ নেই, ছটুকারি করে বিয়ে, তাই ভোজের আয়োজনেও ছড়োছড়ি লেগে গেছে। তল্লুগত জনের অভাব নেই রামকালীর, দিকে দিকে লোক ছুটিয়ে দিয়েছেন। জনাইতে মনোহরার বায়না গেছে, বধমানে মিহিদানার। তুই গয়লাকে ভার দেওয়া হয়েছে দৈএর, আর ভীমে জেলেকে ডেকে পাঠিয়েছেন মাছের ব্যবস্থা করতে। কোন্ পুকুরে জাল ফেলবে, ক-মণ তোলা হবে, এইসব নির্দেশ দিচ্ছিলেন রামকালী, সহসা সেই আসরে এসে উপস্থিত হলেন মোক্ষদা।

এ তল্লাটে রামকালীকে ভয় করে না এমন কেউ নেই, বাদে মোক্ষদা। রামকালীর মুখের ওপর হক কথা শুনিয়ে দেবার ক্ষমতা একা মোক্ষদাই রাখেন। নইলে দীনতারিণী পর্যন্ত তো ছেলেকে সমীহ করে চলেন।

অবশি ভাবা যেতে পারে রামকালীকে হক কথা শুনিয়ে দেবার সুযোগটা আসে কখন? যে মানুষ্য কর্তব্যপালনে প্রায় ক্রটিহীন, তাকে দু কথা শুনিয়ে দেবার কথা উঠছে কি করে?

কিন্তু ওঠে।

মোক্ষদা ওঠান। কারণ মোক্ষদার বিচার নিজের দৃষ্টিভঙ্গী দিয়ে। রামকালীর মতে যেটা নিশ্চিত কর্তব্য, প্রায়শই মোক্ষদার মতে সেটা অনর্থক বাড়াবাড়ি।

তবে অধিকাংশ ক্ষেত্রেই—‘হক কথা’র মূল কারণ হয়ে দাঁড়ায় সত্যবতী। হবে না-ই বা কেন? রামকালী যদি এমন মেয়ে গড়ে তোলেন যেমন মেয়ে ভূ-ভারতে নেই, তা হলে আর কথা শোনানোয় মোক্ষদার দোষটা কি? সৃষ্টিছাড়া ওই মেয়েটাকে তাই যখন তখন তার বাপের সামনে হাজির করে ন ভূতো ন ভবিষ্যতি করতেই হয় মোক্ষদাকে।

আজও তাই রামকালীর দরবারে একা আসেন নি মোক্ষদা, এনেছেন সত্যবতীকে সঙ্গে করে। সত্যবতীও এসেছে বিনা প্রতিবাদেই। অবশ্য প্রতিবাদে লাভ নেই বলেই হয় তো এই অপ্রতিবাদ। অথবা হয়তো এটা তার নির্ভীকতা।

ভীমে জেলের উপস্থিতির কালটুকু অবশ্য নিঃশব্দে দাঁড়িয়েছিলেন মোক্ষদা, কথার শেষে ভীমে রামকালীকে ‘দণ্ডবৎ হয়ে প্রণাম’ করে চলে যাবার পরক্ষণেই মোক্ষদা যেন বাঁপিয়ে পড়লেন।

“এই ছাও রামকালী, তোমার গুণের অবতার কতের হাতের চিকিচ্ছে করো এবার। আর চেরটাকালই করতে হবে তোমাকে, এ মেয়েকে তো আর স্বশুরঘর থেকে নেবে না।” একটু দম নিলেন মোক্ষদা।

মোক্ষদার দম নেবার অবকাশে রামকালী মুছু হেসে বলেন, “কি? কি হল আবার?”

“হয়েই তো আছে সমস্তুক্ষণ”, মোক্ষদা দুই হাত নেড়ে বলেন, “উঠতে বসতেই তো হচ্ছে। কাটছে ছিঁড়ছে ছড়ছে। এই আজ দেখ মেয়ের হাতের অবস্থা। পুড়িয়ে ঝুড়িয়ে এতখানি এক ফোঁস্কা। আবার বলে কি ‘বলতে হবে না বাবাকে, এমনি সেরে যাবে’। দেখ তুমি, নিজের চক্ষে।”

ইত্যবসরে রামকালী মেয়ের হাতখানা তুলে ধরে শিহরিত হয়েছেন।

“কী ব্যাপার? এ কি করে হল?”

“কি করে হয়েছে, শুধোও, ওকেই শুধোও। মেয়ের গুণের কথা এত বলি, কথা কানে করো না তো? তবে তোমাকে এই বলে রাখছি রামকালী, এই মেয়ে হতেই তোমার ললাটে দুঃখ আছে।”

কথাটা নতুন নয়, বহু ব্যবহৃত। কাজেই রামকালী যে বিশেষ বিচলিত হন এমন নয়। তবে বাইরে গুরুজনকে সমীহ করবার শিক্ষা রামকালীর আছে, তাই বিচলিত ভাবটা দেখান।

“নাঃ, মেয়েটাকে নিয়ে—! আবার কি করলি? এত বড় ফোঁস্কা পড়ল কিসে?”

“দুখ ওখলানো হচ্ছিল গো। কালকে যখন রেসো বৌ নিয়ে এসে ঢুকল, উনি গেলেন পাঁতা জেলে দুখ ওখলাতে! আর এও বলি, এত বড় বুড়ো দ্বিধী মেয়ে এটুকু করতে হাতই বা পোড়ালি কি বলে?”

রামকালী মেয়ের হাতের অবস্থাটা নিরীক্ষণ করে ঈষৎ গভীর হয়ে মেয়ের উদ্দেশ্যেই বলেন, “আগুনের কাজ তুমি করতে গেলে কেন? বাড়িতে আর লোক ছিল না?”

সত্য ঘাড়া নিচু করে বলে, “বেশী জ্বালা করছে না বাবা।”

“জালা করার কথা হচ্ছে না, করলেও সে জালা নিবারণের ওষু অনেক আছে। জিজ্ঞেস করছি তুমি আগুনে হাত দিতে গেলে কেন?”

সত্য এবার ঘাড় তোলে। তুলে সহসা নিজস্ব ভঙ্গীতে তড়বড় করে বলে ওঠে, “আমি কি আর সাথে আগুনে হাত দিয়েছি বাবা, বড়বোয়ের মুখ চেয়েই দিয়েছি। আহা বেচারী, একেই তার সতীনকাঁটার জালা, তার ওপর আবার দুখ ওখলাবার হুকুম। মানুষের প্রাণ তো!”

সত্যের এই পরিষ্কার উত্তরপ্রদানে একা রামকালীই নয়, মোক্ষদাও তাজ্জব বনে যান। এ কী সর্বনেশে মেয়ে গো! ওই হোমরাচোমরা বাপের মুখের ওপর এই চোটপাট উত্তর! গালে হাত দিয়ে নির্বাক হয়ে যান মোক্ষদা। কথা বলেন রামকালীই। দুই জু কুঁচকে বাঁজালো গলায় বলেন, “সতীনকাঁটার জালাটা কী জিনিস?”

“কি জিনিস সে কথা তুমি তোমার মেয়ের কাছেই এবার শেখো রামকালী,” মোক্ষদা সত্যবতীর আগেই তীক্ষ্ণ বিজ্ঞপের স্বরে বলেন, “আমরা এতখানি বয়সে যা কথা না শিখেছি, এই পুঁটকে ছুঁড়ি তা শিখেছে। কথার ধুকড়ি!”

সত্য এইসব উল্টোপাল্টা কথাগুলো দু চক্ষের বিষ দেখে। কেন রে বাপু, যখন যা সুবিধে তখন তাই বলবি কেন? এই এক্ষুণ সত্যকে বলা হলো ‘বুড়ো ধিক্কা’, আবার এখন বলা হচ্ছে ‘পুঁটকে ছুঁড়ি’! সবই যেন ইচ্ছে-খুশি।

রামকালী পিসীর দিকে একনজর তাকিয়ে নিয়ে জলদগ্ধীর স্বরে কন্ঠাকে পুনঃ প্রশ্ন করেন, “কই আমার কথায় জবাব দিলে না? বললে না সতীনকাঁটা কি জিনিস, আর তার জালাটাই বা কী বস্তু?”

কি বস্তু সে কথা কি ছাই সত্য জানে? তবে বস্তুটা যে খুব একটা মর্ম-বিদারী দুঃখজনক, সেটা বোধ করি জন্মাবার আগে থাকতেই জানে। তাই মুখটা যথাসম্ভব করুণ করে তুলে বলে, “সতীন মানেই তো কাঁটা বাবা। আর কাঁটা থাকলেই তার জালা আছে। বড় বোঁএর প্রাণে তো এখন তুমি সেই জালা ধরিয়ে দিলে—”

“খামো!” হঠাৎ ধমকে উঠলেন রামকালী। বিচলিত হয়েছেন তিনি, বাস্তবিকই বিচলিত হয়েছেন এতক্ষণে। বিচলিত হয়েছেন মেয়ের ভবিষ্যৎ ভেবে নয়, সহসা মেয়ের অন্তরের মলিনতার পরিচয় পেয়ে।

এ কী !

এ রকম তো ধারণা ছিল না তাঁর, ছিল না হিসাবের মধ্যে। এটা হল কোন্ ফাঁকে? সত্যবতীর বহুবিধ নিন্দাবাদ তাঁর কানে এসে ঢোকে সে সব তিনি কখনোই বড় একটা গ্রাহ্য করেন না। করেন না শুধু মেয়ের স্বভাবে প্রকৃতিতে একটা নির্মল তেজের প্রকাশ লক্ষ্য করে। সত্যর হৃদয়ে হিংসা-ঘেঘের ছায়ামাত্র নেই, এইটাই জমা ছিল হিসেবের খাতায়, এহেন নীচ হিংস্রটে কথাবার্তা শিখে ফেলল সে কখন? কিন্তু বাড়িতে দেওয়া ঠিক নয়, শাসনের দরকার।

তাই আরো বাধা-গর্জনে বলে ওঠেন, “কেন সতীন কিসে এত ভয়ঙ্করী হল? সে এসে ধরে মারছে তোমাদের বড়বৌকে?”

বাবার বাধা-জমকিতে সত্যবতীর চোখে জল উপচে এসে পড়ছিল, কিন্তু সহজে হার মানেন না সে। আর কঁাদার দৈন্যটা প্রকাশ হয়ে পড়বার ভয়ে কণ্ঠে ঘাড় নিচু করে ধরা গলায় বলে, “হাতে না মারুক ভাতে মারছে তো? বড়বৌ একলা একেশ্বরী ছিল, নতুন বৌ হঠাৎ উড়ে এসে জুড়ে বসল—”

“আ ছি ছি ছি!”

রামকালী শিউরে স্তব্ধ হয়ে গেলেন। মুখ দেখে মনে হল, সত্যবতী যেন সহসা তাঁর যত্নে আঁকা একখানি ছবিকে মুচড়ে ছুঁড়ে ছিঁড়ে ফেলে দিয়েছে।

এই ফাঁকে মোক্ষদা আবার একহাত নেন, “ওই শোনো! শোনো মেয়ের কথার ভঙ্গিমে! সাধে বলি কথার ভঙ্গাঘিয়া। বুড়ো মাগীদের মতন কথা, আর ছেলেপেলের মতন দস্তিচালি! হরঘড়ি অবাক করে দিচ্ছে কথার জ্বালায়।”

রামকালী পিসীর আক্ষেপে কান না দিয়ে তিক্তবিরক্ত স্বরে বললেন, “এমন ইতর কথাবার্তা কোথা থেকে শিখেছ? ছি ছি ছি! লজ্জায় মাথা কাটা যাচ্ছে আমার। উড়ে এসে জুড়ে বসা মানে কি? এক বাড়িতে ছুটি বোন থাকে না? সতীনকে ‘কাঁটা’ না ভেবে বোন বলে ভাবা যায় না?”

বাবা এত ঘেমা দেওয়ার পর অবশ্য সত্যবতীর সমস্ত প্রাচেষ্টাই বার্থ হয়। একসঙ্গে অগুনতি ফাঁটা ঝর ঝর করে ঝরে পড়ে চোখ থেকে গালে, গাল থেকে মাটিতে। পড়তেই থাকে, হাত তুলে মোছে না সত্য।

রামকালী চাটুয্যে আর একবার বিচলিত হন। সত্যবতীর চোখে জল! এটা যেন একটা অদৃষ্টপূর্ব দৃশ্য মনে হচ্ছে। মনে হল ঘোরাটা বোধ করি একটু বেশী দেওয়া হয়ে গেছে।

ঔষধে মাত্রাধিক্য, রামকালীর পক্ষে শোচনীয় অপরাধ। মনে পড়ল, মেয়েটার হাতের ফোঁস্কাটাও কম জ্বালাদায়ক নয়। এখুনি প্রতিকার করা দরকার। তাই ঈষৎ নরম গলায় বলেন, “এ রকম নীচ কথা আর বলো না বুঝলে? মনেও এনো না। সংসারে যেমন ভাইবোন ননদ দেওর জা ভাসুর সব থাকে, তেমনি সতীনও থাকে, বুঝলে? কই দেখি হাতটা।”

হাতটা বাড়িয়ে দিয়ে সত্যবতী নিজের উদ্বেল হৃদয়ভারকে সামলাতে চেষ্টা করে দাঁতে ঠোঁট চেপে।

মোক্ষদা বোঝেন মেঘ উড়ে গেল। হয়ে গেল রামকালীর গয়ে শাসন করা! ছি ছি ছি! আর দাঁড়াতে ইচ্ছে হল না, বললেন, “যাক গে, শাস্তি শাসন হয়ে গেছে তো? এবার মেয়েকে সোহাগ করো বসে বসে। তুমিই দেখালে বটে বাবা!”

রঙ্গমঞ্চ থেকে বিদায় নেন মোক্ষদা।

রামকালী আশু প্রতিকার হিসেবে একটি প্রলেপ মেয়ের কোঁস্কা ঘায়ে লাগাতে লাগাতে সঙ্গসা আবার বলেন, “আজকের কথা মনে থাকবে তো? আর কোন দিন এ রকম কথা বলো না, বুঝলে? মানুষ তো বনের জানোয়ার নয় যে খালি হিংসেহিংসি কামড়াকামড়ি করবে? সকলের সঙ্গে মিলেমিশে, সবাইকে ভালবেসে পৃথিবীতে থাকতে হয়।”

বাবার গলায় আপসের সুর।

অতএব ফের একটু সাহস সঞ্চয় হয় সত্যবতীর। তা ছাড়া প্রাণটা তো কেটে যাচ্ছে বাবার দিক্বারে। কিন্তু তারই বা দোষ কোথায় বুঝে উঠতে পারে না সত্যবতী। সবাইকে ভালবেসে থাকাই যদি এত ধন্য হয়, তা হলে ‘সেঁজুতি’ বস্ত্রটি করতে হয় কেন?

মনের চিন্তা মুখে প্রকাশ হয়ে পড়ে সত্যর, “তাই যদি, তা হলে সেঁজুতি বস্ত্র করতে হয় কেন বাবা? পিসঠাকুমা তো এ বছর থেকে আমাকে ফেন্ডকে আর পুণ্যিকে ধরিয়েছে।”

রামকালী এবার বিরক্তির বদলে বিস্মিত হন। ‘সেঁজুতি বস্ত্র’ সম্পর্কে অবশ্য তিনি সম্যক অবহিত নন, কিন্তু যাই হোক, কোনও একটি ব্রত যে

মানবতাবোধ-বিরোধী হওয়া সম্ভব, সেটা ঠিক ধারণা করতে পারেন না। তাই প্রলেপের হাতটা ঘরের কোণে রক্ষিত মাটির জালার জলে ধুতে ধুতে বলেন, “ব্রতের সঙ্গে কি?”

“কি নয় তাই বলো না কেন বাবা?” চোখের জল শুকোবার আগেই সত্যর গলার সুর শুকনো খটখটে হয়ে ওঠে, “সেঁজুতি বস্ত্র যত মস্তুর সব সতীনকাঁটা উদ্ধারের জন্তে নয়?”

রামকালী একটুক্ষণ চুপ করে থাকেন।

কোথায় যেন একটু আশার আলো দেখতে পাচ্ছেন। হুঁ, এই রকমই একটা কিছু গোলমালে ব্যাপার ঢুকে গিয়েছে মেয়ের মাথায়। নচেৎ সত্যর মুখে এমন কথা।

হাতে অনেক কাজ।

তবু রামকালী বিবেচনা করলেন, সত্বপদেশের দ্বারা কন্যার হৃদয়-কানন হতে ‘সতীন-কণ্টকে’র মূলোৎপাটন করা কর্তব্য; তাই ভুরু কঁচকেই বললেন, “তাই নাকি? সে মস্তুরটা কি?”

“মস্তুর কি একটা বাবা?” সত্যবতী মহোৎসাহে বলে, “গাদা গাদা মস্তুর। সব কি ছাই মনেই আছে? ভেবে ভেবে বলছি রোসো। প্রেথমে তো আলপনা আঁকা? ফুল-লুতার নকশা কেটে তার ধারে কোণে হাতা বেড়ি হাঁড়িকুঁড়ি এসুক করে ঘর-সংসারির প্রেত্যেকটি জিনিস এঁকে নেওয়া। তা পর একোটা একোটা ধরে ধরে মস্তুর পড়তে হয়। হাতায় হাত দিলাম, বললাম—

‘হাতা হাতা, হাতা,

খা সতীনের মাথা।’

খোঁরায় হাত দিয়ে—

‘খোঁরা খোঁরা খোঁরা,

সতীনের মাকে ধরে নিয়ে যাক

তিন মিনসে গোঁরা।’

তা’পর— বেড়ি বেড়ি বেড়ি

‘সতীন মাগী চেড়ী।

বটি ঝটি ঝটি,

সতীনের ছেরাদর কুটনো কুটি।

হাঁড়ি হাঁড়ি হাঁড়ি,
আমি যেন হই জন্ম-এয়োস্ত্রী,
সতীন কড়ে রাঁজি।”

“চূপ চূপ!”

রামকালী জলদগন্তীর স্বরে বলেন, “এইসব তোমাদের ব্রতের মন্তর?”

এইসব যে ব্রতের মন্ত্র হওয়ার উপযুক্ত নয়, সেই সত্যটা যেন সত্যার বোধের জগতে সহসা এই মুহূর্তে একটা চকিতে আলোক ফেলে যায়। সে উৎসাহের বদলে মুহূর্তে বলে, “আরও তো কত আছে—”

“আরও আছে? বটে! আচ্ছা বলো তো শুনি আরও কি কি আছে। দেখি কিভাবে তোমাদের মাথাগুলো চিবোনো হচ্ছে। জানো আরও?”

“হ্যাঁ।” সত্য বড় করে ঘাড় কাত করে বলে, “আর হচ্ছে—

‘টেকি টেকি টেকি,

সতীন মরে নিচেয় আমি উপর থেকে দেখি!’

“তা’ পর গে—‘অশ্বথু কেটে বসত করি,

সতীন কেটে আলতা পরি।

ময়না ময়না ময়না,

সতীন যেন হয় না।’

“তা’ পর এক মুঠো ছোঁষা ঘাস নিয়ে বলতে হয়, ‘ঘাস মুঠি ঘাস মুঠি, সতীন হোক কানা কুষ্টি।’ গয়না এঁকেও ছুঁয়ে ছুঁয়ে মন্তর আছে—

‘বাজু বন্দ পৈছে খাড়ু,

সতীনের মুখে সাত ঝাড়ু।’

“পান এঁকে বলতে হয়—

ছাঁচি পান এলাচি গুরো—

আমি সোহাগী, সতীন হুরো—’”

“আচ্ছা থাক হয়েছে। আর বলতে হবে না।”

রামকালী হাত নেড়ে নিবৃত্ত করেন, “এসব গালমন্দকে তোমরা পূজার মন্তর বল?”

“আমরা বলি কি গো বাবা?” সত্যরতী তার পণ্ডিত বাপের এহেন অজ্ঞতায় আকাশ থেকে পড়ে চোখ গোল গোল করে বলে, “জগৎ সৃষ্টি সবাই বলে যে। সতীন যদি বোনের মত হবে, তবে এত মন্তরের স্রেজন হবে

কেন? বোনের খোয়ারের জন্তে কি কেউ বস্ত্র করে? আসল কথা বেটাছেলেরা তো আর সতীনের মর্ম বোঝে না, তাই—” একটা ঢোঁক গিলে নেয় সত্য, কারণ বেটাছেলে সম্পর্কে পরবর্তী যে বাক্যটি জিভের আগায় এসে যাচ্ছিল, সেটা বাবার প্রতি প্রয়োগ করা সমীচীন কিনা বুঝতে না পেরে দ্বিধা এল।

রামকালী গম্ভীর মুখে বলেন, “তা হোক এ ব্রত তোমরা আর ক’রো না।”

করো না!

ব্রত করো না!

মাথায় বজ্রপাত হল সত্যর।

এ কী আদেশ! এখন উপায়?

একদিকে পিতৃআজ্ঞে, অপর দিকে ‘ব্রতোপত্তি’। ব্রতোপত্তিত হলে তো জলজ্যান্তে নরক, আর পিতৃআজ্ঞে পালন না করার পাতকটা ঠিক কত দূর গহিত না জানা থাকলেও, সেই পাতকের পাতকীকেও যে নরকের কাছাকাছি পৌঁছতে হবে এ বিষয়ে সত্য নিঃসন্দেহ।

অনেকক্ষণ দুজনেই স্তব্ধ।

তার পর আন্তে আন্তে কথাটা তোলে সত্য, “ধরা বস্ত্র উজ্জাপন না করে ছেড়ে দিলে যে নরকগামিন হতে হবে বাবা!”

“না হবে না। এসব ব্রত করলেই নরকগামী হতে হয়।”

“পিসঠাকুমাকে তা হলে তাই বলব?”

“কি বলবে?”

“এই ইয়ে—সেঁজুতি করতে তুমি মানা করেছ।”

“আচ্ছা থাক, এখন তাড়াতাড়ি তোমার কিছু বলবার দরকার নেই। যা বলবার আমিই বলব এখন। তুমি যাও এখন। হাতটা সাবধান, কোথাও ঘষটে ফেলো না।”

সত্যবতীর অবস্থাটা দাঁড়ায় অনেকটা ন যথো, ন তস্থো।

বাবার হুকুম চলে যাওয়ার, অথচ মনের মধ্যে প্রশ্নের সমুদ্র। সে সমুদ্রের ঢেউ আর কার পায়ের কাছে আছড়ে পড়লে সুরাহা হবে—বাবা ছাড়া?

“বাবা!”

“কি? আবার কি?”

“বস্ত্রটা যদি অত্নাই, সতীন যদি ভাল বস্ত্র, তা হলে বড়বোয়ের অত কষ্ট হচ্ছে কেন?”

“বড়বো? রাস্তুর বো? কষ্ট হচ্ছে? সে তোমাকে বলেছে তারকষ্ট হচ্ছে?”

রামকালীর কণ্ঠে ফের ধমকের সুর ছায়া ফেলে।

কিন্তু সত্যবতী দমে না।

ধিকারে দমে বটে সত্য, কিন্তু ধমকে নয়। তাই বাক্‌ভঙ্গীতে সতেজতা এনে মোক্ষদার ভাষায় ‘কথার ভাঙ্গাঘা’র মতই তড়বড় করে বলে, “বলতে যাবে কেন বা? সবই কি আর মুখ ফুটে বলতে হয়? চেহারা দেখে বোঝা যায় না? কেঁদে কেঁদে চোখ-মুখ বসে গেছে, অমন যে সোনার বগ্ন, যেন কালি মেড়ে দিয়েছে। পশু থেকে মুখে একবিন্দু জল দেয় নি। নোকনজ্জায় বলছে বটে ‘পেটব্যথা করছে তাতেই খিদে নেই, তাতেই কাঁদছি’, কিন্তু বুঝতে সবাই পারছে। কে আর ঘাসের ভাত খায় বল? মড়ার ওপর খাঁড়ার ঘা, তার ওপর আবার আজ নতুন বো’র হাতের স্নতো খোলা! কেউ বলছে বড়বোকে অত্ন ঘরে দিয়ে ওই ঘরেই নেমকর্ম হবে, কেউ বলছে ‘আহা থাকা।’ বড়বো নাকি ও-বাড়ির সাবি পিসীকে বলেছে, ‘অত ধন্দ্ব কাজ নেই, চাটুঘো পুকুরে অনেক জায়গা আছে তাতেই আমার ঠাই হবে।’

সর্বনাশ!

প্রমাদ গণেন রামকালী।

মেয়েমানুষের অসাধ্য কাজ নেই।

কে বলতে পারে মেয়েটা সত্যিই ওইরকম কোন দুর্ঘটি করে বসবে কি না। এও তো মহাজ্ঞানী। কোথায় ভদ্রলোকের জাত-মান উদ্ধারের কথা ভেবে আনন্দ করবি, তা নয় এই সব প্যাচ।...কেন, ত্রিভুবনে আর কারো সতীন হয় না?

হয়েছে আর কি, ওইসব অথচ ব্রতপার্বণ করিয়ে শিশুকাল থেকে মেয়ে-শুণ্ডলোর পরকাল বরঝরে করে রাখা হয়েছে কিনা!

মেয়েমানুষ জাতই কুয়ের গোড়া।

‘ঘরের লক্ষ্মী’ বলে সৌজন্ত দেখালে কি হবে, এক-একটি মহা অলক্ষ্মী!

নইলে রেসোর ওই বোঁটা, কিবা বয়স, তার কিনা এত বড় বড় কথা! জলে ডুবে মরবার সংকল্প! ছি ছি!

“এই কথা বলেছেন বড় বোমা ?”

অন্ধকার-মুখে বলেন রামকালী।

“সাবি পিসী তো বলছিল।”

বাবার মুখ দেখে এবার একটু ভয়-ভয় করে সত্যর। কিন্তু ভয় করলে তো চলবে না। তারও ঘে কতব্য রয়েছে—বাবাকে চৈতন্য করাবার।

এত বোধবুদ্ধি বাবার, অথচ সোয়ামী আর একটা বিয়ে করে আনলে মেয়েমাহুষের প্রাণ কেটে যায় কিনা সে জ্ঞান নেই! আর যদি না ফাটবে, তা হলে কৈকেয়ী কেন তিনযুগে হেয় হয়েও রামকে বনবাসে পাঠিয়েছিলেন? কথক ঠাকুরের কথাতেই তো শুনেছে সত্য।

রাজার রাণী তিনি, তাও মনে এত রিয়!

আর বড়বো বোকারী নিরীহ ভালমাহুষ, শুধু মনের ঘেল্লায় নিজে মরতে চেয়েছে।

সত্যের প্রাণে এত দাগা লাগার আরও একটা কারণ, বড়বোকে চুটো সান্ত্বনার কথা বলবার মুখ তার নেই। নেই তার কারণ, এই মর্মান্তিক হৃদয়-বিদারক নাটকের নায়ক হচ্ছেন স্বয়ং সত্যবতীরই বাবা। ইশারায় ইঙ্গিতে ঘরে-পরে সকলেই তো রামকালীকে ছুষছে।

ছুষবার কথাও। ছেলের মায়ের যে গৌরব আলাদা। বড়বো যদি ছেলের মা না হত তা হলেও বা কথা ছিল। কেঁদে কেঁদে ওর যদি বুকের দুখ শুকিয়ে যায়, ছেলে বাঁচবে কিসে?

এদিকে রামকালী ভাবছেন বোঁটাকে শাস্ত্রোক্ত করার উপায় কি? গ্রাম-সুদু লোক নেমন্তন্ন করেছেন, রাত পোহালেই যজ্ঞ, ও যদি সত্যিই কিছু একটা অঘটন ঘটিয়ে বসে! অনেক ভেবে গলাটা বেড়ে বললেন, “ওসব হচ্ছে ছেলে-বুদ্ধির কথা! তুমি আমার হয়ে বোঁমাকে গিয়ে বলো গে, ওসব ছেলেমাহুষী বুদ্ধি ছেড়ে দিতে। বলো গে, ‘বাবা বললেন, মন ভাল করব ভাবলেই মন ভাল করা যায়। বলো গে, উঠুন কাজকর্ম করুন, ভাল করে খান-দান, মনের গলদ কেটে যাবে।’”

সত্য আর একবার বাবার অজ্ঞতায় কাতর হয়। তবে শুধু কাতর হয়ে চূপ করেও থাকে না। একটু তাচ্ছিল্যের হাসি হেসে বলে, “তা যদি কেটে যেত, তা হলে ভো মাটির প্রিথিবীটা সগগো হত বাবা! রুগীর চেহারা

দেখে তুমি ওপর থেকে বলে দিতে পারো, তার শরীরের মধ্যে কোথায় কি হচ্ছে, আর মাহুঘের মুখ দেখে বুঝতে পারো না তার প্রাণের ভেতরটায় কি হচ্ছে ? নিজের চোক্ষে প্রত্যক্ষ একবার দেখবে চল তা হলে !”

সহসা কেন কে জানে রামকালীর গায়ে কি রকম কাঁটা দিয়ে উঠল। চূপ করে গেলেন তিনি। তার অনেকক্ষণ পর হাত নেড়ে মেয়েকে ইশারা করলেন চলে যেতে।

এর পর আর চলে যাওয়া ছাড়া উপায় কি ? সত্য মাথা হেঁট করে আশ্বে আশ্বে ঘর থেকে চলে যায়।

কিন্তু এবারের ডাকের পালা রামকালীরই। “আচ্ছা শোনো !”

সত্যবতী ঘাড় ফিরিয়ে তাকায়।

“শোনো, বোমাকে তোমার কিছু বলবার দরকার নেই, তুমি শুধু, মানে ইয়ে তোমাকে খালি একটা কাজ দিচ্ছি—”

রামকালী ইতস্ততঃ করছেন !

সত্যবতী অবাক হয়ে যায়।

নাঃ, আর যাই হোক বাবাকে কখনো এমন ইতস্ততঃ করতে দেখে নি সত্য !

কিন্তু এ হেন পরিস্থিতিতেই বা কবে পড়েছেন রামকালী ?

সত্যিই কি সত্যবতী তাঁর চৈতন্য করিয়ে দিল নাকি ? তাই রামকালী অমন বিব্রত বিচলিত।

“বাবা কি করতে বলছিলে ?”

“ও হ্যাঁ, বলছিলাম যে তুমি তোমাদের বড়বোঁএর একটু কাছে কাছে থাকো গে, যাতে তিনি ওই পুকুরের দিকেটিকে যেতে না পারেন।”

সত্যবতী মুহূর্তকাল স্তব্ধ থাকে। বোধ করি বাপের আদেশের তাৎপর্যটা অল্লেখ্যবন করতে চেষ্টা করে। তার পর খুব সম্ভব অল্লেখ্যবন করেই নতুনগলায় বলে, “বুঝেছি, বোঁকে চোখে চোখে রেখে পাহারা দিতে বলছি।”

পাহারা !

রামকালী যেন মরমে মরে যান।

তাঁর আদেশের ব্যাখ্যা এই !

বিরক্তি দেখিয়ে বলেন রামকালী, “পাহারা মানে কি ? কাছে কাছে থাকবে, খেলাধুলো করবে, যাতে তাঁর মনটা ভাল থাকে—”

সত্যবতী সনিশ্বাসে বলে, “ওই হল, একই কথা! কথায় বলে, ‘যার নাম ভাজা চাল তার নাম মুড়ি, যার মাথায় পাকা চুল তারেই বলে বুড়ী।’ কিন্তু বাবা, পাহারা নয় দিলাম, ক’দিন ক’রাত দেব বলো? কেউ যদি আপ্তঘাতী হব বলে প্রতিজ্ঞে করে, কারুর সাধ্য আছে আটকাতে? শুধুই তো চাটুয্যে পুকুরের জল নয়, ধূতরো ফল আছে, কুঁচ ফল আছে, কলকে ফুলের বিচি আছে—”

“চূপ চূপ!”

রামকালী আতপ্ত নিশ্বাসের দাহ ছড়িয়ে বলে ওঠেন, “চূপ করো! তোমার সেজঠাকুমা দেখছি ঠিকই বলেন। এত কথা শিখলে কোথা থেকে তুমি? যাও, তোমাকে কিছু করতে হবে না। যাও।”

দশ

‘যাও’ বলে মানুষকে তাড়ানো যায়, চিন্তাকে তাড়ানো যায় না। তাড়ানো যায় না মানসিক দ্বন্দ্বকে। সত্যবতীকে ‘যাও’ বলে ঘর থেকে সরিয়ে দিলেন রামকালী, কিন্তু মন থেকে সরাতে পারছেন না সহসা উদ্বেলিত-হয়ে-ওঠা এই চিন্তাটাকে, তাড়াতে পারছেন না এই দ্বন্দ্বটাকে।

তা হলে কি ঠিক করি নি?

তবে কি ভুল করলাম?

চিন্তার এই দ্বন্দ্ব রামকালীকেই তাড়িয়ে নিয়ে বেড়াচ্ছে, ঘর থেকে চণ্ডী-মণ্ডপে, চণ্ডীমণ্ডপ থেকে বারবাড়ির উঠানে, সেখান থেকে বাগান বরাবর কি জানি কেন একেবারে চাটুয্যে পুকুরের ধারে। পুকুরের ধারে ধারে পায়চারি করতে থাকেন রামকালী।

দীর্ঘায়ত শরীর সামনের দিকে ঈষৎ বোঁকা, দুই হাত পিঠের দিকে জোড় করা, চলনে মন্তরতা। রামকালীর এ ভঙ্গীটা লোকের প্রায় অপরিচিত। দৈবাৎ কখনো কোন জটিল রোগের রোগীর মরণ-বাঁচন অবস্থায় চিন্তিত রামকালী এইভাবে পায়চারি করেন। আয়ুর্বেদ শাস্ত্রের পুঁথি নেড়ে ঔষধ নির্বাচন করেন না রামকালী, এইভাবে বেড়িয়ে বেড়িয়েই মনে মনে করেন।

হয়তো বা পুঁথির পৃষ্ঠাগুলো মুখস্থ বলেই সেগুলো আর না নাড়লেও চলে। শুধু ভেবে দেখলেই চলে।

কিন্তু সে তো দৈবাৎ।

ঔষধ নির্বাচনের জ্ঞান চিন্তার সময় বেশী নিতে হয় না কবরেজ চাটুয্যোকে, রোগীর চেহারা দেখলেই মুহূর্তে রোগ এবং তার নিরাকরণ ব্যবস্থা দুইই তাঁর অল্পভূতির বাতায়নে এসে দাঁড়ায়। তাই চিন্তিত মূর্তিটা তাঁর কদাচিৎ দেখতে পাওয়া যায়। ঋজু দীর্ঘদেহ—শালগাছের মত সোজা সতেজ, দুই হাত বুকের উপর আড়াআড়ি করে রাখা, প্রশস্ত কপাল, খড়্গানাসা, আর দৃঢ়নিবদ্ধ ওষ্ঠাধরের ঈষৎ বন্ধিম রেখায় আত্মপ্রত্যয়ের সুস্পষ্ট ছাপ। এই চেহারাই রামকালীর পরিচিত চেহারা। কিন্তু আজ তার ব্যতিক্রম ঘটেছে, আজ রামকালীর মুখের রেখায় আত্মজিজ্ঞাসার তীক্ষ্ণতা।

তবে কি ভুল করলাম?

তবে কি ঠিক করি নি? তবে কি আরও বিবেচনা করা উচিত ছিল? কিন্তু সময় ছিল কোথা?

বার বার ভাবতে চেষ্টা করছেন রামকালী, তিনি কি বুদ্ধিব্রংশ হয়েছেন? তাই একটা অবোধ শিশুর এলোমেলো কথার উপর এতটা মূল্য আরোপ করে এতখানি বিচলিত হচ্ছেন? কি আছে এত বিচলিত হবার? সত্যিই তো, জিভুবনে সতীন কি কারও হয় না? অসংখ্যই তো হচ্ছে। বরং নিঃসপত্ত স্বামীস্বধ কটা মেয়ের ভাগ্যে জোটে, সেটাই আঙুল গুনে বলতে হয়। কিন্তু এ চিন্তা দাঁড়াচ্ছে না। চেষ্টা করে আনা যুক্তি ভেসে যাচ্ছে হৃদয়-তরঙ্গের ওঠাপড়ায়। কিছুতেই উড়িয়ে দিতে পারছেন না এক ফোঁটা একটা মেয়ের কথাগুলোকে।

বহুবিধ গুণের সমাবেশে উজ্জ্বল বর্ণাঢ্য চরিত্র রামকালীর, পুরুষের আদর্শস্থল, তবু যে চরিত্রের গাঁথনিতে একটু বুঝি খুঁত আছে। মাহুষকে মাহুষের মর্যাদা দেবার শিক্ষা আছে তাঁর, শিক্ষা আছে বয়োজ্যেষ্ঠকে সম্মান সমীহ করবার, কিন্তু সমগ্র 'মেরে মাহুষ' জাতটার প্রতি নেই তেমন সন্ত্রমবোধ, নেই সম্যক মূল্যবোধ।

যে জাতটার ভূমিকা হচ্ছে শুধু ভাত-সেদ্ধ করবার, ছেলে ঠেড়াবার, পাড়া বেড়াবার, পরচর্চা করবার, কৌদল করে অকথ্য অশ্রাব্য গালিগালাজ করবার, হুঃখে কৈদে মাটি ভেজাবার আর শোকে উন্মাদ হয়ে বুক চাপড়াবার, তাদের

প্রতি প্রচ্ছন্ন একটা অবজ্ঞা ছাড়া আর কিছু আসে না রামকালীর। অবশ্য আচারে-আচরণে ধরা পড়ে না, ধরা পড়ে না হয়তো নিজের কাছে—তবু অবজ্ঞাটা মিথ্যা নয়। কিন্তু সম্প্রতি ক্ষুদ্রে একটা মেয়ে যেন মাঝে মাঝে তাঁকে ভাবিয়ে তুলছে, চমকে দিচ্ছে, বিচলিত করছে, ‘মেয়েমানুষ’ সম্পর্কে আর একটু বিবেচনাশীল হওয়া উচিত কিনা এ প্রশ্নের সৃষ্টি করছে।

আকাশে সন্ধ্যা নামে নি, কিন্তু তাল-নারকেলের শারি-ঘেরা পুকুরের কোলে কোলে সন্ধ্যার ছায়া! এই প্রায়াক্রকার পথটুকুতে পায়চারি করতে করতে সহসা রামকালীর চোখের দৃষ্টি ঈগলের মত তীক্ষ্ণ হয়ে ওঠে। কে? ঘাটের পৈঠের একেবারে শেষধাপে অমন করে বসে ও কে? কই এতক্ষণ তো ছিল না, কখন এল? কোন্ পথ দিয়েই বা এল? আর কেনই বা এল এমন ভরা ভরা সন্ধ্যায় একা? এ সময় ঘাটে পথে এমন একা মেয়েরা কদাচিৎ আসে, অবশ্য মোক্ষদা বাদে। কিন্তু দূর থেকে কে তা ঠিক বুঝতে না পারলেও মোক্ষদা যে নয়, সেটা বুঝতে পারলেন রামকালী।

তবে কে?

অভূতপূর্ব একটা ভয়ের অহুভূতিতে বৃকের ভেতরটা কেমন সিরসির করে উঠল। রামকালীর পক্ষে এ অহুভূতি নিতান্তই নতুন।

অন্ধকার দ্রুত গাঢ় হয়ে আসছে, দৃষ্টিকে তীক্ষ্ণতর করেও ফল হচ্ছে না, অথচ এর চেয়ে কাছাকাছি গিয়ে ভাল করে নিরীক্ষণ করবার মত অসঙ্গত কাজও রামকালীর পক্ষে সম্ভব নয়। কিন্তু একেবারে অগ্রাহ্য করাই বা চলে কি করে? সন্দেহ যে ঘনীভূত হচ্ছে। এ আর কেউ নয়, নির্ঘাৎ রাসুর বোঁ।

কিন্তু সত্য কি করল? সত্যবতী? পাহারা দেওয়ার নির্দেশটা পালন করল কই?

দিব্যি বড়সড় একটা কলসী ওর সঙ্গে রয়েছে মনে হচ্ছে।

যারা সাঁতার জানে, তাদের পক্ষে জলে ডুবে মরতে কলসীটা নাকি সহায়-সহায়ক। আর ছেলেমানুষ একটা মেয়ে যদি ওই কলসীটা গলায় বেঁধে—

চিন্তার ধারা ওই একটা হুশিচিন্তার শিলাপাথরকে ঘিরেই পাক খেতে

থাকে। কিছুতেই মনে আসে না অসময়ে জলের প্রয়োজনেও কলসী নিয়ে পুকুরে আসতে পারে লোকে।

তবে এটা ঠিক, জল ভরবার তাগিদ কিছু দেখা যাচ্ছে না ওয় ভঙ্গীতে। কলসীর কানাটা ধরে চুপচাপ বসে থাকাকে কি তাগিদ বলে? নাঃ, জলের জন্তে অগ্র কেউ নয়, এ নির্ধাৎ রাসুর বোঁ! মরবার সংকল্প নিয়ে ভরসন্ধ্যায় একা পুকুরে এসেছে, তবু চট করে বুঝি সব শেষ করে দিতে পারছে না, শেষবারের মত পৃথিবীর রূপ রস শব্দ স্পর্শের দিকে তাকিয়ে নিতে চাইছে।

শুধুই কি তাই?

তাকিয়ে নিয়ে নিঃশ্বাস ফেলে ভাবছে না কি কার জন্তে তাকে এই শোভা-সম্পদ, এই সুখভোগ থেকে বঞ্চিত হতে হল—?

হঠাৎ চোখ দুটো জ্বালা করে এল রামকালীর।

এই জ্বালা করাকে রামকালী চেনেন না। এ অহুভূতি সম্পূর্ণ নতুন, সম্পূর্ণ আকস্মিক।

কিন্তু দাঁড়িয়ে দাঁড়িয়ে দেখলে তো চলবে না, এখুনি একটা বিহিত করতে হবে। নিবৃত্ত করতে হবে মেয়েটাকে। অথচ উপায় বা কি? রামকালী তো আর মেয়ে-ঘাটে নেমে হাত ধরে তুলে আনতে পারেন না! পারেন না ওকে সহুপদেশ দিয়ে এই সর্বনাশা সংকল্প থেকে কেরাতে! ডাকবেনই বা কি বলে? কোন্ নামে? রামকালী যে শ্বশুর।

অথচ এখান থেকে সরে গিয়ে কোনও মেয়েমানুষকে ডেকে নিয়ে আসবার চিন্তাটাও মনে সায় দিচ্ছে না। যদি ইত্যবসরে—

আরে, আরে, স্থিরচিত্রটা চঞ্চল হয়ে উঠল যে!

কলসীটা জলে ডুবিয়ে জল কাটছে যে মেয়েটা! ঈগল-দৃষ্টি ছুরির ফলার মত তীক্ষ্ণ হয়ে ওঠে, নিজের অজ্ঞাতসারেই মেয়ে-ঘাটের দিকে এগিয়ে যান রামকালী, এমন সংকট-মুহূর্তে ত্রায় অত্ৰায় উচিত অহুচিত নিয়ম অনিয়ম মানা চলে না। আর একটু ইতস্তত করলেই বুঝি ঘটে যাবে সেই সাংঘাতিক কাণ্ডটা।

ক্রতপদে একেবারে ঘাটের কাছে গিয়ে দাঁড়ালেন রামকালী, প্রায় আত্মনাশের মত চীৎকার করে উঠলেন, “কে ওখানে? সন্ধ্যাবেলা জলের ধারে কে?”

রামকালী আতঙ্কিত দৃষ্টিতে তাকিয়ে দেখছিলেন তাঁর চীৎকারের ফলটা

কি দাঁড়াল। ওই যে সাদা কাপড়ের অংশটুকু দেখা যাচ্ছিল এতক্ষণ, সেটা কি এই আকস্মিক ডাকের আঘাতে সহসা নিশ্চিহ্ন হয়ে গেল? যেটুকু বিধা ছিল সেটুকু আর রইল না। ওই তো বসে রয়েছে জলের মধ্যে পায়ের পাতা ডুবিয়ে, জীবন আর মৃত্যুর মধ্যে ব্যবধান শুধু একটি লহমার, একটি ডুবের। তার পরই তো ওর সব দুঃখের অবসান, সব জ্বালার শাস্তি! ওইখানেই তো ওর হাতে রয়েছে সব ভয় জয় করবার শক্তি, তবে আর রামকালীর শাসনকে ভয় করতে যাবে কোন্ দুঃখে?

সাদা কাপড়টা দেখা যাচ্ছে এখনও, একটু যেন নড়ছে। রুদ্ধশ্বাস বক্ষে অপেক্ষা করতে থাকেন রামকালী। অথচ এই বিমূঢ়ের ভূমিকা অভিনয় করা ছাড়া ঠিক এই মুহূর্তে আর কি করার আছে রামকালীর? যতক্ষণ না সত্যি মরণের প্রশ্ন আসছে, ততক্ষণ বাঁচানোর ভূমিকা আসবে কি করে? জলে পড়ার আগে জল থেকে তুললে যাওয়ার উপায় কোথা?

যতই ভয় পেয়ে থাকুন রামকালী, এমন কাণ্ডজ্ঞান হারান নি যে শুধু ঘাটের ধারে বসে থাকা মেয়েটাকে হাত ধরে হিড়হিড় করে টেনে নিয়ে আসবেন, মেয়েটা মরতে যাচ্ছে ভেবে।

কি করবেন তবে? সাদা রংটা এখনো নিশ্চিহ্ন হয়ে যায় নি, এখনও কিছু করা যাবে।

সহসা আত্মস্থ হয়ে উঠলেন রামকালী, সহসাই যেন ফিরে পেলেন নিজেকে। কী আশ্চর্য! কেন বুধা আতঙ্কিত হচ্ছেন তিনি? এখুনি তেমন হাঁক পাড়লেই তো অঞ্চলের দশ-বিশটা লোক ছুটে আসবে। তখন আর চিন্তাটা কি? নিজের ওপর আস্থা হারাচ্ছিলেন কেন?

অতএব হাঁক পাড়লেন।

তেমনি ধারাই হাঁক বটে। ‘মৃত্যুপথবর্তিনী’ও যাতে ভয়ে গুরগুরিয়ে ওঠে। জলদগন্তীর স্বরে অভ্যস্ত আদেশের ভঙ্গীতেই হাঁক পাড়লেন রামকালী, “যে হও জল থেকে উঠে এসো। আমি বলছি উঠে এসো। ভরাসন্ধ্যায় জলের ধারে থাকবার দরকার নেই।” ‘আমি’টার ওপর বিশেষ একটু জোর দিলেন।

না, হিসাবের ভুল হয় নি রামকালীর।

কাজ হল। এই ভরাট ভারী আদেশের স্বরে কাজ হল। কলসীটা ভরে নিয়ে তাড়াতাড়ি উঠে এল মেয়েটা একগলা ঘোমটা টেনে। সাদা

রংটার গতিবিধি লক্ষ্য করে বুঝতে পারলেন রামকালী, ঘাটের সিঁড়ি দিয়ে উঠে আসছে ও।

আর একবার চিন্তা করলেন রামকালী, পাশ কাটিয়ে চলে যাবেন? না কি নিবৃদ্ধি মেয়েটাকে একটু সহৃদয়তা দিয়ে দেবেন?

সাধারণতঃ স্বশুর-বৌ সম্পর্কে কথা কওয়ার কথা ভাবাই যায় না, কিন্তু চিকিৎসক হিসেবে রামকালীর কিছুটা ছাড়পত্র আছে। বাড়ির বৌ-ঝির অসুখবিসুখ করলে মোক্ষদা কি দীনতারিণী রামকালীকে খবর দিয়ে ডেকে নিয়ে যান, এবং তাঁদের মাধ্যমে হলেও পরোক্ষ অনেক সময় রোগিণীকে উদ্দেশ্য করে কথা বলতে হয় রামকালীকে। যথা ঠাণ্ডা না লাগানো বা কুপথ্য না করার নির্দেশ। তেমন বাড়াবাড়ি না হলে অবশ্য রোগী ‘দেখা’র প্রশ্ন ওঠে না, লক্ষণ শুনেই ঔষধ নির্বাচন করে দেন! কিন্তু বাড়াবাড়ির ক্ষেত্রে বলতে হয় বৈকি। অবশ্য যথাসাধ্য দ্রুত ও সস্তম্ব বজায় রেখেই বলেন। পুত্রবধূ অথবা ভ্রাতৃবধূ সম্পর্কীয়াদের ‘আপনি’ ভিন্ন তুমি বলেন না কখনও রামকালী।

বিধি একেবারে লজ্জন করলেন না রামকালী, তবু কিছুটা করলেন। পাশ কাটিয়ে চলে না গিয়ে একটা গলাখাঁকারি দিয়ে বলে উঠলেন, “এ সময় এরকম একা ঘাটে কেন? আর এ রকম আসবেন না। আমি নিষেধ করছি।” আর একবার ‘আমি’টার ওপর জোর দিলেন রামকালী।

সমুখবর্তিনী অবশ্য কাষ্ঠপুত্রলিকাৎ। রামকালীর সামনে দিয়ে হেঁটে চলে যাবে, এমন ক্ষমতা অবশ্য থাকবার কথাও নয়।

রামকালী কথা শেষ করলেন, “বাড়িতে শুভকাজ হচ্ছে, মন ভাল করতে হয়। এমন তো হয়েই থাকে।”

দ্রুতপদক্ষেপে এবার চলে গেলেন রামকালী।

রামকালী চলে গেলেও কাঠের পুতুলখানা আরও কিছুক্ষণ কাঠপাথরের মত দাঁড়িয়ে থাকে, কী ঘটনা ঘটে গেল যেন বুঝতেই পারে না। কি হল? এটা কি করে সম্ভব হল?

‘এমন তো হয়েই থাকে’ মানে কি?

উনি কি তা হলে সব জেনেছেন? জেনেও ক্ষমা করে গেলেন? মাথা ঠাণ্ডা রেখে সহৃদয়তা দিয়ে গেলেন মন ভাল করতে। সত্যিই কি

তবে উনি দেবতা? দেবতা ভেবেও বুকের কাঁপুনি আর কমতে চায় না শঙ্করীর?

হ্যাঁ, শঙ্করী!

রাস্তুর বোঁ সারদা নয়, কাশীশ্বরীর বিধবা নাতবোঁ শঙ্করী। চিরদিন পিত্রালয়-বাসিনী কাশীশ্বরীর একটা মেয়েসন্তান, তাও মরেছিল অকালে। মা-মরা দৌন্তুরটাকে বুকে করে এক বছরেরটি থেকে আঠারো বছরেরটি করে তুলে সাধ করে সুন্দরী মেয়ে দেখে দিয়ে দিয়েছিলেন কাশীশ্বরী, কিন্তু এমন রাক্ষসী বোঁ যে বছর ঘুরল না, ঘিরাগমন হল না। তা বাপের বাড়ীতেই ছিল এযাবৎ, কিন্তু এমনি মন্দকপাল শঙ্করীর যে, মা-বাপকেও খেয়ে বসল। ছিল কাঁকা, সে এই সেদিন ভাইঝিকে ঘাড়ে করে বয়ে দিয়ে গেছে চাটুয্যোদের এই সদাব্রতের সংসারে। না দিয়েই বা করবে কি? শুধুই তো ভাতকাপড় যোগানো নয়, নজরে রাখে কে? শ্বশুরকুলে থাকলে তবু সহজেই দাবে থাকবে। আর কপাল যার মন্দ, তার পক্ষে শ্বশুরবাড়ির উঠোন বাঁট দিয়েও একবেলা একমুঠো ভাত খেয়ে পড়ে থাকা মাত্তর। বাপ-কাকার ভাত হল অপমানের ভাত!

এইসব বুঝিয়ে-বান্ধিয়ে কাঁকা সেই যে ছেড়ে দিয়ে গেছে, বাস্। বছর কাবার হতে চলল উদ্দেশ নেই। অথচ এখানে শঙ্করীর উঠতে বসতে খোঁটা খেতে হচ্ছে ‘চালচলনের’ অভাবাতায়। উনিশ বছরের আঙুনের খাপরা এতখানি বয়স অবধি বাপের ঘরে কাটিয়েছে, তাকে বিশ্বাসই বা কি? বিধবার আচার-আচরণই তো শেখে নি ভাল করে। নইলে বামুনের বিধবা এটুকু জানে না যে রাতে চালভাজার সঙ্গে শশা খেতে হলে আলাদা পাত্রে নিতে হয়, এক পাত্রে রাখলে কলার হয়! এমন কি কামড়ে কামড়েও তো খেতে নেই, আলগোছে টুকরো করে মুখের মধ্যে ছুঁড়ে দিয়ে তবে চালভাজার সঙ্গে খাওয়া চলে। তা নয়, সুন্দরী দিবিয়া করে একদিন শশা কেটে চালভাজার পাশে নিয়ে খেতে বসেছেন! যা-ই ভাগ্যিস মোক্ষদার চোখে পড়ে গেল, তাই না জাত-ধর্ম রক্ষে!

কিন্তু সেই একটাই নয়, পদে পদে অনাচার ধরা পড়ে শঙ্করীর, আর প্রতিপদে উপর মহলে সন্দেহ ঘনীভূত হয়—এ মেয়ের রীত-চরিত্তির ভাল কিনা।

তা রামকালীর এত তথ্য জানবার কথা নয়। কবে কোনদিন কোন

অনাথা অবীরা চাটুয্যেদের সংসারে ভর্তি হচ্ছে, সে কথা মনে রাখার অবকাশ কোথায় তাঁর ? কাজে কাজেই রাস্তার বোয়ের প্রশ্ন নিয়েই চিন্তাকে প্রবাহিত করেছেন। তা ছাড়া পুকুরের উঁচু পাড় থেকে ঠিক ঠাইরও হয় নি সাদা ওই বস্ত্রখণ্ডটুকুর কিনারায় একটু রঙের রেখা আছে কি নেই।

কিন্তু না, সারদা মরতে আসে নি। সত্যবতী পিতৃ-আদেশের সঙ্গে সঙ্গেই তাকে কড়া পাহারায় রাখতে শুরু করেছে। আর পাহারা না দিলেও মরা এত সোজা নয়। ‘মরব’ বলেছে বলেই যে সত্যিই সন্ধ্যা আগত সতীনের হাতে স্বামী-পুত্র দুই তুলে দিয়ে পুকুরের তলায় আশ্রয় খুঁজতে যাবে সে, তা নয়। জ্বালা নিয়েই বেঁচে থাকতে হবে তাকে, অত্নকে জ্বালিয়ে পুড়িয়ে খাবার ব্রত নিয়ে।

মরতে এসেছিল শঙ্করী।

মরতে এসেছিল তবু মরতে পারছিল না।

বসে বসে ভাবছিল মরণের দশা যখন ঘটেছে তার, তখন মৃত্যু ছাড়া পথ নেই। কিন্তু কোন্ মৃত্যুটা শেষ ? এই রূপ-রস-গন্ধ-স্পর্শ-স্বধাময় পৃথিবী থেকে চিরতরে নিশ্চিহ্ন হয়ে যাওয়া, না সমাজ সংস্কার সম্ভ্রম সভ্যতা মান মর্যাদার রাজ্য থেকে বিলুপ্ত হয়ে যাওয়া।

শেষের মৃত্যুটা যেন প্রতিনিয়ত কী এক ছুঁনিবার আকর্ষণে টেনে নিয়ে যেতে চাইছে শঙ্করীকে ! কিন্তু শঙ্করী তো জানে সেখানে অনন্ত নরক। তাই না যে পৃথিবী সঙ্করণ মিনতির দৃষ্টি মেলে তাকিয়ে আছে ভোরের সূর্য আর সন্ধ্যার মাদুরীর মধ্যে, তার কাছ থেকেই বিদায় নিতে এসেছিল শঙ্করী !

কিন্তু পারল কই ?

শুধুই কি মামাঠাকুরের হুলজ্য আদেশ ? ঘাটের পৈঠাগুলোই কি তাকে হুলজ্য বাঁধনে বেঁধে রাখে নি ?

তবে কি শঙ্করীর মৃত্যু বিধাতার অভিপ্রেত নয় ? তাই দেবতার মূর্তিতে উনি এসে দাঁড়ালেন মৃত্যুর পথ রোধ করে ?

হঠাৎ এমনও মনে হল শঙ্করীর, সত্যিই মামাঠাকুর তো ? নাকি কোন দেবতার ছল ? ঠাকুর-দেবতার মাছুষের ছদ্মবেশে এসে মাছুষকে ভুল-ঠিক বুঝিয়ে দিয়ে যান, অভয় দিয়ে যান, এমন তো কত শোনা যায়।

বাড়ি ফিরে শঙ্করী যদি কোনপ্রকারে টের পায় রামকালী এখন কোথায় রয়েছেন, তা হলেই সন্দেহ ভঞ্জন হয়। ভাবতে ভাবতে ক্রমশঃ শঙ্করীর এমন

ধারণাই গড়ে উঠতে থাকে, নিশ্চয় খোঁজ নিলে দেখা যাবে মামাঠাকুর এখন এ গ্রামেই নেই, রোগী দেখতে দূরান্তরে গেছেন। নিশ্চয় এ কোন দেবতার ছল। নইলে সত্যিই তো, মামাঠাকুর এমন ঘুলঘুলি সন্ধ্যায় মেয়েঘাটের কিনারায় ঘুরবেনই বা কেন ?

আর সেই হাঁকপাড়াটা ?

সেটাই কি ঠিক মামাঠাকুরের কণ্ঠস্বর ? মাঝে মাঝে তো ভেতরবাড়িতে আসেন মামাঠাকুর, কথাবার্তাও কন মার সঙ্গে, খুড়ীর সঙ্গে, পিসীদের সঙ্গে, কই গলার সঙ্গে এতটা চড়া স্বর শোনা যায় না তো ? যুগুগন্তীর ভারী ভরাট গলা, আর কথাগুলিও দৃঢ়গন্তীর।

এ মামাঠাকুরকে দেখলে পুণি হয়।

বড় মামাঠাকুরের মতন নয় ইনি। বড় মামাঠাকুরকে দেখলে ভক্তি-ছেদা ছুটে পালায়। কিন্তু কথা হচ্ছে দেবতার ছদ্মবেশ সম্বন্ধে একেবারে নিঃসংশয় হবার উপায়টা কি ? কোথায় মেয়েমহল আর কোথায় পুরুষমহল ? চাটুষ্যেদের এই শতখানেক সদস্য সম্বলিত সংসারে স্ত্রীরাই সহজে স্বামীদের তত্ত্ব পান না, তা আর কেউ ! অবিশিষ্ট পুরুষের তত্ত্ববার্তা নেবার প্রয়োজনটাই বা কি মেয়েদের ? দুজনের জীবনযাত্রার ধারা তো সম্পূর্ণ বিপরীতমুখী। পুরুষের কর্মধারার চেহারা যেমন মেয়েদের অজানা, সেদিকে উঁকি মারবার সাহস মেয়েদের নেই, তেমনি পুরুষের নেই অবকাশ মেয়েদের কর্মকাণ্ডের দিকে অবহেলার দৃষ্টিটুকুও নিক্ষেপ করবার।

একই ভিটের বাস করলেও উভয়ে ভিন্ন আকাশের তারা।

তবু মনে হতে লাগল শঙ্করীর, কোন উপায়ে একবার খোঁজ করা যায় না মামাঠাকুর বাড়িতে আছেন কিনা, থাকলে কি অবস্থায় আছেন ? এইমাত্র ফিরলেন, না অনেকক্ষণ থেকে বসে আছেন ?

আহা, মামাঠাকুরের সঙ্গে যদি কথা কইতে পারা যেত ! তা হলে বোধ করি ভগবানকে দেখতে পাওয়ার আশাটা মিটত শঙ্করীর। তা ওঁকে ভগবানের সঙ্গে তুলনা করবে না তো করবে কি শঙ্করী ? এত ক্ষমা আর কোন্ মাহুষের মধ্যে সম্ভব ? এত করুণা আর কার প্রাণে আছে ? শঙ্করীর মর্মকথা জানতে পারলে ত্রিজগতের কেউ কি অমন দয়া অমন সহানুভূতি দিয়ে কথা বলতে পারত ? নাঃ ! তারা মাথা মুড়িয়ে মাথা ঘোল ঢেলে গায়ের বার করে দিত শঙ্করীকে। আর পিছনে স্বর্ণার হাততালি দিতে দিতে

বলত, “ছি ছি ছি, গলায় দড়ি! তুই না হিন্দুর মেয়ে! তুই না বামূনের ঘরের বিধবা!”

আচ্ছা কিন্তু—হঠাৎ যেন সর্বশরীর কাঁটা দিয়ে ওঠে শঙ্করীর, মামাঠাকুর টের পেলেন কি করে? কে বলবে? কে জানে? তাও যদি বা কোন প্রকারে সন্ধান পেয়ে থাকেন, যদি সেই পরম শত্রুটাই এসে কোন ছলে ভয়ে ডরে ফঁস করে দিয়ে গিয়ে থাকে, শঙ্করী যে আজ এই সন্ধ্যায় ডুবে মরবার সংকল্প নিয়ে ঘাটে এসেছিল, এ কথা জানতে পারলেন কি করে তিনি?

মাত্র আজই তো দণ্ডকায়ক আগে সংকল্পটা স্থির করেছে শঙ্করী, অনেক ভেবে, অনেক নিশ্বাস ফেলে, অনেক চোখের জলে মাটি ভিজিয়ে। দিনে-বাড়ি, শাশুড়ী দিদিশাশুড়ীর দল বাড়তি কাজে ব্যস্ত। কে কোথায় কি করছে না করছে কেউ লক্ষ্য করবে না, আজই ঠিক উপযুক্ত সময়। তা ছাড়া আসছে কাল বাড়িতে যজ্ঞ, আত্মকুটুম্বর ভিড় লাগবে বাড়িতে। কে জানে কোন্ ছুতোয় কে শঙ্করীর রীতিনীতির ব্যাখ্যান করবে, শঙ্করীর চালচলনের নিন্দে করবে, টি-টি পড়ে যাবে বাড়িতে।

না না, মরতেই যদি হয়, আজকেই হচ্ছে তার শ্রেষ্ঠ সময়। এইসব সাত-সতেরো ভাবনার বোঝা মাথায় করে ঘাটে এসেছিল শঙ্করী, জীবনের সমস্ত বোঝা নামিয়ে দেবার জন্তে। কিন্তু—আবার গায়ে কাঁটা দিয়ে উঠল শঙ্করীর, কিন্তু বিধাতা নিষেধ করলেন।

মরণের দরজা থেকে জীবনের রাজ্যে ফিরিয়ে আনলেন শঙ্করীকে।

তবে আর দ্বিধা কেন?

শঙ্করী বিধবা হলেও ওর আনা জল নিরামিষ ঘরে চলে না। ও ‘অনাচারে’, ওর অদীক্ষিত শরীর। জলের কলসীটাকে তাই মাঝের দালানে এনে বসাল শঙ্করী, ছেলেপুলেদের খাওয়ার দরকারে লাগবে।

কলসী নামানোর শব্দে কোথা থেকে যেন এসে হাজির হল সত্যবতী। এসেই এদিক ওদিক তাকিয়ে আন্তে আন্তে বলল, “সবনাশ করেছে ‘কাটোয়ার বোঁ’, তোমার নামে টি-টিকার পড়ে গেছে।” বাড়িতে অনেক বোঁ, কাজেই আশপাশের বৌদের তাদের বাপের বাড়ির দেশের নাম ধরে ‘অমুক বোঁ’, ‘তমুক বোঁ’ বলতে হয়। তা ছাড়া শঙ্করী নবাগতা, ওর আর পর্যায়ক্রমে মেজ-সেজ দিয়ে নামকরণ হয় নি।

বুকটা ধড়াস করে উঠল শঙ্করীর ?

কিসের সর্বনাশ ।

তবে কি সব ধরা পড়ে গেছে ?

ঘরের কোণে রাখা মাটির প্রদীপের আলোয় মুখের রং গড়ন দেখা গেল না ; শুধু গলার স্বরটা শোনা গেল, কাঁপা কাঁপা ঝাপসা ঝাপসা ।

“কিসের সর্বনাশ রাভা ঠাকুরঝি ?”

“আজ না তোমার লক্ষ্মীর ঘরে সন্ধ্যা দেবার ‘পালা’ ছিল ?” সত্যর কণ্ঠস্বরে বিস্ময় আর দহানুভূতি ।

লক্ষ্মীর ঘরে সন্ধ্যা দেখানোর পালা !

ওঃ ! শুধু এই !

বুকের পাথরটা নেমে গেল শঙ্করীর, হালকা হল বুক । হোক এটা ভয়ানক মারাত্মক একটা অপরাধ ; আর তার জন্তে যত কঠিন শাস্তিই হোক, মাথা পেতে নেবে শঙ্করা !

অবশ্য এই দরদের ধিক্কারে চোখে জল এসে গিয়েছিল তার ।

সত্য গলাটা আরও একটু খাটো করে বলে, “আর তাও বলি কাটোয়ার বৌ, এই ভরসন্ধ্যা পযন্ত ঘাটে থাকার তোমার দরকারটাই বা কি ছিল ? সাপখোপ আছে, আনাচেকানাচে কু-লোক আছে—”

শঙ্করী সাহসে বুক বেঁধে বলে, “দিদিমা খুব রাগ করেছিলেন বুঝি ?”

“রাগ ? রাগ হলে তো কিছুই না । হচ্ছিল গিয়ে তোমার ব্যাখানা !” সত্যবতী হাত-মুখ নেড়ে বলে, “আর সত্যিও বলি কাটোয়ার বৌ, তোমারই বা এত বুকের পাটা কেন ? ভর-সন্ধ্যাবেলা একা ঘাটে গিয়ে যুগযুগান্তর কাটিয়ে আসা কেন ? আবার আজই সন্ধ্যা দেখানোর পালা ! ঠাকুমার তো তোমায় পাঁশ পেড়ে কাটতে চাইছিল ।”

“তাই কাটো না ভাই তোমরা আমায়—” শঙ্করী ব্যগ্র কণ্ঠে বলে, “তা হলে তোমরাও বাঁচো, আমারও মনস্বামনা সিদ্ধি হয় ।”

সত্য ভ্রভঙ্গী করে গালে হাত দিয়ে বলে, “ওমা ! তোমার আবার কিসের মনস্বামনা ? তুমি আবার বড়বোয়ের মতন বোল ধরছ কেন ? বড় বৌও যে এতক্ষণ আমায় বলছিল, আমায় একটু বিষ এনে দাও ঠাকুরঝি, খাই । তোমার দাদার হাতের স্নুতো খোলার আগেই যেন আমার মরণ হয়, সে দিশ্রু দেখতে না হয় ।”

সত্যি বলতে কি, সারদার সঙ্গে শঙ্করীর এখনও তেমন ভাব হয় নি। প্রথম তো বয়সের ব্যবধান, তা ছাড়া সারদা ছিল স্বামী-সোহাগিনী নরপুত্রবতী, আর শঙ্করী ছাইফেলার ভাড়াবুলো। আরও একটা কথা—দুজনের এলাকা আলাদা। শঙ্করীকে থাকতে হয় বিধবামহলে, তাঁদের হাতে হাতে মুখে মুখে ফাই-ফরমাশ খাটতে—সারদা সধবামহলের জীব। খাওয়া শোওয়া বসা সব কিছুর মধ্যেই আকাশ-মাটির পার্থক্য।

কিন্তু আপাততঃ সারদা অনেকটা নেমে পড়েছে, এখন শঙ্করীও তাকে করুণা করতে পারে। তাই করে শঙ্করী। দরদের সুরে বলে, “তা বলতে পারে বটে আবাবী।”

“বলি সে নয় বলতে পারল, তোমার কি হল? তোমার অকস্মাৎ কিসের জ্বালা উথলে উঠল?”

“আমার পোড়াকপালে তো সর্বদাই জ্বালা ঠাকুরঝি।” শঙ্করী নিঃশ্বাস ফেলে।

সত্য হাত নেড়ে বলে, “আহা, কপাল তো আর তোমার আজ পোড়ে নি গো? ঠাকুমারা তো সেই কথাই বলছিল, সোয়ামীকে তো কোন্ জন্মে ভুলে মেরে দিয়েছে, তবে আবার তোমার সদাই মন উচাটন কিসের? কিসের চিন্তে করো রাতদিন?”

“মরণের!” শঙ্করী দালানের দেয়ালে পিঠ ঠেকিয়ে বসে পড়ে বলে, “ও ছাড়া আমার আর চিন্তা নেই।”

“তা ভাল!” সত্য আবার দুই হাত নেড়ে কথার সমাপ্তি টেনে মল বাজিয়ে চলে যায়, “সব মেয়েমানুষের মুখে দেখি এক রা, ‘মরব’ ‘মরছি’ ‘মরণ হয় তো বাঁচি।’ এ তো আচ্ছা ফ্যাসাদ।”

শঙ্করী আর এ কথার উত্তর দেয় না, বসে বসে হাঁপাতে থাকে। আন্থক ঝড়, আন্থক বজ্রাঘাত, এখানে বসে বসেই মাথা পেতে নেবে সে, উঠে গিয়ে পায়ে হেঁটে ঝড়ের মুখে পড়বার শক্তি নেই।

তা একটু বসে থাকতে থাকতেই ঝড় এল।

কিংবা শুধু ঝড় নয়, বৃষ্টি-বজ্রাঘাতও তার সঙ্গী হয়েছে।

শঙ্করী ফিরেছে শুনে থোজ করতে এসেছেন কাশীশ্বরী আর মোক্ষদা।

পিছনে দর্শকের ভূমিকা নিয়ে ভুবনেশ্বরী, রামকালীর স্ত্রী।

এগারো

অপরাধটা হচ্ছে লক্ষ্মীর ঘরে যথাসময়ে প্রদীপ না দেওয়ার, কিন্তু শাস্তির আশঙ্কায় সমস্ত শরীর কণ্টকিত হয়ে ওঠার সঙ্গে সঙ্গে শঙ্করীর মনের পটে যে ছবি ভেসে উঠল, সেটা লক্ষ্মীর ঘট অথবা গৃহদেবতার পটগুলির নয়, নিজের যে অপরাধের শাস্তির আশঙ্কাটা সমস্ত দেহমন শিথিল করে দিল শঙ্করীর, সে অপরাধের সঙ্গে এ বাড়ির, এমন কি এ গ্রামেরও কোন সম্পর্ক নেই।

অপরাধের জায়গাটা হচ্ছে শঙ্করীর বাপের বাড়ির আমবাগান! সময়টা গা রিমঝিমে ভরতুপুর।

নতুন ফাল্গুনের থেকে থেকে ঝিঝিঝি আর থেকে থেকে দমকা বাতাস বইছে, আর নতুন ‘গুটি বাঁধা’ আমগাছগুলো সে বাতাসে যেন মাতলামির খেলা জুড়েছে। কিছু কিছু গাছ কিন্তু খানিকটা পিছিয়ে আছে, তাদের এখনো বোল্‌ঝরে আম ধরে নি। পাতার ফাঁকে ফাঁকে মঞ্জরীর সমারোহ।

নির্জন দুপুরে, সেই বাগানে শঙ্করী আর নগেন!

নগেনের হাতের মধ্যে শঙ্করীর হাত।

আলগা করে এলিয়ে পড়ে থাকা নয়, হাতখানা বজ্রমুষ্টিতে ধরে রেখেছে নগেন, পাছে শঙ্করী পালিয়ে যায়! যতক্ষণ না নগেনের বক্তব্যটা সম্পূর্ণ শেষ হবে, ততক্ষণ শঙ্করীর ছাড়ান নেই।

অনেকদিন ধরে, অনেক ছোটখাটো কথা, অনেক ইশারা-ইঙ্গিতের দূত মারফৎ নিজের বক্তব্য জানিয়েছে নগেন শঙ্করীকে, অনেক করুণ দৃষ্টি, অনেক চোরা হাসির সওগাতে। আজ বোধ করি একেবারে হেস্তনেস্ত করতে চায় সে।

কিন্তু নগেন কি শঙ্করীকে গায়ের জোরে এই নির্জন আমবাগানে টেনে এনেছিল? মুখে কাপড় বেঁধে, পঁজাকোলা করে?

তা তো নয়।

সহায়সম্বলহীন ছেলেটার এত সাহস কোথা? মাসীর বাড়ির অন্ন খেয়ে ধেয়ে তো মানুষ!

শঙ্করীর কাকীই নগেনের মাসী।

মা-মরা বোনপোকে কাছে এনে মানুষ করেছেন কাকী নিজের ছেলেদের সঙ্গে। যে সংসারে শঙ্করীও বেড়ে উঠেছে।

মাঝখানে শুধু একটা বিয়ের ব্যাপার।

কিন্তু সে আর ক'দিনের? অষ্টমঙ্গলাতেই তো তার সমাপ্তি।

একই বাড়িতে বাস করেছে দুজনে! ভাই-বোনের মত। অথচ আশ্চর্য, মনোভাবটা কিছুতেই কেন ভাইবোনের মত তৈরী হল না?

কেন ছোটবেলা থেকে শঙ্করীর নিজের খুড়তুতো দাদারা শঙ্করীর চুলের মূঠি ধরেছে, আর পান থেকে চুন খসলে থিঁচিয়েছে, আর নগেন কেনই বা বরাবর সেই দুঃখ-যজ্ঞগায় স্নেহের প্রলেপ লাগিয়েছে, অত্যাচারীদের প্রতি কটুক্তি করেছে!

পৃথিবীতে কি জন্তু কি হয় শঙ্করীর বোধের বাইরে। বোধের জগৎটা ওর নেহাতই সীমাবদ্ধ। নইলে আঠারো বছরের বিধবা মেয়ের পক্ষে, ভরা ভরতপুরে, আমবাগানে এসে একটা বেটাছেলের সঙ্গে কথা কওয়া যে কতদূর গর্হিত, সে বোধ থাক। উচিত ছিল বৈকি একটা আঠারো বছরের মেয়ের।

কিন্তু সত্যিই কি এটুকু বোধও ছিল না শঙ্করীর?

চব্বিশ ঘণ্টা কাকীর দাঁতের পিষুনিতে সে বোধ জন্মায় নি? বাগানে এসেছিল কি শঙ্করী নির্ভয়ে নিশ্চিন্তে?

না, অবোধ হলেও এতটা অবোধ নয় শঙ্করী। এসেছিল বৃকের মধ্যে ভয়ের বাসা নিয়েই। সকালে যখন নগেন এ আবেদন জানিয়েছে, তখন থেকেই বৃকের মধ্যে ঢেঁকির পাড় পড়ছে তার। সকল কাজে ভুলচুক হয়েছে। তবু এসেছে।

তবু কি ভাগ্যিস আজ আর রান্নাঘরের ভারটা ঘাড়ে নেই। কাল শ্বশুরবাড়ি চলে যাবে, বলতে গেলে জন্মের শোধই চলে যাবে, এই গমতার গৃহকর্তী শঙ্করীকে হেসেলের দায়িত্ব থেকে ছুটি দিয়েছেন। আর যখন শঙ্করী নিতান্ত বিনীত মূর্তিতে, নিতান্ত কাঁচুমাচু মুখে আবেদন জানিয়েছে, “বকুলফুলের বাড়ি একবার যাব কাকীমা?” তখন ‘না’ করতে পারেন নি তিনি।

বাগানে এসেই প্রথম এই ছলনার খবর শুনে হেসে উঠেছিল নগেন। বলেছিল, “তা গুরুজনের সঙ্গে মিছে কথা কয়েছিস ভেবে অত মনমরা হচ্ছিস কেন? ধরে নে না আমিও তোর একটা ‘বকুলফুল’?”

কিন্তু এখন আর নগেনের মুখে হাসি নেই, এখন নগেনের অস্ত্র ভাব।

এখন কেমন রুক্ষ হিংস্র উদ্ভ্রান্ত মতন। এখন বজ্রমুষ্টিতে শঙ্করীর হাত ধরে, টেনে নিয়ে যেতে চায় ভিন্ন আর এক জগতে।

“পালিয়ে গিয়ে অল্প অনেক দূরের আর এক গাঁয়ে চলে যাই না? সেখানে কে চিনবে আমাদের? বলব আমরা স্বামী-স্ত্রী, আগুন লেগে ঘরবাড়ি ক্ষেতখামার সব পুড়ে গেছে, তাই মনের আক্ষেপে দেশ-ভূঁই ছেড়ে চলে এসেছি!”

“অমন পাপকথা বললে যে জিভ খসে যাবে নগেনদাদা? নরকেও ঠাই হবে না আমাদের।” উচ্চারণ করে শঙ্করী, কিন্তু সে উচ্চারণে কোথাও কোন জোর প্রকাশ পায় না। পাপের আশঙ্কায় আগে থেকেই কি জিভ শিথিল হয়ে এল শঙ্করীর?

“পাপ কিসের? তোর ওই বে-টা কি বে? স্বামীর ঘর করেছিস তুই? জন্ম-জন্মান্তর থেকে তুই আর আমি পতি-পত্নী, বুঝি? তাই ওই একটা উটকো স্বামী সইল না তোর। নইলে এতদিন তুই কোথায় থাকতিস, আর আমি কোথায় থাকতাম! তুই মন ঠিক কর শঙ্করী, দোহাই তোর।”

“এ কথা কানে শুনলেও যে অনন্ত নরক নগেনদাদা!”

“তাই যদি হয়,” নগেন উগ্রমুষ্টিতে বলে ওঠে, “নরকেই যদি যেতে হয়, তোকে তো একলা যেতে হবে না! আগাকেও যেতে হবে। তোর জন্তে সে ক্লেশও মেনে নিচ্ছি আমি। পৃথিবীর আর সব্বাই যাক তা স্বর্গে, তুই আর আমি নয় নরকেই থাকব। এ জন্মটা তো তবু ভাল যাবে।”

“এইটাই কি একটা নেম্য কথা হল? না নগেনদাদা, তোমার পায়ে ধরি আমরা ছেড়ে দাও। কেউ যদি এ অবস্থায় দেখে ফেলে, তা হলে আর আমার ঘরে ঠাই হবে না।”

“ভালই তো—” নগেন হাতটা ছেড়ে দেওয়ার পরিবর্তে আরও জোরে চেপে ধরেছিল, বুঝিবা একটু কাছেও টেনেছিল, বলেছিল, “ঘর থেকে দূর করে দিলে আমাদের সুরাহাই হবে। কলঙ্ক ছড়ালে স্বস্তরবাড়ি থেকেও নেবে না তোকে, তখন দুজনে চলে যাওয়া সোজা হবে। শাপে বর হবে আমাদের।”

“না না নগেনদাদা, হাত ছাড়। তোমার মনে এত ‘কু’ জানলে, কক্খনো এখানে আসতাম না আমি। তুমি বললে একটা কথা আছে—”

নগেন কখনো যা না করেছে তাই করল। অগ্নিমূর্তি হয়ে ঝাঁচিয়ে

উঠল, “জাকামি করিস নে। জানলে আসতাম না! তোর সঙ্গে আমার কি ভাগবত-কথা থাকবে শুনি? আমি বলছি তুই আমার সঙ্গে পালিয়ে চল।”

সজ্ঞানে নয়, অসতর্কে মুখ দিয়ে বেরিয়ে পড়ল, “কোথায়?”

নগেন মহোৎসাহে বলে ওঠে, “যেখানে হোক। অনে—ক দূরের কোন গাঁয়ে। সেখানে শুধু তুই আর আমি, সুখে সংসার করব। ছোট্ট একখানা মাটির কুঁড়ে, একটু শাকপাতার বাগান, একটা একছিটে পুঁহর, এর বেনী আর কি চাই আমাদের বল? তা সেটুকু সংস্থান করতে পারব। পেটে তো একটু বিত্তে করেছি, কিছু না পারি একখানা পাঠশালা খুলব! কারুর কোন ক্ষতি নেই তাতে শঙ্করী।”

বৃকের মধ্যকার সেই ঢেঁকির পাড় পড়াটা বন্ধ হয়ে, কী এক কাঁপা-কাঁপা-সুখে মনটা কি ছলে উঠল না শঙ্করীর? চোখ দুটো কি জলে ভরে এল না? নতুন ফাগুনের সেই থেকে-থেকে-ঝিরিঝিরি, থেকে-থেকে-দমকা বাতাসে শরীরটা কেমন অবশ অবশ হয়ে আসে নি কি? মনে কি হয় নি, সত্যিই তো—তাতে কার কি ক্ষতি? শ্বশুরবাড়ি সে চোখে দেখে নি, এক দিনও ঘর করে নি। চেনে না তাদের, জানে না শঙ্করীকে না পেলে কার কি সুখ-দুঃখ, কার কি লাভ-লোকসান! কাকারা যদি খবর দেয়, শঙ্করী বলে যে একটা মেয়ে ছিল তাদের ঘরে—যে নাকি কবরেজ-বাড়ির ভাগ্নে-বৌ ছিল—হঠাৎ ওলাউঠে হয়ে মরে গেছে সে, কত কাঁদবে কবরেজ-বাড়ির লোকেরা?

আর কাকা-খুড়ী?

মরে গেছে বলে রটিয়ে দিলে সমাজের কাছে পার পাবে না?

না, বেশীক্ষণ এ চিন্তা মনে স্থান পায় নি। বাতাসটা হঠাৎ বন্ধ হয়ে ভয়ানক যেন গুমোট হয়ে উঠল, চেতনা ফিরে পেল শঙ্করী। বলে উঠল, “হিঁহুর ঘরের বিধবাকে বেরিয়ে যাবার কুমন্তরণা দিতে লজ্জা করে না তোমার? তুমি না আমার ভাইয়ের মতন?”

“না, ককখনো না।” গর্জে ওঠে নগেন, “ককখনো ভাইয়ের মতন নয়। সে কথা তুইও ভাল জানিস, আমিও ভাল জানি। চিরকাল মনে মনে আমি তোকে পরিবারের মতন দেখে এসেছি। জেনে শুনে কেন মিছে বাকচাতুরি করছিস? কথা দে, দুপুররাতে তুই খিড়কি দিয়ে বেরিয়ে এসে

এথেনে দাঁড়াবি, আমি আগে থেকে দাঁড়িয়ে থাকব। তার পর জোর পায়ে হেঁটে গাঁ থেকে একবার বেরোতে পারলে কে ধরে? খুঁজতে তো আর পারবে না মাসী-মেসো? কিল খেয়ে কিল চুরি করে বসে থাকতে হবে।”

“ও নগেনদাদা, আমার বুকের ভেতরটা কেমন করছে, ছেড়ে দাও আমায়। আমি পারব না।”

“পারতেই হবে তোকে।” নগেন ব্যাকুল স্বরে বলে, “যতক্ষণ না তুই মত দিবি ছাড়ব না হাত। দেখুক পাঁচজনে, সেই আমি চাই।”

“নগেনদাদা আমি চেষ্টায়ে লোক জড়ো করব।” আলগা আলগা দুর্বল স্বরে বলে শঙ্করী, “বলব বাগানে একলা পেয়ে তুমি আমাকে—”

নগেন বেপরোয়া, বলে, “চোঁচা! জড়ো কর লোক।”

“নগেনদাদা গো আমাকে বরং মেরে ফেল।”

“আমি আর কি মারবো তোকে? মেরেই তো ফেলেছে সবাই মিলে। বাপের বাড়িতেই লাথি-ঝাঁটা না খেয়ে একমুঠো ভাত জুটছিল না, মরার ওপর খাঁড়ার ঘা, এর পর আবার স্বশুরবাড়ি। সারা জন্মটা শুধু লাথি-ঝাঁটা সার। আমিই বরং তোকে বাঁচাতে চাই। আদর করে যত্ন করে মাথার মণি করে রাখতে চাই।”

“আমি চাই না তোমার আদর-যত্ন।” এবার একটু দৃঢ় শোনাল শঙ্করী কণ্ঠস্বর, “লাথি-ঝাঁটাই আমার ভাল।”

“বটে। লাথি-ঝাঁটাই তোর ভাল?” নগেন সহসা মারমুখী হয়ে একটা ভয়ঙ্কর কাজ করে বসল।

হ্যাঁ, আদর করে প্রেমালিঙ্গন নয়, মারমুখী হয়ে সহসা শঙ্করীকে সাপটে জড়িয়ে ধরল নগেন, ধরে বলে উঠল, “বেশ, সেটাই যাতে আরও ভাল করে খাস তার ব্যবস্থা করছি। এই দিচ্ছি দেগে, তার পর তোর স্বশুরবাড়ির গায়ে গিয়ে রটাব, ও আমার সঙ্গে মন্দ—”

কিভাবে যে নগেনের হাত থেকে নিজেকে ছাড়িয়ে নিয়েছিল শঙ্করী, কীভাবে যে একেবারে ঘাটে ডুব দিয়ে বাড়ি গিয়ে বলেছিল বকুলফুলের বাড়ি যাওয়া হল না, রাস্তায় যেতে একখানা ছুতোহাড়ি পায়ে ঠেকে গেল বলে একেবারে নেয়ে বাড়ি ফিরতে হল, আর কি করে যে ‘অসময়ে নেয়ে মাথাটা ভার হয়েছে’ বলে দিনের বাকী সময়টা শুয়ে কাটাল, সে সব আর ভাল করে মনে পড়ে না শঙ্করীর।

শুধু মনে আছে তার প্রবল কান্নার ব্যাপার দেখে কাকাসুন্ধু মমতা-মমতা গলায় সান্ধনা দিয়েছিল, “কেন কঁাদছিস মা, মেয়েমানুষকে তো স্বশ্রম করতেই হয়। সেই হচ্ছে চিরকালের জায়গা। তা ছাড়া কবরেজমশাই অতি সজ্জন বেক্তি, সংসারে খাওয়া-পরার কোন ভুখু নেই, ভাল থাকবি, সুখে থাকবি।”

তবু আরও আকুল হয়ে কঁদেছিল শঙ্করী। অগত্যা খুড়ীকে পর্যন্ত বলতে হয়েছিল, “আবার আসবি, পালেপার্বণে আসবি, আমরা কি তোকে পর করে দিচ্ছি?”

বছর ঘুরে গেল, খুড়ীর প্রতিশ্রুতি খুড়ী রাখে নি। নিয়ে যাওয়া তো দূরের কথা, একবার উদ্দিশ পর্যন্ত করে নি। সে গাঁয়ের এক কানাকড়া খবরও আর সেই অবধি পায় নি শঙ্করী। শুধু অবিরত কাঁটা হয়ে থেকেছে, ওই বৃষ্টি কে বলে, ‘নগেন বলে একটা ছেলে এসে গ্রামে কি রটিয়ে বেড়াচ্ছে শঙ্করীর নামে’।

ঘাটে পথে বেরিয়ে গাছের পাতা নড়ার শব্দে শিউরে ওঠে শঙ্করী, বাঁশের সরসরানি শুনলে থমকে দাঁড়িয়ে পড়ে।

কিস্তি ?

সে ভয় কি শুধুই ভয় ? নিছক ভয় ?

তার সঙ্গে ভয়ানক একটা আশাও কি জড়ানো নেই ?

সর্বদা কি মনে হয় না, হঠাৎ কোন একটা বাঁশবাগানের ধারে কি পুকুর-ঘাটের কাছে সেই সর্বনেশে লোকটাকে দেখতে পায় তো, আর বাড়ি ফেরে না।.....

কাল শুনেছে, বিয়ে উপলক্ষে কাকার বাড়ি থেকে নাকি ‘নেমস্তস্মিতে’ আসবে। কাল থেকে তাই মরে আছে শঙ্করী।

কি জানি কি বলবে খুড়ো কি খুড়তুতো ভাইরা এসে !

নগেন কি সব বলে বেড়িয়েছে ?

নগেন কি ওখানে আছে এখনও ?

নগেন কি বেঁচে আছে ?

হয়তো টের পেয়ে সবাই মেরে ফেলেছে।

সেদিন কেন আমবাগানে গিয়েছিল শঙ্করী ? আর যে লোকটা তাকে মন্দ

পথে টানবার চেষ্টা করছিল, কেন আজও শঙ্করীর মনকে লক্ষ দড়িদড়া দিয়ে টানছে সে ?

মরতে গিয়েও কেন মরতে পারে না শঙ্করী ?

পৃথিবীতে শঙ্করী বলে একটা মেয়েমানুষ যদি না থাকে কি এসে যাবে পৃথিবীর ? কলঙ্কিত মন নিয়ে ঠাকুরঘরের কাজ করছে সে, তুলসীতলায় প্রদীপ দিচ্ছে, এ মহাপাপের ফল—

চিন্তায় বাধা পড়ল।

কাশীশ্বরী এসে দাঁড়িয়েছেন, তীব্রকণ্ঠে ডাকছেন, “নাতবৌ !”

বারো

ভয় ! ভয় !

সত্য মনের কাছে এত বড় ভয়ের পরিচয় বোধ করি এই প্রথম।

‘কাটোয়ার বৌ’য়ের খুব যে একটা খোয়ার হবে এটা আশঙ্কা করছিল সত্য, কিন্তু এ কি ! তিরস্কারের এ কোন্ ভাষা ? জীবনে অনেক কথা শুনেছে সত্য, অনেক কথা শিখেছে, কিন্তু এসব শব্দ তো কখনো শোনে নি।

‘অসত্য’ মানে কি ? ‘উপপত্তি’ কাকে বলে ? ‘কুল খাওয়া’ বলতেই বা কি বোঝায় ?

যে কুলের আচার তৈরি হয়, আর তেলে-তুনে জরিয়ে অপূর্ব আশ্বাদন পাওয়া যায়, এটা যে ঠিক সে জাতীয় নয়, এইটুকুই শুধু বুঝতে পারে সত্য। কিন্তু তারপরই কেমন দিশেহারা হয়ে যায়। দূর থেকে হা করে তাকিয়ে থাকে শঙ্করী আর কাশীশ্বরীর দলের দিকে।

না, আর কেউ কিছু বলছে না, সবাই নিথর, এমন কি মোক্ষদা পর্যন্ত কেমন যেন স্তব্ধ, একা কাশীশ্বরীই পালা চালিয়ে যাচ্ছেন, চাপা তীক্ষ্ণ গলায়।

শঙ্করীকে ধরে চিবিয়ে খেলেও বুঝি রাগ মিটবে না, এমনি সব মুখভঙ্গী।

মোক্ষদা এক ধরনের, কাশীশ্বরী আর এক ধরনের। মোক্ষদার ‘অটুট’ গভর, অসীম ক্ষমতা, অনর্গল বাকপটুত্ব। কিন্তু কাশীশ্বরী তা নয়। কাশীশ্বরী শোকেতাপে কিছুটা অথর্ব, ভাছাড়া চিরদিনই তিনি টেপামুখী।

শুধু তেমন মোক্ষম অবস্থা পড়লেই মুখ দিয়ে কথা বেরোয় তাঁর।
চাপা তীক্ষ্ণ।

কিন্তু আজকের মত এমন সব কথা কবে বেরিয়েছে কাশীশ্বরীর মুখ দিয়ে ?
এমন ঘৃণা-জর্জরিত মুখই বা কবে দেখা গেছে তাঁর ?

কে গিয়েছিল কাটোয়ার ?

কে কি শুনে এসেছে সেখান থেকে ? বারবার শঙ্করীর বাপের বাড়ির
কথাই বা উঠছে কেন ? তারা নাকি কেউ ভোজবাড়িতে আসবে না, সম্পর্ক
রখতে চায় না শঙ্করীর সঙ্গে। নেহাৎ নাকি তারা শঙ্করীর মা-বাপ নয়,
খুড়োখুড়ী, তাই অমন মেয়েকে টুকরো টুকরো করে কেটে কাটোয়ার গঙ্গায়
ভাসিয়ে দেয় নি !

আরও কত কথা, তার সঙ্গে কত মুখভঙ্গী !

শঙ্করীকে গলায় দড়ি দিয়ে মরবার পরামর্শ দেওয়া হচ্ছে। দেওয়া হচ্ছে
ঘাটে ডুবে মরবার নির্দেশ। পাপিষ্ঠা শঙ্করীর পাপস্পর্শেই যে কাশীশ্বরীর
একমাত্র নীতিটা বিয়ের বছর না ঘুবতেই মনেছে, সে কথাও প্রমাণিত হয়ে
যাচ্ছে আজকের বিচারের রায়ে।

অনেক শুনতে শুনতে, শেষ পর্যন্ত এইটুকু বুঝতে পারে সত্য, নাপিত-বৌ
আর রাখু কাটোয়া গিয়েছিল যজ্ঞির জন্তে নেমন্তন্ন করতে। আর শঙ্করীর
খুড়ী নাপিত-বৌয়ের কাছে শঙ্করীর নামে যাচ্ছেতাই করেছে।

সেখান থেকে খুব যে একটা গর্হিত কাজ করে চলে এসেছে শঙ্করী, সে
বিষয়ে আর সন্দেহমাত্র নেই। লক্ষ্মীর ঘরে সন্ধ্যা দিতে দেরি হওয়া অথবা
সাঁঝ-সন্ধ্যা পর্যন্ত ঘাটে বসে থাকার চাইতে যে অনেক বেশী গর্হিত তা বুঝতে
পারা যাচ্ছে।

কিন্তু শঙ্করীর অপরাধের সঙ্গে তার খুড়ীর বোনপোর যোগ কোথায় ?
সে কেন শঙ্করীর জন্তে বাড়ি ছেড়ে নিকৃদ্দিশ হয়ে চলে গেছে ?

এইখানেই সব গোলমাল লাগছে সত্যর !

সব যেন হেঁয়ালি !

এই অন্ধ জগতের অর্থবহ, জীবনে-না-জানা শব্দগুলো সত্যর বুকটাকে
কেমন হিম হিম করে দিচ্ছে ! ভয় করছে। যে অমুভূতি জীবনে জানে না
সত্য, আজ সেই অমুভূতি তার সমস্ত সাহসকে যেন বোঁবা করে দিয়েছে।

গিন্নীরা কাউকে খাসন করছেন, অথচ সত্য তার মধ্যে কোড়ন কাটছে না, এমন ঘটনা বোধ করি সত্যর জ্ঞানে এই প্রথম। অপরাধীর পক্ষ নেওয়াই সত্যর স্বভাব। তা সে অপরাধী যে শ্রেণীর হোক।

একবার বাসন-মাজুনী বাগদী-বৌ সন্ধ্যা করে ঘাটে বাসন মাজতে গিয়ে পাজার বাসন থেকে একটা বাটি হারিয়ে ফেলেছিল। খুব সম্ভব বাটিটা জলেই ডুবে গিয়েছিল, কিন্তু বাগদী-বৌকে ‘চোর’ অপবাদ দিয়ে ন ভূতো ন ভবিষ্যতি করেছিলেন শিবজায়া আর দীনতারিণী। এবং মোক্ষদা হুকুম দিয়েছিলেন, “না যদি নিরেছি স তো সমস্ত রাত ওই পুকুর হাতড়ে বাটি খুঁজে বার কর।”

বাগদী-বৌ যত হাউ-মাউ কাঁদে, গৃহিণীকুল ততই চেপে ধরেন তাকে। চুরির উদ্দেশ্যেই যে সে বেলা গড়িয়ে বাসন মাজতে আসে এ মন্তব্যও করতে ছাড়েন না তাঁরা। সেযাত্রা সতাই তো রক্ষা করেছিল বাগদী-বৌকে।

বলেছিল, “চল বাগদী-বৌ, আমিও খুঁজি গে তোর সঙ্গে। আমি খুব সাঁতার জানি, সাঁতরে এপার-ওপার করে বাটি হাতড়াব।”

“তুই খুঁজবি মানে?”

ধমকে উঠেছিল সবাই। এবং সকলকে চমকে দিয়ে সত্য উদাসভাবে বলেছিল, “তা খুঁজতে হবে বৈকি। তোমাদের পাপের প্রাচিন্তির আমাকেই করতে হবে, ভগবান যখন আমাকে তোমাদের ঘরের মেয়ে করে পাঠিয়েছে! বাড়িতে যাদের পাঁচসিন্দুক বাসন, তারা যদি তুচ্ছ একটা ডালখাবার বাটির জন্যে একটা মানুষের প্রাণবধ করতে চায়, তবে একজনকে তো তার প্রতিকার করতে হবে।”

‘থ’ হয়ে গিয়েছিল সবাই, আর বোধ করি তুচ্ছ একটা বাটির জন্যে নিজেদের তুচ্ছতার বহরটা সেই প্রথম নজরে পড়েছিল তাঁদের।

“তবে আর কি, পাঁচসিন্দুক বাসন আছে তো হরির লুট দিগে যা বাসনের! অনেক পরমা আছে তোর বাপের!” বলে কেমন যেন শিথিল ভাবে রণে ভঙ্গ দিয়েছিলেন তাঁরা।

বাগদী-বৌ গলায় কাপড় দিয়ে সত্যকে প্রণাম করেছিল সেদিন।

তা এমন অনেককেই অনেক সময় বিপদ থেকে ত্রাণ করেছে সত্য। কিন্তু আজ আর সত্যর গলা দিয়ে শব্দ বেরোচ্ছে না।

একটা অন্ধকার অরণ্যের গা-ছমছমে রহস্য মুক করে দিয়েছে সত্যকে।

কখন যে ভিরঙ্কার-পর্ব শেষ হল, কখন যে গিন্নীরা আপন আপন কর্মে প্রস্থান করলেন, কাটোয়ার বৌ তারপর গেল কোথায়, এসবের কোন খবরই আর রাখতে পারে নি সত্য, কখন একসময় যেন আন্তে আন্তে চলে গিয়ে সারদার ঘরের মৈজ্জের পরনের চাঁদের-আলো-রঙা আটহাতি শাড়িখানির আঁচলটুকু বিছিয়ে শুয়ে পড়েছিল। যেখানে সারদাও শুয়ে আছে সেই একই পদ্ধতিতে, কোলের ছেলেটুকুকে কোলের কাছে নিয়ে।

সারদা বলেছিল, “শুনে যে সত্য ঠাকুরঝি!”

“শুলাম।” বলে উত্তর এড়িয়েছিল সত্য।

সারদা আর একবার নিশ্বাস ফেলে বলেছিল, “কাটোয়ার বৌ অত গাল খাচ্ছিল কেন ঠাকুরঝি?”

সত্য বলেছিল, “জানি না।”

সত্যর পক্ষে এমন সংক্ষিপ্ত স্বল্প ভাষণ প্রায় অভূতপূর্ব, কিন্তু সারদারও নাকি মনে স্নেহের লেশ নেই—তাই আর বেশী কথা বাড়ায় নি। একসময় ছেলের সঙ্গে ঘুমিয়েও পড়েছিল।

কিন্তু সত্যর চোখে ঘুম আসতে চায় না।

ভয়ের সেই অল্পভূতিটা ছাড়তে চায় না তাকে।

থেকে থেকে বুকটা কেমন ঠাণ্ডা আর ফাঁকা ফাঁকা লাগে। অজানা ওই শব্দগুলো না হয় চুলোয় যাক, কিন্তু আর একটা নতুন ভয় যে মনের মধ্যে বাসা বীধল এসে।

সত্যিই যদি কাটোয়ার বৌ ..

গলায় দড়ি দেওয়ার পদ্ধতিটা কি, আর তার পরিণামই বা কি ঠিক জানে না সত্য কিন্তু অপরটার আশঙ্কায় বারবার গায়ে কাঁটা দিচ্ছিল তার। যদি তাই হয়?

যদি কাল ‘যজ্ঞ’র প্রয়োজনে পুকুরে জাল ফেলতে গিয়ে জেলেরা মাছের সঙ্গে আরও একটা জিনিস হেঁকে তোলে!

ভারী ঝুঁপ পড়েছে ভেবে আফ্লাদে হেঁই হেঁই করে জাল টেনে তুলে যদি দেখে মাছ নয়—

বুকের মধ্যে ঢেঁকির পাড় পড়ার মত শব্দ হতে থাকে সত্যর।

কজনকে পাহারা দেবে সে?

সারদার ব্যাপারেই তো ভয়ে আর আশঙ্কায় হুকুমে তটস্থ হয়ে আছে, তার

ওপর আবার কাটোয়ার বোঁ চাপল মনের মধ্যে। কাকে রেখে কাকে দেখবে সত্য ?

গালাগালির সময় মুখটা কি রকম দেখাচ্ছিল কাটোয়ার বোঁয়ের ?

সত্য কি তাকায় নি ?

বোধ হয় তাকিয়েছিল, কিন্তু দালানের এক কোণায় মিটমিট করে একটা প্রদীপ জ্বলছিল, তার থেকে দাওয়ায় আর কত আলো এসে পড়বে ?

তাও আবার চাঁদের এখন আঁধারে-কাল চলছে। ‘শুক্ল’ চললে তবু উঠোনে বাগানে হেঁটে চলে সুখ, মনিস্থিকে দেখাও যায়। ‘আঁধারে’ তো সন্ধ্যা হলেই হয়ে গেল !

মানুষের সঙ্গে কথা কওয়া ওই মুখ-চোখ না দেখেই !

না, শঙ্করীর মুখ দেখতে পায় নি সত্য।

তাই বুঝতে পারছে না, ওই অদ্ভুত অদ্ভুত শব্দগুলোর মানে শঙ্করী ধরতে পেরেছে কিনা।

আচ্ছা সারদাকে একবার চুপি চুপি জিজ্ঞেস করবে সত্য ? যতই হোক সারদা সত্যর দুগুণ বয়সী, ছেলের মা, কতদিন আগে বিয়ে হয়েছে সারদার, হয়তো ওই বিদঘুটে কথাগুলোর মানে জানা থাকলেও থাকতে পারে।

কিন্তু বার বার বলি-বলি করেও বলতে পারল না শেষ অবধি। মুখের দরজায় কে যেন তালাচাবি দিয়ে দিয়েছে।

মানে বুঝতে না পারলেও কথাগুলো যে খারাপ কথা, সেটা বুঝতে পেরেছে সত্য।

কাটোয়ার বোঁয়ের সঙ্গে খুব যে একটা যোগাযোগ ছিল সত্যর, তা নয়। একে তো মাত্র বছরখানেক হল এসেছে সে, নব আগন্তুক হয়ে, তাছাড়া সে তো নিরীমিশ দিকের। একসঙ্গে খাওয়া দাওয়া নেই। তবে নাকি নেহাৎ দেখা-সাক্ষাৎ সূত্রে কথাবার্তা। তাও বিশেষ মিশুকো নয় শঙ্করী। সর্বদাই যেন আনমনা, কাজেই—

সত্য আজও যখন সন্ধ্যা গড়িয়ে যাওয়ার অপরাধে চুপি চুপি অবহিত করতে এসেছিল শঙ্করীকে, তখন নেহাৎ একটা জীবের প্রতি যতটুকু মমতা থাকা উচিত তার বেশী ছিল না। ~~শঙ্করী~~ এখন যেন মায়ার মন ভরে যাচ্ছে

সত্যর। মনে হচ্ছে কত না জানি কান্দছে বেচারী। জগতে এমন কেউ নেই
ওর যে সে কান্নার একটু সান্ধনা দেয়।

বিধবা হওয়ার কী কষ্ট!

জ্ঞাতরও তো বিয়ে হয়েছে। একটা বরের সঙ্গেই নাকি হয়েছে। সেই
বরটা যদি হঠাৎ মরে যায়, সত্যও তো তাহলে বিধবা হবে?

তা যদি হয়, সত্যকেও সবাই অমনি করে খোঁসার করবে?

কিন্তু তাই বা কি করে বলা যায়?

পিস-ঠাকুমাও তো বিধবা!

বিধবা আরো কতজনেই, তাদের ভয়েই তো সবাই ওতস্ব হয়ে থাকে।

ওদের দেখে মনে হয় ওরাই যেন পৃথিবীর দণ্ডমুণ্ডের কর্তা।

তবে? ওরা বড় বলে? কিন্তু তাই কি? এরা বড় হলে ওরকম হতে
পারে?

না, এসব ঠিক বুঝতে পারে না সত্য।

শুধু যে বয়েস দিচ্ছেই সব বিচার হয় তা তো নয়। এই যে তার বাবাকে
দেশসুদ্ধ লোকে ভয় করে, জেঠামশাইকে কি কেউ তা করে? উণ্টে জেঠা-
মশাই পর্যন্ত তো বাবার ভয়ে কাঁটা। শুধু কি জেঠামশাই? মেজঠাকুদা?
নঠাকুদা? কে নয়? ওরা তো আর মেয়েমানুষ নয়?

বয়েসটা কিছু নয়। ছোট বড় বলেও কিছু নয়।

তাহলে ভয়ের বাসাটা কোথায়?

ভাবতে ভাবতে খই পায় না সত্য। তবু ভাবে। কে যে ওকে ভয়ের
বাসা খোঁজার চাকরি দিয়েছে কে জানে!

অনেক রাতে ভুবনেশ্বরী আসে ডাকতে।

“এই সত্য, না খেয়ে ঘুমিয়েছিস যে, ওঠ!”

সত্য পাশ কঁপে ঘুমের ভান করে জানায় তার খিদের অভাব।

ভুবনেশ্বরী বকে ওঠে, “খিদে নেই কেন? ওঠ, যা, রাত-উপুসী থাকতে
নেই। কথায় বলে রাত-উপুসে হাতী কাবু। বড় বোমা, তুমিও ওঠো দিকিনু
বাহা। সারাদিন উপুসে আছ, আর অমন করে পড়ে থেকো না। স্বামী-
পুস্তুরের অকল্যাণ হয় ওতে।”

ভুবনেশ্বরীর গলা পেয়েই খড়মড়িয়ে উঠে বসেছিল সারদা। পৃথিবী
থেকে বিদায় নেবার তীব্র ইচ্ছে ধরাশয়ন হয়ে পড়ে থাকলেও, খুঁড়াগুড়ীকে

দেখে সমীহ করবে না, এমন কথা ভাবা যায় না। তাই ধড়মড়িয়ে উঠেছিল। স্বামী-পুত্রের অকল্যাণ শুনে এবার মনে মনে ধড়ফড়িয়ে উঠল।

ভুবনেশ্বরী ফের বলে, “আমি তোমার ছেলে দেখছি, যাও ওঠো। সত্যকে ডেকে নিয়ে খেতে যাও গে। তোমার শাণ্ডড়ী হৈসেল আগলে বসে আছে। এ-বেলায় জাল ফেলিয়ে মস্ত একটা মাছ ধরানো হয়েছিল, ‘এসো জন বসো জন’ যদি আসে বলে। খামি খামি দাগার মাছ আর আমের বাখড়া দিয়ে এমন খাসা টক রেঁধেছে দাদ, দেখ গে যাও খেয়ে।”

ভুবনেশ্বরী অনেকগুলো কথা বলে গেলেও সত্যর কানে তার শেষ অবধি পৌঁছয় নি। ‘পুকুরে জাল ফেলে বড় মাছ ধরা হয়েছে’ শুনেই তার মনশ্চক্ষে ভেসে উঠেছে জালবদ্ধ আর একটা জীব! যাকে টেনে তুলে ধড়াস করে পুকুর-পাড়ে ফেলা হয়েছে আর যে মুখ চন্দ্র-স্বর্ষাতে দেখতে পাবার কথা নয়, সেই মুখ সহস্র লোকে দেখছে!

কিন্তু সেই মুখের উপর যে চোখ দুটো বসানো আছে, সে কি আর দেখছে? জীবনে কি আর দেখবে কোন কিছু?

উঠে বসে তাড়াতাড়ি বলে, “মা, কাটোয়ার বৌ কোথায়?”

“কোথায় আবার”, বঙ্কার দিয়ে ওঠে ভুবনেশ্বরী, “কাঁথা মূড় দিয়ে শুয়েছে গিয়ে। তাকে তোর দরকার কি? খেতে ব্যাচ্ছিস খেতে যা।”

“খাব না, থিদে নেই!” বলে ফের শুয়ে পড়ে সত্য।

কিন্তু ওঁদিকে ‘দাগা দাগা কই মাছ আর আমের বাখড়ার টক’ অত্র কাজ করেছে! একে ঘোলা বছর বয়সের ছরস্ত স্বাস্থ্য, তার উপর সারাদিন ছেলেটা বৃকের হৃদ টেনে খাচ্ছে।

সতীনকাঁটার যজ্ঞঘাটাও যেন কাবু হয়ে এসেছে।

তবু! একান্ত বাসনা সন্তোষ বাধা আসে মনে।

সারাদিন অভুক্ত পড়ে থেকেও সেই অভুক্ত চেহারাটায় স্বামীর সঙ্গে এক বার দেখা হল না, কে জানে রাতে হতে পারে কিনা! আজ তো নতুন বৌয়ের ‘কালরাত্রি,’ কাজেই আজ পুরনো বৌ প্রাধান্ত পেলেও পেতে পারে। দিবি্য করে মাছের ঝাল দিয়ে একপাথর ভাত সেঁটে এসে অভিমান জানাবে কোন্ মুখে? সারদা তাই চিঁচিঁ করে বলে, “সবে পেটের ব্যথাটা একটু নরম পড়েছে—।”

“তা হোক। ও খেলেই নরমে যাবে,” নরম গলায় বলে ভুবনেশ্বরী, “তুমি ডেকেডেকে নিয়ে গেলে তবে যদি সত্য হুটো খায়।”

নিজের শাশুড়ীর সঙ্গে কথা চলে না। ঘোমটা দিতে হয় একগলা। কথা যা, তা এই খুড়শাশুড়ীর সঙ্গেই। তা খুড়শাশুড়ীর কণ্ঠের নরম সুরটুকুই চোখে জল এনে দিল সারদার। অগত্যা এই আর রাসুর সামনে অভুক্ত মুখ দেখাবার ইচ্ছেটাকে টেনে রেখে দেওয়া গেল না, সারদা সত্যকে নাড়া দিয়ে বলল, “চল ঠাকুরঝি, যা পারবে খেয়ে নেবে।”

সত্য উঠে বসল।

হাই তুলে বিরক্ত হয়ে উঠে বলল, “বাবাঃ, হু দণ্ড যদি একটু নিরিবিলিতে পড়ে থাকার জো আছে! নাও চল।”

সারদা চলে যেতেই ভুবনেশ্বরী একটা অসমসাহসিক কাজ করে বসল।

ঘুমন্ত ছেলেটাকে কাঁধা মূড়ে কোলে চেপে নিয়ে ঘর থেকে বেরিয়ে চুপি চুপি রাখুর মাকে গিয়ে বলল, “রাখুর মা, বড় ছেলেকে একবার ডেকে দে তো। বলবি জরুরী দরকার।”

বড় ছেলে অর্থে রাসু।

রাসুর মা এদিক ওদিক তাকিয়ে ফিসফিস করে বলে, “দেখে এলাম চণ্ডীমণ্ডপে গুরেছি।”

‘তা হোক, তুই আমার নাম করে ডেকে নিয়ে আয়।’

ঘরের দরজার কাছাকাছি গিয়েই মায়ের ডাকে থমকে দাঁড়িয়ে পড়তে হল সত্যবতীকে, আর সারদার বুকটা কী এক আশার আশঙ্কায় চমকে উঠেই শীতকালের পানাপুকুরের জলের মত ঠাণ্ডা নিখর হয়ে গেল।

অভ্যস্ত উচ্চারণে মেয়ের নাম ধরে ডাক দেয় নি ভুবনেশ্বরী, ব্যস্ত অথচ চাপা গলায় বলে উঠেছে “এই, তুই ইদিকে আয়।”

‘তুই’ অর্থেই সত্য!

আর বিশেষ করে সত্যকেই হঠাৎ চাপা গলায় ডাক দিয়ে সরিয়ে নেবার অর্থ কি? অর্থ আছে, এরকম ডাকের একটাই অর্থ হয়। আর সে অর্থ সত্যর কাছে ধরা না পড়লেও সারদার হৃদয়ে যেন ধরা পড়েছে। তাই না

বুকটা হঠাৎ এমন হিম হিম নিখর হয়ে গেল। তাই না আশার আশঙ্কায় চমকে উঠল সে বুক।

সারদা জানে, সারদার মনে আছে।

ছেলেবেলায় সারদা যখন নিঃশব্দচিন্তে তার সঙ্গ-বিবাহিতা কাকীমার কাছে শোবার বায়না নিয়ে তোড়জোড় করত, তখন ঠিক এমনি চাপা গলায় তার মাও ডাক দিতেন, “ইদিকে আয় বলছি।” তবু বায়না করত সারদা। এখন মনে পড়লে কী হাসিই পায়।

সত্যবতী থমকে দাঁড়িয়ে পড়ে বলল, “বড়বোঁ কি একলা শোবে নাকি? তোমাদের আক্কেলটা তো ভাল!”

ভুবনেশ্বরী হাসি চেপে ভৎসনার সুরে বলেন, “খাম্, তোকে আর সকলের আক্কেল খুঁড়ে খুঁড়ে বেড়াতে হবে না। একলা কেন, অত বড় বেটা ঘরে রয়েছে বড় বৌমার, সে কি কম নাকি?”

“জানি না বাবা, তোমাদের একো সময় একো মতি। ওইটুকুনখানি কচি ছেলে, যার গলা টিপলে দুধ বেরোয়, সে আগলাবে মাকে!”

“তুই আসবি?”

“যাচ্ছি বাবা, যাচ্ছি। তর সয় না একটু, সবাই যেন ঘোড়ায় জিন্দিয়ে আছে। নাও চল। একটা মনোকষ্টওলা মানুষ এই আঁধারপুরীতে একলা পড়ে থাকবে, এই যখন তোমাদের বিচের তো তাই হোক। কোন্ মুখেই যে তোমরা ধম্মকথা কও, তাও জানি নে বাবা।”

আটহাত শাড়ীখানার হাততিনেক অংশমাত্র কাজে লাগিয়ে, আর বাকী হাতপাঁচেক বিঁড়ে পাকিয়ে কুক্ষিগত করে নিয়ে মায়ের পিছু পিছু চলল সত্যবতী অনিচ্ছাময়র গতিতে। সত্যিই তার আজ সারদার কাছে শুভে ইচ্ছে ছিল। প্রধানতঃ সারদার প্রতি সহানুভূতি, দ্বিতীয়ত মনে আশা করছিল, যদি শুয়ে শুয়ে গল্প করতে করতে ‘ভয়ঙ্কর’ শব্দগুলোর অর্থ উদ্ধার করে নিতে পারে!

শব্দগুলো যে ভাল নয়, বড়দের কাছে প্রশ্ন করলে যে সত্যি উত্তর পাওয়া যাবে না, ঠেলামারা একটা ভুলভাল উত্তরের সঙ্গে হয়তো বা খানিকটা ধমকই জুটবে—এ বিষয়ে যেন নিশ্চিত হয়ে রয়েছে সত্যবতী।

অথচ ভয়ঙ্কর অদম্য একটা কৌতুহল ভিতর থেকে চাড়া দিচ্ছে। শব্দ-গুলোর অর্থ সংগ্রহ করতে পারলেই যখন অনেক রহস্যের ঘরের চাবি খোলা

যায়। অন্ততঃ শঙ্করী কেন চ'ব্বশ ঘণ্টা 'মরব মরব' করে, আর বাড়ির সকলে কেন তার প্রতি এককড়া সদ্যবহার করে না, এটুকু যেন ওর থেকেই ধরা যাবে।

কিন্তু সকল গুড়ে বালি দিল মা।

তা নতুন কিছুও নয় অবিশিষ্ট। জন্মাবধি তো এই দেখে আসছে সত্যবতী, বড়দের কাজই হচ্ছে ছোটদের সকল ইচ্ছের গুড়ে বালি দেওয়া।

দীনতারিণীর ঘরে বাড়ির সব কটা 'সোমন্ত' মেয়ের শোবার ব্যবস্থা। ঘরটা প্রকাণ্ড বড় বলগেও বটে, তা ছাড়া বড় বড় মেয়েরা এখান ওখান ছড়িয়ে থাকে এটা বিধি নয়। এই 'বয়স্থা' মেয়েদের মধ্যে ন বছরের সত্যবতীই সব চেয়ে বড়, আর তার বিয়েও হয়ে গেছে, তাই সে হচ্ছে দলনেত্রী। পূর্ণা রাক্ষু নেড়ী টেঁপি পুঁটি রাখালী, সকলেই তাকে ওপর-ওলার সম্মানটা দেয়।

আজ ওরা সত্যর জন্তে অনেকক্ষণ অপেক্ষা করে ঘুমিয়ে পড়েছিল, সত্য এসে দেখল ঘুমন্ত পুরী! যে যেমন ইচ্ছে হাত পা ছড়িয়ে শুয়েছে, জায়গা বিশেষ নেই, ওর মধ্যেই ওদের হাত-পা ঠেলে ঠুলে জায়গা করে নিতে হবে।

সত্য বিরক্তভাবে আর একবার বলে উঠল, "একদিন অগ্রভর শুলে যে কী মহাভারত অশুদ্ধ হয়ে যেত মা মঙ্গলচণ্ডীই জানে।...নে সর্দিকি, এই পুঁটি, ঠ্যাঙটা একটু গুটো।"

বলা বাহুল্য পুঁটির স্তম্ভির গভীরতায় এ স্বর পৌছল না, অগত্যা এই সত্যবতী বাক্যবলের সাহায্য ছেড়ে বাব্বলের শরণ নিল। পুঁটির পা আর রাখালীর হাত সরিয়ে নিজের মতন একটু জায়গা করে শুয়ে পড়ল বিছানার। দীনতারিণী এখনো আসেন নি, তাঁর শুতে আসতে দেরি হয়। বিধবাদের দিকের রাতের জলপান চালভাজা তিলের নাড়ুকে বুড়ো দীতে জ্বল করতে সময় লাগে।

ঠাকুমার বিছানাটা ঠিক আছে কিনা একবার দেখে নিল সত্যবতী। আছে বটে একফালি ঠাঁই। অবিশিষ্ট বিছানা আর কি, ঘরজোড়া একখানা শতরঞ্জির উপর বড় বড় মোটা মোটা খানকস্নেক কাঁথা পাতা; আর তারই মাথার দিকে দেয়াল-জোড়া টানা লম্বা মাথার বালিশ।

একসঙ্গে যাতে সারি সারি অনেকগুলো মাথা ধরানো যায় তার জন্তেই এই অভিনব মাথার বালিশের আয়োজন। এক-একটা বালিশ বোধ হয় লম্বায় চার হাত, আর ওজনে আধ মণ, বারী শোর ভারী নিজেরা তাকে এক

ইক্ষিও নড়াতে পারে না। নিজের বালিশকে নিজের ঘাড়ের তলায় ইচ্ছেমত ভঙ্গীতে রাখতে পারার সুখ ওরা জানে না।

বালিশগুলো যে শুধু মাপেই বড় বলে ভারী তাও তো নয়, তুলোগুলোও যে পুরনো। জিনিস যত সস্তাই হোক, আর যত বেশীই প্রাচুর্য থাক—অপচয় করার কথা কেউ কল্পনাও করতে পারে না। তাই কর্তাদের বড় বড় তাকিয়া-গুলো ছিঁড়ে গেলে যখন তাঁদের জন্তে নতুন ‘খেরো’ দিয়ে নতুন তুলোর তাকিয়া বানানো হয়, তখন পুরনো তুলো আর ছেঁড়া খেরোগুলো কাজে লাগানো হয় বাড়ির নাবালকদের জন্তে।

সব বাড়িতেই একই ব্যবস্থা। ছেলপুলে কাচা-বাচা ছাড়া সংসারের যত ঠাণ্ডা মালের গতি হবে কাদের উপর দিয়ে? তবু তো কবরেজ বাড়ির অবস্থা উত্তম। বাৎসরিক বৃত্তি দিয়ে সাছো-ধোবা ঠিক করা আছে, নিয়মিত সব কর্মা করে দিয়ে যায় সে। মানে আর কি, কেচে শুকিয়ে পাট করে দিয়ে যায় কি আর? ‘কাচা’র পুকুরে কেচে ভিজ়ে কাপড়-চোপড়ের ‘ডাঁই’ খিড়কির পুকুরের পৈঠেয় নামিয়ে রেখে যায়। তার পর তো আছেন মোক্ষদা। ভাল পুকুরের জল দিয়ে শুদ্ধ করে সেই ভিজ়ের বস্তা রোদে মেলে দেওয়ার দায়িত্ব তাঁর! তার পর আছে বৌ-ঝিরা। শিবজায়ার ছেলের বৌরা, কুঞ্জর বৌ, ভুবনেশ্বরী, পরবর্তী ডিউটি এসে পড়ে এদের ওপর।

নিতি বিছানা কাঁথার ওয়াড় খোলা আর ওয়াড় পরানো কম ঝামেলার ব্যাপার নয়, কিন্তু রামকালীর যে ধোবার উপর এবং সংসার পরিচালিকাদের উপর কড়া হুকুম দেওয়া আছে, অন্তত মাসে দু ফ্রেপ সব সাক করতে।

আজই বোধ হয় সব সত্ত্ব কাচা। কলা-বাসনার ক্ষার আর সাজিমাটির গন্ধ ছাড়ছে। সত্যবতী নাকে কাপড় দিয়ে শুয়েছে, এই গন্ধটা তার ভারী বিশ্রী লাগে। ও শুয়ে শুয়ে ভাবে, এই বিচ্ছিরি গন্ধটা বাদ দিয়ে কাপড় কাচা যায় না? ওটা ভাবতে ভাবতে আরও অস্ত্র ভাবনায় চলে গেল সত্যবতী।...

বড়বৌ তো একা শুলো, মাঝরাত্রে উঠে যদি জলে ডুবতে যায়? বৌটা তো যাবেই, বাবাকে কি জবাব দেবে সত্য? তারপর গিয়ে রাত পোহালেই বাড়ি কুটুমে ছেয়ে যাবে, তার মাঝখানে সেই বড়বৌয়ের ডুবে মরার রাসা! আচ্ছা বিপদ হল বটে।

নাঃ, নিশ্চিন্দ থাকা চলে না, বেশী রাতে বাড়ি নিঃসাড় নিশ্চুপ হয়ে গেলে

উঠে গিয়ে দেখে আসতে হবে বড়বৌকে। সব চেয়ে ভাল হয় ওর ঘরটায় বাইরে থেকে শেকল তুলে দিলে, নইলে কবার আর দেখতে যাওয়া যাবে? কোন ফাঁকে যদি উঠে গিয়ে সর্বনাশ ঘটিয়ে বসে থাকে বড়বৌ?

দরজার মাথায় শেকল, সত্যবতীর হাত পৌঁছয় না, কিসের ওপর উঠে শেকলে হাত পাওয়া যায় তাই ভাবতে থাকে সে।

টিপ্ টিপ করা বুকটা নিয়ে সারদা ঘরে ঢোকে। সারদার আহাৰকালীন অবকাশে ছেলে কেঁদে ভুবনেশ্বরীকে জ্বালাতন করেছিল কিনা জিজ্ঞেস করতেও পারে না। ভুবনেশ্বরীই নিজে থেকে বলে, “নিঃসাড়ে গিয়ে শুয়ে পড় তো বড়বৌমা, ছেলে সব ঘুমিয়েছে, জেগে না যায়। শেওরে কাজললতা দিয়ে শুইয়ে রেখে এসেছি।”

রাস্তাকে ডাকিয়ে এনে ঘরে পুরে দেওয়া পর্যন্ত স্বস্তি ছিল না ভুবনেশ্বরীর। কি জানি যদি অন্ধকারে ঠাহর করতে না পেরে ‘কে কে’ করে চৈচিয়ে ওঠে সারদা।

এদিকে আবার রাস্তাকে বলতে পারে না যে “ঘরের পিদিম নিভিও না”, কারণ ছেলেকে শোবার ঘরে পুরে দিয়ে আর তার সঙ্গে কথা কইতে মায়েরই লজ্জা লাগে। এ তো ভাসুরপো! আর সারদাকে বাম্পষ্টাম্পটি বলা যায় কি করে, “ওগো তোমার জন্তে ঘরের মধ্যে মানিক আনিয়ে রেখেছি!” বলা যায় না বলেই কচি ছেলের ছুতো।

তা ছাড়া আর একটু কারণও কি ছিল না? একটু কৌতূকের সাধ? হলেও শাশুড়ী সম্পর্ক, তবু তো মেয়েমানুষ! আর বাবা রামকালীর ঘরনা হলেও ভুবনেশ্বরী যেন এখনও ভিতরে ভিতরে কোথায় একটু কাঁচা একটু সবুজ রয়ে গেছে।

‘মানিকে’র উপমাটা ভুবনেশ্বরীরই মনে এসেছে। নিত্যকার মানুষটাই যে আজ সারদার কাছে পরম মূল্যবান হয়ে উঠেছে, একথা বোঝবার ক্ষমতা ভুবনেশ্বরীর আছে। দেখা যাক বড়বৌমা কতটুকু করায়ত্ত রাখতে পারে স্বামীকে। অবিশ্তি ভরসা কিছু নেই, বেটাছেলের মন, নতুন বোঁ ডাগরটি হয়ে উঠতে উঠতে সারদাও কোন না ততদিনে তিন ছেলের মা হয়ে বসবে! তখন কি আর রাস্তা নতুন ফুলের মধু ফেলে

ভাবতে গিয়ে চমকে গেল ভুবনেশ্বরী। মনে মনে নাক-কান মললো। রাসু না তার পুত্রস্থানীয়! তার সম্পর্কে এসব কথা কি বলে ভাবছে সে! সম্পর্কের মান-মর্যাদা আর থাকছে কি করে তা হলে!

ওদের সম্পর্কে সব ভাবনা জোর করে মুছে নিয়ে রাস্তাঘরের দিকে চলে গেল ভুবনেশ্বরী। এবার তাদের দলের খাবার পালা। তবে আজ আর খাবার পরে ঘুম নয়, রাত জেগে কালকের যজ্ঞের কুটনোবাটনা করতে হবে। বড়লোকের বাড়ির বৌ বলে তো আর আয়েস করবার হুকুম নেই! বৌ হচ্ছে বৌ। বরং রাসুর মা ছুঁ দণ্ড পা ছড়িয়ে বসলে কি কাজে গাকিলি করলে কেউ কিছু বলবে না, কিন্তু বৌদের সে রকম আচরণ অমার্জনীয়!

তা খাটুনিতেও দুঃখ ছিল না, যদি শুধু নিজেরা জা-ননদের দল থাকতে পায় সে দলে। হাতের সঙ্গে গল্পগাছাও চলে তা হলে। কিন্তু তা তো হবার জো নেই, একজন গিন্নি পাহারাদার থাকেনই।

বৌরা ‘ঘরভাঙানি’ মন্তব্য করছে কিনা সেটা তো দেখতে হবে তাঁদের! ওই গুরু কর্তব্যের দায়ের বেচারী শিবজায়াকে যে মরতে মরতে রাত জেগে ছেলে-বোয়ের ঘরের পিছনের ঘুলঘুলির নিচে কান পেতে বসে থাকতে হয়।

সারদার ঘরে অবশ্য ঘুলঘুলি নেই। ভাল জানলা আছে। বাড়ির মধ্যে সব সেরা ঘরটাই সারদার। বর্ধমান থেকে মিস্ত্রী আনিয়ে রামকালী যখন অনেক খরচা করে দক্ষিণের উঠোনে এই ঘরদালান বানিয়েছিলেন, তখন সকলেই ভেবেছিল এটা রামকালীর নিজের জগ্নেই। মিস্ত্রীর কাজ শেষ হয়ে গেলে দীনতারিণীও তাই বলেছিলেন, “একটা শুভদিন ঝাখ তা হলে রামকালী, নতুন ঘরে ওঠবার।”

রামকালী হেসে উঠে বলেছিলেন, “তোমার যে দেখছি গাছে না উঠতেই এক কাঁদি গো মা! ঘরে যে উঠবে, সে আসুক আগে।”

দীনতারিণী অবাক হয়ে বলেছিলেন, “কে আসবে? কার কথা বলছিস?”

“ঘরের লক্ষ্মীর কথাই বলছি মা”, রামকালী বোধ করি মায়ের হৃদয়ত ধারণা অল্পমান করেছিলেন, তাই একেবারে মায়ের ধারণা-বৃক্ষের মূলে কুঠারাঘাত করে পরম শাস্তভাবে কথা শেষ করেছিলেন, “কেন, তুমি কি শোন নি রাসুর বিয়ের কথা চলছে।”

রাসুর! রাসুর বৌ এসে ওই ঘরের দখলীদার হবে!

দীনতারিণীর সতীনপোর ছেলের বোঁ! দীনতারিণী আর আত্মসংবরণ করতে পারেন নি, বিরক্তভাবে বলে উঠেছিলেন, “অজ্ঞানের মত কথা বলো না রামকালী। ওই সেরা ঘরখানা তুমি রাস্তাকে দেবে!”

রামকালী আর হাসেন নি, গম্ভীর কণ্ঠে বলেছিলেন, “দেওয়া-দিইর কথা কিছু নেই মা, যার যা ঠাণ্ডা প্রাপ্য সে তা পাবে।”

দীনতারিণী তথাপি, ছেলের ক্রোধাশঙ্কা তুচ্ছ করেও, মনের উদ্ভ্রা প্রকাশ না করে পারেন নি, বলে ফেলেছিলেন, “তুমি মাথার ঘাম পায়ে ফেলে উপায় করছ, ‘হীরে হেন জিরে’ এনে নবাবী পছন্দের ঘর গড়লে, সে দ্রব্যি কুঞ্জর বেটা-বোঁয়ের প্রাপ্য হল কোন সুবাদে রামকালী।”

না, রামকালী প্রত্যক্ষে তিরস্কার করেন নি মাকে, বরং আরও শাস্তকণ্ঠে বলেছিলেন, “যে সুবাদে মানুষ বনের জন্তু-জানোয়ারদের মতন উদ্যম হয়ে না বেড়িয়ে কোমরে কাঁপড় দিচ্ছে মা! যাক্ গে, ওকথা থাক্, ‘জোষ্ঠর শ্রেষ্ঠ ভাগ’ এ বিধিটা তো তোমার অজানা নয় মা! রাস্তা এ বাড়ির জোষ্ঠ ছেলে।”

দীনতারিণীর, চোখে জল এসে গিয়েছিল, চুপে অপমান-বোধে, তাই শেষ-বেশ তর্কে বলে বসেছিলেন, “মেজ বোঁয়ার প্রাণটার দিকেও তো তাকাতে হয়! যতই হোক সে এখনও কাঁচা ছেলে, এই ঘর অরস্তু হয়ে ইস্তক তার একটা আশা ছিল তো!”

রামকালী এবার আর একটু হেসেছিলেন, “তোমার মেজ বোঁয়ার যদি এমন ইলুতে আশা হয়েই থেকে থাকে তো সে আশায় ছাই পড়াই উচিত মা।”

“ছাই পড়াই উচিত?”

আঁচল দিয়ে চোখ মুছেছিলেন দীনতারিণী। মেজ বোঁয়ার আশাভঙ্গের কল্লনায় যত না হোক, নিজেরই আশাভঙ্গে। কুঞ্জ যে জন্মভোর গায়ে হাওয়া দিয়ে বেড়িয়ে, সংসারের সব কিছুর সেরাভাগটা ভোগ করে, এটা কি চিরকাল সহ হয়? দীনতারিণীর আশা ছিল, এই ঘরপানার ব্যাপারে অন্ততঃ কুঞ্জ কুঞ্জর বোঁয়ের মুখটা ছোট হবে। সেই আশায় ছাই পড়ল। তাই কেঁদে কেলে বললেন, “ছাই পড়াই উচিত?”

“উচিত বৈকি! ভবিষ্যতে তা হলে আর কখনও এমন বেয়াদু আশা জন্মাতে পাবে না!”

এর পর দীনতারিণী নীরবে ডাকিয়ে ডাকিয়ে দেখেছিলেন চন্দননগর থেকে ছুতোর এসে ঢুকল সেই ঘরে। হ্যাঁ, জোড়াপালঙ্ক বানাতে হলে ঘরের মধ্যে বসেই বানাতে হয়, বাইরে থেকে গড়ে এনে লাগিয়ে দেওয়ার রীতি তখনও হয় নি।

বহুবিধ কারুকার্য-করা পালঙ্ক।

ওর জন্তে চন্দননগরের ছুতোরদের ভাত যোগাতে হয়েছিল মাস দেড়েক ধরে। খেয়ে, মজুরি নিয়ে আর নতুন কাপড়ের জোড়া বখশিশ আদায় করে ছুতোররা চলে গেল, তার পরই বিয়ে হল রাসুর। নতুন পালঙ্কে ফুলশয্যে হল!

সেই পালঙ্ক ছেড়ে সারাদিন আজ মাটিতে পড়ে ছিল সারদা। এখনও খুঁড়শাখুড়ীর নির্দেশমত নিঃসাড়ে ঘরে ঢুকে হড়কোটা লাগিয়েই ছেলের তল্লাস মাত্র না করে বুপ করে শুয়ে পড়ল মাটিতেই।

ঘরে ঢুকে না ডাকিয়েও টের পেয়েছিল সারদা তার আশার আশঙ্কাটা মিথ্যে নয়। আত্মাণে, অল্পমানে, হৃৎস্পন্দনে বুঝিয়ে দিয়েছিল সারদাকে—ঘরে তোমার সাতরাজার ধন মানিক।

এ ঘেন আবার নতুন বিয়ের নতুন বর। দ্বিরাগমনে এসে প্রথম রাত্তিরে যখন পাঁচটা সময়সী মিলে সারদাকে ঘরে ঢুকিয়ে দিয়ে বাইরে থেকে দরজায় শিকল লাগিয়ে পালিয়েছিল, তখন এমনি বুকটা ধড়াস ধড়াস করেছিল সারদার। তবু তো তখন মাত্র বারো বছর বয়েস! আর এখন বোলো। ষোড়শীর হৃদয় তো আলোড়নে আরোই উত্তাল হবে।

ঘরে যে অপরাধী আসামী অবস্থান করছিল তার অবস্থাও অবশ্য সারদার চাইতে কিছু উন্নত নয়। তার বকের মধ্যেও হাতুড়ি পিটছে। জীবনে আর কখনও সারদার মুখোমুখি দাঁড়াতে পারে, এ আশা বুঝি ছিল না রাসুর। সারাদিন শুধু ভেবেছে জীবনের সমস্ত আনন্দ-আহ্লাদের সমাধি হয়ে গেল তার।

মেজ খুড়ী কেন অন্দরে ডাকিয়ে পাঠিয়েছিল, তাও ঠিক বুঝতে পারে নি। ভেবেছিল আবার কোন নিয়ম লঙ্ঘনের পাকচক্রে পড়তে হবে এসে, কিন্তু এসে যা শুনল অভিনব।

সারদা নাকি রান্নাঘরে কাজে ব্যস্ত, আর ভুবনেশ্বরীরও কাজের ডাড়া,

ভাঁড়ারের দিকে না গেলেই নয়, তাই ‘ঘুমন্ত’ খোকাকে একটু আগলাতে হবে রাসুকে।

কিছুই নয়, শুধু ঘরে একটু থাকা।

বোকা রাসু তখনও কিছু সন্দেহ করে নি। শুধু একটু তাজ্জব বনে গিয়েছিল প্রস্তাবে। দেশসুদ্ধ লোক থাকতে কিনা ছেলে আগলাবার জন্তে রাসুকে ডাকিয়ে আনা হল বার-বাড়ি থেকে? আশ্চর্য নয় তো কি? যে রাখুর মা ডাকতে গিয়েছিল সেই তো পারত কাজটা! করেই তো বরাবর তাই। তবু কিছু বলতেও পারে নি। না প্রতিবাদ, না প্রশ্ন। নতুন বোয়ের ব্যাপারে যতটা লজ্জা, ঠিক ততটাই লজ্জা তো নতুন ছেলের বিষয়েও।

সুড় সুড় করে তাই ঘরে ঢুকেছিল রাসু। আর ঢোকান সঙ্গে সঙ্গেই বুকের মধ্যে সন্দেহের হাতুড়ি পড়েছিল।

মেজখুড়ীর এই ডাকিয়ে আনাটা ছিল নয় তো? মেজখুড়ীকে তো এমনিতেই খুব ভালবাসে রাসু, এবার যেন ইচ্ছে হল পূজো করে তাঁকে। ফস করে প্রদীপটা নিভিয়ে দিয়ে কাঠ হয়ে বসে ভাবতে লাগল।

সাত পাঁচ ভাবতে ভাবতে খেয়াল করল ঘরে খিল পড়েছে, আর পরমুহূর্ত থেকেই অসুভব করল, বাতাসহীন ঘরের চাপা গুমোটটা যেন একটা চাপা কান্নার ধাক্কায় কঁপে কঁপে উঠছে।

টপটপ করে দু ফোঁটা জল পড়ল রাসুর চোখ থেকে। পুরুষ মানুষ? তা হোক, মানুষ তো বটে!

ধড়মড় করে উঠে বসল সারদা। একটা বলিষ্ঠ আবেষ্টন থেকে নিজেকে ছাড়িয়ে নেবার চেষ্টা করতে করতে, রুদ্ধকণ্ঠে বলল, “আর কেন? আর কেন?”

আর কিছু বলতে পারল না। চোখ দুটো বিশ্বাসঘাতকতা করে বসেছে। সারাদিন ধরে প্রতিজ্ঞা করেছিল যদি কখনও সেই নিষ্ঠুরটার সঙ্গে দেখা হয়, কান্দবে না মুখ মলিন করবে না। পরশু পরের যত উদাসীন থাকবে। কিন্তু পরিস্থিতিটা সমস্তই গোলামাল করে দিল।

তাই কি দু-চার ফোঁটা?

একেবারে ধারার আবণ!

একে কি করে রোধ করবে সারদা ? কোন বীধ দিয়ে ঠেকাবে ?

“বড়বৌ !”

এতটুকু শব্দের মধ্যে কত মিনতি কত আবেদন !

কিন্তু এই করুণ মিনতি ভরা ডাকেই বা সাড়া দিচ্ছে কে ?

“বড়বৌ, আমার কি দোষ ? আমার ওপর বিরূপ হচ্ছে কেন ? বুঝতে পারছ না আমার প্রাণটাও গুঁড়ো গুঁড়ো হয়ে যাচ্ছে !”

ধারা প্রাণে বজ্রা এল ।

“থাক থাক, আর মন-মজানে মিছে কথায় কাজ নেই। পুরুষের প্রাণে আবার দরদ !

“বড়বৌ, এই আমার মাথা খাও, বিশ্বাস কর তোমার মতনই জলে পুড়ে থাক হচ্ছি আমি। তুমি যে আমাকে বিশ্বাসঘাতক ভাবছ, এ কষ্ট আমি রাখব কোথায় ?”

“রাখবার দরকার কি ? সারদা কান্না সামলে কঠোর হবার চেষ্টা করে, “কাল তোমার নতুন ফুলশয্যে, নতুন সুখ, আজ আবার এত দুঃখ-কষ্টের পালা গাইবার কি আছে ?”

“বড়বৌ বল কি করলে তুমি আমার বিশ্বাস করবে ?”

বলিষ্ঠ আবেষ্টনের চাপটা যেন পিষে ফেলতে চাইছে সারদাকে, কি করে আর কঠিন থাকবে সারদা ? তবু শেষ চেষ্টা করে, “আমার বিশ্বাস অবিশ্বাসে কি এসে যাচ্ছে তোমার ? ছেলের মা বুড়ীকে ছেড়ে এখন কচি তালপাঁস—”

“বড়বৌ, তুমি এমন ব্যাভার করলে, আমার আপ্তবাতী হওয়া ছাড়া আর উপায় থাকবে না তা বলে দিচ্ছি—” রাসুও কঠিন হতে জানে, তাই বীধন আলগা দিয়ে বলে, “এই চললাম মেজকাঁকার ওষুধের ঘরে। তাজা গোখরো সাপের বিষ সঞ্চয় আছে। কোথায় আছে তাও আমার জানা। এর পর কিন্তু বিধবা হলে দোষ দিও না আমার !”

বিধবা !

বুকটা থর থর করে ওঠে সারদার। বরং একশটা সতীন নিয়ে ঘর করবে সারদা। বিধবা হওয়ার মস্ত অভিশাপ আর কি আছে ? কিন্তু ঠিক এই মুহূর্তে বলাই বা যায় কি ?

“তা হলে চললাম ! এই জন্মের শোধ দেখা।” বলে রাসু দরজার কাছে

এগোয়, আশা এই যে এবার সারদা মাথা খাওয়ার অহুরোধ জানাবে, কিন্তু সারদা যেন অনড়।

“ভেবেছিলাম ওকে চিরদিনের মতন ত্যাগ দিয়েই রাখব, তুমি আমার যে প্রাণেশ্বরী সেই প্রাণেশ্বরীই থাকবে—” স্বগত উচ্চারণে আক্ষেপ প্রকাশ করে দরজার হড়কোয় হাত লাগায় রাসু, “কিন্তু তুমি পতিহস্ত্রী হয়ে নিজের পায়ে কুড়ুল মারলে বড়বো!”

হড়কোটা খুলে পাশে রাখল রাসু।

এবার সারদা কথা বলল, কিন্তু এ কী কথা! এই কি প্রেমে পাগলিনী অবলা বালায় ভাষা?

রুদ্ধকণ্ঠে সারদা বলে উঠেছে, “ঘরের পরিবারের সঙ্গে যাত্রা-গানের মতন কান্নার সুরে কথা কইছ কেন? হড়কো খুলে বেরিয়ে গেলেই বুঝি খুব পৌরুষ হবে? তোমার গোথরো বিষ আছে, আর আমার দড়ি-কলসী নেই?”

“তোমার প্রাণটা পাথরে গড়া বড়বো! মেজকাঁকা যখন আমার গলায় গামছা মোড়া দিয়ে টানতে টানতে নিয়ে গেল, তখন তাঁর সামনে গিয়ে বলতে পারলে না, ‘আমারও দড়ি কলসী আছে!’ ঠিক আছে, সবাইকে এবার দেখিয়ে দিচ্ছি—ভালমানুষ রাসু কি করতে পারে।”

এই প্রকাণ্ড বীররসের ভূমিকাটি অভিনয় করে কপাটটা ধরে হ্যাঁচকা টান মারল রাসু, কিন্তু টানার সঙ্গে সঙ্গেই পরিস্থিতিটা বুঝতে দেরি হল না, দরজার বাইরে শেকল। এ কাজ কে করল?

মেজখুড়ী?

কিন্তু তাঁর পক্ষে কি এ ধরনের চপল রসিকতা সম্ভব? অথচ তা ছাড়া আর কে? রাসু যে বাড়ির মধ্যে এসেছে, তাই তো কেউ দেখে নি। মেজখুড়ীই তো আজকের নাটকের নাট্যকার।

“বাইরে থেকে বন্ধ!”

একটা বিপন্ন স্বর আন্তে ঘরে ছড়িয়ে পড়ল।

“বন্ধ!”

সারদারও এতক্ষণকার নীরবতা ভঙ্গ হল, বিস্ময়ে ভয়ে।

“তাই তো দেখছি—” রাসুর কণ্ঠে ব্যাকুলতা, “এখন উপায়? যদি সকাল পর্যন্ত বন্ধ থাকে? বড় বো কি হবে?”

সহসা অদ্ভুত একটা কাণ্ড ঘটে।

একেবারে অভাবিত অপ্রত্যাশিত! হয়তো বা সারদা নিজেও এক মুহূর্ত আগে এটা কল্পনা করতে পারত না! ভাবতে পারত না তার কান্নায় বুজে আসা কণ্ঠ সহসা অমন কোতূকের লীলায় হেসে উঠবে। সে হাসির শব্দ চাপা বটে তবু রহস্যে উচ্ছ্বসিত।

তা এই ধরনেরই স্বভাব বটে সারদার, নিতান্ত দুঃখের সময়ও হাসির কথা হলে হেসে ফেলা। কিন্তু আজকের কথা যে আলাদা। আজ সারদার মরণ-বাঁচনের সমস্যা। আজ কান্নায় গলা বুজে রয়েছিল সারদার। তবু রাস্তুর এই বিপন্ন বিপর্ষন্ত কণ্ঠ তাকে কী যে কোতূকের যোগান দিল, উচ্ছ্বসিত রহস্যে হেসে উঠল সে। হেসে উঠে বলল, “কী আর হবে! দায়ে পড়ে মশাইকে এখন পরনারীর সঙ্গে রাত কাটাতে হবে।”

রাস্তা চমকে গেছে, থমকে পড়েছে। তবে কি এতক্ষণ চলনা করছিল সারদা? সতীন হওয়ায় তেমন কিছু লাগে নি তার? এ হাসি এ কথা তো রীতিমত প্রশ্রয়ের।

অতএব দরজা নিয়ে মাথা পরে ঘামালেও চলবে, এখন এদিকের ঘাঁটি সামলে নেওয়া যাক।

খোলা হড়কো আবার দরজায় উঠল।

অনাদৃত পালঙ্কের বিছানা আবার স্পর্শের উষ্ণতা পেল।

না, একেবারে সহজে ধরা দেবে না সারদা। সে সত্যবদ্ধ করিয়ে নেবে স্বামীকে।

“থাক, আমাকে স্পৃশ্য করতে হবে না, আগে মা সিংহবাহিনীর নামে দিব্যি কর, আমি বেঁচে থাকতে ছুটকিকে ছোঁবে না।”

রাস্তুর বুকটা কেঁপে ওঠে।

শপথটা যে মারাত্মক। ভয়ে ভয়ে বলে, “সিংহবাহিনীর নামে দিব্যি করা কি ভাল বড়বো?”

“মনে পাপ থাকলে ভাল নয়। একমন একপ্রাণ থাকলে ভয়ের কি আছে?”

“তবু, ঠাকুর-দেবতা বলে কথা।”

“বেশ তো, আমি তো ভোমায় সাধি নি। নাই বা আর স্পৃশ্য করলে আমায়!”

হায় মা সিংহবাহিনী, এমন ঘোরতর বিপদে তোমার গ্রামের আর কেউ কখনও পড়েছে ?

একদিকে—একখানি অপরাধ-বোধের ভারে পীড়িত আর নতুন আশায় উদ্বেল ব্যাকুল হৃদয় আর অপরদিকে এক অনমনীয় পাষাণী।

তবে কি হাসিটাই ছিল ?

তাই সম্ভব, নইলে দিব্যি গুছিয়ে ছেলের কাছ ঘেঁষে শোবার আয়োজন করছে কেন সারদা ?

“বড়বোঁ !”

“আঃ, কেন জ্বালাতন করছ ?” সারদার বুকে পরম ভরসা দরজার বাইরে শেকল লাগানো, রাগ করে ছিটকে বেরিয়ে যাবার উপায় নেই রান্নুর।

আঃ, কে সেই দেবী, যে রান্নুকে এমন করে বন্দী করে ধরে দিয়েছে সারদার কাছে ? স্বয়ং মা সিংহবাহিনীই নয় তো ?

“তা হলে তোমার দয়া হবে না ?”

“সোয়ামী, গুরুজন, তুমি আবার দয়ার কথা তুলছ কেন গো ? পরিবারই হল গিয়ে কেনা দাসী।”

“আচ্ছা বেশ, করছি দিব্যি। হল তো ?”

“কই করলে ?”

“মনে মনে করেছি।”

“মনে মনে ? হুঁ ! মনের কথা বনে যায়। মুখে বল।”

“বেশ বেশ, এই বলছি, তুমি ছাড়া আর কাউকে ছোঁব না সিংহবাহিনী সাক্ষী।”

“আমি ছাড়া নয়, আমি বেঁচে থাকতে—”

এটুকু অগ্রহ করে সারদা।

“ওই হল। কে আগে যায় কে পরে যায় বলা যায় কি ?”

“আমার কুষ্ঠিতে আছে সধবা মরব।” সারদা আত্মপ্রসাদের হাসি হাসে,

“কিন্তু মনে থাকে যেন মা সিংহবাহিনী সাক্ষী।”

“থাকবে থাকবে।”

কিন্তু সত্যিই কি মনে ছিল ?

রান্নু কি শেষ অবধি মা সিংহবাহিনীর মর্ষাদা রাখতে পেরেছিল ?

পুরুষ মানুষ কি ভাই পারে ?

রাস্তার মত মেরুদণ্ডহীন পুরুষ ?

তবু এমনি মিথ্যে শপথের চোরাবালির উপরই তো ঘর বাঁধতে হয় মেয়ে-
মানুষকে ।

তেরো

যজ্ঞের জন্তে ছানাবড়া ভাজা হচ্ছে । ভিয়েনের ‘চালা’য় বড় বড় কাঠের
উল্লুং জেলে কারিগররা লেগে গেছে ভোর থেকে । প্রথমে বৌদে ভেজে
স্তূপাকার করে রেখেছে কাঠের বারকোশে বারকোশে, এখন শুরু হয়েছে
ছানাবড়া ! প্রচুর পরিমাণে না করলেও চলবে না, নিমন্ত্রিতদের পেট
উপচে খাওয়ানোর পর আবার সরাভর্তি ছাঁদা দিতে হবে তো ? তা ছাড়া—
যখন কুলে ওই দু-রকম মিষ্টি ।

তাড়াহড়োর যজ্ঞ, ওর বেশী আর সম্ভব হল না, অথবা সেটাও হয়তো
ঠিক কথা নয়, একটা মোটামুটি কথা মাত্র । রামকালী চাটুযো যদি দরকার
বুঝতেন, তা হলে এই একদিনের মধ্যেই কাটোয়া কি গুপ্তিপাড়া থেকে
ওস্তাদ ময়রা আনিয়ে পাঁচ-সাত রকম মিষ্টি বানিয়ে তোলাও অসম্ভব হত না
তার পক্ষে । কিন্তু দরকার বোধ করেন নি তিনি ।

রাস্তার প্রথম বিয়েতে ঘটা হয়েছিল বিস্তর, গ্রামে এখনও তার গল্প ফুরোয়
নি । মিষ্টির কারিগর এসেছিল নাটোর থেকে, কেপ্টনগর থেকে, মুড়োগাছা
থেকে । কাঁচাগোলা ক্ষীরমোহন মতিচূর সরভাজা ছানার জিলিপি খাজা অমুতি
নিখুঁতি ইত্যাদি করে বারো-তেরো রকম মিষ্টি হয়েছিল । আর মাছের কথা
তো বলেই শেষ হবে না । এক-একজনের পাতে বড় বড় এক-একটা মালসা
ভর্তি মাছের তরকারি বসিয়ে দিয়ে আবার তিন-চারবার করে পরিবেশন । তা
ভিন্ন রান্নার পদ তো বাহান্ন রকম, বাহান্ন ব্যঞ্জন নইলে আবার ঘটা কিসের ?

কুমোর-বাড়ি বরাতে দিয়ে সাইজের হাড়ি গড়িয়ে আনা হয়েছিল ঝোড়া
ঝোড়া, তাতেই গলা উপচে মিষ্টির ছাঁদা । যজ্ঞের জের চলেছিল দিন পনেরো
ধরে ।

সে কথা আলাদা। সে বিষের সঙ্গে এ বিষের তুলনা করার কোনও মানেই হয় না। অল্প বাড়ি হলে যজ্ঞিই করত না, নেহাত রামকালী চাটুয্যের বাড়ি বলেই এত আয়োজন। পরিমাণে প্রচুরই হচ্ছে, তবে ওই, মাত্র দুইকম মিষ্টি, যোলো-কুড়ি মত রান্নার পদ। রান্না এখনও চাপে নি, পাশের চালার তার তোড়জোড় চলছে, হালুইকর ঠাকুররা স্নান করতে গেছে।

এ গ্রামে হালুইকর ঠাকুর এনে রাঁধানোর প্রথা প্রবর্তন করেছেন রামকালীই। মুর্শিদাবাদ অঞ্চলে দেখেছিলেন এ ব্যবস্থা। নইলে এ গ্রামে চিরদিনই কাজেকর্মে গ্রামের ব্রাহ্মণ-কন্টারাই রেঁধে থাকেন। সেটা রীতিমত একটা সম্মান সম্বন্ধের ব্যাপার। ডাকসাইটে রাঁধুণী বলে খ্যাতি আছে যাদের, তাঁদেরই ডাকা হয় অনেক তোমাজ করে। রান্নায় বসবার আগে ‘পূর্ণপাত্র’, নতুন কাপড়ের জোড়া, সখা ব্রাহ্মণী হলে আলতা সিঁদুর এই সব দিয়ে, তবে পাকশালে ঢোকাতে হয় তাঁদের।

তথাপি এই রান্নার পর্ব থেকেই অনেক গদাপর্ব মুঘলপর্ব বেধে যায়। গ্রামের যে এক দল ছুতো খুঁজে বেড়ানো লোক আছে, তারাই ‘যজ্ঞি’ দেখলে দক্ষযজ্ঞের আয়োজন করবার তাগে ঘোরে। মনকষাকষি, কথাস্তর, মান-অভিমান, এসব প্রায় যজ্ঞিরই অঙ্গ। রামকালী ওসব ঝামেলার মধ্যে নেই। পরসাদ দিয়ে লোক আনাবেন, কাজ করাবেন, চুকে গেল। রাঁধুণী বামুনের হাতে খেতে যাদের আপত্তি, তারা যাও বিধবার হেঁসেলে ভর্তি হও গো মাছ জুটবে না।

তা সে দু-চারজন নিতান্ত নিষ্ঠাপরায়ণ গ্রামবুদ্ধ ছাড়া ‘ন হঁ করে’ সকলেই বসে পড়ে রামকালীর বাড়ির ভোজে। ওস্তাদ কারিগরের রান্নার হাত, রামকালীর দরাজ হাত, আর রামকালীর প্রতি সমীহ-বোধ এই ত্রিশক্তির আকর্ষণে সকলেই প্রায় নরম হয়ে আসে। পরসাদ যে এ অঞ্চলে কারুরই নেই তা তো নয়, কিন্তু এমন দরাজ হাত? এত বড় দিলদরিয়া মন?

খাটি গাওয়া ঘিয়ে সত্ত্ব কাটানো টাটকা ছানার মিষ্টান্ন ভেজে তোলার স্নুগন্ধে শুধু আশপাশেরই নয়, সারা গ্রামখানারই বাতাস যেন ‘ম-ম’ করছে। বাড়ি বাড়ি ছোট ছেলেপুলেদের ঘরে আটকে রাখা হুঃসাধ্য হচ্ছে তাদের অভিভাবকদের।

পায়ে ক্রশের বোল দেওয়া খড়ম, গায়ে বেনিয়ান, পরনে নেত্রকোণার

খান। সবদিকে চৌকস হয়ে তদারকি করে বেড়াচ্ছেন রামকালী। শুধু মিষ্টির ভিয়েনে শেকড় গেড়ে বসে থাকবার ভারটা দিয়েছেন বড়দা কুঞ্জকে। ওর থেকে বেশী দায়িত্ব কাজ কুঞ্জকে দেওয়া চলে না।

গয়লারা দইয়ের ‘ভার’ এনে নামিয়েছে, ক’ মণ দইয়ের যোগান দিতে পেরেছে তাঁরা, দাঁড়িয়ে তারই হিসেব নিচ্ছিলেন রামকালী, হঠাৎ নেড়ু এসে কাছে দাঁড়াল। রামকালী গ্রাহ্য করতেন না, কিন্তু নেড়ু একেবারে গায়ের কাছে দাঁড়িয়েছে, ভাবটা যেন কিছু বক্তব্য আছে। গয়লাদের উপর চোখ রেখেই রামকালী ওর মাথাটায় একবার হাত বুলিয়ে দিয়ে বললেন, “কি রে নেড়ু?”

নেড়ু সভয়ে এদিক ওদিক তাকিয়ে আশ্বে বলল, “এক বার অন্তরবাড়িতে যেতে বলছে।”

“অন্তরবাড়িতে যেতে বলছে? কাকে বলছে?”

“তোমাকে।”

রামকালী ভুরু কুঁচকে বলেন, “আমাকে এখন যেতে বলছে? পাগলটা কে হল?” অগ্রাহ্যভরে আবার অদূরবর্তী গোয়ালাদের দিকেই মন দেন, “বলিস কি রে তুষ্টু, ওই পাঁচ মণ বৈ দই দিয়ে উঠতে পারছিস না। তা হলে আমার উপায়? তুই ভরসা দিলি—”

তুষ্টু মাথা চুলকে বলে, “আজ্ঞে ভরসা তো দেছলাম, কিন্তু মা ভগবতীরা যে আমাকে নিভ্ভর্সা করে ছাড়লেন। কাল রোতে তো আর নিদ্বেই দিই নি, চৌদিকে সকল গোহালার ঘরে ঘরে বরাত দিয়ে দিয়ে বেড়িয়েছি, তা সবাইয়ের ঘরের দই যোগসাজস করে এই হল।”

“এই হল তা তো বুঝলাম, কিন্তু আমার কি হবে তাই বল? দাঁড়িয়ে অপমান হতে বলিস আমার?”

“অপমান!” তুষ্টু বীরবিক্রমে বলে ওঠে, “বলি একটা ঘাড়ে বিশটা মাথা কার আছে কবরেজ ঠাকুর যে, আপনাকে অপমান করবে?”

“মাথা এ গায়ের এক-একজনের একশটা করে, বুঝলি রে তুষ্টু।” বলে হাসলেন রামকালী, আর ঠিক সেই সময় নেড়ু আর একবার মিহিগলায় ডাক দিল, “মেজখুড়ো।”

“আরে, এ ছোকরা তো ভাল বিপদ করল! কে তোকে পাঠিয়েছে শুনি?”

“পিসঠাকুমা!”

রামকালী বিরক্ত ভাবে বললেন, “ভা আমি বুঝেছি, নইলে আর কার এত—” বোধ করি ‘কার এত আক্কেল হবে’ বলতে যাচ্ছিলেন, সামলে নিলেন। ছোটদের সামনে গুরুজন সম্পর্কে তাক্ষিলাত্মক মন্তব্য করবার মত অসতর্কতা এসেছিল বলে রীতিমত বিরক্ত হলেন নিজের উপর। অথচ মোক্ষদার মত কাণ্ডজ্ঞানহীন গুরুজন সম্পর্কে সকল প্রকার সমীহনীতি মেমে চলাও শক্ত।

অসতর্কতা সামলে নিয়ে বললেন, “বল গে যাও আমার এখন বিস্তর কাজ, তাঁর যা বলবার যখন ভেতরে যাব তখন যেন বলেন।”

“তুমি একথা বলবে পিসঠাকুমা জানে, তাই আমাকে বলে দিল—” নেড়ু চৌক গিলে বলে, “বলে দিল বল গে যা বড় পিসঠাকুমার ভেদবমি হয়েছে, বাঁচে কিনা, এক্ষুনি দরকার।”

ভুরুটা আরও কুঁচকে উঠল রামকালীর। পিসির ভেদবমির হুঁতবনায় নয়, মেয়েমাহুষের বিবেচনাহীন আবদারের ধূঁততা দেখে। রোগ যে কালীশ্বরীর হয় নি সেটা নিশ্চিত, তবু অনর্থক হয়রানি করতে ডাকাডাকি। হয়তো বা অভ্যাগত কুটুম্বিনীদের নিয়ে কোনরূপ সমস্যার উদ্ভব হয়েছে, আর সালিশ মানতে ডাকি হয়েছে রামকালীকে। কিন্তু এই কি তার সময়?

সাতপাড়া লোক নেমস্তম্ভ হয়েছে, একদিনের যোগাড়ে যজ্ঞি, মাথায় পর্বত বয়ে ঘুরছেন রামকালী, তখন কিনা এই সব মেয়েলিপনা।

তা ছাড়া আরও বিরক্তিকর, ছোট ছেলেটাকে মিথ্যে কথায় তালিম দিয়ে পাঠানো। কিন্তু যে রাগিণী মোক্ষদা, নেড়ুকে ফেরত দিলে নির্ঘাত নিজেরই এখুনি রণরঙ্গিনী মূর্তিতে বার-উঠোনেই হানা দেবেন, এবং পাঁচ জনের কান বাঁচাবার চেষ্টামাত্র না করে বকাবকি শুরু করবেন। “পরসার দেয়াকে ধরাকে সরি দেখিস নি রামকালী, গুরুজন বলে একটু সমেহা করিস।”—হ্যাঁ, এরকম কথা স্বচ্ছন্দে বলতে পারেন মোক্ষদা, দ্বিধামাত্র করেন না।

সংসারের এই একটা মাহুষকে কিছুতেই এঁটে উঠতে পারলেন না রামকালী। পারতেন, অনারসেই পারতেন, যদি সত্যিই রামকালীর গুরুজনে সমীহবোধ না থাকত। গুরুজন হয়েই মোক্ষদা রামকালীকে জন্মে কেলেছেন।

কিন্তু শুধুই কি গুরুজন বলে জন্ম ?

আরও একজনের কাছেও কি মাঝে মাঝে জন্ম হয়ে পড়েন না রামকালী ? যে মাছুষটা নিতান্তই লঘুজন ! হ্যাঁ, মনে মনে স্বীকার না করে পারেন না রামকালী, মাঝে মাঝে সত্যবতীর কাছে জন্ম হতে হয় তাঁকে, হার মানতে হয়। কিন্তু তাতে কি বিরক্তি আসে ?

“মেজখুড়ো !” ছেলেটাও কম নয়। তাই রামকালীর কৌচকানো ভুরু দেখেও ভয়ে পালিয়ে গেল না, বলল, “পিসঠাকুমা তোমার চুপি চুপি ডেকে নিয়ে যেতে বলল, খুব বিপদ !”

আঃ, এ তো আচ্ছা মুশকিলে ফেলল !

“বিপদটা তো দেখছি আমারই !” বলে রামকালী হাঁক দিলেন, “তুষ্ট্, দই সব ভেতর-দালানে তুলে দাও, আর খোঁজ করে দেখ আর কারও ঘরে আরও দু-দশ সের পাওয়া যাবে কিনা।”

“পাওয়া গেলে তো ঠাকুরমশাই, আমি নিজেই—” তুষ্ট্ মাথা চুলকে একটু খুঁটতা করে বসে, “তা তোমার আঙুলে পাঁচ মণই কি কম ? এ তো আর বড় খোকার পেরথম বিয়ে নয়—”

রামকালী ভুরুটা একবার কুঁচকেই মুহূ হাসলেন। বললেন, “কথাটা গয়লার ছেলের মতই বলেছিল তুষ্ট্, পেরথম বিয়ে নয় বলে, কুটুম্বজনকে খাওয়াতে বসে অপরিতুষ্ট রাখব ? আচ্ছা তুই ওগুলো তুলে দে গে, আসছি আমি।”

নেড়ুর সঙ্গে সঙ্গে ভিতরবাড়িতে ঢুকলেন রামকালী, মাঝখানে প্রকাণ্ড উঠোনটা পার হয়ে। এই মাঝের উঠোনেই ধানের গোলা মরাই, সারা বছরের জালানী কাঠের মাচা, চালার নিচে জালা জালা বীজধান।

নেড়ু দিগ্বিজয়ীর মত কাশীশ্বরীর ঘরের দরজায় এসে দাঁড়াল, কারণ রামকালীকে ডেকে আনার ভার আর কেউ নিতে চায় নি। সত্য পর্যন্ত ঝাড়া জবাব দিয়েছিল, “এই দেখলাম বড় পিসঠাকুমা পুকুরে চান্ন করে এল, এফুনি আবার কী ব্যামোয় ধরল যে বাবাকে শত কন্মের মধ্যে থেকে ডেকে আনতে যাব ? মাছুষটার কি এখন মাথার ঠিক আছে ? ঘরে তো জোয়ানের বড়ি আছে, তাই খেয়ে নাও না।”

“তুই বেরো দজ্জাল হারামজাদী—” বলে মোক্ষনা নেড়ুকে ধরেছিলেন।

কিন্তু নেড়ুদের তো আর গিন্নীদের ঘরে ঠঠবার ছকুম নেই, তাই “এই যে ঠাকুমা—” বলে দাঁড়িয়ে পড়ল। নিচু দরজা, রামকালী খড়ম খুলে মাথা নিচু করে ঢুকলেন। আর সমস্ত কৃতজ্ঞতা তুলে মোক্ষদা “তুই পালা লক্ষ্মীছাড়া ছেলে” বলে নেড়ুকে তাড়া দিয়ে বিদেয় করলেন।

রামকালী দেখলেন কাশীখরী মাটিতে শুয়ে আছেন থানের আঁচলটুকু মুখে চাপা দিয়ে। এটা আবার কি! নিশ্চয় কোন মান-অভিমানের ব্যাপার। বিরক্তি এল, তবু শাস্তভাবেই বললেন, “কি ব্যাপার!”

“ব্যাপার বেশ উত্তম—” চাপা গলায় এটুকু জ্ঞানদান করে মোক্ষদা। আরও ফিস ফিস করে বললেন, “হুয়ারটা ভেজিয়ে দিয়ে তবে গুনতে হবে।”

রামকালী একবার বাইরে তাকালেন। শুচিবাই মোক্ষদাদের এই দিকটা বাদে সারাবাড়ি লোকে লোকারণ্য, এর মধ্যে কপাট ভেজিয়ে গুপ্তমজ্জণা! তিনি তো পাগল হন নি! গম্ভীর গলায় বললেন, “কপাট থাক, কি বলবার আছে বলা।”

কিন্তু বলবার কিছু আর আছে নাকি?

আছে বলবার মত মুখ?

অথচ এত বড় ভয়ানক কথা রামকালীকে না জানিয়ে করবেন কি মুখ্য ছোটো মেয়েমানুষ? হিতাহিত জ্ঞান কি আর কিছু অবশিষ্ট আছে তাঁদের? মোক্ষদার আর কাশীখরীর। শঙ্করী যে কাশীখরীরই নাত-বো!

ভয়ঙ্কর খবরটা এখনও পাঁচকান হয় নি, এখনও সংসারের সবাই আপন আপন কাজে হাবুডুবু খাচ্ছে, কিন্তু কতক্ষণ আর অগ্নয়নস্ক থাকবে লোক? কতক্ষণ আর তাদের কান বাঁচিয়ে রাখা যাবে? তার পর? এক কান থেকে পাঁচ কান, তার পরই তো—লহমান পাঁচ শ কান। খড়ো চালার পাড়ায় আগুন লাগাও যা, আর একটা বিধবার কলঙ্ক-কেলেঙ্কারি প্রকাশ হয়ে যাওয়াও তা। এ চাল থেকে ও চাল তো, এ মুখ থেকে ও মুখ। হাড়হাভাতে লক্ষ্মীছাড়া মেয়েমানুষটা ‘নিডুবি’ হবার আর দিন পেল না!

যদি জলে ডুবে নিডুবি হয়ে থাকে তো সেও বরং ভাল কথা, কিন্তু যদি জরাডুবি করে বসে থাকে?

কাশীখরীর ধারণা তাই। তাই তিনি মুখে আঁচল চাপা দিয়ে পড়ে

আছেন। আর মর্মে মর্মে অহুভব করছেন, কেন সেই সর্বনাশীর খুড়োখুড়ী ও মেয়েকে ঘরে রাখে নি, উপযাচক হয়ে কাশীশ্বরীর গলায় গছিয়ে গেছে। হায় হায়, কালই তো টের পেয়েছিলেন কাশীশ্বরী, নাপিত-বোয়ের কথার আঁচে, তবে কেন আবাবীর বেটিকে দুয়ারে তালা লাগিয়ে আটকে রাখেন নি! পাঁচটা কুটুমের কাছে সাফাই গাইতে বললেই হত হঠাৎ মাথাটার কেমন দোষ হয়ে গেছে শঙ্করীর, তাই কাজের বাড়িতে ছেড়ে রাখতে সাহস করেন নি।

মোক্ষদা কিন্তু জলে ডোবার কথাই তোলেন। “কোন রাত্তিরে কখন উঠে এ কাজ করেছে কিছু টের পাই নি রামকালী, সকালবেলাও বলি চানে গেছে না কোথায় গেছে। বেলা হতে মাথায় বজ্রাঘাত! আমার থির বিশ্বাস বড় পুকুরে গিয়ে ডুবেছে কপালখাকী। এই বেলা জাল ফেলালে—”

“না!” রামকালী জলদগন্তীর স্বরে বলেন, “জাল ফেলা হবে না।”

“জাল ফেলা হবে না!”

যন্ত্রচালিতের মত উচ্চারণ করেন মোক্ষদা।

“না। এতগুলো লোকের খাওয়া পণ্ড হতে দেব না আমি!”

মোক্ষদা প্রকৃতি-বিরুদ্ধ নম্রভাবে বলেন, “কিন্তু একটা জীবের জীবনের চাইতে যজ্ঞটাই বড় হল তোমার বিচারে?”

“শুধু আমার বিচারে নয়, যে কোন বুদ্ধিমান লোকের বিচারেই!” রামকালী ঘরের মধ্যে পায়চারি করতে করতে বলেন, “বলছ সকাল থেকে দেখতে পাও নি, ধরে নিতে হবে, কাজটা হয়ে থাকে তো রাতেই হয়েছে। এখন জাল ফেললে জীবটা জীবন্ত উঠবে তোমাদের বিশ্বাস?”

মোক্ষদা চূপ করে থাকেন, উপযুক্ত উত্তরের অভাবে। আর কাশীশ্বরী চাপা গলায় হু-হু করে কেঁদে ওঠেন।

“থাম! লোকজন খাওয়ার আগে যেন টুঁ শব্দটি না হয়। যদি ডুবে থাকে তো যতক্ষণ না ভেসে ওঠে ততক্ষণ তাকে জলের তলায় থাকতে দাও। ডুবলে ভেসে উঠতেই হবে, নদী নয় যে ভেসে চলে যাবে। কিন্তু—” পায়চারি থামিয়ে রামকালী কাশীশ্বরীর খুব কাছে সরে আসেন, ঈষৎ নিচু হয়ে চাপা গন্তীর স্বরে বলেন, “আর যদি ডুবে না থাকে, বৃথা জাল ফেলার পর সমাজে অবস্থাটা কি দাঁড়াবে অহুমান করতে পারছ? ঘরের বৌ-ঝিকে

আগলে আটকে রাখার ক্ষমতা যখন নেই, তখন নিজেদের জিভকেই আগলে আটকে রাখে।”

কাশীধরী সহসা কঁদে ওঠেন, “ও রামকালী, তুমি আমায় একটু বিষ দাও বাবা, আমি এ মুখ আর কাউকে দেখাতে পারব না।”

“ছেলেমানুষি করো না।” মৃদুস্বরে ধমকে ওঠেন রামকালী, “বিপদে মতি স্থির রাখ। আমাকে বিবেচনা করবার সময় দাও। কিন্তু এই ভেবে আশ্চর্য হয়ে যাচ্ছি আমি, বলছ তোমাদের কাছে শুভেন, অথচ দু-হুটো মানুষ কিছু টের পেলে না তোমরা?”

“মরণের ঘুম এসেছিল বাবা আমাদের—” কাশীধরী আর একবার কঁদে ওঠেন।

“পিসীমা, হাতজোড় করছি তোমায়, হৈ-টৈ করো না! সবাইকে না হয় বলো খুড়োর অস্ত্রখের খবর পেয়ে হঠাৎ বাপের বাড়ি পাঠিয়ে দেওয়া হয়েছে তাকে।”

“মানুষ তো আর ঘাসের বিচি খায় না রামকালী”, মোক্ষদা নিজস্ব ভঙ্গীতে ফিরে আসেন, “কাল রাততুপুর অবধি সবাইয়ের সঙ্গে কুটনো কুটেছে লক্ষ্মীছাড়ী—”

“আশ্চর্য!” আবার পায়চারি করতে করতে বলে ওঠেন রামকালী, “এ রকমটা হল কেন, কিছু অনুমান করতে পারছ তোমরা?”

কাশীধরী মুখের ঢাকাটা আরও শক্ত করে চাপা দিয়ে বলে ওঠেন, “আমি পারছি রামকালী! মতিগতি তার ভাল ছিল না। যিঙ্গী বয়েস অবধি খুড়োর ঘরে থেকেছে, মা-বাপ ছিল না যে সুশিক্ষে দেবে, উচ্ছন্ন যাওয়ার বুদ্ধির বৃদ্ধি করেছে বসে বসে। আমি বুঝছি জলে ডুবে মরে নি ও, আমাদের মুখে চুনকালিই দিয়েছে।”

ঘরটা নিচু-নিচু অন্ধকার মত। জানলা আছে কি নেই, তবু রামকালীর টকটকে ফরসা মুখটা আরও কত টকটকে হয়ে উঠেছে, টের পেলেন মোক্ষদা। চেয়ে চেয়ে মনে হল যেন ওই টকটকে মুখটা থেকে উত্তাপ বেরোচ্ছে। বেপরোয়া মোক্ষদাও ভয় খেলেন। কি বলতে গিয়ে থেমে গেলেন।

আর ঠিক এই সময় দরজার গোড়ার কাঁসর বেজে উঠল।

মাজাঘসা চাঁচাছোলা কাঁসর। “ওগো অ ঠাকুমারা, কাটোয়ার বোঁ গেল কোথায়? পান সাজবার জন্তে যে হাঁক-পাড়াপাড়ি হচ্ছে তাকে। তোমরাই

বা ছুই বুনে এই বেলা দুপুর অবধি শোবার ঘরে গুলতুনি করছ কেন ? চান করে আবার শোবার ঘরে এসে সোঁদিয়েছ যে বড় ? আর একবার চানের বাসনা আছে বুঝি ? তা তোমাদের বাসনা মেটাও, বৌকে পাঠিয়ে দাও।”

ঘরে ঢোকবার অধিকার নেই তাই বাইরে দাঁড়িয়েই বাক্যশ্রোত বইয়ে দেয় সত্য। ধারণাও করতে পারে না ঘরের ভিতরে তার বাপের উপস্থিতি সম্ভব।

উঁচু ‘পোতা’র ঘর, দরজার বাইরে থেকে ছোটদের পক্ষে ভিতরটা স্পষ্ট দেখাও সম্ভব নয়।

মোক্ষদা বিনা বাক্যব্যয়ে কপাটের সামনে এসে দাঁড়ান, অতএব ঘরেই আছেন তিনি। সত্য বিরক্ত কণ্ঠে বলে, “কি গো, মুখে বাক্যি-ওক্যি নেই কেন ? কাটোয়ার বৌ গেল কোথায় সেটা বলবে তো ? ঘাট থেকে আরম্ভ করে সাত চৌহদ্দি ছিষ্ট খুঁজে এলাম—”

সহসা মোক্ষদা সরে দাঁড়ালেন, এবং সেই শূন্যস্থানে রামকালীর মূর্তিটা দেখা গেল।

বাবা !

সত্য বজ্রাহত।

এখানে বাবা ! আর সত্য মুখের তোড় খুলে দিয়েছে ! ছি ছি ! কিন্তু বাবা এখানে কেন ? তা হলে নির্ধাত কাটোয়ার বোয়ের হঠাৎ কোনও অসুখ করেছে, পিসঠাকুমারা তাই নিয়ে হিমশিম খাচ্ছে। ছি ছি, এদিকে এই কাণ্ড, আর সত্য কিনা পান সাজার তাগাদা দিতে এসেছে ! বাবা কি বলবেন ! বাড়ির কোনও খবর রাখে না সত্য এইটাই প্রমাণ হবে।

মনে মনে জিত কেটে চূপ হয়ে দাঁড়িয়ে থাকে বেচারী। আজ আর মানসিক চাঞ্চল্য নিবারণ করতে, অভ্যাসমত শাড়ির আঁচলটা নিষ্পে চিবোবার উপায় নেই, পরনে উৎসব উপলক্ষে নিজের বিবাহকালে লক্ক একখানা ভারী দামী বালুচরী ঢেলি।

রামকালী ঘাড় ফিরিয়ে মোক্ষদা ভগ্নীঘরকে উদ্দেশ্য করে যুহুস্বরে বললেন, “স্বাভাবিক ভাবে যার যা কাজ করো গে যাও, বুঝা ঘরের মধ্যে বসে থাকবার দরকার নেই,” তার পর ঘর থেকে বেরিয়ে এলেন। এসে সহসা মেয়েকে একটা সহজ পরিহাসের কথা বলে উঠলেন, “ঈস্ ! মেলাই সেজেছিস যে।”

কথাটা মিথ্যা নয়, শুধু বালুচরী চেলি কেন, মেয়েকে আজ একগা গয়না পরিয়ে সাজিয়েছে ভুবনেশ্বরী। কমগুলি গয়না তো হয় নি সত্যর বিয়ের সময়, পরে কবে? বাপের কথায় লজ্জিত হাসি হেসে মাথা নিচু করল। এবার রামকালী পুরনো প্রসঙ্গে ফিরে গেলেন, “ভাগ্নে-বৌমাকে কে ডাকছে?”

ভাগ্নে-বৌমা অর্থে আপাততঃ শঙ্করীকেই বোঝাল। সত্য বাবার কথায় নয়, বাবার কণ্ঠস্বরে থতমত খেল, অসহায় অসহায় চোখে বলল, “ওই ভোঁ ওরা, যারা এক বরজ পান নিয়ে সাজতে বসেছে।”

“তাদের বলে দাও গে উনি আজ আর পান সাজতে পারবেন না।” হঠাৎ যেন রামকালীও অসহায়তা বোধ করলেন, তাই তাড়াতাড়ি বললেন, “আচ্ছা থাক, তোমার এখন আর ওদিকে যাবার দরকার নেই, যারা পান সাজছেন সাজুন।”

কথায় কথায় পায়ে পায়ে এগিয়ে চলেছেন রামকালী ঘরের পিছনে ঢেঁকি-ঘরের দিকে ইচ্ছে করেই! সত্য সে খেয়াল করে না, স্নানমুখে প্রশ্ন করে, “কাটোয়ার বৌয়ের অসুখ কি বেশী বাবা?”

“অসুখ? কে বললে?” রামকালী চমকে উঠে সামলে নিয়ে গভীর ভাবে বলেন, “শোন, ওঁকে বৃথা ডাকাডাকি করো না। অসুখ করে নি, ওঁকে হঠাৎ খুঁজে পাওয়া যাচ্ছে না।”

আশ্চর্য, এ কথা কেন বললেন রামকালী!

একটু আগেও কি সিদ্ধান্ত করেছিলেন তিনি এ সংবাদটা আর কারও কাছে প্রকাশ করবেন না? হয়তো আর কেউ হলেই করতেন না, হয়তো ভুবনেশ্বরী এসে প্রশ্ন করলেও তাকে ওই “ডাকাডাকি করো না” বলেই থেমে যেতেন, কিন্তু সত্যর ওই উজ্জল বিবিস্ত মস্ত বড় বড় চোখ দুটোর সামনে যেন সত্য গোপন করা কঠিন হল। আর রামকালীর চিন্তাক্রিষ্ট মুখের দিকে তাকিয়ে এখনও মনে হল, এই ন বছরের মেয়েটার কাছে বুঝি তিনি চিন্তার ভাগ দেবার আশ্রয় খুঁজছেন।

কিন্তু সত্যর তো ততক্ষণে ‘হয়ে গেছে’।

খুঁজে পাওয়া যাচ্ছে না?

আন্ত একটা মাহুকে খুঁজে পাওয়া যাচ্ছে না!

তাতে আবার মেরেমাছুষ! বেটাছেলে নয় যে পায়ে হেঁটে কোথাও চলে

গেছে। মেয়েমানুষকে খুঁজে না পাওয়ার অর্থই নির্ধাত বড়পুকুরের কাকচক্ষু জল। অবশ্য এ জ্ঞানটা সত্যের সম্প্রতিহী হয়েছে সারদাকে উপলক্ষ করে। তাই চমকে উঠে বলে, “খুঁজে পাওয়া যাচ্ছে না? হায় আমার কপাল, ওই ভয়ে বড়বৌকে সমস্ত রাত ঘরে ছেকল তুলে রেখে দিলাম, আর কাটোয়ার বৌ এই করল। হে ঠাকুর, আমি কেন দুটোকেই ছেকল দিলাম না?”

“বড় বৌমাকে ছেকল দিয়ে রেখেছিলে?” চমৎকৃত রামকালী প্রশ্ন করেন।

“না দিলে,” সত্য উদ্দীপ্ত কণ্ঠে বলে, “নিশ্চিন্দা হয়ে ঘুম আসে? জলচৌকির ওপর জলচৌকি বসিয়ে কত কাণ্ড করে ছেকলে হাত দিয়েছি! ভোরের বেলা মাকে বলেকয়ে খুলিয়ে দিই। হায় হায় কাটোয়ার বৌকেও যদি—” বলেই সত্য সহসা স্মর কেরার, ককণ রসের পরিবর্তে বীর রসের আমদানি করে, “যাক। সে বেচারী মরেছে না জুড়িয়েছে। মানুষটা একদিন ঘাট থেকে আসতে একটু দেরি করেছে, লক্ষ্মীর ঘরে সন্ধ্যা দিতে পারে নি, তার তরে কী গঞ্জনা কী বাক্যযন্ত্রণা! একটা মনিষি, তাকে দশটা মানুষে তাড়না। বড় পিসঠাকুমাটিকি সোজা নাকি? গাল দিয়ে দিয়ে আর আশ মেটে না। অত বাক্যযন্ত্রণায় পাষণ-পিরতিমে হলেও জলে গে ঝাঁপ দেয়।”

রামকালী যেন ক্রমশঃ রহস্যের সূত্র পাচ্ছেন। বললেন, “বকাবকিটা কখন হল।”

“এই তো কালই। অবিষ্টি বোয়েরও দোষ আছে, জল নিতে গেছ জল নিয়ে চলে এস, সন্ধ্যাভোর ঘাটে বসে থাকার দরকার কি? তবে হ্যাঁ, এনাদেরও লঘুপাপে গুরুদণ্ড! অবীরে বিধবা, মনেপ্রাণে কি সুখ আছে ওর? হু দণ্ড নয় ছিলই ঘাটে, তার জন্তে অত গালমন্দ! এই গ্রীষ্মকালে কুল কোথায় তার ঠিক নেই, সকল গাছই তো নেড়া, তবু বলে কি ঘাটে যাবার ছুতোয় কুল খাচ্ছিল, আরও সব কত কথা—” বলেই হতাশ নিশ্বাস ফেলে সত্য, “আমি তার মানেই জানি না বাবা।”

রহস্য স্পষ্ট হয়ে উঠেছে।

কাল সন্ধ্যায় ঘাটে যে নারীমূর্তিটি দেখেছিলেন রামকালী, সে মূর্তি তা হলে সারদার নয়, কাশীধরীর নাত-বোয়ের। আত্মহত্যার চেষ্টাই ছিল তার তখন।

একবারের চেষ্টায় পারে নি তাই দ্বিতীয়বার আবার! কিন্তু খটকা

লাগছে একটা জায়গায়, বকাবকিটা তো তার পরবর্তী ঘটনা। তা ছাড়া সত্যবতী বর্ণিত ‘কুল খাওয়া’ শব্দটা! যা শুনে এত চিন্তার মধ্যেও হাসি এসে গিয়েছিল তাঁর।

কাশীধরীও ওই সন্দেহ ব্যক্ত করেছেন।

রামকালী চাটুয্যের বাড়িতে এমন একটা ঘটনাও ঘটা সম্ভব।

ভরানক একটা যন্ত্রণা অনুভব করলেন রামকালী। না, শঙ্করীর অপঘাত মৃত্যু ভেবে নয়, চাটুয্য-বাড়ির সন্ধ্যা নষ্ট বলেও নয়, যন্ত্রণা বোধ করলেন নিজের ক্রটির কথা ভেবে। আরও হুঁশিয়ার হওয়া উচিত ছিল তাঁর, আরও যথেষ্ট পরিমাণে সাবধান। একটা নিতান্ত তুচ্ছ মেয়েমানুষ যেন রামকালীর ক্ষমতার তুচ্ছতাকে ব্যঙ্গ করে গেল।

মেয়েটার এ ধুষ্টতাকে ক্ষমা করা যাচ্ছে না।

হঠাৎ অনুভব করলেন সত্য পিছিয়ে পড়েছে। ঘাড় কিরিয়ে দেখে থমকে গেলেন। সহসা এক জায়গায় দাঁড়িয়ে পড়ে নিঃশব্দে কান্না শুরু করেছে সত্যবতী।

রামকালীর পিছিয়ে এলেন। গম্ভীরভাবে বললেন, “তোমার কাঁদবার দরকার নেই।”

“বাবা!” এবার আর নিঃশব্দে নয়, ডুকরে ওঠে সত্য, সব দোষ আমার। কাটোয়ার বোঁ তো রাতদিন বলত, ‘মরণ হলে বাঁচি’, আমি যদি তখন তোমাকে বলি তো একটা প্রতিকার হয়। মনে করতাম অলীক কথা, রাজ্যী সুদু মেয়েমানুষই তো রাতদিন ‘মরণ-মরণ করে—তেমনি। কাটোয়ার বোঁ সত্যি ঘটলে ছাড়ল! মা নেই বাপ নেই ভাই নেই, স্বামীপুত্র কেউ নেই মানুষটার, শুধু গালমন্দ খেয়ে খেয়ে বেঘোরে মরে গেল! তুমি আগে টের পেলে - ”

কান্নাটা বড় বেশী উথলে উঠল সত্যর।

রামকালী কি হঠাৎ তড়িতাহত হয়ে স্তব্ধ হয়ে গেছেন? নইলে মুখের চেহারা তাঁর হঠাৎ অস্বাভাবিক ভাবে বদলে গেল কি করে? যে ভ্রূকুটি নিয়ে একটা তুচ্ছ মেয়েমানুষের ধুষ্টতার দিকে তাকিয়েছিলেন, সে ভ্রূকুটি মিলিয়ে গেল কেন? হঠাৎ একটা ধাক্কা খেয়ে কি ছড়মুড়িয়ে ভেঙে পড়ল তাঁর অন্তঃকণকায় চিন্তাধারা?

“কান্না থামাও” বলে আস্তে আস্তে চলে গেলেন তিনি বারবাড়ির দিকে। গিয়ে দাঁড়ালেন ভিয়েন-ঘরে যেখানে কুঞ্জ তখন জলচৌকিটা ঘুরিয়ে নিয়ে দেয়ালের দিকে মুখ করে বসে এক সরা গরম ছানা-বড়া চাখছেন।

বললেন, “বড়দা, আমাকে একবার বেরোতে হবে, তুমি দেখো অতিথিদের যেন কোন অমর্যাদা না হয়।”

“আ—আমি!” মিষ্টি গলায় বেধে গেল কুঞ্জর।

“হ্যা তুমি। নয় কেন? তুমি বড়!”

হ্যা, বেরোবেন রামকালী! জেলেদের ঘরে গিয়ে বলতে হবে, পুকুরে আর একবার জাল ফেলানো দরকার! বাড়ীতে কাজ, সন্দেহ করার কিছু নেই। ভাববে মাছের কমতি পড়েছে।

তবে রামকালী যেন বুঝছেন, ওটা নিরর্থক। কানীশ্বরীর নাতবৌ নিজেকে ডুবে মরে নি। সংসারটাকেই ডুবিয়েছে।

রামকালী কি তবে এবার নির্দেশের আশ্রয় খুঁজবেন? নিজের ওপর কি আস্থা হারিয়ে ফেলছেন? না হলে যে প্রাণীটাকে শুধু ‘প্রাণীমাত্র’ ভেবে তার ওপর বিরক্ত হচ্ছিলেন—তার ধুষ্টতার বহর দেখে, তাকে অত দৃষ্টিতে দেখছেন কেন? কেন ভাবছেন তারও কোনো প্রাপ্য পাওনা ছিল সংসারে? তাই রামকালী উপদেষ্টার দরকার অনুভব করছেন।

চৌদ্দ

“ওরে বাবা-সকল, একটু চোটপায়ে চল, তাগাদা আছে।”

পালকি থেকে মুখ বাড়িয়ে আর একবার তাগাদা দিলেন রামকালী। মধ্যাহ্নের মধ্যে গিয়ে পৌঁছতে না পারলে বিজ্ঞারত্ন মশাইয়ের সঙ্গে দেখা হবে না। প্রাতঃসন্ধ্যা সেরে গঙ্গাস্নানে বেরিয়ে পড়েন বিজ্ঞারত্ন, যেটা বিজ্ঞারত্নের আবাসস্থান থেকে অন্ততঃ তিন ক্রোশ দূরে। যাতায়াতে এই ছ ক্রোশ পাড়ি দিয়ে নিত্যস্নানপর্ব সমাধা করে পুনরায় ঠাকুরঘরে ঢুকে পড়েন তিনি গৃহবিগ্রহের ভোগ দিতে। তৎপরে প্রসাদগ্রহণ, তার পর আবার সামান্য সময় বিশ্রাম, এই মধ্যাহ্ন সময়টা কারও সঙ্গে দেখা করেন না

বিভারত্ব। কাজেই তাঁর কাছে যেতে হলে ওই গঙ্গান্নান সেরে ফেরার মুহুর্তে, নয় অপরাহ্নে।

কিন্তু অপরাহ্ন পর্যন্ত সময় কোথা রামকালীর—প্রয়োজন যে বড় জরুরী।

জীবনে যখনই কোন সমস্যা সমাধানের জরুরী প্রয়োজন পড়ে, তখনই রামকালী বিভারত্বের দরবারে এসে হাজির দেন।

অবশ্য সে রকম প্রয়োজন জীবনে দৈবাংই এসেছে।

সেই একবার এসেছিল নিবারণ চৌধুরীর মায়ের গঙ্গাযাত্রার ব্যাপারে। তিরানব্বই বছরের বুড়ী সজ্ঞানে গঙ্গাযাত্রা করলেন, আর সে নির্দেশ রামকালীই দিয়েছিলেন। কিন্তু বুড়ী যেন রামকালীর বিভা-বুদ্ধিকে পরিহাস করে পাঁচদিন গঙ্গাভীরের হাওয়া খেয়ে ফের চাক্স হয়ে উঠল। তারপর তার বায়না ‘আমায় তোরা বাড়ি নে চল।’ শরীরে শক্তি আছে, বয়সে মন অবুহ হয়ে গেছে। নিবারণ চৌধুরী রামকালীকে এসে ধরে পড়লেন, ‘বলুন কি বিহিত?’

সেই সময় চিন্তায় পড়েছিলেন রামকালী।

গঙ্গাযাত্রীর মড়া কের ভিটেয় ফেরত নিয়ে গেলে সংসারের মহা অকল্যাণ, সত্ত্ব ভিটেটায় তো তোলাই যাবে না তাকে! টেকিঘরে কি গোয়ালে বড় জোর রাখা যায়, কিন্তু নিবারণ চৌধুরীর মনোভাব দেখে মনে হয়েছিল, সেটুকুতেও তিনি নারাজ। ছেলেপুলে নিয়ে ঘর করেন তিনি, সংসারের এত বড় অকল্যাণ ঘটতে বুক কাঁপছে। বারবার তাই কবরেজ মশাইয়ের কাছে বিধি-বিধান চেয়েছিলেন।

সেই সময় এসেছিলেন রামকালী বিভারত্বের কাছে। এসে প্রশ্ন করেছিলেন, ‘বিভারত্ব মশাই, বলুন শাস্ত্র বড় না মাতৃমর্যাদা বড়?’

আজ এসেছেন আর এক প্রশ্ন নিয়ে।

অবশ্য আপাততঃ প্রশ্ন তাড়াতাড়ি পৌছবার। একখানা গ্রাম পার হয়ে তবে দেবীপুর। বিভারত্বের গ্রাম।

পাল্‌কি থেকে আর একবার মুখ বাড়িয়ে দেখে বেহারাদের ফের তাগাদা দিতে গিয়ে থেমে গেলেন রামকালী, থাক, এত বিচলিত হবার দরকার নেই, পৌছে ওরা দেবেই ঠিক।

বিচলিত হওয়াকে স্বণা করেন রামকালী। তবু মনে মনে অস্বীকার

করে লাভ নেই, আজ একটু বিচলিত হয়েছেন। কোথায় যেন হেরে গেছেন রামকালী, তারই একটা সূক্ষ্ম অপমানের জ্বালা মনকে বিধছে।

কিন্তু রামকালীর মধ্যে এই পরাজয়ের গ্লানি কেন? সংসারের একটা বুদ্ধিহীন মেয়ে যদি একটা অঘটন ঘটিয়ে বসে থাকেই, তাতে রামকালীর পরাজয় কেন?

ঘোড়ায় এলে এতক্ষণে পৌঁছে যেতেন, কিন্তু কোন বয়োজ্যেষ্ঠ বা গুরুস্থানীয়ের সামনাসামনি সাধাপক্ষে ঘোড়ায় চড়েন না রামকালী। তাই পাল্কিতেই বেরিয়েছেন। বেরিয়ে এসেছেন একটু সঙ্গোপনেই। জেলেদের জাল ফেলার ব্যাপারটা সামান্য তদারক করেই। বাড়তি কিছু মাছ উঠল, উঠুক। খাওবস্তু কখনো বাড়তি হয় না। ওরা এখন যে যেভাবে কাজ করছে করুক, রামকালীর অল্পপস্থিতি টের না পেলেই মঙ্গল। টের পেলেই কাজে টিলে দেবে।

কারুর ওপর কি ভরসা করার জো আছে?

কাকা আছেন, সেজকাকা। কিন্তু তাঁকে কোন কাজকর্মের ভার দেওয়াও বিপদ। কারণ তাঁর মতে ডাকহাঁক চেঁচামেচি এবং নির্বিচারে সকলকে ধমকাতে পারাই পুরুষের প্রধান গুণ। আর বয়েস হয়ে গেলেও পুরুষের পরিমাণটা যে তাঁর এক তিলও কমে নি, সর্বদা সেটা প্রমাণ করতেও রীতিমত তৎপর সেজকাকা। তাই তাঁকে ডেকেডুকে কর্তৃত্বের ভার দেওয়া মানে বিপদ বাধানো।

আর কুঞ্জ?

কুঞ্জর কথা কি বলারই যোগ্য?

মিষ্টির ভিয়েনের কানাচে হাতেমুখে রসমাখা আর মুখভতি ছানাবড়া ঠাসা কুঞ্জর তৎকালীন চেহারাটা একবার চোখের সামনে ভেসে উঠল। তখন, যখন দেখেছিলেন, মনটা বিরক্তিতে ভরে গিয়েছিল, এখন হঠাৎ একটা মমতা-মিশ্রিত অনুকম্পার ভাব মনে এল।

যে মানুষ লুকিয়ে-চুরিয়ে নিজের ছেলের বিয়ের ভোজের মিষ্টান্ন খেতে বসে, তার উপর অনুকম্পা ছাড়া হৃদয়ের আর কোন ভাববৃত্তি বিকশিত হবে?

এরা কি রাগেরই যোগ্য?

আশ্চর্য। রাসুটাও হচ্ছে ঠিক বাপের মতই অপদার্থ! ভবিষ্যতের

দিকে তাকালে খুব একটা আশার আলো চোখে পড়ে না। কিন্তু তার জ্ঞান হতাশাও আনেন না রামকালী—আপন শক্তিতে বিশ্বাসী, আপন কেন্দ্রে অটুট অবচল তিনি।

ওদের কথাকে চিন্তার জগতে ঠাঁই দেন না রামকালী, কিন্তু সত্যটা মাঝে মাঝে তাঁকে ভাবিয়ে তোলে। শুধু যে সেই একটা ভয়ঙ্কর সরল মুখ থেকে উচ্চারিত ভয়ঙ্কর জটিল প্রশ্নগুলোই চিন্তিত করে তোলে রামকালীকে তা নয়, চিন্তিত করে তোলে সত্যর ভবিষ্যৎ সম্পর্কে।

সংসার কি সত্যবতীকে বুঝবে ?

পালকি থেকে নেমে পড়লেন রামকালী।

বিহারভূয়ের মাটির কুটির থেকে একটু দূরে। সেটাই সভ্যতা, সেটাই গুরুজনের সঙ্গম রক্ষা। গুরুজনের চোখের সামনে গাড়ি পালকি থেকে নামা অবিনয়।

মাটির ঘর দালান দাঁওয়া, দাঁওয়ার নিচের উঠোনে আঁকা ছবির মত বেড়া ঘেরা ছোট্ট ফুলবাগানটি। বিহারভূয়ের নিজের হাতের বাগান, নিজের হাতের দেওয়া বেড়া। টগর দোপাটি গাঁদা বেল মল্লিকা রক্তজবা করবী সন্ধ্যামণি,—নানান গাছ, সারা বছরই ফুলের সমারোহ। এছাড়া বেড়ার ধারে ধারে আছে তুলসীর কেয়ারি। গঙ্গান্নানের পর পূজোর আগে একবার গাছগাছড়াগুলির তদারক করে যাওয়ার অভ্যাস বিহারভূয়ের। পায়ে খড়ম, পরনে নিজের হাতে কাটা স্নাতোর ধুতি ও উত্তরীয়,—পিতলের বারায় জল নিয়ে গাছের গোড়ায় গোড়ায় ঢালছিলেন বিহারভূ, রৌদ্রে রামকালীর ছায়া পড়তেই মুখ তুলে তাকালেন।

হৈ হৈ করে সম্ভাষণ করে উঠলেন না বিহারভূ। হঠাৎ আবির্ভাবের জ্ঞান বিশ্বয় প্রকাশও করলেন না, শুধু রামকালীর প্রশ্নাম শেষ হলে, তাঁর মাথায় হাত রেখে বললেন, “এস, দীর্ঘায়ু হও।”

শাস্ত্র সৌম্য মুখ, শ্রামবর্ণ ছোটখাটো চেহারা, মাথার চুলগুলি ধবধবে পাকা, কিন্তু দৃঢ়নিবদ্ধ মুখের চামড়ায় বলিরেখার আভাসমাত্র নেই। সহজে বিশ্বাস করা শক্ত—বিহারভূ মশাইয়ের বয়স আশী ছোঁয়-ছোঁয়। চকচকে সাজানো দাঁতের পাটির গুত্র হাসিটুকুও বিশ্বাস করতে প্রতিবন্ধকতা করে।

দাওয়ার উপর খান দুই-তিন জলচৌকি, কাছেই পৈঠের ঘটিতে জল। পা ধুয়ে দাওয়ার উঠে জলচৌকিতে বসলেন রামকালী, বিনত হাশ্বে বললেন, “আপনার তো আঁহিকের বেলা হল।”

“তা হল।” বিজ্ঞারত্ব প্রশ্নের হাসি হাসলেন, “বলবে কিছু—যদি বলবার থাকে?”

বলবার কিছু আছেই, নচেৎ এমন অসময়ে ব্যস্ত হয়ে আসার কারণ কি?

রামকালী আর গোরচন্দ্রিকা করলেন না, মুখ তুলে পরিষ্কার কর্তে বললেন, “পণ্ডিতমশাই, আজ আবার এক প্রশ্ন নিয়ে আপনার দরবারে এসে দাঁড়িয়েছি। বলুন মানুষ বড়, না বংশমর্যাদার অহঙ্কার বড়?”

ঠিক এই একই সময় একটা ছোট মেয়ে ওই একই ধরনের প্রশ্ন করছিল, অল্প কাউকে নয়, নিজের মনকেই। “আচ্ছা এও বলব, মানুষ বড় না তোমাদের রাগটাই বড়?”

কী আশ্চর্য্য, কী আশ্চর্য্য! জলজ্যাস্ত একটা মানুষ হারিয়ে গেল, তবু গিন্নীরা কিনা সত্যর ওপর চোখ রাঙাচ্ছেন, “খবরদার, দুটি ঠোঁট ফাঁক করবি না, কারুর যদি কানে যায় তো তাদের সব কটার হাড়মাস ছুঁঠাই করব।”

বেশ বাবা, তোমাদের জেদই থাক, রাগ নিয়ে ধুয়ে ধুয়ে জল খাও তোমরা।

ওদিকে বিজ্ঞারত্ব রামকালীকে বলছিলেন, “কালের সমুদ্রে একটা মানুষের জীবনমরণ স্নুহুংখ কিছুই নয় রামকালী, সমুদ্রে বৃদ্ধ মাত্র। কুলত্যাগিনী বধুকে সন্ধান করবার প্রয়োজন নেই।”

“কিন্তু সমাজকে তো একটা জবাব দিতে হবে?”

“যা সত্য তা বলবে সাহসের সঙ্গে। সত্যকে স্পষ্ট করে বলতে পারা চাই। সেটাই ধর্ম। সেই বিপথগামিনীকে তুমি তো আর ঘরে নিচ্ছ না? ভেবে নাও তার মৃত্যু হয়েছে।”

“কিন্তু পণ্ডিতমশাই, এ আমি ভাবতেই পারছি না—আমার ঘরের কথা নিয়ে অপরে আলোচনা করবে।”

“রামকালী, তোমার দেহে একটা দুই রোগ হওয়া অসম্ভব নয়, তা যদি হয় কি করবে তুমি? বিধাতার বিধান মেনে নিতেই হবে। তা ছাড়া

হয়তো এরকম একটা কিছু প্রয়োজনও ছিল। হয়তো তোমার ভিতর কোনখানে একটু অহমিকা এসেছিল—”

“অহমিকা! পণ্ডিতমশাই, ‘আমি’র প্রতি মর্যাদাবোধ থাকাটা কি ভুল? অত্যা?!”

“এই একটা জায়গা বড় গোলমালে রামকালী, আত্মমর্যাদা-বোধ আর অহমিকা-বোধ, এ দুটোর চেহারা যমজ ভাইয়ের মত, প্রায় এক, স্বল্প আত্ম-বিচারের দ্বারা এদের তকাত বোঝা যায়। তা ছাড়া তুমি ব্রাহ্মণ। রজোগুণ তোমার জন্ত নয়। কিন্তু আজ তোমার চিত্ত চঞ্চল, তুমি এখন বিশেষ ব্যস্তও, কাজেই আজ এসব আলোচনা থাক।”

রামকালী কয়েক মুহূর্ত মাথা নিচু করে ভূমিসংলগ্ন দৃষ্টিতে কি যেন ভাবলেন, তারপর সহসা মাথা তুলে বলিষ্ঠ কণ্ঠে বললেন “আচ্ছা, আপনার নির্দেশই শিরোধার্য করলাম।”

আর একবার বিজ্ঞারত্নের পদধূলি নিয়ে বেরিয়ে এসে পালকিতে চড়লেন রামকালী। ফেরার মুখে আর বেহারাদের তাড়া দেবার কথা মনে এল না। বিজ্ঞারত্নের একটা কথা তাঁকে বিশেষ ধাক্কা দিয়েছে। বিজ্ঞারত্ন বললেন “তুমি ব্রাহ্মণ, রজোগুণ তোমার জন্ত নয়।”

কিন্তু তাই কি সত্য?

ব্রাহ্মণের মধ্যে তেজ থাকবে না? থাকবে কেবলমাত্র রজোগুণ-শূন্য স্তিমিত শাস্তি?

ফিরে দেখলেন বাড়ি লোকে লোকারণ্য! নিমজ্জিতেরা প্রায় সকলেই এসে গেছে। রান্নাও প্রস্তুত। শুধু রামকালীর অস্থগতিতে ভোজে বসিয়ে দেবার ব্যবস্থাটা ঠিকমত হচ্ছে না, সকলে মিলে শুধু গুলতানি চলছে।

এই চনচনে সময়ে দূর থেকে পরিচিত পাল্কি বেহারাদের “হুম্ হুম্” আওয়াজ কানে এল। আশায় অধীর হয়ে উঠল সবাই—‘এসে গেছেন, এসে গেছেন’ রবে গম্ গম্ করে উঠল জনতা। সকলেই অবশ্য ধরে নিয়েছিল আচমকা কোনও রোগীর মরণ-বাঁচন সংবাদ পেয়ে বাধ্য হয়ে বেরিয়ে যেতে হয়েছে রামকালীকে। কুণ্ডল সেই কথাই বলে রেখেছিলেন।

অন্দরমহলে মেয়েদের মধ্যে শঙ্করী সম্পর্কে কানাঘুষো শুরু হয়ে গিয়েছিল ; কিন্তু বারমহল সম্পূর্ণ নিশ্চিন্ত ।

রামকালী এসে দাঁড়াতেই বয়োজ্যেষ্ঠ অতিথি অভ্যাগতের দল হৈ হৈ করে এগিয়ে এলেন, “ব্যায়রামটা কার রামকালী ? কোন্ গাঁয়ে ? কে যেন দেবীপুরের দিকে পালকি যেতে দেখল, ওইখানেই কারও—”

“না, কারও ব্যায়রাম শুনে আমি যাই নি—” রামকালী একবার লোকভর্তি আটচালার সমস্তটায় চোখ বুলিয়ে নিলেন, তার পর একটু থেমে বললেন, “আমি বেরিয়েছিলাম অল্প প্রয়োজনে, সে প্রয়োজনের কথা আপনাদের সকলকেই জানাব। যদিও আপনারা এখনো অভুক্ত ও ক্ষুধার্ত, আমার কথা শুনে ঠিক কি মনোভাব আপনাদের হবে তাও সম্পূর্ণ বুঝতে পারছি না, তবু আহারাতির পূর্বেই কথাটা ব্যক্ত করা উচিত মনে করছি আমি। বলতে আপনারা সকলে অনুমতি করুন আগাকে।”

নিঃশব্দ জনতার মাঝখানে রামকালীর ভরাট ভারী কণ্ঠস্বর গম্ গম্ করে উঠল, অনেকেই বুক কঁপে উঠল একটা অজানা আশঙ্কায়।

কুঞ্জ হঠাৎ পিছনদিকে হটে গিয়ে ধুলোর উপর বসে পড়লেন, রাস্তা ভিড়ের একেবারে পিছনেই ছিল, সে হাঁ করে তাকিয়ে রইল কাকার আরক্ত গৌরমুখের দিকে। সমাগতেরা অনুধাবন করতে পারছেন না ব্যাপারটা কি। আহাৰ্য বস্তুতে কি কোনও অনাচার স্পর্শ ঘটেছে ? কিন্তু তাই বা কি করে বলা যায় ? রামকালীর আচমকা বেরিয়ে যাওয়ার প্রশ্নটাও যে রয়েছে।

তবে কি সহসা রামকালীদের কোন জাতির মৃত্যু ঘটেছে ? এই বিরাট ভোজের রান্না সব অশৌচাঙ্গ হয়ে গেছে ? সেই সংবাদ পেয়েই রামকালী... ! রামকালী কি এমন অর্বাচীন যে এই ভয়ঙ্কর মুহূর্তে সেই তথ্য এসে প্রকাশ করবেন ? মৃত্যুসংবাদ কানে না শুনলে তো অশৌচ হয় না, উনি নিজে গা ঢাকা দিয়ে বেড়ালে তো আর এখানের অন্নগুলো আশৌচাঙ্গ হয়ে যেত না ? বলে এমন ক্ষেত্রে ঘরের মড়া কাঁথা চাপা দিয়ে রেখে লোকে দিন উদ্ধার করে নেয়।

তবে ?

রামকালী যে তাঁর বক্তব্য জ্ঞাপন করতে অনুমতি চেয়েছিলেন, এ কথা কারও মনে ছিল না, ফের চেয়ে সে কথা মনে করিয়ে দিলেন রামকালী।

“তা হলে আপনারা আমার অহুমতি দিচ্ছেন?”

“হ্যাঁ হ্যাঁ, অবশ্য অবশ্য! তোমার যা বলবার আছে বল।”

“তা হলে শুনুন, গতরাত্রে আমার পরিবারভুক্ত একটি বিধবা বধু গৃহত্যাগ করেছে—”

“অ্যা! অ্যা! অ্যা!”

সহসা ভয়ঙ্কর একটা ঝড় উঠল? কালবৈশাখীর হুমদাম এলোমেলো ঝড় নয়, যেন একটা বুনো অরণ্যের চাপাশ্বাস গোঁ গোঁ করে উঠল। সেই শ্বাস শুধু সমবেত কর্ণের ওই আহত বিশ্বয়ের প্রচণ্ড ধ্বনি।

রামকালী কি এই বজ্রটাকেই প্রস্তুত করেছিলেন এতক্ষণ ধরে, তাঁর অভুক্ত ক্ষুধার্ত নিমন্ত্রিত অতিথিদের জন্তে?

তুমুল ঝড়ের ধ্বনিতে রামকালীর কথার শেষ অংশ চাপা পড়ে গিয়েছিল, আর একবার সে স্বর গম্ গম্ করে উঠল চাপা মেঘমন্দের মত।

“এখন আপনারা স্থির করুন, এই অপরাধে আমাকে ত্যাগ করবেন কিনা?”

যেন বক্তৃতা-মঞ্চে দাঁড়িয়ে বক্তৃতা দিচ্ছেন রামকালী, এমনি ধীর-স্থির সমুন্নত সেই মূর্তি!

এঁকে ত্যাগ!

সম্ভব?

কিন্তু তাও হওয়া সম্ভব বৈকি। সমাজ বলে কথা!

নিবারণ চৌধুরীর মামা বেঁটেখাটো বিপিন লাহিড়ী একটা জলচৌকি টেনে এনে তার উপর দাঁড়িয়ে উঠে চিবিয়ে চিবিয়ে বললেন, “ত্যাগ কুরাকরির কথা নয়, ভবিষ্যতে যা বিচার তা হবে। কিন্তু বর্তমানে আজ তো আর আমাদের এখানে খাওয়া হয় না রামকালী।”

রামকালী দুই হাত জোড় করে শাস্ত গম্ভীর কর্ণে বললেন, “আমি কাউকে অহুরোধের দ্বারা পীড়ন করতে চাই না, তবে এইটুকুই শুধু জানাচ্ছি, আমি সেই মতিভ্রষ্টা মেয়েকে মৃত বলেই গণ্য করব। মাহুশের সমাজ থেকে তার স্বত্বা হয়েছে। আহারের পূর্বে এই কথাটি নিবেদন করতে যারপরনাই দুঃখ বোধ করছি আমি, কিন্তু আমার বিবেকের কাছে এটাই কর্তব্য বলে মনে হল আমার।”

বিপিন লাহিড়ী মনে মনে মুখ ভেঙচান, ‘আগে বলাই কর্তব্য ভাবলাম!

ওরে আমার যুধিষ্ঠির! এই যজ্ঞের খাওয়াটা পণ্ড করলি! ভাল হবে, তোর ভাল হবে?’

চোখে জল এসে যাচ্ছিল বিপিন লাহিড়ীর। তবু কথা বলেন তিনি, “আমার মনে হয়, খবরটা তোমার এখন গোপন রাখাই উচিত ছিল রামকালী।”

“সে কথা আমি ভেবেছিলাম।” রামকালী আবার একবার সকলের মুখের দিকে তাকিয়ে বলেন, “কিন্তু পরে মনকে ঠিক করে নিলাম। আমার এত বড় কলঙ্ক সত্ত্বেও যদি আপনারা আমাকে ত্যাগ না করেন, তা হলে পরম ভাগ্য বলে মানব। আর যদি তা করেন, সে শাস্তি মাথা পেতে নেব।”

এবার আর ঝড় নয়, গুঞ্জনধ্বনি।

সে ধ্বনি ক্রমশঃ স্পষ্ট হয়ে উঠল। “তা এতে তোমার আর কলঙ্ক কি?”

“আছে বৈকি! আমার অন্তঃপুর উচিতমত রক্ষা করবার অক্ষমতাই আমার কলঙ্ক। আমার অপরাধ। মার্জনা আমি চাইব না, এ অপরাধের মার্জনা নেই, শুধু আমার প্রতি আপনাদের স্নেহ-ভালবাসার কাছে হাত জোড় করে প্রার্থনা করছি, আপনারা পরে আমার প্রতি যে শাস্তির আদেশ দেন মাথা পেতে নেব, শুধু আজ আপনারা দয়া করে আহ্বার করুন।”

আর একবার ঝড় উঠল।

অসন্তোষের? না উল্লাসের?

বোধ করি বা উল্লাসেরই, তবে জলচৌকির উপর দাঁড়িয়ে থাকা বেঁটে-খাটো বিপিন লাহিড়ীর গলাটাই শুধু শোনা গেল, “আচ্ছা, আজকের মত তোমার অনুরোধ রক্ষা করাই আমরা স্থির করছি।”

রামকালী ধীরে ধীরে সরে গেলেন। মাথা সোজা করেই।

পনেরো

সকালবেলা নেড়ুকে হাতের লেখা মক্শ করতে হয়। পূর্বের উঠোনের রোদ যতক্ষণ না পেয়ারাতলার ঠিক নিচেটায় এসে পড়বে ততক্ষণ পর্যন্ত নেড়ুকে সেই দুর্গহ কর্তব্যটি করেই চলতে হবে, এই নির্দেশ আছে তার উপর। ঋতুভেদে সীমানার কিছু ভেদ হয়, আপাততঃ ওই পেয়ারাতলা।

অবশ্য তার প্রতি আরও একটা নির্দেশ আছে।

সেটা হচ্ছে ভালপাতার গোছাগুলি ও দোয়াত-কলম নিয়ে বসার সময় এবং ‘মক্শ’র পর, সেগুলি তুলে রাখার সময় ভক্তিভরে মা সরস্বতীকে প্রণাম করা। প্রণামমন্ত্রের সঙ্গে প্রার্থনামন্ত্রও যুক্ত করা আছে।

দেবীর প্রসন্নতা লাভের উপায় স্বরূপ বিছা অনুশীলনের চাইতে স্তবস্তুতি প্রণাম প্রার্থনার উপরই নেড়ুর আস্রা বেশী। কাজেই ‘শব্দবোধের’ পাতা যথাসম্ভব তাড়াতাড়ি মুড়ে ফেলে, নিঃশব্দ স্তুতিতেই সময় বেশী যায় তার। চোখটা বুজে রেখেও তেরছা কটাক্ষের কৌশলে পেয়ারাতলার প্রতি দৃষ্টি নিবদ্ধ রেখে পরম ভক্তিভরে মন্তোচ্চারণ করছিল সে পাততাড়িটি কপালে ঠেকিয়ে—

ত্বং ত্বং দেবী শুভ্রবর্ণে,
রত্নশোভিত কুণ্ডলকর্ণে।
কণ্ঠে লম্বিত গজমোতি হারে,
দেবী সরস্বতী বর দাও আমারে।
লাগ্ লাগ্ বাণী কণ্ঠে লাগ্—
যাবজ্জীবন তাবৎ থাক্।
দুট সরস্বতী দূরে যাক্।
আমি থাকি গুরুর বশে,
ত্রিভুবন পূরিত আমার ঘশে।

দেবী-স্তবের কালে কিন্তু নেড়ু ভাবছিল দেবের কথা। সূর্যদেব।

আশ্চর্য! নিষ্ঠুর সূর্যদেবতাকে এত আন্তরিকভাবে মাতুল সম্বোধন করেও ভায়ের প্রতি তাঁর মমতার কোনও প্রকাশ দেখতে পায় না নেড়ু। পেয়ারাতলার নিচেটার আসার যেন কোনও গরজই নেই তাঁর। অথচ তিনি সামান্য একটু কৃপাদৃষ্টিপাত করলেই, করা মাত্রই, নেড়ুর আজকের যত যত্নপা

শেষ হয়। বার বার ঘুরিয়ে ঘুরিয়ে একই স্তব্ধতা কতক্ষণ ধরেই বা করা যায় ?

তবু কপাল থেকে কলম তালপাতা নড়ায় না নেড়ু, ঠেকিয়েই থাকে, এইমাত্র ঠেকানোর ভঙ্গীতে।

“খুব যে বিত্তে হচ্ছে ! আহা মরে বাই, ছেলের কী ভক্তি রে !”

সত্যবতীর শানানো গলা বেজে ওঠে।

বুকটা কেঁপে ওঠে নেড়ুর।

উঃ, যা মেয়ে ও ! আর যা জেরা ! তথাপি বাইরের প্রকাশে সত্যকে কোন স্বীকৃতি দেয় না নেড়ু, একই ভাবে চোখ বুজে বিড়বিড় করতে থাকে।

সত্যবতী হি-হি করে হেসে ওকে একটা ঠেলা দিয়ে বলে, “এখন যে বড় চোখ বোজা হচ্ছে ? এতক্ষণ কি করছিলি ? হুঁ : বাবা, খালি চোখ পিটপিট আর পেয়ারাতলার দিকে তাকানি !”

“আঃ, সত্য !” নেড়ু এবার পাতা কলম কপাল থেকে নামিয়ে সমস্ত জলচোঁকির উপর স্থাপিত করে বিরক্তি-ব্যঞ্জক গম্ভীর স্বরে বলে, “নমস্কারের সময় গোলমাল করছিস কেন ?”

“নমস্কার তো তুই সকাল থেকেই করছিস ! এক পোর বেলা হয়ে গেল সেই এম্বক নমস্কারই হচ্ছে ! দেখি নি যেন !”

“ইঃ, দেখেছিস তুই !” নেড়ু উঠোনের দিকে তাকিয়ে দেখে। মনে হচ্ছে যেন মাতুল সূর্যদেব এতক্ষণে সদয় হয়েছেন, পেয়ারাতলার ঠিক নিচেটাতে কৃপা-কটাক্ষ করছেন। অতএব বুকের বল বাড়ে তার। দৃপ্তকণ্ঠে বলে, “কত মক্শ করলাম তখন থেকে !”

“কই দেখি কত !” বলেই সত্য একটা কাজ করে বসে। হাতটা একবার মাথায় মুছে নিয়ে চট করে মা সরস্বতীর উদ্দেশে একটা প্রণাম নিবেদন করে নেড়ুর এইমাত্র রক্ষিত তালপাতার গোছায় এক টান মারে।

“আই আই, ও কী হচ্ছে !” শিহরিত নেড়ু ভয়ঙ্কর একটা ভয়ের সুরে বলে ওঠে, “সত্য ! তুই তালপাতায় হাত দিলি ?”

“দিলাম তা কি !” নির্ভীক স্বর সত্যর, “আমি তো মা সরস্বতীকে প্রণাম করে হাত দিয়েছি !”

“প্রণাম করলেই সব হল ? তুই না মেয়েমানুষ ? মেয়েমানুষের তালপাতায় হাত ঠেকালে কি হয় জানিস না ?”

সত্য ইতিমধ্যে নেড়ুর সারা সকালের ‘শ্রমফল’ নিরীক্ষণ শুরু করে দিয়েছে। বলা বাহুল্য একখানি মাত্র পাতা কালি-কলঙ্কিত, বাকী সবগুলিই নিষ্কলুষ নিষ্কলঙ্ক। কাজেই আর একবার তার ‘হি-হি’র পালা।

“খুব যে বলছিলি অনেক মক্ষ করেছিস? কই কোথায়? দোয়াতে বুঝি কালির বদলি জল ভরেছিস? তাই চোখে ঠাহর হচ্ছে না?”

সত্যর বিদ্রূপের ভঙ্গী বড় তীক্ষ্ণ, কারণ উক্ত মন্তব্যের সঙ্গে সঙ্গে চোখের তারা পাতার যতটা সম্ভব কাছে নিয়ে এসেছে সে, মুখে কোঁতকের আলোর ঝলমলানি।

এতটা সহ করা শক্ত।

নেড়ু এক ই্যাচ্‌কার নিজ সম্পত্তি কেড়ে নিয়ে ত্রুদ্বকণ্ঠে বলে, “বেশ থাক্। আমার বিচ্ছেদ না হোক তোর কি? নিজের কি হয় দেখ। বলে দিচ্ছি গিয়ে সবাইকে, তালপাতে হাত দিয়েছিস তুই।”

আর কেউ হলে ‘সবাইকে বলে দেওয়ার’ ভীতি প্রদর্শনেই কাবু হয়ে পড়ে এবং আপসের সুরে ‘আচ্ছা, বেশ ভাই দেখলাম!’ ইত্যাদি অভিমান-হুচক বাগী উচ্চারণ করে শত্রুপক্ষের মন নরম করে আনে। কিন্তু সত্যর মনোভাব আপসবিহীন। তাই ভিতরে যাই হোক, বাইরে বিন্দুমাত্র বিচলিত ভাব দেখায় না সে, সমান জোরের সঙ্গেই বলে, “বলে দিবি তো দিবি, সবাই আমার কি করবে গুনি? শূলে দেবে?”

“দেয় কি না দেখিস! চালাকি নয়!”

“কেন, মেয়েমানুষ তালপাতে হাত দিলে কি হয়? কলকেতায় তো কত মেয়েমানুষ লেখাপড়া করে?”

“তোকে বলেছে করে! পড়লে চোখ কানা হয়ে যায় তা জানিস?”

“কক্ষনো না, মিছে কথা! বড্ডই তুই জানিস! যারা পড়ছে তারা সব অমনি কানা হয়ে যাচ্ছে! হুঁঃ!”

কলকেতা নামক অ-দৃষ্ট সেই দেশটায়, কদাচ কখনও সেখানের নাম কানে আসে, সেখানে সত্যিই কোনও মেয়েমানুষ লেখাপড়া করে কিনা, এবং করলে তাদের চক্ষুগলকে দৃষ্টিশক্তিসম্পন্ন রাখতে পারে কিনা, এ সম্পর্কে নেড়ুর স্পষ্ট কিছু জানা নেই, তবু নিজের অভিমতকে প্রতিষ্ঠিত করতে প্রাণপণ চেষ্টা করে সে, “এখন না যাক—আসছে জন্মে যাবে। অমনি না!”

“আসছে জন্মে! হি-হি-হি! তাদের আসছে জন্মটা তুই দেখে এসেছিস

বুঝি? আমি এই তোকে বলে দিচ্ছি নেড়ু, ওসব কিছু হয় না। বিত্তে তো ভাল কাজ, করলে কখনও পাপ হতে পারে?”

লেখাপড়ার ব্যাপারে বুদ্ধি না খুললেও কুটতর্কের ব্যাপারে নেড়ু ওস্তাদ, তাই সে অকাটা একটি যুক্তি প্রয়োগ করে, “নারায়ণ পূজাও তো ভাল কাজ, করে মেয়েমানুষরা? ছুঁতে তো পায় না! ভগবান বলে দিয়েছে ভাল কাজগুলো বেটাছেলেরা করবে, খারাপ কাজগুলো মেয়েমানুষরা করবে, বুঝি?”

“হ্যাঁ, বলেছে ভগবান তোর কান ধরে!” স্বাক্ষর দিয়ে ওঠে সত্য, “ভগবান কখনো অমন একচোখো নয়। ওসব বেটাছেলেরাই ছিটি করেছে।”

বচসার শব্দ খুব মৃদু হচ্ছিল না, শব্দে আকৃষ্ট হয়ে পুণ্য এসে দাঁড়ায় এবং সকৌতুহলে প্রশ্ন করে, “কি ছিটি করেছে রে বেটাছেলেরা?”

সত্য মুহূর্তে অল্পভেজিত ভাব পরিগ্রহ করে বলে, “কিছু না, শাস্ত্রের কথা হচ্ছে।”

শাস্ত্র!

পুণ্য হালে পানি পায় না।

সহসা এখানে শাস্ত্রালোচনা শুরু হল কী বাবদ, সেটা অলুধান করত্রে চেষ্টা করে। ইত্যবসরে নেড়ু সেই ‘বলে দেওয়া’র সুরে বলে ওঠে, “সত্যর সাহসখানা শুনবি পুণ্যপিসী? তালপাতে হাত দিয়েছে, আবার বলছে ‘দিয়েছি তো হয়েছে কি’।”

তালপাতে হাত!

এটা আবার আর এক আকস্মিকতা। তালপাতটা কি জাতীয় সহসা সেটা হৃদয়ঙ্গম করতে পারে না পুণ্যবতী।

“তালপাত কি রে?” প্রশ্ন করে সে সত্যর মুখের দিকে তাকিয়ে।

তাকে ‘হাঁ’ করে দিয়ে, সত্য হেসে উঠে দেওয়ালে পোঁতা পেরেকে গৌজা একখানা তালপাতার হাতপাখা পেড়ে নিয়ে বলে ওঠে, “এই যে এই! দেখ, এখন হাতে পোকা পড়ল কিনা আমার!”

“সত্য!”

নেড়ু চোখ পাকিয়ে বলে, “মা সন্ন্যাসীকে নিয়ে ভাষাখা করছিস তুই?”

প্রত্যেক সময় প্রত্যেক ব্যাপারেই সত্য জিতে যায়, নেড়ু হারে। নেড়ু

মজ্জায় অবস্থিত পৌরুষবোধ এতে যথেষ্টই আহত হয়, আজ সহসা সত্যকে শাসন করবার একটা ছুতো পেয়ে নেড়ুর আর উল্লাসের সীমা নেই। তাই সহসা করতলগত সেই শক্তিটাকে অবহেলায় বাজে খরচ করে ফেলতে পারছে না, রীতিমত করে ভাঙিয়ে খেতে চাইছে চেখে চেখে।

এবার আর হাসে না সত্য, বিরক্তি প্রকাশ করে, সেই ওর অভ্যস্ত ভঙ্গীতে জোড়াভুরু কঁচকে, “হাঁদার মতন কথা কস নে নেড়ু। ভামাশা আমি মা সরস্বতীকে করছি না, করছি তোকে। তালপাতে একটু হাত দিয়েছি তো কী কাণ্ডই করছিস! যেন সগ্গো মত রসাতলে গেছে! শুধু হাত দেওয়া কেন, আমি তো লিখতেও পারি।”

“লিখতেও পারিস!”

যুগপৎ নারী-পুরুষ দুইকণ্ঠে উচ্চারিত হয় এই সর্পাহত-কণ্ঠবৎ শব্দ। আড়ষ্ট হয়ে গেছে পুণ্যি আর নেড়ু।

কিন্তু নিষ্ঠুর সত্য ওদের ওই আঘাতপ্রাপ্ত চিত্তেই আরও আঘাত হেনে বসে, “পারিই তো, এই দেখ্।”

ঝপ করে আলোচ্য তালপত্রখণ্ডের একখানা টেনে নিয়ে দোয়াতে কলম ডুবিয়ে পরিপাটি করে লিখে ফেলে সত্য, “কর খল ঘট।” লিখে অদৃশের উদ্দেশ্যে আর একটা প্রণাম ঠুকে বলে, “আরও কত লিখতে পারি।”

বিশ্বয়ের ঘোর কাটতে কিছুক্ষণ লাগে। পুণ্যির চাইতে নেড়ুই বেশী বিশ্বস্নাহত। যে দুর্লভ কর্মের চেষ্টায় তার ঘাম ছুটে যায়, এত অনায়াসলীলায় সেটা করে ফেলে সত্য!

তা ছাড়া কেমন করে?

মা সরস্বতী কি সহসা ওর উপর ভর করেছেন? যেমন নাকি শুনতে পাওয়া যায় কবি কালিদাসের উপর করেছিলেন?

লেখা শব্দ কটির উপর চোখ রেখে ঝিম্ হসে তাকিয়ে থাকে নেড়ু। আর পুণ্যি স্পর্শ বাঁচিয়ে তালপাতখানার উপর ঝুঁকে পড়ে বিস্মারিত নেজে বলে, “কোথেকে লিখলি রে সত্য? কে শেখালে?”

“শেখাতে আবার কার দায় পড়েছে, আমি নিজে নিজেই শিখেছি। দেখে দেখে!”

“নিজে নিজেই শিখেছিল? দেখে দেখে?”

“না-তো কি?”

“দোঁত কলম পেলি কোথা ?”

“দোঁত কলম কে দিচ্ছে !” সত্য বোঁকের মাথায় তার গোপন কথাটি প্রকাশ করে বসে, “বটপাতার ঠুলি গড়ে, তার মধ্যে পুঁইমেটুলির রস গুলে কালির মতন করি।”

তাজ্জব বনে যাওয়া ছুটি প্রাণী ক্লীণকণ্ঠে বলে, “আর পাত কলম ?”

“তোরা আর ‘হা’-করা কথা কস নে বাপু। পৃথিবীর তালগাছ কি কেউ সিঁহকে বন্ধ করে রেখেছে, না আকিঞ্চন করে খুঁজলে একটা শরকাঠি মেলে না ?”

গিন্নীর মতন মুখ করে ঝঙ্কার দিয়ে ওঠে সত্য।

এতক্ষণে বুঝি হৃদিস পায় পুণ্য। তা সেও গিন্নীদের মত গালে হাত দিয়ে বলে, “তাহলে তুই হুকিয়ে হুকিয়ে মক্শ করিস ? উঃ ধন্তি বাবা ! কাউকে টেরটি পেতে দিস না। কখন হাত পাকাস ?”

সত্য রহস্যের হাসিতে মুখ রঞ্জিত করে বলে, “যখন তোরা থাকিস না।”

“কিন্তু সত্য !” পুণ্য চিন্তিত স্বরে বলে, “খেয়াল করে তো করছিস, দেখে আহ্লাদও হচ্ছে, কিন্তু হাজার হোক মেয়েমানুষ, এতে তোরা পাপ হবে না ?”

“কেন পাপ হবে কেন ?” সত্য সহসা উদ্দীপ্ত তেজের সঙ্গে বলে ওঠে, “মেয়েমানুষরা যে রাতদিন বগড়া কৌদল করছে, যাকে তাকে গালমন্দ আপ-মন্ত্রি করছে, তাতে পাপ হয় না, আর বিদ্যে শিখলে পাপ হবে ? বলি স্বয়ং মা সরস্বতী নিজে মেয়েমানুষ নয় ? সকল শাস্ত্রের সার শাস্ত্র চার বেদ মা সরস্বতীর হাতে থাকে না ?”

নেড়ুর আর বাক্যস্মৃতি নেই।

এত বড় অকাটা যুক্তির সামনে পড়ে গিয়ে যেন বিরাট একটা দৃষ্টির দরজা খুলে যার তার চোখের সামনে।

সত্যিই তো বটে, মা সরস্বতীটি স্বয়ং নিজেই তো মেয়েমানুষ !

এত বড় স্পষ্ট সত্য কি করে এত দিন তার দৃষ্টির বাইরে ছিল ? আর এই সত্যবতীটাই বা কেমন করে উদ্ঘাটন করে ফেলেছে সেই সবাইয়ের ভুলে থাকা, অথচ পরম স্পষ্ট কথাটাকে !

“নে, পুণ্য ঘাটে বাই চ !”

আলোচনার ইতি টেনে দিয়ে উঠে পড়ে সত্যবতী, “আর দেরি করলে গিন্নীরা ভাত গেলবার জন্তে হাঁক পাড়বে, ভাল করে চানই হবে না।”

কথাটা মিথ্যা নয়, জলে পড়লে সহজে আশ মিটতে চায় না এদের! সঁাতার দিতে দিতে হাঁপিয়ে না পড়া পর্যন্ত ‘ভাল করে চান’ হয় না।

“চ” বলে উঠে পড়ে পুণি, কিন্তু নেড়ুর সঙ্গে চোখে চোখে একটা ইশারা হয়ে যায় তার।

কিন্তু না, অসদভিপ্রায় ছিল না তাদের, ‘বলে দেওয়া’র মনোভাবও ছিল না আর। সত্যর গুণপনা সমাজে প্রকাশ করে সকলকে চমৎকৃত করে দেওয়াই উদ্দেশ্য ছিল।

সত্য যে তাদেরই একজন।

সত্যর মহিমায় তো তাদেরই মহিমা।

কিন্তু সদভিপ্রায়ের ফল কি সব সময় সুস্বাদু হয়?

হয় না।

হয় না, সেইটাই আর একবার প্রমাণিত হয়ে গেল নেড়ুর সত্যোদ্ঘাটনে।

হলস্থল পড়ে গেল অনন্দ-বাড়িতে।

প্রচ্ছন্ন বহিতে লাগল রামকালীর মেয়েকে আশকারা দেওয়ার সমালোচনা, আর প্রত্যক্ষে ছিছিকার পড়তে লাগল সত্যর বুকের পাটার।

ও কি ভেবেছে স্বপ্নরঘর করতে হবে না ওকে?

“করতে হবেও না”, শিবজায়া তীক্ষ্ণকণ্ঠে বলেন, “স্বপ্নররা টের পেলে উদ্দিষ্টে হাতজোড় করে ত্যাগ করবে ও বৌকে।”

মোক্ষদা বলেন, “হারামজাদী যখনই জটার নামে ছড়া বেঁধেছিল, তখনই সন্দ হয়েছিল আমার। এখন বুঝছি।”

রাস্তুর মা কোন দিনই কোন কথায় বড় থাকে না, কাজের পাহাড় নিয়েই কাটায় সারা দিন, কিন্তু আজকের এই অপরাধের আবিষ্কার নাকি স্বয়ং তারই পুত্ররত্ন, তাই বোধ করি কিছুটা দাবি অহুভব করে কথা বলার।

আশ্বে আশ্বে বলে, “একে তো ঘরের একটা বৌ যা নয় তাই কেলেকারি করে গালে-মুখে চুনকালি দিয়ে, জন্মের শোধ লোকের কাছে হেয় করে রেখে গেল, আবার ঘরের মেয়েরাও যদি যা ইচ্ছে তাই করতে থাকে—”

কথা শেষ করে না রাস্তুর মা, শুধু দুটো পাতকই যে একই গর্হিতের পর্যায়ে পড়ে সেইটুকুরই ইশারা দেয়।

কাঠ হয়ে থাকিয়ে থাকে ভুবনেশ্বরী।

শুধু কাশীশ্বরই নীরব। তাঁর আর মুখ নেই।

সমালোচনার উদ্যমতা কিছুটা স্তিমিত হলে দীনতারিণী প্রায় মিনতির ভঙ্গীতে বলেন, “যাক গে বাবা, ওই নিয়ে আর বেশী কথা কথিতে কাজ নেই সেজ্ঞাকুরঝি। প্রবাদে বলে কথা কানে হাঁটে। কোন হুত্রে কার দ্বারা চালিত হয়ে কুটুমবাড়ির কানে উঠবে, হয়তো সেই নিয়ে কি বিপত্তি বাধবে কে বলতে পারে। একে তো—”

দীনতারিণীও কথায় একটা অকল্পিত সম্ভাবনা উহ রেখে টেনে ছেড়ে দেন।

কাশীশ্বরীর সামনে আর শঙ্করীর কথা স্পষ্ট করে তোলেন না।

তবু মোক্ষদা উচ চীৎকারে ভবিষ্যদ্বাণী করতে ছাড়েন না, “সে তুমি যতই সাবধান হও বড়বোঁ, আমি এই আগুবাড়িয়ে বলে দিচ্ছি, ও মেয়ের কপালে অশেষ দুঃখ আছে। আজ নয় তুমি আমি চেপে গেলাম, কিন্তু ওকে নিয়ে যারা ঘর করবে, তাদের কি আর গুণ বুঝতে বাকী থাকবে? হবে না তো কি, বাপে শাসন না করলে কি আর বেয়াড়া মেয়ে-ছেলে শায়ের্তা হয়?”

দীনতারিণী অকূলের কূল হিসেবে শ্রিয়মানভাবে বলেন, “তা, তুমি না হয় রামকালীকে বুঝিয়ে বলো?”

“রক্ষে করো বড়বোঁ! আমি আর হয় হতে চাই না। আমি লাগাতে যাব, আর তিনি মেয়েকে শাসন তো দূরের কথা, উল্টে আরও আশকারা দেবেন।”

অগত্যাই দিশেহারী দীনতারিণী ভুবনেশ্বরীর প্রতিই দৃষ্টিক্ষেপ করেন, “তা তুমিও তো সময়ান্তরে যখন তার মনমেজাজ ঠাণ্ডা দেখবে, একটু বুঝিয়ে বলতে পার মেজবোঁমা? সত্যিই যে মেয়ে তোমার স্বেচ্ছাচারী হয়ে উঠছে। পরের ঘরে পাঠাতে তো হবে?”

ভুবনেশ্বরী অবশ্য এ কথার কোন উত্তর দেয় না। দেওয়া সম্ভবও নয় তার পক্ষে। যদিও তার মেয়ের বিয়ে হয়ে গেছে, তবু গুরুজনের সমক্ষে স্বামী সম্পর্কে উল্লেখই যে যারপরনাই লজ্জাজনক। ভুবনেশ্বরী যে রামকালীর সঙ্গে কথা কয়, এত বড় লজ্জার কথাটা শান্তড়ী এই লোকসমাঙ্গে প্রকাশই বা করে বললেন কেন? ছি ছি!

লজ্জা প্রতিকারের আর কিছু না দেখে মাথার ঘোমটাটাই আরও খানিকটা বাড়িয়ে দিয়ে মাথা হেঁট করে ভুবনেশ্বরী।

তা মাথাটা আর ভুবনেশ্বরী উঁচু করতে পার কখন ?

স্বামীকেও যে তার বড় ভয়।

তবু বড়ই চিন্তাগ্রস্ত হচ্ছে সে মেয়ের ভবিষ্যৎ ভেবে। অহরহ সকলেই যে বলছে—‘ও মেয়ে স্বশুরঘর করতে পারবে না।’

আসামী এক, বিচারকও এক, শুধু কাঠগড়া আর অভিযোক্তা আলাদা।

তবে আসামীকে প্রথমেই হাজির করে না ভুবনেশ্বরী, তাকে শাসিয়ে রেখে এসে, অনেক কোশলে ভয়ানক একটা দুঃসাহসিক চেষ্টায় দিনের বেলা একবার স্বামীর সঙ্গে দেখা করার সুযোগ যোগাড় করে ফেলে সে। রামকালী যখন মধ্যাহ্ন বিশ্রাম করছেন, সেই সময় কাছে এসে ঘোমটা দিয়ে দাঁড়ায়।

রামকালী ঈষৎ আশ্চর্য হয়ে বলেন, “কিছু বলবে ?”

স্বামীর স্নেহকোমল সুরে সহসা চোখে জল এসে যায় ভুবনেশ্বরীর, উত্তর দিতে পারে না, শুধু ঘোমটাটা একটু কমায়।

“কি হল ?” রামকালী মৃদু কণ্ঠে বলে, “বাপের বাড়ি যেতে ইচ্ছে হচ্ছে ?”

“না।” ভুবনেশ্বরী মাথা নেড়ে বাষ্পরুদ্ধস্বরে বলে, “বলছি সত্যর কথা।”

“সত্যর কথা! কেন ?” আর একটু হাসেন রামকালী, “আবার কি মহা অপরাধ করে বসল সে ?”

“করছেই তো সব সময়,” অভিমানের আবেগে কথায় জোর আসে ভুবনেশ্বরীর, “তুমি তো সবই হেসে ওড়াও। কথা শুনতে হয় আমাকেই।”

“বাজে কথা গান্নে মাখতে নেই মেজবোঁ।”

“বাজে ? মেয়ে কি করেছে শুনলে আর—”

“কি করেছে ?”

“লিখেছে।”

“লিখেছে ! লিখেছে কি ?”

“তা জানি না। নেড়ুর তালপাতে কি সব বইয়ের কথা লিখেছে। আবার নাকি আসপদ্দা করে বলেছে আরও অনেক লিখতে পারে। বুকের পাটা কত, বাগান থেকে তালপাতা কুড়িয়ে শরকাটি যোগাড় করে পুঁইমেটুলির রস দিয়ে লেখা লিখেছে !

এর পর রামকালী চমৎকৃত না হয়ে পারেন না। বলেন, “তাই নাকি ? গুরুমশাইটি কে ? নেড়ুই নাকি ?”

“নেড়ু ? নেড়ু বলেছে সাতজন্য চেষ্টা করলেও নাকি অমন হরক সে লিখতে পারবে না।”

“বটে ! কই তাকে একবার ডাক তো দেখি।”

আসামী পাশের ঘরেই অবস্থান করছে, ভুবনেশ্বরী তাকে চোখ রাড়িয়ে বসিয়ে রেখে এসেছে।

স্বামীকে যে খুব বেশী দুশ্চিন্তিত করতে পেরেছে ভুবনেশ্বরীর এমন ভরসা হয় না, শাস্তির মাত্রা কি আর তেমন গুরু হবে ? অথচ লঘু শাস্তিতে কাজ হবে বলে মনে হয় না, কারণ সত্যর ভাব যথারীতি অনমনীয়। তাই স্বামীকে একটু তাতিয়ে তোলবার আশায় বলে, “ডাকছি, বেশ ভাল করে শাসন করে দিও। শুধু যে আসপদার কাজ করেছে তাও তো নয়, আলাত পালাত কত সব উদ্ধ করেছে। ‘কলকাতায় নাকি অনেক মেয়েমানুষ আজকাল লেখাপড়া শিখছে, তাদের তো কই চোখ কানা হচ্ছে না, বিত্তের দেবী মা সরস্বতীই তো নিজেকে মেয়েমানুষ’ এই সব বাচালতা। তুমি একটু উচিত শিক্ষা দিয়ে বকবে মেয়েকে, বুঝলে ?”

শেষাংশে মিনতি করে পড়ে ভুবনেশ্বরীর কণ্ঠে।

সরে গিয়ে পাশের ঘর থেকে ইশারায় ডাকে মেয়েকে। স্বামীর সামনে তো আর গলা খুলতে পারে না।

সত্য এসে হেটমুণ্ডে দাঁড়ায়।

কাঠগড়ায় এসে দাঁড়াবার সময় এটাই পদ্ধতি সত্যর। উত্তরদানকালে মুখ তোলে।

রামকালী প্রথমটায় একটুও অন্তত ধমক দেবেন এ আশা ছিল ভুবনেশ্বরীর, কিন্তু তিনি তাকে হতাশ করলেন। ভাবলেশশূন্য কণ্ঠে সহজভাবে বললেন, “তুমি নাকি লিখতে শিখেছ ?”

মুখটা অবশ্য একটু পাংশু হল সভ্যবতীর।

“কই, কি লিখেছ দেখি ?”

অক্ষুটে যা উত্তর দেয় সত্য তার অর্থ এই—অপরাধের পর আর সেই অপরাধের চিহ্ন সম্পর্কে সে ওয়াকিবহাল নয়। নেড়ু জানে।

“আচ্ছা ঠিক আছে। আবার লিখতে পার ?”

সত্যবতী মুখ তুলে তাকায়।

কই বাপের চোখে তো রক্তরোষের চিহ্ন নেই। তবে বোধ হয় ভেমন রাগ করেন নি। তাই এবার সম্মতিসূচক ঘাড় নাড়ে সত্য।

“আচ্ছা কই লেখো দিকি।”

হাত বাড়িয়ে চৌকির পাশে অবস্থিত জলচৌকিতে রক্ষিত দোয়াত কলম ও খসখসে একখানা বালির কাগজ টেনে নেন রামকালী, বলেন, “লেখো। যা শিখেছ লেখো।”

এ কী! এ যে হিতে বিপরীত!

ধমক চুলোয় যাক, মেয়ের হাতে আবার কাগজ কলম তুলে দিচ্ছেন রামকালী!

ভুবনেশ্বরী কি ডুকরে কেঁদে উঠবে, না নিষ্পন্দ চিত্তে অপেক্ষা করবে নাটকের শেষ দৃশ্যের জন্তে?

অবশ্য এমনও হতে পারে, যাচাই করে দেখছেন নেড়ুর কথার সত্যতা।

সত্যি, আগাগোড়া ব্যাপারে নেড়ুর চানাকিও তো হতে পারে।

কিন্তু তাই কি? হতচ্ছাড়া মেয়ে তো অস্বীকারও করছে না!

ততক্ষণে সত্য ঘাড় গুঁজে দু-তিনটি শব্দ লিখে ফেলেছে। অবশ্য তালপাতার নিয়মে অধিক জোর প্রয়োগে কাগজগাত্রে সামান্য সামান্য ক্ষতের সৃষ্টি হল, কিন্তু লেখা হল।

রামকালী সেটা ঘুরিয়ে ফিরিয়ে বারকয়েক দেখে কোনও মন্তব্য না করে শাস্তভাবে বলেন, “কলকাতায় অনেক মেয়ে লেখাপড়া করছে, একথা তোমার কে বললে?”

“ছোটমামী।”

“তাই নাকি?—তিনি কোথা থেকে—ও তিনি যে কলকাতারই মেয়ে! তাই না?”

এ উদ্দেশ্যটা ভুবনেশ্বরীকে। কিন্তু ভুবনেশ্বরী তো আর অত বড় মেয়ের সামনে গলা খুলে কথা বলতে পারে না, ঘাড় কাত করে সাব্দ দেয়।

“তা তিনি জানেন লেখাপড়া? তোমার মামী?”

“একটু একটু জানেন। বেশী করে কবে আর শিখতে পেল বেচারী? শুধু বলছিল, একজন মেম নাকি দিলী ইঙ্কল খুলেছে, আর একজন

সায়ের বিলিতি ইঞ্চুল খুলে দিয়েছে, কলকাতার মেয়েরা আর মুখ্য থাকবে না।”

“মেয়েদের লেখাপড়া শিখে লাভ কি? তারা কি নায়ের গোমস্তা হবে?”

সকৌতুক হান্তে মেয়েকে প্রশ্ন করেন রামকালী।

এবার সত্যবতীর তেজের পালা।

সব সইতে পারে সে, সইতে পারে না ব্যঙ্গ।

“নায়ের গোমস্তা হতে যাবে কেন? লেখাপড়া শিখে নিজেকে নিজের রামায়ণ মহাভারত পুরাণ বই-টাই পড়তে পারে তো? কবে কথকঠাকুর কোথায় পড়বেন বলে অপিক্ষে করে থাকতে হয় না।”

মেয়ের এই ক্রুদ্ধমূর্তি আর সগর্ব উক্তি কি রাগকালীর খুশির খোরাক হয়? তাই আরও একটু উত্তপ্ত করতে চান তাকে?

“তা মেয়েমানুষের এত বেদপুরাণ জানবার দরকারই বা কি?”

এবার সত্যবতী স্থান পাত্র বিস্মৃত হয়ে নিজমূর্তি ধরে, “এত যদি দরকারের কথা, তো মেয়েমানুষের জন্মবারই বা দরকার কি, তাই বল তো বাবা শুনি একবার?”

মেয়ের এই হুঃসাহসে ভুবনেশ্বরীর বুক থর থর করে, অত বড় মানুষটার মুখে মুখে এতখানি চোপা!

হবে না, হবে না—এ মেয়ের ককখনো স্বপ্নরবাড়ি ঘর করা হবে না।

কিন্তু ভুবনেশ্বরীকে চমকে দিয়ে সহসা হেসে ওঠেন রামকালী, বেশ সশব্দেই।

তার পর মেয়ের দিকে তাকিয়ে বলেন, “তুমি লেখাপড়া শিখতে চাও?”

“চাই তো, পাচ্ছি কোথায়?”

“ধরো যদি পাও?”

“তা হলে রাতদিন লেখাপড়া করব।”

“অটটা করতে হবে না। নিয়ম করে কিছুক্ষণ পড়লেই হবে। কাল থেকে দুপুরবেলা এই সময় আমার কাছে পড়বে।”

“পড়বে!”

ভুবনেশ্বরী আর কথা না বলে পারে না।

“হ্যাঁ, পড়বে লিখবে। পুঁইমেটলির কালি দিয়ে নয়, সত্যিকার দোয়াত কলমই দেব ওকে।”

“বাবা!”

সত্যর মুখ দিয়ে মাত্র এই ছুটি অক্ষর সম্বলিত শব্দটা বেরোয়। আর ভুবনেশ্বরীর হুচোখে জীবণ নামে।

সোনো

বসেছে কাব্যপাঠের আসর।

ঋতুরঙ্গ কাব্য! ‘বর্ষাখণ্ড’ শেষ করে প্রকৃতিদেবী সবেমাত্র “শরৎখণ্ডের” মলাটখানি খুলে ধরেছেন, এখনও তার ভিতরের শ্লোক পড়তে বাকী। এখনও কাশের বনে বনে গুরু হয় নি ঋতুচ্যামরের বাজনীরতি, শুধু ভোরের বাতাসে লেগেছে অকারণ পুলকের স্পন্দন। শুধু আকাশের নীলে দর্পণের স্বচ্ছতা, পাখীদের ‘শিমে’ উল্লাসের তীক্ষ্ণতা। দেবী অনন্তকাল ধরে একই কাব্য আবৃত্তি করে চলেছেন, শেষ লাইনের পরই আবার গোড়ার লাইন, তবু সে কাব্য পুরনো হয়ে যায় নি, পুরনো হয়ে যায় না। অনন্তকালের মাহুঘের কাছে বয়ে নিয়ে আসে আশার বাণী, প্রত্যাশার স্বপ্ন, উৎসাহের সুর।

উৎসাহের জোয়ার লেগেছে বাংলার গ্রামে গ্রামে। প্রতীক্ষার উৎসাহ।

“মা দুর্গা আসছেন।”

‘আসছেন বাপের বাড়ি। কৈলাস থেকে মর্ত্যলোকে।’ এ কথা গল্পকথা নয়, বাংলার অন্তরের সত্য বিশ্বাসের কথা। বৎসরান্তে মা মাতুরূপ আর কণ্ঠারূপের সমন্বয় সাধন করে নেমে আসেন মাটি-মায়ের কোলে, এসে মায়ের কাছে সুখদুঃখের কথা কন, বিদায়কালে চোখের জল ফেলেন, এ কথা কি অবিশ্বাসের? দেবতার সঙ্গে আত্মীয়তার বন্ধন পাতিয়ে, দেবতাকে ঘরের লোক করে নিয়েই তো বাঙালীর ঘরকন্যা। তাই তারা শিবের বিয়ে দেয়, ইতু-মনসার ‘সাধ’ দেয়, ভাট্টকে সোহাগ করে, আর পার্বতীকে পতিগৃহে পাঠাতে চোখের জলে বুক ভাসায়। আর সবাই তবু দেবদেবী, উমা যে একেবারে ঘরের মেয়ে। মহিমায় তাঁর সহস্রনাম থাক, আসল নাম যে সেই উমা নামটি। শরৎ পড়তেই ভিখারী বৈষ্ণবরা সেই কথা স্মরণ করিয়ে দিয়ে

যায় খঞ্জরীর তালে তালে। “আর মা উমাশশী, নিরখি মুখশশী, দিবানিশি আছি আসার আশায়।”

হয়তো একটি গ্রামে একটি মাত্র ভাগ্যবানের বাড়িতেই কলারূপিণী জগন্মাতার পদার্পণ ঘটবে, কিন্তু গ্রামের প্রতিটি ঘরের অন্তরবীণায় বাজছে আগমনীর সুর।

এবারে আশ্বিনের প্রথম দিকেই পূজা, তাই ভাদ্র পড়তে পড়তেই ‘সাজ সাজ’ রব। সংসারের নিত্য রান্না খাওয়া বাদে অল্প সব কিছুতেই যে করা চাই মাসখানেকের মত আয়োজন। পূজোর মাসে তো আর কেউ মুড়ি ভাজবে না, চিঁড়ে কুটবে না, মুড়কি মাখবে না, পক্কান বাধবে না, মেটে ঘরের দেয়াল নিকোবে না? এমন কি সলতে পাকানো, সুপুরি কাটা, নারকেল কাঠি চাঁছা, সবই সেরে রাখতে হবে দেবীপক্ষ পড়ার আগে। কোজাগরীর পর আবার এ সব কাজে হাত, আবাব কাঁথায় ফোঁড় তোলা, আর তার সঙ্গে সন্ত-বিগত উৎসবের স্মৃতি রোমন্থন।

ভাদ্র মাসে শুধু যে আগমনীর প্রস্তুতি তাও তো নয়, বধার পর যে অনেক কাজ এসে জোটে গেরস্তর মেয়েদের। স্যাঁৎসেতে বিছানা কাঁথা, তোরঙ্গে তোলা কাপড় চাদর, ভাঁড়ারের সম্বচ্ছরের মজুত বড়ি আচার, মশলাপাতি, ডাল কড়াই, সব কিছুকে টেনে ভাহুরে রোদ খাওয়ানো তো কম কাজ নয়।

ভুবনেশ্বরীর মা নেই, ভাজেরাই সংসারের গিন্নী, কদিন থেকে দুপুর ভোর এই কর্মকাণ্ড নিয়ে হিমশিম খাচ্ছে তারা। আজ পড়েছে নাড়ু নিয়ে। হাঁড়িভর্তি মুগের নাড়ু, নারকেলের নাড়ু করে মাচায় তুলে রাখতে পারলে মাসখানেকের মত ‘জলপানের’ দ্বায়ে নিশ্চিন্দ। আর পূজোর মাসে ছেলপুলের পাতে দুটো ভালমন্দ দিতেও হয়। ভুবনেশ্বরীর বড় ভাজ নিভাননী জোর হাতে নারকেল কুরছিল আর ছোট ভাজ সুকুমারী জাঁতা ঘুরিয়ে মুগ ভাঙছিল, হঠাৎ উঠানের দরজার শিকলি নড়ে উঠল।

“এই দেখ কাজের গুরু কামাই” নিভাননী নিচু গলায় বলে, “কে আবার এখন বেড়াতে এল কাজ পণ্ড করতে! নে ছোট বোঁ, ওঠ, হুয়ার খোল।”

সুকুমারীর অবস্থা মনোভাবটা ঠিক বড় জায়ের সমর্থক নয়, একঘেয়ে কাজ করতে করতে বাইরের হাওয়া একটু ভালই লাগে তার। নিভাননী যদি একটু গল্প-গাছা করতে জানে, মুখ বুজে খালি কাজ আর কাজ!

দরজা খুলেই স্নকুমারী উল্লাসধ্বনি করে ওঠে, “ওমা কি আশ্চর্য, পূবের স্থিতি কি পশ্চিমে উঠেছে আজ, না যার মুখ কখনও দেখি নি তার মুখ দেখে ঘুম থেকে উঠেছি?”

এ হেন সংলাপে নিভাননীও ব্যাজার মুখ কোঁতুহলে সরস হয়, সে মুখ বাড়িয়ে বলে, “কে এলো গো, কার সঙ্গে এত রসের কথা?”

“এই যে ডুমুরের ফুল, ঠাকুরঝি।” বলে স্নকুমারী তাড়াতাড়ি ননদের পা ধোবার জল আনতে ছোটে। ভুবনেশ্বরী মুখের ঘোমটা নামিয়ে দাওয়ার বসে পড়ে ধুলো পা ঝুলিয়ে। ভাদ্রের কড়া রোদে তার কপা মুখটা লাল টকটকে হয়ে উঠেছে, ঘোমটা দেওয়ার দরুন চুলের গোড়ায় আর গলার খাঁজে ঘাম গড়াচ্ছে।

এমন করে ভররোদে হেঁটে আসা ভুবনেশ্বরীর পক্ষে সত্যিই অভাণীয় ঘটনা। একে তো আসাই তার কম, তা ছাড়া যদি আসার বাসনা প্রকাশ করে, পালকি করে পাঠিয়ে দেন রামকালী। যদিও এর জন্তে বাড়ির আর পাঁচজন ঠেস-টিটকির দিতে ছাড়ে না, পাড়ার সমবয়সী বোঁরা বলে ‘বাদশার বেগম’, তবু রামকালীর নির্দেশ মেনে চলতেই হয়।

কিন্তু আজ ব্যাপারটা কি?

পা ধোবার জল আর গামছা এগিয়ে দিয়ে একখানা ঝালর-বসানো হাতপাখা নিয়ে ননদকে বাতাস করতে থাকে স্নকুমারী। একে তো গুরুজন, তার আবার বড়ঘরের ঘরনী।

“কার সঙ্গে এলে?” নিভাননী প্রশ্ন করে।

ভুবনেশ্বরী কিন্তু সে কথার উত্তরের আগেই বলে ওঠে, “পাখায় ঝালর বসিয়েছে কে গো?”

“কে আবার, ছোটগিন্নী!” নিভাননী অগ্রাহ্যে মুখ ঝাঁকিয়ে বলে, “রাতদিন যিনি সংসারের সর্ব্বতোতে বাহার কাটছেন!”

স্নকুমারীর মুখটা চুন হয়ে যায়, ভুবনেশ্বরী তাড়াতাড়ি বলে, “তা বাহার কাটা তো ভালই, কেমন খাসা দেখাচ্ছে!”

“হোক গে,” নিভাননী আর একবার মুখ ঝাঁকায়, “এখন অবধি তো গাই দোয়াতে শিখল না, কুলো পাছড়াতে পারল না। টেকশালে গিয়ে ঝালর, যদি দেখ তো বুঝবে। না পারে ‘পাড়’ দিতে, না পারে হাতে-পাঙে নেড়ে দিতে, পাড়া-পড়শীকে তোয়াজ করে ডেকে এনে কাজ উদ্ধার করতে

হয়। আসল কাজ চুলোর দিয়ে ভাঁড়ারের হাঁড়ি-কলসীর গায়ে চিত্তির কেটে, শিকের দড়িতে কড়ির থোপনা গেঁথে, আর পাখার ঘাড়ে শালুর ঝালর ঝুলিয়ে গেরস্তর সগুগের সিঁড়ি হবে!”

ভুবনেশ্বরী দেখে হিতে বিপরীত, এই সূত্র ধরে নিভাননী আরও কোথায় গিয়ে পৌঁছবে কে জানে। তা হলে তো আসল কাজই মাটি। ছোট ভাজকেই যে আজ তার দরকার। তবু ভুবনেশ্বরী আবার একটা তুল চালই করে বসে। বসে এইজন্তেই যে নিচুতলাদের নিন্দাবাদ করে ওপরওয়ালাদের প্রসন্ন রাখার যে চিরন্তন কৌশল, সে কৌশলটা তার ভাল আয়ত্তে নেই বলেই। নিজের বাড়িতে তো সেই ভয়ে সে কথাই কম না সহজে। দেখে ঘোমটা আর নীরবতা অনেক বিপদের রক্ষক। কিন্তু এটা নাকি ভুবনেশ্বরীর বাপের বাড়ি, তাই সাহসে ভর করে বলে বসে, “কেন বাপু, এই তো বেশ ডাল ভাঙছে। মুড়ি ভাজতেও পারে। অত বড় একখানা শহরের মেয়ে, আর কত পারবে?”

“তা বটে!” নিভাননী একটি উত্তপ্ত নিশ্বাস ফেলে বলে, “শহর কখনও চোখে দেখি নি, তার মন্ত্রণ জানি নে। ঘর-সংসারই বুঝি, আর বুঝি মেয়েমানুষের সেখানে হেরে গেলে লজ্জায় মাথাকাটা যায়।...বসো একটু, গুড়ের পানা করে আনি, রোদে এসেছ।”

রোদের সময় ঘরে কিছু না থাক, আখের গুড় জলে গুলে তাতে পাতিলেবুর রস মিশিয়ে খাওয়ার রেওয়াজ এদিকে আছে, নিভাননীর মগজে সেই সহজটাই আসে। কিন্তু স্কুয়ারীর ওই গুড়ের পানা জিনিসটায় বিষম বিতৃষ্ণা, তাই সে বড়জায়ের ওপর কথা-কওয়া রূপ অসমসাহসিক কাজটাও করে বসে ননদের প্রতি সমীহে। সংকোচে বলে ফেলে, “কেন দিদি, ‘মিছরি-নারকেল’ গাছের ডাব তো পাড়ানো রয়েছে ঘরে।”

রয়েছে সেটা নিভাননীর মনে ছিল না, কিন্তু মনে পড়িয়ে দেওয়ার অপদেষ্ট্র একশেষ হয়ে যায় সে। কে জানে ননদ মনে করল কিনা, ইচ্ছে করেই ডাবের কথাটা বিশ্বৃত হয়েছে সে। এই ছোট বোঁটা দেখতে ভালমাসুখ হলে কি হবে, টিপে ডান। কিন্তু এক্ষেত্রে নিভাননীকে মনের রাগ মনে চেপে হাসতেই হয়। হেসে বলতেই হয়, “অই দেখ, ভাগ্যিস মনে করলি ছোটবোঁ! আমার অমনিতির তুলো মনই হয়েছে আজকাল, বুঝলে ঠাকুরঝি! ঠাকুরজামাইয়ের কাছ থেকে এবার একটা

সিঁতিশক্তির ওষুদ খেতে হবে। ...যা তবে ছোটবোঁ, দুটো ডাব কেটে আন গো।”

“আহা কেন ব্যস্ত হচ্ছে বড়বোঁ?” ভুবনেশ্বরী অকারণে গলা নামিয়ে বলে, “আমি এসেছি বিশেষ একটা দরকারে পড়ে, এখুনি চলে যেতে হবে।”

“ওমা শোন কথা! এখুনি চলে যেতে হবে কি গো? কি এমন বিশেষ দরকার পড়ল? এলেই বা কার সঙ্গে, যাবেই বা কার সঙ্গে? একা নাকি?”

“একা?” ভুবনেশ্বরী হেসে ওঠে, “সে আর এ কাটামোয় হবে না। এসেছি পিসশাশুড়ীর সঙ্গে। দুয়ের থেকে আমাদেরকে ছেড়ে দিয়ে গেলেন, আবার কিরতি মুখে ডেকে নিয়ে যাবেন। চুপিসাড়ে চলে এসেছি, ঘরে কেউ জানে না।”

“ঠাকুরজামাই?” নিভাননী রহস্যের হাসি হাসে।

ভুবনেশ্বরী নিভাননীর ঠাকুরজামাইয়ের প্রসঙ্গেই মাথার কাপড়টা একটু টেনে বলে, “তিনি তো ভিন্ গাঁয়ে গেছেন রুগী দেখতে, নইলে আর এত বুকের পাটা! নিতান্ত কারে পড়েই আসা, পিসশাশুড়ী সহায়ের বাড়ি আসছেন শুনে খুব কাকুতি করলাম, বলি, ‘ওই পথ দিয়েই তো যাবে পিসীমা!’ তা সেদিকে ভাল আছেন মানুষটা, কেউ শরণ নিলে তাকে বুক দিয়ে আগলান।”

“তা কাজটা কি?”

এবার ভুবনেশ্বরী খতমত খায়, কাজটা কি, সেটা নিভাননীর সামনে বলা সম্ভব কিনা এতক্ষণে খেয়াল হয়। আসলে এসেছে সে স্নকুমারীর কাছে একখণ্ড লেখা কাগজ নিয়ে, যে কাগজের হিজিবিজি রেখাগুলো এক দুর্বোধ্য জকুটি হেনে তার দিকে ক্রমাগত তাকিয়ে আছে আজ কদিন থেকে।

সত্যবতীর লেখা একখণ্ড কাগজ!

জিনিসটা ভুবনেশ্বরীকে ভাবিয়ে তুলেছে। ঘরের কোণে ঘাড় গুঁজে লিখছিল সত্যবতী, হঠাৎ বুঝি পূজোর দালানে কুমোর এল এই বার্তা পেয়ে ছুটে চলে গিয়েছিল নেড়ু পুণ্ডি আর আরও কুচোকাচাদের সঙ্গে, কাগজখানা চৌকিতে পাতা শেতলপাটির তলায় গুঁজে রেখে। ভুবনেশ্বরী কোঁতুলপদবশ হয়ে পাটিট ঈষৎ উঁচু করে তুলে দেখতে গিয়েছিল কেমন আখর সত্যর হাতের, কিন্তু দেখতে গিয়েই স্তম্ভিত হয়ে গেল, গোটা গোটা আখরে ঠিক পঙ্খর ছাঁদে এ কী লিখছিল সত্য?

নকল করছিল?

কিন্তু নকল করবে যদি তো সামনে বই গোলা ছিল কই? সর্বশেষে মেয়ে নিজেই পরার বাঁধছে নাকি? ভয়ে বৃকের রক্ত হিম হয়ে গিয়েছিল ভুবনেশ্বরীর। কিন্তু কাকে দেখিয়ে রহস্যের মীমাংসা হবে?

রামকালীকে তার বড় ভয়।

রাসুকে বলতে গেলে পাঁচকান হবার সম্ভাবনা। তা ছাড়া বাড়িতে আর যারা লিখন-পঠনক্ষম, সকলেই তো ভুবনেশ্বরীর স্বপ্ন-ভানুর, ভেবে আর কুলকিনারা পাচ্ছিল না বেচারী। তার পর সহসাই মনে পড়ল স্কুমারীর কথা।

স্কুমারী পড়তে জানে।

বামালটা সরিয়ে ফেলে স্কুমারীর কাছে আসার তাল খুঁজছিল সে দু-তিন দিন থেকে! আড়চোখে দেখেছে, সত্য কখন একসময় শেতলপাটি উটে লগুভগু করে খোঁজাখুঁজি করেছে, আবার ‘ধুতোর’ বলে নতুন কাগজ নিয়ে বসেছে। সে কাগজে আর কোন্ রহস্যের রেখা এঁকেছে সত্য, সে কথা ভুবনেশ্বরীর অজ্ঞাত, জিজ্ঞেস করতে গেলে সত্য মারমুখী হয়। বাড়ির লোকের জালায় যে একদণ্ড নিরিবিলিতে বসবার জো নেই তার, এ কথা স্পষ্ট গলায় ঘোষণা করতে বাধে না সভ্যবতীর।

অতএব এই টুকরোটুকুই ভরসা।

ঘাড় গুঁজে গুঁজে কি এত লেখে সে জানবার জন্তে মায়ের মন নানা কারণেই ব্যাকুল হয়। ব্যাকুল হয় কৌতুহলে, ব্যাকুল হয় আশঙ্কায়।

সত্যকে যে স্বপ্নরবাড়ি যেতে হবে!

হায়, সত্য যদি ভুবনেশ্বরীর মেয়ে না হয়ে ছেলে হত। বাপের উপযুক্তই হত। কিন্তু ভুবনেশ্বরীর কপালে ‘এক তরকারি মূনে বিষ’। একটা সম্ভান তা মেয়ে।

“কি গো ঠাকুরবি, বাক্য-ওক্য নেই কেন?”

নিভাননী অবাক হয়। এত কুণ্ডা কিসের?

গরীব ননদ নয় যে, আশঙ্কা করবে ধার চাইতে এসেছে ভাজের কাছে।

আর চেপে রাখা চলে না, ঢোক গিলে বলতেই হয় ভুবনেশ্বরীকে—
“এসেছিলাম ছোট বোয়ের কাছে, একটা কাগজ পড়ানোর দরকার ছিল।”

“কাগজ!” নিভাননী আকাশ থেকে পড়ে, “কাগজ কিসের? কোন পাঠ্য কোবলা নাকি?”

“না না, ওমা সে কি? সে সব আমি কোথায় পাব? এ ইয়ে—একটু চিঠির মতন।”

“চিঠির মতন! সেটা আবার কি বস্তু ঠাকুরঝি? আর সে পড়ানোর লোক তোমার বাড়ি হাঁটকে একটা পুরুষ বেটাছেলে কাউকে পেলে না, সাতপাড়া ডিঙিয়ে একটা মেয়েমাগীর কাছে পড়াতে এলে? কিছু গোপন রুখি?”

সুকুমারী গিয়েছে ডাব কাটতে। ভুবনেশ্বরী অসহায় ভাবে একবার এদিক ওদিক তাকিয়ে সহসাই দ্বিধা ঝেড়ে ফেলে বলে, “কি যে বলো বড়বৌ, গোপন আবার কি? এই সত্যর একটু লেখা। বলি অষ্টপ্রহর কি এত লেখে বসে দেখি তো। বাড়িতে কাউকে দেখালে রসাতল করবে তো মেয়ে!”

নিভাননীর কানে আসতে বাকী ছিল না—সত্য লেখাপড়া করছে, তবু অজ্ঞের ভানে বলে, “বল কি ঠাকুরঝি, সত্যও কি তার ছোটামাটির মতন লেখাপড়া করছে? কালে কালে হল কি? বলি মেয়ে কি তোমার শামলা এঁটে কাছারি যাবে? সবাই তো তোমার ভাইদের মতন ভালমানুষ নয় যে, যা ইচ্ছে তাই চলে যাবে, শ্বশুররা এ খবর টের পেলে?”

“কি করব বড়বৌ, জানোই তো তোমাদের ননদাইকে, কেমন একজেদী? মেয়ে বললে পড়ব তো পড়ুক। মেয়ে আকাশের চাঁদ চাইলে চাঁদ পেড়ে আনতে যাবেন এমন মানুষ! তাই তো ভাবলাম কি লেখে বসে দেখি। ছেলেবুজ্জি!”

বড় একটা পাথরবাটিতে ডাবের জল নিয়ে এসে দাঁড়াল সুকুমারী।

“ও বাবা কত? এত পারব না ছোটবৌ, তুমি একটু ঢেলে নাও।” বলে ভুবনেশ্বরী।

“খাও না, রোদে এঃসছ।”

“তা হোক, অতটা নয় বাপু।”

অগত্যাই খানিক ঢালাঢালি করতে হল সুকুমারীকে। ভুবনেশ্বরী ইত্যবসরে ব্যাপারটাকে লঘুর পর্যায়ে ফেলবার বুদ্ধিটা এঁচে নিয়েছে, তাই ডাবের জলে চুমুক দিতে দিতে ঝট করে বা হাতের মুঠো থেকে কাগজের টুকরোটা এগিয়ে দিয়ে বলে, “এই নাও বিত্তেবতী বৌ, পড় দিকিন এটা! আমরা তো চোখ থাকতে অন্ধ।”

“জন্ম জন্ম ঘেন অন্ধই থাকি বাবা—” নিভাননী বিষমুখে বলে, “যে জাতের

দশহাত কাপড়ে কাছা নেই, তাদের আবার এত চোখ-কান ফোটার দরকার কি ?” বলে, কিন্তু জিনিসটার ওপর এমন ভাবে ছমড়ে পড়ে, দেখে মনে হয় চোখ-কান থাকলে মুহূর্তে গ্রাস করে ফেলত। ভুবনেশ্বরী যাই বলুক, জিনিসটায় যেন রহস্যের গন্ধ।

সুকুমারী কাগজখানা উল্টে-পাল্টে বলে, “কি এ ?”

“কি তা আমি বলব কেন? তুমি বলো?” কৌতুকের হাসি হাসে ভবনেশ্বরী।

“একটা তো ত্রিপদী ছন্দের দেবীন্দ্রনা দেখছি, কার লেখা? খুব ভাল হাতের লেখা তো?”

‘ত্রিপদী ছন্দ’ শব্দটা বুদ্ধিগ্রাহ্য নয়, কিন্তু ‘দেবীবন্দনা’ কথাটার অর্থ জানা, তাই ভুবনেশ্বরীর বুক থেকে যেন একটা পাহাড় নেমে যায়, তবে জিনিসটা দোষগীষ নয়।

“পড় তো শুনি ?”

স্বকুমারী একটু শঙ্কিত দৃষ্টিতে বড়জায়ের দিকে তাকায়। নিভাননীর সামনে পড়া? তিনি এটাকে কোন্ আলোয় নেবেন? গুরুজনের প্রতি অসম্মাননা? কিন্তু নিভাননীরই অভয় দেয়, “নাও, পড়ই শুনি। হাবা কাল। কানা অঙ্কদের একটু জ্ঞান দাও।”

অতএব শ্রুকারী একটু কেসে একটু ইতস্ততঃ করে পড়ে—

"এসো মা জননী, দুর্গে ত্রিনয়নী,

এসো এসো শিবজায়া,

সন্তানের ঘরে এসো দয়া করে,

মহেশ্বরী মহামায়া !

তোমারে হেরিতে আশাভরা চিতে

রয়েছি আকুল হয়ে,

আসিবে মা তুমি, এই মর্ত্যভূমি,

পুত্র কন্যা সাথে লয়ে ।

একটি বৎসর শূন্য আছে ঘর

তুঃথে আছি নিরবধি,

দিবস রজনী

কবে দিন দেবে—”

“ওমা এ কি, শেষ নেই যে?” স্নুসুমারী অবাক হয়ে বলে, “এ স্তোত্রর কোথায় পেলেন ঠাকুরঝি?”

“আর বল কেন?” ভুবনেশ্বরী কুষ্ঠা দমন করতে হাতপাখাখানা তুলে জোরে জোরে নাড়তে নাড়তে বলে, “সত্যর কীতি। লিখছিল—কুমোর এসে কাঠামো বাঁধছে শুনে ফেলে দিয়ে ছুটে চলে গেল। আমি কুড়িয়ে তুলে—”

“তা নকল করেছে কোথ থেকে?”

সকৌতুহল প্রশ্ন করে স্নুসুমারী।

“নকল করেছে তা মনে হল না ছোটবোঁ”, ভুবনেশ্বরী যাকে বলে ‘দোনা মোনা’ সেই স্নুরে বলে, “ও মুখপুড়ী নিষাস নিজেই বেঁধেছে।”

“কি যে বল ঠাকুরঝি,” স্নুসুমারীর কণ্ঠে অবিশ্বাস, “নিজে বাঁধবে কি? অতটুকু মেয়ে এসব কথার মানে জানে?”

“জানে না কি করে বলি বোঁ, মুখপুড়ী হুকিয়ে হুকিয়ে তোমার নন্দাইয়ের কবরেজী শাস্তুরের বইগুলো পর্যন্ত টেনে পড়তে বসে।”

“সে কথা আলাদা! পারুক না পারুক আশ্বা করে বসে, কিন্তু ছন্দ বেঁধে আখর মিলিয়ে এত বড় একটা স্তোত্রর তৈরি কি সোজা নাকি?”

ছোটবোঁয়ের এই অবিশ্বাসের স্নুর ভুবনেশ্বরীকে ঈষৎ থতমত করছিল, কিন্তু মেঘ উড়িয়ে দিল নিভাননী, যে নিজে এতক্ষণ মুখে আষাঢ়ের মেঘ নামিয়ে ছোটজাঁয়ের ‘অবলীলাক্রমে’র দিকে তাকিয়ে ছিল। স্নুসুমারীর কথা শেষ হতেই হাত নেড়ে বলে উঠল নিভাননী, “তা এতে আর আশ্চর্য্যি হবার কি আছে ছোটবোঁ? ঠাকুরঝি মনে বেদনা পাবে তাই রেখে ঢেকে বলা, ঠাকুরঝির ওই মেয়েটিই কি সোজা? কতদিন আগে ভোঁদার নামে ছড়া বাঁধে নি ও? এ নয় মা হুগগার নামে বেঁধেছে! তবে ভাবনার কথা বটে। ঠাকুর-জামাইয়ের দব্দবাব আমরা দশজনা নয় মুখে চাবি দিয়ে আছি, কিন্তু কুটুম তো তা মানবে না? একবার টের পেলেন—”

কথা শেষ হল না, মোক্ষদার হস্তদস্ত মূর্তি দেখা গেল খোলা দরজার সামনে। “চলে এস মেজবোঁমা, বটপট্ট চলে এস, ওদিকে এক কাণ্ড হয়েছে।”

কাণ্ড হয়েছে!

কী সেই কাণ্ড!

ভুবনেশ্বরী মুখে কথা যোগায় না, হাঁ করে তাকিয়ে থাকে। স্নুসুমারী

তো আগেই ঘোমটা টেনে বসেছে। তবে নিভাননীর কথা আলাদা, এ বাড়ির গিন্নীর পদটা তার, এগিয়ে গিয়ে বলে, “কিসের কাণ্ড মাউই মা?”

“আর ব’লো না বাছা! সইয়ের বাড়িতে বসেছি কি না বসেছি, রাখলা ছোঁড়া ‘রগপা’ নিয়ে গিয়ে হাজির! কি সমাচার? না শীগুগির চল, সত্যর খুন্সর-বাড়ি থেকে লোক এসেছে। ভাগ্যিস দিদিকে বলে এসেছিলাম সইয়ের বাড়ি যাচ্ছি—”

নাঃ, মোক্ষদার কথা শেষ হতে পারে না, সহসা ভুবনেশ্বরী ডুকরে কেঁদে উঠেছে।

“ওমা ও কি! কাঁদছ কেন মেজবোমা? চল চল, অপিস্কের সময় নেই।”

কিন্তু চলবে কে?

ভুবনেশ্বরীর শুধু পা দুখানাই নয় সমস্ত লোমকুপগুলো পর্যন্ত যে অবশ হয়ে গেছে।

সত্যর খুন্সরবাড়ি থেকে লোক!

অতএব আর সন্দেহ কি যে সমস্ত জানাজানি হয়ে গেছে! তা ছাড়া আর কি অর্থ থাকতে পারে এরকম বিনা নোটসে হঠাৎ খুন্সরবাড়ির লোক আসার? কোথায় কে ঘরশ্রুতি বিভীষণ আছে, সে গিয়ে লাগিয়ে দিয়েছে সত্যর ওই মারাত্মক অপরাধের, আর সত্যর বাপের ওই ভয়ানক দুঃসাহসের খবর! এর পর? এর পর আর কি, ভুবনেশ্বরী ভাবতে পারে না, শুধু ডুকরোনোর মাত্রাটা বাড়িয়ে বলে ওঠে, “ওগো পিসীমা গো, তুমি আমাকে এখনে মেরে ফেলে রেখে যাও, বাড়ি অবদি যেতে পারবো না আমি।”

“আহা অধোয্য হচ্ছে কেন মেজবোমা?” মোক্ষদা দেহটাকে প্রায় উল্টো-মুখো ঘুরিয়ে ব্যস্ত কণ্ঠে বললেন, “এখন কি অধোয্যের সময়? একুনি না যেতে পারো, একটু সামলে নিয়ে ভেজের সঙ্গে যেও, আমি চললাম। পা তো আমারও কাঁপছে, কে জানে কী বাত্মা নিয়ে এসেছে! তা বলে কোত্তব্য তো ত্যাগ করা চলে না! আচ্ছা, আমি এগোলাম।”

‘রগপা’ ব্যতীতই রংপায়ের বেগে অদৃশ্য হয়ে যান মোক্ষদা।

ভুবনেশ্বরী যখন নিভাননীর সঙ্গে সন্তর্পণে খিড়িকি দরজা দিয়ে ঢুকল, তখন বাড়ির চেহারা নিখর নিষ্পন্দ!

যেন এইমাত্র কেউ একটা শোক-সংবাদ পাঠিয়েছে!

তা হলে ?

নিভাননী ফিসফিস করে বলে, “বাড়ি এমন থমথমে কেন বল তো ঠাকুরঝি ! মন তো ভাল নিচ্ছে না ! আর পোড়া মনের স্বপ্নই তো কু-কথা গাওয়া ! জামাইয়ের কিছু দুঃসংবাদ নেই তো ?”

আধমরা মানুষটাকে চৌদ্ধ আনা মেরে নিভাননী হুটচিলতে উঠোনে পা দিয়ে এদিক ওদিক তাকায় ।

দালানে কারা যেন নিঃশব্দে জটলা করে বসে রয়েছে, ঘোমটা দিয়ে বোধ করি সারদা ঘোরাঘুরি করছে, ছোট ছেলেমেয়েগুলোর পাত্তা নেই ।

“এসো ঠাকুরঝি উঠে এসো, নিয়তি যা করবে তা তো সইতেই হবে, এখন দেখি গে চল কার কি হল !”

নিভাননী নিজে বুঝতে পারুক না পারুক, তার অবচেতন মনের একটা ফটোগ্রাফ নিতে পারলে সেখানে একটা প্রত্যাশার ছবি দেখতে পাওয়া যেত । জামাইটির ‘কিছু’ হলেই যেন প্রত্যাশাটি পূর্ণ হয় । নন্দাইয়ের দবদবা সেই গহন গভীরে যে একটি অনিবার্ণ দাহ সৃষ্টি করে রেখেছে, সেটাও বুঝি কিঞ্চিৎ শীতল হয় এমন একটা কিছু হলে ।

ভুবনেশ্বরী কিন্তু দাওয়ায় উঠে দালানের চৌকাঠ পার হবার সাহস সঞ্চয় করতে পারে না, উঠোনের পৈঠেতেই বসে পড়ে বলে, “আমার হাত পা উঠছে না বড়বো, তুমি দেখ গে ।”

“শোন কথা ! তুমি এখানে এমন করে বসে থাকলে চলবে কেন ? ভীমের গদা বুক পড়লেও তো বুক পেতে নিতে হবে ঠাকুরঝি !” কণ্ঠস্বর সহাস্বেভূতিতে কোমল হয়ে আসে নিভাননীর, “চল, আমি তোমায় আগলে ধাঁড়াই গে ।”

ভয় যতই তীব্র হোক, ভয়ের আকর্ষণটাও যে ততোধিক তীব্র ! কাজে কাজেই উঠে পড়ে ভুবনেশ্বরী । আস্তে আস্তে দাওয়ায় উঠে দালানের কোণের দিকের একটা জানলায় ঊকি মারে । নিভাননী অবশ্য দরজায়

কিন্তু ব্যাপারটা কি হল ?

‘ভালমন্দ’র মত তো কিছু দেখাচ্ছে না ! অন্ততঃ সত্যর স্বপ্নরবাড়ি থেকে আগত ঝটপুটানী রমণীটির হিসেবে তো মনে হচ্ছে পুরোপুরি ভালই ।

হয় কোনও দাসী, নচেৎ ‘নাপিতমেয়ে’, এ ছাড়া আর কে-ই বা আসবে? যেই হোক, আপাততঃ তাঁর আদরটা প্রায় মহারাণীর মত। ‘জল খাওয়া’তে বসানো হয়েছে তাঁকে, চারিদিকে ঘিরে বসে আছেন দীনতারিণী, কাশীখরী, মোক্ষদা, শিবজায়া, ছোট জ্যোষ্ঠা, তা ছাড়া আঞ্জিতা প্রতিপালিতার ঝাঁক।

সকলের মুখের চেহারাতেই একটি ভক্তি-বিনম্র সমীহ ভাব।

আর মধ্যমণিটির মুখচ্ছবিতে অহংবোধের দৃষ্ট মহিমা! তাঁর সামনে কানা-উঁচু বড়সড় পাথরের খোরা, তার মধ্যস্থলে মন্দিরাকৃতি শুকনো চিঁড়ের স্তূপ, পাশে একটি উঁচু কালো পাথরবাটি ভর্তি দই, এবং সন্নিকটে একখানি আঙঠ কলার পাতে স্থাপিত ছড়াখানেক চাটম কলা, গুণ্ডাচারেক দেদো মণ্ডা, একরাশ ফেনী বাতাসা, এবং ক্ষীরের ছাঁচ, চন্দ্রপুলি, নারকেলনাড়ু, বেগননাড়ু ইত্যাদির বেশ একটি বড় গোছের সম্ভার।

অর্থাৎ ঘরে সংসারে যতপ্রকার মিষ্ট বস্তু ছিল, সব কিছু দিয়ে তুষ্ট করার চেষ্টা চলছে কুটুমবাড়ির নাপতিনীকে।

ইয়া নাপতিনীই।

মালুম হয় দীনতারিণীর কথাতেই। নিতান্ত কাকুতিভরা কণ্ঠে বলছেন তিনি, “আর ছোটোখানি চিঁড়ে দিই না নাপিত-বেয়ান, আর বেয়ানই বা কেন? হিসেবে তো মেয়ে স্ববাদ হচ্ছে, মেয়েই বলি। আর ছোটো চিঁড়ে একেবারে মেখে জ্বল করে নাও মেয়ে, দইয়ে ভিজলে ও আর কটা? সেই কোন্ ভোরে বেরিয়েছ। রোদে একবারে মুখচোখ সিটিয়ে গেছে।”

ভুবনেশ্বরী বোধ করি বিহ্বলতার বশেই জানলা ছাড়তে ভুলে গিয়েছিল, নিম্পলক নেত্রে ঠায় দাঁড়িয়ে তাকিয়েছিল সেই দেবীমূর্তি আর তাঁর নৈবেদ্যের দিকে, হঠাৎ এক সময় পিছনে একটা মৃদুকণ্ঠের আভাসে চমকে ফিরে তাকাল, পিছনে সারদা।

“এখানে দাঁড়িয়ে কেন মেজখুঁড়ীমা?”

“দাঁড়িয়ে কেন? এমনি। ঘরে ঢুকতে পা উঠছে না। ও কেন এসেছে বড় বেয়া?”

“কেন আর?” সারদা অশ্রুত ত্রিস্রমাণ গলায় বলে, “এসেছে মন্ত উদ্বেগ নিয়ে। বৌ নিয়ে যাবার বার্তা পাঠিয়েছেন তাঁরা। আশ্বিন পড়তেই নিয়ে যাবেন বলছে।”

“আগ্নিন পড়তেই ! বলো কি বড়বোমা ! এই কদিন বাদ ?”

“তাই তো বলছে। একেবারে নাকি পুরুত দিয়ে ‘দিন’ দেখিয়ে পাঠিয়েছেন তাঁরা।”

কিছুক্ষণ স্তব্ধ থেকে ভুবনেশ্বরীর বুক ছিঁড়ে একটা প্রশ্ন ওঠে, “সত্য টের পেয়েছে ?”

“তা আর পায় নি ?”

“কি করছে ?”

“তা তো জানি না খুড়ীমা, ভয়ে ডরে ঘরে গিয়ে সঁধিয়েছে বোধ হয় !”

“আমি যে বাড়ি ছিলাম না—এটা কেউ টের পেয়েছে ?”

এবার সারদা একটু সত্য গোপন করে, “বলতে পারছি না মেজখুড়ীমা, বোধ হয় পান নি কেউ। গোলেমাতে ব্যস্ত আছেন সবাই।”

সত্য কথা বলা চলে না।

কারণ অল্পস্থিত ব্যক্তি সম্পর্কে যে ধরনের আলোচনা হয়, সেটা যথাযথ প্রকাশ করলে ‘লাগিয়ে দেওয়া ভাঙিয়ে দেওয়া’র পর্যায়ে পড়ে।

“ব্যস্ত থাকলেই বাঁচন,” ভুবনেশ্বরী আর একটা দীর্ঘশ্বাস-বাক্যে উচ্চারণ করে, “কিন্তু এখন হঠাৎ এ কী বিপদ বড় বোমা ?”

বড়বোমা কিছু বলার আগেই নাপিত-মেয়ের মাজা-ঘষা চাঁচা গলাটি ধ্বনিত হয়, “বাপ বাড়ি নেই বলে মত দিতে ছুতো করছ কেন মাউইমা ? আমি তো আর আজই নে যাচ্ছি না ? আমাকে এ মাসের কটা দিন এখানে থেকে একেবারে আগ্নিনের তেসরা তারিখে নিয়ে যেতে বলছে।”

সন্তোষো

জগতের সমস্ত বিশ্বাসকে কি একটিমাত্র প্রশ্নের মধ্যে প্রকাশ করা যায় ? সেই একটি প্রশ্নের মধ্যেই বিষ্কার দেওয়া যায় জগতের সর্বাপেক্ষা অসহনীয় গুণটাকে ?

আর কারো পক্ষে যাওয়া সম্ভব কি না জানি না, কিন্তু দেখা গেল অন্ততঃ একজনের পক্ষে তা সম্ভব হয়েছে।

বাকুইপুরের বাঁড়ুযো গিন্নীর একটি মাত্র ছোট্ট প্রাণে ধনিত হল বিশ্বের সমস্ত
বিশ্ব আর সমস্ত দিক্কার-বাণী।

“পাঠাল না!”

“না!”

পথশ্রান্ত নাপিত-বো শুধু এই একটি শব্দ উচ্চারণ করে পা ছড়িয়ে বসল।

প্রথম বড় ঢেউয়ের পরবর্তী আর একটি ছোট ঢেউ।

“তুই হার মেনে ফিরে এলি?”

এবার বিশ্ব আর দিক্কারের পালা নাপিত বোয়ের। “শোনো কথা!
তাদের মেয়ে, তারা পাঠালে না, আমি কি তাদের ঘর থেকে মেয়ে কেড়ে নিয়ে
আসব?”

এবার বাঁড়ুযো গিন্নী নিজেই পা ছড়িয়ে বসলেন, হুই জ্ব এক জায়গায় এনে
জড়ো করার চেষ্টা করতে করতে বললেন, “ছুতোটা কী দেখাল?”

“শোনো কথা! ছুতো আবার কিসের, সোজাহুজি মুখের ওপর ঝাড়া
জবাব ‘এখন পাঠাব না’।”

নাপিত বো আঁচল খুলে পানের কোঁটো বার করে।

“একুনি মুখে পান ভরিস নে নাপিত বো, চোন্দ্রবার উঠবি পিক ফেলতে।
আমার কথাগুলোর আগে উত্তর দে। বলি ছুতো যুক্তি কিছু না—শুধু
পাঠাব না?”

“এখন পাঠাব না।”

“তা কখন পাঠাবেন? আমার ছেরাদ্র সময়? আমি যে ভেবে থই
পাচ্ছি নে রে নাপিত বো, মেয়ের বাপের এত বড় বুকুর পাটা! পৃথিবীতে
এখনও চন্দ্র-সুখিয়া উঠছে, না থেমে গেছে? একথা ভেবে বুক কাঁপল না যে,
তোর মেয়েকে যদি তাগ দিই!”

নাপিত বো নিষেধ অগ্রাহ্য করে মুখে পান-দোক্কা পুরে বলে, “বুক কাঁপবে!
হঁঃ! একটা কেন একশটা মেয়েকে ঘরে ঠাই দেবার, ভাত কাপড় দে’
পোষবার ক্ষমতা তাঁদের আছে! লক্ষ্মীমস্তুর ঘর বটে!”

“খুব বুঝি গিলিয়েছে!” বাঁড়ুযো গিন্নী হ্রস্ব ক্রোধকে পরিহাসের ছদ্মবেশ
পরিণে আসরে নামান, “তাই বেয়াই বাড়ির লক্ষ্মীর ঘটায় চোখ বলসেছে!
বলি ঘরে ভাত থাকলেই মেয়ের শশুরবাড়ির আশ্রয় ঘোচাতে হবে? এত বড়
আসপদ্ধার পর আর ওদের মেয়ে আনব আমি?”

“খাওয়ার কথা তুলে খোঁটা দিও নি বামুন বৌদি, তোমাদের আশীর্বাদে নাপিত বোয়ের অমন খাওয়া ঢের জোটে। তবে ই্যা, নজর আছে বটে ! শুধু গয়সা থাকলেই হয় না, নজর থাকা চাই।”

কথাটা অর্থবহ, এবং সে অর্থ বাঁড়ুয়ো গিন্নীর অন্তরে ছুঁচের মত গিয়ে বেঁধে, তবু তিনি নিজেকে সংযত করে বলেন, “তা নজরের পরিচয় কি দেখাল ? বিশ ভরির চন্দরহার গড়িয়ে দিয়েছে তোকে, না কি পঁচিশ ভরির গোটা ?”

“উপহাশির কিছু নেই, যা অনেখ্য তা বললে চলবে কেন ? একজোড়া ফরাসড্যাঙার থান, একখানা কেটে ধুতি আর নগদ পাঁচ টাকা কে দেয় গা কুটুমবাড়ির লোককে ?”

“দেবে না কেন, যারা মেয়ে ঘরে আটকে রেখে দিতে চায়, তারা ঘুষ দিয়ে মুখ বন্ধ করে কুটুমের লোকের। নইলে তুই তাদের যাচ্ছেতাই শুনিয়ে দিয়ে না এসে স্বখেত করছিস বসে বসে ! তোর ওপর আমার ভরসা ছিল, এ তল্লাটে তোর মতন ‘মুখ’ তো কারুর দেখি না, আর তুইই ডোবালা ? বাঘিনী হয়ে মেড়া বনে এলি ?”

“কী যে তকরার করো বামুন বৌদি, মেয়ের বাপ নিজে তফাতে দাঁড়িয়ে গিন্নীকে বলে দিল, ‘মা, কুটুমবাড়ির মেয়েকে বলে দাও, বিয়ের সময় কথা হয়েছিল মেয়ের কুমারীকাল পূর্ণ না হলে স্বস্তরবাড়ি পাঠানো হবে না, সে কথা তাঁরা হয়ত বিস্মরণ হয়ে গেছেন, আমি তো হই নি। সময় হলে যাবে বৈ বি !”

বাঁড়ুয়ো গিন্নী বিবাহকালের শর্ত উল্লেখে ধেই ধেই করে ওঠেন, “কী বললি নাপিত বৌ, বিয়ের কালের শব্দ-সাবুদের কথা তুলেছে ? কথা অমন কত হয়—বলে লাখ কথা নইলে বিয়ে হয় না—বলি তাঁদের চরণে খত লিখে দিয়েছিল কেউ ? আমার ঘরের বৌ আমার যদি আনতে ইচ্ছে হয় ! আচ্ছা আমিও দেখছি কত তাদের আসপন্দা, কত তাদের তেজ। মেয়েকে শুধু ভাত-কাপড় দিলেই যদি সব মিটে যেত, তা হলে আর কেউ তাকে বিয়ে দিয়ে পরগোস্তর করে দিত না, বুঝলি নাপিত বৌ ? আসছে মাসেই বেটার আবার বিয়ে দেব আমি, এই তোকে বলে রাখলাম।”

নাপিত বৌ নিমকহারাম নয়। অনেক খেয়ে অনেক পেয়ে এসেছে, তাই বেজার মুখে বলে, “সে তোমাদের কথা তোমরা বুঝবে, বেয়াই তো পস্তর লিখে দিয়েছে বামুনদাদার নামে, ঝাও রাখো।”

“তুই যে তাক্সব করলি নাপিত বো, এই কদিনে তোকে তুচ্ছ করল না শুণ করল লো! তাই ঘরশত্রুর বিভীষণ হলি! কেবল ওদের কোলে ঝোল টেনে কথা বলছিল! কই, পত্তর কোথা?”

“এই যে” নাপিত বো নিজের গামছার পুঁটলির গিঁট খোলে।

বাঁড়ুয্যে গিন্নীর অবশ্য তৎপরতার অভাব নেই, তিনিও সঙ্গে সঙ্গে পুঁটলির মধ্যে শ্বেদ-দৃষ্টি নিক্ষেপ করে বললেন, “কই, বড়মানুষ কুটুম কী দিয়েছে দেখি।”

একটি ছেঁড়া শ্রাকড়ার পুঁটলি খুলে একখানি দোমড়ানো মোচড়ানো চিঠি বার করে মাটিতে নামিয়ে দিয়ে নাপিত বো প্রাপ্ত সম্পদ দেখায়, “এই কেটে, এই কাপড়ের জোড়া, এই গামছা, আর—”

“ও বাবা আবার নতুন ঘটি কাঁসি দিয়েছে যে দেখছি!” বাঁড়ুয্যে গিন্নী বলেন, “সাধে কি আর বলছি ঘুষ দিয়েছে। তা নাকুর বদলে নরুন নিয়ে ফিরলি তুই! কাঁসিখানা তো দেখছি ভারী পাথরকুচি।”

“তা ভারী আছে! আর কথাবার্তাও ভাল। বাড়িমুন্সু গিন্নীরা যেন আমায় হাতে রাখে কি মাথায় রাখে। সে তুমি যাই বলো বামুন বোদি, কুটুম তোমার খুব ভাল হয়েছে। অমন কুটুমের সঙ্গে অসসরস করলে তুমিই ঠকবে। তবে গিয়ে বো তোমার, মিছে বলব না, একটু বাচাল।”

বাচাল!

সহসা যেন পাথরে পরিণত হলেন বাঁড়ুয্যে গিন্নী।

“বাচাল! আর সে কথা এতক্ষণ বলছিল না তুই? হবেই তো, বাচাল হবে না? বাপের চালচলন তো বুঝতেই পারছি, পয়সার গরমে ধরাকে সরা দেখেন, মেয়েকে আশকারা দিয়ে দ্বিগী অবতার করে তুলেছেন আর কি! আমিও এলোকেশী বামনী, বাচাল বোকে কেমন করে টীট করতে হয় তা আমার জানা আছে।”

“তা আর জানা থাকবে না?” ঠোঁটকাটা নাপিতবো বলে বসে, “আরও একটা মানুষের মেয়েকে ঘরে পুরে কী হালে রেখেছ তা তো আর কান্ন অজানা নেই। তা এ বোকে আর তুমি টীট করছ কখন, বেটার তো আবার বে দিচ্ছ।”

নাপিত বোয়ের কথায় এবার একটু ভয় খান বাঁড়ুয্যে-গিন্নী এলোকেশী। ও বা মুখকোঁড়, পাড়ায় পাড়ায় সমস্ত রটিয়ে বেড়াবে, হাটে হাঁড়ি ভাঙবে।

বাঁড়ুঘোরা বৌ আনতে পাঠিয়েছিল, বড়মাসুখ বেহাই মেয়ে পাঠায় নি, এ খবর রাষ্ট্র হলে কি আর মাথা হেঁট হবার কিছু বাকী থাকবে? নাপিত বৌকে চটানোটা ঠিক হয় নি। চটায় না ওকে কেউ, চটাতে সাহসই করে না। সকলের হাঁড়ির খবর রাখে, সকল ঘরে যাতায়াত করে, আর সময় অসময়ে নাপিত বৌয়ের শরণ না নিলে কারুর চলে না। যেমন তেজী তেমনি বিশ্বাসী, আর তেমনি জোরমন্ত ডাকবুকো। একটা মদ্যজোয়ানের ধাক্কা ধরে নাপিত বৌ। বৌ মেয়ের শ্বশুরবাড়ি বাপের বাড়ি করতে নাপিত বৌ এ গ্রামের ভরশাস্থল!... চৈতন্য হয় সেটা, এবার তাই আর একবার দৈতো হাসি হাসেন বাঁড়ুঘো গিন্নী, “তবে আর কি, যা দেশ-রাজ্যে রাষ্ট্র করে আয়, আমি আবার বিয়ে দিচ্ছি বেটার! মরণ আর কি, গা জলে যায়! কিন্তু তুইই বল, রাগে মাখার রক্ত চড়ে ওঠে কি না। যাক বিগদ বৃত্তান্ত বল দিকি, তুই কি বললি, তারা কি বলল, মেয়েই বা—”

“সাতকাণ্ড রামায়ণ গাইবার সময় এখন আমার নেই বামুন বৌদি, ছদিন দু রাত পায়ের ওপর, সন্ধ্যা যেন ভেঙে আসছে। ঘরে যাই এখন।”

“ঘরে আর যাবি কেন”, বাঁড়ুঘো গিন্নী নিশ্চিন্ত ভাবে বলেন, “এখানেই নয় ছটো—”

“না বাবা, ওতে আর দরকার নেই, কথায় বলে ‘ভাইয়ের ভাত ভেজের হাত!’ ঘরে গে দু দণ্ড জিরোই, তার পর বোঝা যাবে।”

আরো নরম হতে হয়, আরো তোয়াজ করতে হয়। শক্তের ভক্ত পৃথিবী।

“হ্যাঁলা তা মাখায় বিষবাণ বিঁধে রেখে দিলি, উদ্ধার কর? মেয়ে কি বলল তাই বল? তুই কুটুমের বাড়ি থেকে গিয়েছিল, তোর সামনে কি বাচালতা করল?”

“করল কি আর গাছে চড়ল? তা নয়। তবে ঠাকুমাদের সঙ্গে খুব হাত মুখ নেড়ে বক্তিত্ব করছিল দেখছিলাম। গিন্নীরা বলছিল, কুটুম চটানো ঠিক নয়, তোমার বেয়াইয়ের দুর্বুদ্ধি নিন্দে করছিল, তা দেখি ঘরের মধ্যে ঝাঁজ দেখাচ্ছে, ‘বাবার কথার ওপর কথা? বাবার চাইতে তোমাদের বুদ্ধি বেশী? বে’র সময় যদি কথা হয়ে গেছল বারো বছর বয়েস না হলে তারা বৌ নিয়ে যাবে না, তো নিতে পাঠায় কোন্ আইনে’, এই সব।”

কিন্তু বাঁড়ুঘো-গিন্নীর তখন আর বাকস্বর্ভিত্তির ক্ষমতা নেই। পুত্রবধূর বাক-বিজ্ঞাস-প্রণালীর সংবাদে সে ক্ষমতা লোপ পেয়েছে তাঁর।

কিছুক্ষণ গালে হাত দিয়ে শুক হয়ে থেকে সনিখালে বলেন, “হ্যাঁলা বৌ, তুই তো আমাকে খুব উপহাস্তি করলি, বেটার আবার বে দেব বলেছি বলে, তা তুইই নিজে মুখে স্বীকার কর, এ বৌ নিয়ে ঘর করা যাবে? বাবার জন্মে তো এমন কথা শুনি নি নাপিত বৌ, যে শ্বশুরঘরে যাওয়ার কথা নিয়ে ঘরবসতের বৌ কথা কয়, চিপ্টেন কাটে!”

“বাপের একটা তো, একটু বাপসোহাগী আছে! তা ও দোষ কি আর থাকবে? আপনিই যাবে। কথাতাই তো আছে গো—‘হলুদ জন্ম শিলে, চোর জন্ম কীলে, আর দুই ময়ে জন্ম হয় শ্বশুরবাড়ি গেলে’।”

“জানি নে মা, আমার তো ভয়ে পেটের মধ্যে হাত পা সঁদিয়ে যাচ্ছে। বুড়ো বয়সে বেটার বোয়ের হাতে কি খোয়ার আছে তা জানি নে! আবার বে দেব আর কোথা থেকে? তোর বামুনদাদা যে বেয়াইয়ের বিষয়-সম্পত্তির ওপর টাঁক করে বসে আছে। বলে বাপের একটা মেয়ে, বাপ চোখ বুজলে সব মেয়ে-জামাইয়ের!”

“শোন কথা!” এবার গালে হাতের পালা নাপিত বোয়ের, “ওই বিরিন্দির গুটি, এমন সব সোনারচাঁদ ভাইপো রয়েছে। তারা পাবে না? তা ছাড়া ভাগভের তো নয়?”

“তা জানি নে বাপু, কত বলি তাই শুনি। বলে বাপটা একবার চোখ বুজলে হয়।”

“কার চোখ আগে বোজে, কে কার বিষয় খায়, কে বলতে পারে বামুন বৌদি! বেয়াইয়ের তো তোমার সোনার গৌরান্দর মতন চেহারা, এখনো বে দিলে বে দেওয়া যায়। যাকগে বাবা, তোমাদের কথা তোমরা বোঝ। যাই উঠি। বামুনদাদাকে পত্তরখানা দিও।”

নাপিত বৌ উঠতে যায়, আর সেই মুহূর্তেই বামুনদাদার আগমনবার্তা ঘোষণা করে—খড়মের খট খট।

“এ কী, নাপিত বৌ ফিরে এলি যে?”

প্রশ্নের সঙ্গে সঙ্গে বাইরের উঠোন থেকে ভিতর উঠোনে পা ফেলেন বাঁড়ুঘো।

“ফিরে না এসে অকারণ আর কতদিন কুটুমের অন্ন ধংসাব? অবিস্তি তারা অনেক বলেছিল আর দশদিন থেকে—”

“তা তুই গিয়েছিলি কি করতে? বৌ কই?”

“পাঠাল না।”

বজ্রনির্ঘোষ ধ্বনিত হয় গৃহিণীর কণ্ঠ হতে।

“পাঠাল না!”

আর একবার প্রমাণিত হল একটি প্রশ্নের মধ্যেই জগতের সমস্ত বিস্ময় প্রকাশ করা সম্ভব।

ছেলেকে খেতে বসিয়ে কথাটা পাড়লেন এলোকেশী। নাপিত বৌ নিষিক্ত অগ্নিদ্বারা শরীরের মধ্যে পরিপাক করতে করতে বেগুনেরঙা হয়ে উঠেছিলেন তিনি, তাই ভাতের থালাটা ছেলের পাতে গাড়ায় ধরে দিয়ে যখন পিঙ্গলের সলতেটা একটু বাড়িয়ে পা ছড়িয়ে বসলেন, মায়ের ভীষণাকৃতি মুখ দেখে বুকটা কেঁপে উঠল নবকুমারের।

নবকুমারের বয়স আঠারো-উনিশ হলেও মায়ের কাছে সে দুগ্ধপোষের সম গোত্র। আর মা এবং যম তার মনের জগতে সমতুল্য। মা যখন মুখ ছোঁটায়, তখন ভয়ে নবকুমারের হাত-পা পেটের মধ্যে সঁধিয়ে যায়। যার উদ্দেশ্যেই সেই বহিঃপ্রোত প্রবাহিত হোক, নবকুমার ভয়ে কাঁপে।

আজকের গালিগালাজের শ্রোতা আবার নবকুমারেরই শব্দরবাড়িকে কেন্দ্র করে, কাজেই খাওয়া আর হয় না বেচারার। ভয়ে লজ্জায় ঘাড়টা নিচু হতে হতে প্রায় থালার সঙ্গে ঠেকে আসে।

নাপিত বৌ কুটুমবাড়ি যাওয়া পর্যন্ত মনের মধ্যে একটি পুলকের গুঞ্জন বইছিল নবকুমারের, ছড়ানো ছিটোনো কথায় শুনতে পাচ্ছিল এলোকেশী না কি বৌকে আনতে পাঠিয়েছেন।

কেমন সেই বৌ, কি তার নাম, কি রকম দেখতে, এসব লজ্জাকর চিন্তাকে কিছুতেই মন থেকে তাড়াতে পারছিল না নবকুমার। শয়নে স্বপনে একটি মুখছবি আবছা আবছা ছায়া ফেলে বাড়ির এখানে সেখানে, এলোকেশীর কাছে কাছে ঘুরে বেড়াচ্ছিল, ঘোমটা টেনে টেনে।

শোবার ঘরে? অনবগুণনে?

ওরে বাবা, অত দুঃসাহসী কল্পনার সাহস নবকুমারের নেই। সে ভাবনার ধারে-কাছে গেলেই বুক গুরুগুরু করে ওঠে তার। যার সামনে দাঁড়ালে তো কথাই নেই, আশঙ্কা হয় ছেলের মনের ভিতরটা ‘কাঁচদাঁঘি’র জলের ভিতরটার মতই দেখতে পাচ্ছেন এলোকেশী।

না, শোবার ঘরের এলাকায়, কি নিজের ধারে-কাছে বৌয়ের উপস্থিতির অবস্থা চিন্তা করে না নবকুমার, করে শুধু মায়ের ধারে-কাছেই।

নাপিত বৌয়ের অভিযান কার্যকরী হবে না, এরকম অবিশ্বাস্য দুর্ঘটনার কথা তার স্বপ্নেও মনে আসে নি, তাই এই ক’দিনই প্রতিদিন সন্ধ্যার পর ভবতোষ মাস্টারের কাছে ইংরিজি পড়া পড়ে বাড়ি ফিরে, উৎকর্ষ হয়ে থাকে একটি মুহূঁ বুনবুন মলের শব্দের আশায়!

কিন্তু কই?

ক’দিনের কড়ারে গেছে নাপিত বৌ, সে খবর নবকুমারের জানবার কথা নয়, তবু আশা করছিল পূজোর আগে অবশ্যই। আর পূজোর উৎসবের সঙ্গে হৃদয়ের আর এক উৎসবকে যুক্ত করে নিয়ে অবিরত বিহ্বল হচ্ছিল সে।

পূজো আসছে!

বৌ আসছে!

পূজোটা জানা, কিন্তু না জানি কেমন লে বৌ।

বিয়ে হয়েছিল পনেরো পার হয়, এমন কিছু অজ্ঞানের বয়সে নয়, তবু লাজুক-প্রকৃতি নবকুমার বিয়ের কোন অঙ্কণানের সময়ই, একটু চকিত দৃষ্টি নিক্ষেপ করেও কন্যাকে দেখে নেবার চেষ্টা করে নি। এখন যদি কেউ বদলে অশ্রু মেয়ে গছিয়ে দেয়, ধরার সাধ্য হবে না নবকুমারের।

এমন কি এই কদিন ধরে শত চেষ্টাতেও বৌয়ের নামটা মনে আনতে পারছে না সে। এতদিন অবশ্য মনে আনবার খেয়ালও হয় নি, নাপিত বৌয়ের অভিযানই সহসা নবকুমারকে এক ধাপ এগিয়ে নিয়ে গেছে। কৈশোর থেকে যৌবনের ধাপে।

বিয়ের সময় সম্প্রদানকালে নামটা তো দু-এক বার উচ্চারিত হয়েছিল মনে হচ্ছে, কিন্তু কে তখন ভেবেছে এই নামটা মনে রাখবার দায়িত্ব তার। নবকুমার তো তখন অবিরাম ঘামছে!

ওই ঘামটাই মনে আছে, নাম-টাম নয়।

একে তো বিয়ের বর, তা ছাড়া—স্বস্তুরের সেই দৃপ্ত উন্নত চেহারা, গম্ভীর স্বর, আর রাশভারী ভাব! সেটাও সেই ভয়কে বাড়িয়ে দেওয়ার সহায়তা করেছিল।

তা ছাড়া বাসরঘরে আরও কত রকম ভয়!

সে ভয় এখনও বুঝি একটু একটু আছে।

কিন্তু ‘বৌ’ শব্দটা কী মিষ্টি! ভয়ের মধ্যেও রোমাঞ্চ!

‘কওনা কথা মুখ তুলে বৌ,

দেখ না চেয়ে চোখ খুলে!’

মনের মধ্যে বাজছে সুর আর শব্দ! বন্ধুবান্ধবদের সঙ্গে বোয়ের আসন্ন আবির্ভাব নিয়ে আলোচনা করবার ক্ষমতাও নেই নবকুমারের। পাড়ার বন্ধু যারা খবরটা শুনেছিল, তারা যদি একটু-আধটু ঠাট্টা করছে, “ধেং, ধেং” ছাড়া আর কোনও উত্তর দিতে পারছে না সে।

অথচ যখন ভবতোষ মাস্টারের কাছ থেকে পড়া সেরে সন্ধ্যায় কাঁচদীঘির নির্জন পাড় দিয়ে বাড়ি ফিরেছে, তখন অহুচ্চারিত শব্দে বারবার ফিরিয়ে ফিরিয়ে গেয়েছে—

‘এনেছি বকুলমালা, করবে আলা

তেল-চোয়ানো তোর চুলে!

মিশি দাঁতের হাসিটি বেশ,

মুখখানি বেশ ঢলঢলে!’

তারপর কি? তাই তো! ‘মুখখানি বেশ ঢলঢলে, মুখখানি বেশ’—
পরের লাইনটা কিছুতেই মনে পড়ে না, কোথা থেকে যে শিখেছিল তাও মনে পড়ে না। তবু ওই অসমাপ্ত গানটাই অপূর্ব স্বরে গুঞ্জনিত হতে থাকে সমস্ত রাস্তাটা!

ক’দিনের প্রত্যাশার পর আজ বাড়ি ফিরেই এলোকেলীর প্রদত্ত সমাচারে বুকটা ছলাং করে উঠল! আর সেই বিয়ের দিনের মত ঘাম ছুটে গেল মুহূর্তের মধ্যে।

“নাপিত বৌ এসেছে শুনেছিল!” বলে উঠলেন এলোকেলী।

বাধিনীর মত বসেছিলেন দাওয়ার ধারে। ছেলে এসে পা-টা হাতটা ধোবে, এটুকু সময়ও দেরি সইল না তাঁর। দিয়ে বসলেন সংবাদ। অঙ্ককারেই বলে বসলেন, আলোটাও আনলেন না ছেলের সামনে।

নবকুমারের কাছে অবশ্য এ সংবাদ অল্প অর্থ বহন করে এনেছে, তাই ভান চিন্তে বিহ্বলতা! তাই মার বর্তমান অবস্থা ধরতে পারল না সে।

ধরতে পারল না কণ্ঠস্বরের ভীষণতাও। তাই না-জানা একটা স্থখে শিউরে উঠল।

কিন্তু কতক্ষণের জন্তেই বা !

ক্ষণকালের মধ্যেই নিষ্ঠুর সত্য প্রকাশিত হল।

মান্তগণ্য বেহাইয়ের উদ্দেশে ‘ছোটলোক’ ‘চামার’ ‘আসপদ্মাবাজ’ ইত্যাদি শোভন সুন্দর বিশেষণমালা প্রয়োগ করে এলোকেশী জানালেন, “মেয়ে পাঠাল না।”

মেয়ে পাঠাল না !

এ কী অদ্ভুত বাণী !

মেয়ে না পাঠানো যে সম্ভব, সে কথা তো একবার মনের কোণেও আসে নি নবকুমারের।

কিন্তু এ কথার আর কি কথা কইবে নবকুমার ? আর উত্তরের প্রত্যাশা করেও কথা বলেন নি এলোকেশী।

আরও খানিকক্ষণ ধরে বেহাইয়ের ‘পয়সার গরম’ তুলে, নাপিতবৌকে ঘুষ দিয়ে ‘হাত-করা’র বার্তা জানিয়ে, অবশেষে হঠাৎ আবিষ্কার করলেন এলোকেশী, ছেলেটা সেই অবধি উঠোনেই দাঁড়িয়ে আছে কাঁঠ হয়ে।

মাতৃস্নেহ জেগে উঠল।

“আর দাঁড়িয়ে থেকে কি করবি, হাত-মুখ ধো।” বলে এলোকেশী উচ্চগ্রামে চীৎকার করলেন, “ভাত নেমেছে সহ ?”

রান্নাঘর থেকে সাড়া এল, “নেমেছে মামীমা !”

“আয় মুখ ধুয়ে, ভাত দিই।” বলে রান্নাঘরের দিকে চলে গেলেন এলোকেশী। আর নবকুমার আস্তে আস্তে গায়ের কোটটা খুলে দেয়ালে লাগানো একটা গজালে টাঙিয়ে রেখে চলে গেল খিড়কি পুকুরের দিকে।

হঠাৎ মনটা কেমন শিথিল আর ফাঁকা ফাঁকা লাগছে। যা ছিল না, কোন দিনই যার স্বাদ জোটে নি, তেমন জিনিস হারালেও এমন শূন্যতা-বোধ আসে ? সব ফাঁকা ফাঁকা ঠেকে ?

কিন্তু তখনই বা হয়েছে কি !

আসল কথা পাড়লেন এলোকেশী ছেলেকে খেতে দিয়ে পিচ্চিমের সলতে উলকে পা ছড়িয়ে বসে।

যে মুখ দেখে বুক কেঁপে উঠল নবকুমারের।

“আমি এই তোকে বলে রাখছি নবা, শেষবেশ একটা চিঠি চামারটাকে দেওয়ার কর্তাকে দিই, তাতেও যদি মেয়ে না পাঠায়, এই সামনের অজ্ঞানেই তোর আবার বিয়ে দেব।”

আবার বিয়ে!

মা কি আজকে বুক ধড়াস ধড়াস করিয়েই মারবে নবকুমারকে?

আবার বিয়ে!

তার মানে আবার আর একবার নবকুমারকে নিয়ে সেই নকড়া-ছকড়া খেলা, আবার আর একটা বাড়িতে গিয়ে সেই সম্প্রদান, সেই বাসর, সেই কানমলা, সেই ঘাম!

ঘাড়টা প্রায় পাতের সঙ্গে ঠেকে যায় নবকুমারের। মুখ দিয়ে কথাও বেরোয় না, মুখের মধ্যে ভাতের গ্রাসও ঢোকে না!

ইঠাং এক সময় কটুক্তি থামিয়ে এলোকেশী বলেন, “খাচ্ছিস কই?”

“খাচ্ছি তো!” এতক্ষণে অফুটে একটা কথা বলে নবকুমার, এবং বাক্যের সত্যতা রক্ষার্থে এক গ্রাস ভাত ঠেলে হুঁলে মুখের মধ্যে চালান দেয়।

এবার গছ বা সৌদামিনীর রঙ্গমঞ্চে আবির্ভাব। মাটির সরায় এক সরীষা-গুঠা গরম ভাত নিয়ে এসে অবাক গলায় বলে ওঠে সে, “ও মা, ই কি! যেখানকার ভাত সেখানে পড়ে! এতক্ষণ কি করলি রে নবু?”

“খাচ্ছি তো!” আরও একবার পূর্ব কথা এবং পূর্বোক্ত কাজের পুনরাবৃত্তি করে নবকুমার।

“দিয়ে যাই আর হুটো?”

“না না আর নয়”, ভরা মুখে হাত মুখ মাথা সব নেড়ে প্রতিবাদ জ্ঞাপন করে নবকুমার।

“খিদে নেই?”

নবকুমার আর একবার বলে, “খাচ্ছি তো!”

এদিকে ঠেলে গুঠা চোখে জল আসতে চায়।

“খিদে আর থাকবে কোথা থেকে!” এলোকেশী বলে ওঠেন, “খন্ডরের নিম্বে করেছি যে! একালের ছেলে তো! কিন্তু তোকে আবারও এই বলে রাখছি নবা, তোর দেমাকে-খন্ডরের ওই খাঁড়া নাক যদি না ভুঁয়ে ঘষটে দিই আমি তো কি বলেছি! বাপ বাপ বলে ওই মেয়ে ঘাড়ে করে নাকে

খত্ দিতে দিতে আসে তো ভাল, নচেৎ আবার ছানলাতলায় গিয়ে দাঁড়াতে হবে তোকে ! এবার আর নবাবের বেটা আনব না, গরীব-গুরবো ঘরের মেয়ে নে আসব ।”

“ওই শোন”, সত্বে হেসে ওঠে, “আর মুখগোঁজ করে থাকবার কিছু নেই রে নবু, আখাল-বাকি পেয়ে গেলি ! এখন বড় বড় খাবায় খেয়ে নে ।...বৌ এল না বলে মনের দুঃখে নবু অমন সরলপুঁটির টকটাই ভাল করে খেল না, দেখেছ মামী !”

“সব সময় ঠাকরা করিস নে সত্বে”, এলোকেশী বেজার মুখে বলেন, “চক্ষিণ ষটা হাসি-মশকরা ভালও বা লাগে ! প্রাণে কিসের যে এত উল্লাস তাও তো বুঝি না ।”

কথাটা সত্যি ।

উল্লাস আসবার কথা সত্বে নয় ।

তবু আসে ।

তবু রং-তামাশা করে সত্বে, হি হি করে হাসে । কিন্তু হাসি আসে কি করে সত্বে নিজেই কি জানে ছাই ?

হয়তো এ জগতে একমাত্র ওইটুকুই ওর নিজের একারে আছে বলে আনায় । দুর্ভাগ্যকে বুড়ো আঙুল দেখিয়ে হি হি করে হেসে বেড়ায় সে, বুকের পাথরখানা ঠেলে ফেলে দিতে ।

অবিরত ওই পাথরখানা বুকে বহিতে হলে কি ঘুরে ফিরে আর অস্থিরের মত খেটে বেড়াতে পারত ?

গাঁ-মুন্ধু সবাই তো খিঙ্কার দেয় সত্বে ভাগ্যকে, সবাই তো জানে সত্বে বরে নেয় না ! অকারণ, শুধু খেয়ালের বসে সত্বে সত্বে বর ত্যাগ করেছে ! স্বভাব-চরিত্র খারাপ তো অনেকেরই থাকে, পরিবারকে ত্যাগ আর কজন করে ?

সত্বে মা নেই, বাপ নেই, আজন্ম মামার বাড়ি মাছুষ । মামা দু তিন বার চেষ্টা করে করে খুশুরবাড়ি রেখে এসেছিল তাকে, কিন্তু কিছুতেই নিজের আসন দখল করতে পেরে উঠল না হতভাগা মেয়েটা । দুর্ব্যবহারের চোটে পালিয়ে আসতে পথ পায় নি !

তদবধি আবার এই মামার বাড়িতেই স্থিতি ।

তা ছাড়া উপায় কি ?

মামার বাড়িতে আছে, দুবেলা হৈসেল ঠেলছে, জুতো চণ্ডী সব নাড়ছে, আর মামীর মুখনাড়া খাচ্ছে।

তবু সে হাসে।

বলিহারি !

‘বলিহারি যাই বাবা !’ মামী বলে, পাড়ান্নু সবাই বলে। শুনে শুনে নবকুমারেরও এমন ধারণা হয়ে গেছে, হাসিটা সহৃদয় পক্ষে গর্হিত, তাই সে হাসি-ঠাট্টার কোনও দিনই তেমন করে যোগ দিতে পারে না। আর আজকের কথা তো স্বতন্ত্রই ! আজকের হাসি-ঠাট্টার বিষয়বস্তু তো নবকুমার নিজেই।

“দুখটা আনবি, না দাঁড়িয়ে রন্ধ করবি ?”

ধমকে ওঠেন এলোকেশী।

ছেলের কোলের গোড়ায় ভাতের থালাটি বসিয়ে দেওয়া ছাড়া আর বেশী নড়াচড়া করেন না এলোকেশী। দ্বিতীয়বার যা কিছু লাগে ‘সহৃদয়’ হাঁক। মস্ত সুবিধে, সহৃদয় বিধবা পুষ্টি নয়। বিধবা হলে তো এক মহা ঝগাট—রাতিরে আঁশ হৈসেলের ভার দেওয়া যায় না ! এক্ষেত্রে আর কোন দ্বিধা-দায় নেই। বড় বড় সরলপুঁটির টক সহৃদয় তো নিজেও একটু খাবে, অতএব কুটুক বাছুক রাঁধুক !

কর্তা নীলাশ্বর বাঁড়ুঘোর বয়স যাই হোক, রাতে ভাত খাওয়া ছেড়েছেন তিনি অনেক দিন। ঘরের গরুর খাটা দুধ দেড়-সেরখানেককে মেয়ে আধসের করে সর পড়িয়ে রাখা হয়, তাতেই বাড়িতে ভাজা টাটকা খই ফেলে গোটা আটেক মনোহরা মেখে আহার সারেন নীলাশ্বর।

সে সারা তাঁর সন্ধ্যাহ্নিক সেরে ওঠার সঙ্গে সঙ্গেই হয়। নবু মাঠারের কাছে পড়ে ফেরার আগাই। আবার তিনি যখন বেড়িয়ে ফেরেন, নবুর তখন অর্ধেক রাত্তির, কাজেই এ বেলায় বাপে-ছেলেতে দেখাই হয় না। ছেলের যে এই এক বেয়াড়া খেয়াল হয়েছে, ইংরিজি শিখবে ! ওই স্নেহের ভাষা শিখে কি চতুর্বার লাভ হবে কে জানে, তবু খুব একটা বাধাও দেন নি নবকুমারের স্নেহশীল পিতা। বলেছেন, ইচ্ছে হয়েছে পড়ুক !

আসল নষ্টের গোড়া তো ওই ভবতোষ বিশ্বাসটা। কলকোতা থেকে ইংরিজি শিখে এসে গাঁয়ে এখন ইচ্ছা খোলা হয়েছে বাবুর ! সকাল-বিকেল

দুবেলা ইস্কুল বসায়। গায়ের ছোঁড়াগুলোকে ক্যাপানের গুরু! কানে মস্তুর দিচ্ছে, ইংরিজি না শিখলে নাকি উন্নতি নেই, শিখে কলকাতায় গিয়ে হাজির হতে পারলে সাহেবের আফিসে মোটা মাইনের চাকরি অবধারিত! ছুটছে সবাই ওর ইস্কুলে। চালাকের রাজা ভবতোষ ফাস্ট বুক, সেকেন বুক, কত সব শক্ত শক্ত বই কিনে এনেছে কলকাতা থেকে, তাই থেকে পড়িয়ে পড়িয়ে বিত্তে-দিগগজ করছে সবাইকে!

বামুনের ঘরের ছেলেগুলো যাচ্ছে শুদ্ধুরের কাছে বিত্তে নিতে! কলি পূর্ণ হতে আর কতই বা বাকি!

তবু ছেলেকে বাধা দেন নি নীলাস্বর, কলির তাগেই চলেছেন। শুধু ওই স্নেচ্-ভাষা-শিখে-আসা জামা-কাপড়গুলো ঘরে তোলে না, পরে কিছু ছোঁয় না, ছেড়ে হাত পা ধুয়ে গন্ধাজল স্পর্শ করে, এই পর্যন্ত।

নবকুমারকে খাইয়ে মামী-ভাগ্নী দুজনে রান্নাঘরে বসে পড়ে খেতে। ওরা তো আর ভাত বেড়ে পিঁড়ে পেতে খাবে না, কঁাসি গামলা যাতে তাতে খেয়ে নেবে মাটিতে থেবড়ে বসে। তা এ সময় গল্পটা চলে ভাল। কি হাত ধমক দিলেও ভাগ্নীকে নইলে চলবে না এলোকেশীর। কথা কইবার সঙ্গী বলতে দ্বিতীয় আর কে?

খাওয়ার পর রান্নাঘর ধোয়ার ভার সৌদামিনীর।

ঘর ধুয়ে পরদিনের জন্তে রান্নার কাঠ গুছিয়ে চকুমকি ঠিক করে রেখে, কাজকরা কাপড় কেচে তবে শুতে যায় সহ। শোবার জন্তে তার নামে একটা ঘর আছে বটে, বিছানাও আছে, কিন্তু সে ঘরে সে বিছানায় কতটুকুই বা শুতে পার সে? নীলাস্বর যতক্ষণ না আসেন, এলোকেশীকে আগলাতে হয়, কারণ এলোকেশীর বড় ভুতের ভয়!

নীলাস্বর আসার পর তাঁর জল চাই কিনা, তামাক চাই কিনা, খোজ খবর করে তবে সহর ছুটি। তা সে ছুটিটা প্রায়ই রাতের আধখানা গড়িয়ে গিয়ে হয়।

অবিশি তার পর বাকী রাতটা সহকে কে আগলাবে, এ প্রশ্ন ওঠে না। সহ তো সহ! ওকে যদি এ নিয়ে আক্ষেপ প্রশ্ন করো, নিশ্চয় হেসে উঠে বলবে, “ভুঁই আমার আগলায়। জানো না—আমি যে শাঁকচুরী!”

তবু সহ মামীকে ভালবাসে, মামাকে ভক্তিসমীহ করে, নবকুমারকে প্রাণতুল্য দেখে।

তার এই বত্রিশ বছরের জীবনে ভালবাসার, ভক্তি করবার, স্নেহ করবার জন্তে পেলই বা আর কাকে ?

ভোরবেলাই ঘুমটা ভেঙ্গে গেল।

কারণটা কিছু মনে নেই, তবু যেন মনে হল নবকুমারের, বুকটায় কী একটা পাষণ্ডভার চেপে রয়েছে ! যেন আস্ত একটা পাহাড়ই কেউ বৃকের ওপর বসিয়ে দিয়েছে কোন ফাঁকে ! রাত্রে ঘুমের মধ্যেও ছিল যেন। কি এক আতঙ্কের স্বপ্ন !

একটুক্ষণ খোলা জানলার দিকে চেয়ে বসে থাকতে থাকতে সব মনে পড়ল। মনে পড়ল মায়ের শপথবাণী। মনে পড়ে হাত-পা ছেড়ে এল !

ধীরে ধীরে উঠে পড়ল, বেরিয়ে এল ঘর থেকে কোঁচার খুঁটা গায়ে দিয়ে। ভোরের দিকে বেশ শীত শীত পড়ে গেছে। আর শরৎকালের সকালের এই গা সিরসিরে হাওয়াটাই তো কোন উদ্বাও পাথারে মনটাকে ছুটিয়ে নিয়ে যায়।

বাইরে এসে দেখল সৌদামিনী উঠোনে ছড়াঝাঁট দিচ্ছে। কাছে গিয়ে বলল, “মা ওঠে নি সূদী ?”

“মামী !” সন্ধ্যাবেলাই হেসে গড়িয়ে পড়ে সৌদামিনী, “মামী আবার এমন সময়ে কবে ওঠে রে নবু ? ‘ভোর ঠাকুরের’ সঙ্গে যে মামীর বিরোধ !”

খচ্ খচ্ ঝাঁটা চালাতে চালাতে বলে সূদ, “সরে দাঁড়া নবু, ধুলো লাগবে।”

“লাগুক গে !” বলে বরং কাছেই সরে এল নবকুমার, কাছে এসে হঠাৎ শীতকালে জলে ঝাঁপিয়ে পড়ার ভঙ্গীতে বলে উঠল, “সূদী, তুমি মাকে বলে দিও ওসব পারব-টারব না।”

ঝাঁটা বন্ধ হল সৌদামিনীর।

চোখ গোল গোল করে বলল, “কি বলে দেব মামীকে ? কী পারবি না ?”

“ওই সব !” নবকুমার বকে ওঠে, “শুনলে তো কাল নিজের কানে, আবার শুধোচ্ছ কেন ?”

“নাঃ, তুই আমার অর্থই জলে কেলি নবু, কালকের দিনভোষ কত কথাই তো শুনেছি, কোন্টা ভোর মনে গিঁথে আছে, তা কেমন করে বুঝব ?”

“আঃ! আচ্ছা জালায় ফেললে তো! নাপিত পিসীর ব্যাপারে রেগে গিয়ে মা যা বলল মনে নেই তোমার?”

“ও হরি, তাই বল! তোর আবার বিয়ে দেবে, এই কথা তো?” ফের সত্বর সেই হি হি হাসি, “সেই চিন্তায় রাতভোর ঘুমুস নি বুঝি? নাকি সেই ‘ঠাকুরঘরে কে, না আমি তো কলা খাই নি,’ তাই? মামী পাছে প্রতিজ্ঞে বিশ্বরণ হয়ে যায় তাই ‘আমি পারব না, আমি করব না’ বলে স্বরণ করিয়ে দিতে এসে ছিস?”

“আঃ সহৃদি, ভাল হবে না বলছি। আমি এই তোমায় বলে রাখছি ওসব পারব না। আবার ওই কানমলা-টানমলা—ওরে বাবা!”

সহৃ ফের হাতের কাজে মনোনিবেশ করে বলে, “তা আমায় বলে কি হবে? মাগীকে বল!”

“আমি বলব? আমি বলব মাকে?”

সহৃ হাসতে হাসতে বলে, “বলবি না কেন? ডাগর হয়েছিস, সাহস হচ্ছে না?”

“মার কাছে সাহস! হুঁঃ! এই তোমায় বলছি সহৃদি, আমি তোমার কাছে বলে খালাস, যা বিহিত করবার তুমি করবে।”

সৌদামিনী ফের হাত থামিয়ে বলে, “বেশ, বলব মামীকে, নবুর আমাদের প্রথম পক্ষের ওপব বড্ড জাঁতের টান, ওকে ত্যাগ দিয়ে অন্ততর বিয়ে করবে না!”

“সহৃদি, ভাল হবে না বলছি! বলি, আবার ওই সব ভূতুড়ে কাণ্ডর দরকার কি? নাই বা পাঠাল কেউ মেয়ে, পরের ঘরের মেয়ে নইলে বুঝি সংসার চলে না?”

“কই আর চলে?” সহৃ হাত মুখ নেড়ে বলে, “চললে আর এই আদি অন্তকাল ধরে মানবে ওই সব ভূতুরে কাণ্ড করত না, বুঝলি রেনবু! এর পর ওই পরের মেয়েই জগতের সেরা আপন হবে।”

“ছাই হবে।” ঝাঁকের মাথায় বলে ফেলে নবকুমার, “কই, জামাইবাবুর তো হল না।”

সহৃর উচ্ছ্বাস কমে, একটু গম্ভীর হয়ে গিয়ে বলে, “ও কথা বাদ দে। আমার মতন ছাই-পোরা কপাল যেন অতি বড় শত্রুরও না হয়!”

নবকুমার সহৃর ভাবান্তরে ঈষৎ ধতমত ধেয়ে বলে, “আমি কিছু

ভেবে বলি নি সত্ৰুদি! কিন্তু যা বললাম, তোমাকে আমার রক্ষকতা হতে হবে।”

“বেশ বলব মামীকে, যা দেখছি ছু ঘা বাঁটা আছে ললাটে!”

তা সত্ৰু কথ্য মিথ্যা নয়। এলোকেশী সেই ব্যবস্থাই করেন।

তবে ললাটের বাঁটাটা দৃশ্যমান নয় এই যা। শব্দ অদৃশ্য। তবু! এলোকেশী যখন কথার তুবড়ি ছোটান, মনে হয় তাঁর মুখ থেকে আগুনের হলকার মত দৃশ্যমানই কিছু বার হচ্ছে বুঝি!

শাক বাছতে বাছতে কথাটা পেড়েছিল সৌদামিনী, “ওগো মামী, তুমি তো বলছ ওরা পত্তরপাঠ-মাত্তর মেয়ে না পাঠালে তুমি ছেলের আবার বিয়ে দেবে, এদিকে ছেলে তো বৈকে বসে আছে!”

“কী! কী বললি?”

মুহূর্তে অগ্নিকাণ্ড ঘটে গেল।

সত্ৰুকে ন ভৃত্যো না ভবিষ্যতি করে গাল দিয়ে ঘোষণা করলেন এলোকেশী, “যে আমার খেয়ে আমার পরে আমার সংসার ভাঙবার তাল খুঁজবে, তাকে ঝেঁটিয়ে দূর করে দেব তা এই বলে রাখছি সত্ৰু! আমার ছেলেকে কানে বিষমস্তুর দিয়ে পর করে নিতে চাস লক্ষ্মীছাড়ি! উঠুক তোর মামা আহিক করে, দেখাচ্ছি মজা!”

সত্ৰু প্রতিবাদও করে না, নিজের সাফাইও গায় না এবং এ প্রশ্নও তোলে না তার অপরাধ কোথায়? এমন কি তার মুখ দেখে এই মনে হয়, এই বাক্যবাণের লক্ষ্য বুঝি তার অপরিচিত কেউ!

নীলাশ্বর আহিক সেরে উঠে বাইরে এসে তামার কুশিতে সূর্য্যার্ঘ্য নিবেদন করে কুশিটা মাটিতে উপুড় করে, আর এক দক্ষ সূর্য্যপ্রণাম সেরে মুখ কিরিয়ে দাঁড়াতেই, এলোকেশী ছুধকলা দিয়ে কালসাপ পোষার নজীর তুলে স্বামীকে অবহিত করিয়ে দিয়ে বলেন, “তুমি যদি এই দণ্ডে চিঠি লিখে রওনা করে না দেবে তো আমার মাথা খাবে।”

নীলাশ্বর ‘আহাহা’ করে উঠে বলেন, “দিব্যি গালাগালি কি আছে! শত্রু লিখছি, কিন্তু পাঠাবার কি হবে তাই ভাবছি। নাপতে বৌ তো—”

“কেন গায়ে কি ও ভিন্ন আর মাহুষ নেই? রাখাল তো গেছল সেবার?”

“রাখাল ঘাবে? কিন্তু অতখানি পথ একেবারে একলা! তাই ভাবছি।”

“তা হলে গোবিন্দ আচাযির ছেলে গোপনাকে পাঠাও। গাঁজার পয়সা দিলে রাজী হয়ে যাবে।”

“গোপনাকে কুটুমবাড়ি পাঠাব! কি বলতে কি বলে আসবে!”

“আসুক না!” এলোকেশী বীরদর্পে বলেন, “ওই গেঁজেলের কটুবাক্যিতে যদি মিন্সের চৈতন্য হয়! তার পর দেখি কেমন সোহাগিনী মেয়ে নিয়ে ঘরে বসে থাকতে পারে। গোপনাকে এও বলে দেবে ওখানে আশেপাশে কুলীনের মেয়ের সন্ধান পায় কিনা দেখে আসতে। নাকের সামনে হলেই ভাল হয়।”

নীলাশ্বর আর কথা বাড়ান না, কাগজ কলম নিয়ে বসেন। এবং অনেক মুসাবিদান্তে একখানি চিঠির খসড়া খাড়া করেও ফেলেন।

তাতে এই কথাই বিশদ বোঝানো থাকে, রামকালী যদি পূর্ব জিদ বজায় রাখতে চান, তাঁর কপালে অশেষ দুঃখ আছে! ছেলের তো আবার বিয়ে দেবেনই এঁরা, তা ছাড়া আরও যা করবেন ক্রমশঃ প্রকাশ্য। রীতিমত ভয় দেখানো চিঠি।

পত্রের ভাব ও ভাষায় এলোকেশী প্রীতিপ্রকাশ করেন। অতএব নীলাশ্বর তৎপর হন পাঠাবার চেষ্টায়। কিন্তু মনে তাঁর দুশ্চিন্তা, রামকালীর একমাত্রর মেয়ে সত্যবতী! বেশী টান্ কষলে দড়ি না ছিঁড়ে যায়!

এত কথাই কিছুই নবকুমার জানে না। সে স্থলে।

বেলায় যখন ফিরল, সহুর কাছে গিয়েই আগে দাঁড়াল। “সহুদি তেল!”

সহু পলায় করে তেল এনে ওর হাতে দিয়ে বলে, “দেখলি তো বললাম কাজ কিছু হবে না, শুধু আমার কপালে বাঁ্যাটা, তাই হল। তোর স্বস্তরের মিত্যুবাণ তৈরি, এতক্ষণে বোধ হয় পাঠানোও হয়ে গেল। যদি বা দুদিন দেরি হত, তোর অমত শুনে মাঝী একেবারে যেই যেই।”

হাতের তেল আঙুলের ফাঁক দিয়ে গড়িয়ে পড়ে, ফ্যালফ্যাল করে তাকিয়ে থাকে বেচারী নবকুমার।

সহু বোধ করি ওর মুখভঙ্গী দেখেই করুণাপরবশ হয়ে বলে, “ঘাক গে, তুই আর ও নিয়ে মন উচাটন করিস নে, দিতে হয় আর একবার টোপার মাথায় দিবি। কত আর কষ্ট! তোর একটা বৌ পেলেই হল। তবে মনে নিচ্ছে এবার তালুইমশাই নরম হবে, যতই হোক মেয়ের বাপ!”

হঠাৎ নবকুমার একটা বেথাপ্পা এবং অবাস্তুর কথা বলে বসে, “সায়েরবরা শুধু একটা বিয়ে করে, কক্থনো অনেক বিয়ে করে না।”

বাস, আর যায় কোথা !

সহর হাসির ধুম পড়ে যায়। “ওমা তাই না কি ? ও বুঝেছি, তাই সায়েরবদের বই পড়ে পড়ে তোরও সেই বুদ্ধি মাথায় ঢুকেছে ! তা হ্যারে নবু, সায়েরবরা যদি একটা বৈ বিয়ে করে না, তো বাকী মেমগুলোর কী দশা হয় ? বিধাতাপুরুষ যখন পৃথিবী ছিটি করেছিল, তখন একটা করে বেটাছেলে আর দেড়কুড়ি করে মেয়েমানুষ গড়েছিল, এ তো জানিস ? তা হলেই বল ! বাকীগুলোর গতি কে করবে, যদি একটা বৈ বিয়ে না করে ?”

“যত সব আজগুবি !” নবকুমার মার আড়ালে বেশ সশব্দেই কথা বলে, “পৃথিবীসুদ্ধ বেটাছেলে বুঝি দেড়কুড়ি করে—”

মুখের কথা মুখেই থাকে, রঙ্গস্থলে এলোকেশী দেখা দেন, “বলি নবা, চান করতে যেতে হবে কিনা ? যখনই ছুটোয় এক হবে, অমনি হাসি-মঙ্গরা। হ্যাঁলা সদি, তোকেও বলি, ও কি তোর সমবইসী ? তা তো না, রাতদিন কেবল কানে কুমন্তর দেওয়া ! রোস, বো একটা আশুক না ঘরে, হাঁড়ি গলায় গেঁথে দেবার লোক হোক, তোকে একবার বোঁটিয়ে বিদেয় করি।”

মাতৃ-সন্নিধানে নবকুমারের সর্বদাই চোরের ভূমিকা। তাই সহৃদয় এই অপমানে তার প্রাণটা ছটকটিয়ে উঠলেও মুখ দিয়ে রা ফোটে না। কিন্তু আশ্চর্যের কথা এই, সহর মুখের রেখায় কোন ভাব-বৈলক্ষণ্য ফোটে না। সে যথাপূর্ব হাঙ্গুলবদনে নবুকে চোখ টিপে ইশারা করে, যার এই অর্থ হয় ‘যা নাইতে যা, মামী ফেপেছে !’

হাতের তেল তেলো থেকে সবটাই গড়িয়ে পড়ে গেছে, তেলালো হাতটাই শুধু মাথায় ঘষতে ঘষতে সোজা কাঁচদীঘিতে চলে যায় নবু। আজ আর যেন খিড়কি পুকুরে মন ওঠে না !

যেতে যেতে হঠাৎ সেই একদিনের দেখা স্বপ্নের ওপর ভারী রাগ এসে যায় নবকুমারের। এত ঝামেলার কিছুই তো হত না, যদি সেই মেয়ে না কি পাঠাতেন তিনি !

বুকটায় শুধু পাষাণভারই নয়, যেন কাঁটাও বিঁধেছে। দূর ছাই !

আঠারো

সপরিবার তুষ্টু গয়লা মাঠে এসে বুক চাপড়াচ্ছে, আর পরিত্রাহি চোঁচাচ্ছে। তুষ্টুর পরিবার জলে পড়ে কি আঙুনে পড়ে এইভাবে লুটোপুটি খাচ্ছে এখান থেকে ওখান।

একরাশ লোক চারিদিকে ভিড় করে হা-হুতোশ করছে, আর কে কবে কোথায় ঠিক এই রকম, অথবা এই ধরনের ব্যাপার দেখেছে তারই আলোচনায় বাতাস মুখর করে তুলেছে।

আশ্বিনের রোদে সর্দি-গর্মি হবায় কথা নয়, কিন্তু সময়টা বড্ড কড়া। একেবারে ভর দুপুরবেলা। আর ভিজ়ে পাস্ত কটা পেটে ঢেলেই মাঠে জঙ্গলে ঘোরা। মায়েরা তো এঁটে উঠতে পারে না ছেলেগুলোকে।

ছেলেটা তুষ্টু গয়লার নাতি রঘু। সমবয়সের দাবিতে নেডু কোম্পানির দলের একজন। আশ্বিনে আখের ক্ষেত রসে ভরভর, ছেলেগুলোর তাই বিশ্রাহরিক খেলা আখচুরি। উপকরণের মধ্যে এক টুকরো ধারালো লোহার পাত। তার পর ক্ষেত থেকে কেটে আনার পর তো দাঁতই আছে।

দাঁত দিয়ে খোলা ছাড়িয়ে মাথা প্রমাণ লম্বা লাঠিগুলো চিবিয়ে চিবিয়ে রসগ্রহণ করেছে সকলেই, ইঠাৎ রঘুর যে কি হল! বুড়ো বটগাছটার তলায় যেখানে বসেছিল সবাই, সেখানেই ধুলো জঞ্জালের ওপর শুয়ে পড়ল রঘু, যেন নেশাচ্ছন্নের মত।

ছেলেরা প্রথমটা খেয়াল করে নি, আগামীকাল আবার কখন অভিযান চালানো হবে সেই আলোচনাতেই তৎপর হয়ে উঠেছিল, চোখ পড়ল উঠে পড়বার সময়।

“কী রে রঘু, তুই যে দিবি ঘুম মারছিস?” বলল, একজন হি হি হাসির সঙ্গে ঠেলা মেরে। কিন্তু পরক্ষণেই হাসিমুখটা কেমন শুকিয়ে উঠল তার। রঘুটা দেহটা যেন শক্ত কাঠ-মত, রঘুর ঠোঁটের কোণে ফেনা।

“এই রঘুটার কি হয়েছে দেখ্ তো!”

“কি আবার হল?” বেপরোয়া ছেলেগুলো রঘুর গায়ে হাত দিয়ে প্রথমটা হাসির ফোয়ারা ছোটাল, “দেখেছিস চালাকি, কি রকম মট্কা মেরে পড়ে আছে। এই রঘু, গায়ে কাঠপিঁপড়ে ছেড়ে দেব, ওঠ্ বলছি।”

শুধু গায়ে কাঠপিঁপড়ে নয়, কানে জল, পায়ে চিমটি, ইত্যাদি করে ঘুম

ভাড়াবার সমস্ত প্রক্রিয়া শেষ করার পর বেদম ভয় ঢুকল ওদের। নিশ্চিত হল, এ ঘুম আর ভাঙবে না রঘুর, এ একেবারে ‘মরণ ঘুম’। নইলে এমন হলদে হলদে রংটা ওর এমন বেগুনে হয়ে উঠবে কেন ?

“চল পালাই”। বলল একজন।

“পালাব ?” নেড়ু রুখে দাঁড়ায়।

“পালাব না তো নিজেরাও রঘুর সঙ্গে যমের দক্ষিণ দোরে যাব নাকি ? কর্তারা কেউ দেখলে আস্ত রাখবে আমাদের ?”

“যা বলেছিস! তুই ঠাণ্ডা ওর ওই ছুখের বাঁক দিয়ে মাথা ফাটিয়ে দেবে।”

“বাঃ, আমাদের কি দোষ! আমরা কি মেরে ফেলেছি ?”

“ভা কে মানবে? বলবে তোদের সঙ্গে খেলছিল, তোরাই কিছু করেছিস। চল চল, কে কমনে দেখে ফেলবে।”

নেড়ু ক্রুদ্ধকণ্ঠে বলে, “খুব ভাল কথা বলেছিস! বলি রঘু আমাদের বন্ধু না? ওকে শাল-কুকুরে খাবে, আর আমরা পালিয়ে প্রাণ বাঁচাব ?”

রঘু বন্ধু, এ কথা সকলের মনেই কাজ করছিল, কিন্তু ভয় কাজ করছিল তার চাইতে অনেক বেশী। কাজেই আর একজন বাস্তববাদী এবং ঈশ্বরবাদী বালক উদাসমুখে বলে, “ভগবান ওর কপালে যা লিখেছে তাই হবে। আমাদের কী সাধি যে খণ্ডাই!”

“আর রঘুর মা যখন বলবে, ‘তোমাদের সঙ্গে খেলতে গেছল রঘু, সে তো বাড়ি ফিরল না। কোথায় সে গেল বাবা? তখন কি বলবি?’

“বলব আজ রঘু আমাদের সঙ্গে খেলতে যায় নি।”

“মিছে কথা বলবি?”

“তা কি করব? বিপাকে পড়লে স্বয়ং নারায়ণও মিছে কথা বলে।”

“বলে! তাকে বলেছে!” নেড়ু তীব্রকণ্ঠে বলে ওঠে, “পাহারা দে তোরা ওকে, আমি দেখি গিয়ে মেজকাকা আছেন না কি।”

“আর মেজকাকা! যমে ওকে গ্রাস করেছে রে নেড়ু!”

“তাতে মেজকাকা ডরায় না। জটাদার বৌ তো মরে গেছল, বাঁচান নি? কত লোককেই তো বাঁচান। আমি যাব আর আসব। তবে কপালক্রমে যদি দেখা না পাই, তাহলেই রঘুর আশায় জলাঞ্জলি।”

অগত্যেই রঘুর বাস্তববাদী বন্ধুরা ‘য গলায়তি’ নীতি ত্যাগ করে রঘুর

মৃতদেহ পাহারা দিতে সক্ষম হল। মায়া কি তাদেরই করছিল না? কিন্তু কি করবে?

তারপর এই জলন্ত আগুনের মত সংবাদটাই আগুনের মতই এখান থেকে ওখান, এঘর থেকে ওঘর, দাউ দাউ করে জালিয়ে দিয়ে গ্রামস্থল সবাইকে টেনে এনেছে এই বুড়ো বটতলায়।

তার পর চলছে জল্লাহ-কল্লাহ।

সর্দি-গর্মি?

শরৎকালে?

“তা হবে না কেন? শরতের রোদই তো বিষতুল্য।” গণেশ তেলির শালীর ছেলেটা সেবার ঠিক এই রকম করে—

“আর জীবন আঁকরার ভাইপোটা?”

“নেপালের ভাগ্নীটাও তো—”

“আরে বাবা সে এ নয়, সে অন্য ঘটনা।”

“আমার পিসমুণ্ডের দেশেও একবার কাদের নাকি বুড়ো বাপ ঘাট থেকে আসতে গিয়ে—”

সহসা সমুদ্রকল্লোল স্তব্ধ হয়ে গেল।

কবরেজ মশাই আসছেন!

বাড়ি ছিলেন না, কোথা থেকে যেন ফিরেই শুনে পালকি করেই বুড়োবটতলায় এসে হাজির হয়েছেন।

শায়িত বালকের দিকে তাকিয়েই চমকে উঠলেন রামকালী, চমকে বললেন, “কখন হয়েছে এ রকম?”

নেড়ুর দিকে তাকিয়েই বললেন।

নেড়ু সভয়ে ঘটনাটা বিবৃত করল। রামকালী নিচু হয়ে ঝুঁকে ছেলেটার হাতটা তুলে ধরে নাড়ি পরীক্ষা করে নিশ্বাস ফেললেন, তার পর আশ্চর্য মুখে তুলে বললেন, “কাদের ক্ষেতের আখ খেয়েছিলি?”

অন্ত সব বালকরাই নাগালের বাইরে, নেড়ুই রাজসাক্ষী, তাই নিরুপায় স্বরে গুপ্তকথা প্রকাশ করে, “ইয়ে—বসাকদের।”

“কিছু কামড়েছে বলে টেচিয়ে ওঠে নি একবার?”

“না তো!” নেড়ু অস্বাক হয়। সমগ্র জনসভা একটি মাছঘের মুখে

দিকে তাকিয়ে চিত্তাৰ্শিত পুতলিকাবৎ দণ্ডায়মান। এমন কি তুইটুঁরা পর্যন্ত স্তব্ধ হয়ে গেছে, ইঁ করে তাকিয়ে আছে, বোধ করি কোনও একটু ক্ষীণ আশায় বুক বেঁধে।

“সর্দি-গমি নয়’ নিষ্ঠুর নিয়তির মত উচ্চারণ করেন রামকালী, “সাপের বিষ।”

সাপের বিষ !

একটা সমস্তর চীৎকার উঠল, “কোথায় ? কোথায় কেটেছে ?”

“কাটে নি কোথাও, সে তো ওর সঙ্গীরাই বলছে,” রামকালী নিশ্বাস কেলেন, “খাওয়ার সঙ্গে দেহে বিষ প্রবেশ করেছে। একটু আগে যদি হাতে পেতাম, চেষ্টা দেখতাম, এখন আর কিছু করবার নেই।”

“কবরেজ মশাই !” হাহাকার করে পায়ে আছড়ে পড়ল তুইটুঁ, “জগতের সবাইকে জীবন দিচ্ছেন কবরেজ-ঠাকুর, আর আমার নাতিটাকেই কিছু করবার নেই বলে ত্যাগ দিচ্ছেন।”

রামকালী ডান হাতটা তুলে একবার আপন কপাল স্পর্শ করে বলেন, “আমার ভাগ্য !”

“আপনার পায়ে ধরি ঠাকুরমশাই, ওষুধ একটু দান।”

এবার আছড়ে এসে পড়েছে বুড়ী। তুইটুঁর বো।

রামকালী কোন উত্তর দেন না, লক্ষ্যহীন দৃষ্টিতে তাকিয়ে থাকেন জনতার দিকে।

কিন্তু সাপের বিষ মানে কি ?

আহারের সঙ্গে সাপের বিষ আসবে কোথা থেকে ?

সহসা এ কী আকাশ-থেকে-পড়া বিপর্যয়ের কথা বলছেন কবরেজ মশাই !

তুইটুঁর মত নির্বিরোধী নিরীহ মানুষটার এত বড় মহাশত্রু কে আছে যে, তার বংশে বাতি দেবার সলতেটুকু উৎপাটিত করবে, জালিয়ে পুড়িয়ে খাক করবে !

গুঞ্জন উঠছে জনতা থেকে।

“কবরেজ মশাই, সাপের বিষের কথা বলছেন ? এত বড় শত্রু কে আছে তুইটুঁর ?”

“কেন, ভগবান !” তীক্ষ্ণ একটা ব্যঙ্গ-ভিত্ত হাসির সঙ্গে কথাটা শেষ

করেন রামকালী, “ভগবানের বাড়া পরম শত্রু আর মানুষের কে আছে তুষ্টু ?”

কিন্তু এত সংক্ষিপ্ত ভাষণ বোঝে কে ?

বিশদ না শুনতে পেলে ছাড়বেই বা কেন লোকে ? শুধু ‘সাপের বিষ’ ফতোয়া জারি করে নিষ্ঠুরের মত নীরব হয়ে থাকলে প্রশ্ন-বিষের দাহে যে ছটকট করবে লোক !

বলতেই হবে রামকালীকে, সাপে কাটল না, তবু তার বিষ এল কোথা থেকে ।

কিন্তু উত্তর দিয়ে যে রামকালী বাকশক্তিরহিত করে দিলেন সবাইকে ! এ কী তাজ্জব কথা !

আখের ক্ষেতে সাপের গর্ত ছিল, থাকেই এমন । ঠিক যে আখ গাছটার গোড়ায় সেই বিষের থলি, সেই আখটাই তুলে খেয়েছে হতভাগ্য ছেলেটা ।

“এ কি বলছেন কবিরাজ মশাই !”

“যা সত্য তাই বলছি ।” হাতের উল্টো পিঠ দিয়ে কপালের ঘাম মোছেন রামকালী, গম্ভীর কণ্ঠে উচ্চারিত হয়, “নিয়তির উপর হাত নেই, আয়ু কেউ দিতে পারে না । তবু তক্ষুনি টের পেলে বিষ তোলার চেষ্টাটা অস্বস্ত করতাম । কিন্তু তা হবার নয়, অদৃশ্য নিয়তি অমোঘ নিষ্ঠুর ।”

অমোঘ নিয়তি !

তবু উৎসাহী কোন এক ব্যক্তি ‘সাপের বিষ’ শোনামাত্রই হাড়িপাড়ার ছুটে গিয়ে ডেকে এনেছে বিন্দে ওঝাকে ।

বিন্দে এসেও ধীরে ধীরে মাথা নাড়ে ।

অর্থাৎ সেই এক কথা—আর কিছু করবার নেই ।

কিন্তু মরাকে বাঁচাতে না পারুক, জ্যান্তটাকে তো মারতে পারে বিন্দে ! সেই সর্বনাশের মূল স্বয়ং যমটাকে মস্তের জোরে শেষ করে দিক সে । জনমত প্রবল হয়ে ওঠে ।

হয়তো এই তীব্র বাসনার মধ্যে অল্প একটা প্রচ্ছন্ন বাসনাও সূপ্ত হয়ে রয়েছে । সন্দেহ নেই রামকালী কবিরাজ দেবতা, তাঁর বিচার নিষ্ঠুর, কিন্তু এ হেন কোঁতুহলোদ্দীপক কথাটার একটা ফয়সালা হওয়া তো দরকার ।

বিন্দেকে ঝুলোঝুলি করতে থাকে সবাই ।

রামকালী সামান্য একটু বিষয় হাসি হেসে বলেন, “ঘাটাই করতে চাও ?”

“হায় হায়, আজ্ঞে এ কী কথা! কী বলছেন ঠাকুরমশাই!”

“যা বলছি তাতে ভুল নেই বাবা সকল। যা হোক একটা কথা কেউ বললেই সেটা বিশ্বাস করে নিতে হবে, তার কোন হেতু নেই। কিন্তু হতভাগার দেহটার যথাযথ একটা ব্যবস্থা আগে না করে—”

বিন্দে মাথা নেড়ে বলে, “আজ্ঞে বিষহরির পো যখন কাটেন নি, তখন ওতে আমার কিছু করার নেই। ও আপনার সহজ মিত্তার হিসেবেই যা করবার করতে হবে।”

“কিন্তু দেখছ তো বিষে একেবারে নীল হয়ে গেছে।”

“তা অবিশ্রি দেখছি আজ্ঞে। একেবারে কালকেউটে দংশনের চেহারা। তবু যা কানুন!”

“বাবা সকল, তোমরা তবে আর বুথা ভিড় না করে কাজে লাগো।” শিখিল স্বরে বলেন রামকালী। রঘুর দিকে আর যেন তাকাতে পারছেন না তিনি। কিন্তু কে এখন কাজে লাগতে যাবে?

এত বড় একটা উত্তেজনা তাদের অধীর করে তুলেছে। সকলে বিন্দেকে ঘিরে ধরে চেষ্টাচ্ছে, “কড়ি চাল তুই, কড়ি চাল। হারামজাদা বেটা! স্ফুটস্ফুট করে এসে তোর ঝাঁপিতে ঢুকুক। তারপর তুই আছিস আর তোর বিষপাথর আছে। আছড়ে মেরে ফেল।”

“তোমরা এত ছেলেমানুষি করছ কেন? সাপটাকে ঠিক পাওয়াই যাবে তার নিশ্চয়তা কি?”

“পাওয়া যাবে না মানে? আপনি যখন বলেছেন—”

“বিষ তো ঠিক, কিন্তু আখের ক্ষেতটা আমার অলুমান মাত্র, তার আগে জলটল কিছুই যখন খায় নি বলছে—তাই। কিন্তু এখন বিন্দের কীর্তি নিয়ে পড়লে তোমরা তো—”

কিন্তু যে যতই ভয়-ভক্তির করুক রামকালীকে, আজকের উত্তেজনা তাকে ছাপিয়ে উঠেছে। যদি আখের গাছের গোড়ায় সাপের বাসা থাকে, সেই খেয়ে জলজ্যান্ত একটা ‘সাদস্তি’ গোরালার ছেলে এক দণ্ডে মরে যাবে? তা যদি হয়, সেটা চোখের সামনে ঘাচাই হোক।

সাপের গর্ত আবিষ্কৃত না হওয়া পর্যন্ত কেউ নড়বে না।

অন্তএব সমস্ত দৃষ্ট যথাযথ রয়ে গেল, রঘুর ব্যবস্থায় কেউ গাও দিল

না, বিন্দে ওঝা মহাকলরবে সাপ চেসে আনার মন্ত্র আওড়াতে শুরু করে দিল।

রামকালী চূপ করে দাঁড়িয়েছিলেন, হয়তো বা শেষ অবধি দাঁড়িয়েই থাকতেন, হয়তো বা একসময় চলেই যেতেন, কিন্তু সহসা সেজখুড়ো এসে হাজির হয়ে চাপা গলায় ডাক দিলেন, “রামকালী!”

খানিক আগে গ্রামে আরও অনেক কাজের লোকের মত সেজকর্তাও একবার এখানে এসে ঘুরেফিরে নানা মন্তব্য করে চলে গেছেন। আবার ফিরে এলেন কোন্ বার্তা নিয়ে?

না, বার্তাটা বলতে রাজী নন সেজকর্তা।

ভবে জরুরী দরকার!

বাড়ি যেতে হবে রামকালীকে!

দ্বিতীয় প্রশ্ন আর করলেন না রামকালী, ধীরে ধীরে সরে এলেন বুড়ো বটতলা থেকে। অকর্মা একদল লোক তখন বিন্দেকে ঘিরে উন্নত হট্টগোল করছে।

ভাবলেন মৃত্যুর কারণ না বললেই হত। মৃত্যু, মৃত্যুই। মৃত্যুর কারণ নির্ণয় করতে পারলেই কি তুষ্ট নাতিকে ফিরে পাবে? নাকি আততায়ীকে ‘শেষ’ করে ফেলেই পাবে?

তা পায় না।

তবু মৃত্যুর পর মৃত্যুর কারণ নিয়ে মাথা ঘামায় লোকে। আর খুন হলে নিহত ব্যক্তির হত্যাকারীর ফাঁসি ঘটাবার জন্তে মরণ-বাচন পণ করে লড়ে।

আকাশ আর পাতাল, পাহাড় আর সমুদ্র।

কোন্ পরিবেশ থেকে কোন্ পরিবেশ।

কিন্তু ঘটনা যাই হোক, রামকালীর অন্তঃপুরেও প্রায় শোকেরই দৃশ্য। দীনতারিণী চোখ মুছছেন, চোখ মুছছেন কালীধরী, ভুবনেশ্বরী মুর্ছাতুরার মত পড়ে আছে একপাশে, মোক্ষদা দাপিয়ে বেড়াচ্ছেন এবং সেজখুড়ী, কুঙ্কর বোঁ, আশ্রিতা অমুগতা প্রভৃতি অসংখ্য নারীকূল নিম্নস্বরে রামকালীর জেদ তেজ ও অদূরদর্শিতায় নিন্দাবাদ করছেন।

শুধু সারদা সেখানে নেই, সে তদবাস্তে কুটুমবাড়ির লোকের আহর-আয়োজনে ব্যাপ্ত আছে।

তুষ্টু গয়লার নাতির ব্যাশার নিয়ে সারা গ্রাম আজ তোলপাড়, তবে বাইরের কোনো হুজুগে এ বাড়ির অন্তঃপুরিকাদের উকি দেবার অধিকার নেই, বাদে মোক্ষদা।

মোক্ষদা একবার দেখে এসে স্বান করেছেন, আর যাবেন না। গিয়ে করবেনই বা কি ?

সত্যর স্বপুনের প্রেরিত চিঠি কুঞ্জবিহারী পড়ে দিয়েছেন, আর তার পর থেকেই বাড়িতে এই শোকের ঝড় বইছে।

জামাইয়ের মা বাপ যদি ছেলের আবার বিয়ে দেয়, মেয়ের মৃত্যুর চাইতে সেটা আর কম কি ? পরের মেয়ে-বৌকে উদারতার উপদেশ দেওয়া যায়, তার মধ্যে সতীনের হিংসের পরিচয় পেলে নিন্দে করা যায়, কিন্তু ঘরের মেয়ের কথা আলাদা।

সারাদিনের ক্লান্ত পরিশ্রান্ত দেহ, আর তুষ্টুর নাতির ওই শোচনীয় পরিণামে ক্লিষ্ট মন নিয়ে বাড়ি ঢুকেই ঘটনাটা শুনলেন রামকালী।

তীক্ষ্ণ ভীত দুই চোখের মণিতে জলে উঠল ছু-ডেলা আশ্রন! মনে হল কেটে পড়বেন এখুনি, ধৈর্যচ্যুত হয়ে চিৎকার করে উঠবেন, কিন্তু তা তিনি করলেন না, শুধু ভয়াবহ ভারী গলায় প্রশ্ন করলেন, “কে এসেছে চিঠি নিয়ে ?”

এ সময় মোক্ষদা ভিন্ন আর কার সাধ্য আছে সামনে এগিয়ে যাবার ? তিনিই গেলেন। বললেন, “এনেছে ওদের ওখানের এক আচাষিদের ছেলে। গোপেন আচাষি না কি বলল।”

“কোথায় সে ? চণ্ডীমণ্ডপে ?”

“না, খেতে বসেছে।”

“ঠিক আছে, খাওয়া হলে আমার সঙ্গে দেখা করতে পাঠিয়ে দিও। চণ্ডীমণ্ডপে আছি আমি।”

মোক্ষদা প্রমাদ গনে বলেন, “তা তুমিও তো আজ সারাদিন নাওয়া-খাওয়া কর নি।”

“যাক বেলা পড়ে এসেছে, একেবারে সন্ধ্যাহিক সেরে যা হয় হবে।”

“লোকটা একটু রগচটা আছে, একটু বুঝেবুঝে কথা কয়ো তার সঙ্গে।”

রামকালী ভুরু কঁচকে বললেন, “লোকটা একটু কি আছে ?”

“বলছিলাম রগচটা আছে।”

মোক্ষদাকে অবাক করে দিয়ে সহসা হেসে ওঠেন রামকালী, “তাতে কি ? আমি তো আর রগচটা নই !”

তা বলেছিলেন রামকালী ঠিকই।

রগ মাথা সবই তিনি খুব ঠাণ্ডা রেখেছিলেন ; বুঝিবা অতিমাত্রাতেই রেখেছিলেন ; গোপেন আচার্যিকে ডেকে বেয়াইবাড়ির কুশলবার্তা নিয়ে হাশ্বদনে বলেছিলেন, “শুনলাম নাকি বেয়াইমশাইয়ের ছেলের বিষে ? বলো শুনে খুব আনন্দিত হয়েছি। নেমন্তন্ন পেলে উচিতমত লৌকিকতা পাঠিয়ে দেব।”

গেঁজেল গোপেন আচার্যি কটুকাটব্য দূরের কথা, কথা কইতেই ভুলে গেল, হাঁ করে চেয়ে রইল।

“খাওয়া-দাওয়া হয়েছে তোমার ?”

“আজ্ঞে হাঁ।”

“আজ রাতে তো আর কিরছ না ?”

“আজ্ঞে না !”

“বেশ। সকালে জলটল খেয়ে যাত্রা করো।”

“আজ্ঞে মেয়ে তা হলে পাঠাবেন না ?”

“মেয়ে ? কার মেয়ে ? কোথায় পাঠাবার কথা বলছ হে ?”

গোপেন এবার সাহসে ভর করে বলে ওঠে, “আজ্ঞে, আজ্ঞে আপনার মেয়ের কথা ছাড়া আপনাকে আর কার কথা বলতে আসব ? মেয়ে তাহলে পাঠাবেন না ?”

“আরে বাপু কোথায় পাঠাব তাই বলো ? ভদ্রলোকের মেয়ে ভদ্রলোকের ঘরেই যেতে পারে, যেখানে সেখানে তো যেতে পারে না ?”

গোপেনের শীর্ণ মুখটা বিকৃত হয়ে ওঠে, “বেশ, তবে পত্রে তাই লিখে দিন।”

“আবার পত্র লিখতে হবে ? এই তুচ্ছ কথাটুকু তুমি বলতে পারবে না ?”

“আজ্ঞে না। আমি গেঁজেল-নেশেল মানুষ, আমার কথায় বিশ্বাস করে না করে ! এসেছি যখন পাকা দলিলই নিয়ে যাব।”

“হঁ।” বলে মিনিটখানেক ভুরু কুঁচকে চুপ করে দাঁড়িয়ে থাকেন

রামকালী, তার পর বলেন, “আচ্ছা, তাই হবে। পত্র লিখে রাখব, কাল সকালে রওনা দেবার আগে নিও।”

সন্ধ্যা হয়ে গেছে। তবু ধীরে ধীরে বেরিয়ে পড়লেন রামকালী।

না, সন্ধ্যাহিকের পূর্বে হাতমুখ ধুতে ঘাটে গেলেন না, গেলেন বুড়ো-বটগাছতলার দিকে। কি করল ওরা দেখা যাক। এতক্ষণ পরে আবার রঘুর চেহারাটা চোখে ভেসে উঠল।

উঃ! নিয়তি কী অকরণ!

বাড়ি থেকে একটু এগিয়েই থমকে দাঁড়ালেন রামকালী।

চলচলিয়ে চোটপায়ে আসছে কে অন্ধকারে? সত্যবতী না?

“তুই এখানে একলা যে?”

“একলা নয় বাবা, নেডু এসেছিল, তা ও এখন ফিরল না।”

“এসেছিল কেন?”

“কেন, সে কথা আর শুধোচ্ছ কেন বাবা?” সত্য বিষম হতাশ কণ্ঠে বলে,
“রঘুটাকে একবার শেষ দেখা দেখতে।”

“এভাবে এসে ভাল কর নি। সেজ্ঞাঠাকুমার সঙ্গে এলে পারতে।”

“সেজ্ঞাঠাকুমার তো আটবার ডুব দেওয়া হয়ে গেছে, আর আসত?”

“আচ্ছা বাড়ি যাও।”

“যাচ্ছি।...বাবা—”

“কি হল? কিছু বলবে?”

“বলছি—”

“কি? কি বলতে চাও বলো?”

“বলছি কোথা থেকে যেন একটা লোক এসেছে না পত্তর নিয়ে?”

রামকালী মেয়ের মুখে এ প্রসঙ্গ শুনে অবাক হন। তার পর ভাবেন মেয়েটা তো চিরকালে বেপরোয়া। স্বপ্নরবাড়ি যাবার ভয়ে বাপের কাছে আর্জি করতে এসেছে! তাই স্নেহে বলেন, “হ্যাঁ এসেছে তো! তোর স্বপ্নরবাড়ি থেকে! তার কি?”

“বলছিলাম কি—” সত্যবতীর কথা বলার আগে চিন্তা আশ্চর্য বটে!

রামকালী মনে মনে হাসেন, স্বপ্নরবাড়ি শব্দটাই মেয়েদের এমন!

“বলো কি বলছ?”

“আচ্ছা এখন থাক। তুমি ঘুরে এসো। শুছিয়ে বলবার কথা। রঘুটার মিতদেহ দেখে অবধি মনটা বড় ডুকরোচ্ছে। বাড়ি ফিরে একটু জিরোই।”

“আচ্ছা।” বলে চলে যান রামকালী।

এই অবোধ মেয়ে—একে এক্ষুনি খশুরবাড়ি পাঠানো চলে? অসম্ভব!

“পাওয়া গেছে! পাওয়া গেছে!”

বহু কণ্ঠের একটা উন্নত উল্লাসধ্বনি ভেসে আসে কবরেজবাড়ির দিকে, “কবরেজ মশাই, পাওয়া গেছে!”

কী পেল ওরা? কিসের এত উল্লাস? কোন্ পরম প্রাপ্তিতে মানুষ এমন উন্নত হয়ে উঠতে পারে? চণ্ডীমণ্ডপের দাওয়া থেকে নেমে এলেন রামকালী। তবে কি হতভাগ্য রঘুর প্রাণটাই ফিরে পাওয়া গেল তুষ্টুর পূর্বজন্মের পুণ্যে? কলিযুগেও ভগবান কানে শুনতে পান?

রঘু কি শুধু অজ্ঞান হয়ে গিয়েছিল?

মৃত্যুর কাছাকাছি অচৈতন্যের যে গভীর স্তর, সেখানে ডুবেছিল? জটার বোয়ের মত? রামকালীর নির্ণয় ভুল? তাই হোক তাই হোক! হে ঈশ্বর, একবারের জন্ত অস্তুতঃ তুমি রামকালীর গর্ব খর্ব করো, একবারের মত প্রমাণ করো রামকালীর নির্ণয় ভুল।

নাঃ, কলিযুগে ভগবান হাবা কালা হুঁটো। রামকালীর গর্ব খর্ব করারও গরজ নেই তাঁর। রঘুর প্রাণটা ওরা ফিরে পায় নি, পেয়েছে তার প্রাণঘাতককে। ওবার মন্ত্রচালনার গুণে সাপটা এসে লুটিয়ে পড়েছে মুখে কেনা ভেঙে। আশ্চর্য! এ এক পরম আশ্চর্য!

সাপটাকে নাকি নিতে চেয়েছিল ওরা, কাকুতিমিনতি করে বলেছিল, “এমন জাতসাপ দৈবাৎ মেলে।” কিন্তু জনতার আক্রোশ থেকে রক্ষা করতে পারে নি তার জাতসাপকে। লাঠি দিয়ে আর বাঁশ দিয়ে পিটিয়ে পিটিয়ে তার গোল চকচকে দেহটাকে ছেঁচে কুটে চ্যাপটা করে দিয়েছে সবাই।

“অপরাধ নিও না মা জগদগৌরী!” বলেছে আর পিটিয়েছে।

এখন লম্বা একটা বাঁশের আগায় সেই মরা সাপটাকে ঝুলিয়ে নিয়ে ওরা এসেছে রামকালীর জয়গান করতে। ওরা বুড়োও তার নিকষ কালো গুলি-

পাকানো বেঁটে শরীরটাকে নিয়ে আসছে ছুটে ছুটে বকশিশের আশায়। মোটা বকশিশ কি আর না দেবেন রামকালী? ওঝার সাফল্য যে রামকালীরও সাফল্য!

উল্লাস-চীৎকার-রঙ এই লোকগুলো যেন একটা অথও বর্বরতার প্রতীক। ঘৃণায় ধিকারে মনটা বিষিয়ে গেল রামকালীর, হাত তুলে ওদের থামতে নির্দেশ দিয়ে ডাকুটি করে বললেন, “কী হয়েছে কি? এত স্মৃতি কিসের তোমাদের? রঘু বেঁচে উঠেছে?”

“বেঁচে উঠবে!” একজন মহোৎসাহে বলে ওঠে, “ভগবানের সাধ্য কি ওকে বাঁচায়! একেবারে কালনাগিনীর বিষ! কিন্তু ধন্তি বলি কবরেজ মশাই আপনার শিক্ষা। কামড়ায় নি, শুধু—”

“থামো।” ধমকে ওঠেন রামকালী, “তা ওই নিয়ে এত হৈ-চৈ করছ কি জন্তে? একটা বালক এখনো মরে পড়ে রয়েছে—”

সহসা একটা প্রবল আবেগে কণ্ঠ রুদ্ধ হয়ে আসে রামকালী চাটুয্যের, যেমনটা তাঁর বড় হয় না। রঘুর এই শোচনীয় মৃত্যুটা বড় লেগেছে রামকালীর। বার বার মনে হচ্ছে হয়তো সময় থাকতে রামকালীর হাতে পড়লে বেঁচে যেত ছেলেটা।

ভাবতে চেষ্টা করছেন, নিয়তি অমোঘ, আয়ু নির্দিষ্ট, এ চিন্তা মূঢ়তা, তবু সে চিন্তাকে রোধ করতে পারছেন না। বিষ-নিবারক ওষুধগুলো তাদের নাম আর চেহারা নিয়ে অনবরত মনে ধাক্কা দিচ্ছে।

“আজ্ঞে কর্তা, মা বিষহার নিলে কে কি করতে পারে? তবে কীতি একটা দেখালেন বটে!” বলে ওঠে ওঝা বৃড়ো, “তবে আমাকেও মুখে রক্ত তুলে খাটতে হয়েছে কত্তা! বেটী কি আসতে চায়? একেবারে মোক্ষম মস্তুর ঝেড়ে, তবে—”

“বেশ, শুনে সুখী হলাম। যাও তোমরা এখন ওটার একটা সদগতি করো গে।” সাপ মারলে তাকে শাস্ত্রীয় আচারে দাহ করা নিয়ম, সেই কথাই উল্লেখ করে কথাটা বলেন, তার পর দ্রবণ গাঢ়স্বরে বলেন, “আর সেই হতভাগাটারও একটা গতির ব্যবস্থা করো গে। তুষ্টুর একার ঘাড়ে সব দায়টা চাপিয়ে নিশ্চিন্ত থেকো না।”

জনতার উল্লাসটা একটু ব্যাহত হয়। এটা কী হল! এমনটা তো তারা আশা করে আসে নি! ভেবেছিল, সাপটা আবিস্কৃত হয়েছে দেখে নিঃসন্দেহে

উৎফুল্ল হবেন রামকালী, কারণ এটা তাঁর 'জয়পতাকা' বলা চলে। অনেকের মধ্যেই তো একটা অবিশ্বাস ঊকি দিয়েছিল, কবরেজ মশাইয়ের প্রতি অপরিসীম বিশ্বাস সত্ত্বেও।

একেবারে একটা অসম্ভব কথাই যে বলেছিলেন রামকালী। অসম্ভবও যে সম্ভব হয়, এ কথা প্রমাণ করত কে, এই সাপটা ছাড়া? অথচ রামকালী যেন নির্বিকার।

ক্ষুব্ধ হল, আহত হল ওরা।

“সে ব্যবস্থা কি আর না হচ্ছে কবরেজ মশাই”, ওরা বলে, “এতক্ষণে বাঁশ কাটা হয়ে গেল বোধ হয়। তবে কথা হচ্ছে সাপের মড়া, ওকে তো ভাসাতে হবে?”

“না।” ভারী গলায় বলেন রামকালী, “সাপে কাটে নি। যথারীতি দাহর ব্যবস্থাই করো গে। কতগুলো হৈ-চৈ করো না।”

বাঁশ ঘাড়ে করে চলে গেল ওরা, তার পিছনে গ্রাম-ঝেঁটানো ছেলেমেয়ে ইতর-ভদ্র। ওদের গমনপথের দিকে তাকিয়ে থাকতে থাকতে হঠাৎ মনে হল রামকালীর, এরা আমাদের আত্মীয়! এই আমাদের প্রতিবেশী! বুনো জঙ্গলে কোন সাঁওতালদের থেকে এমন কি উন্নত এরা? বর্বরতার স্রোত পেলোই তো মেতে উঠতে চায় সেই বস্ত্র বর্বরতায়! মৃত্যুকে যে একটু ভ্রঙ্না করতে হয়, ভ্রঙ্নার লক্ষণ যে নীরবতা, এ বোধের কণামাত্রও তো নেই এদের মধ্যে।

“কর্তা আমার বকশিশটা?”

নিকটে সরে এসে হাত কচলায় বিন্দে বুড়ো।

“বকশিশ?” রামকালী ভুরুর তীক্ষ্ণতায় কপালে রেখা এঁকে বলেন, “বকশিশ কিসের?”

“আজ্ঞে কস্তা—!”

“বলছি বকশিশ কিসের? ছেলেটাকে বাঁচিয়েছ?”

“সে আজ্ঞে মিত্যুর পর আর বাঁচাবে কে?”

“হ্যাঁ, আমি তা জানি। শুধু এইটা বুঝতে পারছি না, বকশিশ পাবার দাবিটা কখন হল তোমার?”

“বেশ, বকশিশ না ছান, মজুরিটা তো দেবেন আজ্ঞে।” ওরা এবার রুখে ওঠে।

“সেটা দেবে যারা ডেকে এনেছে—” শাস্ত গম্ভীর কণ্ঠে বলেন রামকালী,
“আমি তোমায় ডেকে আনি নি।”

“দশজনের মধ্যে কাকে ধরতে যাব কত্তা”, বিন্দে বেজার মুখে বলে, “না
জান তো চলে যাব। গরীব মানুষ—”

“দাঁড়াও”, রামকালী বেনিয়ানের পকেট থেকে নগদ দুটি টাকা বার করে
ওর হাতে দিয়ে, আরও গম্ভীর গলায় বলেন, “শুধু তো তোমার মজুরি নয়,
একটা সাপেরও দাম। দামী সাপটা গেল তোমার—”

বুড়ো বিহ্বল দৃষ্টি মেলে অভিভূত কণ্ঠে বলে, “আজ্ঞে কী বলছ কত্তা!”

“যা বলছি ঠিকই বুঝেছ।...যাও।”

“কত্তা!”

“কটা সাপ তোমার বাঁপিতে ছিল বুড়ো?” নির্নিমেষ দৃষ্টিতে ওর মুখের
দিয়ে তাকিয়ে রামকালী আন্তে উচ্চারণ করেন কথাটা।

সে দৃষ্টির সামনে কৈপে ওঠে লোকটা, কঁদো কঁদো গলায় বলে,
“কত্তা তুমি অন্তরঙ্গাণী—”

“বিশ্বাস করছ সে-কথা? আচ্ছা যাও ভয় নেই।”

টাকা, অভয়, দুটো জিনিস পেয়ে গেছে লোকটা, অতএব আর দাঁড়ায়
না। কি জানি ‘অগ্নিমুখ দেবতা’ এক্ষুনি যদি মত পান্টায়!

রামকালী অদ্ভুত একটা ক্লোভের দৃষ্টি মেলে তাকিয়ে থাকেন। এদের
তো নিজেদের অজ্ঞতার শেষ নেই, বুদ্ধিহীনতার চরম প্রতীক, তবু অপরের
অজ্ঞতা আর মৃত্যুকে উপজীবিকা করে চালিয়েও চলেছে দিবি।

সাপটা সঘন্থে সন্দেহ হরেছিল, কিন্তু ধারণা করেন নি, লোকটা এত
সহজে স্বীকার পাবে, এক কথায় এমন গুটিয়ে কেঁচো হয়ে যাবে।

মনটা ভারাক্রান্ত হয়ে ওঠে একটা বিষম বেদনায়। দেহের রোগ
সারাবার ভার চিকিৎসকের হাতে, কিন্তু মনের রোগ কে সারাবে? কুসংস্কার,
অজ্ঞতা, বোকামি, অথচ তার সঙ্গে ষোলো আনা কুটিল বুদ্ধি। আশ্চর্য!

অন্ধকার হয়ে গেছে। আন্ধিকের সময় উত্তীর্ণপ্রায়, তবু সেই দাঁওয়ার
ধারেই জলচোঁকিটার উপর বসে আছেন রামকালী। খড়মটা পায়ে পরা
নেই, পা দুটো আলাগা তার ওপর চাপানো। অন্ধকারে খড়মের রূপের
‘বোল’ দুটো ঝৎৎ চকচক করছে।

“বাবা !”

চমকে উঠলেন এই অপ্রত্যাশিত ডাকে ।

“সত্য ? তুমি এখানে ? ও, আহ্নিকের সময় উল্লীর্ণ হয়ে যাচ্ছে তাই বলতে এসেছ ? যাই মা । তুমি ভেতরে যাও ।”

“আমি সে কথা বলতে আসি নি বাবা ।”

“সে কথা বলতে আসি নি ! তা হলে ?”

“বলছিলাম—” প্রায় মরীয়ার মতন বলে ফেলে সত্য, “বারুইপুরের লোককে ‘ই্যা’ করেই দাও না বাবা ।”

বারুইপুরের !

রামকালী অবাক হয়ে বলেন, “‘ই্যা’ করে দেব ? কি ‘‘ই্যা’’ করে দেব ?”

“তুমি তো বুঝতেই পারছ বাবা”—সত্য কাতর স্বরে বলে, “আমি আর নিঃশব্দ মত মুখ ফুটে কি বলব !”

রামকালী মেয়ের মুখটা দেখতে পান না অন্ধকারে, কিন্তু স্বরটা ধরতে পারেন, তবু বুঝতে সত্যিই পারেন না, সত্য কি বলতে চায় । বারুইপুরের লোকটার চলে যাওয়ার ব্যাপারে, ‘ই্যা’ করতে বলতে চাইছে না কি ? রামকালী তো সে রায় দিয়েই দিয়েছেন, তবে ? বাড়ির মেয়েরা বোধ হয় এখনো জের টানছেন ?

সাম্বনার গলায় বলেন, “ভয় পেও না, স্বশ্রববাড়ি তোমায় যেতে হবে না এখন ।”

সত্য বোঝে বাবা তার আবেদন ধরতে পারেন নি, আর পারার কথাও নয় । সত্য মতন কোন্ মেয়েটা আর নিজের গলা নিজে কাটতে চায় ? কিন্তু সত্য যে সাতপাঁচ ভেবে তাই চাইছে । হাড়িকাঠের নিচে গলাটা বাড়িয়েই দিচ্ছে । পিস্তাঠাকুর দল সশব্দে ঘোষণা করেছেন, ‘অহঙ্কারে ধরাকে সরা দেখে রামকালী মেয়ের আখের ঘোচালেন ! কুটুমরা রক্তমাংসের মানুষ বৈ তো কাঠ-পাথরের নয় যে, এত অপমান সহ্য করে বসে থাকবে ! ছেলের আবার বিয়ে দেবেই নির্ঘাত, আর রামকালী চিরকাল মেয়ে গলায় করে বসে থাকবেন ? গলায় পড়া মেয়ে মানেই হাতে পায়ে বেড়ি !’

সত্য ভেবে ঠিক করেছে বাপ-মায়ের হাতে পায়ে বেড়ি হয়ে থাকটা কোন কাজের কথা নয় । তার চাইতে বাপের স্মৃতি কমানোই ভাল ।

কিন্তু বাবা তার বক্তবাই ধরতে পারছেন না।

অতএব আর লজ্জার আবরণ রাখা চলল না। সত্য সকালবেলার চিরেতার জল খাওয়ার মতই চোখ-কান বুজে বলে ফেলল, “সে ভয়কে আমি মনে ধরাচ্ছি না বাবা, বরং উণ্টো কথাই বলছি। ও তুমি পাঠাবার মন করেই দাও, আমার কপালে মরণ বাঁচন যা আছে হবে।”

রামকালী স্তম্ভিত হলেন।

এযাবৎ মেয়ের বহু দুঃসাহসের পরিচয় তিনি পেয়েছেন, সে দুঃসাহস পরিপাকও করেছেন। কারণ তার অর্থ হৃদয়ঙ্গম করেছেন। কিন্তু এটা কি? নিজে সেধে স্বপ্নরবাড়ি যেতে চাইছে সে?

বয়স্থা মেয়ে নয় যে, এ চাওয়ার অত্র অর্থ করবেন, তবে?

কণ্ঠস্বর গম্ভীর হল, হয়তো বা একটু রুঢ়ও, “তুমি ইচ্ছে করে স্বপ্নরবাড়ি যেতে চাইছ?”

“যেতে চাইছি কি আর সাধে?” বাবার কণ্ঠস্বরে দৃঢ়তার আভাস সত্যর চোখে প্রায় জল এনে ফেলেছে, “চাইছি অনেক ভেবেচিন্তে। কুটুমকে চট্টরে শুধু গেরো ডেকে আনা বৈ তো নয়!”

রামকালী বুঝলেন, বাড়িতে এই ধরনের কথার চাষ চলেছে। অবোধ শিশু শিখবেই তো। কিন্তু তাই বলে এতই কি অবোধ যে, বাপের সামনে কোন কথা বলতে হয় তা বোঝে না?

কঠিন স্বরে বললেন, “আমার গেরোর কথা আমিই বুঝব সত্য, তুমি ছেলেমানুষ এ নিয়ে ভাববার এসব কথায় থাকবার দরকার নেই। এটা বাচালতা।”

কিন্তু সত্য তো দমবে না।

হাত ছেড়ে পালিয়ে যাওয়া সত্যর কোম্পীতে লেখে নি। তাই স্নান হলেও জোঁরালো স্বরে বলে, “সে তো বুঝিই বাবা, বাচালতা নিলজ্জতা, কিন্তু উপায় কি? সমিস্ত্রে যে প্রেবল! এর পর যখন তোমাকে আমার নিয়ে ভুগতে হবে, তখন যে মরেও শাস্তি পাবে না। ওরা ছেলের আবার বিয়ে নাকি দেবে বলেছে। সেটা তো অপমান। তুচ্ছ একটা মেয়েসন্তানের জন্তে কেন তোমার উচু মাথাটা হেঁট হবে বাবা?”

রামকালীর মনে হল প্রচণ্ড একটা ধমকে মেয়েটার বাচালতা ঠাণ্ডা করে দেন, কিন্তু পরক্ষণেই একটা বিপরীত ভাবের ধাক্কা এল। মেয়েটার মনের

মধ্যে আছে কি? এতটুকু মেয়ে এত কথা ভাবেই বা কেন? আর এতখানি তুর্জয় সাহসই বা সংগ্রহ করল কোথা থেকে?

বাপের সঙ্গে স্বশ্রববাড়ি যাওয়ার আলোচনা ভূভারতে আর কোনো মেয়ে করেছে কখনো? তাও রামকালীর মত রাশভারী বাপ? মা দীনতারিণী পর্যন্ত যার সঙ্গে সমীহ করে কথা বলেন? তা ছাড়া ‘স্বশ্রববাড়ি’ শব্দটাই তো মেয়েদের কাছে ‘সাপখোপ বাঘ ভালুক ভূত চোর’ সব কিছু চাইতেও ভয়ের। সে ভয়কেও জয় করেছে সত্যি কোন্ নির্ভয় মস্তুর জোরে?

ঠিক করলেন ধমকে ঠাণ্ডা করবেন না, শেষ অবধি ধৈর্য ধরে শুনবেন ওর কথা। দেখবেন ওর মনের গতির বৈচিত্র্য। রাগের বদলে একটা বিস্মিত কৌতুহল আসছে।

শান্তগলায় বললেন, “মেয়েসন্তান যে ‘তুচ্ছ’ এটা তো তুমি কখনো বলো না?”

“বলি না, অবস্থাই বলাচ্ছে বাবা! তুচ্ছ না হলে আর তাকে সাত তাড়াতাড়ি ‘পরগোস্তর’ করে দিতে হয়? একটা সন্তান বলে কথা, তাও তো ঘরে রাখতে পার নি, তবে আর মিথ্যে মায়ায় জড়িয়ে কি হবে বাবা? সেই ‘পরগোস্তর’ই যখন করে দিয়েছ, তখন আর জোর কি? আজ নয় কাল পাঠাতে তো হবেই, বলতে তো পারবে না ‘দেব না আমার মেয়ে’, তবে?”

“পাঠাবার একটা সময় আছে, নিয়ম আছে, সে তুমি এখন বুঝবে না। ও নিয়ে মিছে মাথা খারাপ করো না। যাও ভেতরে যাও।”

“ভেতরে নয় যাচ্ছি, কিন্তু মনের ভেতরে যে ভোলপাড় হচ্ছে বাবা! রঘুর মিত্য আজ আমার দৃষ্টি খুলে দিয়েছে। ভগবানের রাজ্যেই যখন সময় বাঁধা নেই, নিয়ম নেই, তখন মানুষের আর থাকবে কি? এই আজ আমাকে পরের ঘরে পাঠাতে বুক ফাটেছে তোমার, একুনি যদি মিত্য এসে দাঁড়ায়, দিতে তো হবে তার হাতে তুলে?” সহসা আঁচলের কোণ তুলে চোখটা মুছে নেয় সত্য, তার পর ভারী গলায় বলে, “তখন তো বলতে পারবে না— ‘এখনও সময় আসে নি, নিয়ম নেই।’ ও স্বশ্রববাড়ি আর ঘমেরবাড়ি দুই যখন সমতুল্য, তখন আর মনে খেদ রেখো না। পাঠিয়ে দিয়ে মনে করো সত্যি মরে গেছে।”

আর বোধ করি শক্ত থাকতে পারে না সত্য, নিজের সেই কাল্পনিক যুতুর শোকেই ছুঁপিয়ে কেঁদে ওঠে।

সুত্ন রামকালী সেই ত্রন্দনবতীর দিকে তাকিয়ে থাকেন। মেয়েটা কি শুধুই শেখা বুলি কপ্চে যায়, না সত্যিই এমন করে ভাবে?

খানিকক্ষণ পরে সুত্নতা ভেঙে বলেন, “মন-কেমনের কথা আমি ভাবি না সত্য, তুমি বড়দের মত কথা বলতে শিখেছ তাই বলছি, তোমায় পাঠালে আমার মান থাকবে না।”

সত্য গভীর দুঃখে হতাশ স্বরে বলে, “বুঝি বাবা, বুঝি না কি? কিন্তু এ তো তবু শুধু ওদের কাছে মান থাকা মান যাওয়া। গলবস্তুর হয়ে যেদিন ওদের ঘরে মেয়ে দিয়েছ, মান তো সেদিনই গেছে। কিন্তু ওরা যদি তোমার মেয়েকে ত্যাগ দেয়, তা হলে যে দেশশুদ্ধ লোকের কাছে হতমাণ্ডি! হৃদিক বিবেচনা করো বাবা!”

রামকালীর গলা দিয়ে বুঝি আর শব্দ বেরোয় না, ভাষা স্তব্ধ হয়ে গেছে তাঁর। মেয়েটা কি সত্যি বালিকা মাত্র নয়, ওর মধ্যে কি কোন শক্তির “ভন্ন” হয়? বুদ্ধির শক্তি, বাক্যের শক্তি?

“আচ্ছা তুমি যাও, আমি ভেবে দেখছি?”

“ভাবো। যা পারো আজ রাত্তিরের মধ্যেই ভেবে নাও। ওই হতচ্ছাড়াটা তো রাত পোহাতেই বিদেশ হবে।”

“ছি মা, স্বপ্নরবাড়ির লোকের সম্পর্কে কি এভাবে বলতে আছে?”

“নেই তা তো জানি বাবা, কিন্তু দেখে যে অপরিবর্তিত আসছে। কুটুম-বাড়িতে পাঠাবার যুগ্যি একটা লোকও জ্বোটে নি!”

রামকালী ঈষৎ তরল কণ্ঠে বলে ওঠেন, “তুই তো আমার মুখ হেঁট হবার ভয়ে সারা, কিন্তু স্বপ্নরবাড়ি ত্যাগ না দিয়ে কি ছাড়বে তোকে? হুদিন ঘর করেই তো ক্ষেরত দেবে। তোকে নিয়ে কে ঘর করবে সত্য? এত বাক্যি কে সহিতে পারবে?”

সত্য সর্গোরবে মাথা তুলে বলে, “সে তুমি নিশ্চিন্দি থেকে বাবা, সত্যকে দিয়ে তোমার মুখ কখনো হেঁট হবে না।”

রামকালী গভীর স্নেহে মেয়ের পিঠে একটু হাত রাখেন।

মেয়েটা যে কি, তিনি যেন বুঝে উঠতে পারেন না। থেকে থেকে সে যেন ভীষ্ম একটা প্রব্রের মত তাঁর সামনে এসে দাঁড়ায়। যে কথাগুলো বলে,

সব সময় সেগুলো পাকা মেয়ের শেখা কথা বলে উড়িয়ে দেওয়াও শক্ত, সে সব কথা চিন্তিত করে, বুঝিবা ভীতও করে। তবু রামকালী ওকে বুঝছেন, কিন্তু পৃথিবী কি ওকে বুঝবে ?

ও কেন সাধারণ হল না ?

পুণ্ডির মত, বাড়ির আর পাঁচটা মেয়ের মত ? অথবা ওর মার মত ? সেটাই তো স্বাভাবিক, সেটাই তো উচিত। রামকালী তাহলে ওর সম্পর্কে নিশ্চিন্ত থাকতেন। সুখী হতেন।

কিন্তু ?

সত্যিই কি সুখী হতেন ? সত্য সাধারণ হলে, বোকা হলে, ভোঁতা হলে ? সত্যকে যে তাঁর একটা দামী জিনিস বলে মনে হয়, সেটা কি হত তাহলে ? কেবলমাত্র স্নেহের ওজন চাপিয়ে পাল্লাটা এত ভারী করে তুলতে পারতেন ?

“যাও মা ভেতরে যাও, আহ্নিক করব এবার।”

“যাচ্ছি—” উঠে দাঁড়িয়েই রামকালীর অসাধারণ মেয়ে সহসাই একটা হাশ্বকর সাধারণ কথা বলে বসে, “ভেতরদালান পর্যন্ত একটু এগিয়ে দেবে বাবা ?”

“এগিয়ে দেব ? কেন রে ?”

“রঘুর দিশটা দেখে অবধি গা-টা কেমন ছমছম করছে বাবা ! মেলাই অন্ধকার ওখানটায়।”

“হ্যাঁ হ্যাঁ চল, যাচ্ছি আমি। কেন যে তুমি গেলে সেখানে ! ভাল কর নি।”

রামকালী কি একটু আশ্বস্ত হলেন ? তাঁর নির্ভীক মেয়ের এই ভয়টুকু দেখে ?

মেলাই অন্ধকারটা পার হয়ে এসে সত্য একবার থমকে দাঁড়াল, তার পর ঝপ্ করে বলে উঠল, “ভাবতে ভুলে যেও না বাবা !”

“ভাবতে ? কি ভাবতে ? ও !” অন্তমনস্কতা থেকে সচেতনতায় ফিরে আসেন রামকালী, “ভেবেছি। পাঠিয়েই দেব তোমায়।”

সহসা কান্নায় উথলে উঠল সত্য, “আমার ওপর রাগ করলে বাবা ?”

“না, রাগ করি নি।”

“আবার আনবে তো ?” কান্না অদম্য হয়ে ওঠে।

“ওরা যদি পাঠায়।” নিলিপ্ত কণ্ঠে বলেন রামকালী।

“পাঠাবে না বৈকি, ইস্!” মুহূর্তে কান্না থামিয়ে উদ্দীপ্ত হয়ে ওঠে সত্য,
“তুমি ওদের মান রাখছ, আর ওরা তোমার মান রাখবে না? পাছে কুটুস্থুর
সঙ্গে ‘অসুস্থ’ হয়, আসা-যাওয়া বন্ধ হয়, এই ভয়ে বুক কেটে যাচ্ছে তবু যেতে
চাইছি আমি, বুঝবে না তারা সে কথা?”

রামকালী আর একবার চমৎকৃত হলেন।

অতটুকু মগজে এত তলিয়ে ও ভাবে কি করে? তার পর হতাশ নিঃশাস
ফেললেন, বোঝবার কথা যদি সবাই বুঝত!

মেয়ের বিয়ে দেবার সময় জামাইয়ের রূপ দেখে নেওয়া যায়, কুল দেখে
নেওয়া যায়, অবস্থা দেখে নেওয়া যায়, কিন্তু তার সংসারসুখ পরিজনের
প্রকৃতি তো আর দেখে নেওয়া যায় না!

মেয়েকে রামকালী গৌরীদান করেছেন।

পাত্র খোঁজার সময় দীনতারিণী বলেছিলেন, “তোমার মোটে একটা মেয়ে,
পরের ঘরে কেন দেবে? একটি সোন্দর দেখে কুলীনের ছেলে নিয়ে এসে
ঘরজামাই রাখো।”

ভূবনেশ্বরীও স্পন্দিতচিত্তে শান্তুড়ীর অন্তরালে বসে রায় শোনবার জন্যে
হাঁ করে ছিল, কিন্তু রামকালী তাঁদের আশায় জল ঢাললেন। বললেন,
“ঘরজামাই? ছি ছি ছি!”

“কেন?” দীনতারিণী বুকের ভর্যে চেপে জেদের সুরে বলেছিলেন, “লোকে
কি এমন করে না?”

“লোকে তো কত কি করে মা!”

“তা বোমার যে আর ছেলেপুলে হবে এ আশা তো দেখি না, কুষ্টিতেও
নাকি আছে এক সন্তান। তা’লে তোমার বিষয়-আশয় তো জামাই-ই পাবে,
ছোট থেকে গড়েপিটে তৈরি না করলে—”

রামকালী তীব্র প্রতিবাদে মাকে নির্বাক করে দিয়েছিলেন, “রাসু থাকতে,
তা’র ভাইয়েরা থাকতে জামাই বিষয় পাবে এ কথা তুমি মুখে আনলে কি করে
মা? ছি ছি! সত্য কেন বাপের ভাত খেতে যাবে? এমন পাত্রে দেব, যাতে
জামাইকে স্বস্তির বিবয়ে লোভ করতে না হয়।”

তা সে কথা রামকালী রেখেছিলেন।

মেয়ের যা বিয়ে দিয়েছিলেন, স্বপ্নের সম্পত্তিতে লোভ করার দরকার তাদের নেই।

বিষয়-আশয় ঢের, সে-ও বাপের এক ছেলে।

শুনেছেন বাপ একটু কুপণ, তা সে আর কি করা যাবে? সব নিখুঁত কি হয়?

তেমনি যে তাঁদের মত জামাই!

তা ছাড়া পরম কুলীন!

এর বেশী আর কি দেখা যায়?

কিন্তু লোভ কি মানুষ দরকার বুঝে করে? রামকালী কি স্বপ্নেও ভেবেছেন, তাঁর পরম কুলীন বেহাই শ্বেনদৃষ্টি মেলে বসে আছেন তাঁর বিষয়ের দিকে? এমনই তীব্র লোভ যে রামকালীর ‘অবর্তমান’ অবস্থাটাই তাঁর একান্ত চিন্তনীয় বিষয়?

রামকালীর চাইতে বছর দশেকের বড় হয়েও, নিজে তিনি চিরবর্তমান থাকবেন এমনই আশা।

এসব জানেন না রামকালী।

শুধু জামাই পাঠচর্চা করছে এটা জেনেছেন, জেনে সন্তুষ্ট হয়েছেন।

‘স্নেহ বিধা’ বলে হয় করবেন, এমন সংস্কারাচ্ছন্ন রামকালী নন। শিখুক, ভালই। স্নেহদেরই তো রাজত্ব চলছে এখন।

উনিশ

লক্ষ্মীকান্ত বাঁড়ুয্যে মারা গেলেন।

পুণ্যবান মানুষ, নিয়মের শরীর, ভুগলেন না ভোগালেন না, চলে গেলেন সজ্ঞানে। সকালেও যথারীতি স্নান করেছেন, ফুল তুলেছেন, পূজা করেছেন। পূজা করে উঠে বড় ছেলেকে ডেকে বললেন, “তোমরা আজ একটু সকাল সকাল আহাৱাদি সেৱে নাও, আমার শরীরটা ভাল বুঝি না, মনে হচ্ছে ডাক এসেছে।”

বড় ছেলে হতচকিত হয়ে তাকিয়ে থাকে, বোধ করি ধারণাও করতে

পারে না, লক্ষ্মীকান্তর শরীর খারাপের সঙ্গে তাদের আহারাদি সেরে নেওয়ার সম্পর্ক কোথায়? আর ‘ডাক’ কথাটারই বা অর্থ কি?

লক্ষ্মীকান্ত ছেলের ওই বিহ্বলতায় হাসলেন। হেসে বললেন, “আহারাদি সেরে দুই ভাই আমার কাছে এসে বসবে, কিছু উপদেশ দিয়ে যাব। অবশ্য উপদেশ দেবার অধিকার আর কিছুই নয়, কতটুকুই বা জানি, জগৎকে কতটুকুই বা দেখেছি, তবু বয়সের অভিজ্ঞতা। বধ্যমাতাদের জানিয়ে দাও গেরান্নার কতকগুলি ‘পদ’ বাড়িয়ে যেন বিলম্ব না করেন।”

বাপ কেবল তাদের খাওয়ার কথাই বলছেন! কিন্তু তাঁর নিজের?

বড় ছেলে রুদ্ধকণ্ঠে বলে, “আপনার অন্নপাক কখন হবে?”

“এই দেখ বোকা ছেলে, বিচলিত হচ্ছে কেন? আমার আজ পূর্ণিমা, অন্ন নেই! ফলাহার একটু করে নেব, নারায়ণের প্রসাদ। প্রসাদে চিন্তাশুদ্ধি, দেহশুদ্ধি!”

ছেলে গিয়ে ছোট ভাইয়ের কাছে ভেঙ্গে পড়ল। তার পর অস্ত্রপুত্রিকারা টের পেলেন। কিছুক্ষণের মধ্যেই সমস্ত সংসারে শোকের ছায়া নেমে এল। কেউ অবিশ্বাস করল না, কেউ হাস্যকর বলে উড়িয়ে দিল না, ‘অমোঘ নিশ্চিত’ বলে ধ্বসে পড়ল।

বাড়ুঘ্যের সংসার থেকে এ সংবাদ সঙ্গে সঙ্গেই বাইরেও ছড়িয়ে পড়ল, কারণ আগুন কখনো এক জায়গায় আবদ্ধ থাকে না।

মুহূর্তে চারিদিকে প্রচার হয়ে গেল, “বাড়ুঘ্যে বে চললেন!”

যেন বাড়ুঘ্যে কোন বিদেশ ভ্রমণে যাচ্ছেন, নৌকোভাড়া হয়ে গেছে, সঙ্গীরা প্রস্তুত হয়ে দাঁড়িয়ে আছে কোথাও।

উঠানে তুলসীমঞ্চের নীচে লক্ষ্মীকান্তর শেষশয্যা বিছানো হয়েছে, বালিশে মাথা রেখে দুই হাত বুকে জড়ো করে টানটান হয়ে শুয়ে আছেন তিনি শোজা।

কপালে চন্দনলেখায় হরিনাম, দুই চোখের উপর পাতার আর দুই কানে চন্দন-মাখানো তুলসীপাতা। বুকের উপর ছোট্ট একটি হাতেলেখা পুঁথি। লক্ষ্মীকান্তর নিজেরই হাতের লেখা, গীতার কয়েকটি শ্লোক। নিত্য পাঠ করতেন, সেটি সঙ্গে দেওয়া হচ্ছে।

রাজ্যকালে কেউ স্পর্শ করবে না, রাজ্যের নিষেধ। বিছানাটি ছেড়ে

আশেপাশে মাথা হেঁট করে বসে আছে ছেলেরা, পাড়ার কর্তা-ব্যক্তির।
অন্তঃপুরিকার। অদূরে আলম ঘোমটার আবৃত হয়ে বসে নীরবে অশ্রু বিসর্জন
করছেন।

মৃত্যুর দণ্ডকাল অতীত না হওয়া পর্যন্ত ডাক ছেড়ে কাঁদা চলবে না, সেটাও
নিষেধ। ক্রন্দনধ্বনি আত্মার উদ্ধরণের পথে বিঘ্ন ঘটায়।

বাঁড়ুয়ো গিন্নীও সেই নিষেধাজ্ঞা শিরোধার্য করে নিঃশব্দে ডুকরোচ্ছেন।

ঘোষাল এসে দাঁড়ালেন।

কাঁপা গলায় বলে উঠলেন, “জনকরাজার মত চললে বাঁড়ুয়ো?”

লক্ষ্মীকান্ত মুহূর্তে হেসে মুহূর্তের বললেন, “বিদেশ থেকে স্বদেশে! বিমাতার
কাছ থেকে মাতার কাছে।”

তার পর ছেলের দিকে তাকিয়ে বললেন, “তারক ব্রহ্ম।”

অর্থাৎ বুধা কথায় কালক্ষেপ নয়।

“নমো নারায়ণায় নমো নারায়ণায়, হরেনার্মৈব কেবলম।”

আন্তে আন্তে চোখের পাতা দুটি বুজলেন লক্ষ্মীকান্ত। তুলসীপাতা দুটি
ঢেকে দিল দুটি চোখের পাতা।

নিশ্বাসের উত্থানপতনের সঙ্গে নামজপ হতে থাকল ভিতরে, যতক্ষণ চলল
শ্বাসের গুঁপড়া।

একসময় থামল।

যাক, বয়স হয়েছিল লক্ষ্মীকান্তর, ভুগলেন না ভোগালেন না, চলে গেলেন
এতে দুঃখের কিছু নেই। অন্ততঃ দুঃখ করা উচিত নয়। মানুষ তো মরবার
জন্মেই এসেছে পৃথিবীতে, সেই তার সর্বশেষ আর সর্বশ্রেষ্ঠ কর্মটি যদি নিপুণ
ভাবে নিখুঁতভাবে করে যেতে পারে, তার চাইতে আনন্দের আর কি আছে?

না, লক্ষ্মীকান্তর মৃত্যুতে দুঃখের কিছু নেই।

তবু নিকট-আত্মীয়রা দুঃখ পায়।

মায়াবদ্ধ জীব দুঃখ না পেয়ে যাবে কোথায়?

কিন্তু নিকট-আত্মীয় না হয়েও একজন এ মৃত্যুতে দুঃখের সাগরে ভাসে, সে
হচ্ছে সারদা!

শ্রদ্ধ উপলক্ষে নতুন কুটুম্বকে নিমন্ত্রণ জানিয়েছে বাঁড়ুয়ের ছেলেরা, আর
‘নিমন্ত্রণ’ অবধি থাকার আবেদন জানিয়ে রাহুলকে নিতে লোক পাঠিয়েছে।

তুলনা হিসেবে বলতে গেলে সারদার মাথায় একখানা ইঁট বসিয়েছে।

নিয়ে যাবে পরদিন। কথা চলছে সারাদিন।

এ বাড়ি থেকে রামকালী খবর শোনামাত্র একবার দেখা করে এসেছেন, এবং যথারীতি হবিষ্যন্নের যোগাড় পাঠিয়েছেন লৌকিকতা হিসাবে। প্রচুরই পাঠিয়েছেন।

এখন আবার রাসুর সঙ্গে লোক যাবে, শ্রদ্ধের ‘সভাপ্রণামী’ আর সমগ্র সংসারের ঘাটে ওঠার কাপড়চোপড় নিয়ে। নিয়মভঙ্গের দিন পুকুরে জাল ফেলানো হবে, মাছ যাবে, রাসুর শাণ্ডীদেবের জন্ত সিঁহর আলতা পান সুপারি যাবে।

এইসব আলোচনাই চলছে সারাদিন।

সারদার মনে হচ্ছে, সবই যেন বড় বেশী বাড়াবাড়ি হচ্ছে।

এই যে তার বাবার খুড়ী মারা গেলেন সেবার, কই এতসব তো হয় নি।

যাক, সে কথা যাক।

পয়সা আছে বিলোবে।

কিন্তু সারদার খাস ভালুকটুকু না এই উপলক্ষে বিকিয়ে যায়।

রাতে ছাড়া কথা কওয়ার উপায় নেই, স্পন্দিতচিত্তে সংসারের কাজ সারে সারদা, আর প্রহর গোনে।

তবু কুটুমদের একটু আক্কেল আছে, দিনেদিনেই নিয়ে চলে যায় নি, একটা রাত হাতে রেখেছে।

এ বাড়ির খাওয়ারদাওয়া মিটতে রাতদুপুর হয়ে যায়।

তবু একসময় আসে সেই আকাঙ্ক্ষিত সময়।

দরজার ছড়কে লাগিয়ে দেওয়া যায় এবার, সমস্ত সংসার থেকে পৃথক হয়ে এসে বসা যায় দুটো মানুষ।

চুই করে কথা বলা সারদার স্বভাব নয়।

প্রথমটা যথারীতি প্রদীপ উসকোয়, প্রদীপের শিখার ওপর বাটি ধরে ছেলের দুধ গরম করে, ছেলে তুলে দুধ খাওয়ায়, তার পর তাকে শুইয়ে চাপড়ে তার ঘুম সম্পর্কে নিশ্চিত হয়ে, এদিকে এসে পা ঝুলিয়ে বসে।

বড় করে একটা নিশ্বাস কেলে।

তার পর বলে ওঠে, “যাচ্ছে তা হলে?”

রাসুর অবস্থা এ প্রশ্নের জন্তে প্রস্তুতই ছিল, তাই নির্লিপ্ত স্বরে বলে, “বাওয়া ছাড়া তো উপায় দেখছি না।”

“উপায় খুঁজে বেড়াচ্ছিলে বুঝি ?” ব্যঙ্গ-তীক্ষ্ণ স্বর।

“খুঁজে আর কি বেড়াব ? জানি তো ছাড়ান-ছিড়েন নেই !”

“চেপ্টা থাকলে ছাড়ান থাকে।” আরও তীক্ষ্ণ হল কোটার সারদা।

“কি করে শুনি ?” ঈষৎ উন্মাদ প্রকাশ করে রাসু।

“শরীর খারাপের ছুতো দেখাতে পারলে কেউ টেনে নিয়ে যেতে পারে না।”

রাসু বিরক্তভাবে বলে, “সে ছুতোটা দেখাব কি করে শুনি, এই আঁকাড়া দেখানো নিয়ে ?”

সারদা এ বিরক্তিতে ভয় পায় না, দমে না। অম্লান বদনে বলে, “চেপ্টা থাকলে কি না হয় ! বলকা দুধ তোমার ধাতে অসৈরন, লুকিয়ে সের দু-তিন কাঁচা দুধ চুমুক দিয়ে খেয়ে ফেললেই এখুনি এককুড়ি বার মাঠে ছুটতে হত। অসুখ বলে টের পেত সবাই। গুরুজনের সঙ্গে মিছে কথাও বলা হত না।”

“তা এটা আর মিছে ছাড়া কি ? মিছে কথা না হয়, নয় মিথ্যা আচরণ !”

নীতিবাগীশ রাসু জোর দিয়ে বলে।

“থামো থামো,” সারদা তীব্র প্রতিবাদ করে ওঠে, “এটুকু তো আর কখনো কর না গোসাঁইঠাকুর ? ফটা বট্ঠাকুরদের বাড়ি থেকে পাশা খেলে দেরি করে ফিরে সদর দিয়ে না ঢুকে খিড়কি দিয়ে ঢোকা হয় কেন শুনি ? মেজকাকা মশাই যে সমস্ত পড়ার টোল ঠিক করে দিয়েছেন, সেখানে তো মাসের মধ্যে দশ দিন কামাই দাও, সে কথা জানাও ওনাকে ? নিতিনিয়মে বেরিয়ে এখান-ওখান করে বেড়াও না ? আমাকে আর তুমি ধম্ম দেখাতে এস না।”

“আমি কাউকে কিছু দেখাতে চাই না,” বীরপুরুষ রাসু বলে, “গুরুজন যা নির্দেশ দেবেন মানব, বাস।”

“তা তো মানবেই। সেখানে যে মধু আছে। নতুন বাগানের নতুন ফুল ! পাটমহলের পাটরাগী !”

“বাজে কথা বলো না।”

“বাজে কথাই বটে !”

সারদা আর একটা নিশ্বাস ফেলে বলে, “আমার গা ছুঁয়ে প্রতিজ্ঞা করেছিলে, সে কথা মনে পড়ছে ?”

“পড়বে না কেন? তা আমি তো আর জামাইবগ্নীর নেমস্তন্ন খেতে যাচ্ছি না। যাচ্ছি একটা মাস্তমান লোকের শ্রাদ্ধর।”

“তার সঙ্গে আমারও শ্রাদ্ধ-পিণ্ডির ব্যবস্থা হচ্ছে, অন্তরেই জানছি। এবার নিশ্চয় তা রা মেয়ে পাঠাবার কথা কইবে।”

রাস্তা তেড়ে ওঠার ভান করে বলে, “তোমার যেমন কথা! নিজে থেকে কেউ মেয়ে পাঠাবার কথা বলে?”

“বলে বৈকি! ক্ষেত্রর বিশেষে বলে! সতীনের ওপরে পড়া মেয়ের কথায় বলে!”

“বলি তার ঘরবসন্তের বয়েসটা হবে তবে তো? তুমি যেন রাতদিন দড়ি দেখে ‘সাপ’ বলে আঁতকাচ্ছ!”

“বয়েস!” সারদা তীব্র স্বক্কারে বলে ওঠে, “মেয়েমানুষের বয়েস হতে আবার কদিন লাগে? দশ পেরোলেই বয়স! আর মেজোকাকা মশাইয়ের কড়াকড়ির জারিজুরি তো ভেঙে গেল। নিজের মেয়েকেই যখন বয়েস না হতেই পাঠালেন।”

“গুরুজনের কাজের ব্যাখ্যানা করো না। কারণ ছিল তাই এ কাজ করেছেন।”

সারদা দুর্ব্বার, সারদা অদম্য।

সেও সমানে সমানে জবাব দেয়, “তা তোমার দ্বিতীয় পক্ষকে স্বস্তরঘর করতে নিয়ে আসারও একটা কারণ আবিষ্কার হবে! তবে এই জেনে রাখো, নতুন বৌ যদি আসে, সেও এক দোর দিয়ে ঢুকবে, আমিও আর এক দোর দিয়ে দড়িকলসী নিয়ে বেরিয়ে যাব!”

অস্ত্রটা মোক্ষম।

রাস্তা এবার কাঁবু হয়।

আপসের সুরে বলে, “আচ্ছা অত পেঁচিয়ে পেঁচিয়ে দুঃখ ডেকে আনবার কি দরকার তোমার বলো তো? যাচ্ছি দাদাশ্বস্তরের শ্রাদ্ধর, খাব মাখব চলে আসব, ব্যাস। আমি কি কাউকে আনতে যাচ্ছি?”

“তা সেটা মনে রাখলেই হল!”

সারদা সহসা রাস্তার একটা হাত টেনে নিয়ে ঘুমন্ত ছেলের মাথায় ঠেকিয়ে দিয়ে বলে, “ভবে সত্যি করে যাও সেকথা!”

“আ ছি ছি! কী যতিবুদ্ধি তোমার! ছেলের মাথায় হাত দিয়ে—”

সারদা অকুতোভয়ে বলে, “তাতে ভয়টা কি? আমায় বলো না খোকার মাথায় হাত দিয়ে দিব্যি করতে—জীবনে কক্ষনো পরপুরুষের দিকে চোখ তুলে চাইব না, একশ বার সে দিব্যি করব।”

“চমৎকার বুদ্ধি! সেটা আর এটা এক হল?”

“কেন হবে না? আমি ছাড়া জগতের আর সকল মেয়েমানুষকে পরস্বী ভাবলে কোন কষ্ট নেই!”

“বাঃ, যাকে অগ্নি-নারায়ণ সাক্ষী করে গ্রহণ করলাম—”

“ওঃ!” সারদা ঝট করে উঠে দাঁড়ায়। দরজার খিলটা খুলে ফেলে, কপাট ধরে দাঁড়িয়ে চাপা অথচ ভয়ঙ্কর একটা শব্দ বলে ওঠে, “ও বটে! এতক্ষণে প্রেকাশ পেল মনের কথা! তা এতক্ষণ না ভুগিয়ে সেটা বললেই হত! আচ্ছা—”

রান্নাও অবশ্য এবার ভয় পেয়েছে, সেও নেমে এসে বলে, “আহা তা, কপাট খুলছ কেন? যাচ্ছ কোথায়?”

“যাচ্ছি সেইখানে, যেখানে খলকাপটা নেই, আগুনের জ্বালা নেই।” বলে ঝট করে বেরিয়ে পড়ে অন্ধকারে মিশিয়ে যায় সারদা।

নাঃ, আর কিছু করবার নেই!

নিরুপায় ক্ষোভে কিছুক্ষণ উঠোনের সেই গভীর রাত্রির নিকষ অন্ধকারের দিকে তাকিয়ে থেকে নিঃশব্দে কপাটটা ভেজিয়ে দিয়ে খাটের ওপর বসে পড়ে রান্না।

ঘাম গড়াচ্ছে সর্বাঙ্গ দিয়ে।

গরমে নয়, আতঙ্কে।

কিন্তু করবার কি আছে এখন? ঘর থেকে বেরিয়ে তো আর বৌ খুঁজে বেড়াতে পারবে না রান্না? মা-খুড়ীর ঘুম ভাঙিয়ে দুঃসংবাদটা জানানোও পারবে না!

নিজের হাতে যদি করণীয় কিছু থাকে, তো সে হচ্ছে নিজের হাতটা মুঠো পাকিয়ে নিজের মাথায় কীল মারা!

ঝুড়ি

এলোকেশী দাওয়ায় পাটি পেতে বসে বোয়ের চুল বেঁধে দিচ্ছেন। দিচ্ছেন অনেকক্ষণ থেকেই। সেই দুপুরবেলা বসেছিলেন—এখন বেলা প্রায় গড়িয়ে এল।

এলোকেশী যেন পণ করেছেন আজ তাঁর জীবনের শ্রেষ্ঠ শিল্পকীর্তি দেখিয়ে ছাড়বেন। বৌকে সামনে রেখে তার পিছনে হাঁটু গেড়ে উঁচু হয়ে বসেছেন তিনি, মুখের ভাব কঠিন কঠোর।

ওদিকে টানের চোটে সত্যবতীর রগের শির ফুলে উঠেছে, চুলের গোড়াগুলো মাথার চামড়া থেকে উঠে আসতে চাইছে, ঘাড় অনেকক্ষণ আগে থেকেই টনটন করতে শুরু করেছে, এখন মেরুদণ্ডের মধ্যেও একটা অস্বস্তি শুরু হচ্ছে।

অথচ তার কেশকলাপ নিয়ে যে অপূর্ব শিল্প-রচনার চেষ্টা চলছে, আশা হচ্ছে না সহজে তার সমাপ্তি ঘটবে।

কিন্তু কেবলমাত্র এলোকেশীর অক্ষমতাকেই দায়ী করলে অবিবেচনার কাজ হবে, দায়ী অপরপক্ষও। সত্যবতীর চুলগুলো যেন বেয়াড়া ঘোড়া, কোনমতেই তাকে বাগ মানিয়ে বশে আনা যাচ্ছে না।

ঝুলে খাটো আর আড়ে ভারী চাপ চাপ কৌকড়া কৌকড়া চুলগুলো খোলা থাকলে যতই সুন্দর দেখাক, তাকে বেগীর বন্ধনে বেঁধে কবরীর আকৃতি দিতে গেলেই মুশকিলের একশেষ। গোড়া বাঁধতে গেলে কস কস করে এলিয়ে খুলে পড়ে, কোনরকমে যদিবা তিনগুছির ফেরে ফেলা যায়, তো পাঁচগুছি সাতগুছি নগুছির দিকেও যাওয়া চলে না।

কিন্তু এলোকেশী আজ বদ্ধপরিকর, সাতগুছির বাঁধনে বেঁধে ‘কন্ডা থোঁপা’ করে দেবেন বৌকে। তাই বারতিনেক অসাকল্যের পর একগোছা মোটা মোটা কালো ঘুনসি দিয়ে চুলের গোড়াটাকে প্রায় ব্রহ্মতালুতে জড় করে এনে প্রাণপণ বিটকেলে বেঁধে ফেলেছেন, এবং সাতগুছির সাত ভাগকে আয়ত্ত করতে চেষ্টা করছেন।

দীর্ঘস্থায়ী এই চেষ্টায় সত্যবতীর অবস্থা উপরোক্ত। অনেকক্ষণ বাবু হয়ে বসে থাকার পর এবার হাঁটু দুটো মুড়ে বুকের কাছে জড়ো করে বসেছে সত্যবতী, কারণ পায়ে ‘ঝি’ ‘ঝি’ ধরেছিল। মুখটা সত্যবতীর আকাণক্ষুণ্ণ

আর সেই মুখের ওপর পরনের নীলাস্বরী শাড়িখানার আঁচলটুকু চাপা দেওয়া।

মুখে আঁচল চাপা না দিয়ে উপায় নেই, কারণ চুল বাঁধবার সময় ঘোমটা দেওয়া চলে না। অথচ জলজ্যান্ত আস্ত মুখখানা খুলে বসে থাকলেও তো চলে না। না-ই বা ধারেকাছে কেউ থাকল, আর হলই বা শাশুড়ী পিছনে বসে, তবু ‘নতুন বোঁ’ বলে কথা। তাই আঁচলটা তুলে মুখে চাপা দিয়েছে সত্যবতী। মানে দিতে বাধ্য হয়েছে। ঘোমটা খসাবার আগেই এলোকেশী নির্দেশ দিয়েছেন “আঁচলটা মুখে ঢাকা দাও দিকি বাছা! তোমার তো আর বোধ-বুদ্ধির বালাই নেই, অগত্যে সবই পণ্ড করে বলে দিতে হবে আমায়।”

দিনটা কি তবে সত্যবতীর স্বশ্রবাবাদী বাসের প্রথম দিন?

না তা নয়, এসেছে সত্যবতী প্রায় মাসখানেক হয়ে গেল, কিন্তু মাথাটা ওর এ পর্যন্ত শাশুড়ীর হাতে পড়ে নি। সৌদামিনীই চুল বেঁধে সরময়দা মাথিয়ে আলতা পরিয়ে নতুন বোয়ের প্রসাধন আর যত্নসাধন করছিল কদিন। হঠাৎ আজ সকালে এলোকেশীর নজরে পড়ল বোয়ের চুল বেড়া-বিছুরি করে বাঁধা।

দেখে রেগে জলে উঠলেন এলোকেশী। ভুবু নিশ্চিত হবার জন্তে ভুরু কুঁচকে ডাক দিলেন, “এদিকে এস দিকি বোমা!”

শাশুড়ীর সামনে কথা বলাও নিষেধ, মুখ খোলাও নিষেধ, সত্যবতী নীরবে কাছে এসে দাঁড়াল।

ঘোমটা অবশ্য বজায় থাকলই, এলোকেশী হ্যাঁচকা একটা টানে পুত্রবধূর পিঠের কাপড়টা তুলে খোপাটা দেখে নিলেন। ঠিক বটে, বেড়া-বিছুরি বটে।

তেলে-বেগুনে জলে ডাক দিলেন, “সত্! সদি!”

যাকে বলে ত্রস্তব্যস্তে সেইভাবে ছুটে এল সৌদামিনী। দেখল নতুন বোঁ ‘বুকে মাথায় এক’ হয়ে ষাড় হেঁট করে দাঁড়িয়ে, আর মামী তার পিঠের কাপড় উচু করে তুলে ধরে দণ্ডায়মান। মামীর নয়নে অগ্নিশিখা, কপালে কুটিলরেখা।

‘কি বলছ’ এ প্রশ্ন উচ্চারণ করল না সৌদামিনী, শুধু শব্দিত দৃষ্টিতে দাঁড়িয়ে রইল।

কি হল বোয়ের পিঠে ?

কোন জড়ুল চিহ্ন, না কোন চর্মরোগের আভাস, নাকি বা কোন পুরনো ক্ষতের দাগ ? অর্থাৎ নতুন বোঁ কি ‘দাগী’ ! আর মামীর শ্বেদনদৃষ্টির সামনে ধরা পড়ে গেছে সেটা !

অবশ্য ভুল ধারণা নিয়ে বেশীক্ষণ থাকতে হল না, সৌদামিনীকে এলোকেণী প্রবল স্বরে বলে উঠলেন, “বলি সদি, এমন ব্যাগারঠেলার কাজ কি না করলেই নয় ?”

বুক থেকে পাথর নামে সৌদামিনীর ।

যাক বাঁচা গেল ।

নতুন কিছু নয় । সেই আদি ও অকৃত্রিম লক্ষ্য ।

অতএব সাহসে ভর করে বলল, “কি হল !”

“কি হল ! বলি শুধোতে লজ্জা করল না ? ধর্মের বাঁড়ের মতন আঁকাড়া গতর নিয়ে ছুবেলা ভাতের পাথর মারছিস, আর গতরে হাওয়া দিয়ে বেড়াচ্ছিস, একটু হায়া আসে না প্রাণে ? দশটা নয় বিশটা নয় একটা ভাই-বোঁ, তার চুলটা বেঁধে দিয়েছিস এত অছেদা করে ! বলি কেন ? কেন ? এত অগোরাছি কিসের ?”

“হলটা কি তা বলবে তো ?”

সহজ গলায় বলে সৌদামিনী । আর সত্যবতী ঘোমটার মধ্য থেকে অবাক হয়ে প্রায় থরথর করে কাঁপতে থাকে । না, এলোকেণীর কটু-ভাষণে নয়, গিন্নীদের মুখে এরকম বিচ্ছিরি বিচ্ছিরি কথা শোনার অভ্যাস পাড়াবেড়ানি সত্যর আছে । রামকালী চাটুয্যের বাড়ির কথাবার্তাগুলো কথঞ্চিৎ সভ্য, নইলে তারই সেজপিসি শাবিপিসির বাড়ি সর্বদা এই ধরনের কথার চাষ । সেজন্তে না । এলোকেণীর কটুভাষণে না । অবাক হয় সৌদামিনীর সহশক্তি দেখে । এত অপমানের পর ওইরকম সহজ ভাবে কথা বলল ঠাকুরঝি !

এটা সত্যবতীর অদেখা ।

কটু কথার পরিবর্তে হয় কটু কথা, নয় ক্রন্দন, এই দেখতেই অভ্যস্ত সে । আর ঠাকুরঝি কিনা বলছে “হলটা কি তা বলবে তো ?”

এলোকেণী অবশ্য অবাক হন না, কারণ সৌদামিনীর এই সহশক্তি তাঁর পরিচিত । তবে তিনি তো আর প্রশংসায় উদ্বেল হন না, বরং এটা তার মামীর প্রতি অগ্রাহ্য ভাব বলেই রেগে জলে যান ।

এখনো তাই বললেন, “হলটা কি, তা বলে তবে বোঝাতে হবে? মনে মনে জানছ না? চোখে দেখতে পাচ্ছ না? এ কী ছিরির চুল বাধা হয়েছে? বৌয়ের মাথায় বেড়া-বিছনি! ছি ছি, এতখানি বয়েস হল, কখনো ঝুঁকুরবাড়ীর বৌয়ের মাথায় বেড়া-বিছনি দেখি নি। গলায় দড়ি তোর সহ, গলায় দড়ি যে একটা মান্ডর মাথা, তাও একখানা বাহারি খোঁপা বেঁধে দিতে পারিস না।”

সহ হেসে ওঠে, “বৌয়ের চুল যা বাহারি, ওতে আর বাহারি খোঁপা হয় না। বাগ মানানোই যায় না।”

“বাগ মানানো যায় না!” এলোকেশী ঝঙ্কার দিয়ে ওঠেন, “আচ্ছা দেখব কেমন না যায়। এই বাঁড়ুয়ো-গিন্নীর কাছে জন্ম হয় না এমন কোন্ বস্তু জগতে আছে দেখি। ত্রিজগতের মধ্যে বাগ মানাতে পারলাম না শুধু এই তোমাকে।”

“বেশ তো মামী, তুমি নিজের হাতেই বৌকে সাজিও না, তোমার একটা মান্ডর বেটার বৌ।” বলে সৌদামিনী।

আর এলোকেশী আরও ধেই ধেই করে ওঠেন, “কী বললি সদি? এঁ্যা! এত আস্পদা! মুখে মুখে জবাব! এত অহঙ্কার তোর কবে চুঁই হবে, কবে তোর হুঁথে ঞালকুরুর কাঁদবে, সেই আশায় আছি আমি। এই তোকে দিবি দিলাম সদি, যদি আর কোনদিন তুই আমার বৌ’র চুলে হাত দিবি।”

“গুরুজনের দিবি গায়ে লাগে না—ও মানলে কি চলে গা?” সহ অগ্নানবদনে বলে, “তোমার হল গে মন-মর্জি, কোনদিন দেবে, কোনদিন বা ভুলে যাবে—”

“কী বললি! কী বললি লক্ষীছাড়ি! আমার একটা বেটার বৌয়ের কথা আমি ভুলে যাব?”

“তা তাতে আর আশ্চর্য্য কি মামী!” সহ নিতান্ত অমায়িক মুখে বলে, “তোমার সে গুণে কি ঘাট আছে? আপনার খিদের খাওয়া, তাই তো অর্ধেক দিন ভুলে যাও, ডেকে খাওয়াতে হয়।”

এলোকেশী সহসা থতমত খান। এটা ঠিক কোন্ ধরনের কথা ধরতে পারেন না। অভিযোগ না প্রশংসা!

তাই ভারী মুখে বলেন, “হ্যাঁ, আমি ভুলে থাকছি আর রোজ তুমি আমার ডেকে ভুলে কিছুকে করে গিলিয়ে দিচ্ছ।”

“আহা তা না দিই, তোমার কি খেয়াল থাকে?”

“না থাকে না থাক। বোয়ের চুল আজ থেকে আমি বাঁধব এই বলে রাখছি। ওর চুলের দড়ি কাঁটা সব আমার ঘরে রেখে যাবি। পাখী-কাঁটা-গুলো দিতে ভুলবিনা”

“দেব, দিয়ে যাব। তা বোয়ের বাবা যে সোনার চিকুনি, সাপকাঁটা, বাগান ফুল ইত্যাদি করে একরাশ মাথার গরন দিয়েছেন, সেগুলোই বা বাক্সয় পুষে রাখছ কেন? সব বার করে বাহার করে দিও।”

“সে আমি কি করব না করব তোমার কাছে পরামর্শ নিতে আসব না! অনবরত খালি চ্যাটাং চ্যাটাং কথা! ভগবান যে কেন কঠিন রোগ দিয়ে তোর বাকুশক্তি হরণ করে নেন না তাই ভাবি। তুই জন্মের শোধ বোবা হয়ে বসে থাক, আমি ‘নিসিংহতলা’র ভোগ চড়াই।”

“দোহাই মামী, ওসব মানত-টানত করতে যেও না। দেব-দেবীরা এক স্তনতে আর এক স্তনে বসে থাকে, হয়ত বোবার বদলে ঠুঁটো করে দেবে, তখন মরবে তুমি লাফিয়ে বাঁপিয়ে।”

“কী বললি! তুই ঠুঁটো হয়ে বসে থাকলে আমার সংসার অচল হয়ে যাবে? সাধে বলি অহঙ্কারের পাঁচ-পা তোর। আমার সংসার আমি চালাতে পারি নে ভেবেছিঁস? বা হাতের কড়ে আঙ্গুলে পারি। কিন্তু সে আঙ্গুলই বা আমি নাড়ব কেন? ভাতকাপড় দিয়ে তোকে পুষছি যখন!”

“আহা, আমিও তো তাই বলছি গো। ঠুঁটো হলেও তো ভাত-কাপড়টা দিতেই হবে।”

“হবে! দায় পড়েছে। ঠ্যাং ধরে টেনে পগারে কেলে দেব।”

“সর্বনাশ মামী, ও-বুদ্ধি করতে যেও না, পাড়াপড়লী তা হলে সেই পগারের পাক তুলে এনে তোমাদের গালে মুখে মাখাবে।” বলে হাসতে হাসতে চলে যায় সৌদামিনী সত্যবতীকে স্তম্ভিত করে রেখে।

বড় সংসারের মেয়ে সত্যবতী, তার এতটুকু জীবনে অনেক চরিত্র দেখেছে, এরকম আর দেখে নি।

যাক, সকালের সেই ঘটনার পরিণামে আজ দুপুরের এই মল্লযুদ্ধ।

সত্যিই বড় ভারী চুলের গোড়া সতার, অথচ এদিকে ঝুলে খাটো! এক গোছা কালো ঘুনসি দিয়ে কষে বেঁধে আর গোছা গোছা ঘুনসির ভেজাল

মিশিয়ে বেগী ছুটো যদিবা লম্বা করলেন এলোকেশী, তাদের প্রজাপতি ছাঁদে পাক খাওয়াতে গিয়েই গোড়ামুজ্জ ঢিলে হয়ে নেমে এল। আর সত্যবতীর কপালের ফের, ঠিক সেই মুহূর্তেই সত্যবতী বোধ করি পিঠের খিল আর পায়ের ঝাঁঝ ধরা কমাতে একটু নড়েচড়ে বসল।

ব্যাপারটা হল ‘পাত্রাধার তৈল কি তৈলাধার পাত্রে’র মতই। বন্ধনটা ঢিলে হয়ে পড়ার ক্ষেত্রেই মুক্তির সুখে নড়েচড়ে বসল সত্যবতী, না নড়েচড়ে বসার ক্ষেত্রেই বেগী বন্ধনমুক্ত হয়ে গেল সেটা বোঝা গেল না। এলোকেশী দেখলেন বৌ নড়ল, চুল খুলল।

এলোকেশী পাথরের দেবী নয়, রক্তমাংসের মানুষ, এরপরও যদি তাঁকে ঠাণ্ডা মাথায় সহজভাবে বসে থাকতে দেখবার আশা করা যায়, সে আশাটা পাগলের আশা। পাগলের আশা পূরণ হয় না, হবার নয়।

এতক্ষণের পরিশ্রম পণ্ড হওয়ার রাগে, আর সৌদামিনীকে নিজের শিল্প-প্রতিভা দেখিয়ে দেবার আশাভঙ্গে, দিক্‌বিদিক জ্ঞানশূন্য এলোকেশী সহসা একটা অভাবিত কাজ করে বসলেন। বৌয়ের সেই খিল-ছাড়ানো সিঁধে পিঠটার ওপর গুঁম্ব করে একটা গোলগাল কীল বসিয়ে দিয়ে বলে উঠলেন, “হল তো! গেল তো গোলায়! এক দণ্ড যদি স্থিতির—”

কিন্তু কথা এলোকেশীকে শেষ করতে হল না, মুহূর্তের মধ্যে আর এক প্রলয় বটে গেল। শাশুড়ীর হাত থেকে চুলের ভার এক হ্যাঁচকায় টেনে নিয়ে সত্যবতী ছিটকে দাঁড়িয়ে উঠল, আর শাশুড়ীর সঙ্গে যে কথা কওয়া নিষেধ সে কথা সম্পূর্ণ বিস্মৃত হয়ে দৃপ্তস্বরে বলে উঠল, “তুমি আমার মারলে যে!”

কীলটা বসিয়ে চকিতে হয়তো একটু অস্থিতপ্ত হয়েছিলেন এলোকেশী, কিন্তু সে অস্থিতাপের অস্থিতুতি দানা বাঁধবার আগেই এই আকস্মিক বিদ্যুতাবাতে এলোকেশী প্রথমটা যেন পাথর হয়ে গেলেন। বৌয়ের কণ্ঠস্বর কেমন সেটা জানবার সুযোগ এ পর্যন্ত হয় নি এলোকেশীর, কেননা তাঁর সঙ্গে তো বটেই, তাঁর সামনেও কোনদিন বৌ কথা কয় নি। কইবার রেওয়াজও নেই। কোনও প্রশ্ন করলে শুধু ঘাড় নেড়ে “হ্যাঁ-না” জানিয়েছে। কথা যা সে সহ্যর সঙ্গে। কিন্তু সেও তো নিভুতে। রাত্রে সৌদামিনীর কাছেই শোয় বৌ, কারণ ডাগরটি না হলে তো আর ‘ঘর-বরের’ প্রশ্ন ওঠে না।

না, কোন ছলেই সত্যর কণ্ঠস্বর এলোকেশীর কানে আসে নি, সহসা আজ সেই স্বর বাজের মত এসে কানে বাজল।

এ কী জোরালো গলা বোঁ-মাহুষের !

এতটুকু একটা মাহুষের !

অহুতাপের বাষ্প ধুলো হয়ে উড়ে গেল ।

এলোকেশীও দাঁড়িয়ে উঠলেন । চৈচিয়ে তেড়ে উঠলেন, “মেরেছি বেশ করেছি । করবি কি শুনি ? তুইও উন্টে মারবি নাকি ?”

সত্য তখন এলোকেশীর অনেক পরিশ্রমে গড়া সাতগুছির বেণী দুটোর মধ্যে আঙ্গুল চালিয়ে চালিয়ে জোরে জোরে খুলে ফেলতে শুরু করেছে । মাথায় কাপড় নেই, মুখের আঁচল খসেছে, সেই মুখে আগুনের আভা ।

এলোকেশীর কথায় একবার সেই আগুনভরা মুখটা ফিরিয়ে অবজ্ঞাভরে উচ্চারণ করল সত্য, “আমি অমন ছোটলোক নই । তবে মনে রেখো আর কোনদিন যেন—”

“কী বললি ? আর কোনদিন যেন ? গলা টিপলে দুধ বেরোয় এক ফোঁট । মেরে, তার এত বড় কথা ! মেরে তোকে তুলো ধুনতে পারি তা জানিস ?... সদি লক্ষ্মীছাড়ি, আন্ দিকি একখানা চেলাকাঠ, কেমন করে বোঁ টিটু করতে হয় দেখাই ত্রিঙ্গগৎকে । চ্যালাকাঠ পিঠে পড়লেই তেজ বেরিয়ে যাবে ।”

“মারো না দেখি তোমার কত চ্যালাকাঠ আছে !”

বলে দৃষ্টভঙ্গিতে সোজা শাণ্ডীর মুখোমুখি দাঁড়িয়ে থাকে সত্যবতী নির্ভীক দুই চোখ মেলে ।

জীবনে অনেকবার রেগে জ্ঞানহারী হয়েছেন এলোকেশী, অনেকবার বুক চাপড়েছেন শাপমন্ত্রি দিয়েছেন দাপাদাপি করেছেন, কিন্তু আজকের মত অবস্থা বোধ হয় তাঁর জীবনে আসে নি ।

এ অবস্থা যে তাঁর কল্পনার বাইরে, স্বপ্নের বাইরে । তাই সহসা যেন নিথর হয়ে গেলেন তিনি, সাপের মত ঠাণ্ডা চোখে শুধু তাকিয়ে রইলেন সেই ছুসোহসের প্রতিমূর্তির দিকে ।

ঠিক এই অবস্থায় থাকলে কতক্ষণে কি হত বলা শক্ত, কিন্তু ভাগ্যের কৌতুকে আর এক অঘটন ঘটে গেল ।

এই নাটকীয় মুহূর্তে উঠোনের বেড়ার দরজা ঠেলে বাড়িতে এসে ঢুকল নবকুমার ।

চুকেই যেন বজ্রাহত হয়ে গেল ।

এ কী পরিস্থিতি !

সহস্র সাপের কণার মত একরাশ চুলের কণায় ঘেরা সম্পূর্ণ খোলামুখে এলোকেশীর মুখোমুখি অগ্নিবর্ষী দুই চোখে সোজা তাকিয়ে যে মেয়েটা দাঁড়িয়ে রয়েছে, কে ও ?

নবকুমারের বৌ নাকি ?

কিন্তু তাই কি সম্ভব ?

আকাশ থেকে বাজ পড়ছে না, পৃথিবীর মাটি কেটে চৌচির হয়ে যাচ্ছে না, এমন কি প্রলয়ঙ্কর একটা ঝড়ও উঠছে না, অথচ নবকুমারের বৌ নবকুমারের মার সামনে অমনি করে দাঁড়িয়ে আছে ?

আর নবকুমার ঢুকে ইঁ করে দাঁড়িয়ে পড়া সত্ত্বেও দৃকপাতমাত্র করছে না ?

অসম্ভব ! অসম্ভব !

এ অল্লা আর কেউ !

নবকুমারের অজ্ঞানিত পড়শীবাড়ির মেয়ে । হয়তো ভয়ঙ্কর কোন একটা কিছু ঘটেছে ওদের সঙ্গে ।

নবকুমার গলাথাকারি দিতে ভুলে যায়, সরে যেতে ভুলে যায়, স্তম্ভিত বিশ্বয়ে তাকিয়ে থাকে । বিপদ যে ঘোরতর ! ‘অসম্ভব’ বলে একেবারে নিশ্চিন্ত হতেই বা পারছে কই ?

বৌয়ের মুখটা দেখবার শোভাগ্য কোনদিন না হলেও এই মাসখানেকের মধ্যে কোন্ না বিশ-পঁচিশবার আভাসে ছায়ায় বোকে দেখতে পেয়েছে সে । যদিও পাছে কেউ দেখে ফেলে বৌয়ের দিকে তাকিয়ে আছে নবকুমার, তাই সেই তাকানোটা পলকস্থায়ী হয়েছে মাত্র !

তবুও কামেরার লেন্স পলকের মধ্যেই চিরকালের মত ছবি ধরে রাখে ।

মুখ না দেখুক, সর্ব অবয়বের একটা ভঙ্গি তো দেখেছে ।

আর দেখেছে ওই নীলাশ্বরীর আঁচলখানা ।

অতএব মনকে চোখ ঠেরে লাভ নেই । চোখ বুজে স্বর্ষকে অস্বীকার করতে যাওয়া হাশ্রুকর ।

পড়শীবাড়ির কেউ নয়, ওই দৃশ্যমূর্তি নবকুমারের বৌয়েরই ।

যে বৌয়ের উদ্দেশে নবকুমার স্বপ্নে জাগরণে নিঃশব্দ উচ্চারণে ক্রমাগত গেয়েছে, গাইছে, “কও না কথা মুখ তুলে বৌ, দেখ না চেয়ে চোখ খুলে ।”

কিন্তু সে কী এই চোখ !

নবকুমার যেমন নিঃশব্দে এসেছিল, যন্নি পরিস্থিতি দেখে তেমনি নিঃশব্দে সরে পড়ত, তাহলে হয়তো নাটকের এই নাট্য-মুহূর্তটা এমন চূড়ান্তে উঠত না, হয়তো সত্যবতী নির্ভীকভাবে সেখান থেকে সরে যেত, আর এলোকেশী জীবনে যত গালিগালাজ শিখেছেন, সবগুলো উচ্চারণ করতেন বসে বসে। আর স্বামী-পুত্র বাড়ি ফিরলে বৌয়ের এই মারাত্মক দুঃসাহস আর ভয়ঙ্কর দুর্বিনয়ের কাহিনী বিস্তারিত বর্ণনায় পেশ করতেন। তারপর গড়িয়ে যেত ব্যাপারটা।

কিন্তু নির্বোধ নবকুমার সেইখানেই দাঁড়িয়ে রইল হাঁ করে।

আর একসময় এলোকেশীর চোখ গিয়ে পড়ল তার ওপর। দাঁওয়ার উপর তিনি, নিচে উঠোনে ছেলে।

নবকুমারকে এভাবে হাঁ করে দাঁড়িয়ে থাকতে দেখে এলোকেশীও একবারে হাঁ হয়ে গেলেন, তারপর সহসা সেই এতক্ষণের স্তব্ধ হয়ে থাকা হাঁ থেকে ভয়ঙ্কর একটা চিৎকার উঠল, “ওরে লক্ষ্মীছাড়া হতভাগা মেনিমুখো ছোড়া, পায়ে কি তোর জুতো নেই! জুতোর জুতিয়ে ওর মুখটা যদি জন্মের শোধ ছেঁচে শেষ করে-দিতে পারিস, তবে বলি বাপের বেটা বাহাদুর!”

কিন্তু নবকুমার নিশ্চল।

পরক্ষণেই সুরকর্তা ধরলেন এলোকেশী, “ওগো মাগো, কোথায় আছ দেখ গো, বেটা বেটার-বৌ দুজনে মিলে কী অপমানটি করেছে আমার! ওরে নবা, বামুনের গরু, ছোটলোকের মেয়েকে বিয়ে করে তুইও কি ছোটলোক হয়ে গেলি? হু পায়ে খাড়া দাঁড়িয়ে মায়ের অপমানটা দেখছিস! তবে মার মার, বাঁ্যাটা আমাকেই মার। বাঁ্যাটা খাওয়াই উপযুক্ত শাস্তি আমার। নইলে এখনো ওই বোকে ভিটের বুক পা দিয়ে দাঁড়িয়ে থাকতে দিই? মাথা মুড়িয়ে ঘোল ঢেলে গলাধাক্কা দিয়ে বের করে দিই না? ওগো মাগো, বৌ আমার ধরে মারে আর তাই আমার ছেলে দাঁড়িয়ে দেখে!”

এতক্ষণে নবকুমার বোধ করি চেতনা ফিরে পায়, আর ফিরে পাওয়ার সঙ্গে সঙ্গে চোঁ চোঁ দৌড় মারে সেই খোলা দরজাটা দিয়ে।

খিড়কির ঘাটে বাসন মাজছিল সত্, ঘাটের পাশ দিয়ে নবকুমারকে উধ্বংসে দৌড়তে দেখে দাঁড়িয়ে উঠে ছাইমাখা হাতটাই নেড়ে ডাক দেয়, “নবু কি হল রে? অ নবু, অমন করে ছুটছিল কেন?”

নবকুমার প্রথমটা ভাবল পিছুডাকে সাড়া দেবে না, ছুটে একেবারেই নিতাইয়ের বাড়ি গিয়ে পড়বে, তার পর বলবে, “জল দে এক ঘটি।”

কারণ নিতাই হচ্ছে তার সব চেয়ে অন্তরঙ্গ বন্ধু। বিচলিত অবস্থায় তার কাছেই যাওয়া চলে।

কিন্তু সৌদামিনীর উত্তরোত্তর ডাকে কি ভেবে থমকে দাঁড়াল, কিরল, তার পর গুটি গুটি এসে ঘাটের পাশে একটা ঝড়ে-পড়া ভালগাছের গুঁড়ির ওপর বসে পড়ে রুদ্ধকণ্ঠে বলল, “আমি আর বাড়ি কিরব না সহৃদি।”

“কথার ছিরি শোন ছেলের! হল কি তাই বল?”

“সর্বনাশ হয়েছে সহৃদি।”

“আরে গেল যা! সর্বনাশের কথা বলতে আছে না কি?”

“হলে বলতে আছে বৈকি।”

সহ নবকুমারের প্রকৃতির সঙ্গে পরিচিত, তাই বেশী ভয় না পেয়ে বলে, “কেন তোর মা হঠাৎ চড়ি ওণ্টালো নাকি?”

“মা নয় সহৃদি, মা, নয়, আমিই। জানি না ঠিক বলতে পারছি না, আমি সত্যি বেঁচে আছি কিনা।”

“গায়ে চিমটি কেটে দেখ্।” বলে পুকুরের জলে হাত ডুবিয়ে ডুবিয়ে ছাইমাটি ধুতে ধুতে বলে সহ, “মামী বুঝি রণচণ্ডী হয়ে তেড়ে এসেছিল?”

“জানি না।”

“জানিস না? তাকামি রাখ দিকি নবু, হয় কি হয়েছে তাই বল, নয় যে দিকে যাচ্ছিল সেইদিকে যা। বেটাছেলে না মেয়েমানুষ তুই?”

“সহৃদি, যে দৃশ্য দেখে এসেছি, তা দেখলে অতি বড় বীর বেটাছেলেরও পেটের ভেতর হাত-পা নৌঁধিয়ে যায়।”

“নাঃ, তোর দেখছি আর গৌরচন্দ্রকে শেষ হয় না। বলবি তো বল, না বলবি তো যা। ভূত দেখেছিস না ডাকাত পড়া দেখেছিস তাও তো জানি না।”

নবকুমার বৃকে বল করে, কণ্ঠে শব্দ আনে, ঝপ করে বলে ওঠে, “মাতে আর তোমাদের বোঁতে মারামারি করছে।”

“কি করছে মাতে আর বোঁতে?”

চমকে উঠে বলে সৌদামিনী।

“বললাম তো, মারামারি করছে।”

সৌদামিনী এক মুহূর্ত স্তব্ধ থেকে তারপর বলে, “মারামারি কথাটা বলছিল কেন, মামী বোকে ধরে ঠেঙাচ্ছে তাই বল! আর সেই দৃশ্য দেখে তুই মদ পুরুষ কাছাকাঁচা খুলে ছুট মারছিল। কেন তুই মেয়েমানুষ হয়ে জন্মাস নি নবু তাই ভাবি। যাই দেখি ইতিমধ্যে কি এমন ঘটল। এই তো খানিক আগে বাসনের পাজা নিয়ে বেরিয়ে এলাম—দেখলাম মামী বেটার বোয়ের চুল বাঁধছে, ইতিমধ্যে হলটা কি?”

“আমি তো এই চুকলাম বাড়িতে। তুমি শীগগির যাও সহুদি।”

“যাই। বাবা পলকে প্রলয়, ভিল থেকে ভিলভোগের! কি হল এফুনি?”

সৌদামিনী তাড়াতাড়ি বাসনগুলো ধুয়ে নিতে থাকে।

“আমি আজ নিতাইদের বাড়িতেই থাকব সহুদি। এই চললাম।”

সৌদামিনী ভুরু কুঁচকে বলে, “কদিন পরের বাড়িতে থাকবি?”

“যতদিন চলে।”

“তার মানে নিজে গা বাঁচিয়ে কেটে পড়বি, আর পরের মেয়েটা, ছুধের মেয়েটা তোর মার হাতে পড়ে মার খাবে!”

পরের মেয়ে এবং ছুধের মেয়ে শব্দটায় নবকুমারের বুকের ভিতরটা মোচড় দিয়ে ওঠে, চোখে জল এসে যায়। কষ্টে গোপন করে বলে, “তা আমি আর কি করব!”

সৌদামিনী আড়চোখে একবার ওর মুখচ্ছবি দেখে নিয়ে নিশ্চিন্ত কণ্ঠে বলে, “দৃশ্য দেখে চলে না এলে পারতিস, তুই দেখছিল জানলে যতই হোক নিজেকে একটু সামলে নিত মামী, একেবারে শেষ করে ফেলত না। যাই দেখি ছুঁড়ি বাঁচল কি মরল।”

নবকুমার লজ্জা ভাগ করে সহসা বলে ওঠে, “যাই বল সহুদি, যা দেখলাম ও তোমাদের বোটা পড়ে মার খাবার মেরে নয়।”

“আমারও তাই মনে হয়”, বলে সহু সকৌতুকে একটু হেসে বলে, “মারামারি না করুক পড়ে মার খাবে না। তা তুই তো বলতেই পারলি না হয়েছেটা কি?”

“গোড়া থেকে কি কিছু জানি ছাই। বাড়ি চুকেই দেখি দাওয়ার ছ প্রাণী জ্বমখোজ্বমখি দাঁড়িয়ে। একজন সাপিনীর মতন ফুঁসছে, আর একজন বাঘিনীর মতন গজরাচ্ছে।”

সৌদামিনী হেসে উঠে বলে, “বারে, তুই তো অনেক নাটুকে কথা শিখেছিস দেখছি। যাক কালে-ভবিষ্যতে কাজে লাগবে। তোর বৌও খুব পণ্ডিত।”

বোয়ের গল্প কান ভরে শুনতে ইচ্ছে করে নবকুমারের, ভুলে যায় এইমাত্র তাকে বাঘিনীর সঙ্গে তুলনা করেছে সে নিজেই। কিন্তু গল্প বাড়বে কি উপায়ে? নবকুমার তো আর কথা কেলে বাড়াতে পারে না?

শুধু ভাবে, ‘কালে-ভবিষ্যতে’! •

সে কত কাল?

কোন ভবিষ্যৎ?

বাঘিনীর মুখটা বার বার মনে ধাক্কা দিচ্ছে। ভয়ঙ্কর, কিন্তু সুন্দর! কী বড় বড় চোখ, কী চমৎকার জোড়া ভুরু!

কিন্তু বৌও মায়ের মত রাগী হবে হয়তো! লজ্জায় কুণ্ঠায় বিগলিত বৌটি মাত্র থাকবে না। নবকুমারের কল্পনার সঙ্গে ঠিক খাপ খাচ্ছে কি?

ঠিক যেন কি একটা লোকসানের ছুঁখে বুকটা টনটন করে ওঠে নবকুমারের।

কাদার পুতুলের মত একটি নিরীহ ভালমাসুখ বৌ নবকুমারের ভাগ্যে জুটলে, কি এসে যেত ভগবানের! কত লোকেরই তো তেমন বৌ হয়।

কিন্তু সাপের কণার মত চুলের কণায় ঘেরা ওই মুখখানি!

ওতে যেন আগুনের আকর্ষণ!

নবকুমার পতঙ্গ মাত্র।

সৌদামিনী বলে, “বিবাগী হয়ে যাচ্ছিলি তো যা, মেলা রাত করিস নে। হাঁড়ি আগলে বসে থাকতে পারব না।”

হাঁড়ি!

রাহা!

ভাত!

এসব শব্দগুলো কাজে লাগবে আজ! নবকুমারের যেন বিশ্বাস হয় না। ভয়ে ভয়ে বলে, “আমি এখানটার আছি, তুমি, তুমি একবার দেখে এসে খবরটা আমার দিতে পার না সজ্জি? নিশ্চিন্তি হয়ে তা হলে আমাদের তামের আড্ডায় যেতে পারি।”

“ওরে আমার কে রে, উনি বাবু বসে থাকবেন, আর আমি ওঁর জন্তে খবরের খালা বয়ে আনব।”

বলে খালা-বাসনের গোছাটা বাগিয়ে কাঁধের ওপর তুলে নেয় সহু। হাতে গামছার পুঁটলিতে ষটিবাটি। চলে যেতে যেতে ছোট ভাইকে আর একবার অভয় দেয় সে, “বোয়ের চিন্তে করে মন খারাপ করিস নে, নেহাৎ যদি মামী খুন করে ফাঁসির দায়ে না পড়ে তো ওই বোয়ের দ্বারাই শায়স্তা হবে। বোঁ তোর যেমন তেমন মেয়ে নয়।”

যদি খুন না করে!

যদিটা নবকুমারের বুকের মধ্যে কাঁটার মত খচখচিয়ে ওঠে, কিন্তু প্রশ্ন তুলতে পারে না, শুধু স্ত্রিয়মাণ হয়ে বসে থাকে।

“সন্কে হয়ে আসছে, এখানে আর বসে থাকতে হবে না, যা কোণায় যাচ্ছিল ঘুরে আয়।”

সহু লম্বা লম্বা পা ফেলে বাঁশবাগানের খানিকটা অতিক্রম করে। কিন্তু নবকুমার আবার পিছু নিয়েছে। উদ্ভ্রান্ত মুখ, ছলছল চোখ।

“সহুদি, তোমার সঙ্গে আমি যাব?”

সহু মূহু হেসে পা চালাতে চালাতেই বলে, “কেন, এই যে বললি আর কখনো বাড়ি কিরবি না!”

“মনটা কি রকম যেন করছে সহুদি!” বলে সঙ্গে সঙ্গে এগোতে এগোতে নবকুমার হঠাৎ সুর বদলায়, “বোঁ যদি মাকে অপমান করে থাকে, তারও শাস্তি করা দরকার।”

“গায়ে পড়ে কাউকে অপমান করবার মেয়ে সে নয় নবু, সেদিকে তুই নিশ্চিন্দ থাক। তবে কেউ যদি গা পেতে অপমান নিতে যায় সে আলাদা কথা। আসল কথা কি জানিস, বোঁ হল উঁচুঘরের মেয়ে, শিক্ষাদীক্ষা উঁচু, লেখাপড়া জানে, বড় বড় বই পড়ে ফেলে, নিজে পয়সার বাঁধে—”

“জ্যা!”

স্থানকাল ভুলে নবকুমার প্রায় চোঁচিয়ে ওঠে, “মস্তুরা করছ আমার সঙ্গে?”

“কি দরকার আমার? আকাশ থেকে কথা পেড়ে বলতেই বা যাব কি করে? আর ওসব আমি বুঝিই বা কি? বোঁ আমার কাছে মনটা খোলে তাই টের পেয়েছি।”

সহর কাছে মনটা খোলে !

হায়, কবে সেই আকাঙ্ক্ষিত স্বর্গস্থল আসবে নবকুমারের ভাগ্যে, যেদিন নবকুমারের সামনে বৌ মন খুলবে।

সহ আবার মুখ ঢালায়, “তোদের এ বাড়িতে বিয়ে হওয়া ওর উচিত হয় নি এই বলে দিলাম পষ্ট কথা ! তুই রাগ করিস আর যা-ই করিস, এ বাড়ি ওর যুগ্ম নয়। মাগীর পয়সাই আছে, নজর বলতে আছে কিছু ? আর বৌয়ের ছোট-নজর দেখার অভ্যেসই নেই। এই তো সেদিন মামী পাড়ার লোকের গয়না বাঁধা রেখে টাকা ধার দিয়ে সুদ নেয় শুনে যেন হিমাঙ্গ হয়ে গেল বৌ।”

নবকুমার বিরক্ত স্বরে বলে, “তা ওসব কথা বলতে যাবারই বা দরকার কি ?”

“বলতে আমি যাই নি রে বাপু তোর বৌয়ের কানে ধরে। ওর সামনেই ঘোষগিনী একজোড়া বাজু বন্দক নিয়ে দৈ-দস্তুর করতে লাগল। সে বলে টাকায় এক পয়সা, মামী বলে টাকায় দেড় পয়সা, এই আধপয়সা নিয়ে ধস্তাধস্তি। শেষ অবধি—”

শেষ অবধি কি হল তা আর শোনা হল না নবকুমারের, সহসা বাড়ির মধ্যে থেকে ভয়ঙ্কর একটা চিৎকার রোল ভেসে এল।

“সর্বনাশ করেছে—”

সহর নিবেদবাণী ভুলে নবকুমার সর্বনাশ শব্দটাই আবারও ব্যবহার করল, “নিশ্চয় হয়ে গেল একটা কিছু।”

সহ ততক্ষণে বাড়ির মধ্যে ঢুকে পড়েছে।

আর নবকুমার ?

সে চলৎশক্তি হারিয়ে দাঁড়িয়ে থাকে ‘নজ্জেরেই বাড়িখানার দিকে তাকিয়ে।

ভীষ্ম ভীষ্ম সাহুনাসিক এই স্বরটা কার ?

এ তো এলোকেশীর !

তবে হলটা কি ?

কিন্তু যাই ঘটুক, সব কিছু ছাপিয়ে নবকুমারের প্রাণটা হাহাকারে ভরে উঠল এই ভেবে—এই অ-সাধারণ বৌ নিয়ে ঘর করা হল না নবকুমারের

মা হয় বৌকে 'মড়িপোড়ার ঘাটে' পাঠাবে, নয় জন্মের শোধ বাপের বাড়ি বিদেয় করে দেবে।

মার চিংকার উত্তরোত্তর আকাশে উঠছে।

আর দলে দলে পড়শীরা নবকুমারের বাড়ির দিকে দৌড়ছে।

নবকুমার যাত্রাগানের দর্শকের মত পাথর হয়ে দাঁড়িয়ে দেখতে থাকে সেই দৃশ্য।

একুশ

ত্রিবেণীর ঘাটে এসেছিলেন রামকালী। রোগী দেখতে নয়, যোগে গঙ্গাস্নান করতে। একাই আস্ত একটা পারানী নৌকা ভাড়া করেছিলেন স্নানের জন্ত। পাঁচজনের সঙ্গে ঠেলাঠেলি করে নৌকা বোঝাই হয়ে যেতে রামকালী ভালবাসেন না। দরকার হলে একাই ভাড়া করেন।

আগে অবশ্য এমন একা নৌকান্রমণ সহজ হত না। কারণ রামকালী যোগের স্নান করতে ত্রিবেণী যাচ্ছেন, কি কাটোয়া যাচ্ছেন, কি নবদ্বীপ যাচ্ছেন টের পেলে সত্ৰাবতী একেবারে নাছোড়বান্দা হয়ে পেয়ে বসত। পায়ে পায়ে ঘুরে কাকুতি-মিনতি করা মেয়েকে রামকালী এড়াতে পারতেন না, সঙ্গে নিতেন। অগতাই নেড়ু আর পুণ্ডি। ওদের ফেলে রেখে শুধু নিজের মেয়েকে নিয়ে কোথাও যাবেন, এমন দৃষ্টিকটু কাজ রামকালীর পক্ষে সম্ভব নয়।

ওরা যেত।

রামকালী জলে সাবধান করতেন। আর স্নানের শেষে ঠাকুর-দেবতা দেখিয়ে নিয়ে ফিরতেন। ঘাট আর পথ, নৌকা আর মন্দির-প্রাঙ্গণ মুখর হয়ে উঠত ছোট্ট একটা বাক্যবাগীশ মেয়ের বাক্যশ্রোতে।

আজকে শুধু জলের উপর দাঁড়টানার ছপাং ছপাং শব্দ। উন্মুক্ত গঙ্গাবক্ষের দিকে তাকিয়ে ছোট্ট একটা নিখাস ফেললেন রামকালী।

আকাশের পাখিটা খাঁচার বন্দী হয়ে কেমন আছে কে জানে!

পুণ্ডিটারও রিষের ঠিক হয়ে আছে।

গত ক-মাস “অকাল” ছিল বলে বিয়ে হয় নি। কিন্তু পুণ্যি অল্প ধরনের যেয়ে। নেহাৎ সত্যর “প্রজা” হিসেবে দস্তিচাল্লি করে বেড়িয়েছে, নচেৎ একান্তই ঘরসংসারী মেয়ে সে। খাঁচার পাখি হয়েই জন্মেছে পুণ্যি, আর পুণ্যির মত মেয়েরা।

কিন্তু সত্যর মত দ্বিতীয় আর একটা মেয়ে আর দেখলেন কই রামকালী? যে মেয়ে প্রতিপদে প্রশ্ন তুলে জানতে চায় “কী” আর “কেন”!

খোলা গঙ্গার দিকে তাকিয়ে আর একবার মনে হল রামকালীর, কতদিন যোগে স্নান করি নি! মনে হচ্ছে যেন দীর্ঘকাল। আর একটা নিশ্বাস পড়ল।

মারিটা একবার কথা করে উঠল, “খুকী স্বপ্নরঘরে কস্তাবাবু?”

রামকালী বললেন, “হঁ।”

আর বার দুই ছপাং ছপাং করে মারিটা কের বলে উঠল, “থাকবে এখন?”

সংক্ষেপে “দেখি” বলে আলোচনার ইতির স্তর টানলেন রামকালী। পুণ্যির বিয়ে আসছে, এই যা একটু আশার আলো দেখা যাচ্ছে, নইলে থাকবে ছাড়া আর কি। চিরকালই থাকবে সেখানে। আর সেইটাই তো কাম্য। মোক্ষদার মত অনবদ্য রূপ আর অশেষ তীক্ষ্ণতা নিয়ে আজীবন বাপের ঘরে বসে জ্বলতে থাকবে, এমন ভাগ্য কেউ মেয়ের জন্তে প্রার্থনা করে না। ঘরে থাকা মেয়ে মানাই দুর্ভাগা যেয়ে। অথচ মাঝে মাঝে পাল-পার্বণে কি ভাতপৈতে-বিয়ের কুটুম্বের মত যে আসা, সে আশায় মায়ের প্রাণ ভরতে পারে, বাপের ভরে না। অতএব তাতে ইতি হয়ে গেছে।

কিন্তু শুধু মেয়ে-সন্তান কেন, পুত্র-সন্তান হলোই বা কতটুকু তফাৎ? ছেলে ঘরে থাকে, ছেলের ওপর জোর খাটে, এই পর্যন্ত। ছেলে বড় হয়ে গেলে, আর কি তাকে দিয়ে মন ভরে? তাই হয়তো মানুষ জীবনের মধ্যে বারে বারে নতুন শিশুকে ডেকে আনে জীবনকে সরস রাখতে, ভরাট রাখতে। আবার তার পরেও আশ্রয় খোঁজে টাকার স্রদের মধ্যে।

নিভ্যানন্দপুর ঘাট থেকে ত্রিবেণী ঘাট সামান্য পথ।

মারি নৌকা বাঁধল।

আর ঘাটে নেমেই প্রথম বার সঙ্গে চোখোচোখি হল রামকালীর, সে হচ্ছে “রানার” গোকুল দাস। দূর থেকে রামকালীকে নামতে দেখে ছুটে ছুটে আসছে সে।

কাদার উপরই আভূমি এক প্রণাম করে, কৃতার্থস্বস্ত গোকুল সবিনয় হাস্তে বলে, “আজ আমার কী ভাগ্যি কত্তাবাবু, কী ভাগ্যি!”

রামকালী মুহূ হেসে বলেন, “সন্ধ্যা বেলা হঠাৎ ভাগ্যের এত জয়-জয়কার যে গোকুল!”

গোকুল বলে, “তা জ্বাকার দেব না আজ্ঞে? এই আপনার সঙ্গে দেখা হয়ে গেল। নইলে তো যেতে হত সেই নিতেনন্দপুরে। এই নিন, পত্র আছে আপনার!”

পত্র!

কলকাতা থেকে আসছে! অভাবনীয়!

বিস্মিত হলেন রামকালী, কিন্তু বিষয় প্রকাশ করলেন না। খামে আঁটা চিঠিটা নিজের পরিত্যক্ত গাত্রবস্ত্রের উপর রেখে দিয়ে বললেন, “আচ্ছা ঠিক আছে। ভাল তো সব?”

“আপনার আশীর্বাদে আজ্ঞে।” বলে ঈষৎ উসখুস করে গোকুল বলে ফেলে, “কলকেতার চিঠি আজ্ঞে?”

“তাই তো দেখছি”, বলে রামকালী গামছা কাঁধে ফেলে জলে নামেন। প্রথম সূর্যের কাঁচা রোদ ঝলসে ওঠে কাঁচা সোনার রঙের দীর্ঘ দেহখানির উপর। গোকুল হাঁ করে তাকিয়ে থাকে। থাকতে থাকতে মনে ভাবে—
“ইস, যেন আকাশের দেবতা! কী দিব্য অঙ্গ!”

পত্রের কথা মন থেকে সরিয়ে ফেলে, যথাকৃত্য সব সেরে উত্তরীয়ে কোণে পত্রখানা বেঁধে মন্দির-দর্শনে অগ্রসর হলেন রামকালী। অগত্যা এই গোকুল আর একটা সাষ্টাঙ্গ সেরে বিদায় নিল। কলকেতা থেকে কার পত্র এল সে কোতুহল আর মিটল না তার।

নৌকোর বসে চিঠি খুললেন রামকালী।

আর পড়ে শুক্ক হয়ে গেলেন!

এই সকালের আলো তার সমস্ত উজ্জলতা হারিয়ে যেন আসন্ন সন্ধ্যার মত মলিন হয়ে গেল। সত্ত্ব গঙ্গান্নানে নির্মল রামকালী যেন একটা অপবিত্র ত্রব্যের সংস্পর্শে এসে নিজেকে অশুচি বোধ করলেন।

চিঠি কোন পরিচিতের নয়। অজ্ঞাত ব্যক্তির।

ভাছাড়া নিচে কোন নাম-দস্তখতও নেই।

বেনামী এই চিঠিতে শুধু সন্ধানের বাগাড়ম্বর অনেক। কিন্তু সেটাই তো কথা নয়। চিঠির বক্তব্য এ কী ভয়ঙ্কর!

বার বার পড়ার পর আরও একবার চিঠিখানা সামনে মেলে ধরলেন রামকালী।

হস্তাক্ষর সুছাঁদের, লাইনগুলি পরিপাটি, বানান বিশুদ্ধ। কোন “লিখিত পড়িত” লোকের দ্বারা লেখা, সে বিষয়ে সন্দেহ নেই; উপরে “শ্রীশ্রীবাগ্‌দেবী শরণং” দিয়ে শুরু—

“মহামহিমার্ণব শ্রীল শ্রীযুক্ত রামকালী চট্টোপাধ্যায় বরাবরেষু—
যথাযোগ্যসম্মান-পূরঃসর নিবেদনমেতৎ, অত্রপত্রে এই জ্ঞাত করাই যে, মহাশয়ের কন্যার অতীব বিপদ! তিনি তাঁহার স্বশ্রমগৃহে যারপরনাই লাঞ্ছিতা উৎপীড়িতা ও অপমানিতা রূপে কালযাপন করিতেছেন। বলিতে মন শিহরিত ও কলেবর কম্পান্বিত হইলেও জ্ঞাতার্থে লিখিতেছি, আপনার কন্যা তাঁহার ‘পূজনীয়া স্বশ্রমাতা কর্তৃক প্রহারিতাও হইতেছেন। সেই অবলা বালিকাকে রক্ষা করে, নিষ্ঠুর পাষণ্ডপুরীতে এমন কেহই নাই। আপনার জামাতা ধর্মপত্নীর এবস্থি নির্যাতনে অবিরত অশ্রু বিসর্জন সার করিয়াছে। গুরুজনদিগের উপর তাহার আর কি বলিবার সাধ্য আছে? এবস্ত্রকার অবস্থায় মহাশয় যদি সন্তর কন্যাকে নিজগৃহে লইয়া যান তবেই মঙ্গল। নচেৎ কি যে হইতে পারে চিন্তা করিতে মস্তক ঘূর্ণিত হইতেছে। মনুষ্যজ্ঞোচিত কর্তব্য বোধে ইহা আপনার গোচরে আনিলাম। নিজ গুণে ধৃষ্টতা মার্জনা করিয়া কৃতার্থ করিবেন। অলমতিবিশ্বারেণ। ইতি—”

না, নাম-স্বাক্ষর নেই।

পত্র-লেখকের বাচালতা বা বাগাড়ম্বরে কৌতুক বোধ করবেন, এমন মানসিক অবস্থা থাকে না রামকালীর। চিঠিটা আস্তে আস্তে মুড়ে মেরজাইয়ের পকেটে রেখে দিয়ে এই রোদ্দকরোজ্জ্বল পৃথিবীর দিকে তাকিয়ে থাকেন তিনি।

এত আলো পৃথিবীতে, তবু পৃথিবীর মানুষগুলো এত অন্ধকারে কেন!

কিন্তু কে এই পত্র-লেখক?

সত্যর স্বপ্নরবাড়ির কোন শত্রু? এভাবে মিথ্যা অপবাদ দিয়ে পত্র লিখে তাঁদের অনিষ্টসাধন করতে চায়? কিন্তু তাহলে চিঠিতে কলকাতার ছাপ কেন? কলকাতা থেকে এ চিঠি আসে কি করে?

ভেবে ভেবে অবশ্য একটা সিদ্ধান্তে পৌঁছলেন রামকালী। পত্র-লেখকের অবশ্যই কলকাতায় যাতায়াত আছে, এবং নিজেকে গোপন রাখতে কলকাতায় অবস্থানকালে পত্র প্রেরণ করেছে।

তবু একটা সমস্যা থেকেই যায়।

পত্রের মধ্যস্থিত ওই বীভৎস সংবাদটা সত্যি, না শত্রুপক্ষের মিথ্যা রটনা?

রামকালী কি একেবারে নিজে গিয়েই তদন্ত করবেন, না লোক পাঠাবেন? বাইরের লোক গিয়ে কি ভিতরকার প্রকৃত তথ্য আবিষ্কার করতে পারবে? এক যদি কোন স্থ্রীলোককে পাঠানো যায়!

যারা বারো মাস রামকালীর সংসারে খেটে খায়, চিঁড়ে-কোটানি মুড়ি-ভাজুনি, ইত্যাদি, তাদেরই কারো একজনকে একটা সঙ্গী ও রাহা খরচ দিলে খবর এনে দিতে পারে। পল্লীগ্রামে সচরাচর এরাই এসব কাজ করে। কিন্তু রামকালীর ওদের কথা ভেবে চিন্তা বিমুখ হল। কোন খবর ওরা জানা মানেই সাতখানা গ্রামের লোকের জানা! ঈশ্বর জানানেন কী খবর আনবে, আর সেই নিয়ে সারা গ্রামে আলোচনা চলবে।

মনে হল সত্য যদি নিজে চিঠি লিখত!

চিঠি লেখবার মত বিস্ত্র সত্য অর্জন করেছে। কিন্তু করে আর লাভ কি? পিত্রালয়ে নিজের খবর জানিয়ে চিঠি দেবে এমন সাধ্য বা সাহস তো হবে না! তবে আর মেয়েদের লেখাপড়া শিখে লাভ কি?

বুকের মধ্যোটা কেমন মোচড় দিয়ে উঠল হিতপ্রজ্ঞ রামকালী কবরেরজের। চোখের সামনে ভেসে উঠল সত্যার সেই দৃষ্ট মুখচ্ছবি। সেই সত্য পড়ে মার খাচ্ছে! এ যে বিশ্বাস করা একেবারে অসম্ভব।

না না, এ মিথ্যা চিঠি!

শত্রুপক্ষের কাজ!

নইলে কেনই বা? ভাবলেন রামকালী, সত্যার ওপর নির্ধাতন চালাবে কেনই বা? অকারণ এত হিংস্র কখনো হতে পারে মানুষ? তাছাড়া শুধু তো লাগুড়ী নয়। তার স্বস্তর রয়েছে। হাজার হোক একটা ভদ্রবাক্তি, তাঁর জ্ঞাতসারে এ রকমটা ইণ্ডিয়া কখনই সম্ভব নয়। আর বাড়ির লোকেরও অজ্ঞাতসারে যদি কোন লীড়ন চলে, পাড়ার লোকে টের পাবে কি করে?

আবার ভাবলেন রামকালী, সত্যাবতী তাদের একমাত্র পুত্রবধু। বিনা প্রতিবাদে রামকালী তাকে স্বপুত্রবধু করতে পাঠিয়ে দিয়েছেন, তার সঙ্গে ঘর-

বসন্ত হিসাবে প্রচুর সামগ্রী পাঠিয়েছেন, যাতে অন্তত শাওড়ীর মন ভোলে।
তবু তারা সত্যকে নির্ধাতন করবে ?

তাই কখনও সম্ভব ?

বলে দোষ, ভাবতে বাধা নেই, মেয়ের বিয়ের সময় ঘটক আনীত নানা
পাত্রের মধ্যে এই পাত্রটিকেই পছন্দ করেছিলেন রামকালী, কেবলমাত্র তাদের
পরিবারের লোকসংখ্যা কম বলে। সেই শৈশব থেকেই লক্ষ্য করেছেন, তাঁর
মেয়ে জেদী তেজী অনমনীয়। বৃহৎ গোষ্ঠীর অনেকের মন যুগিয়ে চলা হয়তো
তার পক্ষে সহজ হবে না, সে বোধ রামকালীর ছিল, তাই ভেবেছিলেন, এই-
খানেই ভাল। বাপের একমাত্র ছেলে ? দোষ কী ? সত্যও তো তার
বাপের একমাত্র মেয়ে !

ঘরজামাইয়ের সাধ একেবারেই ছিল না রামকালীর। শুধু এইটুকু মনে
মনে ভেবেছিলেন, ছেলেটা যেন নেহাত রাডামুলো না হয়। লেখাপড়ার
একটু ধার যেন ধারে। তা সে সাধটুকু মিটেছিল রামকালীর, মিটেছিলও।
জামাই তখনই ছাত্রবৃত্তি পাস, টোলে সংস্কৃত শিখছে।

তারপর লোক-পরম্পরায় শুনেছিলেন, জামাই নাকি ইংরিজি ভাষা
শিখতে উত্তোঙ্গী হয়েছে। শুনে সম্ভ্রষ্ট হয়েছিলেন রামকালী। নিজের সামনে
উপস্থিত না হলেও জামাইয়ের খবর তিনি লোক মারকত নিতেন, এবং
এটুকু জেনে নিশ্চিন্ত ছিলেন, ছেলেটা কুসঙ্গে মেলে না, বদ খেয়ালের দিকে
যায় না।

সবই তো একরকম ছিল, হঠাৎ এ কী বিনামেঘে বজ্রাঘাত !

অবশেষে আবার ভাবলেন, এ শত্রুপক্ষের কাজ।

কিন্তু মনের মধ্যে যে আলোড়ন উঠেছিল, সেটাকে একেবারে চেপে
ফেলে নিশ্চিন্ত হয়ে থাকতে পারলেন না রামকালী, স্থির করলেন তিনি
একবার নিজেই যাবেন বেহাইবাড়ি।

মান খাটো হবে ?

তা যেদিন জামাইয়ের হাঁটু ধরে কস্তা-সম্প্রদান করেছেন, সেইদিনই তো
মান গেছে। সেকালের মত তো রামকালী মেয়েকে স্বয়ংস্বরা করতে
পারেন নি !

তাছাড়া একেবারে অকারণ জামাইবাড়ি যাওয়ার অগৌরবটা পোহাতে
হবে না। পুণ্ডির বিয়েকে উপলক্ষ করে মেয়ে নিয়ে আসতে চাইবেন।

সেই সঙ্গে জামাই-বেহাইকেও নিমন্ত্রণ করে আসা হবে। রামকালী নিজে গিয়ে নিমন্ত্রণ করছেন, এর চেয়ে সৌজন্য আর কি হতে পারে ?

ত্রিবেণী থেকে ফিরে রামকালী দীনতারিণীর কাছে সংকল্প ঘোষণা করলেন, “মনে করছি একবার বাকুইপুর যাব।”

বাকুইপুর! সত্যর স্বপ্নরবাড়ি ?

দীনতারিণী চমকে উঠে বললেন, “কেন, হঠাৎ ? সত্যর কোন রোগ-ব্যামো হয় নি তো ?”

“কী আশ্চর্য! রোগ-ব্যামো হবে কেন ?” রামকালী শাস্তভাবে বললেন, “ভাবছি পুণ্ডিটার বিয়ে হয়ে যাবে, তারপর দুজনের কবে দেখা-সাক্ষাৎ হয় না হয়, গলাগলি বন্ধু দুটোতে! বিয়ের আগে কিছুদিন একসঙ্গে থাক।”

দীনতারিণী ছেলের মুখের দিকে তাকিয়ে থাকেন। এত সহজ ভাষা, এত সহজ কথা! রামকালীর মুখে!

ছেলেকে তো তিনি “পাথরের ঠাকুর” আখ্যা দেন।

সহজ কথা।

তবু রামকালীর মুখ থেকে উচ্চারিত হয় বলেই কেউ সহজভাবে নিতে পারে না।

মোক্ষদা খরখরিয়ে বলেন, “এ আর অমনি নয়, লিখিপড়ি-উলি বিচ্ছেদভী মেয়ে, নিঘ্ঘাত লুকিয়ে বাপকে চিঠি লিখেছে, ‘বাবা আমার নিয়ে যাও, আর ঘোমটা দিয়ে থাকতে পারছি নে’।”

শিবজারা আনতমুখী ভুবনেশ্বরীর দিকে কটাক্ষপাত করে কাতর কাতর মুখে বলেন, “আমার কিন্তু তা মন নিচ্ছে না ছোটঠাকুরঝি। মনে হচ্ছে কোন কু-খবর আছে, রামকালী চাপছেন।”

বলা বাহুল্য এর পর আর ভুবনেশ্বরীর ডুকরে কেঁদে ওঠা ছাড়া গতি থাকে না।

ভুবনেশ্বরীর একমাত্র অন্তরের সুহৃদ অসমবয়সী এবং অসমসম্পর্ক হলেনও ভাস্করপো-বৌ সারদা। কিন্তু এমনি কপালের দুর্দৈব ভুবনেশ্বরীর যে, সারদা আজ চার মাস কাল বাপের বাড়ি।

দ্বিতীয় সন্তানের আবির্ভাব ঘোষণাতেই তার এই পিতৃগৃহে স্থিতি।

না, সেই এক অন্ধকার রাত্রে রাস্তার সঙ্গে কলহ করে ভোবার জলে ডুবে মরে নি সারদা। শুধু অন্ধ ঘরে নন্দদের কাছে গিয়ে শুয়েছিল। সে শুধু একটাই রাত। রাতের পর রাত পারবে কেন?

স্বপ্নবাদের বোয়ের রাতটুকুই তো মরুভূমিতে সরোবর! মৃত্যুপূরীর মধ্যে জীবন। যত বড় দুর্জয় মানই হোক, সে মান খাটো না করে উপায় থাকে না তাদের।

সকলেরই তাই। রাত্রে ভুবনেশ্বরীরও কান্নার বেগ অসম্বরণীয় হয়ে ওঠে। রামকালী অপর চৌকি থেকেও সেটা টের পান। কিছুক্ষণ ঘুমের ভান করে চুপচাপ থাকলেও শেষ পর্যন্ত আর চুপ করে থাকা সম্ভব হয় না। মৃদুস্বরে বলেন, “অকারণ কঁাদছ কেন?”

বলা বাহুল্য, এ প্রশ্নে যা হয় তাই হল।

কান্নার আবেগ আরও প্রবল হল।

রামকালী বললেন, “ছেলেমানুষি করো না। এস, কাছে এস, কান্নার কারণটা শুনি।”

ভুবনেশ্বরী চোখ মুছতে মুছতে উঠেই এল। এসে স্বামীর বিছানার এক প্রান্তে বসে চোখে আঁচল ঘষতে লাগল।

রামকালী ক্ষুদ্রস্বরে বলেন, “তুমিও যদি ওই সব গিন্নীদের মত হও, তাহলে তো নাচার। অপরাধের মধ্যে বলেছি পুণ্যের বিয়ে উপলক্ষে সত্যকে কিছুদিন আগেই আনব। নিজে গেলে আর ওরা অমত করতে পারবে না। কিন্তু এই সহজ কথাটা না বুঝে সবাই মিলে এমন কাণ্ড করছ যে, মনে হচ্ছে বুঝি কি একটা অমঙ্গলই ঘটে গেছে। আশ্চর্য!”

“তা কিছু নয়।” ভুবনেশ্বরী কষ্টে বলে, “মেয়েটার জন্তে প্রাণটা উতলা হচ্ছে তাই—”

“হচ্ছে ঠিকই। হওয়াও স্বাভাবিক!” রামকালী স্নেহ-গম্ভীর স্বরে বলেন, “তোমার একমাত্র সন্তান! কিন্তু কান্নাকাটি করলেই তো আর কিছু সুরাহা হয় না! মায়ের প্রাণ উতলা হয়, বাপের প্রাণই কি একেবারে কিছু হয় না?” আর একটু ক্ষুদ্র হাসি হাসলেন রামকালী।

ভুবনেশ্বরীর পক্ষে এ কথার জবাব দেওয়া সম্ভব নয়।

অপ্রতিভ হয়ে বসে থাকে বেচারী।

একটু পরে রামকালী বলেন, “বাও, ভগবানের নাম স্মরণ করে শুয়ে পড় গে। দেখি যদি নিয়ে আসতে পারি।”

ভুবনেশ্বরী সহসা আবার কৈদে ভেঙে পড়ে বলে, “আমার মন বলছে ওরা পাঠাবে না।”

রামকালী আর কিছু বলেন না, ‘দুর্গা দুর্গা’ বলে পাশ ফিরে শুয়ে পড়েন। ভুবনেশ্বরী অনেকক্ষণ কৈদে অবশেষে এসে শোয়।

পরদিন মেয়ের বাড়ি যাত্রার আয়োজন করেন রামকালী।

ইংরিজি পড়া আপাতত বন্ধ আছে, কারণ ভবতোষ মাস্টার গ্রামে নেই। ছাত্রদের জন্য ‘সেকেণ্ড বুক’ সংগ্রহ করতে কলকাতায় গেছে। নবকুমারের তাই এখন অনেক অবসর। কিন্তু হায়, অবসরকে কুশ্রমমণ্ডিত করে তুলবে, এ ভাগ্য নবকুমারের কই? বাড়িতে যে ছ-দণ্ড বিশ্রামসুখ উপভোগ করবে, থাকবে মাথবে থাকবে, তারও জো নেই। সেখানে জাগন্ত অবস্থায় যতক্ষণ থাকে, ততক্ষণই ভরে হৃৎকম্প হতে থাকে তার।

কিন্তু ঘুমন্তই বা থাকে কতক্ষণ?

রাত্রে এখন আর সেই মহিষ-বিনিদ্রিত ঘুম নেই নবকুমারের। বিছানায় শুয়ে ঘুম আসে না, ওঠে, বসে, পায়চারি করে, জল খায়, আবার শোয়, এইভাবে অনেকটা সময় কাটে। দিনের বেলা কর্মহীনের কর্ম, নিষ্কর্মার গতি, পুকুরে ছিপ ফেলা!

বন্ধু নিতাই আর সে দুজনে সারা দুপুর সেই কাজটা করে। আজও করছিল। কাৎনা থেকে চোখ তুলতে হঠাৎ চোখ পড়ল নিতাইয়েরই।

বলল, “অমন বাহারে পালকি চড়ে কে আসছে বল দিকি?”

নবকুমার তাকিয়ে বলল, “তাই তো! দিবি পালকিখানা! তবে আসছে না বোধ হয়, গাঁ পার হচ্ছে।”

বলল, কিন্তু দুজনের একজনও চোখ কেরাতে পারল না।

আর কল্পিত চিন্তে ভীত পুলকে মেথল পালকি তাদের দিকেই আসছে।

নবকুমার বলল, “ছিপ ফেলে রেখে চোঁ চাঁ দৌড় দিই আর।”

নিতাই সবিস্ময়ে বলে, “কেন, পালাব কেন?”

“আমার মন বলছে এ পালকি নিভোঁনন্দপুরের!”

“জ্যা! চিনিস বুঝি?”

“চিনব কেন, অহুমান! মেয়ে নিতে পাঠিয়েছে নিয়াস। নিতাই, আমি পালাই।”

নিতাই ওর কৌচার খুঁট চেপে ধরে বলে, “পালাবি মানে? হেস্তনেস্ত দেখবি না?”

আর একটু তর্কাতর্কি হয় দুই বন্ধুতে, এবং সত্যি বলতে, নবকুমার যতই পালাবার চিন্তা করুক, নড়তেও পারে না। টিকটিকির শিকারী দৃষ্টির সম্মোহনী শক্তিতে আকর্ষিত কীটের মত নির্জীব হয়ে বসে থাকে।

পাল্কি এই দিকেই আসে, আরোহীর নির্দেশে বেহারারা এখানেই নামায়, এবং আরোহী না নেমেই হাতছানি দিয়ে ডাকেন ওদের। ঘাটের ধার থেকে হুজনেই উঠে আসে কৌচার খুঁটটা টেনে গায়ে দিতে দিতে।

“তোমরা এ গ্রামের?”

ভরাট গম্ভীর এই কর্ণস্বরে বুক কঁপে ওঠে হুজনেরই। এবং যদিও নবকুমার খসুরকে চেনে না, বিয়ের সময় তাকিয়ে দেখেও নি, দু-হুবার ষষ্টি-বাটায় নেমস্তম্ব করেছিল, অস্ত্রখের ছুতো করে যায় নি। ভয়েই যায় নি। তবু তার মন বলতে থাকে, এ সেই! এ সেই!

হ্যা, রামকালীই। তিনি ওদের ঘাড়নাড়া উত্তরের পর আবার বলেন, “এ গ্রামের ছেলে, না ভাগিনের?”

নিতাই এগিয়ে এসে বলে, “আজ্ঞে আমি ভাগিনের, শ্রীযুক্ত কৃষ্ণধন দত্ত আমার মাতুল। আমার নাম নিতাইচন্দ্র ঘোষ। আর এ বাড়ুঘোষাড়ির ছেলে নবকুমার বাড়ুঘো। আমার বন্ধু।”

নবকুমার বাড়ুঘো!

রামকালীর দুই চোখে একটা বিছাতের আভা খেলে যায়, নিশ্চিন্ত হন অহুমান ঠিক। আর একবার ভাল করে আপাদমস্তক দেখে নেন ছেলটার। দেখে নেন ওর মেয়েলি মেয়েলি দুখেআলতা-গোলা রং, আলতা-গোলা ঠোঁট, আর রোদে ঝলনানো টুকটুকে লালরঙা মুখ। তার পর নেমে আসেন পাল্কি থেকে।

গম্ভীরতর স্বরে বলেন, “আমি রামকালী চাটুঘো।”

বসে পড়বার একটা সুযোগ পেয়েই বোধ হয় বেঁচে যায় ছেলে ছটো, তাড়াতাড়ি বসে পড়েই রামকালীর চরণ-বন্দনা করে।

“থাক থাক” বলে উভয়ের মাথাতেই একটু হাতের স্পর্শ দিয়ে রামকালী একবার নিতাইয়ের দিকে দৃষ্টিক্ষেপ করে নবকুমারকে উদ্দেশ্য করে বলেন, “এ যখন তোমার বন্ধু, তখন এর সামনে কথা বলতে বাধা নেই, জিজ্ঞেস করছি, এইভাবে মাছ ধরেই দিন কাটাও নাকি?”

নবকুমারের খুঁতনি বুক থেকে। কিন্তু কায়স্থ বংশধর নিতাই, ওয় থেকে অনেক চটপটে চৌকস। আর নির্ভীকও বটে।

সে তাড়াতাড়ি বলে, “না আজ্ঞে, অতদিন হুপুরবেলা আমরা মাল্টারের বাড়ি পড়তে যাই। আজ তিনি—”

“কি পড়তে যাও?”

নবকুমার পিছন থেকে প্রবল চিমটি কেটে বন্ধুকে নিষেধ করে, যাতে ইংরিজি পড়ার কথা না বলে ফেলে। বলা যায় না, স্নেহ ভাষা অধ্যয়নের সংবাদে ক্লেপে ওঠে কিনা এই ভয়ঙ্কর লোকটা।

ভয়ঙ্কর?

অস্তুত নবকুমারের তাই লাগছে।

কিন্তু নিতাই নিষেধের মান্ত রাখে না। বরং একটু বিনয়-আচ্ছাদিতে গর্বিত ভঙ্গীতেই বলে, “আজ্ঞে ইংরিজি।”

“ইংরিজি! তা বেশ! কতদূর পড়েছ?”

“ফার্স্ট বুক সেকেণ্ড বুক সারা হয়ে গেছে আজ্ঞে! এখন—”

“ভাল, শুনে সুখী হলাম। তা আজ পড়তে যাও নি যে?”

প্রশ্নটা নবকুমারকে, তবু উত্তরটা দেয় নিতাই-ই, “মাল্টার মশাই বই জানতে কলকাতায় গেছেন।”

“কলকাতায়! ওঃ! হুঁ। যাক বাবাজী, তোমার সঙ্গে একটা কথা আছে। জানতে চাইছি, গ্রামে তোমাদের কোন শত্রু আছে?”

“শত্রু!”

নবকুমার বিহ্বল ভাবে তাকিয়ে থাকে।

কোনও শত্রু!

এলোকেশীর মতে তো গ্রামস্থল সকলেই তাদের শত্রু।

“হ্যাঁ শত্রু! মানে যে তোমাদের অনিষ্টকারী। মিথ্যা অপবাদ রটিয়ে তোমাদের কতি করতে চায়। এমন কোনও লোক আছে মনে হয়?”

নবকুমার আঙুলে আঙুলে নেতিবাচক মাথা নাড়ে, কিন্তু ভক্তকণ্ঠে নিতাই

অল্প উত্তর দিয়ে বসেছে, “আজ্ঞে গাঁয়ে তো সবাই সবাইয়ের শত্রু। ওই ওপরেই দেখন-হাসি। আর নবুর মার মেজাজের জন্তে তো—”

“থাক ও কথা—”, মুহূ ধমক দিয়ে ওঠেন রামকালী, মেঘমন্ড স্বরে বলেন, “আমের সকলের হাতের লেখা চেন? বলতে পার এ লেখা কার?”

মেরজাইয়ের পকেট থেকে চিঠিখানা বার করে সামান্য একটু মেলে ধরেন রামকালী।

কিন্তু মেলে ধরবার দরকারই বা কি, ওরা তো জানে এ লেখা কার! ভবতোষ মান্টারের। আর লেখার প্রেরণা নিতাই নিজে। মান্টারের কাছে হতভাগ্য নবকুমারের ধর্মপত্নীর যন্ত্রণাময় জীবনের কাহিনী দিব্য বিশদ করেই বলেছিল সে, এবং সহসা ভবতোষ মান্টার ঘোষণা করেছিল, “আচ্ছা, আমি এর প্রতিকার সাধনে যত্নবান হব। সাহেবদের দেশে কদাপি কেউ স্বীজাতির প্রতি নির্ধাতন সহ্য করে না।”

“কি, চিনতে পারলে বলে মনে হয়?”

হুজনেই প্রবল বেগে মাথা নাড়ে। বলা বাহুল্য নেতিবাচক। “হ্যাঁ” বলে কে সিংহের মুখবিবরে মাথা গলাতে যাবে?

“ঠিক আছে। আমি তোমাদের ওখানেই যাচ্ছি। তোমার বাবা বাড়ি আছেন অবশ্যই!”

“আছেন।” অক্ষুট এই শব্দটি এতক্ষণে রামকালীকে নিশ্চিত করে, তাঁর জামাতা বাবাজী বোবা নয়।

পাল্কি-বেহারাদের ডেকে জনান্তিকে কি যেন নির্দেশ দিয়ে রামকালী বলেন, “চল, এটুকু তোমাদের সঙ্গে হেঁটেই যাই।”

“আমি আজ্ঞে একটু দৌড়ে গিয়ে খবরটা দিয়ে আসি—”, বলেই বন্ধু নিতাই বিশ্বাসঘাতকের মত নবকুমারকে অথই জলে ফেলে রেখে দৌড় মারে।

রামকালী কয়েক পা অগ্রসর হয়ে সহসা স্বভাব-বহির্ভূত স্বরে একটা প্রশ্ন করে বসেন, “আমার মেয়ে কি তোমাদের গৃহে কোন উৎপাত ঘটাবে?”

“জ্ঞা—জ্ঞাজ্ঞে, সে—এ কী!”

ভোতলা হয়ে ওঠে নবকুমার।

“না ভাই প্রশ্ন করছি। সে বালিকা মাত্র, অবুঝ হওয়া অসম্ভব নয়।”

“জ্ঞা—জ্ঞাজ্ঞে। না—না।”

কালঘাম ছুটে যায় নবকুমারের। সে গায়ের একমাত্র আচ্ছাদন কৌটার খুঁটটুকু টেনে কপালের ঘাম মুছতে থাকে।

রামকালী ঝড় হাশ্বে বলেন, “অধীর হবার কিছু নেই, আমি কোতুহল-পরবশ হয়ে প্রশ্ন করছিলাম মাত্র। যাক, আমি যার জন্ত এসেছি তোমাকে জানাই, কারণ তুমি আমার জামাতা। বাড়িতে একটি শুভকাজ আসন্ন, সে কারণ আমার কন্ঠকে আমি নিয়ে যেতে মনস্থ করেছি। বিবাহের সময় অবশ্য যথারীতি নিমন্ত্রণ আসবে, তুমি এবং তোমার পিতা যাবে। তোমাকে কয়েকদিন থাকবার জন্ত মেয়েরা অনুরোধ করতে পারেন, সে সম্পর্কে আমি তোমার পিতা-মাতাকে জানিয়ে যাব। থাকবার জন্তে প্রস্তুত থেকো।”

এ সবার আর কি উত্তর দেবে নবকুমার ?

ভয়ে আর আনন্দে, আশায় আর উৎকণ্ঠায় তার তো মুহুমুহ স্বেদ-কম্প-পুলক দেখা দিচ্ছে।

বাড়ির দরজার কাছাকাছি আসতেই নবকুমার সহসা কাতরকণ্ঠে বলে ওঠে, “আমি যাই।”

“কী আশ্চর্য, যাবে কেন ?”

“হ্যাঁ, আমি যাই। নিতাই আছে—”, বলে এদিক ওদিক তাকিয়ে শবুয়ের পায়ের কাছে মাটিতে একটা খাবল দিয়ে ছুট মারে নবকুমার।

রামকালী সেদিকে চেয়ে একটা নিশ্বাস কেলেন।

লেথাপড়া শিখছে !

কিন্তু মালুষ হচ্ছে কি ?

ঠিক এই সময় নিতাই নবকুমারদের বাড়ি থেকে বেরিয়ে আসে, আর নীলাধর বীড়ুষ্যে দরজার কাছে দাঁড়িয়ে একটি স্তনিপুণ হাস্ত সহযোগে বলেন, “বেহাই মশাই যে ? কী মনে করে ?”

বাইশ

বেলা না পড়তেই আবার রামকালীর পাল্কি কিরতি মুখ ধরেছে, একা রামকালীকে নিয়েই। এখন পাল্কির খোলা দরজা দিয়ে পড়ন্ত সূর্যের স্বর্ণাভা উঁকি মারছে, শেষ ফাল্গুনের উড়ু উড়ু বাতাস যেন ছুঁছুঁ শিশুর মত মাঝে মাঝে রূপ করে ঢুকে পড়ে একটা ‘টু’ দিয়ে যাচ্ছে।

আকাশে বাতাসে গাছে পাতায় সর্বত্রই একটা আলো ঝলসানো আনন্দের আবেশ। কিন্তু প্রকৃতির এই মধুর রূপে মন দেবার মত মন এখন নেই রামকালীর। কী এক দুঃস্থ ক্ষোভে মনটা যেন হাহাকার করছে। মনে হচ্ছে কোথায় যেন মস্ত একটা হার হয়ে গেছে তাঁর।

ভদ্রতাবোধহীন নীলাশ্বর বাঁড়ুঘোর কাছে কি পরাজয় ঘটেছে রামকালীর? মেয়েকে নিয়ে আসতে পারেন নি এই ক্ষোভেই মন এখন অস্থির?

কিন্তু প্রকৃত ঘটনা তো তা নয়। নীলাশ্বর তো ভদ্রতার চূড়ান্ত দেখিয়েছেন।

‘মেয়ে নিতে এসেছেন’ এ প্রস্তাব তোলামাত্রই নীলাশ্বর অমায়িক হাস্তে বলেছেন, “বিলক্ষণ বিলক্ষণ, এ তো অতি উত্তম কথা। আপনার কল্যাণ আপনি নিয়ে যাবেন, যত দিন ইচ্ছে রাখবেন, এতে আমার কি বলবার আছে? ওরে কে আছিস, পঞ্জিকাটা একবার নিয়ে আয় তো!”

রামকালী বলেছিলেন, “পঞ্জিকা আমি দেখেই এসেছি। আগামী কাল সর্বশুদ্ধা ত্রয়োদশী। বারও ভাল। কালই নিয়ে যাব। রাত্রিবাস না করে উপায় থাকছে না। কাজেই গ্রামে কোনও ব্রাহ্মণ-বাড়িতে শয়নের একটু ব্যবস্থা করে দিন। কিন্তু অনুগ্রহ করে কোনও আহারাদির আয়োজন করতে যাবেন না। বেহারাদের জলপানির ব্যবস্থা ওদের সঙ্গেই আছে!”

নীলাশ্বর মেয়েদের ভঙ্গীতে গালে হাত দিয়ে বলে উঠেছিলেন, “বলেন কি বেহাই মশাই! আমার এত বড় বাড়ি, এত বড় ঘরদালান থাকতে আপনি অশ্রদ্ধ—”

রামকালী গম্ভীর হাস্তে ধামিরে দিয়েছিলেন, “বেহাই মশাই কি হিন্দু বাড়ালীর লোকাচার বিন্দু হচ্চেন? জামাত-গৃহে রাত্রিবাস কি লোকাচারসম্মত?”

নীলাশ্বর হাসির সঙ্গে একটি “হ্যা হ্যা” শব্দ করে বলেছিলেন, “তা অবশ্য,

তা অবশ্য। কিন্তু আপনার কত্তার সম্ভান জন্মের পর তো আর এ জেদ রাখতে পারবেন না?”

রামকালী আরও গভীর হয়ে গিয়ে বলেছিলেন, “সম্ভান নয়, পুত্রসম্ভান! কিন্তু সূদূর ভবিষ্যতের আলোচনায় বুধা সময় অপচয়ে দরকার কি? এখন কত্তার সঙ্গে একবার সাক্ষাতের ব্যবস্থা করুন।”

“বিলক্ষণ, এর আবার ব্যবস্থা কি? ওরে সহু, তোদের বৌকে একবার মাঝের ঘরে নিয়ে আস, বেহাই মশাই একবার দেখবেন।”

তবে? নীলাশ্বরের ব্যবহারে খুঁত কোথায়?

এর চাইতে ভদ্র ব্যবহার আর কি করা যায়? কত বাড়িতে তো বৌয়ের বাপ-ভাই এলে বাইরে থেকেই জল-পান খাইয়ে বিদায় দেওয়া হয়, মেয়ের সঙ্গে দেখা করতে দেওয়া হয় না। তা ছাড়া অনেক বাড়িতে বহু সাধ্য-সাধনায় যদি বা মেয়ের দর্শন মেলে, সঙ্গে একজন পাহারা থাকে। সে জায়গায় কিনা চাওয়া মাত্রই পাওয়া? রামকালীর তো কৃতার্থ হয়ে যাওয়া উচিত।

কিন্তু আশ্চর্য মানুষের মন! রামকালীর মনে হল নীলাশ্বরের ওই “সহু” না কাকে ডেকে হুকুম দেওয়া, ওটা যেন তাচ্ছিল্য প্রকাশের একটা চরম অভিব্যক্তি। ওই সুরটার মধ্যে এই কথাগুলোই ঠিক খাপ খেত—“ওরে কে আছিস, একমুঠো ভিক্ষে দিয়ে যা তো, ভিখিরিটা চ্যাচাচ্ছে।”

নিজেকে গ্লানিযুক্ত, আর সমস্ত পরিবেশটা অশুচি মনে হল রামকালীর। কিন্তু উপায় কি? জামাইয়ের বন্ধু সেই ছেলেটা উঠোনে দরজা ধরে দাঁড়িয়ে রয়েছে দেখা যাচ্ছে, নিজে সে গেল কোন্ দিকে?

এদিক ওদিক তাকালেন, হৃদিস পেলেন না।

সহু কে? ছেলে না মেয়ে? কত্তার তো শুনেছি মেয়ে নেই।

এক ঝাঁক ভাবনার মাঝখানে হঠাৎ বোধ করি সেই মাঝের ঘরেরই দরজার শিকলটা নড়ে উঠল।

নীলাশ্বর কোমরের কসি গুঁজতে গুঁজতে উঠলেন। ভিতরে ঢুকে কি বললেন কি করলেন ঈশ্বর জানেন, তার পর বেরিয়ে এসে ডাক দিলেন, “আমুন বেহাই মশাই!”

রামকালী ভিতরে ঢুকলেন।

দেখলেন একটা অন্ধকার-অন্ধকার ঘরের মধ্যে একটা চৌকির ধারে

একগলা ঘোমটা ঢাকা একটি বালিকা-মূর্তি। পরনের শাড়ীখানা জমকালো। বোধ করি পিতৃ-সন্নিধানে আসার উপলক্ষে তাকে খানিকটা সাজিয়ে ফেলা হয়েছে।

ঘরের বাইরে একটি কমবয়সী মেয়ে দাঁড়িয়ে, মাথায় ঘোমটা কম। রামকালী এসে ঢুকতেই মেয়েটি তাড়াতাড়ি তাঁর পায়ের ধুলো নিয়ে খাটো গলায় বলল, “ওই যে, কথাবার্তা কন।” তার পর আরও খাটো গলায় হঠাৎ “মেয়ে নিয়ে যাবেন” বলেই টুক করে পাশের একটা দরজা দিয়ে কোথায় ঢুকে গেল। কিন্তু ওর ওই অস্ফুট কথাটা পরিপাক করবার আগেই আর একটা চাপা অথচ তীব্র কথা কানে এল তাঁর, “বৌকে একলা রেখে চলে এলি যে বড়?”

“বাঃ, আমি আবার সড়ের পুতুলের মত কি দাঁড়িয়ে থাকব, লজ্জা করে না?” উত্তরের এই কথাটুকুও কানে এল। তারপর আবার সেই তীব্র স্বর, “ওরে আমার লজ্জাউলি লজ্জাবতী! একলা হয়ে এখন বাপের কাছে সাতখানা করে লাগাক!”

এর উত্তর আর কানে এল না রামকালীর, কিন্তু ইতিপূর্বের তিক্ত মন, কী একরকম বিকল হয়ে বিশ্বাদ হয়ে গেল, কত্যা-সন্দর্শনের প্রথম আনন্দটাই শিথিল হয়ে গেল।

সেই অবকাশে গুণ্ঠনবতী সত্য নিতান্ত নীরবে বাপকে একটি প্রণাম করল। প্রণাম করে যথারীতি পায়ের ধুলো মাথায় বুলাতেও ভুলে গেল না।

কিন্তু রামকালী সহসা এমন বিচলিত হলেন কেন?

সত্যর এই আচরণে বুকের ভিতরটা হাহাকার করে উঠল তাঁর কেন? যে হাহাকার এখনো থামাতে পারছেন না এই স্থিতপ্রজ্ঞ মানুষটা? রামকালী কি আশা করেছিলেন তাঁর সেই সত্য অবিকল তেমনি আছে? বাপকে দেখেই ছুটে এসে ঢিপ করে একটা প্রণাম ঠুকে গিন্নীদের মত বলে উঠবে, “কি বাবা, এত দিনে মেয়েটাকে মনে পড়ল? ধন্তি বলি বাপের প্রাণ, এতদিনে একবার দেখতে আসতে ইচ্ছে হল না মেয়েটা মরল কি বাঁচল?” যাই ভাগ্যিস পুণ্যিপিসির বিয়েটা লেগেছিল, তাই না—”

অথবা এইটাই কি মনে করেছিলেন, সত্য আর আগের সত্য নেই, একেবারে বদলে গেছে? তাই প্রত্যাশিত হৃদয়ে অপেক্ষা করেছিলেন,

দেখামাত্রই বাঁপিয়ে এসে পিতৃবন্ধে আশ্রয় নিয়ে নিঃশব্দে কঁদে ভাসাবে সে ! আর তার সেই অবিরল অশ্রুধারায় রামকালীর জালা করা বুকটা ঠাণ্ডা হয়ে যাবে !

কিন্তু এই ইচ্ছে তো রামকালীর হবার কথা নয়। আবেগপ্রবণতা তো রামকালীর সম্পূর্ণ রুচিবিরুদ্ধ। মন-কেমন করা বা অনেক দিন পরে দেখা হওয়া ইত্যাদি উপলক্ষ করে কেউ কাঁদছেকাটছে দেখলে ভুরু কুঁচকে ওঠে তাঁর। স্বয়ং রামকালী-দুহিতাই যদি সেই খেলো আর সত্য পদ্ধতিতে আবেগ প্রকাশ করে বসে, রামকালী অসম্ভব হতেন না কি ?

বহু বিচিত্র উপাদানে গড়া মানব মন কখন কি চায় বলা বড় শক্ত। কি চায় সে নিজেই বুঝতে পারে না, শুধু এক-একসময় একান্ত বেদনার বলে, “এ কী হল ! এতো আমি চাই নি !”

তাই চির-অবিচলিত রামকালী হঠাৎ আজ নিজের মেয়ের এই শাস্ত সভ্য বহু-মূর্তি দেখে বিচলিত হয়ে ভাবলেন, “এ কী হল !”

কথা যোগায় নি রামকালীর। মৃদু গম্ভীর কণ্ঠ থেকে শুধু একটু কুশল প্রশ্ন উচ্চারিত হয়েছিল, “ভালো আছ তো ?”

সত্য তেমনি মাথা নিচু করে বলেছিল, “হ্যাঁ বাবা ! বাড়ির সব খবর মঙ্গল ?”

ঠাকুমা পিসঠাকুমা দল থেকে শুরু করে বাগদী ঝিটা পর্যন্ত বাড়ির প্রজেক্ট সদস্যের নাম করে কে কেমন আছে জিজ্ঞেস করল না সত্য, শুধু জিজ্ঞেস করল ‘বাড়ির সব মঙ্গল ?’

আশ্চর্য ! আশ্চর্য ! স্বপ্নরঘরে এলে কি এমনি করেই মেয়েরা তাদের আজন্মের আশ্রয়কে—তাদের ধূলোমাটির গড়া খেলাঘরের মতই ভেঙে কেলে ? মন থেকে মুছে কেলে ? তাই শকুন্তলাকে আর কোন দিন কথ মূনির আশ্রমে দেখা যায় নি, জনক রাজার ঘরে সীতাকে ? মহাকবিদের মহৎ লেখনীও এই অমোঘ নিয়মকে সহজ সত্য বলেই মেনে নিয়েছিল, তাই সে লেখনী নির্ভর ঔদাসীয়ে শুধু সামনের দিকে এগিয়ে চলেছে, পিছু ফিরে তাকায় নি ?

নারী আর নদী, এরা তবে এক ধাতুতে গড়া !

কিন্তু গিরিরাজ-দুহিতা উমা ?

না, উমা তো ইতিহাসের নয়, পুরাণের নয়, মহাকবিদের অমর লেখনীর

অনবস্থ স্থিতি নয়, সে যে শুধু ঘরোয়া মানুষের মনের মাধুরী দিয়ে গড়া অমিয় ছবি। মানুষের প্রত্যাশা আর কল্পনা, আশা আর আকাঙ্ক্ষা দিয়ে গড়া ভালবাসার মূর্তি!

রামকালীর মনের মধ্যে অনেক ভাব-তরঙ্গের একটা আলোড়ন উঠেছিল, যেমনটা তাঁর সচরাচর হয় না। ভাবলেন, তবে কি সত্য সম্পর্কে এতদিন যে মূল্যবোধ তাঁর মনের মধ্যে ছিল, সত্য তার উপযুক্ত নয়? সত্য সেই সাধারণ মেয়ে, যারা সহজেই বদলে যায়? ভাবলেন, তবে কি মার খাওয়ার কথাটাই সত্যি, আর সত্য একেবারে নেহাৎ একটা ভীষণ মেয়ে মাত্র? যে মেয়েরা পড়ে মার খায়, আর মার খেয়ে ভয়ে কাঁটা হয়ে থাকে, নিজেকে প্রকাশ করতে সাহস পায় না?

সত্যর সম্পর্কে এত হতাশ হয়েই বুঝি রামকালীর মধ্যে এত আলোড়ন।

তবু সে আলোড়নকে সংহত রেখে রামকালী বলেছিলেন, “হ্যাঁ, সব সংবাদ মজল। পুণিয়ার বিয়ে ষোলই বোশেখ, তাই তোমাকে নিয়ে যাবার সংকল্প করে এসেছি।”

হ্যাঁ, ঠিক এই কথাটা উচ্চারণের পরই বৃকের মধ্যে যেন একটা হাতুড়ির ঘা খেলেন রামকালী।

“বাবা গো তুলি কী ভাল!” বলে আহ্লাদে চোঁচিয়ে উঠল না সত্য, তার বদলে বলল, “বোশেখের মাঝামাঝি বিয়ে, আর এখন তো সব ফাণ্ডনের শেষ, এত আগে থেকে নিয়ে যেতে চাইলে এরা কিছু মনে করতে পারে বাবা!”

রামকালী সুগভীর একটা নিশ্বাস গোপন করে বলেছিলেন, “ওঁরা অমত করেন নি।”

“করে নি সে ওদের ভদ্রতাই, কিন্তু বাবা আমাদেরও তো একটা বিবেচনা করা দরকার। এদের অসুবিধের কেলো—”

“তোমার তাহলে এখন যাওয়া মত নেই?”

আর একটা নিশ্বাস গোপন করতে হয় রামকালীকে।

সত্য এবার মুখ তুলে তাকায়। সোজাসুজি একেবারে বাপের চোখের দিকেই। বাহারে শাড়ীর ঘোমটাটা খসে পিঠের ওপর পড়ে যায়, তাই সত্যর সেই বাগ-না-মানা কৌকড়া চুলে ঘেরা মুখটার সবটাই স্পষ্ট দেখতে পাওয়া যায়, আর চোখের দৃষ্টিটা তার বেশ একটু সময় নিয়েই বাপের মুখের দিকে নিবদ্ধ থাকে।

তার পর চোখ নামিয়ে নিয়ে খসে পড়া আঁচলটা মাথায় তুলতে তুলতে উত্তর দেয় সত্য, “তা কার্যক্ষেত্রে মত নেই-ই বলতে হয় বৈকি। ঠাকরনের শরীর-স্বাস্থ্য ভাল নয়, একা ননদের ঘাড়ে সমগ্র সংসার—”

রামকালী ঈষৎ বিস্মিত প্রশ্নে বলেন, “ননদ! নবকুমারের ভগিনী আছেন নাকি?”

“সহোদর বোন নন, তবে সহোদরের বাড়া বাবা! পিসতুতো ননদ— ওই যে যিনি তোমাকে এ ঘরে এনে পৌঁছে দিলেন।”

“ও!” ননদ-প্রসঙ্গে ইতি টেনে রামকালী বলেন, “যাবার যখন উপায় নেই, তখন আর কি করবার আছে! অতএব রাত্রে আমার আর এ গ্রামে অবস্থান করারও প্রয়োজন দেখি না। এখনি রওনা দেব। তার আগে একটা প্রশ্ন তোমায় করছি, তুমি তো লেখাপড়া কিছু শিখেছিলে, পত্রাদিও পড়তে পার মনে হয়, এই চিঠিটা পড়ে মানে বুঝতে পারবে?” জামার পকেট থেকে চিঠিটা বার করেন রামকালী।

চিঠিখানা কিন্তু সত্য তাত্ত্বিতা হাত বাড়িয়ে নেয় না। মুহূর্তে বলে, “কার পত্ৰ?”

“সেটাই তো আমার জানা নেই। তুমি হয়তো জানতে পারবে!”

অতঃপর চিঠিটা হাতে নিয়ে কয়েক ছত্র পড়ে সত্য, ঈষৎ জানেন ঘোমটার মধ্যে তার মুখের চেহারা কেমন হয়ে ওঠে, কিন্তু গলাটা তো ঠিকই থাকে। ঠিকঠাক শাস্ত্র গলায় বলে ওঠে সে, “এত বড় একটা জ্ঞানবান বিচক্ষণ বেক্তি হয়ে বুঝতে পারলে না বাবা, এ কোনো শত্রুরের কাজ!”

“এমন কে শত্রু আছে তোমাদের?”

“তা কে জানে বাবা? অনেক শত্রুর তো ওপরে ভালমামুষ সেজেও থাকে!” চিঠিটা সব না পড়েই বাবার হাতে কিরিয়ে দিয়েছিল সত্য।

রামকালী সেটা ফের পকেটে পুরে, দীর্ঘনিশ্বাস গোপন না করেই বলেছিলেন, “তাহলে এখানে তোমার কঠোর কোন কারণ নেই? তোমার সম্বন্ধে দৃষ্টিস্তা করবারও কিছু নেই আমার! ঈষৎ মঙ্গল করলেন। তাহলে এই কথাই বলে সাধনা দিতে পারব তোমার মাকে।”

“মা!” সত্য একটু চমকে বলে, “এ পত্ৰের বিষয় মা জানেন?”

“না। তিনি অবশ্য জানেন না কিছু”, রামকালী ঈষৎ হাসিয় মত্ত করে বলেন, “তবে ‘মেয়ে মেয়ে’ করে একটু উতলা হয়েছেন তো। যাক।

তোমার প্রতি যে কোন দুর্ব্যবহার হয় না এইটাই শাস্তির বিষয়। আর বিশ্বাস করব তুমি ঠিক কথাই বলছ।”

সত্য আর একবার তেমনি মুখ তুলে তাকায়। এবার যেন ভয়ঙ্কর একটা অভিমানের ছায়া ভৎসনার মত ফুটে ওঠে সে-চোখে। তারপর চোখ নামে। মূহু আর দৃঢ়কণ্ঠে বলে সত্য, “পেতল কাঁসার ঘটিটা বাটিটাও একত্রে থাকলে মধ্যে মধ্যে ঠোকাঠুকি লাগে বাবা, আর এ তো জলজ্যান্ত মানুষ! একেবারে ঠোকাঠুকি লাগে না, লাগবে না, এ কথা কি জোর করে বলা যায়? তবে এটুকু বিশেষ মেয়ের প্রতি রেখো বাবা, কোনও অন্তায়ই সে করবেও না, সহিবেও না।”

তারপর রামকালী চলে এসেছিলেন।

সত্য আর এক দফা প্রণাম করেছিল।

কিন্তু এখানেই তো ইতি নয়।

“মেয়েকে না নিয়েই যে চললেন বেহাই মশাই?” এ প্রশ্নের উত্তর দিতে হয়েছিল রামকালীকে। আর মিথ্যা কথা বানিয়ে বলতে না পারার জন্তে বিদ্রূপ-হাস্তরঞ্জিত বিস্ময়-প্রশ্নও শুনতে হয়েছিল।

সত্যর স্বপ্তর সেই তাঁর মেয়েলি ভঙ্গীতে গালে হাত দিয়ে বলেছিলেন, “বলেন কি বেহাই মশাই, মেয়ে বাপের ঘর যেতে চায় না! এ যে বড় তাজ্জব কথা শোনালেন দেখছি!”

নিজের জন্তেও ততটা নয়, রামকালীর মনে হয়েছিল, কুকুরের কামড় হাঁটুর নিচে, কিন্তু সত্যর স্বপ্তর সম্পর্কে যে তাঁর ওই প্রবাদটা সহজেই মনে আসতে পারল, এটাও তো কম মানির কথা নয়।

আশ্চর্য, ওদের ব্যবহারে বিনয় আর সৌজন্ম প্রকাশের ঘটা তো কম ছিল না, তবু কেন রামকালীর ওদের স্থূল অমাজিত মনে হয়েছিল? জামাইটা অবশ্য নেহাৎ বোকা বোকা, প্রকৃত কেমন কে জানে। তা সেই তো মাত্র একবার দেখা দিয়েই উধাও হয়ে গেল।

বকুটাকে তবু আবার দেখলেন, কিন্তু জামাইকে নয়।

বকুটা যে সত্যর স্বপ্তর-শান্ত্তীর প্রতি অন্ধাশীল নয়, তা বেশ বোঝা যাচ্ছে।

অন্ধার যোগ্যই নয় ওরা।

তবু, আর একবার বুকটা কেমন মূচড়ে উঠল রামকালীর, তবু সেই স্বপ্নর-বাড়ির সঙ্গে দিব্য মিশে গেছে সত্য। এমন মিশে গেছে যে, শান্তদীর শরীর-স্বাস্থ্যের অজুহাতে, বাপের বাড়ি যাওয়ার প্রলোভন ত্যাগ করল।

সুযোগ পেয়েও বাপের বাড়ি যেতে চাইল না, এ রকম মেয়ে রামকালী কি তাঁর এতখানি জীবনে এর আগে কখনো দেখেছেন? অথচ ঠিক বোঝাও যাচ্ছে না তাকে।

হয়তো তাকে আর কোন দিনই বোঝা যাবে না। রামকালীর মেয়ে রামকালীর কাছ থেকে অনেক দূরে চলে গেছে, হয়ত আরও অনেক অনেক দূরে চলে যাবে। সেই সত্যকে আর কোনদিনই খুঁজে পাওয়া যাবে না।

চিরনিঃসঙ্গ রামকালীর অন্তরের একটিমাত্র ছোট্ট সঙ্গী, রামকালীর আকাশের আলো-ঝিকঝিকে ছোট্ট একটি তারকা, চিরদিনের মত হারিয়ে গেল!

হঠাৎ চিন্তায় ছেদ পড়ল।

চোখে পড়ল পালকির পাশ দিয়ে বেহারাদের সঙ্গে তাল মিলিয়ে আর একটা মানুষও দৌড়ছে।

কখন থেকে দৌড়ছে?

হঠাৎ কোথা থেকেই বা এল? কিছু বলতে চায় নাকি?

রামকালী বেহারাদের আদেশ দিলেন থামতে।

আর তার পরই নজরে পড়ল এ সেই নিতাই, তাঁর জামাইয়ের বন্ধু।

“কি খবর?”

কিসের একটা প্রত্যাশায় রামকালীর মুখটা উজ্জ্বল হয়ে উঠল।

কি ভাবলেন তিনি? তাঁর সত্যবতীই কি আবার বাপকে ফিরিয়ে আনতে ডাক দিয়েছে? এখন কেঁদে কেলে বলবে, “মেয়ের মুখের কথাটাই তুমি দেখলে বাবা, তাঁর অভিমানটাকে দেখলে না? একবার ‘না’ করেছি তো রাগ দেখিয়ে চলে গেলে?”

অনেকগুলো কথা মনের মধ্যে ছড়োছড়ি করে উঠল, তবু সংযত কণ্ঠেই প্রশ্ন করলেন রামকালী, “কি খবর?”

নিতাই হাঁপাচ্ছিল।

একটু জিরিয়ে নিয়ে বলে, “বাচালতা মার্জনা করবেন ভালুই মশাই, বলতে

এসেছি—এ কী করলেন? মেয়ে নিতে এসে খালি হাতে ফিরে যাচ্ছেন?
বাড়ীঘো মশাইয়ের কাছে হেরে গেলেন?”

রামকালীর মুখ লাল হয়ে ওঠে।

কষ্টে আত্মসংবরণ করে বলেন, “বাচালতা মার্জনা করা শক্ত হচ্ছে!”

“বুঝেছি। কিন্তু বড় আশায় হতাশ্বাস হয়েই ছুটে এসেছি। আপনার কত্থেকে নিয়ে গেলেন না বটে, কিন্তু এর পর আর হয়তো মেয়েকে জীবিত দেখতে পাবেন না। হয়তো আত্মঘাতী হয়ে—মেয়ে তো আপনার ভাঙে তো মচকায় না।”

সহসা রামকালী চাপা ভারী গলায় প্রবল একটা ধমক দিয়ে ওঠেন,
“দেখতে তো বেশ ভদ্রসন্তান বলে মনে হচ্ছে, প্রকৃতি এমন ইতরের মত কেন?”

ইতরের মত!

নিতাই বিশ্বাসভাবে তাকিয়ে থাকে।

রামকালী স্বভাবগম্ভীর স্বরে বলেন, “অপর গৃহের কুলবধু সম্পর্কে কোন আলোচনা ইতরতারই নামান্তর।”

“বেশ!” নিতাই অভিমান-ক্ষুব্ধ মুখে মাথা নিচু করে বিদায়-প্রণাম করে বলে, “আর কি বলব বলুন! তবে একা আমিই আস্পদা করি নি। আপনার জামাই নবকুমারই—”, টৌক গিলে বলে নিতাই, “সে বলছিল—চোখের সামনে স্বীহতো দেখব, প্রতিকার করব না? তাই আমি—”

নিতাই আন্তে আন্তে চলে যায়।

রামকালী স্তব্ধ হয়ে সেদিকে তাকিয়ে থাকেন।

আত্মমর্যাদা বিসর্জন দিয়ে রামকালী কি ওকে কিরে ডাকবেন?

কিন্তু ডেকে, তারপর?

আত্মোপাস্ত ঘটনা জেনে নিয়ে, ফের আবার ছুটবেন জামাইবাড়ি?

তারপর?

আবার তাদের বলবেন, ‘না আমার তুল হয়েছে, মেয়ে বালিকা, খামখেয়ালের বেশে কি বলেছে, সে-কথা কথাই নয়, ওকে নিয়ে যাব?’

আচ্ছা তার পর?

যদি সভ্য আবার বলে, “সে কি বাবা, আবার কিরে এলে কি বলে? আমি তো বলেছি এখন যাওয়া হবে না?”

তখন ?

তখন কি করবেন রামকালী ? সত্যর ওই কথার পর ? বলবেন, ‘পাগলী মেয়ে পাগলামি রাখ্, তোর মা তোকে না দেখে কেঁদে দিন কাটাচ্ছে।’ বলবেন, ‘তোকে না নিয়ে একা ফিরতে আমার প্রাণটা হাহাকার করছে।’ বলবেন—না, তা হয় না, আত্মমর্যাদাকে আর কত বিসর্জন দেবেন রামকালী ?

“তোল পালকি !”

বেহারাদের হুকুম দেন রামকালী।

তারা যথারীতি গৃহাভিমুখেই চলতে থাকে।

আর রামকালী বিশ্বয়ে মুক হয়ে বসে থাকেন সেই একক পালকিতে।

ধীরে ধীরে বিশ্বয়ের ধূসরতা কিকে হয়ে আসে।

কার্যকারণের চেহারাটা চোখে ভেসে ওঠে।

নীলাদ্রর বাঁড়ুয়োর কাছে হেরে যান নি রামকালী, হেরে গেছেন আপন আত্মজার কাছে। বুদ্ধির খেলার রামকালীকে পরাজিত করেছে সত্য। বাপের কাছে প্রতিপন্ন করেছে, স্বস্তরবাড়িতে সুখে আছে সে, সম্ভ্রবে আছে। তাই স্বস্তরবাড়ির কর্তব্যের কাছে বাপের বাড়ির তীব্র মধুর আকর্ষণও তুচ্ছ করতে পারা অসম্ভব হল না তার।

জীবনের বিনিময়েও বাপের শাস্তি বজায় রাখবে সত্য।

আর রামকালী ? রামকালী সত্যর সেই কোশলে বিভ্রান্ত হলেন, অভিমানে অন্ধ হলেন, আপন অহঙ্কার নিয়ে ফিরে এলেন !

আর এখন ফিরে যাওয়া যাবে না।

অপেক্ষা করতে হবে নায্য সময়ের ক্ষণ। পুণির নিয়ের তারিখ ঘেঁষে কুটুস্থের মত অসুবে সত্য। আসবে—যদি ততদিন বেঁচে থাকে।

চোখ দুটো হঠাৎ লঙ্কার ঝাল লাগার মত জলে উঠল। স্বভাব-বহির্ভূত তীব্রতায় পালকি থেকে মুখ বাড়িয়ে বেহারাদের উদ্দেশে বলে উঠলেন রামকালী, “কচ্ছপের মত সমস্ত মাটি মাড়িয়ে হাঁটছিঁস যে তোরা, পায়ে জোর নেই ?”

চিঠিখানা যে “শতুরের রটনা”, এ কথাটা নেহাৎ ভুল নয়। বৌকে এলোকেশী নিভাপ্রহারে জর্জরিত করেন, এ বললে এলোকেশীর প্রতি

অগ্রায় অবিচার করা হয়। মেরেছিলেন সেই একদিনই। বৌয়ের চুল বাঁধতে বসে। অবশিষ্ট একটু আশ মিটিয়েই মারবেন বলে উঠোনের রোদে মেলে দেওয়া জ্বালানি কাঠ থেকে একখানা তুলে এনেছিলেন, কিন্তু সে কাঠ আর বৌয়ের পিঠে ভাঙবার সুখ তাঁর হয় নি। সর্বনেশে সৃষ্টিছাড়া বৌ হঠাৎ ঝট করে কাঠখানা হাত থেকে কেড়ে নিয়ে বেশ মজবুত গলায় বলে উঠেছিল, “দেখ গুরুজন আছ, গুরুজনের মতন থাক, শিরোধায়ে রাখব। নচেৎ তোমার ললাটে দুঃখ আছে। আমাকে তুমি চেন না, তাই ভেবেছো আমার ওপর যা-খুশি করবে। সে বাসনা ছাড়।”

কথা শেষ না হতেই এলোকেশী হঠাৎ মড়াকান্না কঁদে উঠে পাড়ার লোক জড়ো করেছিলেন।

তার পর তো সে এক হৈ-হৈ কাণ্ড, রৈ-রৈ ব্যাপার!

কিন্তু সত্যকে আর সে রক্তমঞ্জে দেখা যায় নি।

পাড়ার পাঁচজনের বিস্ময়োক্তিকে সহ্য থামিয়েছিল, “নতুন ফাগুনের গরমে” মামীমার মাথাটা গরম হয়ে উঠেছে বলে। বলেছিল অবশ্য নেপথ্যে ডেকে নিয়ে গিয়ে চুপিচুপি। জনে-জনেই বলেছিল।

তারপর মামীকে চুপিচুপি বলেছিল, “সাপের ভ্রাজে পা দিতে যেও না মামী, বোটি তোমার যেমন ভেঁগন নয়।”

এলোকেশী সহুকে ন-ভূতো ন-ভবিষ্যতি গালমন্দ করে চিৎকার করে জানিয়েছিলেন—আচ্ছা, ওই বোকে তিনি মাথা মুড়িয়ে ঘোল ঢেলে গাঁয়ের বার করে দিতে পারেন কিনা দেখবে গাঁসুন্ধু সবাই।

কিন্তু আশ্চর্য, কার্যক্ষেত্রে আর তা করে উঠতে পারলেন না! এই কথার পিঠে বৌ সহুকে উদ্দেশ্য করে বেশ স্পষ্ট গলায় বলে দিয়েছিল, “ঘরের বোকে মাথায় ঘোল ঢেলে গাঁয়ের বার করে দিলে যদি গাঁয়ের কাছে তোমাদের মুখোজ্জল হয়, তো তা করতে বল ঠাকুরাণী তোমার মামীকে। তবে বিবেচনা করে দেখতে বলো, তা করলে কার গায়ে ধুলো দেবে লোকে!”

এলোকেশী তেড়ে এসে বলেছিলেন, “তবে আর তোকে আজ কেটে রক্তগন্ধা করে নিজে ফাঁসি যাই। উঃ, বৌ-মাহুঘের এত কথা!”

সত্য নিঃশব্দে রান্নাঘরের দাওয়া থেকে মাছ কাটবার বড় বটিটা তুলে

এনে এলোকেশীর দিকে বাড়িয়ে দিয়ে বলেছিল, “তাই তবে কর, তখন তো আর আমি দেখতে আসব না কার মুখটা পুড়ল।”

আশ্চর্য, এই ঘটনার পরই এলোকেশী কেমন নিখর হয়ে গিয়েছিলেন। আর একটিও বাক্ সরে নি তাঁর মুখ থেকে। কিছুক্ষণ সেই বটিখানার চকচকে ফলাটার দিকে তাকিয়ে থেকে আস্তে আস্তে সরে গিয়েছিলেন।

আর তদবধি—

তর্জন-গর্জনের পথ থেকে সরে এসে বাক্যালাপ বন্ধর পথ ধরে চলেছিলেন এলোকেশী। এবং তলে তলে ক্রমাগত নীলাশ্বরকে মন্ত্রণা দিচ্ছিলেন, বৌয়ের গহনাগাঁটি সব কেড়ে নিয়ে, কোন ছলে-ছুতোয় বাপের বাড়ি পাঠিয়ে দিতে। একবার পাঠিয়ে দিতে পারলে জীবনেও আর ওই সর্বনেশে জাঁহাবাজ মেয়েকে ফিরিয়ে নিয়ে আসছেন না।

কিন্তু ছলছুতো খুঁজতে খুঁজতে দিন গড়িয়ে যাচ্ছিল।

হঠাৎ এমন সময় রামকালীর আবির্ভাব।

হাতে চাঁদ পেয়েছিলেন এলোকেশী। এবং নিশ্চিত ঠিক করে ফেলেছিলেন, এই সূত্রে বৌকে জন্মের শোধ বিদায় দেবেন। কারণ ইত্যবসরে আর একটি মেয়ে এলোকেশীর দেখা হয়ে গেছে, বয়স সাত-আট, ধরন-ধারণ খুব নিরীহ, সর্বোপরি তার বাপ প্রতিশ্রুতি দিয়েছে চীনে-সোনার গহনায় মেয়ের সর্বাঙ্গ মুড়ে দেবে।

ঐ মহামন্ত্রটি স্বামীকে অনবরত জপিয়েছেন এলোকেশী।

অতএব এক কথায় রাজী হয়েছিলেন নীলাশ্বর বৌ পাঠাতে। স্বপ্নেও ধারণা করতে পারেন নি, বৌ নিজে বৈকে বসবে।

রামকালী চলে যেতে—এলোকেশী পতির প্রতি জলন্ত কটাক্ষ করে বলেন, “বুঝলে? বুঝলে কত বড় জাঁহাবাজ ধড়িবাঁজ মেয়ে? বলি নি তোমায় আমি, ও মেয়ের হাড়ে ভেলকি খেলে!”

নীলাশ্বর বলেন, “দেখছি বটে!”

“তা হলে বল, ওই বৌ নিয়ে ঘর করতে হবে আমার? একে তো ওই লক্ষীছাড়ি সন্দিগে নিয়ে হাড়ে হাড়ে জলছি, তার সঙ্গে আবার ওই বৌ! আর দুটিতে মিল কত! আরো ওই জন্তেই বৌকে কুলোর বাতাস দিয়ে বিদেয় করতে চাই! আর—আরও একটা কথা,” চুপি চুপি বলেছিলেন এলোকেশী, “এখনো ঘরে দিই নি তাই। ওই ছকা-পাঞ্জা বৌ যেই লোন্সামীকে

হাতে পাবে, সেই তো একেবারে ‘জয়’ করে নেবে। আর কি আমার নবু আমার থাকবে? তার থেকে আমার বকুলফুলের ওই ছাওর-ঝিটা হাবা-গোবা মতন আছে—”

কিন্তু বেরাই যখন চলে গেলেন, তখন কিন্তু আর নীলাশ্বর এ কথা বলতে পারলেন না, “ভাল চান তো মেয়ে নিয়ে যান মশাই, নইলে কুলোর বাতাস দিয়ে বার করে দেব।”

নীলাশ্বরের একটা ক্রটি আছে। বুকের পাটাটা তাঁর যতই থাক, মুখের জোরটা কম।

এলোকেশী গালে মুখে চড়িয়ে বললেন, “কী বলব, বাই বেটাছেলে, তার সঙ্গে তো আমার কথা কওয়া সাজে না, নইলে একবার দেখে নিতাম সে বা কত বড় ঘুষু, আর—আর ওই বাপ-সোহাগী বেটিই বা কত হারামজাদী!”

বৌয়ের সঙ্গে কথা বন্ধ ছিল, সে পণ আর রাখতে পারলেন না এলোকেশী। সত্য যেখানে বসে পান সাজছিল, সেখানে তেড়ে গিয়ে বললেন, “বাপ নিতে এসেছিল, গেলি না যে বড়?”

সত্য একবার চোখ তুলে, চোখ নামিয়ে পান মোড়ায় মন দিল।

“কী, কথার উত্তর দিলি না যে বড়? গেলি না কেন বাপের সঙ্গে পিসির বিয়েতে?”

সত্য মুহূ গম্ভীর ভাবে বলে, “বিয়ের তো এখনও দেরি।”

“তা বাপ তো আদিখ্যেতা করে নিতে এসেছিল?”

“বাবার কথায় ওরকম অচ্ছেদা করে কথা কইবে না।” বলে মোড়া পানগুলো ডাবের ভরে ভিজে জ্বাকড়া ঢাকা দিয়ে ধীর মন্থর গতিতে উঠে কুলুঙ্গীতে তুলে রাখে সত্য।

এলোকেশী রাগে দিশেহারা হয়ে বোধ করি আর কোন কথা খুঁজে না পেয়েই বলেন, “সর্বনাশী লক্ষ্মীছাড়ি, কি ভেবেছিস তুই? বাপের ঘরে যাবি না, চিরকাল আমার বুক বসে দাড়ি ওপড়াবি?”

সত্য একবার কিরে তাকিয়ে শাশুড়ীর দিকে একটি অন্তর্ভেদী দৃষ্টি নিক্ষেপ করে বলে, “তা সর্বনাশকে যখন কুলো ডালা দিয়ে বরণ করে ঘরে এনেছ, তখন চিরকাল তার বোঝা বইতে হবে বৈকি।”

নবহুমার খবরটা পেল ভগ্নদুত্তের কাছে।

নিতাই বলে গেছে, “তোমার স্বপ্নের আয়াকে শুধু ভস্ম করতে বাকী রেখেছে।”

কিন্তু নিতাইয়ের কথাগুলো নবকুমার গারে মাখল না।

‘নিষাতিতা ধর্মপত্নীকে নিষাতন থেকে উদ্ধার করবার সাধু সংকল্প নিয়ে নবকুমার অসমসাহসিক কাজ করেছিল, কিন্তু রামকালী ফিরে যাবার পর হঠাৎ নিজের মনের দিকে তাকিয়ে আবার বিশ্বাসে হাঁ হয়ে গেল নবকুমার। আশ্চর্য, সত্যবতীর যাওয়া হল না দেখে তার মনের মধ্যে যেন একটা পুলকের ঢেউ উথলে উঠেছে।

নবকুমার এ রহস্যের কিনারা করতে পারল না।

কিন্তু নবকুমারের জন্তে যে আরও কী অদ্ভুত রহস্য তোলা ছিল, তা কি সে দণ্ডখানেক আগেও ভেবেছিল?

রাত খুব বেশী নয়, সন্ধ্যারান্তর।

এলোকেশী যথারীতি বিছানায় গিয়ে আশ্রয় নিয়েছেন, আর নীলাদ্রর যথারীতি রাতসকরে বেরিয়েছেন, সহু রান্নাঘরে কাঠের ‘দেলুকো’র উপর মাটির প্রদীপ বসিয়ে রান্না করছে। নবকুমার বাড়ি ফিরে সন্তর্পণে অন্ধকার দালানটা পার হচ্ছিল, হঠাৎ পাশের ঘরের দরজার কাছ থেকে একটা চাপা মুহু অথচ দৃঢ় গলায় কে বলে ওঠে, “একটু দাঁড়াতে হবে।”

নিজের কানকে বিশ্বাস করতে পারে না নবকুমার এবং দাঁড়িয়ে যে পড়ে সেটা আদেশপালনার্থে নয়, চলৎশক্তি হারিয়ে কেলে বলেই পড়ে।

এ কর্তৃস্বর, তার বাপের নয়, মার নয়, সহুর নয়।

অতএব?

বাড়িতে আর কে আছে? নবকুমারের স্বপ্নলোকবাসিনী ছাড়া?

অন্ধকারে কেউ কাউকে স্পষ্ট দেখতে পায় না—শুধু গলাটাই শোনা যায়, “নিতোনন্দপুরে চিঠি পাঠিয়েছিল কে? আমার দুঃখ কাহিনীর ব্যাখ্যানা করে?”

বলা বাহুল্য নবকুমার দারুণমূর্তিতে পরিণত। আর দারুণমূর্তির কথা কইবার ক্ষমতা থাকা সম্ভব নয়।

“উত্তর নেই যে?”

নবকুমার একবার অশ্রুটে বলে, “কি বলব?”

“পষ্ট উত্তর দেবে। আমার বাবাকে চিঠি দিয়েছিল কে?”

এ কণ্ঠের প্রশ্নে নিরন্তর থাকা নবকুমারের সাধ্যাতীত। কষ্টে বলে,
“আমার সঙ্গে কথা কইছ, কে কমনে দেখে ফেলবে।”

“আচ্ছা সে চিন্তে আমার। কথাটার উত্তর ফাঁকি না দিয়ে হুক জবাবটা দাও।”

নবকুমার ঢোক গিলে, ঘাড় চুলকে, ঘেমে-টেমে বলে, “আমি চিঠির কথা কি করে জানব? কিসের চিঠি?”

“জাখো, নিখো কথা কয়ো না, নরকেও ঠাই হবে না।” সত্যবতী রুদ্ধকণ্ঠে বলে, “আমার নিযাস জ্ঞান, এ তোমার কাজ।”

সহসা নবকুমারের স্বামিভ্য প্রভুত্ব এবং পৌরুষ ধিকার দিয়ে ওঠে তাকে। তাই সেও সহসা রুদ্ধকণ্ঠে বলে, “যদি দিয়েই থাকি, দোষটা কি হয়েছে? নিজেই তো মরছিলে।”

অন্ধকার থেকে মুহূ তীক্ষ্ণ স্বর দ্রুত কথা কয়, “মরছিলাম সেটা ঢাক পিটিয়ে বলে বেড়াবার, কুটুমের কানে তোলার মতন কথা নয়। যারা নিজের মায়ের গালে চুনকালি দেয়, তাদের আবার বিত্তে-বুদ্ধির বড়াই! ঘর-শত্রুর বিভীষণকে ত্রিভুগতের লোকে ছিছিঁকার করেছে বৈ ধন্তি ধন্তি করে নি। এই বুঝে কাজ করো।”

ঘরের অন্ধকারের মধ্যে গিলিয়ে যায় দরজার দাঁড়ানো মূর্তিটার আভাস।

কণ্ঠস্বরের অনুরণনটুকুও বাতাসে গিলিয়ে যায়, অথচ নবকুমার ন যথো ন তস্থো অবস্থায় সেখানে দাঁড়িয়ে থাকে।

প্রথম পত্নী-সন্তাষণের যে বহুবিধ রোমাঞ্চময় এবং আবেশময় মধুর কল্পনা নবকুমারের লাজুক হৃদয় এতদিন ধরে লালন করে আসছিল, তার উপর কে যেন একটা কালির দোয়াত উপুড় করে দিয়ে গেছে।

দ্বার সঙ্গে জীবনের প্রথম বাঁকাবিনিময় এইভাবেই শেষ হয় নবকুমারের।

ভেইশ

সত্যর বেহায়াপনার কথা জানতে আর বাকী থাকে না কারো এ তল্লাটে। বাপ নিতে এসেছিল, খুশুর-শাশুড়ী এক কথায় মত দিয়েছিল, অথচ সত্য যায় নি, নিজে কিরিয়ে দিয়েছে বাপকে, এ অভাবনীয় সংবাদটা যেন খড়ের চালে আগুন লাগার মত ছড়িয়ে পড়ল এ পাড়া থেকে ও পাড়া। পাড়ার অন্ত বোঁরা ভাবল, বাঁড়ুযো-বাড়ির বোঁটার নানা নিন্দেবাদ শুনেছি, এতদিনে তার মানে পাওয়া গেল, বোঁটা পাগল!

আহা বেচারি নবকুমার!

বেয়াইয়ের বিষয়ের লোভে বাপ কিনা একটা পাগল বোঁ গলায় চাপিয়েছে ছেলের!

তা সত্য সম্পর্কে এ ধরনের আলোচনা আরো একবার হয়ে গেছে ইতিপূর্বে, সত্যর বাপের বাড়ির দেশেই হয়েছে। যখন চাউর হয়ে গেল, রামকালো কবরেজ মেয়ে পাঠাতে চান নি, মেয়ে নিজে বলেছে “পাঠিয়ে দাও বাবা”, তখন এর থেকে বেশী বৈ কম ছিছিকার পড়ে নি।

ভুবনেশ্বরী অবিরল কৈঁদে মাটি ভিজিয়েছে, সত্যর বন্ধুরা গাল থেকে আর হাত নামাতে পারে নি, সত্য নিশ্চল থেকেছে। শুধু যখন সারদা বলেছে, “নিজের পায়ে নিজে কুড়ুল মারলে ঠাকুরঝি?” তখন বলেছে, “কুড়ুল তো বাবা সেই আট বছর বয়সে গলায় বসিয়ে রেখেছেন বোঁ, নতুন আর কি হল?”

“তবু আরো একটা বছর থাকতে পেতে—”

“এতখানি জীবনে একটা বছর কম-বেশীতে আর কি বা হবে বোঁ? রাগের মাথায় তারা ওই আবার বিয়ে না কি বলেছে, তাই করলে তো সারা জীবন সত্যীনের জালায় জ্বলতে হবে!”

সারদা একটা নিশ্বাস ফেলে চুপ করেছে।

আর যখন ভুবনেশ্বরী কৈঁদেকেটে মেয়ের হাত ধরে বলেছে ‘আমাদের জন্তে তোয় মন কেমন করছে না সত্য’? তখন সত্য অন্ত দিকে মুখ কিরিয়ে উদাস গলায় বলেছে, “করছে কি করছে না সে কথা কি ঢাক পিটিয়ে বলতে হবে?”

“তবে স্বৈচ্ছায় যেতে চাইলি কেন?”

“কেন কথার মানে নেই। নিজেরাই তো বল, ‘মা বড় নির্বোধ কেঁদে কেঁদে মর, আপনি ভাবিয়া দেখ কার ঘর কর।’ তবে?”

ভুবনেশ্বরী এতেও চৈতন্যলাভ করে নি, বলেছিল, “আমার তো তবু এপাড়া ওপাড়া—তোর মতন দশ-বিশ ক্রোশ দূরে নয়।”

কথা শেষ হয় নি।

এই সময় আর বাঁধ রাখতে পারে নি সত্য, হাপুসনয়নে কেঁদে ফেলে বলেছে, “তা সে কথাটা সময়কালে ভাব নি কেন? একটা মাস্তুর মেয়ে আমি তোমাদের, চোখছাড়া দেশছাড়া করে এক অ-গঙ্গার দেশে বিদেশ্য করে দিয়েছ, মায়া-মমতা থাকলে পারতে তা? এই তো পুণ্য মোটে একটা বছরের ছোট আমার চেয়ে, দিব্যি ড্যাংডেডিয়ে বেড়াচ্ছে, আর আমার সেই কোন্ কালে পরগোস্তর করে দিয়ে—”, গলাটা ঝেড়ে নিয়ে কথাটা শেষ করেছে সে, “তা না দিলে, পারতো কেউ আমার গলায় গামছা দিয়ে টেনে নে যেতে? বাবা মেয়ে বলে মায়া করেন নি, ‘গৌরীদান’ করে পুণ্য করেছেন, আমারও নেই মায়া-মমতা। নির্মায়িক বাপের নির্মায়িক মেয়ে—”, বলেই হঠাৎ মাটিতে উপুড় হয়ে পড়ে ডুকরে ডুকরে কেঁদেছে দীর্ঘসময় ধরে।

তবু খুশুরবাড়ি যাওয়া রদ হয় নি।

রামকালী আর রামকালীর মেয়ে দুজনেই সমান। দুজনের মতেই ‘কথা’ যখন দেওয়া হয়ে গেছে, তখন আর নতুন বিবেচনা চলে না।

বাপের আড়ালে আর মায়ের সামনে আলোচনার ঝড় বয়েছিল।

এবারের পালা এই।

এবারে মোটামুটি সত্যর আড়ালেই। শুধু সত্বে বলেছিল, “ধন্যবাদ তোমাকে বৌ, নমস্কার! ছিছিঁকার দেব, না পায়ের ধুলো নেব, ভেবে পাচ্ছি না।”

সত্য এর উত্তরে নিজেই হেঁট হয়ে সত্বে পায়ের ধুলো নিয়ে হেসে বলেছিল, “দুগ্গা, দুগ্গা গুরুজন তুমি! ছিছিঁকারই দাও বরং! জন্মাবধি যা পেয়ে আসছি!”

সত্যর মধ্যে যে বিরটি সমুদ্রের আলোড়ন চলছে তা কি সত্য লোকের সামনে মেলে ধরবে? হ্যাঁ, সমুদ্রের আলোড়নই। শুধু বাপ চলে যাবার পর ভেঙে পড়ে নি সে। যথার্থীতি তার পরই ভেল সলভে নিয়ে বসেছে

পিদিম সাজাতে, তার পর ঘাটে গেছে গা ধুয়ে কাপড় কেচে মস্ত ঘড়াটা ভরে এনে দাওয়ার বসিয়ে ভিজ়ে কাপড়েই ‘ঠাকুরঘরে’ সন্ধ্যা দেখিয়ে শাঁখ বাজিয়ে তুলসীমঞ্চে জল দিয়ে শুকনো কাপড় পরে রাত্তিরের রান্নার ব্যবস্থা করতে বসেছে।

রাত্তিরের রান্নাটা সত্যই করে আজকাল। সত্বে বলে বলে এ অধিকার অর্জন করেছে সে।

শুধু রান্না করতে করতে যে চোখ দিয়ে জল গড়িয়ে পড়েছিল তার, কিস্তনের শেষ থেকে বৈশাখের মাঝামাঝি আসতে কদিন লাগে, কিছুতেই হিসেব মেলাতে পারে নি, তার কোনো সাক্ষী নেই।

কিন্তু সত্যর জীবনে কি সেই ‘বৈশাখের মাঝামাঝি’টা দেখা দিয়েছিল আনন্দের মূর্তি নিয়ে? আলো-ঝলমলে উজ্জল মূর্তি নিয়ে?

নাঃ!

সে দেখা পায় নি সত্য।

পুণ্যের বিয়েতে যাওয়া হয় নি তার। ঠিক সেই সময় এলোকেশী রক্ত-আমাশায় পড়ে মরতে বসেছিলেন। আর কাঁথা মুড়ি দিয়ে পড়ে থাকা মাহুঘটাই খিঁচিয়ে উঠে বলেছিল, “কী বললি সহ, বাপের বাড়ির লোকের সঙ্গে যাবে বলে নাচছে হারামজাদী? বাপ যখন সোহাগ করে নিতে এসেছিল তখন যাওয়া হল না, এখন আমি মরতে বসেছি—! বলে দিগে যা যাওয়া হবে না, যে নিতে এসেছে ধুলোপায়ে বিদেয় হোক!”

মামী মরতে বসেছে বলে যে সহ ছেড়ে কথা কইবে, তা কিন্তু করে নি। স্বাকার দিয়ে বলেছিল সে, “তারা তোমার লোককে টাটের শালগেরামের মতন পাশ্চাত্য দিয়ে বসিয়ে থাইয়ে, মাখিয়ে, আর এক পোটলা জিনিস দিয়ে বুক ভরিয়ে বিদেয় দিলে, আর তুমি তাদের লোককে ধুলোপায়ে বিদেয় দেবে? তা ভালো, মুখটা খুব উজ্জল হবে। কিন্তু আমি বলি কি দু-দশ দিনের জন্তে পাঠিয়েই দাও। ছেলেমাহুঘ—তাছাড়া শুনেছি ওই পিসিই চিরকালের খেলুড়ি—”

এলোকেশী চিঁচিঁ করে বলেছিলেন, “তবে বল যেতে। তুমিই বা থাকবে কেন? তুমিও বিদেয় হও। শুধু যাবার আগে একখানা ছুরি এনে আমার গলায় বসিয়ে দিয়ে যাও।”

সহ ছুরি দেয় নি, নিজেও বিদেয় হয় নি, শুধু সত্যর যাওয়ার ব্যবস্থা করছিল, কিন্তু মস্ত বাদ সাধল নবকুমার।

হঠাৎ ‘পুরুষকর্তার’ ভূমিকা নিয়ে বেশ সোচ্চারে ঘোষণা করে বসল, “যাওয়া-টাওয়া হবে না কারুর! আমার মা মরছে, আর লোকে এখন খুঁড়তুতো পিসির বিয়ের ভোজ খেতে ছুটবে! বলে দাও সহৃদ, সে গুড়ে বালি! যাওয়া বন্ধ থাক।”

নবকুমারের ঘোষণায় কর্তা-গিন্নী পরম গুলকে নির্লিপ্ত সেজে বললেন, “আমরা আর কি বলব? নবা যখন—”

তবু সহ চেষ্টা করেছিল। বলেছিল, “সব সময় বুঝি নবার কথাতেই ওঠো বসো তোমরা?”

কিন্তু কাজ হয় নি। এলোকেশী শাপমন্ত্রি দিয়ে ভূত ভাগিয়েছিলেন।

সত্যবতী বলেছিল, “আমি বাবাকে কথা দিয়েছিলাম বিয়েতে যাবো—”

নবকুমার সহ মারকৎ সে কথা শুনে জবাব দিয়েছিল, “সমাজে আমাদের মুখটা হেঁট হয় এই যদি কেউ চায় তো যাক!”

সহ গুর মুখের দিকে কিছুক্ষণ তাকিয়ে থেকে হঠাৎ হেসে ফেলে বলেছিল, “খুব তো বিজ্ঞের মতন কথা বলছিস, আসল ব্যাপারটা কি বল দেখি? বোকে তো এখনও ঘরে পাস নি, তবু এত মন-কেমন?”

সহর এই কথায় হঠাৎ নবকুমারের কর্তৃত্ব ঘুচে গিয়েছিল। “ম্যাঃ” বলে ঝপ করে সরে গিয়েছিল। বোধ করি এ কথাও ভেবেছিল, সহৃদ কি অস্বর্ধামী?

কিন্তু শেষ পর্যন্ত সত্যবতীই বেকে বসল। সহ যখন বহু চেষ্টায় রক্ষা করেছিল, নেমস্তন্ন রক্ষা করতে নবকুমার যাবে সেই সঙ্গে বোও যাবে তিনটি দিনের কড়ারে, বরকনে বিদেয় হবে ওরাও চলে আসবে, তখন সত্যবতী হঠাৎ বলে বসল, “দরকার নেই আমার এই একমুঠো ভিক্ষের! তিন দিনের মধ্যে তো পাড়া ভেসে যাক, বাড়ির সব লোকগুলোর মুখও দেখে ওঠা হবে না, সে যাওয়ার লাভ? লোকে শুনবে সত্য এসেছিল, সত্য চলে গেছে। ছিঃ!”

“দেখ কথা। ভাত পায় না—গয়না চায়। মুষ্টিভিক্ষেই যে ছুটছিল না তবু বিয়েটাও তো দেখতে পাবি?”

“থাক নাই দেখলাম। যার নেমন্তন্ন রন্ধের কথা সে থাক !”

“সে আর গিয়েছে !”

সহ মন্তব্য করে। এবং ঠিকই করে। নবকুমার জোড়হাতে বলে, “রন্ধে কর বাবা !”

অতএব শেষরন্ধে করেন নীলাস্বর।

তিনি রামকালীর প্রেরিত লোকের হাতে পত্র দিয়ে দেন, “নবকুমার বাবাজীবনের গর্ভধারিণী মৃত্যুশয্যায়, সে কারণ কাহারও যাওয়া সম্ভবপর হইল না, পত্রবাহকের হাতে লৌকিকতা বাবদ দুই টাকা পাঠালাম !”

রামকালী সেই পত্র পেয়ে দীর্ঘ সময় চুপ করে থেকে আশ্তে বলেছিলেন, “ও টাকা দুটো তুই জলপানি খাস রাখু!...আর শোন, বাড়ির মধ্যে বলে দিগে যা সত্যর শাস্ত্রী মরমর, তাই আসা সম্ভব হল না।”

তারপর যথানিয়মে বিয়ে হয়ে গেছে, বৈশাখ কেটেছে, জ্যৈষ্ঠ আষাঢ় সব কেটে গেছে, রামকালী তাঁর জামাতা বাবাজীবনের গর্ভধারিণীর মৃত্যু সংবাদ পান নি।

এই না পাওয়াটা কি একটা মরুভূমির রুদ্ধ বাতাসের মত? যে বাতাস সমস্ত কোমলতা আর সরসতা মুছে নিতে পারে? নইলে রামকালী আশ্তে আশ্তে এমন নীরস কঠিন হয়ে গিয়েছেন কেন? কেন বেহাইয়ের সঙ্গে ভদ্রতারক্ষা হিসেবে বেহানের কুশল সংবাদ প্রার্থনা করেন নি? কেনই বা ভেবেছেন মেয়ে আনার জন্তে হাংলামি করার মধ্যে অগোরব আছে?

অন্তঃপুরের মধ্যে একখানি বিচ্ছেদ-ব্যাকুল মাতৃহৃদয় যে রামকালীর এই কাঠিন্তের সামনে মুক বেদনার স্তব্ধ হয়ে পড়ে আছে, সেটা বোঝবার ইচ্ছে হয় নি কেন রামকালীর?

রামকালী কি ভেবেছিলেন এবারও সেই এক ফোঁটা মেয়েটাই বাপের কাছে অহঙ্কারের পরিমাপ দেখিয়েছে? দূততার অহঙ্কার, কাঠিন্তের অহঙ্কার! বলতে চেয়েছে, “দেখ, আমিও কম যাই না।” তাই অভিমানাহত পিতৃহৃদয়টি এই অন্ধকারে দিশেহারা হয়ে চুপ করে থাকে? আর ভেবেছে, “দেখা থাক !”

কিন্তু কতদিন যেথবেন রামকালী?

অসম্ভবরূপী এই দুটো মাহুকের দাবা খেলার চালের অবসরে কত ব্যাপারই

ঘটে গেল। যে ব্যাপারের একটা ঘটলেও মেয়ে বাপের বাড়ি ছুটে আসতে পারে। কিন্তু বলা তো চাই? মেয়ের বাপ গলায় বস্তুর দিয়ে আবার আজি পেশ করবে তবে তো?

তা করছেন না রামকালী।

অতএব আরো একবার বর্ষা শরৎ শীত বসন্ত পার হয়ে গেল নিজস্ব নিয়মে।

চব্বিশ

নীলাশ্বর বাড়ুঘ্যে নিত্যনিয়মে সন্ধ্যা-গায়ত্রী আত্মিকপূজা ইত্যাদি সেয়ে গৃহদেবতা নারায়ণশিলার প্রসাদী বাতাসা দুখানি মুখে দিয়ে জল খেয়ে হাঁক দিলেন, “সহ, আজ আর আমার জলখাবার গোছাস নে, শরীরটা তেমন ভাল নেই।”

সহ দুটি চালভাজায় তেল-হুন মাখছিল মামার জন্তে। ঘরে স্ত্রীর তত্ত্বি আছে, আছে নারকেল কোরা, ওতেই হবে। আজকাল আর রাত্রে বেশী কিছু খান না নীলাশ্বর।

মামার কথায় বেরিয়ে এসে বলে সহ, “কেন, শরীরে আবার তোমার কি হল মায়া?”

“কি জানি কেমন থিদে নেই।”

বলে ষথারীতি বেনিয়ানটি গারে এঁটে আলোয়ান কাঁধে ফেলে নিত্যনিয়মিত রাত-চরতে বেরিয়ে যান নীলাশ্বর।

সত্যবতী ঘর থেকে বেরিয়ে এসে বলে, “শরীর খারাপ যদি, ঠাকুর আবার এই শীতের রাত্তিরে বেরোলেন কেন ঠাকুরঝি?”

সহ হাসি চেপে বলে, “কেন বেরোলেন, তুই নিজে জিজ্ঞেস করলেই পারজিস বোঁ।”

“শোনো কথা, আমি কথা কই?”

“ও তা বটে।”

বলে সহ মুখ টিপে হাসে।

সত্য হঠাৎ সহর হাত চেপে ধরে সন্দিগ্ধ স্বরে বলে, “আচ্ছা ঠাকুরঝি, ঠাকুর বেড়াতে বেরোলেই তুমি অমন হাস কেন বল তো ? কোথায় যান ?”

সহ অমায়িক মুখে বলে, “ওমা হাসি আবার কখন ! যান বোধ হয় দাবা-পাশার আড্ডায় ।”

“তা শরীর খারাপ হলেও যেতে হবে ? ঝড়বৃষ্টি বজ্রাঘাত কোনমতেই কামাই চলবে না ? বারণ করতে পার না তোমরা ?”

“বারণ ? ও বাবা ! ও আকর্ষণ যমের আকর্ষণের বাড়া !” বলে আর একবার হাসি চাপে সহ ।

“আমি ঠাকুরের সঙ্গে কথা কইলে ঠাকুরের ওই মারাত্মক নেশা ছাড়িয়ে দিতাম ।”

“তা সেই চেষ্টাই নয় করিস ! নিজে বলতে না পারিস বরকে দিয়ে বলাস । সে উপযুক্ত ছেলে—বাপের এই বদনেশা যদি ছাড়াতে পারে !”

সহ এবার হাসি চাপে না, হাসে ।

কথাটা যে সত্যর মনে লাগল তা নয়, বরং সহর কথার মধ্যে সে একটা প্রচ্ছন্ন কোতূকের আভাস পেল । তার স্বপ্নের এই আড্ডার আকর্ষণটা যে ঠিক দাবা-পাশার আড্ডা নয়, এই সন্দেহই বদ্ধমূল হল ।

রাত্রে তাই ঘরে ঢুকেই প্রথম ওই কথাটাই পাড়ে সত্য, “আচ্ছা, রোজ রাত্তিরে ঠাকুর কোথায় যান বল তো ?”

হ্যা, কিছুদিন হল রাত্তির অধিকার পেয়েছে সত্য । সহরই প্রচেষ্টায়—আর সহর প্রচেষ্টাটা নবকুমারের প্রতি করুণাতেই । নইলে বো তো কিছুতেই হেলে দোলে না ।

নববধূর স্বপ্নে বিভোর নবকুমার অবশ্যই এ হেন প্রেমের জন্ত প্রস্তুত ছিল না । তাই ধতমত ধেরে বলে, “কোথায় আবার ! তুমি জান না ?”

“জানলে তোমায় শুধোতাম না ।”

নবকুমার গম্ভীর হয়ে গিয়ে বলে, “বাপ গুরুজন, তাঁর কথা নিয়ে আলোচনা না করাই ভাল ।”

সত্য তুর্ক কুঁচকে বলে, “গুরুজনের নিন্দে করাই না হয় ভাল নয়, গুরুজনের কথা মাস্তুরই কওয়া দোষ ?”

নবকুমার গম্ভীরভাবে হয়ে বলে, “তা এ তো নিন্দেই কথা । বামুনের

ছেলে হয়ে বাগদীপাড়ায় যাওয়া, তাদের হাতের পান-জল খাওয়া, এসব কি আর খুব গুণের কথা?”

বাগদীপাড়ায় যাওয়া!

তাদের হাতে পান-জল খাওয়া!

সত্যকে যেন তার স্বামী হঠাৎ ধরে ধোবার পাটে আছাড় মারল।

সত্যও তাই থতমত খায়।

বলে, “ও কথার মানে?”

সত্যর বয়সের দিকে তাকায় না নবকুমার, বৌ সকল জ্ঞানের আধার হবে, এইটাই ধারণা তার। তাই উদাস গলায় বলে, “মানে যদি না বোঝ তো নাচার। বাপের সম্পর্কে পৃষ্ঠ করে আর কী বলব? কথায় বলে—পিতা স্বর্গ পিতা ধর্ম—! নইলে পথেঘাটে যখন উল্লাসী বাগদিনীকে দেখি, তখন কি আর রাগে ব্রহ্মাণ্ড জলে যায় না? কিন্তু কী করব, মনকে প্রবোধ দিতেই হয়, ভাবতে হয় যতই হোক মাতুল্য।”

পূজনীয় পিতৃদেব সম্পর্কে “কিছু বলব না” বলেও সবটুকুই বলে ফেলে নবকুমার নিশ্চিত হয়ে স্ত্রীকে সমাদর করে কাছে টানতে যায়।

কিন্তু এ কী!

নিত্যকার প্রফুল্ল-প্রতিমা সহসা প্রস্রব-প্রতিমায় পরিণত হল কেন? সত্যিই সত্যর সর্বশরীর যেন শাখরের মতই কঠিন হয়ে উঠেছে।

আর সেই শরীরের মধ্যকার মনটা?

সেই মনটাও কি কাঁঠ হয়ে উঠল? অজানিত একটা ভয়ে?

হ্যাঁ, ভয়ই!

অনেক অনেকদিন আগে বালিকা সত্যর নিঃশঙ্ক চিত্ত যেমন ভয়ে কাঁঠ হয়ে গিয়েছিল কাটোয়ার বৌ শঙ্করীর সম্পর্কে এক অজানা অন্ধকার-লোকের বার্তা শুনে, তেমনি ভয়ে। কিন্তু সেদিন ছিল শুধুই অন্ধকার, শুধুই ভয়। কিন্তু আজ সেই অন্ধকারের মাঝখানে জলে উঠেছে একটা তীব্র বিদ্যুৎশিখার চোখ-ধাঁধানো আলো।

আজকের সত্য সেদিনের অবোধ বালিকা নয়, সংসার-তত্ত্বের অনেক কিছুই তার জানা হয়ে গেছে। তাই ভয়ের গাঢ় অন্ধকারের মাঝখানে দগদগ করে জলে উঠেছে স্থগার বিদ্যুৎশিখা।

বার দুই চেষ্টার পর নবকুমার হতাশ হয়ে বলে, “হলটা কি তোমার?”

সারাদিনের পর দুটো, সুখ-দুঃখের কথা কইব, একটু হাসি-আনন্দ দেখব এই আশায় হাঁ করে থাকি—”

সত্য রুদ্ধস্বরে বলে, “হাসি-আনন্দ তো কুমোরবাড়ির হাঁড়ি-কলসী নয় যে, করমাশ দিলেই পাওয়া যায়, হাসি-আনন্দের মতন মন না থাকলে ?”

নিবোধ নবকুমার পরিহাসের ব্যর্থ চেষ্টায় বলে, “তা এতে আর ভোমার এত মন খারাপের কী আছে ? আমি তো আর কোনও বাগদিনীর সঙ্গে ভালবাসা—”

“ধামো ধামো—”, তীব্র ধিক্কারের স্বর ছড়িয়ে পড়ে বন্ধ ঘরের দেওয়ালে দেওয়ালে।

শীতের রাতের সুবিধের একটু বা গলা খুলে কথা কওয়া চলে। আর সত্যি কথা বলতে, সত্য এমন কিছু লজ্জাবতী বোঁও নয়। গলার শব্দ তার যখন তখন স্তন্যে পাওয়া যায়।

ধিক্কার দিয়ে সত্য গায়ের কাঁধাটা টেনে গলা পর্যন্ত ঢেকে ওদিকে মুখ করে শুয়ে বলে, “ওই ঘোরার কথা নিয়ে হাসি-ঠাট্টা করতে লজ্জা হয় না তোমাদের ? আমি কিন্তু এই পষ্ট বলে দিচ্ছি, এর পর থেকে যদি ঠাকুরকে আমি ছেদাভক্তি না করতে পারি দুঃখ না আমায়।”

এর পর নবকুমার কথা কইবার চেষ্টার ব্যর্থ হয়ে মনে মনে নিজেকে গালা-গাল দিতে থাকে ! ছি ছি, কী একটা গাধা সে ! বললেই হত, “বাবা কোথায় যায় আমি জানি না।” বোঁকে তো সে চেনে। ভাল মেজাজে আছে তো গজাজল, মেজাজ বিগড়ে গেল তো আগুনের খাপরা।

বাবা, কী যে একবগগা মেয়ে ! কবে একদিন সে-ই নবকুমারের কী একটা মিথ্যে কথা ধরে ফেলে ! একেবারে পাঁচদিন কথা বন্ধ। অবশেষে নবকুমার নিতাইয়ের কাছ থেকে পরামর্শ নিয়ে একটা শাস্ত্রের শ্লোক আউড়ে বোঁকায়, পরিবারের সঙ্গে মিথ্যে কথায় পাপ নেই, তবে বোঁয়ের মুখের কুলুপ খোলে। অবিদিত শাস্ত্রবাক্য যেনে নিয়ে নয়, মুখ খোলে প্রতিবাদের মুখরতায়।

সেদিন ভেজের সঙ্গে বলেছিল সত্য, “থাক থাক, আর শাস্ত্র আওড়াতে হবে না। যে শাস্ত্রে বলে মিথ্যে কথায় পাপ নেই, সে শাস্ত্রে আমার অক্লিচ। পরিবার বৃদ্ধি একটা মাহুষ নয়, ভগবান বাস করে না তার মধ্যে ? এবং পর আর ভোমার কোন কথা মন-প্রাণ দিয়ে বিবেচন করব আমি ?”

সে যাই হোক, তবু ঝগড়ার সূত্রেও কথার দরজা খুলেছিল। এবার আবার কি না জানি হয়।

আর সত্য ?

সে ভাবছিল, ছি ছি, এই চরিত্র তার স্বপ্নের! যাকে ‘ঠাকুর’ বলে সম্বোধন করতে হয় তাকে! চরিত্রের অল্প বহুবিধ ক্রটি সে দেখেছে স্বপ্নের, নীচতা ক্ষুদ্রতা স্বার্থপরতার গিন্নী এলোকেশীর থেকে কিছু কম যান না তিনি, এযাবৎ সে সবই মনে মনে মেনে নিয়েছে সত্য, আর ভেবেছে ত্রিসংসারে আমার বাবার মতন আর কজন হবে ?

কিন্তু এ কী !

এ যে ঘণায় লজ্জায় সমস্ত রক্তকণা ছি ছি করে উঠছে। এই বয়সে এই প্রবৃত্তি! আর সব চেয়ে আশ্চর্য কথা, এরা সে কথা সবাই জানে! অথচ, সত্য নির্বোধ সত্য ত্রাকা, তাই এতদিন দেখেও স্বপ্নের এই রাত-চরার অর্থ কোনদিন আবিষ্কার করার চেষ্টা করে নি! সত্যরা ঘুমিয়ে পড়ার অনেক পরে যে তিনি বাড়ি করেন এ কথা তো বরাবরই দেখেছে। তার মানে বোঝে নি ? না না, এ স্বপ্নকে সে ভক্তি-ছেচ্ছা করতে পারবে না, তাতে সত্যকে যে যাই বলুক।

হঠাৎ সত্যর সর্বশরীর আলোড়ন করে প্রবল একটা কান্নার উচ্ছ্বাস আসে, আর এই দীর্ঘকাল পরে বাপের ওপর তীব্র অভিমানে হৃদয় বিদীর্ণ হতে থাকে তার।

এ সংসারে এসে অনেক নীচতা অনেক ক্ষুদ্রতা অনেক হৃদয়হীনতা দেখেছে সত্য, সবই এদের অশিক্ষা কুশিক্ষার ফল বলে সহ করে নিয়েছে, কিন্তু আজকে এই একটা বুড়ো লোকের চরিত্রহীনতার নোংরামি তাকে যেন আছড়ে আছড়ে মারছে।

তাই, যে সত্য শত উৎপীড়নেও কখনো কঁাদে না, সে আজ কঁাদে বালিশ ভিজিয়ে বলতে থাকে, “বাবা বাবাগো, দশটা নয় পাঁচটা নয়, একটা মাস্তুর মেয়ে আমি তোমার, না দেখেন্তে এমন ঘরেও দিয়েছিলে! এত তুমি বিচক্ষণ, আর এই তোমার বিচার!”

অনেকক্ষণ কঁাদে কঁাদে একসময় ঘুমিয়ে পড়ে সত্য।

কিন্তু রাতে কম ঘুমিয়েছে বলে সকালে বেলা পর্যন্ত ঘুমোবে, এত স্নহ

তো আর বৌ-মাঝুঘের ভাগ্যে ঘটে না। যথারীতি ভোরে উঠে স্নানশুদ্ধ হয়ে নারায়ণের ঘরের গোছ করতে ঢুকল সত্য ভারাক্রান্ত মনে, আর অভ্যাসমত চন্দন-পাটাখানা টেনে নিয়ে চন্দন ঘষতে গিয়েই কথাটা একটা বিছাৎ-শিহরণ এনে দিল ওর মধ্যে।

সত্যর এই যত্ন করে চন্দন ঘষা, ফুল তুলসী বাছা, ধূপ-ধূনোয় ঘর ভর্তি করে তোলার মূল্য কি?

এসব উপকরণ নিয়ে পূজা করবেন তো এখন নীলাধর বাড়ুয্যো! তাঁর আবার কাশির ধাত বলে প্রাতঃস্নান করেন না, মুখ-হাত ধুয়ে তমর ধুতিখানা জড়িয়ে এসে পূজোর আসনে বসেন।

কিন্তু স্নান করলেই বা কি?

দেহ মন আত্মা সবই যার অন্তর্নিহিত, স্নানে আর কী শুদ্ধ হবে সে?

হাত গুটিয়ে চুপ করে বসে থাকে সত্য হাঁটুতে মুখ রেখে। ফুল তোলা হয় না, তুলসী চয়ন হয় না।

অনেকক্ষণ পরে সৌদামিনী কি কাজে এদিকে এসে থমকে দাঁড়িয়ে পড়ে বলে, “কী হল বৌ, অমন করে বসে যে?”

সত্য অবশ্য নির্বাক।

সহু ব্যগ্রভাবে দরজার চৌকাঠ অবধি এগিয়ে এসে বলে, “শরীর খারাপ করছে?”

সত্য মাথা নাড়ে।

“তবে? বাপের বাড়ির জন্তে মন উতলা হচ্ছে বুঝি? সত্যি, কতকাল হয়ে গেল—”

সত্য হঠাৎ উঠে দাঁড়িয়ে বলে ওঠে, “বাপের বাড়ির জন্তে মন উতলা হতে কখনও দেখেছ ঠাকুরঝি, তাই বলছ?” সহু তার বড় ননদ, তবু এটুকু প্রশ্নর তার কাছে আছে।

সহু হেসে কেলে বলে, “তা দেখি নি বটে, তা হলে বরের সঙ্গে কৌদল?”

“বকো না ঠাকুরঝি, অত তুচ্ছ ব্যাপারে তোমাদের বৌ হারে না। আমার মন ভাল নেই, আজ থেকে পূজোর ঘরের কাজ আর আমি করব না।”

সহু হঠাৎ এই অভাবিত ঘোষণায় স্তম্ভিত হয়ে বলে, “সে কী কথা বৌ?”

“ওই কথা ঠাকুরঝি। গুরুজনের কথায় বলতে কিছু চাই নে, কিন্তু ঠাকুর এসে পূজোর আসনে বসবেন মনে করে পূজোর গোছ করবার প্রি়বৃত্তি আমার হয়ে যাচ্ছে।”

সহু ভয়ের চোটে নিজের মুখখানাতেই একবার হাত চাপা দিয়ে আস্তে-বাস্তে বলে, “ও কি সব্বনেশে কথা বোঁ, মামীর কানে গেলে আস্ত থাকবি?”

সত্য মুখটা ফিরিয়ে শুকনো গলায় বলে, “এ সংসারে আর আস্ত থাকবার বাসনা আমার নেই ঠাকুরঝি!”

সহু প্রমাদ গণে।

এ আবার কী কথা রে বাবা! এর মূল কারণ যে সত্যর কালকের সেই স্বপ্নর-সম্পর্কিত প্রশ্ন, তাতে আর সন্দেহ নেই, বোধ করি প্রশ্নের উত্তর তার জানা হয়ে গেছে। কিন্তু তার সঙ্গে এই রণমূর্তির সঠিক সম্বন্ধ অনুমান করতে পারে না সহু।

পারবার কথাও নয়।

সহুর অনেক বয়স হয়েছে, এসব ব্যাপার তার কাছে কিছুই নয়। আশে-পাশে অহরহ দেখতে দেখতে হাড়মাস কালি। কাজেই নিজের স্বামী-পুত্র ব্যতীত আর কারো চরিত্রহীনতায় যে এত বিচলিত হওয়া সম্ভব, এ সহুর বোধের বাইরে।

কিন্তু অল্প বিষয়ে সহু বুদ্ধিমতী, তাই এ কথা নিয়ে বেশী বাজাবাজি না করে বলে, “আচ্ছা বেশ, আমি চট্ করে চানটা সেরে এসে দিচ্ছি গুছিয়ে, তুমি চলে এস।”

“রাগ করো না ঠাকুরঝি, আমার মন কিছুতেই নিচ্ছে না তাই। তোমার কি কি কাজ আছে দেখিয়ে দাও, আমি করছি।” বলে সত্যিই পূজোর ঘর থেকে বেরিয়ে আসে সত্য।

কিন্তু পূজোর ঘরের তুলসী-চন্দনের দায় না হয় সহু সামলালো, বধু-ভ্রাতৃচিহ্ন আরও যে একটা কাজ রয়েছে সকালবেলাকার।

সে দায় কে সামলাবে?

সকালবেলা জল মুখে দেবার আগে স্বপ্নর-খাণ্ডড়ীর পদবন্দনা, সত্যর নিত্যকর্ম পদ্ধতির একটি অঙ্গ। এলোকেশীই শিখিয়েছেন সহু মারফত।

সত্যও অবশ্য সে শিক্ষা মেনেই চলেছে এযাবৎ।

কিন্তু আজ সত্যর ভ্রাতৃনক এক দুঃসাহসিক সংকল্প। ‘আস্ত’ তাকে না

থাকতে হয় তাও ভাল, তবু ওই অপবিজ্ঞ মানুষটার পায়ের ধূলো মাথায় নেবে না সে।

গুরুজন ?

তা আর কি করা যাবে ? গুরুজন যদি ইতরজনের মত আচরণ করে ?

এলোকেশীও নিত্য সকালবেলা স্নান সেরে এসেই পূজোর ঘরে ঢোকেন সাংসারিক কাজের তো কোন দায় নেই। সত্ৰ আছে বোঁ আছে। আর এলোকেশীর আছে দেব-স্বিজে পরমা ভক্তি। নীলাম্বরও সারা সকাল ওইখানেই থাকেন, চণ্ডীর পুঁথি পড়েন, মহিষাসুর আওড়ান।

কর্তাগিন্নীর যাবতীয় বিশ্রুভালাপ এইখানেই। কারণ সে আলাপের যেটা প্রধান সময় সে সময়টা তো এলোকেশীর হাতের বাইরে। মশারি-বক্তৃতার উপায় কোথা ?

তা এইখানেই রোজ একত্রে দুজনকে প্রণাম করে যায় সত্য।

কিন্তু আজ আর সত্যর দেখা নেই।

এলোকেশী কিছুক্ষণ পরে সত্ৰকে ডেকে বিরক্তি-ব্যাঞ্জক স্বরে বলেন, “আজ আর নবাব-নন্দিনীর দেখা নেই যে ! গেলেন কোথা ?”

ব্যাপার বুঝতে সত্ৰর দেরি হয় না। এবং বোয়ের এই বেখাপ্পা গোঁয়ে একটু বিরক্তই হয় সে, তবু সামলে নিয়ে বলে, “যাবে আর কোথায় ? ওই তো ওই দিকে—”

বলে কল্লিত ‘ওদিকে’র দিকে তাকায় সত্ৰ।

এলোকেশী বলেন, “ছেদ্য অছেদ্য দৈনিক একবার ষণ্ডর-শাণ্ডীর পায়ে মাথাটা নোয়ানো, আজ থেকে বুঝি সে বরাদ্দ বন্ধ ?”

নীলাম্বর মহিষাসুরের মাঝখানে উৎকর্ণ হয়ে ওঠেন। ততক্ষণে সত্ৰ হাওয়া। ওখানে গিয়ে তন্ত্বেব্যস্তে বলে, “কী রে বোঁ, এখনো পেদ্রামটা ঠুঁকে আসিস নি বুঝি ?”

সত্য হাতের কাজ সেরে উদাস মুখে বসে ছিল। ষাড় না ফিরিয়েই বলে, “না।”

“শাণ্ডীর টনক নড়েছে। যা যা, চট্ করে সেরে আয়।”

যেন ভুলে গেছে সত্য, তাই মনে পড়িয়ে দেওয়া !

সত্য গভীরভাবে বলে, “দুজনে একত্রে বসে, একজনকে প্রণাম

করলাম, একজনকে করলাম না, ভাল দেখায় না। ঠাকুরন এদিকে আসুন, তখন হবে।”

সহু এবার বিরক্তি গোপন করে না। বলে, “তোরা আবার বড্ড বেশী বাড়াবাড়ি বোঁ? স্বভাব-দোষ আর কটা বোঁটাছেলের নেই? তালুই মশাইয়ের মতন দেবচরিত্র কি আর সবাই? তা বলে স্বভাব-দোষের অপরাধে স্বস্তরের পাওনা পেলামটা রদ হয়ে যাবে?”

“বাবার কথা তুলে কাজ নেই ঠাকুরঝি, তবে আমার যাতে মন নেয় না, সে কাজ আমি করতে পারি না। এক হিসেবে উনি তো পতিত! শালগেরামের পূজো গুঁর দ্বারা হওয়াই উচিত নয়।” বলে সত্য জোরে জোরে নিশ্বাস নিতে থাকে। বোধ করি মানসিক উত্তেজনাতেই।

সহুর কিছুক্ষণ আর বাকশক্তি থাকে না।

খানিক ‘থ’ বনে দাঁড়িয়ে থেকে আস্তে আস্তে বলে, “তোরা মত লেখাপড়া শিখি নি বোঁ, এত কথা বোঝবার ক্ষমতা নেই। আমি সার বুঝি, যে যা করে করুক, আমার কর্তব্য আমি করে যাব।”

“মনে অভক্তি পুষে ভক্তি দেখানোটাই কি কর্তব্য ঠাকুরঝি?”

সহু চট করে এ কথার উত্তর দিতে পারে না, কি যেন একটা বলতে যায়, কিন্তু ইতাবসরে পিছনে এসে দাঁড়িয়েছেন বাঘিনী। মনের মধ্যে তাঁর সন্দেহের ধোঁয়া। যেন বুঝেছেন একটা কিছু হয়েছে।

বাঘিনীর মতই হাঁক করে রঙ্গস্থলে পড়েন তিনি, “কোত্যব্য অকোত্যব্যর কথা কি হচ্ছে রে সহু?”

সহু চুপ।

সত্যও চুপ।

এলোকেশীই কের প্রশ্ন করেন, “মুখে কথা নেই কেন? কী শলা-পরামর্শ হচ্ছিল দুজনে শুনি? তুই সহু আমার খাবি পরবি আর আমারই বোঁ ভাড়াবি? কবে বিদেশ হবি তুই আমার সংসার থেকে?”

কথাটা নতুন নয়, এটাই এলোকেশীর কথার মাত্রা। প্রতিবাদ সহু কোনদিনই করে না, কিন্তু আজ হঠাৎ বিচলিত স্বরে বলে ওঠে, “শলা-পরামর্শ আমি তোমার বোঁকে কোন দিন দিই নে মামী, সং পরামর্শই দিই। সত্যি-মিথ্যে বোঁই বলুক।”

বোঁয়ের অবশ্য শাস্ত্রীর সামনে কথা বলবার কথা নয়। কিন্তু সত্য যখন

তখনই নিয়মলঙ্ঘন করে বসে, তাই আজও ফস করে বলে, “সে কথা হাজারবার সত্যি। ঠাকুরবি আমাকে সৎ পরামর্শই দিতে এসেছেন। কিন্তু সে পরামর্শ আমার মনে ‘নেয্য’ বলে না ধরলে? তুমি ইদিকে এসেছ ভালই হয়েছে”— বলে সত্য মুহূর্তে হাত বাড়িয়ে শান্তডীর পায়ের ধুলো মাথায় নিয়ে বলে, “যতই যা হোক, তুমি সতীলক্ষ্মী।”

সতীলক্ষ্মী অবশ্য প্রথমটা বেশ কিছু হকচকিয়ে যান, তারপর বলেন, “এ সবে মানে কি সদি?”

“মানে বুঝতে আমিও অপারগ মামী,” সহু বেজার মুখ বলে চলে যায়, “বৌ পারে তো নিজে বুঝিয়ে বলুক!”

সত্যিই আজ তার ভারী রাগ হয়েছে। এ আবার কী রে বাবা! ভিলকে তাল করা! ডেকে অশান্তি টেনে আনা! বিষভুবনে ঘে কথা কেউ কখনো শোনে নি, বলে নি, ভাবে নি, সেই কথা ওই এককোঁট্টা মেয়ের মাথায় আসেই বা কী করে! আর বুকের পাটা? এযাবৎ সত্যর অনেক বুকের পাটা দেখেছে সহু, দেখে মুগ্ধিত হব হব হয়েছে, কিন্তু আজকের সঙ্গে যেন কোন দিনের তুলনাই হয় না।

তা সত্যিই তুলনা হয় না।

কারণ সহু চলে যেতে যেতেও শুনতে পায় সত্য বলছে, “বলতে মাথা কাটা গেলেও না বলে পারছি নে, ঠাকুরের পায়ের ধুলো মাথায় ঠেকাবার প্রবৃত্তি আর আমার নেই। যতদিন না জানতাম, ততদিন—”

কথার শেষাংশ শোনবার ক্ষমতা আর হয় না সহুর। ঝপ করে বিনা প্রয়োজনে একটা ঘড়া নিয়ে ঘাটে চলে যায়।

অনেকক্ষণ পরে ঘড়া কাঁধে নিয়ে আস্তে আস্তে খিড়কির দরজায় দাঁড়ায়। না, কোন শব্দ নেই, সব যেন নিথর। তবে কি একটা হত্যাকাণ্ড ঘটে গেছে? এটা প্রশ্নের নিস্তকতা?

দাওয়ায় উঠে কিন্তু অবাক হয়ে গেল সহু। দেখে মাঝের ঘরের দরজার কাছে গোটা দুই তিন গামছাবাঁধা পুঁটলি, আর মামা-মামী দুজনে মিলে একখানা ছেঁড়া কাপড়ে বড় একটা ধামা বাঁধছেন। ধামা অবশ্য বোঝাই। কি আছে ঠিক বোঝা যাচ্ছে না। এটা অপ্রত্যাশিত। সহুর বুকের রক্ত হিম হয়ে যায়।

এই সময়টুকুর মধ্যে এত গোঁছগাঁছ হয়ে গেল ? আর কেনই বা হল ?

এঁরা কি তা হলে বোয়ের সঙ্গে পেরে না উঠে দেশত্যাগী হচ্ছেন ?

কথাটা তাই। এ আর এক অভিনব রূপ এলোকেশীর।

সহুর সঙ্গে চোখোচোখি হতেই এলোকেশী বলেন, “ননদ-ভাজে পুণ্যের সংসার করু সহু, পাঁপী-তাপীরা বিদেয় হয়ে যাচ্ছে।”

সহু ঘড়া নামিয়ে বসে পড়ে বলে, “মামী তুমি কি ক্ষেপেছ ?”

“তা ক্ষেপলে জগৎ ছুঁতে পারবে না সহু ! দশে-ধর্মে সবাইকে শুধিয়ে এস, এতেও যদি মানুষ না ক্ষ্যাপে তো কিসে ক্ষ্যাপে !”

“ও তো একটা পাগল ! ওর কথা আবার ধর্তব্য !” গলা নামিয়ে বলে সহু।

“পাগল ! আঝাড়া কেউটে ! তুই আর বোয়ের হয়ে ওকালতি করতে আসিস নি সদি ! এত বড় একটা মান্তিমান মানুষ, পুতবোয়ের দিকারে জীবনে বিসর্জন দিতে যাচ্ছিল। অনেক বুঝিয়ে নিবিতি করে, যাচ্ছি এখন গুরুপাটে। তার পর যা আছে অদৃষ্টে !”

জোরে জোরে গাঁঠরি বাঁধতে থাকেন এলোকেশী।

সহুর ইচ্ছে করছিল যে ছুটে গিয়ে বোকে বলে, “ভাল চাস তো পায়ের ধরে মাপ চাই গে যা।” কিন্তু জানে সে কথা বলা বৃথা। স্বয়ং বৈকুণ্ঠের নারায়ণ এলেও সত্যকে স্বমতে আনতে পারবেন না। অনেক গুণ আছে বোয়ের, কিন্তু ওই এক মহৎ দোষ। জেদ ! মেয়েমানুষের এত জেদ ? আজকের ব্যাপারটাকে সহু যেন কোন দিক থেকেই সমর্থন করতে পারছে না।

তাই চেষ্টা সে এদিক থেকেই করে।

“তা বাড়ি ছেড়ে তোমরা যাবে কেন শুনি ? বাড়ি কি তোমার ছেলে-বোয়ের ?”

“না হোক, যেখানে ওর মুখ দেখতে হবে সেখানে থাকব না, বাস।” এতক্ষণে মুখ খোলেন নীলাশ্বর, এ কথাটি বলেন তিনিই।

“তা বাড়ি থেকে তো অমনিমুখে যাওয়া চলবে না, ভাত-ডাল চড়িয়েছি আমি। মুখে দিতে হবে।” এ যেন আপাততঃ সমুদ্রে বালির বাঁধ।

চড়িয়েছিল সত্যিই, কিন্তু রান্নাঘরের অবস্থা সম্পর্কে এখন আর কোন জ্ঞান নেই সহুর। কাঠ পুড়ে উঠুন নিভে ঠাণ্ডা হয়ে বসে আছে নিশ্চিত।

সহসা নীলাধর একটা প্রবল হুঙ্কার দিয়ে মাটিতে পা ঠোকে, “ভাত-ডাল ! এ ভিটের আমি আর জলগ্রহণ করব ভেবেছিঁস তুই ?”

সহর বুকটা ধড়কড় করে ওঠে। মাঝীর সঙ্গে সে অনেক কথা চালাতে পারে, কিন্তু মামা ? উল্লাসীর হাতে পান-জল খাওয়া ইত্যাদি করে বহু ইতিহাসই তো তার জানা। তবু তো কই ভয় মরে নি। আর ওই বৌ, কোথায় পেল সেই ভয়-জয়ের মন্ত্র ? যে মন্ত্রের জোরে স্বচ্ছন্দে বলা যায় ‘উনি তো পতিত, শালগ্রামের পূজো করা ওঁর উচিত নয় ?’

বেশী গভীরে ভাববার ক্ষমতা থাকে না সহর, শুধু ভাবতে থাকে, নবাতা আবার আজকেই হাটে দেরি করছে। আর এই ভয়ানক দুদিনে কি হাটবারও হতে হয় ?

সহ কি করবে ?

গিয়ে বৌয়ের পায়ে ধরবে ? নাকি রান্নাঘরে শেকল তুলে দিয়ে কোথাও আঁচল বিছিয়ে শুয়ে থাকবে ? তারই বা এত ভয় পাবার কী আছে ? তার দোষে তো আর নবকুমারের মা-বাপ দেশত্যাগী হচ্ছে না ?

সাহস দেখে কি সাহস জন্মায় ?

হুঃসাহস দেখে হুঃসাহস ?

ভাই সে হঠাৎ অন্তমূর্তি ধরে। “ঠিক আছে, চুলোয় জল ঢেলে দিই গে” বলে চলে যায়।

আশ্চর্য, আশ্চর্য !

গিয়ে দেখে সত্য কিনা রান্নাঘরের দাওয়ায় বসে শাক বাছছে ! মুখ দেখে কিছুই বোকা যাচ্ছে না !

সহর আর সহ হয় না। সে বলে ওঠে, “ও পিণ্ডির কাজ করে আর কী হবে ? গিলবে কে ? বাড়ির কর্তা-গিন্নী তো সংসার ত্যাগ করছে।”

সহকে অবাক করে দিয়ে সত্য বলে, “সংসার ত্যাগ করা অত সোজা নয় ঠাকুরঝি ! সংসার ত্যাগ করতে বসে কেউ সমস্ত সংসারটাকে পুঁটুলি বেঁধে নিয়ে যেতে চায় না। মিছে ভাবছ। কেউ কোথাও যাবে না। উল্লেখে আমি কাঁঠ ঠেলে দিয়েছি, তুমি দেখ এইবার।”

তা সত্যের কথাই ঠিক।

শেষ পর্যন্ত কস্তা-গিন্নী দেশত্যাগের সংকল্প বজ্রন করে থেকেই গেলেন। শুধু ভাত খাবার সময় একটু বেশী সাধ্য-সাধনা করতে হল সত্বে।

থেকে গেলেন অবশ্য তাঁরা নবকুমারের নির্বেদে। নবকুমার দুজনের পায়ে মাথা খুঁড়ে “রক্তগন্ধা” হতে চাইল, আর মায়ের পা ছুঁয়ে শপথ করল বৌকে শাসন করে দেবে।

ছেলের এতটা কাতরতা সহ্য করতে না পেরেই বোধ করি ঊঁরা এ যাত্রায় যাত্রা স্থগিত রাখলেন।

আর এই এতদিনের মধ্যে কখনো যা করে নি নবু, আজ ভাই করে বসল। দিনের বেলায় কথা কয়ে বসল বৌয়ের সঙ্গে।

কিন্তু বৌকে কি বাগ মানাতে পেরেছিল নবু? বকে, খোশামোদ করে, পায়ে পড়তে গিয়ে? না, এ কথা সত্য মুখ দিয়ে বার করাতে পারে নি নবকুমার, “আমার অন্তার হয়েছে।” শুধু শেষ পর্যন্ত যখন নব আত্মঘাতী হবার ভয় দেখিয়েছিল, তখন সত্য বলে উঠেছিল, “যেন্না ধরে যাচ্ছে সবচেয়েই। পুরুষ না হয়ে মেয়েমানুষ হয়ে জন্মাও নি কেন তুমি, এই বিধেতার রহস্য। বেশ, ছেদাশূন্য পেন্নামে যদি তোমাদের এত দরকার থাকে তো, করব কাল থেকে সেই জাকরা।”

রাত্রে অবশ্য নবকুমারের ভিন্ন রূপ।

সুন্দরী তরুণী স্ত্রীর সঙ্গে বাক্যালাপ বন্ধের দুঃসহ কষ্ট বহন করবার মত শক্তি তার নেই, ভাই যেচে বলে, “মা-বাপকে শুনিয়ে শুনিয়ে একটু শাসন করতে হল, নইলে বলবে, ‘ছেলে বৌকে মাধায় তুলে রেখেছে’।”

“আজ আমার কথা কইতে মন নেই, স্ক্যামা দাও।”

বলে পাশ ফিরে শুয়েছিল সত্য।

আর বেশ কিছুক্ষণ পরে হঠাৎ ধড়মড়িয়ে উঠে বসে বলেছিল, “আমি কলকাতায় যাব।”

নবকুমার চমকে বলে, “কলকাতায়! কলকাতায় যাবে তুমি? এতক্ষণে বুঝতে পারছি মাথাটাই বিগড়েছে তোমার।”

“কেন, মাথা না বিগড়োলে কলকাতায় যায় না কেউ? তোমার মাস্টারের মাথা খারাপ?”

“মাস্টার? মাস্টারের সঙ্গে তোমার তুলনা? তিনি বেটাছেলে, একা

যাচ্ছেন এক। আসছেন, গিয়ে বন্ধুর বাসায় উঠছেন, তুমি এসবের কৌন্টা করবে ?”

সত্য তীব্রস্বরে বলে, “বেটাছেলে আমি নয়, তুমি তো ? তুমি যেতে পারবে না ? তোমার সঙ্গেই যাব। বাসা করে থাকবো।”

নবকুমার শুভিত হয়ে বলে, “তোমার সঙ্গে সঙ্গে আমি তো উন্মাদ হই নি ! মা-বাপ দেশ-ভিটে ছেড়ে, যাব কিনা কলকাতায় বাসা করতে ? কেন শুনি ?”

“কেন তা শুনবে ? দেখতে যাবে তোমাদের এই বারুইপুরের বাইরেও আরও জগৎ আছে !”

“দেখে আমার দরকার ?”

সত্য চরম দ্বিধারের স্বরে বলে, “দরকার ? কী দরকার, তাও তোমাদের এই বারুইপুরের গর্তস্থ পড়ে থেকে বোঝার ক্ষামতা হবে না।”

নবকুমার এ কথাটির অর্থ ধরতে পারে না, একটা জোরালো যুক্তিই জোর দিয়ে বলে, “মেয়েমানুষ কলকাতায় যাবে ? জাতধর্ম কিছু আর থাকবে তা হলে ?”

সত্য গম্ভীর স্বরে বলে, “ঠাকুরের যদি এখনো জাত থেকে থাকে, শালগেরাম নাড়ার অধিকার থেকে থাকে তো, আমারও কলকাতায় গিয়ে জাতের হানি হবে না।”

“আবার সেই এক কথা, পুরুষের আড়াই পা বাড়ালেই শুদ্ধ, মেয়েমানুষের তাই হবে ? চামড়া দেওয়া কলের জল খেতে হবে তা জান ?”

“খেতে হলে খাব। সেখানের আরও দশজন ব্রাহ্মণ-সজ্জনের যা গতি হচ্ছে তাই হবে। কেন, হালদার বাড়ির মেজ ছেলে যায় নি কলকাতায় ?”

“বৌ নিয়ে যায় নি।”

“তা মরা বোকে কি আর প্রশ্নান থেকে তুলে নিয়ে যাবে ?”

“হালদারদের ছেলে গেছে চাকরি করতে—”

সত্য দৃঢ়ভাবে বলে, “তুমিও তাই যাবে।”

“আমি ?” উপহাসের হাসি হেসে ওঠে নবকুমার, “আমি যাব কলকাতায় চাকরি করতে ?”

“কেন নয় ? তুমি যত ইংরিজি শিখেছ, এ ওল্লাটে আর কেউ শিখেছে ?”

অন্যদিন হলে নবু অবশ্যই স্ত্রীর এই স্বীকৃতিতে বিগলিত হত, কিন্তু আজ তার প্রাণে সে সুখ নেই, নেই সে সুর। তাই বলে, “শুধু বিত্তে থাকলেই তো হবে না—”

সত্য জোড়া ভুরু কঁচকে বলে, “তা আর কি থাকা দরকার?”

বিপদের মুখে ফস করে সত্যি কথাই বলে বসে নবু, “দরকার সাহসের।”

সত্য এক মিনিট চুপ করে থেকে রূপ করে শুয়ে পড়ে বলে, “আচ্ছা, সেটা আমি যোগান দেব।”

কিন্তু এত বড় আশ্বাসেও কি বিশেষ কাজ হল? হল না। নবকুমার ক্রুদ্ধ প্রশ্ন করলো, “পরের চাকরি করতে যাবই বা কেন? ঘরে আমার ভাতের অভাব? দেখে শুনে চালাতে পারলে পায়ের ওপর পা দিয়ে বসে কাটিয়ে দিতে পারি তা জানো? কি জন্তে করবো দাসত্ব?”

সত্য গম্ভীরভাবে উত্তর দিল, “বসে থাকো এ বাসনা ঘোচাবার শিক্ষে পেতেই যাওয়া দরকার।”

চলল অনেক কাথা-কাটাকাটি। আর—বহুক্ষণ কাথা-কাটাকাটি করে নবকুমার এই কথাই ব্যক্ত করল, “আমার দ্বারা হবে না, এই পষ্ট বলে দিচ্ছি।”

সত্যও দৃপ্তস্বরে বলে উঠল, “আমিও পষ্ট বলে রাখছি, কলকাতায় আমি যাব যাব যাব। মেয়েমানুষ কলকাতায় গেলে আকাশের বজ্র এসে মাথায় পড়ে কিনা তা দেখব।”

কিন্তু সে দৃশ্য কবে দেখতে পেরেছিল সত্য? তখুনি কি?

না, দেখতে তার আরো অনেক দিন লেগেছিল।

ভিজ্জে শ্রাকড়াকে ভাতিয়ে শুকিয়ে সে শ্রাকড়ায় সলতে পাকিয়ে তবে প্রদীপ জ্বালতে হলে, সময় একটু লাগবে বৈকি। ততদিনে সত্য হুটি ছেলের মা হয়েছে।

পাঁচিশ

শীত গ্রীষ্ম বর্ষা বসন্তের অচ্ছেদ্য শৃঙ্খলার শৃঙ্খলে বন্দী এই নিয়মতান্ত্রিক পৃথিবী রাজ্যটার প্রধান প্রজা মানুষগুলোর জীবনের কিন্তু না আছে নিয়মের নিশ্চিন্ততা, না আছে শৃঙ্খলার আশ্বাস। তাকে না বিধাতা, না প্রকৃতি, কেউ কোনদিন দেয় নি নিশ্চিত নিয়মের ভরসা।

তাই সহজ স্বস্থ মানুষও রাতে ঘুমুতে যাবার আগে স্থির বিশ্বাস নিয়ে বলতে পারে না সকালের আলো সে দেখবেই! বলতে পারে না, তার ভরা বসন্তের মাঝখানে বজ্রের অভিশাপ নেমে আসবে না, শরতের সোনালী আলোকে মুছে দিয়ে শুরু হয়ে যাবে না অপ্রতিরোধ্য ধারা-বর্ষণ!

না, জোর করে এসবের কিছুই বলতে পারে না মানুষ। সে জানে না কখন তার আশার গড়া সুখের ঘরখানি তখনচ করে দিয়ে যাবে অতর্কিত মৃত্যুর নিষ্ঠুর খাবা অথবা সে ঘরকে বিকল করে দিয়ে যাবে আকস্মিক দুর্ঘটনা অথবা দুরারোগ্য ব্যাধি। কে বলবে এই অনিয়মের দেবতা কোথায় বসে আছেন তাঁর অমোঘ নিয়ম নিয়ে।

তবু রামকালী কবরেজের সংসারের উপযুপরি দুর্ঘটনাগুলো দেশশুদ্ধ লোককে যেন হতচকিত করে দিল।

আগুন লেগে বাইরের বড় আটচালা ভস্মীভূত হয়ে যাওয়াটাতেও কেউ অতটা বিশ্বাস বোধ করে নি, কারণ হতাশনের ক্ষুধাটা ভাগ্যের মার হলেও তার মধ্যে মানুষের অসতর্কতা অথবা মানুষের কারসাজির ছাপটা স্পষ্ট দেখা যায়। তা ছাড়া রামকালীর উপর ভাগ্যের মারটা সেই প্রথম।

না, রামকালীর আটচালার আগুন লাগার মধ্যে কেউ শত্রুর কারসাজি আবিষ্কার করতে যায় নি। ওটা যে নিতান্তই অসতর্কতার ফল এটা সবাই বুঝেছিল। ব্যাপারটা এই—

এ বাড়ি থেকে আগুন সংগ্রহ করে নিয়ে যাওয়া কাছাকাছির প্রায় প্রতিটি পড়শীরই নিয়ম। বরাবরই সে সব বাড়ির কেউ না কেউ নিজেদের প্রয়োজন মার্কিক সময়ে এসে এ বাড়ির রান্নাঘর থেকে একখানা জলন্ত কাঠ নিয়ে যায়। ঘরে তাদের উনানে শুকনো নারকেলপাতা, খটখটে ঘুঁটে অথবা সন্ধ করে কুচনো কাঠ-কুটো ডালপালা সাজানোই থাকে, জলন্ত কাঠখানা এনে ভ্রাতে সংযোগ করে দিতে পারলেই মিটে গেল কাজ।

রামকালীর বাড়িতে নিত্য সকালে তিন-চারটে করে উঠুন জলে। অতএব পড়শীরা নিজেদের সংসারে আবার আশুন জালাবার অথবা হান্নামার কথা ভাবতে যাবে কেন? কাজটা তো বাক্সটের। সোলায় কাঠি বানাও, চকমকি চৌকো, সময়সাপেক্ষ ব্যাপার, তার চাইতে—। ও! সেদিনও যথারীতি ওই ও-বাড়ির ঘোষাল-গিল্লীর বিধবা মেয়ে তরু প্রহরখানেক বেলা নাগাদ একখানা জলন্ত কাঠ নিয়ে এ বাড়ি থেকে নিজেদের বাড়ি যাচ্ছিল, হঠাৎ মাথা বরাবর খোলা আকাশে একটা দাঁড়কাক বিশ্রী করে ডেকে উঠল।

দাঁড়কাকের ডাক অপয়া, এ আর কে না জানে। ঘোষালের মেয়ে তরুও জানত। তা ছাড়া এও জানা ছিল—তার যেদিন বৈধব্যদশা ঘটে, সেদিন কোথায় যেন অনবরত দাঁড়কাক ডেকেছিল। তার উপর আবার আজ চতুর্দশী।

তরুর বুকটা কেঁপে উঠল। তাতাতাড়ি পা বাড়ালো।

কিন্তু তাতাতাড়ি পা চালিয়ে চলে যেতে গিয়েও আবার বাধা পেতে হল। কাকটা আরও নেমে এসে প্রায় তরুর মাথার উপরে একটা পাক খেয়ে ডেকে উঠল—কঃ! বুকটা হিম হয়ে হিতাহিতজ্ঞান লোপ পেয়ে গেল তরুর, কী কাজের কী পরিণাম খেয়ালে এল না, হাতের সেই জলন্ত কাঠটা সে কাকটার উদ্দেশে ছুঁড়ে মারল।

বলা বাহুল্য আশুন দাঁড়কাকের পালকাগ্রেও লাগল না, পড়ল গিয়ে রামকালীর বারবাড়ির বড় আটচালার মাথায়। বৈঠকখানা বাড়ি, চণ্ডী-মণ্ডপ, এসব রামকালীর পাকা কোঠা, কিন্তু কাজে-কর্মে পূজোআর্চায় বেশী লোক সমাগমের প্রয়োজনে প্রকাণ্ড দুখানা খড়ের আটচালা তিনি করিয়ে রেখেছিলেন, পাশাপাশি, গায়ে গায়ে। অগ্নিদেবতার জোড়া নৈবেদ্য হল সে দুখানা।

তরু শুধু অসতর্কই নয়, অন্তমনস্কও।

কাঠখানা কোথায় গিয়ে পড়ল, অথবা পড়ে কি করল, সে সম্পর্কে খেয়ালমাত্র না করে তরু আবার এ বাড়িতে ফিরে এসে আর একখানা জলন্ত কাঠ নিয়ে বাড়ি ফিরল। কি কাজ করেছে সে টের পেল তখন, যখন লেলিহান আগুনের প্রচণ্ড শিখায় আর অজস্র ধোঁয়ার আকাশ ভরে গেছে, আর পাড়াস্থ লোকের চিংকার আকাশ ছাড়িয়েছে।

বোকা তরু এই বলে বুক চাপড়াতে উত্তত হয়েছিল, “ওগো এ সর্বনাশ যে আমিই ডেকে আনলাম”, তরুর কাকা ইশারায় “চূপ চূপ” বলে থামিয়ে দিল তাকে।

কিন্তু আগুনকে থামানো গেল না। আর থামাবার উপায়ই বা কি? পুকুর থেকে ঘড়ায় করে জল এনে দূরে থেকে ছুঁড়ে মারা বৈ তো নয়।

সে চেষ্টায় লাভ নেই।

রামকালী গম্ভীর নির্ঘোষে ঘোষণা করলেন “আগুনে জল দেবার দরকার নেই, তাতে আরো ছড়াবে! চণ্ডীমণ্ডপের দেয়ালে জল ঢালো। যাদের যাদের কাছাকাছি বাড়ি, তারা আপন আপন বাড়ির দেয়াল ঠাণ্ডা কর।”

তবু সকলে যখন হায় হায় করতে করতে বাড়ি ফিরল, তখন সন্ধ্যা হয় হয়। রামকালী চাটুয্যের মত নিষ্পাপ নিষ্কলঙ্ক অগ্নিতেজা মাল্লুঘটার চালায় আগুন লাগল কেন, এই নিয়ে জল্পনাকল্পনার শেষ রইল না।

কিন্তু এ তো সবে প্রথম।

এর কয়েক দিন পরেই দীনতারিণী ঘাট থেকে চান করে এসেই হঠাৎ “শরীর কেমন করছে” বলে পক্ষাঘাত হয়ে পড়লেন।

পক্ষাঘাত পাতক রোগ, দীনতারিণীর তা অজানা নয়। ছেলের দিকে ডাকিয়ে তিনি অশ্রু-কলঙ্কিত চোখের ইশারায় কাতর আবেদন করলেন তাঁকে তাড়াবাড়ি “পার” করতে।

রামকালী শুধু কপালের ঘাম নোছার ছলে একবার কপালে হাত ঠেকালেন।

দিন তিনেক পরেই মারা গেলেন দীনতারিণী।

না, অত বড় বস্তি হয়েও মাকে বাঁচাতে পারলেন না বলে কেউ দুঃখ না রামকালীকে। বরং দীনতারিণীর ভাগ্যিকে “ধন্তি ধন্তি” করতে লাগল সবাই। বলল, “খুব গিয়েছে বুড়ী! ভুগল না, ভোগল না— এমন মৃত্যুই তো কাম্য।”

তবে এ কথা বলতে ছাড়ল না, “বছরটা একটু সাবধানে থেকে রামকালী, একে অগ্নির কোপ, তার মহাশুরু নিপাত, সময়টা তোমার ভাল যাচ্ছে না।”

পাড়ার বয়োজ্যেষ্ঠরাই বলেন, এ ছাড়া আর কায় সাহস?

রামকালীর কাকা দাদা তো সাধ্যপক্ষে তাঁর সামনে আসে না। সামনে

আসে রাস্তা, কবরেজী শেখের কাকার কাছে। তবে প্রায়ই হুঁশ করে কাকাকে। রামকালী কখনো জ্রুটি করেন, কখনো হেসে ফেলে বলেন, “তোমার কিছু হবে না রাস্তা!”

কিন্তু শুধুই কি রাস্তার?

কুঞ্জর কোন্ ছেলেটার-ই বা কি হয়েছে? পাঠশালায় গিয়ে অনাস্থি অনাস্থি খেলা উদ্ভাবন করা ছাড়া “মাথা” আর খেলতে দেখা যায় না রাস্তার কোনো ভাইটারই। রাস্তা তো তবু ছাত্রবৃত্তি পাস করেছে, টোলেও পড়েছে কিছুদিন। তাছাড়া চেহারাটা সুকান্তি আর বেশ মার্জিত ভাব।

অনেকটা কাকার ধাঁচের রং গড়ন তার। তাই সামনে দাঁড়ালে একটা মাল্লবের মত দেখতে লাগে। আরগুলো তো তাতেও না।

তাছাড়া কবরেজী বিত্তে মাথায় না ঢুকুক, অনেক ব্যাপারেই রাস্তা রামকালীর ডানহাত। ..এই যে দীনতারিণীর শ্রদ্ধের অত বড় কাণ্ডটা, রাস্তা সামনে না থাকলে রীতিমত বেগ পেতে হত না কি রামকালীকে? কারণ স্বপাক হবিষ্কার, ত্রিসন্ধা স্নান, ইত্যাদি করে বহুবিধ নিয়মের পাকে বাধা থাকায় নিজে তো ঠিক ‘মুক্তজীব’ ছিলেন না?

রাস্তা ‘কাজকর্মের’ ব্যাপারে যথেষ্ট পারগ।

‘দানসাগর’ করলেন রামকালী মাতৃশ্রদ্ধে, সেই সমারোহে সত্য এল। নবকুমারও এল।

রাস্তাই আনতে গেল।

ঠাকুরমা মারা যাওয়ার খবরে সত্যর প্রাণটা আকুলিবিাকুলি করছিল, রাস্তাকে দেখে যেন স্বর্গের চাঁদ দেখল। এ সময় যে বাবা রাখু কি গিরি তাঁতিনীকে পাঠান নি, খুব ভাল করেছেন।

সাড়ে তিন বছর পরে এই প্রথম বাপের বাড়ি যাওয়া।

কিন্তু সত্যর দেহের অন্তঃপুরে তখন যে আর এক “প্রথম” সম্ভাবনার সূচনা দেখা দিয়েছে, সে কি সত্য জানত না? না বুঝতে পারে নি?

তা সত্য না পারুক, সহ পেরেছিল বুঝতে। কিন্তু রণচণ্ডী মামীকে এই সূচনা মাত্রতেই জানাতে সাহস করে নি সহ। ভেবেছিল যাক আর গোটা-কতক দিন, তেমন প্রবল লক্ষণ ধরা পড়লে আপনিই জানবে বুড়ী।

এই সময় দীনতারিণীর বার্তা।

সহ ভয় পেল। এ সময় এই!

ভাবল, মাখীকে বলি কি না বলি।

কিন্তু বলা আর হয়ে উঠল না।

বলতে দিল না তার মমতা। এ খবর শুনে যদি এলোকেশী আবার বৌয়ের “যাজ্ঞায়” বাদ সাধেন!

আহা বেচারী এই এতদিন এসেছে, একনাগাড়ে আছে। আপন বুদ্ধির দোষেই হোক আর যার দোষেই হোক, আছে তো! এই ছুতোয় যেতে পারে তো যাক। ভগবান ভালই করবেন।

তবে যাত্রাকালে চুপি চুপি সাবধান করে দেয় সত্যকে, “বাপের বাড়ি যাচ্ছি, দীর্ঘকাল পরে যাচ্ছি, কিন্তু সাবধান! বাঁধা-গরু ছাড়া পাওয়ার মত লাকবাপ করিস নে। আমার বাপু সন্দ হচ্ছে—”

সত্য একটু ভাবনার মত তাকিয়ে অক্ষুটে বলে ফেলেছিল, “কি?”

“এই দেখ। পষ্ট করে না বললে হবে না বুঝি? এদিকে তো পাকা গিল্লী! সন্দ হচ্ছে পেটে বাঁচা-কাঁচা কিছু এসেছে, বুঝলি? সাবধানে থাকা দরকার।”

ভয় না অহ্লাদ? ভয়, ভয়, সম্পূর্ণ ভয়। তবে এক অদ্ভুত ভয়!

নিজের মধ্যে কী এক অজ্ঞাত রহস্য বাসা বেঁধেছে, এ কথা ভাবলেই গায়ে কাঁটা দিয়ে ওঠে

গরুরগাড়ির ভিতরে বসে, ঘোমটার মধ্যে থেকে বার বার নবকুমারকে দেখে সত্য, আর মানুষটাকে যেন নতুন মনে হয়।

এ খবর ও পেলে?

কী না জ্ঞানি হবে সেই অবস্থাটা!

গরুরগাড়িতে বেশ বাঁকুনি লাগছিল।

একসময় তাই বলেও ফেলে চুপি চুপি, “পালকি আনলে না কেন বড়না?”

রাস্তা অপ্রতিভ মুখে বলে, “খুব কষ্ট হচ্ছে, না রে? আমি বলেছিলাম, তা খুঁড়োমশাই বললেন—”, একটু ইতস্তত করে বলেই ফেলে রাস্তা, “বললেন, ‘কাজের বাড়িতে চারিদিক থেকে আত্মকুটুখ আসবে সবাইকে তো আর পালকি যোগানো যাবে না’—! আমি তাও অবিশ্রি বলেছিলাম, সবাই

আর জামাই তো সমান নয়? তাতেও বললেন, ‘জামাইও তো বাড়িতে একটি নয় রাস্তা?’ ওঁকে আর কে বোঝাবে বল?”

সত্য অন্তমনস্কে ‘চুপি চুপি’টা ভুলে বেশ স্পষ্ট গলাতেই বলে ওঠে, “তা এর আর বোঝবার কি আছে বড়দা, সত্যিই তো! জামাই সবাই সমান। নিজের জামাইটি বলে সারপর করলে চলবে কেন? বরং পুণ্যির নতুন বিয়ে হয়েছে—” কথা শেষ না করেই নবকুমারের উপস্থিতি স্মরণ করে জিভটা কেটে চুপ করে।...

কিন্তু সমুদ্রে বালির বাঁধ কতক্ষণ? আবার একসময় কথা করে ওঠে সে।

কত প্রশ্ন, কত ঔৎসুক্য!

এই সাড়ে তিনটে বছরে কত ঘটনা ঘটেছে, কত জন্ম-মৃত্যুর লীলা-খেলা হয়েছে, কত ছোট্ট মানুষ বড় হয়েছে, কত আইবুড়োর বিয়ে হয়ে গেছে, সেই সব তথ্যগুলো তো কম মূল্যবান নয়, জানতে হবে না সে সব?

“তুমি কিন্তু একটুও বদলাও নি বড়দা!”

সহাস্ত মুখে বলে সত্য।

আর নবকুমার বিগলিত বিস্ময়ে সেই হাশোজ্জ্বল মুখের দিকে তাকিয়ে থাকে। বিস্ময়? তা বিস্ময় বৈকি। সত্যর এই মুখ সে কবে দেখেছে? সত্যর মুখটা যে হেসে উঠলে এমন অপূর্ব লাভণ্যময় দেখায় সে কথাই বা কবে জেনেছে?

তা সত্যর সেই প্রশ্নে রাস্তাও হেসে উঠে বলে, “আমি আবার এই কদিনে বদলাবো কি?”

কদিন!

সত্যর যে মনে হচ্ছে কত যুগ-যুগান্ত পার হয়ে গেছে। সেই কথাই বলে সে বিস্ময়-বিস্ফারিত নেত্রে, “কদিন! বল কি বড়দা, সাড়ে তিনটি বছর—ক’দিন হল?”

“সাড়ে তিন বছর?” রাস্তা আবার হেসে ওঠে, বলে, “সাড়ে তিন বছর হয়ে গেল এর মধ্যেই? তা ওই শুনতেই তিনটে বছর, কোথা দিয়ে কেটে গেছে।”

সত্য নিশ্বাস ফেলে বলে, “তা তোমাদের আর না কাটবে কেন? স্বাধীন স্বাধী মানুষ! আমাদেরই মনে হচ্ছে যেন আর একটা জন্ম পেরিয়ে এলাম।”

তা বাপের ভিটের পা দিয়েও ঠিক সেই কথাই মনে হয় সত্যার। যেন আর একটা জন্ম পার হয়ে এল।

কিন্তু কোথায় এল?

ঠিক যে জায়গাটা থেকে চলে গিয়েছিল, সেই জায়গাটার কি? সেটা কি এখনো তেমনি পড়ে আছে? ফাঁকা, খালি?

হয়তো ছিল, হয়তো আছে, কিন্তু এই জন্মান্তর পার হয়ে আসা মেয়েটাকে কি আর এখন সেই খাঁজে ধরবে? কোনো মেয়েকেই কি ধরে? গোত্রান্তরের সঙ্গে সঙ্গেই কি অন্তরের বিরাট একটা পরিবর্তন হয় না?

যে মেয়েটা হয়তো উঠতে বসতে বকুনি খেয়েছে আর নিতান্ত অবহেলার খেয়ে খেলিয়ে বেড়িয়েছে, সে হয়ে ওঠে আদরের অতিথি, সমীহর কুটুম! কোনখানে তবে আশ্রয় পাবে সেই মেয়েটা?

এত বড় কাজের বাড়ি, তবু ওরা সত্যার সঙ্গে সঙ্গে কিরছে। সারদা, ভুবনেশ্বরী, শিবজ্ঞায়ার নাতনী ছুটো, এমন কি মোক্ষদা পর্যন্ত! সত্য কি থাকবে, সত্য কোথায় শোবে, সত্য কোথায় বসবে, সত্যার কিছু চেয়ে না পাওয়া হল কিনা, এই সব। ভুবনেশ্বরীর তো কথাই নেই। তার শাশুড়ী গেছেন, মহা অশৌচ, ছুঁয়ে নেড়ে কিছু করার ক্ষমতা নেই, তবু বলে বলেই যা পারে।

ব্যাপারটা স্বস্তিকর নয়, এ যেন প্রতি মুহূর্তে মনে পড়িয়ে দেওয়া, “তুমি কুটুম, তুমি অতিথি।”

একসময় কোঁজেই উঠল সত্য।

মার ওপরই উঠল।

“কী চাও বল তো তোমরা? এক্ষুনি আবার স্বস্তরবাড়ি চলে যাই? বাবাঃ, তোমাদের এই আদরের ঠালা সামলানো আমার কল্প নয়। বাড়িতে তো আরো ‘স্বস্তরতি’ মেয়ে এসেছে, কই তাদের নিয়ে তো এত হৈ-চৈ করছ না?”

কথাটা সত্য।

আরো স্বস্তরঘর করা মেয়ে এসেছে। পুণ্যি তো এসেইছে, কুঞ্জর দুই গিন্নীবান্নী মেয়ে এসেছে, শিবজ্ঞায়ার মেয়ে এসেছে, রামকালীর যে ছোট খুড়ো নেই তাঁর তিন-তিনটে মেয়ে এসেছে, কুঞ্জর সহোদর বোনের মেয়েরা এসেছে, ভায়া বাঁকের কৈ হয়ে রয়েছে। শুধু সত্যাকে নিয়েই—

ভুবনেশ্বরী মেয়ের এই স্বাক্ষরে অপ্রতিভ হয়ে বলে, “তারা সবাই পেরায় পেরায় আসে। তোর মতন কে এমন ঘরবসতে গিয়ে একেবারে তিন-চারটে বছর—”

কথা শেষ করতে পারে না ভুবনেশ্বরী।

সত্য মার এই রুদ্ধবাক মুখের দিকে তাকিয়ে একটু নরম হয়ে বলে, “বুঝলাম! কিন্তু আছি তো দিনকতক! কাজ মিটেই তো পালাচ্ছি না, সে-কথা হয়ে গেছে ওখানে। তখন কোরো মেয়েকে আদরগোবর। এখন তোমার শাশুড়ীর ছেরাদ্দ, এখন মানায় মেয়ে নিয়ে সোহাগ করা?”

ভুবনেশ্বরী সজল চোখে বলে, “কদিন থাকবি তুই-ই জানিস—”

“থাকবো বাবা, মাস দুই অন্তত: থাকবো, হয়েছে সে-কথা।...চল্ পুণ্ডি, আমাদের সেই বটতলায় খেলাঘরটা দেখে আসি!”

বলে পুণ্ডির হাতটা চেপে ধরে প্রায় টেনেই বার করে নিয়ে যায় তাকে সত্য খিড়কির দোর দিয়ে।

ওদের ওই “খেলাঘর”টা বাস্তবিকই একটি মনোরম ঠাই। স্থান নির্বাচনের ব্যাপারে প্রশংসা অর্জন করতে পারে ওরা।

প্রকাণ্ড একটা বুড়ো বটগাছ ঝুরি নামিয়ে নামিয়ে খানিকটা জায়গা এমন একটি ছায়াপূর্ণ আশ্রয়গৃহ নির্মাণ করে রেখেছে যে, হৃ-এক পশলা বৃষ্টি হয়ে গেলেও বোধ করি সেই গৃহবাসীর মাথা ভিজবে না। রোদের তো কথাই নেই, প্রায় প্রবেশ নিষেধ তার।

এইখানেই সত্যদের শৈশবের খেলাঘর। তা স্বপ্নরবাড়ি যাবার কদিন আগে অবধিও খেলেছে সে। এখনই পরিত্যক্ত ভূমি। এখনকার ছোটদের অস্ত্র খেলাঘর।

নিকোনো-চুকোনো গাছের গোড়াটা এখন ধুলোভর্তি হয়ে থাকলেও সারি সারি ছোট ছোট উছনগুলো এখনও পুরনো স্মৃতি বহন করে পড়ে আছে ক্ষতবিক্ষত দেহ নিয়ে।

কী যত্নেই এই উছনগুলি পেতেছিল ওরা!...

কিছুকণ গাছের গোড়ায় বসেই থাকল সত্য চুপ করে। ঠিক এই মুহূর্তে যেন কথা কইবার শক্তি নেই। অগত্যা পুণ্ডিও চুপ।

অনেকক্ষণ পরে একটা দীর্ঘনিশ্বাস ফেলে 'সত্য বলে, "আচ্ছা দেখেছিস পুণ্ডি, সবাই বদলে গেছে, সবাই বদলে গেছে, অথচ এই তুচ্ছ জিনিসগুলো অবিকল আছে।"

পুণ্ডিও নিশ্বাস ফেলে, "সত্যি, যা বলেছিস।"

সত্য আস্তে আস্তে দেখিয়ে দেখিয়ে বলে, "এই উল্লনটা পুঁটির, এটা খেঁদির, এটা টেঁপির, এটা গিরিবালা, এটা স্মীলার, এটা তোর, ভাই না?"

নিজের কথাটা আর বলে না।

পুণ্ডি বলে সে কথা, "এইটে তোর ছিল। দেখ্ ভাড়া হাড়িকুঁড়িগুলোও রয়েছে পাঁশকুড়ে।"

হ্যাঁ, খেলাঘরের 'পাঁশকুড়'ও একটা ছিল বৈকি! সবই তো থাকা প্রয়োজন। পাঁশকুড়, পুকুরঘাট, গোয়াল, চৌকিঘর, অহুষ্ঠানের ক্রটি হবে কেন? বড়রা যে 'খেলাঘর' নিয়ে মত্ত, ওরা তো তারই নিখুঁত অনুকরণ করবে। ওদের মাটির আর কাঠের পুতুলগুলোও ঘাটে বাসন মেজেছে, স্কার কেচেছে, চৌকিতে পাড় দিয়েছে, রেঁধেছে, কুটনো কুটেছে, বাটনা বেটেছে, ছেলে ঘুম পাড়িয়েছে, কর্তব্যে তিলমাত্র ফাঁকি দিতে পায় নি। তাদের কাজের ছুতোয় মুখর হয়ে উঠেছে এই বুড়ো বটতলা।

বসে থাকতে থাকতে—হঠাৎ উঠে দাঁড়ায় সত্য।

বলে, "চ পুণ্ডি, আর দেখতে ইচ্ছে করছে না, বৃকের ভিতরটা কেমন মুচড়ে মুচড়ে উঠছে।

তা পুণ্ডির মধ্যেও সেই মোচড় পড়ছিল, সেও বলে, "চ, আর মারো করা বিড়ম্বনা। যেদিন পরগোস্তর করে দূর করে দিয়েছে, সেদিন থেকেই তো সব ঘুচেছে। মেয়ে জন্মটাই ছাই।"

সত্য আর একবার বড়সড় একটা নিশ্বাস ফেলে বলে, "মেয়ে জন্মটাই ছাই নয় রে পুণ্ডি, আমাদের বিধেন-দাতারাই ছাই। পরগোস্তর করে দিয়ে জন্মের শোধ পর করে দেবার হুকুম ভগবান দেয় নি। এই যে তুই আমার চিরকালের বন্ধু, তোর বিয়েতে আসা হল না, এ দুঃখ কি মলেও যাবে? যাবে না। তবু তো এলাম না। এসব কি ভগবান বলেছে?"

তা নিশ্বাস ফেলেছে বলে যে, হাসছে না গল্প করছে না, পাড়া বেড়িয়ে বেড়াচ্ছে না, সেকথা ভাবলে ভুল হবে, সেটা যথারীতিই চলছে। গল্পের

সমুদ্র, কথার পাহাড়। পাড়ার কোন্ মেয়েটা স্বপ্নরবাড়ি গেছে, কোন্ মেয়েটা বাপের বাড়ি আছে, তার তল্লাস করে বেড়ানো আর গল্পে মুখর হয়ে ওঠা, এটা প্রবল প্রবাহেই চলছে। নিশ্বাসটা নিভতে।

একান্ত নিভতে, মনের অন্তরালে রয়েছে সেই নিশ্বাস। এত পূর্ণতার মধ্যেও কোথায় যেন একটা সুগভীর শূন্যতা, সেই শূন্যতার ওপরই বুঝি পা রাখতে হয়েছে সত্যকে, তাই পায়ের নিচে মাটি খুঁজে পাচ্ছে না।

সে শূন্যতা—সত্য আর এদের নয়। এ সংসার সত্যের নয়।

বিরাত কাজের বাড়িতে কে কোথায় ঠাঁই পেয়েছে কে জানে। মেয়েরা মেয়েমহলে, পুরুষরা বারমহলে। কোটাঘরে সব জামাই কুটুম, আর নবনির্মিত আটচালার নিচে জ্ঞাত-গোস্তর।...নবকুমার যে কোনখানে আছে সত্য জানে না, মাঝে মাঝে সেটা মনে পড়ছে। আহা মানুষটা মুখচোরা লাজুক, কোথায় কি ভাবে আছে কে জানে! এসে অবধি তো দেখা হয় নি।...বাবা সহস্র কাজে বেড়াচ্ছেন, বাবার এমন সময় নেই যে জামাই নিয়ে তদারকি করে বেড়াবেন! যা করে পাঁচজনে!...কি ভাবছে ও আমাকে কে জানে।

থেকে থেকেই সেই মানুষটার কথা মনে পড়ছিল। মনকেমন মনকেমন ভাবটা ছিল, আবার একটু অহঙ্কারী অহঙ্কারী দুইবুদ্ধিও ছিল। ইচ্ছে হচ্ছিল একবার লোকটাকে ডেকে বলে, “দেখছ তো? সবই দেখছ? বুঝতে পারছ, তোমার মা যতই হেলাফেলা করুন, নেহাৎ হেলাফেলা ঘরের মেয়ে আমি নই।”

কিন্তু এসব বলার সুযোগ কোথা?

বিয়েবাড়ি নয় যে, সবাই রঙ্গরসে মাতবে। মাতৃদায় উদ্ধার বলে কথা। তাছাড়া অনেকের মধ্যে একজন হলেও দীনতারিণীর পদটা বাড়ির গিন্নীর ছিল, ছোট ননদদের তিনি যতই ভয় করে চলে থাকুন, আর ছেলেকে যতই সমীহ করে আশ্বন, সবাই জানতো গিন্নী বলতে দীনতারিণীই। সেই গিন্নীর জায়গা শূন্য হয়ে গেলে সবাইয়েরই ফাঁকা ফাঁকা লাগে বৈকি। খেটে খেটেও জেরবার হচ্ছে সবাই, এর মাঝখানে কার আর এ কথা মনে উদয় হবে, সত্যর সঙ্গে সত্যর বরের দেখা করিয়ে দিই কোনো ছলছুতোয়। তাছাড়া চাউক পক্ষীর অবস্থা তো নয় সত্যর! এই দীর্ঘকাল নিশ্চিহ্ন

বরের ঘর করে এসেছে সে। সত্যর বরকে সত্যর দেখতে ইচ্ছে হবে, এ চিন্তা তাদের মনে উদয় হবার কথা নয়।

উদয় হচ্ছে এক ভুবনেশ্বরীর।

কিন্তু সে তো সব দিকেই বন্দিনী। একে তো শাশুড়ী মরার নিয়ম-নীতির দায়, তার উপর মেয়ের ভয়ের দায়। ওরকম চেষ্টা করতে গেলে সত্য যে ক্ষেপে উঠবে না, এ প্রতিশ্রুতি কে দেবে ভুবনেশ্বরীকে?

কিন্তু সত্যর যা কি সত্যকে সবটা বুঝে উঠতে পেরেছে?

পারে নি।

সত্য যে ছলছলো খুঁজে বেড়াচ্ছিল এ তার ধারণার বাইরে।

তা অবশেষে হয়ে গেল যোগাযোগ।

নিয়মভঙ্গের যুক্তি মিটিতে প্রায় সন্ধ্যা হয়ে গেছিল, সত্য পুকুরঘাট থেকে আঁচিয়ে একবার নিজের মামার বাড়ি পর্যন্ত গিয়েছিল মামীদের সঙ্গে, জোরপায়ে কেরার সময় নেড়ুর সঙ্গে দেখা।...

নেড়ু দাঁড় করাল।

মুখটা রহশ্বে উদ্ভাসিত করে বলল, “এই সত্য, তোর ভূতের ভয় আছে?”

“ভূতের ভয়!”

“হঁ-হঁ! গেছো ভূতের ভয়! নির্ঘাত আছে, তাই না?”

“নির্ঘাত আছে—”, সত্য মুখ নেড়ে বলে, “এলেন আমার গণৎকার ঠাকুর!”

“নেই ভয়? ঠিক বলছিস? এই ঝিকিমিকি বেলায় তোদের সেই বটগাছতলায় যেতে পারিস? সে যেতে আর হয় না। হঁ! জনমনিষ্টি যায় না সেখানে!”

“ওরে আমার কে রে! কেউ যায় না সেখানে? তুই যাস না তাই বল! তুইও কম খেলিস নি সেখানে, তবু মায়ী-মমতা নেই! আমাদের কথাই আলাদা, আমি আর পুণ্য যাই নি যেন!”

“গিরিছিলি?”

“নিষাস! তুই হঠাৎ এমন স্ত্রীকা হচ্ছিস কেন রে নেড়ু? পেঁচার চোখ গুনতে যেতাম না আমরা?”

“আহা সে তো আগে। এখন স্বপ্নঘর করে করে সাহস হয়ে যায় নি?”

“ইল্লি রে! গেলেই হল! চল না দেখিয়ে দিচ্ছি, একপো’র রাত অবধি বসে থাকতে পারি তা জানিস?”

বলে গটগট করে এগিয়ে যায় সত্য নির্ভয়ে নিশ্চিন্তে, এই ‘কনে দেখা’ আলোতেও যেখানটা প্রায় গভীর অন্ধকার!

কিন্তু কে ওখানে!

কে! কে!

প্রায় চোঁচিয়েই উঠছিল সত্য, সামলে নিল নেড়ুর ভয়ে। শুনতে পেলে আর রক্ষে রাখবে? সত্যর ভয়ের কথা ঢাক পিটিয়ে বেড়াবে।...কিন্তু লোকটা যে এদিকেই আসছে। পালাবে সত্য? উছ, এ নিখাত নেড়ুর কোন কারসাজি, তা নইলে—

ঠাৎ একটা সম্ভাবনায় পা থেকে মাথা অবধি একটা তড়িৎপ্রবাহ বয়ে যায়, আর পরক্ষণেই সম্ভাবনাটা প্রত্যক্ষের মূর্তিতে দেখা দেয়।

“ইস! তুমি! তুমি এখানে যে—”

জেনে বুঝেও বিশ্বয়ের ভান করে সত্য।

নবকুমার হতাশ গলায় বলে, “কেন আর? তোমারই দর্শন আশায়। উঃ বাপের বাড়ি এসে একেবারে ডুমুরের ফুল হয়ে গেছ, লোকটা মরল কি বাঁচল খোঁজও নেই!”

সত্য পুলক গোপনের বার্থ চেষ্টায় হেসে ফেলে বলে, “আগা, কথার কি ছিরি রে! আমিই তো খোঁজ করে বেড়াব!”

“তা একবার দেখা তো দেবে? আমি হতভাগা যাই অনেক বুদ্ধি খেলিয়ে—”

“তা তো দেখতেই পাচ্ছি। নেড়ু ছাড়া আর কারুর কানে গেছে নাকি?”

“নাঃ। শুধু ও—”

“যাক, তবে ঠিক আছে। নেড়ু বিশ্বাসঘাতক নয়। তা বলি দরকারটা কি?”

“দরকার!” নবকুমার আরো হতাশ গলায় বলে, “বিনি দরকারে বুকি নিজের পরিবারকে একটু দেখতে ইচ্ছে করে না? তোমার মতন পাষণ্ড হৃদয় তো নয়!”

“পাষণ্ড হৃদয়! তা বটে!

সত্য অমুচ্চস্বরে হেসে ওঠে। তারপর বলে, “কেমন লাগছে?”

“খুব ভালো!” নবকুমার অকপটে বলে, “মাইরি বলছি স্বপ্নেও ভাবি নি স্বপ্নরবাড়িটা আমার এমন! কী ঐশ্ব্যি, কী দব্দবা! দেশটাও চমৎকার! মা গল্পা দেখলে প্রাণ জুড়ায়!”

সত্য একটা নিশ্বাস ফেলে বলে, “তবেই বোঝ, মেয়েমানুষকে কতটি ত্যাগ করতে হয়!”

“তা সত্যি!”

নবকুমার আরও একবার অকপটে স্বীকার করে, “এসে অবধি সেই কথাই ভাবছি! বলতে গেলে তুমি তো একটি রাজকন্তে! সে তুলনায় আমি—”

আবেগের মাথায় বেশী কিছু বলে ফেলার আগে সত্য সামলে দেয়, “হুগ্গা হুগ্গা, ও কি কথা! তুমি হলে স্বামী গুরুজন! রাজকন্তের কথা নয়, তবে প্রাণটা হ-হ করতে পারে কিনা!”

“একশোবার পারে! হাজারবার পারে!”

বলে নবকুমার অসমসাহনিকতায় ভর করে হাতটা বাড়িয়ে সত্যর কাঁধে একটা হাত রাখে।

তা সত্য কি এই স্নেহস্পর্শে অথবা প্রেমস্পর্শে পুলকিত হয় না? হয়। তবু মেরেলি সাবধানতায় চুপি চুপি বলে, “এই সরে দাঁড়াও, কে কমনে দেখে ফেলবে, এরপর আর তাহলে জনসমাজে মুখ দেখাবার জো রইবে না। থিড়কির পুকুর বৈ গতি থাকবে না!”

নবকুমার কিন্তু এ ভয়ে ভীত হয় না। বরং আরও একটা হাত স্ত্রীর আরও একটা কাঁধে দিয়ে ঈষৎ আকর্ষণের ভঙ্গীতে বলে, “কেন পরপুরুষ নাকি?”

“না হোক! লোক-লজ্জা বলে একটা জিনিস তো আছে—”

“সে যদি বলো, এখানে নিরালায় চুপি চুপি দেখাতেই নিন্দে হতে পারে। কিন্তু তোমার ভাই তো বলেছে এখানে কেউ আসে না।”

“তা আসে না বটে!” সত্য ঈষৎ নরম স্বরে বলে, “ওই জন্তেই তো আমি বাগান জামবাগান ছেড়ে এই বটরুক্ষের ছায়াটুকু বেছে নিয়েছিলাম খেলাঘর পাততে। বটের কিছুই তো লোকের কাজে লাগে না; না ফল না ফুল, না পাতা, না কাঠ। তাই মানুষের পা পড়ে না। শুধু ছায়ার আশ্রয়।”

সন্ধ্যার অন্ধকার গাঢ় হয়ে আসছে—

নবকুমার হঠাৎ একটা কবি-কবি কথা বলে বসে, “তা সত্যি! তোমার বাবাকে—ইয়ে স্বপ্নরঠাকুরকে দেখলে আমার এমনি বটবুদ্ধের কথা মনে আসে। বিরান্ট বটবুদ্ধ।”

সত্য চমকে ওঠে।

সত্য অভিভূত হয়।

আর তারই আবেগে হঠাৎ ‘লোকলজ্জা’ ভুলে নবকুমারের হাত দুটো দুহাতে চেপে ধরে বলে, “সত্যি বলছ? আমার বাবাকে তোমার ভাল লেগেছে?”

“ভাল লাগার কথা বলতে পারছি না, বলছি ভক্তির কথা! সমীহর কথা! বিরান্ট বটবুদ্ধ দেখলে যেমন সমীহ আসে—”

“কথা কয়েছ বাবার সঙ্গে?”

“কথা? ওরে বাস! তিনি কোথায়, আমি কোথায়? কত ব্যস্ত মানুষ, দূরে থেকেই দেখছি—”

সত্য আবছা বিহ্বল গলায় আস্তে বলে, “বাবাকে সবাই দূরে থেকেই দেখে! সব্বাই! মা পর্যন্ত। শুধু এই সত্য মুখপুড়ীই—”

লোকলজ্জা আরও বিস্মৃত হয়ে সত্য নবকুমারের তৃষিত বক্ষে মাথাটা রাখে।

নবকুমারও অবশ্য বেশ কিছুটা সময় এই মধুর আশ্বাদের সুযোগ গ্রহণ করে নেয়, তারপর চুপি চুপি বলে, “নতুন জামাই, প্রথম এলাম এমন একটা শোক-হুঃখুর উপলক্ষে! কারুর বে-খায় এলে অবিশ্বাসি আমাদের দুজনকে ঘরে দিত, কি বলো?”

সত্য এই মেয়েলি কথাটা শুনে হেসে ফেলে। হেসে বলে, “দিলেই বুঝি নিতাম?”

“নিতে না?”

“পাগল! ঘটে লজ্জা নেই বুঝি? ‘বর’ বস্তুটা স্বপ্নরবাড়িতেই ভাল, বুঝলে?”

নবকুমার অভিমানভরে বলে, “বুঝলাম! তাই এই হতভাগা চলে যাবার পর আরও দু’মাস ভাল করে থাকা হবে—”

সত্যর মনের মধ্যে একটা বিদ্যুৎ-শিহরণ খেলে যায়। দু মাস কি কত মাস কে জানে। পিসঠাকুমা তো সেই মোক্ষম কথাটা বলে বসেছে। আসার সময় সজুদি যা বলে ভয় জন্মিয়ে দিয়েছিল। ...ক্রমশঃ সত্যও যেন অল্পভব করেছে শরীরের মধ্যে কোথাও একটা অস্বস্তি বাসা বেঁধেছে। ...মনে হচ্ছে যেন গলার কাছটাতেই প্রধান অস্বস্তি। কেবলই যেন ভেতর থেকে ঠেলা মারছে, খাণ্ডস্তু নামতে চায় না, উঠে আসার তাল করে। ...ওই খাওয়া থেকেই ধরে কেলেছে পিসঠাকুমা। আর সঙ্গে সঙ্গে নানানখানা বিষয়ের উপদেশ দিয়ে জব্ব করেছে। তার মধ্যে প্রধান নিষেধ ছিল, সাঁঝ-সন্ধ্যায় আগানেবাগানে গাছতলায় ছাঁচতলায় না যাওয়া।

তা সত্য নিষেধটা মানছে ভাল।

হঠাৎ একটু চঞ্চল হয়ে ওঠে সত্য। বলে, “যাই, রাত হয়ে যাচ্ছে, বকবে!”

“এখানে আবার বকবে কে?” নবকুমার নিশ্চিন্তে বলে, “এখানে তো তুমি মহারানী! নেড়ু আমার সব বলেছে। কী আত্মরে মেয়ে তুমি কী লাঞ্ছনাতেই পড়েছ—”

সত্য এবার নিজস্ব দৃঢ়তায় কেরে।

দৃঢ়ত্বের বলে, “ওসব কথা বলছ কেন? যার যা নিয়তি! স্বপ্নরথের বকুনি-বকুনি আর কোন মেয়েটার নেই; ছাড়ো ওকথা। যাচ্ছি ”

“নিতান্তই যাবে? কি আর বলব? আবার কবে দেখা হবে?”

“তা কি করে বলি?”

“আমি তো এই সামনের বুধবারে চলে যাব। তার মধ্যে একবার হবে না?”

“আচ্ছা দেখি!”

নবকুমার আস্তে আস্তে বলে, “ইচ্ছে হচ্ছে এখানেই থেকে যাই! কী বাড়ি! সদাই সরগরম। আর আমাদের বাড়িতে যেন—”

“তা হোক! নিজের যা তাই ভাল!”...সত্য আবার দৃঢ়ত্বের বলে, “তুমিও কালে-ভবিষ্যতে দেশের একজন হবে, তোমার সংসারও এমনি সরগরম হবে।”

“আমার? হঁঃ! সে যাক, কবে আবার গরীবের ঘরে যাবে?”

সত্য রূপ করে বলে বসে, “বলতে পারছি না, ছ মাস এক বছরও হতে পারে।”

“ছ মাস এক বছর!” নবকুমার বিহ্বলভাবে বলে, “তার মানে?”

“আছে মানে।” বলে হঠাৎ স্বরিতগতিতে দৌড় দেয় সত্য।

যদিও ঘরে পরে সবাই বলছে “কী বড়ই হয়েছে সত্য!” বলছে “রূপ যেন ফেটে পড়ছে, কী বাড়বাড়ন্ত গড়নই হয়েছে—” তথাপি দৌড়ঝাঁপের কমতি নেই তার।

তবে পিস্টাকুমার সামনে আর দৌড়ঝাঁপ চলবে না মনে হচ্ছে।

নবকুমার অনেকক্ষণ দাঁড়িয়ে থেকে আকাশ পাতাল চিন্তা করে। তারপর সিদ্ধান্তে আসে, আর কিছুই নয়, মেয়ে অনেক দিন শ্বশুরঘর করছে, মা-বাপ এবার হাতে পেয়ে আটকে ফেলবে।

হেসে খেলে পাড়া বেড়িয়ে বেড়াচ্ছিল সত্য, এখানে আসার প্রাক্কালে সত্বে যে সন্দেহ প্রকাশ করেছিল সেটাকে চোখ বুজে অস্বীকার করে। ভিতরে যদি কোনো অস্বস্তির আলোড়ন অজানা এক ভয়ের ছায়া ফেলেও থাকে, বাইরের আলোড়নে সেটা মুছে গেছে।

চট করে কারো কোনো সন্দেহও আসে নি, কারণ সত্য কতক্ষণই বা কার চোখের ওপর আছে? বৃহৎ যজ্ঞের আলুসঙ্গিক জের নিয়ে ব্যস্ত সবাই। হঠাৎ একদিন সন্দেহ জাগল ভুবনেশ্বরী! যে মাল্লুষটার চোখ দুটো সহস্র কাজের মধ্যেও সত্যের চোখমুখের কাছাকাছিই আছে।

সন্দেহ জাগতেই চুপি চুপি সারদার কাছে ব্যক্ত করল ভুবনেশ্বরী, আর সারদাও লক্ষ্য ঘনীভূত করে নিঃশব্দ হল।

ব্যস, মুহূর্তে এ-মুখ থেকে ও-মুখ, এ-কান থেকে ও-কান। গ্রামস্থল মহিলা খবরটা জেনে ফেললেন একটা বেলার মধ্যেই। মহিলাদের মারফৎ পুরুষরাও।

কিন্তু রামকালীর কানে উঠতে কিছুটা দেরি হয়েছিল। কারণ মাতৃ-বিরোগের পর থেকে আর বাড়ির ভিতর শুচ্ছিলেন না রামকালী। পুরোপুরি কালাশৌচের কালটা যে এই নিয়মেই চলবেন তিনি, সেটা যেন অদৃশ্য কালিতে লেখা হয়ে গিয়েছিল।

ভুবনেশ্বরী তবে কোন্ উপায়ে এই ভয়ঙ্কর আনন্দের বার্তাটা তাঁর কানে পৌঁছে দেবে ?

উপায় হচ্ছে না, অথচ এই অপরিসীম আনন্দের ভারটা একা একা বহন করাও কঠিন মনে হচ্ছে।

হু দিনেই হু বছর হয়ে ওঠে ভুবনেশ্বরীর।

তবু এ ইচ্ছেও হচ্ছে না, আর কেউ বলে ফেলুক। এই মধুর সুন্দর ভয়ঙ্কর রমণীয় খবরটি ধীরে ধীরে একটি উপহারের মত ধরে দেবে স্বামীকে, এই বাসনায় মর্মরিত হয়ে ওঠে ভুবনেশ্বরী।

কিন্তু নিজ কণ্ঠে সে উপহার দেওয়া আর ঘটে উঠল না তার। রামকালীর খেতে বসার সময় হঠাৎ মোক্ষদা হুম্ করে বলে বসলেন। বললেন, “বললে তোমার মাথায় থাকবে কিনা জানি না, তবু বলা কর্তব্য তাই বলছি, দাদামশাই হতে চললে!”

রামকালী চমকে তাকালেন।

কথাটা যেন ঠিক বোধগম্য হল না।

মোক্ষদা এসব পছন্দ করেন না। অতএব তিনি আরও স্পষ্ট প্রথর ভাষায় বলে কেলেন, “বাংলা বৈ উর্-ফার্সি বলছি না বাবা, বলছি সত্যর ছেলেপুলে হবে।”

রামকালী সহসা ‘বিষম’ খেলেন।

জলের গ্লাসটা মুখে ঠেকিয়ে নামিয়ে রাখলেন, তারপর ঘাড় নিচু করে যেন পাতের ভাতের মধ্যে কথাটার অর্থ খুঁজতে লাগলেন।

না, কথা তিনি এখন কইবেন না। আচমন করে বসেছেন। কালাশৌচের বছরটা রীতিমত বিধিনিষেধের মধ্যে থাকতে চান। এসবে বিশ্বাসী তিনি কোনদিনই নন, কিন্তু মাহুঘের মন যে কত বড় জটিল জিনিস, দীনতারিণীর মৃত্যুতে তা আর একবার দেখা গেল রামকালীর স্মৃতিস্তম্ভ আচারনিষ্ঠা দেখে।

কথা কইবেন না। অতএব উত্তরও মিলবে না।

তবু এই সময়টুকু ছাড়া রামকালীকে পাচ্ছে কে? কাজেই ঘাবতীর জাডব্য বিষয় এই সময়েই রামকালীর কর্ণকুহরে ঢালার পক্ষে প্রকৃষ্ট।

‘বিষম’ খাওয়া শেষ হলে মোক্ষদা আর একবার বলেন, “আমি এই

জানিয়ে দিলাম, এখন তোমার গুণবতী বেয়ানকে জানাবার কি ব্যবস্থা করবে তা দেখ! মাগীকে ভো স্নিগ্ধেথুয়েও মন পাওয়া যায় যা। এক বাঁকা মণ্ডা, আর এক জালা তেল দিয়ে পাঠাও কাউকে, তার সঙ্গে পাছ-অর্ঘ্য!”

রামকালী খেয়ে চলেছেন, ওদিকে ভুবনেশ্বরীর চোখে জল। যে খবর শুনে রামকালীর আফ্লাদে প্রাণ উথলে ওঠার কথা, সেই খবর দেওয়া হল কিনা তাঁর মৌনকালে। কেন খাবার সময় ছাড়া আর বলা যেত না?

তাছাড়া ভুবনেশ্বরীর আশা-আকাজ্জা আর উদ্বেগ-আনন্দে কম্পমান হৃদয়টি তার দল মেলে বিকশিত হয়ে উঠতে পেল না।

অবিশ্বি এত স্ফুরক করে কি আর ভাবতে পারল ভুবনেশ্বরী?

তা নয়।

শুধু চোখের সেই জলের ধারাটা যেন অবিরল হয়ে উঠল নানা অমুভূতি আর অব্যক্ত বেদনার ধাক্কায়।...

মোক্ষদা শেষ অন্ত্রটি ত্যাগ করেন, “আর একটা কথা না বলে বাঁচছি না, মেয়ে তো তোমার এতদিন স্বপ্নস্বর করেও কিছুমান্তর বদলায় নি। যে দিকী সেই দিকী। দাঁত-সন্ধো মানে না, ডিঙানো-মাড়ানো গেরাহ করে না, আগান-বাগান, ঘাট, পুকুর, ছিপি মাড়িয়ে বেড়াচ্ছে। আমি বারণ করতে গিয়ে শুধু হান্ধাম্পদ হয়েছি মান্তর। এখন তুমি দেখ যদি শাসন করতে পারো।”

রামকালীর কি আজ গলা দিয়ে ভাত নামছে না? তাই এত দেরি হচ্ছে খেয়ে উঠতে?

মোক্ষদারও এত অবসর নেই যে বসে থাকবেন, “বড়বোঁয়া দেখো স্বপ্নর আর কিছু নেয় কিনা” বলে চলে যান মোক্ষদা।

রাগ হয়েছে তাঁর। হলেই বা মাতৃশোক, তাই বলে এমন স্তব্ধবরে মুখটা প্রসন্ন করবে না? এত কী! যাক, সত্যর স্বপ্নরবাড়ি খবর পাঠানোর ব্যবস্থা তাঁকেই করতে হবে। এ তিনি জানেন। এটা মেয়েলি কাজ।

সারদা অনুরে বসে আছে পাখা হাতে, তার ওপরই স্বপ্নরকে দেখার নির্দেশ।

হ্যাঁ, সারদাই বসে একগলা ঘোমটা দিয়ে। এটা তার সর্বশ্রেষ্ঠ কর্তব্য। দীনভারিণী মোক্ষদা কাশীশ্বরী শিবজায়া যে কেউই কাছে থাকুন, খাওয়ার উদারকি করুন, সারদা ডকাৎ বাঁচিয়ে বসে পাখা নাড়বেই।

আর কে করবে ?

ভুবনেশ্বরী তো আর এই একবাড়ি গিন্নীর সামনে লজ্জার মাথা খেয়ে স্বামীর খাওয়ার তদারক করতে আসবে না !

মোকদ্দা চলে যেতে রামকালী উঠলেন ।

দাওয়ার ধারে চকচকে করে মাজা গাড়ু ও তার উপর পাট করা কাচা গামছা রক্ষিত আছে আঁচানোর জন্তে, তবু হঠাৎ কি ভেবে চলে গেলেন ঘাটে । হবিষের সময় ঘাটে মুখ প্রক্ষালন করাটা বিধি ছিল বটে, কিন্তু এখন কেন ?

যে জন্তেই যান—

আজ ভুবনেশ্বরী ভয়ঙ্কর এক অসমসাহসিক কাজ করে বসল । দ্রুতপায়ে রাস্তাঘরের পিছন গলির বেড়ার দরজা দিয়ে বেরিয়ে গিয়ে, মেয়েঘাটের আবক্ষস্বরূপ আড়াল করা যে ঝোপঝাড়গুলো আছে, তার পাশ দিয়ে এগিয়ে প্রায় পুরুষঘাটের কাছ বরাবর দাঁড়িয়ে থাকল ।

রামকালী হাতমুখ ধুয়ে ফেরার পথে চমকে দাঁড়িয়ে পড়ে বলেন, “এ কী, তুমি এখানে ?”

ভুবনেশ্বরী ঘোমটার মধ্যে থেকেই রুদ্ধকণ্ঠে বলে, “তা কি করবো ? চোরের কামারে তো দেখা নেই । একটা কথার দরকার থাকলে—”

রামকালী প্রায় বিরক্ত স্বরে বললেন, “তা এইটা কি কথার জায়গা ?”

ভুবনেশ্বরীর চোখে যে ধারাত্রাবণ, তা ঘোমটার মধ্যে থেকেই ধরা যায় ।

সেই ত্রাবণ-বর্বণের মধ্যেই তার কথা শোনা যায়, “কখন তোমার পাচ্ছি ?”

রামকালী দীর্ঘ শাস্তস্বরে বলেন, “তা কথাটা কি বলে নাও চটপট ! চারিদিকে লোকজন—”

“বলছি—সত্যর কথা—”

রামকালীর গলায় কেমন একটা বিরূপ গম্ভীর স্বর বাজে, “হ্যা, স্তনলায় । ওর দিকে একটু লক্ষ্য রাখবে । বেশী দৌড়ঝাঁপ না করে । যাও, বাড়ির মধ্যে যাও ।”

ভুবনেশ্বরীর সর্বশরীর একটা নূক অভিমানে কেঁপে ওঠে, আর কথা বলে না সে, আস্তে আস্তে মুখ কিরিয়ে সরে আসে ।

তার গতিভঙ্গীর দিকে তাকিয়ে রামকালীর একবার মনে হয়, আর একটু নরম করে কথা বললে ভাল হত। নির্বোধ মানুষটা মেয়ের এই সংবাদে ভয়ে সারা হচ্ছে। কিন্তু কি করবেন রামকালী, এটা তো আর স্ত্রীর সঙ্গে গালগল্পের জায়গা নয়!

ভাবেন, কোনো একসময় বলে দেবেন, ভয় পাবার কিছু নেই।

কিন্তু কোন্ সেই সময়?

রামকালী জানেন কি?

জানেন কি স্ত্রীর সঙ্গে গালগল্প করা কি বস্তু? স্নেহ প্রেম ভালবাসা— এগুলো ব্যক্ত করার বস্তু নয়, এটাই জানেন রামকালী।

সত্যর স্বপ্নরবাড়িতে খবর পাঠাতে কাকে নির্বাচন করা যায়, তাই ভাবতে ভাবতে চণ্ডীমণ্ডপে গিয়ে বসেন রামকালী।

মোক্ষদা চলে আসেন।

এবং তোড়জোড় লাগিয়ে দেন সত্যর স্বপ্নরবাড়িতে খবর দেবার।

গিরি তাঁতিনী যাবে।

গরুরগাড়ি নিয়ে রাখুও যাবে। গিরির জন্তে তসর শাড়ী আসে, রাখুর জন্তে হলুদে ছোপানো ধুতি-চাদর। মস্ত একটা পেতলের হাড়িতে এক হাড়ি ঘানিভাঙা তেল, আর মস্ত একটা “মটকি”তে বোঝাই কাঁচাগোল্লা। এ দৃশ্য দেখলেই ঘটনাটা বুঝতে পারবে সত্যর শাশুড়ী, মুখ ফুটে বলতেও হবে না!

ওরা বেরোবার মুখে রামকালী হঠাৎ থামান। মোক্ষদাকে উদ্দেশ্য করে একগেঁজে টাকা বাড়িয়ে ধরে বলেন, “সেখানে লোকজন সবাইকে যেন পরিতোষ করে আসে, দিয়ে দাও গিরির হাতে।”

সংসারমুহুর সবাই আহ্লাদে ভাসছে, দীনতারিণীর মৃত্যুশোক এ আহ্লাদকে পরাভূত করতে পারছে না। শুধু রামকালীই যেন পরাভূত হয়ে যাচ্ছেন, চেষ্টা করেও ভেমন আহ্লাদ আনতে পারছেন না।

যেন রামকালীর কী একটা লোকসানই ঘটেছে।

সত্য বড় হয়ে যাচ্ছে, সত্য বড় হয়ে গেছে।

গিয়েই তো ছিল। তবু যেন কোথায় একটু আশা ছিল। মাতৃশ্রীক্ষের

বিরিট কাজের মধ্যে দেখছিলেন সত্যর ছোটোছোটো আসাযাওয়া গালগল্প। মনে করছিলেন—যা ভেবেছিলাম তা নয়, শুধু শব্দরবাড়ির চাপে পড়েই—

ভাবছিলেন হাতের কাজটা হালকা হলেই সত্যকে ডেকে কাছে বসিয়ে কথা বলবেন।

কাজ না মিটেই মোক্ষদা এলেন ভগ্নদূতের মূর্তিতে।

আর কাকে “কাছে” বসাবেন রামকালী?

অনেক দূরে চলে গেল যে সে!

নাঃ, কাছে আর কোনোদিন পাবেন না তাকে রামকালী।

এক নতুন চক্রের চক্রান্তে পড়ে অস্ত্র আর এক রাজ্যের প্রজা হয়ে গেছে সত্য।

সে রাজ্য প্রমীলার রাজ্য, সে চক্রান্ত বিধাতার চক্রের।

ছানিবংশ

নবকুমার চলে গিয়ে পর্যন্ত এই কটা দিন আরো “টো-টো” করে বেড়াচ্ছিল সত্য, বাঁধা গরু ছাড়া পাওয়ার ধরনে। নবকুমারের উপস্থিতিতে সামান্য যেটুকু সাবধান হতে হচ্ছিল, তাও ঘুচেছিল, হঠাৎ শোনদৃষ্টি মোক্ষদার মোক্ষম আবিষ্কারের কলে স্বাধীনতা সাংঘাতিক রকম খর্ব হয়ে গেল তার।

বিদ্রোহ করা চলছে না, উঠতে বসতে উপদেশের ঠেলা। “দরজায় বসিস নি, দুজনের মাঝখান দিয়ে যাস নি, সাঁঝ-সন্ধ্যা হয়ে গেলে উঠোনে নামিস নি, শনি-মঙ্গলবারে পথে বেরোস নি, ঘাটেপুকুরে একা যাস নি”, নিষেধের বৃন্দাবন একেবারে। তা ছাড়া আছে “বিধি”।

পায়ের আঙুলে রূপোর আঙুটি পরে থাকো, চুলের আগায় আর শাড়ীর ‘কোল-জাঁচলে’ সর্বদা গিঁঠ বেঁধে রাখো, শত্রুপক্ষ জাতীয় কোনো মহিলাকে দেখলেই সরে থাকো, এবং “নজর-খরা” কোনো মহিলার নজরে পড়ে গেছ সন্দেহ হলেই দেহের কোনোখানে লোহা পুড়িয়ে ছাঁকা দাগ, রাঙে খোঁপার খড়কে রাখো, এইসব অজুশাসনের শাসনে চলতে হচ্ছে সত্যকে।

সত্যকে যেন বেঁধে মারছে এরা।

তবু সত্য যখন তখনই ভয়ানক ভয়ানক অবটন ঘটিয়ে বসছে।

যেমন অন্তরমনস্কতার পান-ধোওয়া জল মাড়িয়ে গেল, মাছ-ধোওয়া জল ডিঙিয়ে গেল, হেঁচতলায় নিজের শাড়ীখানা মেলে দিয়ে বসল, এইসব সর্বনেশে কাণ্ড!

ভুবনেশ্বরী কেবল বলে, “অ সত্য, কখন কি করে বসবি, আর না আমার কাছে এসে একটু বোস না!”

এক আধবার বসে সত্য।

হয়তো ভিতরের কোনো ক্লান্তিতেই। কিন্তু বেশীক্ষণ মায়ের কাছে থাকতে তার লজ্জা করে। তাছাড়া চিরচঞ্চল চিত্ত তার দীর্ঘকাল স্বপ্নরঘর করেছে অচঞ্চলের ভূমিকা নিয়ে, আর সে সহজ ক্লান্তির কাছে হার মানতে রাজী হয় না, রাজী হয় না মমতার কাছে বশুতা স্বীকার করতে।

অতএব একদিন রামকালীর কাছে নালিশ পৌঁছল। বলা হল ‘তুমি শাসন করো’।

কিন্তু রামকালী কি করলেন শাসন?

নাকি চিকিৎসক-জনোচিত নিষেধের বাণী বর্ষণ করলেন?

না, সে সব কিছুই করলেন না রামকালী। কেন কে জানে ভিতরে ভিতরে একটা পীড়া বোধ করছেন তিনি। কেমন যেন একটা বিমুখতা। যেন শেষ সম্বলটুকুও হারিয়েছেন, তাই মনের মধ্যে নির্লিপ্ত শূন্যতা।

রামকালী শুধু একদিন মেয়েকে ডেকে বললেন, “গুরুজনরা যা বলছেন, মন দিয়ে শুনবে। গুঁরা বোঝেন, গুঁদের কথা মেনে না চললে ক্ষতি হতে পারে।”

অভিমানে সত্য তিন দিন শুয়ে রইল।

ভুবনেশ্বরী অত্নযোগ করলে বলল, “এই তো চাও তোমরা। বেশ তো, যা চাও তাই হচ্ছে।”

সত্যিই হঠাৎ চূপচাপ হয়ে গেল সত্য।

কিন্তু ক্ষতিকে কি রোধ করা গেল?

না, রামকালী এখন গ্রহের কোপে পড়েছেন।

রামকালী “মহাগুরু নিপাতের” বিপাক মুক্ত হতে পারছেন না।

তাই রামকালীর প্রথম দৌহিত্র সম্ভান পৃথিবীর আলোর উদ্ভাসিত না হতেই অন্ধকারের রাজ্যে হারিয়ে গেল।

তা ছাড়া আর কি কারণ ?

সত্য তো সব কিছু বিধিনিষেধ মেনে চলছিল ইদানীং ।

মোক্ষদা অবশ্য বললেন, “এ নেই গোড়ার কালে দ্বন্দ্বীপনা করার ফল ।” কিন্তু চিকিৎসক রামকালী তা বলেন না । রামকালীর হঠাৎ মনে হয়, এ বোধ করি তাঁর নিজেরই অবহেলার ফল । পিতা হিসাবে না হোক, চিকিৎসক হিসেবে তাঁর আর একটু কর্তব্য ছিল ।

তবু এটাও তো সত্যি, এ পরিবারভুক্ত আত্মীয় আশ্রিত মিলিয়ে যে গোষ্ঠীটি, সে গোষ্ঠীতে বছরে গড়ে অন্ততঃ পাঁচ-সাতটা শিশুর জন্ম হচ্ছে, নিতান্ত সহজে, প্রায় কর্তা-পুরুষদের অজ্ঞাতসারেই ।

না, অভুক্তি নয় । ওই ছেলেমেয়েগুলো একটু বড় হয়ে যখন অন্তের ট্যাঁকে চড়ে বহির্জগতে বেরোয়, তখন এঁরা কৌতূহলী হয়ে প্রশ্ন করেন, “কার এটা ?”

অতএব অপরাধটা কোথায় রামকালীর ?

এই কটা দিন আগে “তেল-সন্দেশ” সহকারে খবর পাঠানো হয়েছিল সত্যর স্বপ্নরবাড়িতে, এবং এলোকেশী হেন মাল্লুষও খবরদাত্রীকে একখানি নতুন কাপড়দানে পুষ্ট করেছিলেন, বৌকে বাপের ঘরে রাখার অহুমতিও দিয়েছিলেন দীর্ঘকালের জন্তে, আবার এখন এই বার্তা পাঠাতে হবে ।

ঘটা করে মেয়ের ‘সাধ’ দিচ্ছিলেন বৌয়ের বড়লোক বাপ, তা নয়, মূলে হাবাং ! হয়েছিল অবিশ্বি মেয়েসন্তান, তবু প্রথম সন্তান তো ! সত্য তো “ভাঙা” হয়ে গেল । আর তো সত্য “অথও পোয়াতি” রইল না । কোনো শুভকর্মে নিয়ম-লক্ষণের কাজে আগবাড়িয়ে আসতে তো পারবে না সত্য !

কড়া হুকুম দিলেন এলোকেশী, শরীর-স্বাস্থ্য একটু ভাল হলেই যেন মেয়েকে পালকি চড়িয়ে সাবধানে পাঠিয়ে দেন রেহাই । আফ্লাদে মেয়ে বাপের বাড়ি গিয়ে আফ্লাদেপনা করেই যে এইটি ঘটিয়েছেন, তাতে আর সন্দেহ কি !

ঐ বচন হজম করতে হল রামকালীকে ।

এ নির্দেশ মানতেই হল ।

আবার রাস্তাকে যেতে হল সত্যর স্বপ্নরবাড়ি, কেঁদে কেঁদে চোখ-কোলানো দ্বিরমাণ সভ্যকে নিয়ে ।

কিন্তু রামকালীর গ্রহের কোপ কি কার্টল ?

মহাশুর নিপাতের বছর পূর্ণ হয়েছে তো আরো বছর কেটে গেল, তবু রামকালীর সংসারে অঘটন ঘটতেই লাগল কেন ? কোনোখানে কিছু নেই, “নেড়ু” নামক নিরীহ ছেলেটা হঠাৎ একদিন হারিয়ে গেল। যেমন করে একদিন রামকালী হারিয়ে গিয়েছিলেন। কিন্তু নেড়ু তো খড়মপেটা খায় নি।

অনেক খোঁজাখুঁজি করলেন রামকালী, কুঞ্জ অনেক কাঁদলেন মেয়েমানুষের মত, নেড়ুর বার্তা পাওয়া গেল না। এর কামাস পরেই কাশীখরী মারা গেলেন, আরো কামাস পরে শিবজারার বড় মেয়ে বিধবা হয়ে বাপের বাড়িতে এসে আশ্রয় নিল, একপাল ছেলেমেয়ে নিয়ে।

এ সমস্তই যে রামকালীর গ্রহবৈগুণ্য, একথা কে না বলবে ?

এর সব ‘হ্যাঁপা’ই তো রামকালীকে নিতে হচ্ছে।

আর মজা এই, শত অসুবিধের মধ্যেও রামকালী কাউকে বলেন না, “সুবিধে হবে না”। শত ঝগড়াটেও বলে কেলেন না, “আর পারা যাচ্ছে না”।

বিধবা হয়ে বাপের বাড়ি আসা খুড়তুতো বোনের বিয়ের যুগি মেয়ে দুটোর জন্তেও তোড়জোড় করে পাত্র খুঁজতে ঘটক ঠিক করে, শ্রাকরা ডেকে পাঠালেন। পাত্র খোঁজা হোক, গহনাপত্রও প্রস্তুত হোক। বোনের ছেলে চারটির কথাও ভুলে থাকলেন না, যথাযথ হিসেবে তাদের কাউকে টোলে, কাউকে পাঠশালে ভর্তি করে দিলেন।

কর্তব্যের ক্রটি করছেন না রামকালী, করছেন না কোনো অনাচার, তথাপি বারেবারেই ভাগ্যের মার পড়ছে তাঁর উপর।

কিন্তু “ওস্তাদের মার” নাকি শেষরাত্রে, আর ভাগ্য নামক ব্যক্তির মত এমন ওস্তাদ আর কে আছে ?

তাই—

রাত্রি-শেষের ছায়াচ্ছন্ন আলো-আঁধারি মুহূর্তে সে তার প্রধান মারের খেলা দেখিয়ে গেল।

ঘটা কয়েকের ভেদবন্ধিতে ভুবনেশ্বরী মারা গেল !

রামকালী কবরেজের ‘ডেকে কথা কওয়া’ ওয়ূথের সমস্ত মাহাত্ম্য কি ব্যর্থ হল ? হয়তো ব্যর্থই হত, নিয়তিকে কে পারে ঠেকাতে ? কে পারে অপ্রতিরোধ্যকে রোধ করতে ? তবু, চেষ্টা করার সময়টাও যে পেলেন না

রামকালী। হয়তো সময়টা পেলে আক্ষেপটা কম হত। কিন্তু লাজুক ভুবনেশ্বরী, নির্বোধ ভুবনেশ্বরী সে চেষ্টাটুকুর অবকাশ দেয় নি। সে মাঝরাাত্রে বিছানা থেকে উঠে সেই ঘাটের ধারে গিয়ে পড়েছিল, আর উঠে আসে নি, কাউকে জানায় নি। হয়তো বা পারেও নি।

বাগদী-বুড়ী শেষরাাত্রে ঘাটে গিয়ে আবিষ্কার করল এই ভয়ঙ্কর ঘটনার দৃশ্য।

“ও মা আঁ আঁ—” করে চোঁচাতে চোঁচাতে এসে সে আছড়ে পড়ল। তার আতর্জনাদ থেকে ব্যাপারটা বুঝতেও কিছুক্ষণ গেল লোকের।

কিন্তু দু-পাঁচ মিনিট আগে বুঝেই বা কী এমন লাভ হত? তখন তো একেবারে শেষ সময়। চোখমুখ বসে গেছে, নাড়ী ছেড়ে গেছে।

রামকালী নাড়ীটার একবার হাত দিয়েই, আস্তে সেই প্রায়-স্পন্দনহীন হাতখানা নামিয়ে রাখলেন। বুকে বসে রুদ্ধ-কম্পিত স্বরে বললেন, “মেজবৌ, এ কী করলে?”

রাসু হাতে ধরা প্রদীপটা রোগিনীর মুখের আরো কাছে এগিয়ে আনল, ভুবনেশ্বরী কষ্টে চোখের পাতা টেনে চোখ দুটো খুলল একবার। কি একটা বলতে গেল, ঠোঁট নাড়তে পারল না। চোখের কোণ থেকে দু ফোঁটা জল রগ বেয়ে গড়িয়ে পড়ল।

এ রোগে রোগীর শেষ অবধি জ্ঞান থাকে, চৈতন্যবলুপ্তি ঘটে না। কিছু একটু বলবার জন্তে ভয়ঙ্কর একটা আকুলতা যে সেই মৃত্যুপথযাত্রিনীর ভিতরটাকে তোলপাড় করেছে তা সেই বাতাসে-কাঁপা ক্ষীণ প্রদীপশিখার আলোতেও ধরা পড়ল।

রামকালী তেমনি রুদ্ধগষ্ঠীর আবেগকম্পিত গলায় বললেন, “মেজবৌ, এমন কঠিন শাস্তি কেন?”

মহুর্তের জন্ত রোগিনীর ভিতরকার সেই আকুলতার জয় হল। ঠোঁটটা নড়ে উঠল। উচ্চারিত হল, “ছি!”

“সত্যকে না দেখেই চললে?”

হঠাৎ সেই কাঁঠ হয়ে আসা দেহটা বিদ্যুতাহতের মত নড়ে উঠল, একঝলক জল সেই কোটরগত চোখের চারধার থেকে উথলে উঠে গড়িয়ে পড়ল।

রাসুর হাঁড়ের প্রদীপটা নিভে গেল বাতাসের ঝটকায়।

গত রাত্রে সহজ সুস্থ ভুবনেশ্বরী সংসারের বহুবিধ কাজ সেয়ে, আগামী সকালের রসদ বাবদ তিন-তিনটে মোটা কুটে রেখে, এক জামবাটি ডাল ভিজিয়ে ঘুমোতে গিয়েছিল, আজ আর সে সেই সকালের মুখ দেখতে পেল না। ভোরের প্রথম আলো একজোড়া ঘুমন্ত চোখের ওপর এসে স্থির হয়ে পড়ে রইল ব্যর্থতার গ্লানি বহন করে।

রাস্তা মেয়েমানুষের মত হাউ হাউ করে কেঁদে উঠল। কেঁদে উঠল যে যেখানে ছিল সকলেই।

মোক্ষদার তীব্র তীক্ষ্ণ চিংকার প্রথম ভোরের স্নিগ্ধ পবিত্রতাকে যেন দীর্ঘ বিদীর্ণ করে দিকার দিয়ে উঠল।

কুঞ্জ ভাস্করমানুষ, বেশী কাছে আসবেন না, দূরে বসে বুক চাপড়ে বলে উঠলেন, “জীবনভোর এত লোককে বাঁচালে রামকালী, সোনার প্রতিমা ঘরের লক্ষ্মীকে বাঁচাতে পারলে না? হেরে গেলে?”

রামকালী শুধু একবার সেই হাহাকারের দিকে ফিরে তাকালেন, বললেন না, “যুদ্ধের অবকাশ পেলাম কই?”

অজ্ঞাতশত্রু ভুবনেশ্বরী মরণকালে তার পরমদেবতার সঙ্গে যেন ভয়ঙ্কর একটা শত্রুতা সেধে গেল।

সেজ্জকর্তা ভাঙা ভাঙা গলায় মস্তোচ্চারণের ভঙ্গিতে বললেন, “নারায়ণ! নারায়ণ! অস্তিমে নারায়ণ! রামকালী, আত্মা এখনো এখানেই অবস্থান করছেন। নারায়ণের নাম কর।”

“আপনারা করুন।” বলে রামকালী উঠে দাঁড়ালেন।

এমন অকস্মাৎ মৃত্যুতে ঘরের পাশের লোকের সঙ্গেই দেখা হয় না, তা গ্রামান্তরের! মায়ের এ হেন মৃত্যু সত্যবতীর দেখবার কথা নয়, কিন্তু মাতৃশ্রাদ্ধও দেখা হল না তার।

হ্যাঁ, শ্রাদ্ধ ভুবনেশ্বরীর ভাল করেই হল।

বাড়িতে পাঁচটা বুড়ী আছে বলে যে আর কেউ তার প্রাপ্য পাওনা পাবে না, এমন নীতিতে বিশ্বাসী নন রামকালী। আরোজন দেখে ক্ষুব্ধ মোক্ষদা রামকালীকে বললেন, “আমাদের কথা না হয় ছেড়েই দিলে, কিন্তু তোমার খুড়ো এখনো বেঁচে, তাঁর চোখের সামনে একটা কচি বৌয়ের ছেরাদ্দয় এত খটা করা কি বেশ বিবেচনার কাজ হচ্ছে রামকালী?”

রামকালী পিসীর মুখের দিকে না তাকিয়েই উত্তর দিলেন, “তোমাদের কথা ছেড়ে দেবার কিছু নেই, কারুর কথাই আমি ছেড়ে দিচ্ছি না, যেটা বিধি সেটাই করছি।”

মোক্ষদা একটা দীর্ঘাকাতর নিশ্বাস ত্যাগ করে বলেন, “পাঁচটা বুড়ীর চোখের ওপর ওই কচি বোটার সমারোহ করে ছেরাদ করাই তাহলে বিধি?”

রামকালী তেমনি মুখ ফিরিয়েই বললেন, “আত্মার বয়স নেই।”

“কিন্তু চোখে যে সহ করতে পারা যায় না রামকালী।”

বললেন মোক্ষদা।

রামকালী মুহূর্তে বললেন, “জগতে অনেক জিনিসই সহ করে নিতে হয়। ও নিয়ে বৃথা আলোচনায় ফল কি?”

মোক্ষদা চুপ করে গেলেন। কথাটা সত্যি বৈকি। কনিষ্ঠজনের মৃত্যুটাই যদি সহ করে নেওয়া যায়, তার সেই প্রিয় পরিচিত মৃতিটা আগুনে পুড়িয়ে শেষ করে চিতায় জল ঢেলে এসেই আবার খাওয়া যায় ঘুমনো যায়, তবে আর কোন্ মুখে বলা চলে “তার পারলৌকিক কাজটা চোখ মেলে দেখে সহ করার ক্ষমতা আমার নেই।”

কিন্তু মায়ের আঁক চোখে দেখবার ক্ষমতা ছেলেমানুষ সত্যবতীর হবে না বলেই কি নিয়ে আসা হল না তাকে?

না, তা নয়, নিজেরই তার আসা সম্ভব হল না। সে যখন মায়ের মৃত্যু সংবাদ পেল, তখন হৃদিনের ছেলে নিয়ে আঁতুড়ঘরে। ভুবনেশ্বরী যেদিন ভোরে মারা গেছেন ঠিক সেইদিনই সকালবেলা সত্যর দ্বিতীয় সন্তান ভূমিষ্ঠ হয়েছে। পুত্রসন্তান।

দুই পরিবার থেকে দুজন লোক কুটুমবাড়ি এসেছে খবর জানাননি করতে। একজন জন্মের, আর একজন মৃত্যুর খবর বহন করে।

কিন্তু সত্য কেন প্রসবের প্রাক্কালে বাপের বাড়ি আসে নি? বিশেষ করে বাপ যার অত বড় চিকিৎসক?

আসে নি তার কারণ আছে। যদিও ধরতে গেলে কারণটা নিতান্তই মেরেলি, কিন্তু এসব ক্ষেত্রে মেরেলি প্রথা আর মেরেলি কুসংস্কারই জরী হয়, সত্যর বেলাতেও তার অন্তথা হয় নি। সত্যর প্রথমবারের ঘটনাটাই এমন

অনিয়মের কারণ! বাপের বাড়িতে যখন অমন একটা অপরা ব্যাপার ঘটে গেছে, তখন পালা বদল হোক।

তাই এবারে দুপক্ষ থেকেই একমত হয়ে স্থির করা হয়েছিল, সত্যর এবারের সম্ভান মাতুলালয়ে ভূমিষ্ঠ না হয়ে পিত্রালয়ে ভূমিষ্ঠ হবে।

সত্য তাই ওখানেই আছে।

ভালই আছে। বেটাছেলেটি কোলে এসেছে। এলোকেশী বড় মুখ করে লোক পাঠিয়েছিলেন বড়লোক কুটুমবাড়ি। তাকে বলে দিয়েছিলেন, “শুভ সংবাদের বকশিশ হিসেবে পেতলের গামলাটা সরাটা দিলে নিবি না। বলবি ঘড়া কই?”

কিন্তু ঘড়া গামলা কিছুই চাওয়া হল না তার। এসে শুনল এই বিপদ।

ওদিকে সত্যবতীও পুলকে আনন্দে আশায় গর্বে প্রত্যাশিত হয়ে বসেছিল কখন সংবাদদাতা ঘড়া নিয়ে ফিরবে। কিন্তু তার ফেরা পর্যন্ত আর অপেক্ষা করে বসে থাকতে হল না। লোক এল ওদিক থেকে।

এলোকেশী আঁতুড়ের দরজায় এসে মুখটা কঠিনে কোমলে করে বললেন, “আঁতুড়ঘরে কাঁদতে নেই, কাঁদলে ছেলের অকল্যাণের ভয়, নাড়ীর দোষ হবার ভয়, সাবধান করে দিয়ে খবরটা বলি বোঁমা, ভেদবামি হয়ে তোমার মা-টি মরেছেন। লুকাছাপা করে চেপে রাখবার তো খবর নয়, চতুর্থী করা না হোক, দুদিন মাছভাতটা তো বন্ধ দিতে হবে! তাই জানিয়েই দিলাম। দেখি ভট্টচাষকে জিজ্ঞেসাবাদ করতে পাঠাই, এক্ষেত্রে কী বিধি-ব্যবস্থা!”

একটা সন্তপ্রস্থতি তরুণী মেয়ের নিঃশব্দ বৃকে বেপরোয়া একখানা ধারালো ছুরি বসিয়ে দিয়ে, নিতান্ত সহজভাবে সেখান থেকে সরে গেলেন এলোকেশী। ছুরিটার ক্ষমতার বহরও তাকিয়ে দেখে গেলেন না।

কিন্তু পাড়ার বেরিয়ে এলোকেশী তাঁর প্রিয় সখীমহলে এই সরেস খবরটি পরিবেশন করে বলে বেড়ালেন, “দেখলি তো? মিথ্যে বলি কাঠপ্রাণ? মা মরার খবর শুনে প্যাট প্যাট করে তাকিয়ে বসে রইল, ডুকরে কেঁদে উঠল না!”

সত্যিই ডুকরে কেঁদে সত্যবতী ওঠে নি।

শুভি শুভি বিদ্যে শুকনো চোখ দুটি মেলে বসেই ছিল অনেকক্ষণ। তার

পর কখন একসময় নবজাত শিশুটা তার দেহের ওজনের চেয়ে অনেক গুণ বেশী ওজনে চীৎকার করে উঠেছে, ধীরে ধীরে তাকে কোলে তুলে নিয়ে এদিকে পিঠি ফিরিয়ে চূপ করে বসে থেকেছে দেওয়ালের দিকে মুখ করে।

ওদিকে যদি একটুকরো জানলা থাকত, সত্যর প্রাণটা বুঝি তাহলে সেই খোলা পথটুকু দিয়েই দৃষ্টির খেয়া-নৌকো চড়ে অসীম আকাশ সঁাতরে সঁাতরে আছড়ে গিয়ে পড়ত সেই তার শৈশবনীড়ে।

যেখানে “মেজবো” পরিচয় চিহ্নিত একটি নিটোল মুখ, ফর্সা রং, ছোটখাটো মানুষ ভীকু কুণ্ঠিত পদক্ষেপে সারাদিন শুধু সকলের মনোরঞ্জন করে বেড়াচ্ছে। আর তারই আশেপাশে এখানে সেখানে, তাকে প্রায় বিন্দুত হয়ে দৃষ্ট পদপাতে ঘুরে বেড়াচ্ছে একটি গাছকোমর-বেঁধে-কাপড়-পর্যায় স্বাস্থ্যবতী বালিকা। কিন্তু এই আঁতুড়ঘরের এধারে ওধারে কোনধারেই জানলা নেই। তিনদিকেই গোবর-লেপা নিরেট মাটির দেয়াল। দৃষ্টি সেখানে অচল হয়ে থেমে থাকে।

মা কেন সর্বদা এমন ভয়ে ভয়ে থাকে, এই নিয়ে বিরক্তি প্রকাশ করত সত্যবতী। বলত, “ভয় ভয় ভয়! ওই ভয়ের জালাতেই সগ্গো পাবে না তুমি মা, দেখে নিও।”

সত্যবতীর মা কি স্বর্গ পায় নি?

সত্যবতীর প্রাণটা তবে কেন ‘স্বর্গ’ নামক সেই এক অদৃশ্যলোকের অসীম শূন্যতায় হাহাকার করে বেড়াচ্ছে?

“মা নেই, মাকে আর দেখতে পাবো না,” এ কথা মনে করতে পারছে না সত্য, শুধু মনে হচ্ছে সেই চিরমমতাময়ী মানুষটা যেন ভয়ঙ্কর এক নিষ্ঠুর খেলায় যেতে একছুটে কোন্ দূর-দূরান্তর লোকে পৌঁছে গিয়ে সত্যকে ‘দুয়ো’ দিয়ে ব্যঙ্গচাপি হাসছে।

বলছে, “কি গো, রাতদিন তো নিজের খেলা নিয়েই উন্মত্ত হয়ে বেড়াতে, ‘মা’ বলে যে একটা মানুষ ছিল সংসারে, তার দিকে ভাকিয়ে দেখেছিলে কোন দিন? মনে রেখেছিলে তুমি তার একমাত্র সন্তান, তুমি ছাড়া ‘আপনার’ বলতে আর কেউ নেই তার?”

“মা মারা গেছেন” এ হৃৎখের চেয়ে হৃৎস্ত হয়ে উঠেছে সত্যর, ছেলেবেলাকার সত্যর সেই মার প্রতি ঔদাসীন্তের হৃৎখ। মাকে কেন ভাল করে দেখে নি সত্য, দু-দুই কেন স্থির হয়ে এসে বসে নি মার কোলের কাছে! কেন রাতে

আর পাঁচটা মেয়ের সঙ্গে ঠাকুরমার ঘরে শোয়ার বদলে মায়ের গলাটি জড়িয়ে ঘুমোয় নি! প্রায়ই তো সেই কুণ্ঠিত মাঝুয়টি ভীকু ভীকু মুখটি হাসিতে উজ্জ্বল করে চুপি চুপি অলুন্নয় করত, “এ ঘরে আমার বিছানায় শুবি আয় না। রূপকথার গল্প বলব।”

যার কাছে এই অলুন্নয়, সে কোনদিনই তার মান রাখত না। নিতান্ত তাচ্ছিল্যে বলত, “হুঁঃ, কতই না গল্প জান তুমি! ওঘরে বলে আমার বন্ধুরা সবাই, ওদের ছেড়ে তোমার কাছে শুতে আসব আমি! বলিহারী কথা বটে!”

কী পাষণ্ড ওই মেয়েটা গো! কী পাষণ্ড!

গোবরলেপা ওই নিরেট দেয়ালটার মাথা কুটে কুটে মাথার মধ্যকার ভয়ঙ্কর যন্ত্রটাকে ছিন্নভিন্ন করে ফেলতে ইচ্ছে করে সত্য।

ভগবান, একবারের জন্তে সেই দিনটা এনে দিতে পারো না? সত্য তাহলে সেইদিনের সেই নির্ধূর মেয়েটার পাপের প্রায়শ্চিত্ত করে!

সেই ছোটখাটো দেহটাকে দুহাতে জড়িয়ে ধরে বুকে মুখ গুঁজে বলে, “মা মাগো, নির্ধূর ছিল না সে মেয়েটা, শুধু অবোধ ছিল।”

ইদানীংএর মাকে, স্বশুরবাড়ি থেকে ঘুরে গিয়ে দেখা মাকে, কিছুতেই যেন মনে পড়াতে পারে না সত্য, ঘুরে কিরে শুধু মার সেই নিতান্ত বধু-মুণ্ডিটিই রামকালী কবরেজের মস্ত বড় বাড়িটার সর্বত্র সঞ্চরণ করে ফেরে।

সত্য যদি এখুনি মরে যায়, ‘স্বর্গ’ নামক সেই জায়গাটার কি দেখা হবে মার সঙ্গে? তা হলে সত্য তার বুকে কাঁপিয়ে পড়ে ডুকরে কেঁদে উঠবে, “মা মাগো, এত পাষণ্ড তুমি কী করে হলে মা!”

আত্মবিশ্বস্ত সত্য কি মনে করে বসেছিল সত্যিই সেখানে পৌছে গেছে? কাঁপিয়ে পড়েছে মার বুকে? আর তার ডুকরে ওঠাটা এত ভীকু হলে গেছে যে, মর্ত্যলোকের এইখানে এসে থাকা দিয়েছে?

নইলে এলোকেশী ছুটে আসবেন কেন? কেন কঠিন গলায় ধমকে উঠবেন, “বোমা, একটাকে বিসর্জন দিয়ে আশ মেটে নি, এটাকেও দিতে চাও? ওই আতুড়েরাষ্ট্রি ছেলে কোলে নিয়ে মড়া-কায়া? বুকের পাটাকেও খন্টি! বলি মা-বাপ কি কারো চিরদিনের? তবু তো বিধাতা পুরুষের স্মৃতিচারণ করেছে, বাপ না গিয়ে মা গিয়েছে। পাঁখা সিঁদুর নিয়ে এয়োগতী

ভাগ্যবতী ড্যাংডেডিয়ে চলে গেল, দেখে আহ্লাদ কর, তা নয় মা-মা করে চীংকার তুলছে। বলি আর বেশীদিন বাঁচলে কপালে দুর্ভোগ ছাড়া কি ছাই সুখভোগ আসত? হাত শুধু করে থান পরে বোগনো বেড়ির ঘরে ভর্তি হতে হত না? চোখের জল যদি ছেলের গায়ে পড়ে বোঁমা, ভোঁমার আমি স্বাপান্ত করে ছাড়ব তা বলে দিচ্ছি, মা-মা করে ঝাঁকামি করা বার করে দেব।”

চোখের জল ছেলের গায়ে!

সত্য আঁচলটা তুলে ঘষে ঘষে চোখটা শুকনো করে ফেলে সভয়ে তাকিয়ে দেখে ছেলের গায়ে কোথাও জলের ফোঁটা লেগে আছে কিনা।

এই তো এই যে! এই যে জলের ফোঁটা! শিউরে ওঠে সত্য।

হে মা যষ্টি, রক্ষা করো মা! এমন বুদ্ধিহীনের মত কাজ আর কখনো করবে না সত্য।

কল্লিত সেই জলের ফোঁটা আঁচলের কোণ দিয়ে মুছে নিয়ে ছেলেকে নিবিড় করে ধরে সত্য। মৃত্যুর দিক থেকে মুখ ফিরিয়ে নিয়ে জীবনের সুখোমুখি বসে।

সাতাশ

কথার বলে “ভাগ্যবানের বোঁঝা ভগবান বয়!” রাস্তুর বোঁ সারদা অংশ নিজে থেকে খুব একটা ভাগ্যবতী মনে করে না, বরং যখন তখন “আমার যেমন ভাগ্য” বলে আক্ষেপ করতে ছাড়ে না, কিন্তু এক হিসেবে এমাবৎ ভগবান তার বোঁঝা বয়ে এসেছেন। বয়ে এসেছেন গ্রহ-নক্ষত্রের একটি স্নকোশল সমাবেশ ঘটিয়ে।

নইলে পাটমহলের লক্ষ্মীকান্ত বাঁড়ুয়ের নাভনীর ভো এখনো পাটমহলেই পড়ে থাকবার কথা নয়। কিন্তু তাই পড়ে আছে সে, সারদাকে নিঃসপ্ন স্বপ্নভোগের সুযোগ দিয়ে।

লক্ষ্মীকান্ত নেই, কিন্তু তাঁর পুত্র শ্রামকান্ত বাপের ঠাট-বাট বজায়

রেখেছেন। সর্ববিধ শাস্ত্রীয় আচার-আচরণ মেনে চলেন তিনি। নড়তে চড়তে পাজী-পুঁথি দেখেন, এবং গ্রহ ফাঁড়া ঠিকুজি কোণ্ডী ইত্যাদি গোলমেল ব্যাপারে প্রত্যেক সময় কালী-প্রত্যাগত জ্যোতিষাৰ্ণব ঠাকুরের উপদেশ গ্রহণ করে থাকেন।

জ্যোতিষাৰ্ণবই পটলীর কোণ্ডী দেখে তার পতিগৃহ যাত্রা সম্পর্কে একটি বিশেষ বিধিনিষেধ আরোপ করেছিলেন।

ঘোষণা করেছিলেন, আঠারো বছরে পদার্পণের আগে পটলীর স্বামী সন্দর্শনে বিপদ আছে। উক্ত কালাবধি তার পতিসুখস্থানে রাহুর কটাক্ষ।

জ্যোতিষাৰ্ণবের ঘোষণায় অবশ্য আশ্চর্য কেউ হয় নি, বরং যেন এ ধরনের একটা কিছু না হলেই আশ্চর্য হত। কারণ পটলীর পতিসুখস্থানে যে রাহুর দৃষ্টি সে আর জ্যোতিষীকে বলতে হবে কেন! সে তো তার বিয়ের দিনই হাড়ে হাড়ে টের পাওয়া গেছে!

নেহাৎ নাকি ওর বাপের পূর্বজন্মের পুণ্য ছিল, তাই সেই বিয়ের বর রামকালী কবরেজের দৃষ্টিপথে পড়ে গিয়েছিল। নয়তো পটলীকে তো বাসররাত্তিই শাঁখা-নোয়া খুলতে হত। আর নয়তো ‘দ-পড়া’ আধাবিধবা হয়ে জীবনটা কাটাতে হত।

রামকালী কবরেজ ভগবান হয়ে এসে উদ্ধার করেছেন। কিন্তু “অদৃষ্টের ফল কে খণ্ডাবে বল”! তাই গ্রহ-নক্ষত্ররা আঙ্গুল তুলে নিষেধ করে রেখেছে, “পটলী, তুই স্বামীর দিকে চোখ তুলবি না। অন্তত আঠারো বছর বয়স হবার আগে নয়।”

লক্ষীকান্তর শ্রদ্ধের সময় সামাজিক আচার অনুযায়ী জামাইকে শ্রামকান্ত নিমন্ত্রণ করেছিলেন। তবে বাড়িতে কড়া শাসন করে রেখেছিলেন, মেয়ে জামাইয়ে যেন দেখাশুনো না হয়। কিন্তু ভাগ্যচক্রে জামাইয়ের আসাই হল না। সেইদিনই নাকি জামাইয়ের রক্ত-আমাশা দেখা দিল। কে জানে সের দুই কাঁচা দুধ খাবার ফল কিনা সেটা।

যাক সে সব তো অতীত কথা।

শ্রামকান্ত মেয়ের স্বপ্নরকে তার কোণ্ডীঘটিত বিপর্যয় জানিয়েছিলেন। কাজেই এতদিন ওপক্ষ থেকে বৌ নিয়ে যাবার প্রস্তাব ওঠে নি। দীনতারিণীর অত বড় সমারোহের শ্রদ্ধেও স্বপ্নরবাড়ি আসা হল না তার।

“একঘাট” করতে যে যেখানে জ্ঞাতিগোত্র ছিল সবাই এসে জড় হল,

সত্য পুণ্ডি কুঞ্জর পাঁচপাঁচটা খশুর-ঘরন্তী মেয়ে, শিবজারার দৌতুরগুটি বাকী কেউ থাকে নি, বাকী ছিল শুধু পটলী, যে নাকি সর্বপ্রধানের এক প্রধান।

কিন্তু এবার সময় এসেছে।

আঠারো বছরে পদার্পণ করেছে পটলী। কুঞ্জগৃহিণী অভয়া ব্যস্ত হয়ে উঠেছেন নতুন বোঁকে আনতে। মুখে বলছেন অবশ্য “আর ফেলে রাখলে কি ভাল দেখার?” কিন্তু ভিতরের উদ্দেশ্য আরো গভীর। উদ্দেশ্য বড় বোঁয়ের তেজ অহঙ্কার ভাঙা। সারদার যত তেজ, তত অহঙ্কার। দিন দিন যেন বাড়ছে। সংসারে ভুবনেশ্বরীর শূণ্য স্থানটা কেমন করে কে জানে আশ্বে আশ্বে সারদার দখলে এসে গেছে, ভুবনেশ্বরীর মতই এখন সারদা ভিন্ন যেন সব দিক অচল। কিন্তু ভুবনেশ্বরীর নম্র নীরবতা সারদার মধ্যে নেও, সারদা যতটা চৌকস, ততটাই প্রখর। শাস্ত্রীকেও সে ডিঙিয়ে যেতে চায়।

অথচ দীনতারিণীর মৃত্যুতে গিন্নীর যে পদটা অভয়ার পাবার কথা, সেটা যেন অভয়া পেলেন না। অভয়ার সেই ‘হেসেলের চাকরি’র উল্লেখ নতুন কিছু হল না বরং সেটাই আরও জটিল হয়ে উঠেছে। কারণ কালীঘরী তো নেই-ই, হঠাৎ পড়ে গিয়ে হাত ভেঙে মোক্ষদাও কেমন কমজোরি হয়ে গেছেন। কাজেই অভয়কে সন্ত-স্নানান্তে গুঁদের ঘরেও কিছু গুছিয়ে দিয়ে আসতে হয়। বাটনটা জলটা।

মোক্ষদা “হাতী হাবড়ে পড়ার নীতি”তেই সেই চির অস্পৃশ্যের দ্রবস্পর্শ করেন।

অভাব সগুণ সংসারটা অনেকটা বেলা পর্যন্ত সারদার হাতেই থাকে। সঙ্গে থাকেন অবশ্য শিবজায়া, থাকেন আরও জ্ঞাতি মহিলারা, কিন্তু আশ্চর্য, সবাই যেন ‘আম ছুঁবে’ মিশে গেছে। আর অভয়া-রূপিনী আঠির ঠাই হয়েছে ছাইগাদায়। অন্তত অভয়ার তাই ধারণা।

বোঁয়ের এই প্রতাপ, এই দপদপা আর সহ করতে পারছেন না অভয়া। চিট করতে ইচ্ছে করছে বোঁকে। তা অস্ত্র তাঁর হাতে এসে গেছে এবার। জামকান্ত জানিয়েছেন আঠারো বছরে পা দিয়েছে পটলী।

শুনে বুকের জোর বাড়ল অভয়ার।

ভাবলেন বড়বোঁয়ার “ভেজ আসপদা” কমুক একটু।

নিয়েছিল, ঘাটের যে ধারটার স্থান করিয়েছিল পটলীকে, নৈ বাস করেছিল সে, এইরকম একটু একটু। আর বিশেষ

ময়েমাহুকের মধ্যে কে যে তার সতীন, সে কথা বুঝতেই পারে নি। ছাড়া বোঝবার চেষ্টাই বা করেছে কে? কেঁধে কেঁধে যার খাটা!

খন্ডরবাড়ি আসার কান্না নয়, নিজেকে ভয়ঙ্কর একটু অপরাধী কান্নার যোগ হয়েছিল তার সঙ্গে সত্যি পটলীর মত মহা-অপরাধ আর কে আছে?

যর বর বিয়ে করতে এসে রাস্তায় মরে, এমন কথা কে কবে শুনেছে? র আবার এ বাড়ি? বোভাতের যন্ত্রির দিন বাড়ি যখন রমরম করছে, কিনা বাড়ির একটা জলজ্যান্ত বৌ হারিয়ে গেল! শুনে 'হা' হয়ে পটলী।

মাহুকের রাস্তায়-ঘাটে বেরিয়ে সাপের পেটে বাঘের পেটে কি চোপ

হাতে পড়ে হারিয়ে যেতে পারে, কিন্তু মেয়েমাহুকের বিশেষ কামাহুকের মধ্যে থেকে হারিয়ে যাবে কি? ভুতে, উড়িয়ে নিয়ে ওয়া ব্যাপার ছাড়া, আর কিছু ব্যাখ্যা করা চলে না এর। সেই ব্যাখ্যাতেই নিশ্চিন্ত হয়ে সকল কারণের মূল নিজের উপর থিকারে তার ভয়ে যখন খালি কেঁধে আকুল হয়ে যাচ্ছিল, তখন সত্য এসে জ্ঞান দিয়েছিল তাকে।

হ্যা, ওই আর একটা বস্তু মনে আছে পটলীর।

সত্য!

আজির মতন চকচকে সেই বড় বড় ছোটো চোপ, আর তার উপরকার জোড়াভুক, এখনও যেন স্পষ্ট মনে পড়ে যায় পটলীর।

দীর কান্নার কারণ শুনে সেই ভুক কুঁচকে বলেছিল সত্য, 'অপরা' বলে কেঁধে মরছ কেন? ভগবান যার ভাগ্যে যা রয়েছে তার তাই হবে। নিজেকে সমস্ত ঘটন-অঘটনের হেতু হেতু? তুমি যদি না জন্মাতে এই পৃথিবীর কলকল্লা বন্ধ

সত্যি. তার সেই প্রায় সমবয়সী খুড়তুতো ননদের

প্রথম প্রতিশ্রুতি

সতীন এনে বুকে দিলে মেয়েমানুষ যেমন চি.
কিনে ?

ওদিকে পাটমহলে মন্ত তোড়জোড়।

কাঁড়া কেটেছে, এতদিন পরে ঘরবসত হচ্ছে মেয়ের, ঘরভরা জি.
বাসনা পটলীর মা বেহলার। জিনিস গোছাচ্ছে, আর উঠতে বসতে
উপদেশ দিচ্ছে কিনে মেয়ে খণ্ডরবাড়ি গিয়ে “একজন” হতে পারে।
যে বড় ভ্রাতা-হাবা, তাই ভাবনা বেহলার।

তবে অল্পদিকে একটা মন্ত ভরসা আছে পটলীর মার। অলপে
মুহুর্তে মেয়ের দিকে তাকিয়ে ছাথে আর সেই ভরসার আলো মুখে ফু.
পটলীর সতীনের বয়সটা মনে মনে হিসেব করে সে আলো আরও বে.
হয়। পটলীর সঙ্গে কার তুলনা ?

একে তো ভরস্ব বয়েস, তায় আবার এইকাল অবধি বাপের ঘরে দি.
ভাত খেয়ে খেয়ে গড়ন হয়েছে পুরুষ বাড়ন্ত আর রূপ ? সে মে.
সতীন পটলীর দিকে তাকিয়ে থাকতে ;

ঘরে পরে সবাই বরং ওই রূপের জগৎ খোঁচা দেয় তাকে। বলে, “
বড় সুন্দরী না পায় বর’ শাস্ত্রের এ কথাটা নতুন করে প্রমাণ করছিল।
তুই ! এর খেতে আমাদের কালো খেঁদে মেয়েরা অনেক ভাল। তোর বয়স
সবাই তিন-চার ছেলের মা হল।”

এখন আবার ত্রয়ও দেখাচ্ছে অনেকে।

বলছে, “সতীন এখন হলকুল দিলে হয় ! এযাবৎ V. পাটেবনী
রয়েছে। পটলীর মা, তুরি মেয়ের গলায় কোমরে ভালমতন রসকাকচ
দিও। কে জানে কার মনে কী আছে !...মেয়েকে বারণ করে দিও
সতীনের হাতের পান জল না খায়।”

আশা আর আশঙ্কা, স্বপ্ন আর আতঙ্ক, এই নিয়ে দিন কাটাতে
অবশেষে একদিন পটলীর জীবনের সেই পরম দিনটি এসে পড়ে।
যাত্রা করে পটলী।

বাড়িটার খানিক খানিক বাপ-মা ক.
উঠানটার বোহস্তরের ওপর গিয়ে দাঁড়িয়ে

কথা শুনে। তার জীবনে এ হেন কথা সে কখনো শোনে নি। তাও আবার এতটুকু মেয়ের মুখে।

অথচ এই কদিন ধরে অনবরত সব গুরুজনের মুখে শুনেছে পটলী, পটলীই নাকি সকল অঘটনের কারণ।

পটলীর দোষেই নাকি যত কিছু খারাপ।

সেই মনদ এখন নিশ্চয় স্বপ্নরবাড়ি। কোন মেয়েটা আর পটলীর মত ফাঁদে নিয়ে বাপের বাড়ি বসে থাকে ?

তোড়জোড় এ বাড়িতেও চলছিল :

অভয়া যেন একটু বেশী-বেশীই করছেন।

করছেন ভালবেলে বতটা না হোক, লোক জানাতে। সারদা এবং সারদার 'হুয়ো'রা যাতে হৃদয়ঙ্গম করতে পারে, যে শাসছে সে কারো করুণার ভিখিরী হয়ে নয়। আসছে রীতিমত অধিকারের দাবি নিয়ে।

অবিশিষ্ট 'ঘর'টা সম্পর্কে স্পষ্ট করে কিছু উচ্চারণ করতে পারেননি। বসে ইশারার ইঙ্গিতে ব্যক্ত করছেন, এখন থেকে সারদার উচিত হেলেদেহ 'হুয়ো'র এম্বিকার ঘরে শোওয়া। ছেলে ডাগর হয়ে উঠেছে, আর এখন 'হু' আগলানো কেন ?

তবে সারদা এসব ইশারা-ঈঙ্গিত গায়ে মাখে না। বড় ছেলে ডাগর হয়ে ওঠা অবধি তো তাকে তার কাকাদের কাছে ভর্তি করে দিয়েছে সারদা। নিজের এলাকা ঠিক রেখেছে।

বড় ছেলে 'বহু' বা বনবিহারী তো ছোটকাকা নেড়ুর প্রাণপুতুল ছিল। নেড়ু হারিয়ে যাওয়া অবধি অল্প কাকাদের। প্রাণপুতুল অবস্থা সকলেরই, কিন্তু লর্ভেসর্বা প্রথম নাতিটিকে অভয়া যেন তেমন দেখতে পারেন না। ছোটো সারদার পেটের বলই নয়, বড় বেশী মা-ঘেঁষা বলেও। তাই যখন তখনই তাকে খিঁচিয়ে বলতেন, "রাতদিন ছোটকাকা ছোটকাকা" ছোটকাকা যখন বিয়ে হয়ে যাবে ?

যেজকাকা থাকতে ছোটকাকার বিয়ে কেন হবে, অথবা বিয়ে হলে তাইপোর সঙ্গে সংবর্ধ বাধবার কারণটা কি, এ প্রশ্ন করতে না ছোটো সারদা সবেগে বলে উঠত, "ছোটকাকাকে বিয়ে করতে দেবই না।"

অভয়া আরও খিঁচিয়ে বলেন, "তা দিবি কেন।"

নেই, ভাগ নিয়ে কাজ নেই। একা তোর মা-ই সবসময় দখল করে বলে থাকুক।" তা' তার সেই ছোটকাকা নিকরদেশই হয়ে গেল, বিয়ে আর হল না।

অভয়া ভাবেন এ ঐ অপয়া ছেলেটার বাক্যের ফল।

আর বাক্যগুলো মার 'শিক্ষা'র ফল।

সারদা হাতের বাইরে বলে, অভয়া হাতের মুঠোয় পুরতে পারেন এমন একটি হাতের পুতুলের বাসনা করছেন। তাকে নিয়ে অভয়া সাজিয়েন।

"মেজবোটা এলেও হত।"

অথচ অভয়ার মেজছেলের বিয়ের কথা মুখেও আনছেন না রামকালী। পর: একদিন বড় ভাইয়ের মুখের ওপরই স্পষ্ট বলেছিলেন, "ওই অপদার্থটার বিয়ে দিয়ে কি হবে?"

"অপদার্থ" বলে যে বেটাছেলের বিয়ে হবে না, এমন ছিটিছাড়া কথা নাকি কে কবে শুনেছে? কিন্তু কুজ চিরদিনই ছোট ভাইয়ের ভয়ে কাটা! মাচন! যা করেন, সে লাড়ালে। তাই যা বলেছেন আড়ালেই বলেছেন।

সাহস কবে বিয়ের ব্যবস্থা করতে যান নি।

যাক, এতদিনে অভয়ার একটা নিজস্ব বস্ত্র পাবার আশা হচ্ছে।

কিন্তু একেবারে নিঃসংশয় সুখ জগতে কোথা?

নতুন বোয়ের বয়সের কথা ভেবে বুকের মধ্যে ভেমন স্বস্তি নেই।

বুড়ো শালিখ কি পোষ মানবে?

পাকা বাঁশ কি ছুইবে?

কিন্তু পটলী কি পাকা বাঁশ?

কেন জানে পটলী কি।

মেয়েমানুষ বতক: না নিজের স্বার্থ-কেন্দ্রে এসে দাঁড়ায়, ততক্ষণ তাকে কে তে পারে? 'ভাল মেয়ে' 'লক্ষ্মী মেয়ে' এসব বিশেষণ কত ক্ষেত্রেই বর্ধ যায়।

না জানলেও পটলীর কাঁড়া কাটার খবর পাওয়া পর্যন্ত কে বেন সেই বাঁশ দিয়ে অহরহ ডলছে তাকে।

রাস্ত্রের যন্ত্রণার শেষ নেই।

মনের মধ্যে দারুণ এক ভয়, অথচ পুলককম্পিত আবেগ। না জানি সেই সাত বছরের মেয়েটি আঠারো বছরের হয়ে ক্লেমনটি হয়েছে? এখান থেকে পত্তর নিয়ে যে গিয়েছিল, সেই রাস্ত্র মা তো এসে বলেছে, “বৌ তো নয়, যেন পদ্মফুল!”

শুনে অবধি এক অবর্ণনীয় সুখকর যন্ত্রণা রাস্ত্র মনকে কুরে কুরে খাচ্ছে।

সেই পদ্মফুল কি রাস্ত্র পূজায় লাগতে দেবে সারদা? নাকি বছরদিন আগের সেই এক দুর্বল মুহূর্তের শপথটা স্মরণ করিয়ে দিয়ে বঞ্চিত করে রাখবে রাস্ত্রকে?

সারদা কোনদিনই পদ্মফুল নয়।

পদ্ম গোলাপ চামেলী মল্লিকা কিছুই নয়, ফুলের সঙ্গেই যদি তুলনা করতে হয় তো বলতে হয় বরং অপরাজিতার গা-ঘেঁষা।

কিন্তু শ্রামলা বং হলেও তীক্ষ্ণ মুখশ্রী আর অনবদ্য গঠন সৌকুমার্যের জোরে এ বাড়ির বড়বৌ হয়ে ঢোকবার সৌভাগ্য তার হয়েছিল।

আর এখন প্রবল ব্যক্তিত্বের জোরে বাড়ির একেবারে শীর্ষস্থানীয় হয়ে বসে আছে সে। কিন্তু রাস্ত্র এখনো জীবনরসের সন্ধানী নবীন যুবক। প্রথরা আর মুখরা সারদাকে সে আজকাল ভয় করে।

অবশ্য স্বামীসেবার নিখুঁত নৈপুণ্যে বরকে আয়ত্তে রেখে দিয়েছে সারদা নিখুঁতভাবেই। এখনো গরমকালের রাতে পাখা ভিজিয়ে বাতাস করে স্বামীকে, শীতের রাতে পিঙ্গমে হাত তাতিয়ে ঠাণ্ডা সিরসিরে হাত-পা গরম করে দেয় তার।

আর সংসারের কাজে রান্নাঘরের গরমে যতই গলদঘর্ম হোক, শৌখিন বরটির কাছে রাতে শুতে আসার সময় গা-হাত দুয়ে কৌচানো মিহি শাড়িখানি পরতে ছাড়ে না, মাথায় হু তেলটি দিয়ে একটু চকচকে হয়ে আসতে ভোলে না।

কিন্তু প্রস্তুতিত পদ্মের সঙ্গে কি গন্ধ তেল পাল্লা দিতে পারবে?

বৌ এসে দাঁড়াতেই একটা ‘খন্টি খন্টি’ রব উঠল। উঠল দু কারণেই। একে তো বৌয়ের রূপ, তার উপর ঘরবসন্তের সামগ্রীর বহর।

রামকালী কবরেজের সংসারে প্রয়োজনের অতিরিক্ত প্রাচুর্য, ঘর-সংসারের জিনিসপত্র তিনি অপ্রয়োজনেই কতকগুলো করে করিয়ে রেখে দেন, কোন একটা উপলব্ধি ছিলেই। খুঁজলে বাড়িতে ছোট-বড়র খানবারো জাঁতা মিলবে, খানবোল শিল। জলের ঘড়া না হোক গোটা চল্লিশ-পঞ্চাশ। তবু মেয়েদের মন!

সেই শিল-নোড়া জাঁতা-কুলো ঘড়া-ঘটি ইত্যাদি করে সংসার নির্বাছের তুচ্ছ উপকরণগুলোই তাদের মন আফ্লাদে ভরে তোলে।

সকলেই একবাক্যে স্বীকার করে, ‘কুটুমের নজর আছে।’ ঠানদি নন্দরাণী হেসে বলে, “না-দেওয়ার মধ্যে দেখছি ঢেঁকি। একটা ঢেঁকি দিলেই রাস্তার খন্ডরের বোলকলা দেওয়া হত! ঘরবসতে বোমার বেহাই ওইটেই বা বাকী রাখল কেন?”

না, ঢেঁকিটা পটলীর বাবা দেয় নি।

কিন্তু পটলীকে দিয়েছে!

আর পটলীই ঢেঁকির মুঘল হয়ে অন্ততঃ একজনের বুকের গহ্বরে পাড় দিতে শুরু করেছে।

তবু সেই ঢেঁকির পাড়ের মধ্য থেকেই শক্তি সঞ্চয় করে নেয় সারদা। সংকল্প করে এ সতীনকে সে স্বামীর ধারে কাছে আসতে দেবে না। সেই ‘সিংহবাহিনীর’ শপথটা রীতিমত কাজে লাগাবে।

তা ছাড়া আর উপায় কি!

রাস্তাকে তো চিনতে বাকী নেই সারদার। এই রূপসীর কাছে আসতে পেনে, রাস্তা তো তদুৎপন্ন মাথা মুড়িয়ে তার চরণে নিজেকে বিকিয়ে দেবে।

প্রথম দিন অবিশ্রি অভয়াই বোকে কাছে নিয়ে গুলেন এবং অনেক রাত পর্যন্ত জেগে আর জাগিয়ে বোকে জ্ঞানদান করতে চেষ্টা করলেন—এ সংসারে তার কে আপন, কে পর। কাকে সমীহ করতে হবে, আর কাকে সম্মেহ করতে হবে।

কিন্তু পরদিন কি হবে?

অথবা তারও পরদিন?

পর পর চিরদিন?

সারদা সেই কথাই ভাবতে থাকে।

আজ তো গেল। কিন্তু কাল ?

এবং চিরকাল ?

রাস্তার জন্তে না হয় সিংহবাহিনীর শপথ। কিন্তু সংসারের আর দশজনের জন্তে কী ব্যবস্থা ? তাদের প্রল্লাস যখন বিষের প্রলেপ মেখে বুকে এসে বিধবে ? কি উত্তর দেবে সারদা ?

ঘরের প্রাঙ্গণ নেভানো, রাস্তা এখনো বারবাড়ি থেকে আসে নি।

বৈশাখের দুঃস্বপ্ন বাতাসে বৈশাখী চাঁপায় মদির গন্ধ, ছোট ছোট গবাক্ষ-পথেও সেই বাতাস বলকে বলকে ঢুকে পড়ছে, আর সারা ঘরে ছড়িয়ে দিচ্ছে তার সুবাস।

এই রাত্রি, এই মোহময় বাতাস, আর এই ব্যথায় টনটনে বৃক। এর মাঝখানে কি মনে আনা যায়, সারদা অনেকদিন স্বামীসঙ্গ পেয়েছে, সারদার ছেলের বয়স এখন বারো !

ভাবা যায়, সারদার আর জীবনের ভোগপাত্রের দিকে হাত বাড়ানো শোভন নয়, স্বামীর অধিকার স্বেচ্ছায় ত্যাগ করে, তাঁড়ারের হাঁড়িকুঁড়ির মধ্যে জীবনের সার্থকতা খুঁজে বার করাই এখন তার উচিত ?

আশ্চর্য, আশ্চর্য, কিছুতেই কেন বিশ্বাস হচ্ছে না এই ঘর সারদা এত দিন ভোগ করছে ?

বরং দৃষ্টি-অন্ধকার-করে-দেওয়া অশ্রু-বাষ্পের সঙ্গে বারে বারে মনে হচ্ছে, ক'দিনই বা !

মাঝে মাঝে কদাচ কখনো যে বাপের বাড়ি গিয়ে থেকেছে, সেইগুলোই যেন এখন মনে হচ্ছে বিরাট এক-একটা বিরতি !

কিন্তু গরীব গেরস্ত বাপ সারদার, কতই বা নিয়ে যেতে পেরেছে মেয়েকে ? ওর এই বোল-সতেরো বছরের বিবাহিত জীবনের মধ্যে দিন মাস বণ্টা মিলিয়ে হিসেব করলে না হয় চার-পাঁচটা বছর।

তা হলেও তো হাতে থাকে এক যুগ।

কখন কোথা দিয়ে পার হয়ে গেল সেই দীর্ঘ এক যুগ ?

আন্তে আন্তে ঘরে এসে ঢুকল রাস্তা। বরাবর যেমন ঢোকে। সারদা যে খন্নটাঁকে ব্যঙ্গহাসিতে অভিষিক্ত করে বলে “চোরের মতন”।

এই নতুন বিষের বরের ভজীটা আর কোনদিনই বহলাল না রাস্তার !

তবে কি সেও টের পায় নি কবে কখন তার বয়স আঠারো থেকে চৌত্রিশে এসে পৌঁছেছে? টের পায় নি, মাঝখানের সেই বয়সগুলো হাত কসকে পালাল কি করে?

তাই আজও শয়নমন্দিরে ঢুকতে তার লজ্জা।

আজ কিন্তু সমস্তটা দিন রাস্তার বড় যন্ত্রণায় কেটেছে। অব্যক্ত সেই যন্ত্রণাটা যেন ধরা-ছোঁওয়া যাচ্ছে না, শুধু মনটা ভারাক্রান্ত করে রেখেছে।

তা যন্ত্রণার কারণ আছে বৈকি।

এ যন্ত্রণা শুধু যে রূপসী স্ত্রীকে এখনো চোখে দেখতে পায় নি বলে তা নয়। কতব্যনির্ধারণের দ্বন্দ্বই বেচারী রাস্তাকে এত বিচলিত করছে।

অতঃপর রাস্তার কর্তব্য কি?

পূর্ব শপথ স্মরণ করে দ্বিতীয়ার মুখদর্শন না করা? সারদার প্রতিই একান্ত অহুরক্তি রেখে চলা? না শপথটা একটা মুখের কথামাত্র বলে উড়িয়ে দিয়ে—

যন্ত্রণা এইখানেই।

উড়িয়ে দিলে সারদা যদি ভয়ঙ্কর একটা কিছু করে বসে? তা ছাড়া সারদা মর্মান্বিত হবে, সারদা রাস্তাকে ধিকার দেবে, ঘৃণা করবে, এ কথা ভাবতেও তো বুকটা ফাটছে।

অথচ সারদার প্রতি সেই আত্মগত্যের শপথ রক্ষা করতে গেলে আর একটা নির্দোষ অবলা সরলার প্রতি অবিচার করা হয়। এতদিন পরে স্বামীগৃহে এসে স্বামীর এই নিষ্ঠুরতা দেখে, সেও কি দুঃখে লজ্জায় অভিমানে অপমানে দেহভাগ করতে চাইবে না? এতখানি আঘাত তাকে দেওয়া যাবে? যে নাকি “বৌ নয়, যেন পদ্মফুল!”

এই ঘোটানায় রাস্তা সারাদিন টুকরো টুকরো হচ্ছে।

তবু ঘরে ঢুকে সহজ হবার চেষ্টা করল রাস্তা। বলল, “উঃ, কী অন্ধকার!”

একটামাত্র মাটির প্রদীপে মস্ত একখানা ঘরের অন্ধকার দূরীভূত হয়, এ কথা রাস্তার আমলে হাস্যকর ছিল না। তাই সেই দীপশিখাটুকুর অভাবেই রাস্তা বলল, “উঃ, কী অন্ধকার!”

কিন্তু ও পক্ষ থেকে এ সম্পর্কে কোন সাড়া এল না।

রাস্তা যথানিয়মে দরজার হড়কোটা এঁটে সরে এসে বলল, “পিদ্দিম জাল নি যে ?”

এবার সারদা কথা বলল।

আর আশ্চর্য, ভিতরকার সেই বেদনা-বিধুর হাহাকার যখন ‘কথা’ হয়ে বেরিয়ে এল, এল তীক্ষ্ণ তীব্র একটি ব্যঙ্গের মূর্তিতে! হয়তো এইজন্যই ‘স্বভাব’ জিনিসটাকে মৃত্যুর ওপার পর্যন্ত বিস্তৃতি দেওয়া হয়েছে।

সারদা তীক্ষ্ণ হল ফোটার্নোর স্বরে বলে উঠল, “আর পিদ্দিম জালার দরকার কি? বাড়িতে বেকালে পুণিমা চাঁদের উদয় হয়েছে!”

“পুণিমা চাঁদ!”

রাস্তা সরল, রাস্তা অবোধ, রাস্তা এইমাত্র স্বর্গ হতে খসে পৃথিবীতে এসে পড়েছে। “পুণিমা চাঁদ মানে?”

“ও, মানে জান না বুঝি?” স্বামীকে যেন বিদ্রোপে খানখান করে দেয় সারদা, “কেন, বাড়িসুদ্ধ সবাই এত ধন্নি ধন্নি গাইছে, আর তোমার কানে ওঠে নি? তোমার দ্বিতীয়পক্ষর রূপেই তো ভুবন আলো গো! তাতেই আর তেল খরচা করে আলো জালি নি!”

রাস্তা হঠাৎ বল সঞ্চয় করে বলে ওঠে, “মেয়েমানুষ বড় হিংস্রটে জাত।”

“কী! কী বললে?” সারদা যেন তীক্ষ্ণতার প্রতিযোগিতায় নেমেছে, “মেয়েমানুষ হিংস্রটে জাত!”

“তবে না তো কি?”

“মহাপুরুষ পুরুষজাতটা একেবারে দেবতা, কেমন?” সারদা ক্ষুব্ধ গর্জনে বলে, “কি বলব—মুখ ফুটে তুলনা করে দেখাতে গেলে মহাপাতকের ভয়, তবু বলি—মেয়েমানুষের অবস্থার সঙ্গে একবার নিজেদের অবস্থা মিলিয়ে দেখ না! পরিবার যদি একবার পরপুরুষের দিকে তাকায়, তা হলে তো মহাপুরুষদের মাথায় খুন চাপে।”

রাস্তা ধিকার-বিজড়িত কণ্ঠে বলে, “ছি ছি, কিসের সঙ্গে কী! পর-পুরুষের নাম মুখে আনতে লজ্জা করল না তোমার? দ্বিতীয়পক্ষ বুঝি পরস্ত্রী? ছিঃ!”

সারদা কিন্তু এ-হেন ধিকারেও বিচলিত হয় না, তাই অনমনীয় কণ্ঠে বলে, “তা দ্বিতীয়, তৃতীয়, চতুর্থ যত ইচ্ছে ‘পক্ষ’ জুটলে আর পরস্ত্রীতে দরকার? মেয়েমানুষের ভোঁ আর সে সুবিধে নেই?”

রাস্তা হতাশ কণ্ঠে বলে, “হিংসের জালায় তোমার দিগ্বিদিক জ্ঞান ঘুচে গেছে বড়বো, তাই বা নয় তাই মুখে আনছ! নতুন বোকে আমি আনাতে যাই নি, গুরুজনরা বুঝেই এনেছে। নইলে এতাবৎ কাল তো সেখানেই পড়ে ছিল!”

“ওঃ ইস! ছুঃখু ষে উথলে উঠছে দেখছি! পড়েই ছিল! আহা-হা, মরে যাই, অথই জলে পড়ে থেকেছিল একেবারে!”

সারদা ছুরি দিয়ে কেটে কেটে কথা বলে, “আমি কিন্তু সারফ কথা কয়ে দিচ্ছি, ভাগাভাগির ইলুতেপনায় আমি নেই। আমার চাও তো ওকে স্পষ্ট করতে পাবে না, আর ওকে চাও তো, আমি—”

হঠাৎ কণ্ঠ রুদ্ধ হয়ে যায় সারদার। আর এই রুদ্ধ কণ্ঠেই বড় ভয় রাস্তার।

আরও হতাশ গলায় বলে সে, “তা আমার কি করতে বলো? মাথার ওপরকার গুরুজনরা যে ব্যবস্থা দেবে তাই মানব, না চেষ্টামেচি করে তার প্রতিবাদ করব?”

“কি করবে সে তোমার নিজের বিবেচনা! তুমিও কিছু কচি খোঁকাটি নও। মাথার ওপরকার গুরুজন যদি বিষ খেতে বলে, খাবে? খুড়োঠাকুর ধম্ম করলেন, ভদ্রলোকের জাত রক্ষা করলেন আমার বুকে বাঁশ ডলে! এতই যদি ধম্মজ্ঞান, নিজেই কেন—”

“বড়বো!” হঠাৎ ধমকে ওঠে রাস্তা, “কি বলছ কি? উন্মাদ হয়ে গেলে নাকি?”

সারদা ঝপ করে বিছানায় শুয়ে পড়ে গম্ভীর গলায় বলে, “উন্মাদ হবার ঘটনা ঘটলে মাহুয় উন্মাদ হবে, এ আর আশ্চর্য্য কি? খুড়োঠাকুর যদি তখন আমার ঘর না ভাঙতেন, তা হলে বরং আজ ওনার ভাঙা ঘর ভরত।”

“বড়বো! কাকে নিয়ে তুলনা? এসব অকথা কুখথা মুখে উচ্চারণ করলেও মহাপাতক হয় তা জান?”

“মুখে উচ্চারণ করলে মহাপাতক, কিন্তু মনে? মনকে কেউ শাসিলে রাখতে পারে? যাগ গে, ভাল-মন্দ কিছুই বলব মা আমি। আমার বা বলবার বলেছি।”

রাস্তা আপসের সুরে বলে, “অতই বা খাপ্লা হচ্ছ কেন বড়বো? তুমি ঘরপী পিন্নী, বলতে গেলে জোয়ান ব্যাটার মা। তোমার জায়গা কে কাড়ে?”

তবে লোক-গাথতা একটা কথা আছে তো ? ওকে একেবারে ভাসিয়ে দিলে—”

সারদা গম্ভীরভাবে বলে, “মা সিংহবাহিনীর নামে দ্বিব্য গেলেনি, সে কথা বোধ হয় তুলেই গেছ ?”

“তুলে যাব কেন,” রাস্তা অসন্তুষ্ট স্বরে বলে, “কিন্তু লোকে কি বলবে, সেটাও তো চিন্তা করতে হবে ?”

সারদা আবার ঝপ করে উঠে বসে। বলে, “কেন, লোককে বোঝাবার উপায় নেই ? লোক বোঝাতে কত কল-কাটি আছে ! লোককে বলতে পারবে না, কোনও সাধু-ফকির তোমার হাত দেখে বলেছে, ওই দ্বিতীয় পক্ষের পরিবারকে স্পর্শ করলে তোমার পরমায়ু-ক্ষয় যোগ আছে ?”

আটাশ

সংসারস্থল সকলেই আশা করেছিল প্রস্তাবটা সারদার দিক থেকেই উঠবে। কারণ সত্যিই কি আর এতটা বেয়াকলে আর চক্ষুজ্বালাইন হবে সে ? কিন্তু আক্কেল সম্পর্কে নিতান্ত উদাসীন হয়েই অনেকগুলো দিন কাটিয়ে দিল সারদা। চক্ষুজ্বার প্রকাশ দেখা গেল না।

তাহলে ?

চোখে আঁজুল দিয়ে দেখানো ছাড়া তো উপায় নেই। কিন্তু সেই আঁজুলটা বাড়ায় কে ? যে মুখরা সারদা, সুষোণ পেলে গুরুজনকেও রেয়াত করে কথা কয় না। ঘোমটার মধ্যে থেকেই এমন কুটুস কামড়টি দেয়, তাতে কামড়াহতের সর্বান্তে জালা ধরে যায় !

কাজেই আড়ালে-আবডালে সমালোচনা উদ্দাম হয়ে ওঠে। বস্তুতঃ এখনকার অবস্থা এই, সারদা এখনই যে কাজে এক জায়গা থেকে আর এক জায়গায় গিয়ে পড়ে, দেখে দু-তিনটি মুখ একত্র হয়ে গুঞ্জন করছে, সারদা গিয়ে পড়তেই ঝপ করে গুঞ্জনটা থেমে যায়, এবং মুখগুলি বিভক্ত হয়ে গিয়ে সহসা বা হোক একটা কাজের কথা নিয়ে সোরগোল শুরু করে দেয়।

সারদা কি বোঝে না কি কথা হচ্ছিল ওদের ? বোঝে বৈকি। বুঝে

মাথা থেকে পা অবধি ‘রি রি’ করে জলে ওঠে তার। তবু বুঝতে না পারার ভানটাই চালিয়ে যায় সে। চালায় এইজন্তে, জানে ‘বুঝতে পেরেছি’ বলার সঙ্গে সঙ্গেই সমস্ত ব্যাপারটা নিরাবরণ হয়ে যাবে, যেটুকু চক্কলজ্জার আড়ালে-আবডালে রেখে ঢেকে বলছে ওরা, সেটুকু ঘুচে গিয়ে প্রকাণ্ড আক্রমণের পথে নেমে আসবে। কাজেই, ওই মুখোমুখিটা যতক্ষণ এড়ানো যায়!

তা ছাড়া এমনিতেই সারদা বিশেষ আত্মস্থ, গায়ে পড়ে কিছু বলতে যাওয়া বা জবাব দিতে যাওয়া ওর স্বভাবই নয়।...

কিন্তু ওঁরাই এবার গায়ে পড়ে বলতে আসার সংকল্প গ্রহণ করেছেন। সারদার নিজের শাণ্ডী আর পিসশাণ্ডী শশীতারা। এই পিসশাণ্ডীটিকে জীবনে এই প্রথম দেখল সারদা। কারণ প্রায় বছর তিরিশ পরে তিনি পিত্রালয়ে এসেছেন। এতদিনের বিরতির কারণ অবশ্য বৈবাহিক কলহ। তা দুই বৈবাহিকের একজন তো বছরদিন গত হয়েছেন, কুঞ্জ রামকালী আর শশীতারার বাবা জয়কালী। অপরটি, অর্থাৎ শশীতারার স্বপ্নর নাকি এতদিন বেঁচে থেকে পুত্রবধূর পিত্রালয়ের পথের কাঁটাটি দৃঢ়মূল রেখেছিলেন।

সম্প্রতি তাঁর আঁক চুকেছে, শশীতারা এত বছর পরে পিত্রালয়ে এসেছেন। এখন কিছুদিন থাকবেন।

এসে দিন দুই লেগেছে তাঁর সংসারের হালচাল বুঝতে, তারপর কার্যক্ষেত্রে নেমেছেন। সংসারে নিজের ভাই কুঞ্জর প্রতিপত্তিহীন অবস্থা, ও সত্যতো ভাই রামকালীর ‘বোলবোলাও দাপট’টা তাঁর বুকে শেল বিঁধেছে, এবং রাস্তুর ‘প্রথম পক্ষ’র নিলজ্জতায় গালে হাত দিতে বাধ্য হয়েছেন তিনি।

অবাক হয়ে বলেছেন, “হ্যাঁগা, ও বুড়োমাগী গায়ের জোরে বর আগলে বসে থাকবে, আর সোমন্ত যুবতী বৌটা শাণ্ডীর ঘরে শুয়ে ঘরের ‘আড়া’ গুনবে? এই তোমরা চলতে দিচ্ছ? বলি ছেলেটার কথাও তো ভাবতে হবে? তার টাটকাটি রইল ধামাচাপা দেওয়া, আর শুকনো বাসিটার মন সন্তোষ করে থাকার জুলুম? এতখানি বয়সে এমন কথা শুনি নি দেখি নি।”

সারদার শাণ্ডী স্বদীর্ঘকালের অদেখা নবদ্বিনীটিকে পরম আত্মীয়ের

অধিকার দিয়ে বিগলিত স্বরে বলেন, “দেখ ঠাকুরঝি, দেখ। যত থাকবে ততই বুঝবে। একে তো তোমার দাদার ওই মিনমিনে স্বভাবের জন্তে আমি চিরদিন বড় হয়েও ছোট, হাঁড়ি-হেঁসেল ছাড়া আর কিছু দেখলাম না। তার ওপর বোটি হয়েছেন জাঁহাজ। এমনিতে দেখবে ওকে কাকুর লাতে-পাঁচে নেই, কিন্তু অহঙ্কারে মটমট। কাকুর মতে চলাতে যাও দিকি? চলবে না। আর এমন রাশভারী প্রিকিতি, ডেকে একটা কথা বলতে সাহস হয় না।”

“তোমাদের হয় না, আমার হবে।” শশীতারার দৃঢ় রাস দেন, “এ নিষিদ্ধ-পনার বিহিত আমি করে ছাড়ব।”

বিহিত করতে ভাজকে নিয়ে এজলাসে এসে আসামীকে তলব করলেন শশীতারার।

সারদা এল, ঘাড় হেঁট করে বসে বোমটার মধ্যে থেকেই মুহু অথচ স্পষ্ট স্বরে বলল, “কি বলছ?”

শশীতারার নড়েচড়ে বসে হাতপাখা নাড়তে নাড়তে বললেন, “বলছি একটা নেঘ্য কথা। মনে কিছু করো না। আক্কেল যাদের শরীরে নেই, তাদের আক্কেল করাতে হলে চোখে আঙ্গুল দেওয়া ভিন্ন তো গতিও নেই। তাই দেব। তাতে চোখে যদি তোমার জ্বালা ধরে, আমার কিন্তু ছুঁষো না বাছা!”

সারদার কণ্ঠ থেকে একটু হাসির আওয়াজ পাওয়া গেল, “তোমাদের ছুঁষব? এত আসপদা আমার পিসীমা?”

“আসপদা!” শশীতারার পাখার বেগটা বাড়িয়ে দিয়ে বলেন, “না, আসপদা তোমার দেখি না বটে, কিন্তু আক্কেলটুকুও তো তিলমাস্তর দেখি না বাছা? নতুন বোমার দিকটা তো একেবারে ভাবছ না!”

পরক্ষণে শশীতারার আর তার ভাজকে অবাক করে দিয়ে সারদার মুহুকণ্ঠের স্পষ্ট স্বর ধ্বনিত হয়, “আমি না ভাবলাম, তোমরা এতজনে তো ভাবছ!”

“এতজনে ভাবছি? আমরা এতজনে ভাবছি! তুমি যে অবাক করলে বড় বোমা! আমরা ভেবে তার কী উৎসাহটা করতে পারব ওনি? তুমি এদিকে আপ্তবাতী হবার ডগ্ন দেখিয়ে সোয়ামীকে শাসিয়ে রেখেছ, ভয়ে

কাঁটা হয়ে আছে সে, আমরা কি করব? এই তো সিঁদ্রিনকে রাস্তিরে ছোঁড়াকে হাত ধরে হিঁচড়ে এনে বললাম, ‘রাস্ত, তুই ইদিকে আস। ঘরের তো অভাব নেই বাড়িতে! এ ঘরে নবাবী পালক না থাক, সোয়ামী পেলে নতুন বোয়ের এখন আমতক্তাই রাজতক্ত।’ তা আনতে কি পারলাম? ভয়ে সিঁদ্রিয়ে হাত ছাড়িয়ে পালিয়ে গেল। বলে কি, ‘তাহলে তোমাদের বড়বো আগুঘাতী হবে।’...হ্যাঁ গা, বাপ তো তোমার শুনলাম ভালমাহুষ, তোমার এ কী ছোটলোকমি!”

শশীতারার কথা শেষ হওয়ার সঙ্গে সঙ্গে ঘরের মধ্যে যেন একটা তীব্র বিদ্যুৎ ঝলসে ওঠে। বিদ্যুটটা আর কিছু নয়, সারদার চোখের আগুন। হঠাৎ মুখ তুলতে গিয়ে মাথার ঘোমটাটা খসে গিয়েছিল সারদার। ঘোমটাটা আবার একটু তুলে মুখ প্রায় অনাবৃত রেখেই সারদা বলে, “দশচক্রে ভগবান ভূত হয় পিসীমা, তার মাহুষ তো কোন্‌ ছার! পাকেচক্রে ভদ্রলোকের মেয়ে ছোটলোক হয়ে উঠবে এতে আর আশ্চর্য্য কি!”

একে মুখ খোলা, তাতে এই বাক্য।

সারদার শাশুড়ী বোধ করি নিজের মর্খাদা সম্পর্কে এবার সচেতন না হয়ে পারেন না। তাই নথপরা মুখ ঘুরিয়ে বলে ওঠেন, “মুখের ঘোমটা খুলে শাশুড়ীদের সঙ্গে ঝগড়া করছ তুমি বড় বোমা! বুকের পাটা তোমার এত কিসের! জান, জন্মের শোধ বাপের বাড়ি বিদেশ করে দিতে পারি তোমায়?”

এজলাসটা বোধ করি সারদার ধারণার জগতে ছিল, আর সওয়ারলের জন্মে প্রস্তুতও ছিল সে। তাই তীক্ষ্ণ একটু হাসির সঙ্গে বললে, “জন্মের শোধ যদি যেতেই হয় তো বাপের বাড়ি যাব কেন? ঘরের বাড়ি তো কেউ কেড়ে নেয় নি!”

শশীতারা এবার চাকা নথ ঘুরিয়ে ঝঙ্কার দিয়ে ওঠেন, “ঘরের বাড়ির ভয় দেখিয়ে আমাদের জন্ম করতে পারবে না বড় বোমা, আমরা রাস্ত নই। বলি ওই যে একটা বড়ঘরের মেয়ে এসেছে, যার বাপ বরবসতের জীব্যিতে বাড়ি ভরিয়ে দিয়েছে, তার দাবি-দাওয়াটা মানবে না তুমি? আর ওই রূপের কাপড় টাটকা পদ্মক্স, সোয়ামীকে তুমি এর ভোগ থেকে বঞ্চিত করছ, এতে যে তোমার নরকেও ঠাই হবে না!”

হঠাৎ ছেলে উঠে সারদা দিবিয় স্পষ্ট পলায় বলে, “ভালই তো পিসীমা।

নরকে ঠাই না হলে সগুণে যাব। দুটো বৈ তো আর দশটা জায়গা নেই।”

দুটো গিন্নীকে হতবাক করে দিয়ে উঠে দাঁড়ায় সারদা। “তালের বড়া খেতে চেয়েছে ছোট ঠাকুরপো, তালগুলো মেড়ে রাখিগে।”

অর্থাৎ তোমাদের কাঠগড়া থেকে ফসকে পালাচ্ছি এবার।

শশীতারার বোঝেন, যেমন ভেবেছিলেন ঠিক তেমনটি নয়। খিঙ্কার দিয়ে বিচলিত করে কাঁধসিঁদ্ধি করা যাবে না। অল্প চাল চালেন তিনি। বলেন, “সভ্যতা-ভব্যতার পাঠশালার দেখছি একেবারেই পড় নি তুমি বড় বৌমা! গুরুজনের সামনে থেকে অভ্যুত্থি না নিয়ে উঠতে, আমি আমার স্বস্তরবাড়ির দিকের কোন কি-বোকে কখনও দেখি নি। আমরা নিজেরাও—গুরুজন ডেকে একটা কথা শুধোলে ঘাড় নেড়ে ‘হ্যাঁ হ’ করে উত্তর দিয়েছি, উঠে যেতে না বললে ঘাড় গুঁজে বসে থেকেছি।”

সারদাকে এতেও অপ্রতিভ করা যায় না, সে তেমননি মূহু হাসির সঙ্গে বলে, “বসবার অবকাশ থাকলে তো বসে থাকাও একটা সুখ পিসীমা!”

“হঁ! কথার পিঠে কথা দেওয়াই তোমার রোগ দেখছি। হাবাগজা শাউড়ী পেয়েছ, তাই এমন দুরবস্থা হয়েছে। যাক বলি শোন, আপস-মীমাংসার কথাই কইছি। ঘরগী গিন্নী বেটার মা তুমি, অনেকদিন তো সোয়ামীকে ভোগ করলে! ওকে একেবারে ভাসিয়ে দিলে চলবে কেন? ওরও আগুন-সাক্ষী বিয়ে। আমি বলি কি একটা পালা ঠিক করো।”

মনে মনে হাসেন শশীতারার, একবার যদি রাহুকে নতুনের নেশা ধরিয়ে দেওয়া যায়, তার পর দেখা যাবে তোমার কত আদর থাকে! দেখা যাবে কোথায় থাকে তোমার ঐ তেজ! ওই বোয়ের আশ্বাদ পেলে, তুমি পলায় দড়ি দিলে, কি জলে ডুবলেও কিছু এসে যাবে না রাহুর!

‘পালা’র বুদ্ধিটা মাথায় আসার জন্তে নিজেকে নিজে তারিফ করেন শশীতারার।

কিন্তু সারদা সে তারিফ বেশীক্ষণ বজায় থাকতে দেয় না। তীব্রকণ্ঠে বলে, “তোমাদের অভ্যুত্থি না নিয়েই যাচ্ছি, পিসীমা! এসব নিচু কথা শুনতে মাথা কাটা যাচ্ছে।”

“আঁ! আঁ! ? কী বললি? আমরা নীচু কথা কইছি? ছোটলোকের যেটি.

হাষরের মেয়ে! বলতে জিভ আড়িয়ে গেল না?” শশীতার্না ধেই ধেই করে নেচে ওঠেন, “খুব উচু কথাটা তুমি কইছ বটে! একলা খাব, একলা পরব, একলা ভোগ করব, এই তো মহত্বের কথা! ‘পালা’ করাটা নিচু কথা হল! বলি তাতে তো দু দিকই রক্ষা হয়!”

সারদার বোধ করি কী একটা কঠিন কথা মুখে আসে, কিন্তু সেটা কষ্টে দমন করে বলে, “দু দিক রক্ষার দরকার নেই, এক দিকই রক্ষা করো তোমরা।”

এরপর আর দাঁড়ানো চলে না।

মান-সম্মান বজায় রাখা শক্ত হবে। সারদার নিজের চোখই তাকে অপদস্থ করে ছাড়বে।

দু-দুটে গিন্নীকে পাথর করে দিয়ে চলে যায় সারদা।

এই চরম অপমানের মুহূর্তে ভুবনেশ্বরীকে মনে পড়ে তার। সারদার ভাগ্যটাই মন্দ, নইলে অমন একটা স্নেহের আশ্রয় হারায় সে? ভুবনেশ্বরীর কি এখন মরবার বয়স?

হ্যাঁ, সারদা নির্লজ্জ, সারদা বেহায়া, সারদা সার্থপর। কিন্তু পরার্থপরতার উদার হবার ভাগ্য সে পেল কবে? ভাগ্য যে তাকে বঞ্চনাই করেছে। আর সে বঞ্চনা এসেছে তার গুরুজনদের হাত থেকেই।

গুরুজনদের প্রতি শ্রদ্ধা সম্মান তার আসবে কোথা থেকে? বিষপাত্রের বিনিময়ে কে অমৃতপাত্রের উপহার নিয়ে হাত বাড়ায়?

শশীতার্না গালে হাত দিয়ে অভয়াকে উদ্দেশ্য করে বলেন, “মাগ্নে বড় গুরুজন তুমি বৌ, তোমার পায়ের ধুলো নেবারই কথা। তবু বলি তোমার পায়ের ধুলোয় গড়াগড়ি দিতে ইচ্ছে করছে। এই কালকেউটে নিয়ে ঘর করছ তুমি?”

কুন্ত-গৃহিণী কপালে হাত ঠেকিয়ে বলেন, “অদেউ ঠাকুরঝি!”

আসল কথা “অদেউ”টা তাঁর নিজের কাছে ধরা পড়েছে এই সম্প্রতি। ননদিনির দ্বিব্যদষ্টির প্রভাবে। এবং এষাবৎ বসন্ত বোকামি করে এসেছেন, স্নেহ-আগলে সেটা উত্তল করে নিতে ইচ্ছে হচ্ছে তাঁর!

“ওই কালনাগিনীর দিক থেকে রান্নার মন একেবারে ঘুরিয়ে দিতে পারি, এমন ‘গুঘু’ আমায় জানা আছে বৌ—” শশীতার্না চাপা হিংস্রত্বের বলেন,

“অব্যর্থ তুচ্ছ। রাস্তা তোমার ছটফটিয়ে এসে নতুন বোর পারে এসে পড়বে, বড়বোকে জন্মের বিষ দেখবে!”

ভাজ অবাক হয়ে বলেন, “সত্যি ঠাকুরঝি, তেমন ওষুধ তোমার জানা আছে?”

শশীতারার মুখে একটি বিচিত্র হাসি ফুটে ওঠে, “জানা না থাকলে আর তোমার নন্দাইকে অমন কেনা গোলাম করে রেখেছি? বয়সকালে কি কম দুর্দান্ত ছিল নাকি? সম্পর্ক অসম্পর্ক মানত না, রূপসী মেয়েমানুষ দেখলেই উন্মাদ হয়ে উঠত। এক বাগদীবুড়ী শেখাল আমায় সেই তুচ্ছ, তার পর থেকে এমন নেলাখেপা হয়ে গেল যে, আমি বৈ আর কিছু জানে না। আমি উঠতে বললে ওঠে, বসতে বললে বসে, খেতে বললে খায়, ঘুমতে বললে ঘুমোয়। আমার মুখের দিকে ফ্যালফেলিয়ে তাকিয়ে থাকে। আমি বলি থাক, ওই আমার ভাল, নাই বা রোজগার করল, নাই বা হট্টগোল করে বেড়াল, ভাতের তো অভাব নেই ঘরে! আমার আঁচলটিতে তো বাঁধা রইল জন্মের শোধ!”

রাস্তার মা ইতস্তত করে বলেন, “কোন শেকড়বাকড় নাকি? রাস্তার কোন ক্ষেতি হবে না তো?”

“শোন কথা! সে কাজ আমি করব? এ আর কিছুটি নয়, শুধু একজনের থেকে মন ঘুরে আর একজনের ওপর পড়া। তাহলে বলি শোন, তোমার কপালক্রমে এই পরশুই আমাবস্তে আসছে—একেবারে দুপুররাতে নতুন বোমা যদি এলোচুলে বিবস্ত্র হয়ে একটা কলাগাছের গোড়ায় এক ঠোকাল একটা ছুঁচ বিঁধে দিয়ে আসতে পারে, তাহলে—”

কথা শেষ হয় না শশীতারার, সারদার ছেলে দৌড়ে এসে বলে, “তোমরা শীগগির চলে এস, মেজঠাকুন্দা অজ্ঞান হয়ে গেছে।”

মেজঠাকুন্দা!

মানে রামকালী?

যিনি জ্ঞানের পারাবার! রামকালী অজ্ঞান হয়ে গেছেন, এ কী অদ্ভুত ভাষা?

সকলেই দৌড়ায়।

তবে কি রামকালীও ভুবনেশ্বরীর মত বিনা নোটিশে—

ব্যাপারটা এত জানাজানি হল, ভিতরবাড়িতে পড়ে গিয়ে। বারবাড়িতে পড়লে অন্ততঃ মেয়েমহলের দল এভাবে ধারে কাছে গিয়ে হা-হতাশ করতে পারত না।

যাদের স্পর্শের অধিকার আছে, তারা মুখে মাথায় জল ঢেলে, গঙ্গা বইয়ে ছিল, বাড়িতে যত হাতপাখা এনে জড় করল। এ শুধু দুর্ভাবনাই নয়, এক প্রকার রোমাঞ্চও। যে মাছুষটার মুখের দিকে কেউ কোনদিন স্পর্শ করে তাকিয়ে দেখবার সাহস পায় নি, সে মাছুষটা অসহায় ভাবে চোখ মুদে পড়ে আছে, তাকিয়ে দেখতে পাওয়া যাচ্ছে কেমন তার নাকমুখ, করুণা করা যাচ্ছে তাকে জল দিয়ে বাতাস দিয়ে, এটা প্রায় স্থবের পর্যায়েই পড়ে।

সারদাও একখানা হাতপাখা নিয়ে এসেছিল, আর দূর থেকে বাতাস করছিল, এবং ভাবছিল, আশ্চর্য, এতদিন ঘর করছি, মাছুষটা কেমন দেখতে তা তো কোনদিন দেখি নি। একেই কি বলে “তপ্ত-কাঞ্চন-বর্ণাভাং—”

ভয়ঙ্কর একটা আবেগের আলোড়নে চোখে ছলনা করে জল এসে যায় সারদার, এ হেন স্বামীকে ফেলে চলে যেতে হয়েছে মেজখুড়ির? আর তাই বুঝি স্বর্গেও তিষ্ঠোতে পারছেন না, আকর্ষণ করে টেনে নিয়ে যেতে চাইছেন নিজের কাছে? মনের মত স্বামী এমনি জিনিস! তার পর চোখ মুছে ভাবল, মেজখুড়ো আমাদের মায়া কাটিয়ে চললেন!

কিন্তু আপাতত দেখা গেল সারদার আশঙ্কা অমূলক। চিরশাস্ত চির-সুকুমার কীর্ণশক্তি ভুবনেশ্বরীর আকর্ষণ মাধ্যাকর্ষণের চেয়ে জোরালো হল না।

রামকালী চোখ মেললেন।

চারিদিকে এতগুলো মুখ দেখে ভুরুটা জঁবৎ কঁচকে গেল, আবার চোখ বুজলেন। আর অনেকক্ষণ পরে বললেন, “আমাকে বাইরে চণ্ডীমণ্ডপে বিছানা করে দাও।”

হ্যাঁ, বাইরেই গেলেন রামকালী। মেয়েদের এই হা-হতাশ তাঁর অসহ্য, নিজের কাছে নিজে ভয়ানক লজ্জিত হচ্ছেন। রামকালীর পক্ষে এ হেন দুর্বলতা স্বাভাবিক অযোগ্য। রামকালী জ্ঞান হারিয়ে পড়ে গেলেন, পাঁচজনে মুখে-মাথায় জল ছিল, হা-হতাশ করল, এর চাইতে মৃণ্য ব্যাপার আর কি আছে।

এ রকমটা হল কেন ?

অনেকদিন থেকেই যেন ভিতরে ভিতরে একটা ক্ষয় চলছে, যেন একটা ভাঙনের পদক্ষেপ নিশ্চিতে পাচ্ছেন। শরীর খারাপ হয়ে গেছে। সেই থেকেই গেছে।

রামকালীর মধ্যেও একটা আবেগের আলোড়ন উঠল। সেই ছোটখাটো মানুষটা, যাকে রামকালী কোনদিনই পুরো একটা মানুষ বলে গণ্য করেন নি, যে যে দৃঢ়কঠিন রামকালীর ভিতরের এতটা শক্তি হরণ করে ফেলবে, এ রামকালীর ধারণার মধ্যেই ছিল না।

ভুবনেশ্বরী সম্পর্কে যেন তাঁর একটা বাৎসল্যমিশ্রিত প্রীতি ছিল, জীবনের কোন আদর্শে, কোন চিন্তায়, কোন স্মৃতিতে তাকে ভাক দেন নি। আজ মনে হচ্ছে, সম্পূর্ণ বিচার করেন নি রামকালী স্ত্রীর উপর। চিরদিন যাকে ছোট ভেবে এসেছেন, সে হয়তো তেমন ছোট ছিল না, যাকে সামান্য ভেবেছেন, সে হয়তো সামান্য নয়। রামকালী যদি তাকে স্নেহের সঙ্গে কিছু প্রজ্ঞাও দিয়ে হৃদয়ের সহধর্মিনী করে তুলতে পারতেন, হয়তো সারাটা জীবন এতখানি নিঃসঙ্গ হয়ে থাকতেন না।

মৃত্যুর মহিমায় ভুবনেশ্বরী যেন বড় হয়ে উঠেছে।

বিছানায় শুয়ে শুয়েই সংকল্প করলেন রামকালী, শীঘ্রই তীর্থযাত্রা করবেন। বায়ু-পরিবর্তনের প্রয়োজন হয়েছে।

বায়ু-পরিবর্তন ভিন্ন ভাঙন ধরা স্বাস্থ্যের ক্ষয়পূরণ সম্ভব নয়।

তীর্থযাত্রার সংকল্প ঘোষণা করলেন রামকালী।

দু-তিনটে দিন রামকালী সম্পর্কে উদ্বেগ নিয়েই দিন গেছে সকলের, রাস্তা বারবাড়িতে চণ্ডীমণ্ডপেই রাত কাটিয়েছে কাকার নিষেধ সত্ত্বেও, চুপি চুপি— তাঁর অলক্ষ্যে।

আজ আবার স্বাভাবিকত্ব এসে সংসারে। যদিও রামকালীর তীর্থযাত্রার সংকল্পে ভয় ভাবনা আতঙ্ক খেঁচা দিল, তবু সেটা তো আজই নয়। তীর্থযাত্রার অনেক ভোড়ভোড়।

রাস্তাকে আজ শশীভারা আবার ডেকে পাঠালেন। বললেন, “দেখ পুরুষের চামড়া যদি গায়ে থাকে তো, বোয়ের নাকেকারায় ভিজিস নে। আগুবাতি অগ্নি হলেই হল। আজ তুই ইদিককার ঘরে শুবি।”

তিন-তিনটে রাত বাইরের ঘরে কাটিয়ে রাস্তার মন চঞ্চল, এ প্রস্তাবে আরও চঞ্চল হয়ে ওঠে। অথচ সারদার উপায় নেই। এ যেন পেটে থিড়ে, সামনে স্থখাচ্ছ, অথচ মুখ বাঁধা!

তা ছাড়া রাস্তা সারদা নয় যে, এসব কথার পিঠে কথা কইবে। লজ্জায় ঝাড় হেঁট করে থাকে সে। শশীতারার বোঝেন মৌনঃ সন্মতি লক্ষণম্! হঠাৎ চিন্তে বলেন, “তোকে কিছু ভাবতে হবে না, তুই শুধু খাওয়ার পর আমার ঘরে এসে বসবি। পিসি-ভাইপোয় গল্প করবার ছুতোয় বাতটা একটু ঘোর করে দেব, তার পর—আহা নতুন বোটার মনের দিকে একটু তাকাবি না তুই? ভাববি না তার কথা?”

রাস্তার চোখে জল এসে পড়ে, সে তাড়াতাড়ি সরে যায়। নতুন বোয়ের কথা ভাবছে না সে? অহরহই তো ভাবছে।

কিন্তু ষাকে নিয়ে এত দুর্ভাবনা শশীতারার, সে কোথায়? পাটমহলের লক্ষ্মীকান্ত বাঁড়ুয়োর নাতনী পটলী!

সে যেন একটা অদ্ভুত ভয়ে কাঁঠ হয়ে আছে। এতদিন অবশ্য সে চিনে ফেলেছে কে তার সতীন। সতীনকে যে এতটাই ভীতিকর মনে হয় তা বুঝি ধারণা ছিল না তার। সারদার মুখের দিকে কোনদিন ভাল করে তাকাতে পারে না সে। কথা বলা তো দূরের কথা।

অথচ সারদা হরদমই তার সঙ্গে কথা বলে। সংসারের সবাইকে খেতে দেওয়ার ভার যে সারদারই হাতে—অগত্যা পটলীকেও তার হাতে পড়তে হয়েছে। তার শাশুড়ী দু-চারদিন নিজের এক্সারে রাখবার চেষ্টা করে অক্ষমতাবশতই হাল ছেড়ে দিয়েছেন।

সারদা ফি হাত ডাকে, “নতুনবো খাবে এসো, ...নতুনবো এখন মুড়ি খাবে?...নতুনবো তুমি মাছের পেটি ভালবাস না দাগা?...নতুনবো তুমি ছ্যাচা আমের আচার খাও না?...নতুনবো আচারের তেল দিয়ে কংবেল মেখে খেয়েছ কোনদিন? খাবে তো বল মাখি?”

নতুনবো যে কার নতুন বো সে কথা যেন জানে না সারদা। কুটুম্বের মধ্যে এলেছে, তাকে আদরবশত করছে ভারপ্রাপ্ত কর্মচারী।

আজও ফুলুরি আর তিলপিটুলি বেগুনভাজা করে একবাটি হাতে নিয়ে ডাকতে এসেছিল সারদা, নতুনবোকে, “খাবে গরম গরম?”

পটলী মাথা নেড়ে বলল, “না।”

সারদা একটু আশ্চর্য হল। কারণ নতুনবো কোনদিন কিছুতেই ‘না’ করে না। করে না বলে মনে মনে বরং একটু কৌতুকই অনুভব করে সারদা। ভাবে, ভাল করে খাইয়ে-দাইয়ে ঠাণ্ডা করে রাখা যাবে ওকে।

পটলী যে ভয়েই ‘না’ করতে পারে না, সেটা বোঝে না সারদা। হয়তো বোঝার কথাও নয়। আজ ‘না’ শুনে বলে, “কেন গো খাবে না কেন, খিদে নেই?”

পটলী মাথা আরও নিচু করে মাথাটা আর একবার নাড়ে।

সারদা একটু চুপ করে থেকে মুচকে হেসে বলে, “কেন বল তো নতুনবো? তোমার তো কখনও অগ্নিমান্দ্য দেখি নে?”

এরপর নতুনবোয়ের দিক থেকে কোনও সাড়া আসে না, শুধু তার ঘাড়টা আরও হুয়ে পড়ে। সারদা চলে যেতে উদ্বৃত্ত হয়ে বলে, “তবে নয় দুটো তিলেরনাদু পাঠিয়ে দিই গে, খেয়ে জল খাও।”

এবার হঠাৎ নতুনবো বলে ওঠে, “তুমি আমায় এত যত্ন করো কেন?”

সারদা বোধ করি এ প্রশ্নের জন্ত আদৌ প্রস্তুত ছিল না, তাই হঠাৎ একটু থতমত খেয়ে যায়, তবে সে মুহূর্তের জন্ত। পরক্ষণেই তীক্ষ্ণ একটু হেসে বলে, “করব না কেন, যত্ন করবারই তো সম্পর্ক গো।”

এতক্ষণ বাড়ি নিচু ছিল, এবার বোধ করি অজ্ঞাতসারেই মুখটা তুলে ফেলে পটলী, আর দীর্ঘ পল্লবচ্ছন্ন দুটি চোখের কোল বেয়ে দু ফোঁটা জল গড়িয়ে পড়ে তার। সে চোখের দৃষ্টিতে ফুটে ওঠে একটা অসহায় ভংগনা। সে দৃষ্টি সারদার উপর নিবন্ধ রেখেই বলে, “তামাশা করছ?”

মুখরা সারদা সহনাই যেন মুক হয়ে যায়। ওই দুফোঁটা চোখের জলের দিকে তাকাতে পারে না, আর ভগবান জানেন কোন্ এক অভূত হৃদয়-রহস্তে সারদার নিজের চোখ দুটোও জলে ভরে ওঠে।

তবু নিজেকে সামলে নিয়ে সে বলে, “করলামই বা একটু তামাশা? করতে নেই?”

পটলীর বোধ করি এতক্ষণে খেয়াল হয় যে, তার চোখ দুটো শুধু দু ফোঁটা জল ফেলেই কান্ড হয় মি। তাই সে দুটোকে নামিয়ে ফেলে এবার। আর কষ্টে গলার স্বর পরিষ্কার করে বলে, “আমি তো তোমার শত্রুর, আমাকে বিদেয় করে দাও না? তুমি বাঁচ, আমিও বাঁচি।”

সারদা দ্বিধা বিষণ্ণ কৌতূহল বলে, “আমি না হয় বাঁচব, তোর বাঁচবার হেতু?”

“তোমার বুকের পাথর হয়ে আর সংসারজ্বল লকলের দয়ার পাত্র হয়ে থাকতে হয় না, সেই বাঁচান।”

সারদা আর একবার মুক হয়। দেখে নতুনবোয়ের হেঁটমুণ্ডের অন্তরাল থেকে জল ঝরে ঝরে তার কোলের উপর জড়ো-হয়ে-থাকা ফর্সা ফর্সা ফুলো ফুলো দুখানি করপল্লবের ওপর পড়েই চলেছে।

স্বপ্ন হয়ে অনেকক্ষণ সেইদিকে তাকিয়ে থাকে সারদা, তার পর সহস্রাই আত্মস্থ হয়ে শাস্ত দৃঢ়কণ্ঠে বলে, “চোখ মোছ্ নতুনবো, আর কাদতে হবে না।”

“তোমার পায়ে ধরি দিদি, আমায় পাঠমহলে পাঠিয়ে দাও।”

“শোন কথা, আমি কি পাঠিয়ে দেবার কর্তা?” সারদা হেসে ওঠে, “বলে আমার ওপরই হুমকি আরি হয়েছে—“জন্মের শোধ বিদেয়! সে যাক, বলি এত রূপ-ধৌবন নিয়ে কেঁদে মরবি আর হেরে পাল্যবি কি লো? লড়াই করে সতীনের কাছ থেকে বর কেড়ে নিবি নে?”

“লড়াই-টড়াই আমি কিছু চাই না দিদি!”

“লড়াই চাস না? কি মুশকিল তবে তো খয়রাত করতে হয়,” সারদা তেমনি বিষণ্ণ কৌতূহল বলে, “তুই দেখছি আমার সব মজা মাটি করে দিলি। লড়াই করতে বললে জোরের পরীক্ষা হয়, দান-খয়রাত করতে গেলে যে বেবাক সবটাই তুলে দেওয়া ছাড়া গতি থাকে না!”

“আমার কিছু চাই না দিদি!”

ব্যাকুল আবেগে উচ্চারণ করে নতুনবো।

সারদা হাসে, “কিছু চাস না? বরও চাস না?”

“না।”

সারদা বলে, “কিন্তু জগতের কি নিয়ম জানিস, ন চাইলে সব জিনিস মেলে, চাইতে বললেই হাতছাড়া!...ইস, কথা কইতে কইতে এমন খাসা তিলপিটুলী বেগুনভাজাগুলো নেতিয়ে গেল! খা, খেয়ে ফেল, মন ভাল হবে।”

“যেষ্ঠাকুন্দা!”

রামকালী একথানা সরু খাতার উপর খুঁকে পড়ে আসন্ন তীর্থযাত্রার হিসেবের খসড়া করছিলেন, হঠাৎ রাস্তার ছোট ছেলের এই ডাকে চমকে স্নেহকোমল স্বরে বললেন, “কি দাদা?”

“মা বলছে, মা তোমার কাছে ভিক্ষে চাইবে।”

এ আবার কী অভূতপূর্ব কথা!

রামকালী বিমূঢ় দৃষ্টিতে তাকিয়ে দেখেন।

দরজার ওপাশে রাস্তার বোয়ের উপস্থিতি টের পান। প্রায় বিচলিত স্বরে বলেন, “কি বলছ দাদা, বুঝতে পারলাম না তো!”

এবার মাধ্যমের ভূমিকা গুরুত্ব হারায়। মাধ্যমকে মাধ্যম মাত্র করে সারদা মুহূর্তে বলে, “খোকন বল, মা বলছে কখনো তো কিছু চায় নি মা, বাড়ির বড়বো, একটা ভিক্ষে চাইছে—”

রামকালী ধারণা করেন, এ আর কিছু নয়, রাস্তার দ্বিতীয়পক্ষ ঘটিত নাটক। নির্ধাৎ সপত্নী-অসহিষ্ণু এই মেয়েট সতীনকে তার পিত্রালয়ে পাঠানোর প্রস্তাব করতে এসেছে। বিরূপচিত্তে গম্ভীর হাস্তে বলেন, “ভিক্ষেটা কি, সেটা না জানলে তো সাদা কাগজে দস্তখত করা যায় না বড় বোমা! দেবার ক্ষমতা যদি আমার না থাকে?”

“খোকা বল, আপনি ইচ্ছে করলেই হয়!”

রামকালী যদিও রাস্তার বোয়ের এই অসমসাহসিকতায় স্তম্ভিত হন, তবু ঈর্ষ্য চমৎকৃত হন। হঠাৎ একটা অতি অসমসাহসী মেয়ের কথা মনে পড়ে গিয়ে মনটা শিথিল হয়ে যায়। বলেন “মাকে বল দাদাভাই, ইচ্ছে করবার মত হলে অবশ্যই দরব।”

“খোকা বল, আপনি তীর্থে যাচ্ছেন, আমার মাকে সঙ্গে নিন।”

এ আবার কি কথা!

এ যে রামকালীর ধারণার অগোচর, স্বপ্নের অগোচর। এই কথা বলতে এসেছে রাস্তার বো! মেয়েটা পাগল নাকি! তবে নাকি নিতান্তই হাস্যকর অলীক কথা, তাই ঈর্ষ্য কৌতুকের স্বরে বলেন, “তোমার মাকে নিয়ে যাই এত সাধ্য কি আমার কাছে দাদাভাই? তুমি বড় হও, মাকে নিয়ে যাবে।”

“মেজঠাকুন্দা, মা বলছে তামাশা করে উড়িয়ে দিলে হবে না, মা সত্যি ভিক্ষে চাইতে এসেছে।”

রামকালী আর মাধ্যমকে গ্রাহ করেন না, বলেন, “বড় বোমা, তোমার প্রার্থনাটা যে বড় অসম্ভব। আমি পুরুষমাত্ৰ, কোথায় উঠব, কোথায় থাকব, কিভাবে ঘুরব—”

“মেজঠাকুদা, মা বলছে, মা কষ্ট করতে হারবে না। তোমার রান্না-করা বাসন-মাজা এর জন্তেও তো একটা লোক চাই! মা সব করে দেবে।”

“দাদাভাই, তোমার মা ছেলেমাত্ৰ, সবটা বুঝতে পারছেন না। সম্ভব হলে আমাকে ছুঁয়া বলতে হত না। তোমার মাকে বল, বাড়ির বড়বো বলে আমার কাছে একটা আবদার করলেন, রাখতে পারছি না, এটা আমারও কষ্ট। আমি তার বদলে তাঁর নামে খাসে কুড়ি বিঘে ধানজমি লেখাপড়া করে দেব। তার আদায় থেকে উনি যা খুশি করতে পারবেন। আর তুমি যখন বড় হবে—”

“খোকা বল বাবা, বিষয়-সম্পত্তিতে মার কোন দরকার নেই।”

খাসে কুড়ি বিঘে ধানজমি!

এতেও একটু প্রলোভিত হল না মেয়েটা? আশ্চর্য তো! সত্যি বলতে কি, এ সংকল্প রামকালীর সহসা আজকের নয়। কিছুদিন থেকেই ভাবছিলেন তিনি, এই ধরনের একটা কিছু করবেন। ওই মেয়েটাকে তিনি যতই সাধারণ হিংস্রটে মেয়েছেলে ভেবে আসুন, ওর সম্পর্কে কোথায় যেন একটু অপরাধবোধ তাঁকে হৃদয়ের গভীর স্তরে পীড়িত করত। তাই ভাবতেন ক্ষতিপূরণার্থে—

কিন্তু মেয়েটা বলে কি? বিষয় সম্পত্তিতে তার দরকার নেই?

একটু চূপ করে থেকে বলেন, “তবে আর কি করব বল দাদাভাই! যাতে লোকে নিন্দে করতে পারে এমন কাজ কি করে করা যায়?”

“মেজঠাকুদা, তুমি তো লোকনিন্দেকে ডরাও না!”

“লোকনিন্দেকে ডরাই না?”

রামকালী যেন হঠাৎ অদ্ভুত অজানা একটা রহস্যের রাজ্যের সামনে এসে দাঁড়িয়েছেন। এরা সব রামকালীকে ভাবে কী! রামকালী সম্পর্কে, রামকালীর অপরিচিত যে একটা জগৎ আছে, তাদের ধারণাটা কি! একটা কোতূকের বিষয়ে স্বল্পবাক রামকালী আজ একটু বেশী কথাই বলে ফেলেছেন।

“লোকনিন্দকে ডরাই না, একথা কে বলে দাছ ? ডরাই বৈকি । সত্যি নিন্দের কাজ করলে—” রামকালীও কথা সমাপ্ত করতে করতে ভাবেন—শেষ করতে গিয়ে থামেন । এই অবসরে এতক্ষণের নম্র আর মুছ চাপা কণ্ঠস্বরটা প্রায় স্পষ্ট হয়ে ওঠে, “খোকা বল, আপনার যদি একটা ছুঃখিনী মেয়ে থাকত, তাকে তীর্থে নিয়ে গেলে লোকে নিন্দে করত ?”

রামকালী স্তব্ধ হয়ে যান ।

অনেকক্ষণ চুপ করে থেকে বলেন, “আচ্ছা দাছ, তোমরা ভেতরে যাও । আমাদের একটু ভাবতে দাও ।”

হ্যাঁ, ভাববেন রামকালী । অনেক কিছু ভাববেন । এইটুকু মেয়েটা কুড়ি বিঘে ধানজমির মোহ ত্যাগ করে তীর্থে যেতে চায় কোন মানসিক অবস্থায় তা ভাববেন, আর ভাববেন মোক্ষদাকে সঙ্গে নিয়ে রাস্তার বৌয়ের প্রার্থনাটা পূরণ করা যায় কিনা ! মোক্ষদার হাত ভেঙেছে, পা-টা তো মজবুত আছে । তাঁর জীবনেও তো কখনো কিছু হয় নি । এ কর্তব্যটা করা উচিত ছিল রামকালীর !

রান্না-ভাঁড়ার ঘরের জীবন্তলো সম্পর্কে এত বেশী করে কখনও ভাবেন নি রামকালী ।

একটা মেয়ে তাঁকে মাঝে মাঝেই ভাবাত । অনেকদিন সে রামকালীর কাছ থেকে বিচ্ছিন্ন হয়ে আছে । আশ্চর্য হয়ে ভাবছেন রামকালী, কতদিন তার কথা ভাবি নি !

সে পাছে ভাবে বলে রামকালীর অস্থখের খবর দেওয়া হয় নি । কিন্তু তীর্থযাত্রার খবর ? সেটাও কি না দিলে চলবে ?

উনত্রিশ

জ্বর-জ্বর !

পক্ষকাল কাটল।

উত্তরোত্তর বাড়ছে বৈ কমছে না। ক্রমশঃ বিকার ধরল। হাত মুঠো করে আশ্রয়ন করছে রোগী, বিছানায় তেড়ে তেড়ে উঠছে। দু-দুটো লোক দুদিকে ঠায় বসে আছে রোগীকে বিছানায় চেপে ধরে রাখতে।

আর একজন তো অবিরত পানাপুকুরের ঠাণ্ডা জল এনে কলসী কলসী ঢালছে রোগীর মাথায়। কবিরাজ এসে গুণ্ধ দিচ্ছেন বটে, কিন্তু যেভাবে মুখ প্যাঁচা করে আস্তে আস্তে ঘাড় নাড়ছেন, তাতে গুণ্ধ সম্পর্কে ভরসা বোধ করছে না কেউ।

এদিকে বাড়িতে রথ-দোলের ভিড় !

পাড়ার লোকের যেন খেয়ে ঘুমিয়ে স্বস্তি নেই। তারা প্রতি মুহূর্তে চরম মুহূর্তের অপেক্ষায় হুমড়ি খেয়ে পড়ে আছে। নাটকের শেষ দৃশ্যটা পাচ্ছে কসকায় ! অবিশ্রি অহিতৈষী কেউ নয়। সকলেই নিরীহ নবকুমারকে ভালবাসে ! তেমন তেমন কেউ ওর নামে পূজো মানত করেছে, “গা শেতল” হবার আবদার নিয়ে গল্লাজলের ঘড়ার মধ্যে পাঁচ কড়া কড়ি ফেলে রেখেছে, আর ওলাইচণ্ডীতলা থেকে নিত্য মায়ের চরণামৃত এনে ধোগান দিচ্ছে।

বাঁড়ুঘ্যে গিন্নীর ওই সবেধন নীলমণিটুকুর প্রাণের জন্ত উদ্বেগ, উৎকর্ষ আর অন্ত নেই লোকের ! তবু আশা যখন ছাড়তেই হচ্ছে, বিশেষ নাট্য-মুহূর্তটিকে ছাড়বে কেন !

অতএব নিজের নিজের সংসারের রান্না-খাওয়া সংক্ষিপ্ত করে এ বাড়ির হাজরেটা বজায় রাখছে সবাই। তা ছাড়া প্রায় প্রত্যেকেই তো এক-একজন অভিজ্ঞ চিকিৎসক ! সে চিকিৎসা-বিদ্যা কাজে লাগাবার যখন সুযোগ পাওয়া গেছে, কাজে লাগাবে না ?

প্রকৃতপক্ষে এখন কবিরাজী চিকিৎসা বাতিল হয়ে গেছে, পাড়ার গিন্নীদের চিকিৎসাই চলছে। গতকাল ছুটু শ্রাকরার মার ব্যবস্থাপনায় পেটে পচা পুকুরের শাওলার প্রলেপ দেওয়া হচ্ছিল। কারণ ছুটুর মার এক ভান্সুরপোর নাকি ঠিক এই অবস্থায় ওই হাওয়াই অব্যর্থ হয়েছিল।

না হবেই বা কেন ?

কথায় বলে “মুড়ি আর ভুঁড়ি।” দুটোর মধ্যে দুইয় বৈশিষ্ট্য খানিকটা থাকলেও সম্বন্ধ ঘেঁষে অবিচ্ছেদ্য। একজনকে ঠাণ্ডা করতে পারলেই আর এক জন ঠাণ্ডা হতে বাধ্য। তাই পেটে ঠাণ্ডার প্রলেপ চাপিয়ে চাপিয়ে তাকে ঠাণ্ডা করে আনবার চেষ্টা চলছিল—মাথায়-চড়ে-ওঠা-রক্তকে চড় চড় করে নামিয়ে আনতে।

কিন্তু হুটুর মার কপাল! অত বড় অব্যর্থ প্রয়োগটাও বিফল হল। রোগী বিছানায় মাথা ঘষটাতে শুরু করল।

আজ তাই হরি ঘোষালের গিন্নীর দাঁওয়াই চলেছে। গায়ের তাপ “ধান দিলে খৈ ফুটেছে”, তাই ঘোষাল-গিন্নী বিধান দিচ্ছেন সপসপে করে ভেজানো স্নাকডায় রোগীকে আটপেটে মুড়ে তার উপর জোর জোর করে পাখার বাতাস লাগাতে। সেই বাতাসে স্নাকড়া শুকিয়ে উঠলেই আবার তাতে জলের আছড়া।

রোগী জ্ঞানশূন্য, অতএব সেবিকারা বাক্‌বিজ্ঞাসে ভয়শূন্য। ঠিক এই অবস্থায় আর এই এই লক্ষণে কার জানাশোনা কটি রোগীর স্বর্গপ্রাপ্তি ঘটেছে তারই হিসেবনিকশের সঙ্গে সঙ্গে পাখা চলছিল উদ্দাম বেগে। নীলাধর বাঁড়ুঘো অনেকক্ষণ বসে থাকতে থাকতে হঠাৎ “বুক কেমন করছে” বলে পাশের ঘরে গিয়ে শুয়েছেন, সহ তাঁর চোখেমুখে জল দিচ্ছে, এমন সময় এলোকেশীর গলায় মরাকান্না উঠল।

যারা খোদ রোগীর ঘরে বসে, তাঁরা বুঝলেন, “মাগী আর পারছেন না, চেপে থেকে থেকে বুক ফেটে যাচ্ছে!”

যারা এ বাড়ির বাইরে আছেন, তাঁরা উঠি তো পড়ি, পড়ি তো মরি করে ছুটে এলেন। নীলাধর, “যাঃ সর্বনাশ হয়ে গেল” বলে চৌকি থেকে ধড়মড়িয়ে নামতে গিয়ে ছড়মুড়িয়ে পড়ে গেলেন, আর সহ তাঁকে তোলার পরিবর্তে চলে গেল ও-ঘরে, তবে একটু দাঁড়িয়েই চলে এসে সাব্বনা দিতে বসল মামাকে।

এলোকেশীর কাছে যাওয়া কর্তব্য ছিল, কিন্তু কোন্ কর্তব্যটা করবে? সে তো আর চতুর্ভূজা নয়।

এলোকেশী ঢেঁকিঘরে বসে কাঁদছেন।

সমাগতা মহিলারা সেইখানেই জমায়েরত হলেন এবং এই হঠাৎ-কান্নার কারণ অবগত হয়ে গালে হাত দিয়ে বসে পড়লেন।

কয়েকজন এ কথাও বললেন, “পায়ের খুলো দাঁও নবুর মা, তোমার একটু

পায়ের ধুলো দাও, মাথার ঠেকাই, যদি তাতে তোমার মতন 'লহুশক্তি' জন্মায়। ওই দজ্জাল বৌ নিয়ে এই অবধি ঘর করছ তুমি।”

জঠৈকা আক্ষেপ করে বলেন, “আমি ভাবছিলাম আজ ভরস্কোয় তোমার বোকে নিয়ে চণ্ডীতলায় গিয়ে মায়ের পায়ে তার শাঁখা-নিঁচুর জমা দিয়ে “এয়োঁ বাঁধা রাখা”র মাহুতি করে আনব। তোমার তো মাথার ঠিক নেই, পাঁচজনে না দেখলে চলবে কেন? কিন্তু যে বৌ তোমার, বলতে তো ভরসা হচ্ছে না!”

অপর! ফিসফিস করে, “বলো না দিদি বলো না! আমি বলি নি ভেবেছ? ‘হাত বাঁধা’র কথা বলেছিলাম! কিন্তু সড়র কাছে নাকি বলেছে নবুর বৌ, আমি ডান হাতের বদলে বাঁ হাতে ভাত খেলে আমার স্বামীর পরমায়ু ফিরবে এ কথা আমি বিশ্বাস করি না। উচিতমত ওষুধ না পড়লে কি অস্থখ সারে?”

“জ্যা! এই কথা বলেছে?”

“তাই তো বলল সড়। বলল, ওই নিয়ে আর বোকে পেড়াপিড়ি করতে যেয়ো না খুড়ি, মাহুতের মান-মর্ঘেদা তো রাখতে জানে না। হয়তো তোমার মুখের ওপরই ‘না’ বলে বসবে।”

“সাধে কি আর বলছি, নবুর মার পাদোদক খেতে হয়?”

কথাটা এলোকেলীর কানে যায়। তিনি বুকটা আর একবার চাপড়ে, আর একবার সেই চিরপরিচিত স্বরের কান্নাটি কঁদে ওঠেন।

“ওরে নবু রে—ওরে আমার নোনার গোপাল রে, তুই থাকতেই তোরা বৌ আমাকে কী পায়ে দলছে জ্বাখ রে!”

যাঁরা রোগীর সেবা করছিলেন, তাঁরা সেবা ফেলে ছুটে আসেন।

হলটা কি?

এই দুঃসময়ে “পাহাড়ে” বৌ কী না কি করে বসল!

তা সে যা করে বসেছে তা চরম!

শাভড়ীর মুখের ওপর বলেছে, “মাহুতটাকে দশজনে মিলে কুপিয়ে কুপিয়ে না কেটে, একেবারে মা চণ্ডীর কাছে বলি দিয়ে দিলেই হত! মাহুতটাও উদ্ধার পেত, দশজনেরও খাটুনি কমত!”

স্বামীর কথা নিয়ে যে বৌ এমনি করে গলা তুলে শাভড়ীর সঙ্গে কথা বলতে পারে, সে বৌ তা হলে না পারে কি।

“কোঁটিয়ে বিদেয় করে দাও, কোঁটিয়ে বিদেয় করে দাও—” চাটুযো-গিন্নী দৃষ্টকণ্ঠে বলেন, “ওই ডাকাতেই আওতাতে আওতাতেই ছেলে তোমার ভুয় হয়ে গেছে নবুয় মা ! নইলে এমন ডবকা ছেলে, হঠাৎ এমন পিচেশ পাওয়া যোগেই বা ধরবে কেন ?”

“তবু আমার নবু ওই বৌ-অস্ত প্রাণ চাটুযো-দিদি ! বৌয়ের ভয়ে কাটা !”

ছুটো অবস্থার মধ্যে সামঞ্জস্য না থাকলেও কথাটা বলেন এলোকেশী ।

“তা ভগবান তেজ ভাঙছেন ! অবিশ্রি তোমার মাথায়ও মুণ্ডর মারছেন । কিন্তু ওই তো বিধাতার বিধান । একের পাপে আরের দণ্ড । তবু এও বলব, ওর দুঃখে শেয়াল-কুকুর কাঁদবে ! পথের শত্রুর ‘আহা’ করে যাবে !”

এঁরা অধিকাংশই এলোকেশীর খাতক ! গোপনে হুদী কারবার করে থাকেন এলোকেশী । ওঁদের অনেকেই সোনাটা রূপোটা এলোকেশীর সিন্দুকে পচছে !

অবশ্য পাড়ায় স্পষ্টবক্তা ত্রায়দর্শী একেবারে নেই তা নয় । কিন্তু তেমনদের সঙ্গে এলোকেশী ভাব ‘চটিয়ে’ রেখেছেন । তবু নবকুমারের ‘মরণ-বাঁচন’ অস্থখ শুনে দেখতে আসছেন তাঁরা, ত্রায় কথা দু-একটা বলেও যাচ্ছেন ।

ধেমন ভজুর গিসি বলে গেছিলেন, “হ্যাঁ গা, বৌয়ের বাপের বাড়ি খবর দিয়েছ ?”

এলোকেশী বাঁকা মুখে জবাব দিয়েছিলেন, “কেন, সেখানে খবর দিয়ে আবার কি হবে ?”

“ওমা, তাদের হল গে জামাই ! মুখের ওপর বলছি না, তবে ভগবানের মায়ের ওপর তো কথা নেই ! একটা এদিক-ওদিক কিছু হয়ে গেলে জবাবটা কি দেবে ?”

“জবাব ?”

এলোকেশী মনোকষ্ট ভুলে উদ্দীপ্ত হয়ে উঠেছিলেন, “কেন আমি কি তাদের উঠোনে বাস করি ? আমি কি তাদের জামিদারির প্রজা ? আমি কি তাদের খাতক ? আমি কি কাঠগড়ার আসামী ? যে জবাবদিহি দিতে হবে ? কি বলব এখন আমার দুঃসময় চলছে, তাই ! নইলে তোমায় উচিত কথা শুনিয়ে দিভায় কান্নেত-ঠাকুরঝি !”

সনতের জেঠী একদিন বলেছিলেন, “নব্বু খবর তো শুনেছি নামকরা কবরেজ, জামাইয়ের অহুখের খবর দিচ্ছ না কেন?”

এলোকেশী গভীর কণ্ঠে জবাব দিয়েছিলেন, “আমার তো দশটা পাইক-পেয়াদা নেই দ্বিদি, যে ছট বলতে খবর দেব। বলে ছেলের ব্যামোতেই চোখে সরষে ফুল দেখছি। বেশ তো, তোমরা পাঁচজন আছ, খবর দাও না। বলে পাঠাও, ‘এস তুমি! তোমার জামাইয়ের উচিত চিকিচ্ছে করে যাও’।”

এরপর আর কে কথা কইবে?

কিন্তু এলোকেশী কি সত্যিই এত মন্দ যে, নিজের ছেলের কল্যাণ-অকল্যাণ দেখেন না?

না, তা নয়।

আসলে এলোকেশী এ বিশ্বাস রাখেন না বোয়ের বাপ ধন্বন্তরী! তা ছাড়া এটাও মনের মধ্যে কাজ করছে, যদি সত্যিই তা হয়, বোয়ের বাপের গুণপনাতেই যদি তাঁর ছেলে সেয়ে ওঠে, সে অপমানের জ্বালা এলোকেশী জুড়োবেন কিসে?

আর বোও কি তা হলে আরও সাপের পাঁচ পা দেখবে না? ছেলের প্রাণের জন্ত শত সহস্রবার তেত্রিশ কোটি দেবতার চরণে মাথা খুঁড়ছেন এলোকেশী, কিন্তু বোয়ের ভেজ-দর্পটা কিছু খর্ব হোক, এটাও প্রার্থনা। ছুটোর সামঞ্জস্য বিধান হয় না, কারণ ‘মরা স্বামী’ বেঁচে উঠলে তো দবদবার আর শেষ থাকে না মেয়েমাহুষের। তেমন হলে বড় কেউ মায়ের পুণ্যবলের কথা তোলে না, তোলে পরিবারের এয়োত্তের জোরের কথা।

আবার সেই ‘বেঁচে ওঠাটা’ই যদি বোয়ের নিজের বাপের গোরবে হয়! উঃ! রক্ষে করো! নবু তার নিজের বাপের পুণ্যে তরবে! নিত্য একশ আট তুলসী দেওয়া কি বার্থ হবে?

হায়! এলোকেশীর ছেলের একশ বছর পরমায়ু হয়ে যদি বোয়ের হাড়ির হাল হওয়া সম্ভব হত! তা হবার উপায় নেই। এলোকেশীর প্রাণের পুতুলই যে বোয়ের অহকারের মাটি।

কিন্তু সত্য এ নাটকের কোন্ অঙ্কে?

সে কি একবারও স্বামীসেবার পুণ্য অর্জন করে না?

নাঃ, সে পুণ্য অর্জনের সৌভাগ্য তার হয় না। কারণ গুরুজনদের সামনে গিয়ে তো আর সে বরের গায়ে-পায়ে হাত বুলোতে বসবে না! ঘরে ঢুকবেই বা কোন্ লজ্জায়?

রাত্রে? সে তো খশুর-শাশুড়ী দুজনে ছেলেকে বুক দিয়ে আগলে পড়ে থাকেন। আর সধু তাঁদের খিদমদগারি করে। সেখানে সত্য কে?

তা ছাড়া তার কোলে বাচ্চা ছেলে। ছ মাসও হয় নি। আর তার গলাতেই সংসার!

স্বামীসেবার একটি অংশ তার ভাগে আছে। সেটা হচ্ছে ঔষধের অল্পপান প্রস্তুত। বহুবিধ জিনিস নিয়ে ছাঁচা, বাটা, গুঁড়ানো, সেক্ককরা, ইত্যাদিতে অনেকটা সময় ব্যয় হয় তার।

কবরেজ আবার ঔষধে ফল হচ্ছে না দেখে অবিরতই অল্পপানের ক্রটি আবিষ্কার করছেন! তেজী সত্য এসব সময় শুকনো চোখে ঠায় খাড়া থাকে। শুধু রান্নাঘরের কোণে যখন একা মুখ নিচু করে কাজ করে, আর রাত্রে যখন ছেলে দুটো ঘুমিয়ে পড়ে, তখন বাঁধমুক্ত করে অশ্রু সাগরকে।

নবকুমার যদি সত্যিই না বাঁচে!

তোলপাড় হয়ে ওঠে আকাশ পাতাল পৃথিবী! যে মাহুঘটা সত্যর মনের জগতে একটা অবোধ অজ্ঞান নাবালকের দরে গণ্য ছিল, সে যে তার এত বড় আশ্রয় এ কথা এখন টের পেল সত্য? যখন সে মাহুঘটা যেতে বসেছে?

সত্য কেন তাকে কেবল বকেই এসেছে? কেন শুধুই ভালবাসে নি? কেন কেবল হেসে কথা বলে নি?

ঠাকুর, ওকে এবারের মত বাঁচিয়ে দাও, সত্য ওকে শুধু ভালবাসবে। ও বোকামি করুক, ভীকতা করুক, ছেলেমাহুঘি করুক, কোন দোষ ধরবে না সত্য!

কিন্তু ও কি বাঁচবে?

মাকে অবহেলা করেছিল সত্য, মা বাঁচেন নি। আর স্বামীকে অবহেলা করে পার পাবে?

তখন না হয় বুকি ছিল না, মা কী বস্তু বোধ জন্মায় নি। কিন্তু এখন? এখন কী জবাব আছে?

সারারাত জেগে ঠায় বসে থাকে সত্য, কান খাড়া করে। হঠাৎ বুঝি

কোন সময় সেই ভয়ঙ্কর শব্দটা ওঠে। মাঝে মাঝে পা টিপে টিপে গিয়ে এ-জানলা ও-জানলা করে মরে। কিন্তু ব্যর্থ হয়ে ফিরে আসে। রাস্তিরে কুগীর ঘরের জানলা কে খুলে রাখবে? একে তো “সান্নিপাতিক জ্বর বিকার”—হাওয়া লাগলেই বিপদ। তা ছাড়া রাস্তিরে জানলা খোলা দেখলে অশদেবতার উকি মারবে না? “হাওয়া বাতাস” লাগবে না? আর, ভাবতে বুক কাঁপলেও না ভেবে উপায় নেই, পথ খোলা দেখলে যমদূত ঢুকে পড়বে না? এলোকেশী কি সেই আমার পথ খোলা রাখবেন?

অতএব সত্য কানকে তীক্ষ্ণ থেকে তীক্ষ্ণতর করে তোলে।

কিন্তু এতেই কি সত্যের সকল কর্তব্য শেষ হয়ে গেল? আর কোন করুণীয় নেই তার স্বামীর সম্পর্কে? ওরা মা বাপ, তা ঠিক! কিন্তু ওঁরা যদি অবোধ হন? তবে সত্যই বা কি কম অবোধ? এক মাস হতে চলল জ্বর চলছে নবকুমারের, দিন দিন বাড়ছে বৈ কমছে না, অথচ উচিতমত একটা ওষুধ পড়ল না তার পেটে?

আর সত্য নিশ্চেষ্ট হয়ে বসে আছে!

সত্যের ভগবান কি এর পরও ক্ষমা করবেন সত্যকে?

এলোকেশীর সেই কান্নার পর এলোকেশীকে সাস্থনা দিচ্ছিলেন মহিলারা। “কখনো কোনো দোষ করো নি, ঘাট করো নি, কান্নার অহিত করো নি, পুত্রশোকের জ্বালা তোমায় কেন দেবে ভগবান?”

আবার স্ত্র-পরামর্শও দিচ্ছিলেন পরস্পরে। “বলতে নেই, ছেলের যদি কিছু হয় নবুর মা, তো তুমি এক দোর দিয়ে ছেলেকে বিসর্জন দেবে, আর দোর দিয়ে ওই হারামজাদীকে গলাধাক্কা দিয়ে বার করে দেবে। যে বৌ শাশুড়ীকে অত বড় কথা বলে—”

“ও বাতাসীর মা, শুধু কি ওই কথা বলেছে? বলি তবে শোন! রাতে বাইরে যাব বলে হঠাৎ দোর খুলে দেখি ঝপ করে হে ছুরোয়ের কাছ থেকে সরে গেল। ভয়ে হাঁকপাঁক করে চোঁচিয়ে উঠেছি ‘কে কে বলে’ চোঁচিয়ে উঠে দেখি না আমারই অবতারণ! রাগের চোটে মূখ দিয়ে কু-কথা বেরিয়ে গেল, বললাম, দোরের গোড়ায় কী করছিলি রে হারামজাদী? তুকে না তাক? বলল কি জান?—‘ছেলে মিত্যুশয্যেয়, তবু তোমার জিভের ধার কমে না? কেমন মা তুমি?’”

শ্রোত্রী মহিলা সঙ্গে সঙ্গে সবলে নিজের গালে ঠাই ঠাই করে দুটো চড়

কবিয়ে বলে ওঠেন, “ওমা আমি কোথায় যাব! ও নব্বু মা, সে বোয়ের মুখ তুমি নাথি দ্বিগ্নে ভেঙে দিলে না?”

এই শান্তিমূলক ব্যবহার অব্যবাহিত “উদারচরিতানাম” নব্বু মা কী বলতেন কে জানে, সহসা অস্ত্র এক ঝড় এসে লাগল! দেখা গেল গোয়ালার পাশের দরজা ঠেলে ঢুকে নাপিত-বৌ চুপি চুপি রান্নাঘরের দিকে এগোচ্ছে। অর্থাৎ সত্যের সন্ধানে যাচ্ছে।

বোয়ের সঙ্গে নাপিত-বোয়ের কিশোর শলা? মুহূর্তমান এলোকেশী গলা তুলে হাঁক দিলেন, “ওদিকে কোথায় মাওয়া হচ্ছে?”

চতুর নাপিত-বৌ বুল ধরা পড়েছে। অতএব মিছে কথা বলে চাপা বা দিয়ে এদিকে এসে চুপি চুপি বলে, “বোমা যে আমার তেনার বাপের কাছে পাঠিয়েছেন গো, তার বাজাটা দিতে—”

কথা শেষ করতে পারে না সে। এলোকেশী রুদ্ধশ্বাসে বলেন, “কার কাছে পাঠিয়েছিল?”

“ওনার বাপের কাছে গো। ভারী মন্ত কবরেজ তো! পত্তর লিখে আমার হাত দে পাঠিয়েছেন, জামাইয়ের বিভাস্ত জানিয়ে। এসে চিকিৎসা করতে—”

“তুই সে-কথা আমার না জানিয়ে, স্বাধীনে চলে গিয়েছিলি?”

নাপিত-বৌ নরম হবার মেয়ে নয়। যেই দেখলে ধমকের পথ ধরেছে গিন্নী, সেও সতেজে বলে, “স্বাধীন পরাধীন বুঝি নে! বৌ-টো সোয়ামীর ভাবনায় ধড়ফড়াচ্ছে দেখে মায়া হল—”

“মায়া! মায়া হল? তুই আর ভূতের কাছে মামদোবাজী করতে আসিস নে নাপিত-বৌ! বিনি মজুরিতে তুই পরের জন্তে একটা হাই তুলিস না, আর তুই ষাণ্ডা মায়ায় পড়ে—”

“বিনি মজুরিতে, তা তো বলি নি—” নাপিত-বৌ বেজার মুখে বলে, “তা করলে আমার চলবেই বা কেন? নেঘা মজুরি দিয়েছে। গিয়েছি—”

“দিয়েছে! বৌ তাকে নেঘা মজুরি দিয়েছে?” এলোকেশী ক্ষেপে ওঠেন, “সে কোথায় পাবে ভুনি? তা হলে সে আমার বাস্তব থেকে চুরি করতে শিখে করেছে। আর তুই তার মন্ত্রী হয়ে—”

নহা পিছনে বজ্রপাত হয়।

এতগুলো গিন্নী সঙ্কে অবহিতব্রাত্র না হয়ে সত্য বলে ওঠে, “নিচু ঘরের

মতন কথা বলে না। নাপিত খুড়ীকে আমি রাহাখরচ বলে আমার মাল জোড়াটা দিয়েছি।”

মল জোড়াটা! পাথর হয়ে যান মহিলারা।

শান্তুড়ীকে না বলে-কয়ে গায়ের গহনা দানছাত্র! মুহুর্হু মুহুর্হু গেলেও বোধ করি এই প্রবল আঘাতের বেগ রোধ হবে না।

এত বড় দুঃসাহস কেউ কল্পনাও করতে পারেন না।

এলোকেশী বুকে হাত চাপড়ে বলে ওঠেন, “ত্যাখ, তোমরা ত্যাখ! দেখে বল আমায় ধরে ঝাঁগাটা মারবে কিনা, বোকে আমি নিন্দে করি বলে। ওরে বাবারে, আমি কী করব রে—”

সত্য সেদিকে দৃকপাত না করে নাপিত-বোয়ের দিকে তাকিয়ে শাস্তভাবে বলে, “বাবা কি চণ্ডীমণ্ডপে ছিলেন?”

“ওমা শোন কথা।” নাপিত-বো গালে হাত দিয়ে বলে, “তিনি আবার কই? তেনার হাতে নাকি কোন্ মরণ-বাঁচন রুগী, তাকে ফেলে আসতে পারল না। ওষুধ পাঠিয়ে দেছে। এসেছে তোমার বড় ভাই—তার হাতেই ওষুধ আর তোমার নামে পত্তর আছে!...ওমা ও কি ও কি, বোঁ যে পড়ে গেল গো! ওমা ই কী কাণ্ড!”

প্রবল একটা কোলাহল উঠল বাঁধ হারিয়ে ফেলা সেই ছড়িয়ে পড়া নদীটুকু ঘিরে।

“ভিরমি লেগেছে...ভিরমি!...ভিরমি না ভিটকিলেমি...মস্ত বড় একটা অশকম্ব করে ফেলে, এখন ধরা পড়ে—।”

নদীকে ঘিরে ঢেউ ওঠে অসংখ্য।

দীক্ষাশ্রম নিশাতে তিন দিন অশোচ শাস্ত্রীয় বিধি।

বিভারত্ব রামকালীর তথাকথিত মন্ত্রদীক্ষার গুরু ছিলেন না, আর রামকালীও ওই ধরনের শাস্ত্রীয় বিধি যে ঠিক অক্ষরে অক্ষরে পালন করেন তা নয়। তবু বিভারত্বের মৃত্যুর পরের দিন রামকালী সমস্ত কাজকর্ম পূজা-পাঠ পরিত্যাগ করে শুদ্ধ হয়ে বসেছিলেন বারমহলে।

তিন দিন ঔষধরূপী নারায়ণ হস্তক্ষেপ করবেন না, শাস্ত্রপাঠ ইত্যাদি করবেন না, অন্নগ্রহণ করবেন না।

বিগত কয়েকদিন রোগীর বাড়িতে দিনে রাতে যমের সঙ্গে যুক্ত করে

পরাজিত হয়ে ফিরে এসেছেন। মুখে সেই পরাজয়ের কালি-মাড়া ছাপ। চিন্তা করছেন এই অবস্থায় জামাতা-গৃহে যাওয়ার কোন অর্থ হয় না। কারণ চিকিৎসা করা থেকে যখন বিরত থাকতে হবে। ঔষধ এখন স্পর্শও করবেন না। মনে করছেন আগামী পরশু স্নানস্ত্রির পর—

চিন্তায় বাধা পড়ল।

দেখলেন তাঁর পালকি ফিরছে। অর্থাৎ হয় রাস্তা, নয় রাস্তার খবর। রাস্তাকে বলে দিয়েছিলেন, সত্য উদ্বিগ্ন হয়ে খবরটা দিয়েছে বটে, তবে ষথার্থই রোগ কঠিন কিনা সেটা রাস্তা অসুস্থ্যবন করে শীঘ্রমধ্যে হয় নিজেকে ফিরে আসবে, নয় পালকি পাঠিয়ে দিয়ে ঘটনার গুরুত্ব জানিয়ে দেবে।

ঈষৎ কম্পিত বক্ষে অপেক্ষা করেন রামকালী, পালকি শূন্য না পূর্ণ দেখা পর্যন্ত।

না শূন্য নয়।

রাস্তা নামছে! যাক ঈশ্বর রক্ষা করেছেন! রাস্তা এসে নতমুখে প্রণাম করতে উদ্যত হতেই রামকালী পিছিয়ে গিয়ে বলেন, “থাক থাক, এ সময় প্রণাম নিষেধ। কি রকম দেখলে?”

রাস্তা আস্তে আস্তে মাথা নেড়ে বলে, “ভাল নয়।”

ভাল নয়!

সহসা রামকালীর মনশ্চক্ষে একটা মূর্তি ভেসে ওঠে! নিরাভরণ শুভ্র মূর্তি। শিউরে ওঠেন রামকালী, নিশ্চেষ্ট স্বরে বলেন, “ঔষধটায় ফল হল না?”

“ঔষধ প্রয়োগ করা হয় নি—” রাস্তা জলদগন্তীর স্বরে বলে, “সত্য ফেরত দিয়েছে!”

“ফেরত দিয়েছে?”

সত্য রামকালীর ঔষধ ফেরত দিয়েছে! রাস্তা ওই দিশেহারী মুখের দিকে না তাকিয়েই হাতের পেটিকাটি আস্তে নামিয়ে রেখে বলে, “হ্যাঁ! আপনার পত্র নেয় নি, পড়ে নি।”

রামকালী ব্যাকুল ভাবে বলেন, “তোমার সঙ্গে দেখা করতে দেয় নি?”

“না না, তা দিয়েছে! সত্যও অসুস্থ ছিল। আমি গিয়েছি মাত্র, ঠিক সেই সময়ই হঠাৎ অচৈতন্য হয়ে পড়েছিল নাকি! পরে সুস্থ হয়ে আমার সঙ্গে দেখা করে বলল, বাবার যখন আসা সম্ভব হল না, চিঠি থাক বড়দা, ও

আর পড়ে কি করব! আর ওষুধও তুমি ফিরিয়ে নিয়ে যাও। আমার অদৃষ্টে যা আছে তাই হবে। যদি সতীমায়ের কণ্ঠে হই, সেই পুণ্যেই আমার শাখা লোহা বজ্রর হয়ে থাকবে!”

জীবনে বোধ করি এই প্রথম রামকালী হতবাক হয়ে তাকিয়ে থাকেন, কথা খুঁজে পান না। এরপর কি আর ‘স্নান-স্নান’ হয়ে যাত্রা করবেন রামকালী, সত্যর কথা অবোধের কথা ভেবে?

তা সেই অবোধ সত্য তো তাহলে একথাও বলে বসতে পারে, “আবার তুমি এলে কেন বাবা, তোমার ওষুধ যখন খাওয়াচ্ছি না!”

ত্রিশ

এ তল্লাটে এ ইতিহাস এই প্রথম।

সায়ের ডাকার ডাকার ইতিহাস।

ভবতোষ মাস্টার, নিতাইচরণ, আর নীলাধর বাঁড়ুয়োর কুলমজানি পুতবো, এই তেরোম্পর্শের যোগে এ ইতিহাসের সৃষ্টি। খবর শুনে যে যেখানে ছিল, সে যেখানেই দাঁড়িয়ে পড়ল, যে যে বয়সে ছিল, সে সেই বয়সেই রয়ে গেল।

বাঁড়ুয়োর লক্ষ্মীছাড়া রণচণ্ডী বোয়ের গুণপনা জানতে কারও বাকী ছিল না, শুধু ভেবে পেত না বোকে ওরা এখনো ঘরে ঠাঁই কেন দিচ্ছে। গলা ধাক্কা দিয়ে তাড়িয়ে কেন দিচ্ছে না।

বলাবলি করেছে সবাই, ভেতরে কোনও রহস্য আছে...বাপের এক মেয়ে তো! আর বড়মানুষ বাপ! নির্ঘাত বাপ কোন কড়ার করে বিয়ে দিয়েছে।...বোকে বাপের বাড়ি খেদিয়ে দিলে বোধ করি সেই বামুন ‘বড়ির’ বিষয়সম্পত্তিগুলো নবা পাবে না। তা নয় তো, সমস্তা সমাধানের সব চেয়ে সোজা উপায়টা ত্যাগ করে বাঁড়ুয়োগিন্নী গালাগালি শূলোশূলি বুক চাপড়া-চাপড়ির ঘুরপথ ধরে মনের ঝাল মেটায় কেন!

বৌ বিদেশ করে দেওয়ার নাটকটা বার বার ঠিক জমে ওঠার যুহুর্ভেই ভেসে গিয়ে গিয়ে ইদানীং সবাই হতাশ হয়ে গিয়েছিল। এবং নিত্য নতুন

একটা টেউয়ের যোগানদার হিসেবে সত্যকে বেশ এক রকমের পছন্দই করতে শুরু করেছিল।

আলোচনার একটা বড় ধোঁরাক, আপন আপন ঘরের বৌ-বিকে হুশিলা দেবার সুবিধার্থে একটা কুদৃষ্টান্ত, এটাও একটা লাভের অঙ্ক বৈকি।

কিন্তু নবুর জরবিকারে পড়া অবধি, নবুর বৌয়ের সমালোচনার উপযুক্ত ভাষাও আর খুঁজে পাচ্ছিল না কেউ। বেদে পুরাণে, যাত্রা নাটকে, এমন জাঁহাবাজ মেয়েমানুষ তো কেউ কখনো দেখে নি, শোনে নি।

কাজেই ভাষাও সৃষ্টি হয় নি ওর জন্তে।

তবু এতদূর বুঝি কেউ হৃৎস্পন্দেও কল্পনা করে নি। বৌ নাকি নবুর বন্ধু নিতাইয়ের সঙ্গে আড়ালে দেখাসাক্ষাৎ করে গলার দশভরির হারগাছা বিক্রী করিয়ে, ভবতোষ মাস্টারকে দিয়ে ব্যবস্থা করে কলকাতা থেকে সায়েব ডাক্তার আনিয়েছে!

আবার ভবতোষ মাস্টারের সঙ্গেও কথা কয়েছে!

সাহেব ডাক্তারের চিকিৎসায় নবু বাঁচুক আর মরুক সেটা এখন চিন্তনীয় বিষয় নয়, চিন্তনীয় হচ্ছে—বাঁড়ুঘো সম্পর্কে অতঃপর কিংকর্তব্য?

ব্যাপারটা তো আর এখন গিন্নীদের এলাকায় নিবন্ধ নেই, সমাজের মাথার মণি পুরুষদের মাথা টলিয়েছে। নবুর বৌ শাণ্ডীীর সঙ্গে গলা তুলে কৌদল করে, স্বস্তুরের সামনে কথা কয়ে বসে, অথবা দজ্জালজনোচিত আরও বহুবিধ অকাণ্ড করে, এ তাঁরা এতাবৎ গৃহিণী মারফৎ শুনে এসেছেন, কিন্তু তাতে বৌটা সম্পর্কে বিরক্ত হওয়া ছাড়া আর কিছু করার ছিল না।

কিন্তু এখন আর “মেয়েলি কাণ্ড” বলে উড়িয়ে দেওয়া চলে না। এখন “জাত যাওয়ার” প্রস্ন উঠেছে। হতে পারে বাঁড়ুঘো কর্তা সমাজের মাথা, কিন্তু মাথা বলেই তো আর সবাইয়ের মাথা হাতে কাটবার আবদার চলে না?

‘বাগদিনীর ছোয়াচ’টা হাসাহাসির মধ্যে দিয়ে একরকম মেনে নেওয়া হয়েছে, আর ওটা এমন সৃষ্টিছাড়া নতুনও কিছু কথা নয়, কিন্তু ঘরে দোরে যদি সায়েব ঢোকে, ঘরের বৌ যদি পরপুরুষের সঙ্গে কথা কয়, সেটা মেনে নেবে, সমাজ এত নখদস্তহীন হয়ে যায় নি।

চণ্ডীমণ্ডপে বৈঠক বসে, এবং পাঁচ মাথা এক হয়ে এই স্থিরীকৃত হয়,

প্রথমে নীলাশ্বর বাঁদুঘোকে চাপ দেওয়া হবে পুতবোকে ত্যাগ করবার জন্তে, তারপর যদি সে তাতে রাজী না হয়, বা না পেরে ওঠে, অবশ্যই পতিত করতে হবে নীলাশ্বরকে ।

সমাজে বাস করা তো আর ছেলেখেলা নয় ? ওই মুমূর্ষু রোগীটা সত্যিই যদি সাহেব ডাক্তারের ওষুধ খেয়ে বাঁচে, বাঁচতেও পারে, ওই লালমুখোদের ওষুধে ভেলকি খেলে শোনা যায়, ঈশ্বর করুন বাঁচুকই, ওকে একটা অঙ্গ প্রায়শ্চিত্ত করিয়ে মহাপ্রসাদ খাওয়াতেই হবে ।

আর ওই ভবতোষ মাস্টারটা !

ওটাকে জলবিছুটি দিয়ে গ্রামের বার করে দেবার কথা, কিন্তু শয়তানটা ডাক্তারের সঙ্গেই গট্ গট্ করে গাড়িতে গিয়ে উঠে কলকাতায় লম্বা দিল ।

ঘোড়ার গাড়িতে চড়ে এসেছে ডাক্তারের সঙ্গে !

তা ওর আর বাস ওঠাবার প্রশ্ন কোথায়, নিজেই তো প্রায় বাস উঠিয়ে কলকাতায় গিয়ে বাসা বেঁধেছে । পিসিটা আছে, তাই কালেকশ্বিনে আসে ।

আলামী বলতে হাজির শুধু নিতাইটা ।

তা আপাতত ওকেও খুঁজে পাওয়া যাচ্ছে না । সায়েব ডাক্তাররূপী আশুনটিকে ল্যাজে বেঁধে এনে লঙ্কাকাণ্ড ঘটিয়ে সরে পড়েছে ।

এখন আশুনের কাজ আশুন করছে ।

আগে ঘুণাক্ষরে কেউ টের পায় নি ।

কোন ফাঁকে যে এসব যোগাযোগ করেছে সত্য, ঈশ্বর জানেন ! গ্রামে এত জোড়া চোখের ওপর দিয়ে ভাঙ্গমতীর খেল দেখিয়ে দিল !

লোকে দেখল গ্রামের পথে ঘোড়ার গাড়ি ।

নীলাশ্বর দেখলেন সে গাড়ি তাঁর দরজায় থামল । আর তা থেকে নামল এক বাঘা সাহেব ।

বুকের রক্ত হিম হয়ে গেল নীলাশ্বরের । সন্দেহ নেই এ গাড়ি কালেক্টরের বা ম্যাজিস্টারের, নিশ্চয় কোন শত্রু নীলাশ্বরের নামে কিছু লাগিয়ে ভাঙিয়ে এসেছে, আর সেই বাবদ হাতকড়া এসেছে নীলাশ্বরের জন্তে ।

কেন আসবে, কি সূত্রে আসা সম্ভব, এসব কথা ভাববার ক্ষমতা থাকে না নীলাধরের, খেয়াল থাকে না, সঙ্গে সঙ্গে কে নামছে দেখবার। হাঁউ-মাউ করে গিয়ে প্রায় আছড়ে পড়েন তিনি সায়েবের সামনে।

ওদিকে পাড়ায় ঘরে ঘরে বেতার-বার্তা। নীলাধরের দরজায় ঘোড়ার গাড়ি থেকে সায়েব!

আইন-আদালত ছাড়া চট করে কারুর মগজে কিছু আসে না, এবং সকলে একবার করে জানলা একটু ফাঁক করে দাঁখে আর বলাবলি করতে থাকে, “একেই বলে বিপদ একা আসে না! ওদিকে ছেলে শুষছে, এদিকে এই কাণ্ড!”

নীলাধরের বাড়িতেও উকি-ঝুঁকি চলতে থাকে।

কিন্তু সহসা একজনের চোখে পড়ল সায়েবের গলায় নল ঝুলছে।

“ডাক্তার...ডাক্তারি নল ঝুলছে গলায়!” একটা চাপা উত্তেজনা ছড়িয়ে পড়ল চারদিকে।

ডাক্তার! সায়েব ডাক্তার এনেছে নবুর জন্তে! তলে তলে এই চালাকি খেলেছে নীলাধর, অথচ কারুর সঙ্গে কোন পরামর্শ নেই?

এ যেন প্রতিবেশীর গালে আচমকা একটা থাপ্পড় বসিয়ে দেওয়া! আবার সায়েবের পায়ে ধরে কান্দতে বসেছে!

হ্যাঁ, প্রায় পায়েই পড়েছিলেন নীলাধর, “ও সায়েব আমি কিছু জানি না, আমি কোনও দোষে দুষী নয়। ঘরে আমার ছেলে মরছে—”

সায়েব যে ভারী গলায় আশ্বাস দিল, “ভয় না আছে। রোগী ভাল হইয়া যাবে—”, তাও তাঁর কানে ঢুকল না।

কানে ঢুকল ভবতোষ মাস্টারের কথা।

“এ কী, এ রকম করছেন কেন? কলকাতা থেকে ডাক্তার এসেছেন, নবকুমারের চিকিৎসার জন্ত।”

নীলাধর তাকিয়ে দেখলেন।

নিতাইকেও দেখলেন।

মুহূর্তে অমুভব করলেন, কোথাও একটা কিছু ষড়যন্ত্র ঘটেছে। আর সঙ্গে সঙ্গেই সেই ষড়যন্ত্রের নায়িকা হিসেবে সত্যের চেহারাটাই চোখের উপর ভেসে উঠল।

কিন্তু কি করে কী হল?

তা সে যে করেছেই হোক, এখন টুশ্ব চলবে না। বলির পাঠার মত কাঁপতে কাঁপতে ভবতোষ মাস্টারের সঙ্গে সঙ্গে নিজের ঘরে চোরের মত ঢুকলেন নীলাম্বর।

সত্য নিশ্চল প্রস্তর-প্রতিমার মত দাঁড়িয়েছিল সেই রুগীর মাথার কাছে বাগানের দিকের জানলায়। কপাটটা এমনভাবে আড় করে রেখেছিল, যাতে সে নিজে ঘরের মানুষদের দেখতে পায়, ঘরের মানুষরা তাকে দেখতে পায় না।

ভবতোষ মাস্টারের সঙ্গে সঙ্গে যখন তার চাইতে প্রায় হাতখানেক লম্বা দশাসই গড়ন লাল টকটকে মানুষটা ঘরে ঢুকল, কেন কে জানে বুকটা কেঁপে উঠল সত্যবতীর। তার পর হঠাৎ ছু চোখ ভরে জল উপচে এল।

দৃশ্যতঃ হাতজোড় করল না, মনে মনে নম্র প্রণামে বলল, “বাবা, তোমার অসপদাওলা অব্যাহা মেয়েটাকে মাপ করো। দূরে থেকে আশীর্বাদ করো যেন তার হাতের নোয়া সিঁথের সিঁদুর বজায় থাকে।...বুঝেছি তোমার বুকে দাগা দিয়েছি, কিন্তু আমি তো তোমারই মেয়ে। তেজ বল, অহঙ্কার বল, তোমার স্বভাব থেকেই তোমার মেয়েতে বর্তেছে।”

তার পর মার মুখখানা মনে করতে চেষ্টা করল। বলল, “মা, তোমার নামে দ্বিবি গেলো বাবার ওষুধ ফেরত দিয়েছি, তোমার নামে যেন কলঙ্ক না পড়ে।”

কালী দুর্গা চণ্ডী শিব, এত সব জানে না সত্য, জীবনের সাক্ষাৎ দেবতাদের কাছেই বার বার আশীর্বাদ প্রার্থনা করে।

সায়ের ডাক্তারের ওষুধ ধন্বন্তরী হোক!

আবার তার চির-কোতূহলী চিত্ত ওই ভয়ঙ্কর গম্ভীর মুহূর্তেও হঠাৎ অজান্তে কখন নেহাৎ ছেলেমানুষের মত কোতূহলী হয়ে ওঠে। বিস্মিত পুলকে দৃষ্টি বিক্ষারিত করে দেখে ডাক্তার কিভাবে রোগীর বুক পিঠে নল বসানো, আর সেই নলের দুটো মুখ নিজের কানে ঢুকিয়ে গম্ভীর মুখে বসে আছে।

একটু পরে শুনে পেল, ভারী ভারী একটা গলা উচ্চারণ করছে, “ভয় না আছে। ভাল হয়েছে যাবে।”

গ্নেহকে দেবতা ভাবলে কি পাপ হয়?

তারপর রক্তমণ্ডের সমারোহ মিটল।

যারা ডাক্তারকে নিয়ে এসেছিল, তারা তার সঙ্গেই সরে পড়ল। আর উত্তত বজ্র হাতে নিয়ে দু-দুটো মানুষ নিশ্চেষ্টতনের স্বত নিষ্ক্রিয় হয়ে বসে রইলেন।

বাঁদুঘো আর বাঁদুঘো গিন্নী।

মাটির পুতুলের মত বসে আছেন দুজনে। বুঝতে পারছেন না, এই অবস্থায় ঠিক কোন্ পথে চলা বুদ্ধিমানের কাজ হবে।

না, বজ্র বোধ করি তাঁদের মাথায় পড়েছে।

নব্বু কথা ভুলে গেছেন গুঁরা।

অপেক্ষাকৃত সচেতন ছিল সত্।

সে চলে যাবার আগে নিতাইকে হাতছানি দিয়ে ডেকে, ডাক্তার কি কি নির্দেশ দিয়ে গেল তা ভাল করে বুঝিয়ে দিয়ে যেতে বলেছিল। এবং সেই ফাঁকেই বাপ করে বলে বসেছিল, “টাকা কে দিগ রে? মাস্টার?”

নিতাই মাথা চুলকে বলে, “না, মানে ঠায়ে—ব্যাশারটা কি জান সত্‌দি, বোঁঠান হঠাৎ সেদিন ঘাটের পথে ডেকে কেঁদে পড়ে—”

সত্‌ থামিয়ে দেয়, ঈষৎ কঠিন স্বরে বলে, “বোঁ যার-তার কাছে কেঁদে পড়বার মেয়ে নয়। ভনিতা রেখে সত্যি কথাটা বল! বাপ করে বল!”

নিতাই অতএব সত্যি কথাই বলে।

ঘাটের পথে নিতাইয়ের হাতে গলায় হার খুলে দিয়ে বলেছে সত্য, আমার যেমন স্বামী, তোমারও তেমনি বন্ধু। সেই বুঝে কাজ করবে। কলকাতায় গিয়ে এই হার বিক্রি করে সায়েব ডাক্তার নিয়ে এস। ওপর হাতের তাগা-জোড়াটাও খুলে দিতে চাইছিল, নিতাই নিবৃত্ত করেছে।

রোগীর ঘরে কেউ নেই।

সত্য আসতে আসতে এসে বিছানার কাছে দাঁড়িয়েছিল, সত্‌ চুকতে এসে ফিরে গেল। মনে মনে বলল, “বাঁচে যদি তো তোর পুণ্যেই বাঁচবে বোঁ! বেহুলা মরা স্বামী নিয়ে স্বর্গ পর্যন্ত ধাওয়া করেছিল, সাবিত্রী যমরাজের পেছনে ছুটেছিল। যুগে যুগে তারা সকলের পূজা পাচ্ছে।”

একটু পরে আবার যেতে গিয়ে শুনতে পেল বোঁ শাশুড়ীর কাছে এসে নরম গলায় বলছে, “সায়েব ডাক্তারের ওষুধ তো তোমরা সর্বদা ছুঁতে পারবে না, রুগীর ভারটাই বরং আমাদের দিয়ে রান্নাঘরটা তুমি—”

এলোকেশী নড়েচড়ে শুকনো গলায় বলে ওঠেন, “তা এখন তুমি যা বলবে তাই শিরোধার্য - করতে হবে। মহারাণী ভিক্টোরিয়ার নিচেই তুমি! তা রান্নাঘরের তার না হয় বাঁদী নিল, তোমার ছেলেদের ভার কে নেবে?”

সত্য আরও নম্র গলায় বলে, “ঠাকুরঝির কাছেই তো বেশী বেশী থাকে ওরা।”

“থাকে বলে গলায় চাপাতে হবে?”

জগতে সবই সম্ভব। সদূর দিকে টেনেও কথা বলেন এলোকেশী! সদূর পরবর্তী কথা শোনবার জন্তে চুপ করে দাঁড়িয়ে থাকে। আবার শুনতে পায় বোয়ের আরও নরম গলা, “ঠাকুরঝি তো ওদের প্রাণতুল্য দেখেন। গলায় চাপা ভাববেন কেন যা?”

কিন্তু সত্যর এই নরম গলাটা কেন সদূর চোখে জল এনে দেয়! কেন যেন মনে হয় সত্যর গলায় এই নরম স্বর একেবারে মানায় না। ওর সেই জোরালো গলাটাই ভাল। অনেক ভাল।

একত্রিশ

সাহেব ডাক্তারের হাতঘণ্টা কি সত্যর শাঁখা-লোহার পুণ্যে, অথবা নবকুমারের নিজেরই পয়মায়ুর জোরে বেঁচে গিয়েছিল নবকুমার। কিন্তু ভিতরে ভিতরে কেন কে জানে সত্যকে সে নিজের জীবনদাত্রী বলেই ভাবতে অভ্যস্ত হয়ে গিয়েছে সেই থেকে।

অতএব সে জীবনটা নিয়ে সত্য যা করতে পারে করুক। যে দেশে অস্থখ করলেই সাহেব ডাক্তার পাওয়া যায়, মৃত্যুভয় বলে বিভীষিকাটাই থাকে না, সত্য যদি নবকুমারকে সেই দেশে নিয়ে গিয়ে প্রতিষ্ঠিত করতে চায়, সেই চাওয়াটাকে আর হাস্তকর অবাস্তব বলে উড়িয়ে দেয় না নবকুমার।

কাজেই সত্যর কাজ কিছুটা সহজ হয়ে এসেছে। হয়তো এই জন্তেই লোকে বলে থাকে ‘ভগবান যা করেন মঙ্গলের জন্তে’। নবকুমারের এই মারাত্মক রোগটাও শেষ অবধি সত্যর জীবনে, অন্ততঃ সত্যর মতে, পয়ম

মজল ডেকে এনেছে। ছেলেদের ‘মাছুষ’ করতে চায় নত্যা, মাছুষের মত মাছুষ। আর সে মাছুষ হতে হলে জগৎটাকে দেখতে হয়।

অবশ্য তার পরও কি আর কাঠখড় পোড়াতে হয় নি? অনেক হয়েছে। অবশেষে আস্তে আস্তে মেঘ কেটে সূর্যকিরণের আভাস দেখা যাচ্ছে।

ভবতোষ মাস্টারের চেষ্টায় নিতাই আর নবকুমারের এক-একটা চাকরি যোগাড় হয়েছে কলকাতায়। নিতাইয়ের রেলি ব্রাদার্সে, নবকুমারের সরকারী দপ্তরে।

অতএব ওদের এখন এক পা রথে এক পা পথে। নবকুমার অবশ্য মা বাপের কাছে নিজে প্রস্তাব করে নি, করতে পারে নি, সত্যকেই বলতে হয়েছে। তবে কথা ঠিক করেছেন তাঁরা ছেলে বৌ দুজনের সঙ্গে।

এলোকেশী আজকাল খাওয়া শোওয়া ব্যতীত বাড়িতে থাকেন না বললেই হয়। আর নীলাধর সন্ধ্যার দিকে হরিনভায় যেতে শুরু করেছেন।

কিছুদিন আগে পর্যন্ত সত্ৰ সত্যর উপর একটু খাপ্পা ছিল। কিন্তু সত্যর লাহেব ডাক্তার ডাকা-রূপ অসাধ্য সাধনের পর থেকে সত্ৰও যেন কেমন মহিমান্বিত!

মাঝে মাঝে নিজের জীবনের খাতাটাও বুঝি উন্টে দেখতে শুরু করেছে আজকাল সত্ৰ। সত্ৰ যদি ওই রকম নির্ভীক হতে পারত! পারলে হয়তো সত্ৰর জীবনটা এমন বরবাদ হয়ে যেত না। হয়তো বিপথগামী স্বামীকে সুপথে টেনে এনে সুখে সংসার করতে পারত। কিন্তু সত্যর মত সত্যর শক্তি সত্ৰর নেই। সত্যর মত বলতে জানে না সত্ৰ, ‘মনে-জ্ঞানে যে কাজে দোষ দেখব না, পাপ দেখব না, সে কাজে নিম্নের ভয় করব কেন? নিম্নে সূখ্যাতির ভয়ে হাত-পা গুটিয়ে বসে থাকাও তো এক রকম স্বার্থপরতা। কিসে লোকে আমার নিম্নে করবে, আর কিসে আমার সূখ্যাতি করবে এই চিন্তায় যদি স্বামী-পুত্রদের ভালটি পর্যন্ত না দেখি, সেটা তো ঘোর স্বার্থক কাজ।’

সত্ৰ উঠে পড়ে লেগে স্বামীকে শোধরাতে পারত, তা পারে নি সত্ৰ, ভয় খেয়েছে। সত্ৰ আমার বাড়িতে এসে অকারণ মা মা-স্বামীকে বাঘের মত ভয় করে মরেছে। জ্ঞান-অজ্ঞান কথাটি কখনো বলতে পারে নি। সত্ৰ ভীতু।

সত্য সাহসী।

তাই সত্য আজ ভোবার খোলা জল থেকে মুক্ত হয়ে লাগরে তরী ভাসাতে গেল।

পাড়াপড়শীর ঘরে সত্যর বয়সী বেসব বৌ-ঝি আছে, তাদের মধ্যেও সত্য একটা আলোড়ন এনেছে বৈকি! তাদের দিনরাত্রির চিন্তার অনেকখানি দখল করে রেখেছে সত্য।

ক' আশ্চর্য!

কী বিস্ময়!

কী অলৌকিক!

ঠিক তাদেরই মত একটা মেয়েমানুষ স্বামীপুত্র নিয়ে কলকাতায় 'বালা'য় যাচ্ছে! আর কিসের কবল থেকে? না এলোকেশীর মত ভয়ঙ্করী কবল থেকে। ওদের স্বামীরা এখন কিছুদিন যাবৎ দাম্পত্যসুখের মাধুর্য থেকে বঞ্চিত। কারণ সেই নিভৃত নির্জনে তাদের জীরা এখন অনবরত নবকুমারের সাহস ও প্রেমের দৃষ্টান্ত দেখাচ্ছে।

হতভাগ্য স্বামীরা নবকুমারকে 'স্নেহ' 'মেয়েমানুষের বশ' ইত্যাদি বিশেষণে ভূষিত করেও বিশেষ সুবিধে করতে পারছে না।

তবে বৌগুলোর অসুবিধে এই—সত্যর সঙ্গে একবার নির্জনে দেখা করে স্বামীদের স্নেহ করে তোলবার মন্তরটা শিখে নেবে এ উপায় নেই। বাঁড়ুঘ্যে-গিন্নীর বোয়ের সঙ্গে মেশার ব্যাপারে তাদের প্রতি কড়া নিষেধ আছে, আর 'বাটে' আশার সময় শান্তুড়ী পিসশান্তুড়ী কি বড় ননদ, নিদেনপক্ষে একটা পুঁচকে ননদও পাহারাদার থাকে।

অতএব মন্তর শেখা হয় না।

অবশ্য ওপরওলাদের ভুলিয়ে তারা সত্যকে ছিছিকার দেয়। যে মেয়েমানুষ বড়ো স্বস্তর-শান্তুড়ীর সেবারূপ মহৎ কর্মে জলাঞ্জলি দিয়ে ছেলেদের 'ভাল ইচ্ছা পড়াব' ছতো করে 'বালা'য় যায়, সে মেয়েমানুষকে শত ধিক দেবে না আর মেয়েমানুষরা?

কিন্তু দিক।

সত্যর কানে এসব আসেও না।

এলেও সত্যর 'কানের ভিতর দিয়া মরমে' পশে না। সে তখন শুধু যাবার প্রস্তুতিসাধনে বস্ত্রবতী।

এই সময় কথাটা একদিন পাড়ল সত্য।

হয়তো সেটাকেও ওই প্রস্তুতি হিসেবেই ধরেছে সে। অথবা এক অনিশ্চিতের পথে পা বাড়ানোর আগে জন্মের শোধ জন্মভূমিকে দেখবার বাসনা তাকে প্রবলভাবে পেয়ে বসে। কারণটা যাই হোক, কথাটা পাড়ে সত্য, “যাবার আগে একবার ওখানে ঘুরে আসব।”

‘ঘুরে আসতে ইচ্ছে করছে—’ অথবা ‘ঘুরে আসলে ভাল হয়’ কি ‘ঘুরে আসা কর্তব্য,’ এসব ভাবার ধার দিয়ে যায় নি সত্য।

‘ঘুরে আসব।’

তার মানে ব্যাপারটা স্থির সিদ্ধান্তের কোঠায়। এখন ব্রহ্মার ব্যাটা বিষু এলেও সে সিদ্ধান্তের রদ হবে এ আশা নেই কারো।

এলোকেশী বিরস মুখে বলেন, “যাবে ভাল কথা। তা আমাকে বলতে এসেছ কেন? শুধোচ্ছ? নাকি অলুয়তি নিচ্ছ?”

ই্যা, কথা আবার কইছেন এলোকেশী বোয়ের সঙ্গে। তার কারণ কথা কওয়াই তাঁর রোগ। মুখ বুজে ছ-দণ্ড থাকা তাঁর কোষ্ঠীতে নেই। ‘কথা বন্ধ করব’ ভেবেও কয়ে ফেলেন।

সত্য তার বড় বড় চোখ দুটো একবার তুলে তাকিয়ে দেখে বলে, “না: সে মিথ্যে রঙ্গর দরকার দেখি না। যাব যখন মনস্থ করেছি, যাওয়ার ব্যবস্থাই করতে হবে। জানানটা দিলাম, ঠাহুরকে বলবেন পঞ্জিকাটা একবার দেখে দিতে।”

এলোকেশী স্ব-স্বভাবে এসে পড়েন।

ভেঙিয়ে উঠে বলেন, “বাপ উদ্দিশ করে না। বাপের বাড়ি যাবে কোন্‌ স্ববাদে?”

“বাপকে একবার পেরাম করতেই যাব।” সত্য আকাশের দিকে তাকিয়ে উদাস মুখে বলে, “মা-বাপেরই কর্তব্য আছে, সন্তানের নেই?”

“তা বেশ কোর্তব্য করো। যেও বাপকে পেরাম করতে। আহ্বান ছেলে বিনি “আভ্যানে” যাবে না তা বলে রাখছি।”

সত্য উঠে দাঁড়িয়ে বলে, “এমন এক-একটা অনাছিষ্ট কথা বল তুমি! তোমার ছেলেকে তুমি আটকাবে তো আমি এতখানি রাস্তা যাব কি পাড়ার লোকের সঙ্গে?”

“তোমার আবার সঙ্গ।”

এলোকেশী পিচ্ করে একটা পিচ্কেলেন। “ডাকাতে তোমায় দেখে ভয় পাবে মা!”

“পেনেই মদল!” সত্যও কথার ইতি টানে, “তবু লোকসাক্ষী একটা বেটাছেলে সঙ্গে থাকা ভাল! আর বাবাকে পেন্নাম করা তো বাবার জামাইয়েরও কাজ।”

“ইল্লিমারি টুস্কি! আরও কত শুনব! বলে, রাখালি কত খেলাই দেখালি! শিশুর আবার কবে কার গুরুঠাকুর হল, তা তো জানি না।”

“মেয়েমাহুষের যদি এত হয় তো বেটাছেলের একেবারেই বা হবে না কেন, তাও তো জানি নে মা! মা-বাপ উভয় পক্ষেই গুরুজন।” বলে এবার উঠেই যায় সত্য।

জানত এই রকমই হবে।

তাই আর অল্পমতি চাওয়ার প্রহসনটা করতে চেষ্টা করে নি।

প্রবলের জয় অবশুস্তাবী।

পঞ্জিকা দেখে ষাট্চার দিন দেখাও হয়, এবং শুভ মুহূর্ত অনুযায়ী “ষাট্চার” করে স্বামী-পুত্রকে নিয়ে পাল্কিতে গিয়ে ওঠেও সত্য। বিশেষ কোনও বাধা আর আসে না। হালই ছেড়ে দিয়েছে তারা।

পাল্কি সত্যর শ্বশুরবাড়ির গ্রাম ছাড়ায়, পাল্কির দরজা সরিয়ে মুখ বাড়ায় সত্য।

নবকুমার বলে, “ঘোমটা খুলে মুখ বাড়াচ্ছ কেন? কে কোথায় দেখে ফেলবে।”

সত্য পুলক-কম্পিত স্বরে বলে, “দেখলেই বা! আর তো এখন আমি শ্বশুরবাড়ির বৌ নই!”

“বলি মেয়েছেলে তো বটে?”

“বলছি কি তা নয়? তবে মুখে তো লেখা নেই বৌ কি ঝি? দেখ না ওখানে গিয়ে কিরকম গাছকোমর বেঁধে দস্তিবিত্তি করে বেড়াই।”

বড় ছেলে “তুডু”র এসব আলোচনা হৃদয়ঙ্গম হবার বয়স হয়েছে। সে সহসা বলে ওঠে, “ঘ্যাঃ! তুই আবার গাছকোমর বাঁধবি কি?”

“আবার তুই!” সত্য ভীত ভৎসনায় বলে ওঠে, “কত দিন বলেছি মাকে তুই বলতে নেই। তুমি বলতে হয়। তবু—”

সহসা কথার মাঝখানে হেসে ওঠে নবকুমার, “হয়েছে! খুব শাসন হয়েছে। বড় একটা মাল্লুস ও, তাই স্থশিক্ষে দেওয়া হচ্ছে। আমি তো বড়ো বয়েস অবধি মাঝে তুই বলেছি।”

সত্যর মুখ কঠিন হয়ে ওঠে। বলে, “তুমি যা যা করেছিলে বড়ো বয়েস অবধি, তার দিষ্টান্ত তুমি অল্প সময় ছেলের কানে ঢেলো। আমি যখন একটা শিক্ষাদীক্ষা দিতে আসব, তখন তার ওপর কাঁপিয়ে পড়ে বাগড়া দিতে এস না।”

“বাবা: ! কী হল? কিসে যে কি হয় তোমার বোঝা দায়।”

নবকুমার বোঝে একটু বেকায়দা হয়ে গেছে। ক্ষণপূর্বের সেই পুলকোচ্ছল লাবণ্যময়ী মূর্তি অন্তর্হিত হয়ে গেল ওই কাঠিগের আড়ালে। তাই আপনার স্মরণ ধরে সে। সত্যি সত্যবতীর ওই চাপলা, ওই লাবণ্য, ওই আফ্লাদে আলো হয়ে ওঠা মুখ কী অপূর্ব! কিন্তু বড় ক্ষণস্থায়ী। মুহূর্তে মেঘে ঢাকা পড়ে যায়।

আর যায় নবকুমারেরই বোকামিতে। অথচ নবকুমার কিছুতেই বুঝতে পারে না কিসে কি হয়ে যায়, কিসে কি হয়ে যেতে পারে।

সত্যবতীর নাগাল কোনদিনই কি পাবে সে?

কিন্তু সত্যর মুখের মেঘ কাটাতে পেরেছে নবকুমারের আশ্রয়।

তুড়ু ইত্যবসরে মায়ের কোল ঘেঁষে বসে বসছে, “মামার বাড়ি গিয়ে ভাল ছেলে হতে হয়, না মা? না-না, সব বাড়িতেই ভাল ছেলে হতে হয়। শুধু মামার বাড়ি গিয়ে আরো বেশী বেশী ভাল হতে হয়। তা আমি তো সেসব জানিই, কিন্তু ওই খোকা বোকাটা? কিছু জানে না, মামার বাড়ি গিয়ে শুধু অ্যা-অ্যা করে কাঁদবে।”

ছেলের ওই অ্যা-অ্যা ভঙ্গীতে হেসে ফেলেছে সত্য।

না, অসম্ভব এই পথটুকুতে তেমন ভয় নেই নবকুমারের। মেঘ স্থায়ী হবে না। বুঝি গতির মধ্যেই আছে এক অপূর্ব পুলকের স্বাদ। তাই মুহূর্তে মুহূর্তে কিশোরীর মত উচ্ছ্বসিত হয়ে উঠছে সত্য।

“ওগো দেখ্ দেখ্, ওই মাঠে কী কালো গরুটা! ঠিক যেন গরুর পাখর-বাটি।...তুড়ু দেখ্ দেখ্, ওই পুকুরটার কত পদ্ম ফুটেছে! ছোটবেলায় আমরা ওই পদ্ম গাছা গাছা তুলতাম।...মামার বাড়ি চল, দেখাব তোকে সেই পুকুর।

...আচ্ছা হ্যাঁ গো, ওই গাছটা কি বল তো ? ঠিক ধরতে পারছি না। পাতা-গুলো বেশ কেমন নতুন ধরনের।...ওমা ওমা কী চমৎকার বুনো ফুল বুনো ফুল গছ এল ! ঠিক আমাদের ওখানের মতন।

নিজের খুশিতে নিজের সঙ্গেই কথা বলে চলেছে সত্য, স্বামী-পুত্র উপলক্ষ মাত্র।

নবকুমার হাঁ করে চেয়ে থাকে সেই মুখের দিকে।

এতদিন ঘর করছে, দু-দুটো ছেলের বাপ হল, এমন প্রকাশ্য দিনের আলোয় এত স্পষ্ট করে কবে এমনভাবে তাকিয়ে থাকতে পেরেছে তার লাবণ্যময়ী স্ত্রীর মুখের দিকে।

“বাসা”য় যাওয়ার ভয়টা একটু কমে এসেছে, এখন বরং একটু একটু রোমাঞ্চময় উদ্ভাদনা। সেখানে গুরুজনের রক্তচক্ষুর ভয় নেই, নেই পাড়াপড়শীর গুরুভয়।

শুধু নবকুমার আব সত্য !

চাকরির ভয়টা খুব জোর আছে। তবে ভবতোষ মাস্টার প্রচুর ভরসা দিয়েছেন। বলেছেন, নবকুমার যা ইংরিজি জানে, তার সিকি ইংরিজি শিখেও সাহেবের অফিসে কাজ করছে কত লোক। নবকুমার ঢুকতে না ঢুকতে ‘সাহেবের’ নেকনজরে পড়ে যাবে নির্ধাত। আর বলেছেন, গ্রামে পড়ে থেকে জমি-জমার উপস্থিত্তে জীবন কাটানোর ইচ্ছেটা এয়ুগে অচল ইচ্ছে।

কলকাতায় গিয়ে দুটো কামিজ করাতে হবে, আর একজোড়া হু-জুতো। এ নইলে তো আর অফিসে যাওয়া যাবে না।

ভবতোষ তাদের জন্তে একটা বাসাও ঠিক করে রেখেছেন নাকি। নিজে তিনি মেসে থাকেন, কিন্তু নবকুমারের তো তা চলবে না। সে যখন ‘ফ্যামিলি’ নিয়ে যাচ্ছে। নিতাইটার মন্দ কপাল ! ওর বৌকে বাসায় আনতে পারবে না। নিতাইয়ের মামা বলেছেন, বৌ কলকাতার বাসায় গেলে তার হাতে আর তাঁদের খাওয়া চলবে না।

এত বড় শান্তির ভয় তুচ্ছ করে বরের সঙ্গে বাসায় যাবে এত সাহস নাকি নিতাইয়ের বৌয়ের নেই।

অতএব নিতাইকেও নবকুমারের হাঁড়িতে জায়গা দিতে হবে। বৌটাকে যদি আনতে পারত নিতাই ! বেশ দুটো বৌতে থাকত একসঙ্গে। হোক

বামুন-কায়েত, কেউ কারুর ভাতের হাঁড়ি নাড়তে না যাক, দুজনে একত্রে বসা, গল্প করা, চুল বাঁধা, পান সাজা, এসব তো করতে পারত।

তা হবার জো নেই।

বেচারী নিতাইটাকে তাদেরই একটু যত্ন-আত্তি করতে হবে।

ভবতোষ বলেছেন খুব খাসা বাড়ি। তিন-চারখানা ঘর, মস্ত দরদালান। রান্নাঘর, ভাঁড়ারঘর, উঠোন, কুয়োতলা! জলের কলও নাকি আছে। বাড়ির ভেতরে নয়, দরজার কাছে। থাক। তার জল খেয়ে জাতজন্ম না খোঁওয়ানোই ভাল। কুয়োর জল যখন আছে!

সে যা হয় হবে।

প্রধান কথা ভাড়া। বড্ডই গায়ে লাগবে। বাপের কাছ থেকে তো আর টাকা চাইতে যাবে না নবকুমার।

কিন্তু ভবতোষ বলেছেন, কলকাতায় ও-রকম বাড়ি দশ টাকাতোও সহজে মেলে না, নেহাৎ বাড়িটা ভবতোষের এক বন্ধুর বাড়ি বলেই আট টাকায় পাওয়া যাচ্ছে।

হোক।

নবকুমার তো তেমনি মাইনেও পাচ্ছে আটান্ন টাকা। এত বড় মোটা মাইনের চাকরের পক্ষে ওতে কাতর হওয়া ঠিক নয়।

যাক তাই হোক।

তা বলে নিতাইয়ের প্রস্তাব সে নেবে না। নিতাই বলেছে, ভাড়ার ভাগ দেবে। না, ছিঃ! নবকুমারের এত বন্ধু নিতাই, তাই কখনো নেওয়া যায়?

কিন্তু কে জানে সেখানে সত্যর মেজাজ কেমন থাকবে? এখানে তো ক্ষণে রুট, ক্ষণে তুট, সেখানে যতই হোক, নিতাই একটা পর ছেলে! সত্য যদি তার সামনে মেজাজ দেখায়?

নাঃ, তা বোধ হয় করবে না।

সেদিকে সভ্য আছে।

এখন কবে সেই দিনটি আসে! যবে সেই অজানা অচেনা দরদালানে বসে দুই বন্ধু অক্ষিসের 'ভাত' খাবে! আর সত্য এলোচুল ছলিয়ে কোয়ারে কাপড় জড়িয়ে ছুটোছুটি করে রান্না করবে! পরিবেশন করবে!

এ সমস্তই সম্ভব হবে সত্যর শক্তিতে।

বিগলিত শ্রেমে সত্যর দিকে তাকিয়ে দেখে নবকুমার ।

কিন্তু সত্যর তখন দৃষ্টি লক্ষ্যভেদী, নাসারন্ধ্র স্ফীত, সমস্ত চেতনা একাগ্র ।
সহসা চোঁচিয়ে ওঠে সে, “ওই তো ওই তো, জটা-দাদাদের বাড়ির চিলেকোঠা,
ওই গাভুলী-কাকাদের উঠোনে বাজপড়া নারকোল গাছটা—ও বেহারারা,
ডান দিকে ডান দিকে—”

পথ দেখিয়ে দেওয়ার ভার সে নিজে নিয়েছে ।

পাল্কি নামাতেই একটা বিরাট চাঞ্চল্যের ঢেউ উঠেছিল, তার পর জানা
হতেই আকাশ থেকে পড়ল সবাই । না বলা না কওয়া এমন করে মেয়ে
কেন উপস্থিত ? এমন তো হবার কথা নয় ।

কী মূর্তি নিয়ে নামছে ?

কে ফেলে দিয়ে যেতে এসেছে ?

ওগো না গো না !

ষষ্ঠঋষ্ময়ী রাজরাণীর বেশে এসেছে সে কার্তিক-গণেশের হাত ধরে,
ভোলানাথকে সঙ্গে করে !

মন কেমন করছিল তাই দেখতে এসেছে বাপকে, বাপের বাড়ির সবাইকে ।
এসেছে জন্মভূমি দেখতে ।

বারবাড়ির কলরোল মিটিয়ে অন্দরমহলের দিকে এগোল সত্য, চারি-
দিকে বিভ্রান্ত দৃষ্টি মেলে ।

আর যেই ভেতর-বাড়ির উঠোনে পা ফেলল, তুমুল একটা কান্নার রোল
উঠল ।

বিলাপধ্বনি মিশ্রিত রোল ।

আলাদা করে বোঝবার উপায় নেই গলা কার । ঐকতান বাদন ! বাড়ির
সকলের সঙ্গে পাড়ার মহিলারাও যোগ দিয়েছেন অনেকে ।

কিন্তু নতুন কার জন্তে বিলাপ ? ভুবনেশ্বরীর ঘটনা তো—অনেক দিনের
হয়ে গেছে ।

না বিশেষ কারও জন্তে বিলাপ নয়, আর সন্ত শোকের কাতরতাও নয় ।
খানিকটা সত্যর আবির্ভাবে আনন্দাশ্রু, আর বাকীটা সত্যর এই দীর্ঘ
অল্পপরিহিতিকালের মধ্যে সংসারে যা যা শোকাবহ ঘটনা ঘটেছে, তারই
কিরিস্তি জানিয়ে নতুন করে বিলাপ-ক্রন্দন ।

এই ক্রন্দনরোলার মাঝখানে দিশেহারা সত্য ছেলে দুটোর হাত ধরে উঠোনের একধারেই দাঁড়িয়ে থাকে, আর বাববাড়িতে নবকুমার উদ্ভ্রান্ত দৃষ্টি মেলে উৎকর্ণ হয়ে বসে থাকে। সামনে শব্দর বসে, কিন্তু তাঁকে প্রব্র কববে এত বুকব পাটা নবকুমারের নেই। সেই যে প্রণাম করে ঘাড় হেঁট করে বসেছে, বসেই আছে।

তা ছাড়া তিনি তো—দেখা যাচ্ছে—নির্বিকার। বাড়ির মধ্যে এত বড় ক্রন্দনরোল যখন ওঁকে তিলমাত্র বিচলিত করতে পারছে না, তখন ব্যাপারটায় গুরুত্ব নেই বলেই মনে হচ্ছে।

নবকুমারও পাড়াগাঁয়ের ছেলে। মেয়ে শব্দরবাড়ি থেকে এলে কান্না-কাটির ঘটনা তার একেবারে অজানা নয়, তাই ক্রমশঃ সে নিশ্চিত হয়, আর রোলটাও আস্তে আস্তে ফিকে হয়ে আসে।

ঈষৎ নড়েচড়ে রামকালীই কথা বলেন।

“কখন বেরিয়েছ?”

“আজ্ঞে—!”

নবকুমার চমকে তাকায়।

রামকালী তাকিয়ে দেখেন। একটি স্বাস্থ্যবান স্ককাস্তি পুরুষের দেহে এখনো যেন একখানা লাজুক কিশোরের মুখ। স্কন্দর স্ককুমার, কিন্তু বুদ্ধির ছাপ খুঁজে পাওয়া যায় না। মনে মনে মৃদু আক্ষেপের হাসি হাসেন। একে স্নেহ করা যায়, ভরসা করা যায় না। হয়তো এই জগ্গেই ভগবান সত্যকে অমন দৃঢ় মজবুত করে গড়েছেন, ও লতার মত আশ্রয় চাইবে না, বনস্পতির মত আশ্রয় দেবে।

একটা নিঃশ্বাস পড়ল।

মনে করলেন সত্যর কপালে চির দুঃখ। রামকালীর মেয়ে রামকালীর ললাটলিপিই পেয়েছে। কত দুঃখী রামকালী! কত স্কখী ছিল ভুবনেশ্বরী!

আগে স্বপ্নেও কল্পনা করেন নি রামকালী এমন করে কখনো ভাববেন। নিজেকে কখনো দুঃখীর কোঠায় ফেলবেন।

নবকুমারের ওই তটস্থ স্রের “আজ্ঞে” শুনে রামকালী মৃদু হেসে আর একবার বললেন, “কতক্ষণ বেরিয়েছ?”

“আ—আজ্ঞে, সেই প্রাতঃকালে দুটো ফেনাভোত খেয়েই—”

কথাটা বলেই বোধ করি নিজের বেকুবীটা বুঝতে পারে নবকুমার, “প্রাতঃকাল”কে আরও মোক্ষম করে বোঝাবার জন্যে ওই ফেনাভাতের প্রদক্টা না আনলেই হত! প্রাতঃকালই যথেষ্ট ছিল। কিন্তু মুখের কথা হাতের টিল।

রামকালী ব্যস্ত হয়ে বলেন, “সে কি! এতটা সময় লেগেছে? তা হলে তো—না না, আর বসে থাকা নয়। শীত্র হাতমুখ ধুয়ে—”

নবকুমার এবার কিঞ্চিৎ স্পষ্ট গলায় বলে, “না না, ব্যস্ত হবেন না। পথে পালকি নামিয়ে আহার হয়েছে। সঙ্গে জলপান ছিল।”

“তা হোক। বেলা পড়ে এসেছে। ওরে কে আছিস?”

একসঙ্গে অনেকগুলো নানা বয়সের ছেলে এসে দাঁড়ায়। অর্থাৎ এরা আশেপাশে উকিরুঁকি মারছিল, শুধু সামনে আসতে ভরসা পাচ্ছিল না।

রামকালী বলেন, “অন্দরে গিয়ে বল গে, বাবাজীর হাতমুখ ধোওয়ার ব্যবস্থা করতে।”

“হাতমুখ ধোওয়াটা একটা সাঙ্কেতিক শব্দ। মূল অর্থ জলখাবারের ব্যবস্থা করা। ওরা দু-একজন ব্যস্ত হয়ে চলে যায়, দু-একজন দাঁড়িয়ে থাকে। আর কে একজন খপ করে বলে বসে, জামাইবাবুর কী মজা! কেমন কলকাতার বাসায় গিয়ে থাকবে!”

রামকালী ঈষৎ চমকে ওঠেন।

ভাবেন এটা আবার কি কথা!

সত্য তো ঘোমটা ঢাকা অবস্থায় একটা প্রণাম করেই ভেতরে চলে গেছে, নবকুমারের সামনে বাপের সঙ্গে কথা বলে নি, তা ছাড়া ছিল পাড়া-পড়শীর হুল্লোড়।

নবকুমার মেয়েদের মত লজ্জার ভান করে বসে আছে। রামকালী ঈষৎ কৌতূকের স্বরে বলেন, “কলকাতার বাসার কথা কি বলছে?”

প্রশ্নটা নবকুমারকে।

নবকুমার উত্তর না দিয়ে পারে না। তাই আন্তে আন্তে বলে, “হ্যাঁ সেই রকমই স্থির হয়েছে।”

“তুনে স্থগী হচ্ছি! এখন কলকাতার উন্নতির নানাবিধ পন্থা হয়েছে। কোনও কর্মের চেষ্টা হয়েছে নাকি?”

“আজ্ঞে হ্যাঁ। মাস্টার মশাই একটা চাকরির ব্যবস্থা করে দিয়েছেন।”

রামকালীর জামাতা! তাই কর্তব্যবোধেই প্রাণ করেন রামকালী,
“কোথায়?”

“ইয়ে, আ—আজ্ঞে সরকারী দপ্তরে।”

“স্বথের কথা। তা কোথায় থাকবার ঠিক করেছে? মেসে?”

“আজ্ঞে না। বাসায়। মাস্টার মশাই বাসাও ঠিক করে দিয়েছেন।”

রামকালী অবশ্য বেতন কত তা জিজ্ঞেস করেন না, শুধু সামান্য চিন্তিত স্বরে বলেন, “তা হলে তো পাচকেরও ব্যবস্থা করতে হবে। একা বাসা নিয়ে—”

নবকুমার আর বেশীক্ষণ লজ্জা বজায় রাখতে পারে না, পুলক গোপনের উচ্ছ্বসিত আভা মুখে মেখে বলে ওঠে, “পাচকের দরকার হবে না। তুডু-খোকার মা, ইয়ে আপনার মেয়েই তো যাচ্ছে।”

“আমার মেয়ে! সত্য! সত্য কলকাতার বাসায় যাচ্ছে!”

নবকুমার খতমত খেয়ে চূপ করে যায়। বুঝতে পারে না রামকালীর এই স্বরটা ঠিক কোন্ ভাবব্যঞ্জক। একটু যেন বিচলিত মনে হুল না?

হ্যাঁ, কিঞ্চিৎ বিচলিত হয়েছেন রামকালী।

অনেকদিন আগের একদিনের কথা মনে পড়ে গেছে।

বালিকামূর্তি নিয়ে সত্য ভেসে উঠেছে চোখের সামনে। আর তার সামনে ভেসে উঠেছে আর একখানা ভয়ব্যাকুল মুখ। সেই মুখের সামনে আঙ্গুল তুলে বলছে সত্য, “তোমার যে এত ভয় কিসের মা! এই তুমি দেখে নিও, কলকাতায় আমি যাব, যাব যাব!”

সত্য তার প্রতিজ্ঞা রাখছে, কিন্তু তা দেখে গর্বে আনন্দে বিস্ময়ে পুলকে কে মুগ্ধ হবে?

নিশ্বাস গোপন করে বললেন, “সাহস করতে পারছ স্বথের বিষয়। তা তোমার মাতাপিতার ব্যবস্থা?”

“দিদি আছে। পড়শীরা আছে।”

“হঁ! তা ওঁরা আপত্তি করলেন না?”

এবার আর নিজেকে সংবরণ করা দুঃসাধ্য হয়ে ওঠে নবকুমারের। প্রায় একগাল হেসে ফেলে বলে, “আপত্তি কি আর তাঁরা না করেছেন? কিন্তু আপত্তি টিকলে তো? ‘এ’ ধুরো ধরল ছেলেদের ভাল ইচ্ছলে পড়ানো চাই। বুদ্ধির রাজা তো!”

ওর ওই উদ্ভাসিত মুখের দিকে তাকিয়ে সহসা ওর ওপর ভারী একটা স্নেহ
অল্পভব করলেন রামকালী। অন্দরে পাঠিয়ে দিলেন নবকুমারকে।

অন্দরের অবস্থা তখন হাশুমুখর। সত্যর ছেলেদের নিয়ে ঠাট্টা-আমোদ
চলছে দিদিমা সম্পর্কীয়দের। সত্যকে ঘিরে বসেছে বাড়ির বাকী সবাই।

রাস্তর নতুন বৌ, শিবজায়ার আইবুড়ো নাতনীরা, রাস্তর দুই ভাস্করবো
আর ভাগ্নী দুটো, এবং পড়শীবাড়ির নবীনা-প্রবীণার দল। মোক্ষদার বেলী
কথা বলার ক্ষমতা আর নেই, তবু আসরের একপাশে বসে আছেন দেওঝাল
ঠেস দিয়ে। শুধু সারদা এ আসরে অল্পপস্থিত। সারদার মরবার সময়
নেই।

তার ঔদাসীন্তের কাছে সত্যর নতুনত্ব, অপূর্বত্ব, বৈচিত্র্যের বহুমুখিত্ব, সব
কিছুই পরাস্ত মেনেছে।

কিন্তু আর সবাই তো সারদা নয়, তাই প্রেমের উত্তর দিতে দিতে, নিজে
আর কাউকে কোনও প্রস্তাব করবার সময় পাচ্ছে না সত্য। অথচ সে তো
নিজেকে দেখাতে আসে নি, সবাইকে দেখতে এসেছে।

কিন্তু কোতুহল যে সকলেরই অদম্য। দু-দুটো ছেলে হয়ে গেল, তারা
ভাগররটি হল, যোগাযোগ তো নেই। ওরা অবিশিষ্ট ছেলেদের অন্তপ্রাশনে
বলে পাঠিয়েছিল, কিন্তু রামকালী তো তখন তীর্থে ঘুরছেন। তবে ফিরে এসে
তো কই—?

কিন্তু এত দিন কেন আসে নি সত্য, আর এখন এমন হট করে এল কেন,
এ প্রশ্ন চাপা পড়ে গেল। এখন প্রশ্ন কলকাতার বাসা! সেইখানেই সহস্র
কোতুহলের প্রশ্ন। কে সাহস দিল সত্যকে? কে দেখবে সেখানে সত্যকে?
শুশুর-শাশুড়ী বেঁচে থাকতে বরের সঙ্গে বাসায় যাবার পরিকল্পনাটা তার
মাথায় এলোই বা কি করে, আর তাঁদের অল্পমতিই বা পেল কোন্ অলৌকিক
সাধনার জোরে?

তা ছাড়া—

গেলে জাত যাবে কিনা, স্নেহের জল খেতে হবে কিনা, জুতো মোজা
পরতে হবে কিনা, বরের সঙ্গে “ল্যাণ্ডো ফেটিং” চড়ে গড়ের মাঠে হাওয়া
খেতে যেতে বাধ্য হতে হবে কিনা, ইত্যাদি বহুবিধ খাপছাড়া প্রশ্ন তো
আছেই।

অনেক প্রশ্নের উত্তর দিয়ে দিয়ে ক্লান্ত সত্য একসময় বলে ওঠে, “বাব্বা: । নিজের পাঁচালীই গাইলাম এই অবধি, তোমাদের খবরাখবর কিছু শুনতে দাও ?”

মোক্ষদা ক্লান্ত আর্ত কণ্ঠে বলে ওঠেন, “আমাদের আবার খবর ! যারা মরে নি তারা এখনো বিধাতার অল্পজল ধ্বংসাচ্ছে এই খবর ।”

“বাব্বা, ও কি কথা ?”

“ঠিক কথাই বলেছি সত্য । চিরটাকাল তাকে ‘মুখ’ করেছি, ভেবেছি হাড়ির হাল হবে তোর । এখন দেখছি তুইই টেকা মারলি । তুইই দেখালি ! বেশ করেছিস, এ মতলব করেছিস । এখন সবাই বলছে ইংরিজি বিত্তের জয়জয়কার । ছেলে দুটোকে যদি কলকেতায় ইংরিজি ইস্কুলে দিতে পারিস—”

শিবজায়া সম্প্রতি বিধবা হয়েছেন এবং কিছুক্ষণ আগে গগনভেদী চিংকার করে সত্যকে বুঝিয়েছেন, সত্যর মা পরম পুণ্যবতী ছিল, মরে পুণ্যের পরাকর্ষ্য দেখিয়ে গেছে এবং জগতে যে যেখানে শাঁখা মৌয়ার গোরব নিয়ে এখনো টিকে আছে, তারা যেন এইবেলা সেই গোরব বজায় থাকতে পৃথিবী থেকে সরে পড়ে । এখন শিবজায়া মুখে কাপড় ঢাকা দিয়ে শুয়েছিলেন পোড়ামুখ কাউকে দেখাবেন না বলে ।

কিন্তু চির-প্রতিদ্বন্দ্বিনী মোক্ষদার এই বাক্য শুনেই তাঁর নির্বেদ ভঙ্গ হল । মুখের কাপড় সরিয়ে বলে উঠলেন, “বললে ভাল ছোট্টাকুরঝি ! জন্ম গেল ছেলে খেয়ে আজ বলছে ডান । বলি একাল, সেকাল সবাইয়ের বাংলা ‘সমসক্রিত’য় চলল, বেশী বিদ্বান হল তো ফার্সি, আর এখন ওই মেলেচ্ছ ভাষা না শিখলে আর—”

“ফার্সিটাও মেলেচ্ছ ভাষা সেজবো !”

“ও মা শোন কথা ! জন্মকাল ‘ফার্সি’র কথা শুনে এলাম, কই কখনো তো শুনিনি মেলেচ্ছ ভাষা !”

সত্য এবার কথা বলে, “থাক্ পিসঠাকুমা, ওসব জাত থাকা জাত যাওয়ার গল্পো । ও তোমার যা যাবার সে যাবেই । তাকে কে রুখতে পারবে ? ও কথা ছাড় । তোমার এমন হাল হল কি করে তাই বল ? এত তীর্থধর্ম করে হাওয়া বদল করে এসেছ, শরীর তো ভাল হবার কথা !”

“আর ভাল !”

মোক্ষদা জিভে একটা শব্দ করেন। “আমার ভাল একেবারে সেই যমরাজ এলে তবে। বর তো কখনো চোখে দেখি নি, ওই যম বরের চতুর্দোলাতে চড়েই যাব। তবে একালে ভাল আর কজন আছে? এই সেবারও যে গাঁ দেখেছিস সে আর নেই। মাতুষের দেবদ্বিজ ভক্তি যাচ্ছে, গুরুলঘু জ্ঞান যাচ্ছে, মাতুষ মনিগ্রহ সব ঘুচছে। দেখবি, ঘুরে ঘুরে দেখবি তো? দেখিস সুখ পাবি না।”

দিন সাতেক থাকার পর ফিরতি পথে অনবরত সেই কথাই ভাবতে ভাবতে চলে সত্য। ভাবে আর মনে মনে বলে, ‘দেখেছি পিসঠাকুমা, দেখে বুঝেছি তোমার কথাই ঠিক। সুখ পেলাম না। সেই আগের গাঁ আর নেই। নেই আগের সুখ আনন্দ তৃপ্তি।’

এবারও ছেলেবেলাকার খেলার জায়গাগুলোয় গিয়ে গিয়ে বসে দেখেছে সত্য, চেষ্টা করেছে আগের দিনের স্মরণ বঁধতে, কিন্তু পারে নি। শেষ পর্যন্ত সেটা হাস্তকর হয়ে উঠেছে। ছেলেদের দেখাবে বলে ফট করে একদিন গাছে চড়তে গিয়েছিল, ছেলেরাই এমন হাঁ হাঁ করে উঠল যে নেমে আসতে হল। সেই সঁতারের পীঠস্থান বড় দীঘিতে গিয়ে সঁতার দিয়েছে, সুখ পায় নি। নোনা আতা আর নোড় কুড়োতে গিয়ে কেমন যেন পাগলামি মনে হয়েছে, তবু কুড়িয়ে এনে হেঁচে আচার করবে বলে রেখে দিয়ে ফেলে রেখেছে। বুঝেছে সুখ পাবে না ওতে।

সুখ তো সবটা নিয়ে।

সেই সবটা, সম্পূর্ণটা, অথগুটা কোথায়? কোথায় সেই আগের সঙ্গী-সঙ্গিনীরা?

আর কোন্‌খানে সুখ পাবে সত্য? এর মাঝখানে কোথায় খুঁজে পাবে রামকালী চাটুষ্যের সেই মাঠবেড়ানো দস্তি মেয়েটাকে? যাকে খুঁজে পাবার জন্তে এত তোড়তোড় করে আসা?

আর সেই মেয়েটার মা, তার ছায়াও কি থাকতে নেই? সব মুছে ধুয়ে পরিষ্কার হয়ে গেছে?

বদলে গেছে।

সব বদলে গেছে।

সত্যর সেই চেনা জগৎটি অদৃশ্য হয়ে গেছে। নিশ্চিহ্ন হয়ে গেছে সত্যর আসনটি। সত্যর জন্মভূমির মাটিতে সত্য এখন আগন্তুক, বহিরাগত। এখন এখানে চোখের সামনে অগ্নায় ঘটতে দেখলেও চূপ করে যেতে হয়, মনে হয়, ‘থাক! দু দিনের জন্তে এসে আর—’ বেপরোয়া ছুঁনাহলে বলতে পারা যায় না, ‘এ বাপু তোমাদের অগ্নাই।’

নইলে এ ক’দিনে দেখলও তো কম নয়। অনেক অগ্নায় ঘটনা ঘটছে এখন সংসারে। তার কারণ বাবাই যেন কেমন একটু উদাসীন হয়ে গেছেন। আগে পাড়ার ছেলেদের এতটুকু বেচাল করবার জো ছিল না, এখন বাড়ির ছেলেরাও, ওর সামনেই যা ভয় করে। আড়ালে সমীহর বালাই নেই।

পাড়াতেই কত দেখল।

জটাদার বৌ এখন গলা তুলে শাস্ত্রীর সঙ্গে ঝগড়া করে। আর জটাদা নাকি বৌয়ের কাছে জোড়হস্ত। সত্যর মামাবাড়িতে ভাইয়ে ভাইয়ে হাঁড়ি ভেঙ্গ হয়ে গেছে। দু বাড়িতে দু দিন নেমস্তম্ভ খেতে হয়েছে সত্যকে। তুঁটু গয়লা পক্ষাঘাত হয়ে বিছানায় পড়ে, তুঁটুর বৌ কৈদে কৈদে লোকের দোর-দোর ঘুরছে, কিন্তু কেউ আর ওর কাছে ঘি-দুধ নেওয়ার গা করছে না, টাল-বাহানা করে অস্ত্রের কাছে নিচ্ছে। বলে কিনা “তুঁটুর বৌয়ের পাতা দই? মুখে করা যায় না। তুঁটুর বৌ আবার ঘি তৈরি করতে শিখল কবে?”

জিনিস একটু যদি নীরেসই হয়, তা বলে চিরদিনের লোকটার ছুঁখু-কষ্টর সময় দেখবে না? মানুষ আর জন্তু-জানোয়ারে তবে তফাৎ কি?

লুকিয়ে ছোটো টাকা দিয়ে এসেছিল সত্য তুঁটুকে, তুঁটুর চোখ দিয়ে জল পড়েছিল। বলেছিল, “বাপের মতন মনটি। কবরেজ মশাই আছেন, তাই এখনো বেঁচে আছি।”

কুমোর-জেঠা, কামার-খুড়ো, ধোপাপিসি কারুর সঙ্গে দেখা করতে বাকি রাখে নি সত্য, কিন্তু আগের মত কেউ সহানুভূতি বলে নি, “এসেছিস? আয় বোস।”

আসন পেতে দিয়ে বলেছে, ‘আসুন দিদিঠাকরুন, বসুন।’

আশ্চর্য, একসঙ্গে সবাই কি করে বদলে গেল?

বদলায় নি শুধু গ্রামটা। বদলায় নি গাছপালা মাঠ বন, দীঘি পুকুর। এরাই শুধু উচ্ছ্বসিত আনন্দে স্বাগত জানিয়েছে, মাথা নেড়ে নেড়ে, কোলাহল

করে। আবার বিদায়কালে তারাই বিষণ্ণ বিধুর দৃষ্টি মেলে মৌন বেদনার মত তাকিয়ে থেকেছে।

এরাই শুধু বদলায় নি।

কিন্তু ওদের কাছে আর কতটুকু আশ্রয়? আশ্রয় চাই হৃদয়ের কাছে, প্রাণোত্তাপের কাছে। কোথায় সেই উত্তাপ? সকলেই ভাল করে যত্ন করেছে, আর বলেছে, “ওরে বাবা দু দিনের জন্তে এসেছে।” কেউ বলে নি, “তুই যে আমাদের চিরদিনের।”

সত্যর মা বেঁচে থাকলে কি অল্প রকম হত না? মার কাছে কি সত্যর সেই শৈশবটি সোনার কৌটোয় তোলা থাকত না? সত্য এসে দাঁড়ালে মা সেই কৌটোটি খুলে ধরে হাসিমুখে বলত না, “এই দেখ্! কিছু হারায় নি তোর। সব আছে। আমি তুলে রেখেছি।”

তা হলে হয়তো সত্যর সেই পুতুলের বাস্কটাকেও এসে দেখতে পেত সত্য। মা বলত, “এই দেখ্ তোর হাতের কাপড় পরানো এই তোর ‘বড়বো মেজবো নবো’, সেবারে এসে যেমন রেখে গিয়েছিলি তেমনই আছে।”

হ্যাঁ, ঠাকুরমার আঁকে এসে সেবার নিজের ফেলে যাওয়া পুতুলবাক্স সাজিয়ে ছিল সত্য, তার পর তো তার নিজেরই জীবনের মধ্যে এল পুতুল ভেঙে যাওয়ার ঘটনা।...মাটির পুতুলের কথা আর কে ভেবেছে?

সত্য হয়ত মার ছেলেমানুষিতে হাসত। তবু সুখ পেত। ‘মা না থাকলে বাপেরবাড়ি এসে সুখ নেই!’ নিঃশ্বাস ফেলে ভাবল সত্য। অত বড় সংসারের মধ্যে সেই মানুষটাকে, অনেকের মধ্যে একজন মাত্র ছাড়া আর তো কোনদিন কিছু ভাবে নি। হঠাৎ আজ ধরা পড়ছে সেই একজন ছাড়া সমস্ত ‘অনেকই’ অর্থহীন।

তবু ওরই মধ্যে পিসঠাকুরমার কাছে দু দণ্ড বসলে প্রাণটা ঠাণ্ডা হত। কিন্তু সেই দোঁদগুপ্রতাপ মানুষটার এত ছরবছা হয়েছে যে দেখলে প্রাণটা ফাটে।

সত্য বলেছিল, “অতিরিক্ত খেটেখেটেই তুমি এমনি করে দেহ ভেঙেছ পিসঠাকুরমা! তোমার সেই শরীর স্বাস্থ্য, এই ক বছরে এমনি হয়েছে?”

মোক্ষদা ধিকারের হাসি হেসে বলেছেন, “অতিরিক্ত যদি না খাটব তো সেই ভূতের মত আঁকাড়া গভর নিষ্পেক্ষ করতাম কি বল? ভেতরের ভূতই রাতদিন ছুটিয়ে মারত।”

“আর এখন যে সেই ভূত তোমাকেই জীর্ণ করে ফেলল।”

“মরুক গে! যে কদিন পৃথিবীর অন্নজলের বরাত আছে গড়িয়ে গড়িয়ে বাঁচবই। তার পর যে পারবে সে মুখে এক ছুড়ো আগুন দিয়ে চিত্তেয় তুলে দেবে। যার ছেদ্য আসবে সে এক মুঠো পিণ্ডি দেবে। যার জন্তে একটা দিন অশৌচ পালবার কেউ নেই, তার আবার বাঁচা-মরা।”

সত্য ব্যথিত হয়ে বলেছিল, “বাবাই তোমার সব করবেন পিসঠাকুমা।”

মোক্ষদা উদাস কণ্ঠে বলেছিলেন, “তা অবিশ্রি করবেন। রামকালী মহৎ মাগুষ, হয়তো মায়ের মতন করেই পিসির ছেরাদ করবেন, তবু মনে মনে তো জানবেন যা করছি বাহ্য্য করছি, ভিক্ষে দিচ্ছি।”

আশ্চর্য!

মোক্ষদাকে দেখে আগে কি কেউ কখনো ঘৃণাকরেও ভাবতে পেরেছে এ সংসার মোক্ষদার নিজের নয়! এখানে মোক্ষদার জন্তে তেরাত্তির অশৌচ পালবার মতও কেউ নেই! মোক্ষদা মরলে যে তার মুখে আগুন দেবে, পিণ্ডি দেবে, সে দয়া করেই দেবে! মোক্ষদার প্রাণ্য পাওনা বলে দেবে না!

অত দাপট তবে কোন্ ‘ভিতে’র ওপর খাড়া ছিল? নাকি কোথাও কোনও ভিত ছিল না বলেই, ফোঁপরা দাপটটা অত বড় করে তুলে ধরতেন মোক্ষদা? জানতেন হাতটা একটু শিথিল হলেই, মুহূর্তে ভূমিসাৎ হয়ে যাবে ফাঁকা ইমারত।

ভাবতে ভাবতে—

ছেলে দুটোকে একটু কাছে টেনে নিয়ে বসল সত্য। এরাই জোর, এরাই ইমারতের ভিত!

সারদাকে বুঝতে পারে নি সত্য।

নাগালই পায় নি সারদার।

অবিশ্রি সারদাই সর্বদা খাইয়েছে, মাখিয়েছে, যত্ন করেছে। সত্য ছেলেবেলায় যা যা খেতে ভালবাসত সেগুলি মনে করে রেখে দিয়েছে, হেসে হেসে বলেছে, “বুঝি ভুড়ু, তোর দাদামশাইয়ের সংসারে এ হেন জিনিস মজুত থাকতে তোর মার কচি পছন্দ ছিল পুঁইমেটুলি ভাজা, শশাপাতার বড়া, তেতো পুঁটির টক।”

কিন্তু সত্য যখন বলতে গিয়েছিল, “যাই বল বৌ, খুব মহত্বটা দেখিয়েছ তুমি! নতুন বৌ বলছিল, তুমি এক প্রকার দেবী—” তখন কেমন কঠিন হয়ে উঠেছিল সারদা। ভয়ানক তীক্ষ্ণ একটা হাসি হেসে বলেছিল, “তোমার তো বুদ্ধি-সুন্ধি আছে ঠাকুরঝি, পরের মুখে ঝাল খাচ্ছ কেন?”

বুদ্ধি-সুন্ধি যথেষ্ট পরিমাণ থাকা সত্ত্বেও কথাটার নিহিতার্থ ঠিক ধরতে পারে নি সত্য। আর সর্বদাই লক্ষ্য করেছে, পুরনো অন্তরঙ্গতার দরজা কিছুতেই খুলতে রাজী নয় সারদা।

আর বড়দা?

তার সঙ্গে তো কথাই কইতে ইচ্ছে হয় নি সত্যর। বড়দা যে ওই গিন্নী-বাগ্নি সারদার স্বামী, অত বড় দুটো ছেলের বাপ, তা যেন খেয়ালেই নেই বড়দার। যেন নতুন বোয়ের নতুন বর। তার কথা নিয়েই সত্যর সঙ্গে হাসি-ঠাট্টা ফটিনটি। ছিঃ!

কারো সঙ্গেই যেন কথা কয়ে সুখ হয় নি।

অবিশিষ্ট বিদায়কালে সকলেই ব্যাকুলতা দেখিয়েছে, চোখের জল ফেলেছে, আবার কবে দেখা হবে বলে হা-ছতাশ করেছে। কেউ কেউ ডাক ছেড়েও কঁদেছেন, কিন্তু সত্যর নিজেরই যেন ভেতরের শিকড় ছিঁড়ে গেছে। তাই নিজের সে চোখের জল ফেললেও, যে প্রাণ নিয়ে এসেছিল, সে প্রাণটা নিয়ে ফিরছে না।

রামকালী তো চিরদিন সকলেরই দূরের মায়া, শুধু দুঃসাহসী সত্যই পারত সেই দূরত্বের বর্ম ভাঙতে! কিন্তু সে দুঃসাহসিক আবদার সত্য নিজেরই আর করতে পারে নি। সময়ও পায় নি। সর্বদা নবকুমারকেই কাছে কাছে রেখেছেন রামকালী। আর সত্যকে টেনেছে মেয়েমহলে। তবে নবকুমারকে যে রামকালী ভালবেসেছেন ওইটাই পরম তৃপ্তি।

আসার সময় বাপকে প্রণাম করে স্বামীর উপস্থিতি ভুলে রুদ্ধ কণ্ঠে বলে উঠেছিল, “তুমি তোমার এই দুঃসাহসী আসপদ্মাঙলা মেয়েকে ক্ষমা করেছ বাবা, সেই সাহসেই বলছি, আমি তোমার এক সম্ভান, যেন সময়কালে সেবা-যত্নের অধিকার পাই।”

রামকালীর গলাটা কি একটু কঁপে উঠেছিল?

চারিদিকের হা-ছতোশের শব্দে সেটা ধরতে পারে নি সত্য। শুধু

কথাটাই শুনতে পেয়েছিল। মেয়ের মাথাটা ধরে একটু নাড়া দিয়ে বলে উঠেছিলেন রামকালী, “চিরকালের পাকা বৃড়ী! বাবার জন্তে তো খুব স্ব্যাবস্থা দিচ্ছিস! সেবার পাত্র হবই বা কেন রে?”

এ কথার আর উত্তর দিতে পারে নি সত্য, সেই গভীর একটু স্নেহস্পর্শে ভেতর থেকে উথলে কান্না এসেছিল তার। কান্নাতে কান্নাতে আর কান্না চাপতে চাপতে পালকিতে উঠেছিল।

পালকিতে উঠেও তাই কথা কহিতে পারে নি অনেকক্ষণ।

হঠাৎ একসময় নবকুমার বলে উঠল, “তোমার বাবা আমাদের এই তুচ্ছ জগতের মানুষ নয়!”

চকিত হয়ে স্বামীর দিকে তাকাল সত্য।

বাতাস লেগে লেগে ততক্ষণে গালের জলের ধারাটা শুকিয়ে উঠেছে, চোখটা জল শুকিয়ে ভারী থমথমে হয়ে রয়েছে।

নবকুমার আবার বলল, “সেকালের রাজা-রাজড়াদের সব যেমন ভাব ছিল, তেমনি ভাব। ভয়ও যত করে ভক্তিও তত আসে। এমন বাপ পাওয়া পরম পুণ্য!”

সত্যর মুখের কাছে একবার আসে, “তবু তো তুমি দেখছ ভাঙা রাসের ঠাকুর! আগের মানুষকে যদি দেখতে! এখন মন ভেঙেছে, শরীর ভেঙেছে।” কিন্তু এই বেদনা-বিধুর চিন্তে অত কথা বলতে ইচ্ছে হয় না। শুধু আস্তে বলে, “মা থাকতে তো দেখলে না! মাকেও দেখলে না! এই আক্ষেপটা রয়ে গেল।”

মনে মনে বলে, দেখ, কেন আমি বাপের গরবে গরবিনী!

কিন্তু তবু মেয়েসন্তান।

বাপের সে গরব শুধু মনের মধ্যে তুলে রাখবার। সে গৌরবে অধিকার নেই, ভোগের দাবি নেই। ছেড়ে চলে যেতে হয়েছে, ছেড়ে থাকতে হবে। সেই গৌরবের ছায়ায় বসে জীবনকে ধন্য করবার উপায় নেই, জীবনকে নিয়ন্ত্রণ করবার পথ নেই। ভগবান! কেন এই পোড়া সমাজ গড়েছিলে?

সমাজের ব্যাপারে ভগবানকেই দোষ দেয় সত্য। তার পর বাইরের মোন প্রকৃতির দিকে তাকিয়ে তাকিয়ে মনে মনে বলে, “বিদেয় নিচ্ছি তোমাদের কাছে। হয়তো বা জন্মের শোধ। পা বাড়াচ্ছি অকুলের দিকে।

এখন দেখি জিতি কি হারি। রামকালী চাটুষ্যের মেয়ে, যদি হারেও, তবু হার মানবে না।”

বারুইপুর ফিরে এসেই কলকাতায় যাওয়ার তোড়জোড়। যাত্রাকালে মা বাপ কেউই কথা বললেন না, ঠিক যাত্রাকালে তো বাড়ি থেকে বেরিয়েই গেলেন, যা কিছু করলো সত্বে।

কিন্তু আশ্চর্য, নবকুমার যেন এই বিরাট লোকসানটাকে আর লোকসান বলে মনে করছে না। রামকালীকে দেখে এসে পর্যন্ত ‘বাপ’ সম্পর্কে যে একটা উচ্চ ধারণা তার জন্মেছে, তার সঙ্গে নীলাধরের এই মেয়েলি সংকীর্ণতা যেন বড় বেশী দৃষ্টিকটু লাগলো তার। ইচ্ছে হচ্ছিল মা বাপের এই দুর্ব্যবহারের প্রসঙ্গ নিয়ে সত্যর সঙ্গে কিছু আলোচনা, অর্থাৎ নিন্দাবাদ করে, কিন্তু সত্যর ভয়েই সাহস করল না। এগিয়ে চলল নতুন জীবনের দিকে।

বত্রিশ

এ এক আশ্চর্য সকাল!

যেন এই সকালের আকাশের কোন লুকনো পৃষ্ঠপটে নিথর হয়ে আছে অনেক রহস্য, অনেক আনন্দ, অনেক ভয়। সেই রহস্য আশ্বে আশ্বে উন্মোচিত হবে, সেই আনন্দ ধীরে ধীরে প্রসন্ন হাসি হাসবে, অথচ সেই ভয় মুঠোয় চেপে রাখবে সমস্ত সম্ভাকে। তাই উচ্ছ্বসিত হতে বাধবে, উল্লসিত হতে বাধবে, যতটা জুটছে তার সবটা গ্রহণ করতে বাধবে।

এই আশ্চর্য নতুন সকাল সেই অজানিতের ইশারা নিয়ে তাকিয়ে রইল সত্যবতীর মুখোমুখি।

সত্যবতী অবাক হয়ে তাকিয়ে রইল তার মুখের দিকে। ভাবল, “আকাশটা কি রকম অন্তরকম!”

অথচ সত্য যে এইমাত্র এই স্বপ্ন-শহরের মাটিতে পা ফেলল, আর তার

আকাশে চোখ মেলল, তাও নয়। গত কাল বিকেলে এসে উঠেছে সে পাথুরেঘাটার এই একতলা বাসাবাড়িটায়।

তবু ভোর সকালে ঘুম ভেঙে ঘর থেকে বেরিয়ে এসে বেশ খানিকক্ষণ দাঁড়িয়ে দাঁড়িয়ে রইল সত্য বিয়ুতের মত।

মনে পড়ল না ঠিক এই মুহূর্তে ওর কোন কাজ আছে।

যে জীবনটা অভ্যস্ত ছিল, তার কাজগুলো যেন নিজেরাই সজীব হয়ে পরপর সামনে এসে দাঁড়াত, কিন্তু চিরপরিচিত গণ্ডির সেই নিত্য কাজগুলো ঝাপসা হয়ে গেছে। এলোকেশীর হাতের কাটা খাল দিয়ে আর ডোঙা ভাসবে না সত্যর। এবার সত্যকে নিজে হাতে খাল কাটতে হবে।

কোথায় যেন ভোরের পাখীরা ডাকছিল, সত্যর মনে হল ওরা কি নিত্যানন্দপুর থেকে উড়ে উড়ে সত্যর সন্ধান করতে এসেছে, না বাকুইপুরের কোন এক অজানা গাছের ডালে বসে সত্যকে ডাক দিচ্ছে? বলছে, “সত্য, তুমি ভুল করতে বসেছ। ঋথ, বিবেচনা কর, এখনও হয়তো সময় আছে ফেরবার।”

সত্য কি সত্যিই ভুল করল?

নইলে বুকের ভেতরটায় এমন ভয়-ভয় করছে কেন? কেন নিজেকে কেমন যেন অসহায় লাগছে?

দাঁড়িয়ে থাকতে বল পাচ্ছে না সত্য, তাই বসে পড়ল দাঁওয়ার ধারে। ভাবল হঠাৎ ঘুম ভেঙে উঠে এসে বোধ হয় মাথাটা হালকা লাগছে। একটুকু বসে নিয়ে শ্রান করতে গেলেই হবে। আজকের দিনটা পর্যন্ত ইচ্ছেমত, কাল থেকে নবকুমার কাজে লাগবে।

পাড়াগাঁয়ের ‘কাছারী-বাড়ি’র চাকরি নয়, এ একেবারে কলকাতা শহরের অফিসের চাকরি। ভাত দিতে এক পলক এদিক ওদিক করলে চলবে না। সত্যকে শুনিয়ে শুনিয়ে এলোকেশীর এক বান্ধবী অবহিত করিয়ে দিয়েছিলেন, “বুঝবেন ঠাণ্ডা! স্বাধীন সংসার করার মজা বুঝবেন! ‘আপিসের ভাত’ যে কী বস্তু জানেন না তো! দেখে এসেছিলাম সেবার কালীঘাটে আমার পিসতুতো ভেয়েদের বাড়ি গিয়ে। একটা মাহুকের ভাত বোগাতে তিন-তিনটে বৌ ছিঁশিখ খেয়ে যাচ্ছে। তোমার বৌ অবিশ্রিত করিৎকম্বা,

তবে শাউড়ী-ননদের তলায় তলায় কাজ, আর এক হাতে ‘হরিদ্বার গঙ্গাসাগর’—অনেক তফাৎ !”

এলোকেশী বলেছিলেন, “পারবে। বুকের পাটার জোরেই পারবে। তবে খোয়ার হতে আমার ছেলেরাই হবে। বাছা আমার জগতের কিছু জানে না, তাকে গলায় গামছা বেঁধে নিয়ে গিয়ে গাড়িতে জুততে গেল। যাক—ভগবান দেখছেন !”

বান্ধবী বলেছিলেন, “তা তো সত্যি ! যে অগ্রাই পথে স্থখ করতে যাবে, তার বিচার ভগবান অবিশ্রিষ্ট করবেন। সংসার করা মানে তো আর মাছের ল্যাজা ভাত খাওয়া নয়, তার অনেক হ্যাঁপা। কথাতেই আছে—একলা ঘরে চতুর্ভুজে খেতে বড় স্থখ, মারতে এলে, ধরতে নেই, ওইটাই যা দুখ।”

এর পর আলোচনার মাধ্যমে ভবিষ্যৎবাণী করা হয়েছিল, “ঠ্যালা বুঝলেই নবুর বৌ পালিয়ে আসতে পথ পাবেন না।”

সত্য সেদিন মনে মনে তাচ্ছিল্যের হাসি হেসেছিল। কিন্তু আজ সত্য একটু বেশ ভয় পাচ্ছে। ভাবছে এই শহরকে আমি বুঝতে পারব তো ? আপনার করতে পারব তো ? এ শহর আমাদের “আয়” বলে কাছে টানবে তো ? এখানে আমাদের নিষ্পরের মত, বেচারীর মত, থাকতে হবে না তো ?

না, “আপিসের ভাত”কে ভয় করে না সত্য, ভয় করে না “একা হাত”কে। সত্যর ভয় অপরিচয়ের ভয়।...

“মা !”

বড় থোকা তুড়ু এসে দাঁড়িয়েছে পিছনে। নীলাশ্বর নাম দিয়েছিলেন “তুড়ুক সোয়ার”, সেই থেকে তুড়ু। ভাল নাম সাধন। প্রথম সন্তানটি নষ্ট হয়ে গেছে, তাই এটি সাধনার ধন। অতএব সেই ঘোঁষা নাম।

তুড়ুর ফোলা ফোলা চোখে অগাধ বিষ্ময়।

সত্য তাড়াতাড়ি মুখ ফিরিয়ে বলে, “উঠে পড়েছিল ? ভাই ওঠে নি ?”

“না।”

“আর তাদের বাবা ?”

“না।”

“তা উঠবেন কেন ? আয়েসটি যে নবাবী ! কাল থেকে বুঝবেন মজা !”

আলিস্তি ভেঙ্গে উঠে দাঁড়ায় সত্য ।

কী বোকার মত বসেছিল এতক্ষণ ! কী ভাবছিল আবোলতাবোল । নতুন জায়গায় সব ব্যবস্থা করে নিতে কম তো দেরি হবে না ।

গতকাল সন্ধ্যায় রান্না হয় নি ।

ভবতোষ মাস্টার ঘর-দোর দেখিয়ে শুনিয়ে ওদের বসিয়ে রেখে বলেছিলেন, “তুমি তা হলে এদের সামলে-স্বমলে নিয়ে বসো নবকুমার, বৌমাকে বলো বেলা থাকতে, প্রদীপ জ্বালাবার ব্যবস্থা করে ফেলতে, নতুন জায়গা ! আমি তোমাদের জন্তে কিছু খাবার নিয়ে আসছি । এখন আর রান্নাবান্না কাজ নেই—”

সত্য ঘরের ভিতর থেকে দরজার শিকল নেড়েছিল ।

নবকুমার সেদিক থেকে ঘুরে এসে হাত কচলে বলেছিল, “আপনি আবার বুথা কষ্ট করবেন কেন ? ইয়ে মানে—যাহোক করে দুটো ভাত ফুটিয়ে নেবে অখন ।”

ভবতোষ মাস্টার একবার সেই দরজার দিকে দৃষ্টিপাত করে সরাসর অন্তরাল-বর্তিনীকেই উদ্দেশ্য করে বলে উঠেছিলেন, “যাহোক করে করতেও অনেক ল্যাঠা বোমা, কাল সকাল থেকেই একেবারে নতুন করে পত্তন করো । কাল আমি একটা বাসনমাজার ঠিকে ঝি যোগাড় করে নিয়ে আসব । আজ বাজার থেকে পুরী-তরকারি মিষ্টি এনে...”

নবকুমার হঠাৎ বলে উঠেছিল, “বাজারের পুরী-তরকারি ? কলকাতায় পা দিতে দিতেই জাতটা খোওয়াব ?”

হেসে উঠেছিলেন ভবতোষ মাস্টার ।

বলেছিলেন, “নাঃ ! তুমি একেবারে মাস্কাতার আমলেই আছ নবকুমার ! জাতটা খোওয়াচ্ছ কিসে ? আমি কি স্নেচ্ছ হোটেলের খানা এনে খাওয়াতে চাইছি তোমায় ? দেশে তোমরা ময়রার ঘরের জিলিপি মেঠাই ফুলুরি বেগুনি খাও না ? এও সেই ময়রার দোকানের ।”

নবকুমার মাথা চুলকেছিল ।

“ইয়ে মানে, ওই তরকারি-টরকারি বলছিলেন তাই বলছি । একটা দিনের জন্তে কেন আর...”

ভবতোষ মাস্টার জোর দিয়ে বলেছিলেন, “শুধু একটা দিন কেন, এমন

অনেক দিনই হতে পারে নবকুমার! বৌমা একা মাছুষ। শরীর-অশরীর আছে। কোনদিন যদি ভাতের ইঁাড়ি নামাতে না পারলে! তা ছাড়া জলখাবার বলে কথা আছে। কলকাতায় এত হরেক খাবার, খাবে না ছেলেপুলে? তোমায় তো আমি দোকানের ভাত খেতে বলছি না। তবে যদি বৌমার তেমন আপত্তি থাকে...”

আর একবার শেকল নড়ে উঠেছিল।

নবকুমার ঘুরে এসে বলেছিল, “না, ইয়ে মানে ওদিকে আপত্তি কিছু নেই। বলছে আপনি যা বলবেন, তাই শিরোধার্য! আপনি হিতৈষী বন্ধু গুরু! আপনার...”

“হয়েছে হয়েছে! অত ভাল ভাল কথা বেশী খরচ করবার দরকার নেই নবকুমার! তোমরা খেয়েদেয়ে একটু সুস্থ হও, আমি দেখে বাসায় যাই।”

নিজের পয়সায় একরাশ খাবার এনেছিলেন ভবতোষ মাস্টার। পুরী তরকারি চমচম রাবড়ি। সাজা পানও এনেছিলেন। বিহ্বল হয়ে গিয়েছিল ছোট ছেলে দুটো। কী সোনার দেশে এলো তারা।

নিতাইয়ের সঙ্গে একসঙ্গে থাকবার ব্যবস্থা হয়েছে, কিন্তু এদের সঙ্গে একসঙ্গে এসে উঠতে পারে নি নিতাই। কদিন পরে আসবে। রাত্রে তাই একবার প্রস্তাব করেছিলেন ভবতোষ, “একা ভয় পাবে না তো নবকুমার? নতুন জায়গা। বল তো যে কদিন না নিতাই আসে, রাতে আমি তোমাদের পাহারা দিই?”

নবকুমার হাতে চাঁদ পাচ্ছিল।

কিন্তু সে চাঁদ মুঠোয় পেতে দিল না সত্য। শেকল নেড়ে জানাল, মাস্টার মশাইয়ের কষ্ট পাবার দরকার নেই, দরজায় হড়কো লাগিয়ে বেশ থাকবে তারা।

ভবতোষ চলে গিয়েছিলেন।

আর চলে যাবার পর সত্যকে এক হাত নিয়েছিল নবকুমার। চিরকাল যেটা বলে সেটা বলেই বলেছিল।

“সব তাতেই দুঃসাহস প্রকাশ। ভগবান যে কেন তোমাকে বেটোছেলে না করে মেয়েছেলে গড়েছিল তাই ভাবি।”

সত্য মুখ কঠিন হয়ে ওঠে নি। সত্য হেসে ফেলেছিল। গলা খুলে। নিজের এই খোলা হাসির শব্দ নিজের কানেই অপরিচিত ঠেকেছিল সত্যর।

তবু খোলা গলাতেই বলেছিল, “ভাববার কি আছে ? তোমাকে তো ভগবান বেটাছেলে করে গড়েছে ! অপরের পিতৃশ্রম করলে চলবে কেন ? বারো মাস তো অপরে করবে না ? তবে ? গোড়া থেকেই মনের জোর করে পায়ে দাঁড়াবার চেষ্টা করা উচিত ।”

সন্ধ্যার অন্ধকারে মিটমিটে প্রদীপের ছায়ায় এ বল খুঁজে পেয়েছিল সত্য, আর সকালের হীরে-ঝকঝকে আলোয় দুর্বল হয়ে পড়বে ?

না। পড়বে না। সত্য আঁচল কোমরে জড়িয়ে নেমে পড়েছে কাজে। নেমে পড়বে নতুন জীবন সংগ্রামে।

এ সংসার সত্যর নিজের। নিজের হাঁচে, নিজের ভাবে, নিজের স্বপ্নে একে গড়ে তুলবে সত্য।

ভবতোষ বাসার ঘর দোর সব খুঁয়ে মুছিয়ে রান্নাঘরে উঠুন পাতিয়ে রেখেছিলেন। আনিয়ে রেখেছিলেন ঘুঁটে কয়লা। কাল নবকুমারের মাধ্যমে কয়লার উত্তন জ্বালার পদ্ধতিটাও শিখিয়ে দিয়ে গেছেন সত্যকে। সেই পদ্ধতিতে উত্তনে আগুন দিতে দিতে হঠাৎ ভারী অবাক লাগল সত্যর। যে ভাবে ইচ্ছে কাজ করতে পারে সত্য। কেউ কোথাও চোখ দেবার নেই, ছল ধরবার কি খুঁত ধরবার নেই। এ কী অভূত অমূর্তি !

এ কী অপূর্ব সুখ।

এই সুখটার ধারণা নিয়ে তো মুক্তির লড়াই করে নি সত্য। ও শুধু চেয়েছিল তেমন দেশে চলে আসতে, যেখানে রোগে ভাঙার আছে, ছেলেদের জন্তে ভাল ইন্সুল আছে, পুরুষদের জন্তে কাজ আছে।

নিজের জন্তে ভাল কি আছে, সে কথা ভেবে দেখে নি সত্য। শুধু জেনেছিল নিম্নে আছে, ধিকার আছে ? এখন দেখছে আরো অনেক আছে। স্বাধীনতার সুখ মানে তা হলে এই ? মাথার ওপর সর্বদা উত্তর খাঁড়ার বদলে অনেক উঁচুতে আলো ঝকঝক আকাশ থাকা !

শহরের মেয়েরা যে কেন বিজ্ঞেয় বুদ্ধিতে অনেক উঁচু, তার মানে বুঝতে পারে সত্য। যারা এত পাচ্ছে, তারা তার প্রতিদান দেবে বৈকি !

হঠাৎ একটু শুষ্ক হয়ে গেল সত্য।

সেও তো অনেক পাবে, তার বদলে দিতে পারবে তো কিছু !

রান্নাঘর থেকে বেরোতে গিয়ে খতমত খেয়ে ফের ঘরে ঢুকে পড়তে হল

সত্যকে। ভবতোষ উঠানে দাঁড়িয়ে। ‘উঠোন’ বলতে সত্যর পরিচিত জিনিস নয়। শান-বাধানো চারচৌকো খানিকটা জায়গা মাত্র। পাড়ারগায়ে একে চাতাল বলে।

সে যাই হোক, ভবতোষ সেখানে দাঁড়িয়ে গলাখাঁকারি দিলেন, তার পর বললেন, “নবকুমার আছ নাকি?”

“বাবা ঘুমুচ্ছে।”

সাড়া দিল বড় খোকা।

ভবতোষ গলা চড়ালেন, “এখনো ঘুমুচ্ছে? কাল থেকে যে দশটায় অফিস যেতে হবে। আমি এই একজন লোক ঠিক করে আনলাম, যেয়েলোক। খোকা, তোমার মাকেই তা হলে বল, কথাবার্তা কয়ে নিতে। আমি অবশু মোটামুটি বলে নিয়ে এসেছি। বাসনমাজা, ঘর মোছা, ছাড়া কাপড় কাচা, কয়লা ভাঙা, উতুন ধরানো, মশলা পেষা, এই সব করতে হবে। মাইনে মাসে বারো আনা, জলপানি চার আনা। তবে মাথায় মাথতে তেল একটু দিতে হবে। চান না করলে তো আর মশলা পেষা চলবে না।”

নবকুমারের সাড়া পাওয়া যায় না। ঘরের মধ্যে বিহ্বল সত্য এই সকালেও ঘামতে থাকে।

সব কাজই যদি ঝি করবে, সত্য তা হলে কী করবে?

শুধু বাসনমাজার জন্তে হলেই তো হত!

ভবতোষ সঙ্গে জীলোকটিকে উদ্দেশ করে বলেন, “কই গো বাছা, এগিয়ে এস। ওই ওদিকে মা রয়েছেন, তাঁর সঙ্গেই বলা-কওয়া করে নাও। এখন থেকেই লেগে যাও তা হলে। এই তো রাতের শকড়ি ঘটিবাটি পড়ে রয়েছে।”

আর বেশীকণ লজ্জাবতীর ভূমিকার মধ্যে নিজেকে আবদ্ধ রাখা সম্ভব হল না সত্যর। মাথার কাপড়টা টেনে দরজার কাছে এসে দাঁড়িয়ে নব্র গলায় বলে ফেলল, “এত সবের জন্তে বলবার দরকার ছিল না। ঘরের কাজ নিজেই চালিয়ে নিতে পারব—”

ভবতোষ প্রথমটা একটু থতমত খেলেন, কারণ সত্য এসে কথা বলবে, আশা করেন নি। তার পর সামলে উঠে বললেন, “কেন? লোক যে কৈজে রাখাই হচ্ছে, সবই করবে। এমনিতে শুধু বাসনমাজাতেও তো আট আনার কম রাজী হচ্ছে না। আর গুণা চারেক পয়সা দিলেই—”

“পয়সার জন্তে না—”, সত্য এবার প্রায় স্পষ্ট গলায় বলে ওঠে, “নিজের অব্যাস খারাপের জন্তে বলছি। সব কাজ লোক দিয়ে করালে আয়েস এসে যাবে। সময়ই বা কাটবে কিসে?”

ভবতোষ মিনিট খানেক হাঁ করে তাকিয়ে থাকেন। কথাটা হৃদয়ঙ্গম করতে এ সময়টুকু লেগে যায় তাঁর।

শুশ্রূষাবাড়িতে খেটে খেটে হাড়কালি করা কোন মেয়ে যে বাসায় এসে “আয়েস” করতে চায় না, এ তাঁর অভিনব মনে হল। ছাত্র নবকুমারের জীটি সম্পর্কে অবশ্য তিনি বরাবরই একটু সমীহভাবাপন্ন, তবু আজ যেন তাঁর সম্পর্কে আরও বেশী অবহিত হলেন।

হয়তো বা কিঞ্চিৎ অভিভূতও।

তাঁর পর ধীরস্বরে বললেন, ‘মেয়েছেলেদের জন্তে আরো অনেক ভাল ভাল কাজ আছে বোমা, তাতেও সময় কাটবে। তা ছাড়া অবকাশকালে ঘরে বসে বসে লেখাপড়ার চর্চা করলেও—’

কথা শেষ হল না, নবকুমার বেরিয়ে এল ঘর থেকে চোখ রগড়াতে রগড়াতে। তটস্থ হয়ে বলল, “মাস্টার মশাই আবার সকালবেলাই কষ্ট করে—”

“না কষ্ট আর কি! এই কাজের লোক ঠিক করে আনলাম। দেখিয়ে শুনিয়ে দাও একে। এবার একটা গোয়াল ঠিক করে দিতে পারলেই সব ব্যবস্থা হয়ে যায়।”

“আপনি আর কত কষ্ট করবেন?”

সত্য বলে ওঠে।

আর সঙ্গে সঙ্গে চমকে ওঠে নবকুমার।

দরজার শেকল নাড়া পর্যায়েটা কখন পার হল! এভাবে স্পষ্টাঙ্গা কথা! অবাক কাণ্ড।

ভবতোষ বলেন, “আমাকে যদি তোমরা পর ভাব নবকুমার, তবেই কুঠা বোধ করবে। আমি কিন্তু তোমাদের পর ভাবছি না।”

“না না, সে কি? পর মানে?”

নবকুমার কথার খেই হারায়। এবং বোধ করি “আপন” ভাবার প্রমাণ দেখাতেই তাড়াতাড়ি বলে ওঠে, “আমি তো এই ভাবছিলাম আপনার সঙ্গে হাটটা ঘুরে আসি। কোন্ কোন্ বারে হাট বসে এখানে?”

স্ববতোষ হাসেন।

বলেন, “কলকাতায় রোজই হাট।”

“ওঃ। প্রত্যেক দিন বাজার বসে?”

“তা বসে। একটা নয়, অনেক বাজার। তা আজ আর তোমাকে যেতে হবে না, আমিই ব্যবস্থা করছি। তুমি বরং বাড়ির কাজে, মানে কি সুবিধে অসুবিধে—”

“বাড়ির কাজে কিছু আটকাবে না—”, সত্যর ধীর গভীর কণ্ঠস্বর ধ্বনিত হয়। তার পর ঘরের মধ্যে থেকে একটা ধামা বার করে এনে নবকুমারের সামনে নামিয়ে দিয়ে চলে যায় সত্য।

এমনি করেই আরম্ভ হয় সত্যর শহরের সংসার।

নিজের সংসার।

কদিন পরে নিতাই আসে।

নবকুমার বলে, “ওকে আর তোমার লজ্জা করলে চলবে না। একসঙ্গে থাকা, ভাইয়ের মত, বাড়িতে আর দ্বিতীয় মেয়েছেলে নেই, ভাত বেড়ে দেবে তুমি—”

সত্য মুহূ হেসে বলে, “অত বলবার কি আছে? আমাকে কি তোমার খুব লজ্জাবতী মনে হয়?”

“আহা হা ইয়ে তা নয়! মানে লজ্জা আর কোথা? মাস্টার মশাইয়ের সঙ্গেই তো তুমি দিব্যি কথাটথা চালাচ্ছ।...বুঝলি নিতাই, প্রথম দিন আমি তো তাজ্জব! যাই ভাগ্যিস মা নেই সামনে? খুব সাহসী বুঝলি? মাস্টার মশাইয়ের সঙ্গে কথা বলতে আমরাই তো—”

নিতাই এক নজর সত্যর দিকে দৃষ্টিপাত করে বলে, “বৌঠানকে এতদিন দেখেও চিনতে পারলে না নব? তোমার আমার মাটি দিয়ে গড়া উনি নন। তোমার অনেক ভাগ্য তাই—”

হঠাৎ ওদের চমকে দিয়ে হেসে ওঠে সত্য, “নাও, নাওয়া-খাওয়া শিকেন্ন ভুলে এখন দুই বন্ধুতে ভাগ্যবিচার শুরু হয় গেল। আচ্ছা ঠাকুরপো, তুমিই বল, মাস্টার মানে হল গিয়ে গুরু, কেমন কিনা? তা গুরুকে লজ্জা করলে চলবে কেন? ভক্তি করব, ছেদা করব, মাগ্ন করব, ভয় লজ্জা করব কেন? আমি তো ওনার কাছে ইংরিজি পড়ব ঠিক করেছি।”

“কী বললে ?”

নবকুমার জ্যা-মুক্ত ধনুকের মত ছিটকে ওঠে, “কি শিখবে ?”

“বললাম তো !”

“পাগলামি করো না। বেশী বাড়াবাড়ি ঠিক নয়। যা রয় সয় তাই ভাল। কলকেতায় এসেছ, বাসার সংসার করছ, এ পর্যন্ত একরকম, তা বলে—”

“তা ইংরিজি শিখব বলেছি বৈ তো গাউন পরে হোটেলের খানা খেতে যাব বলি নি ?” কোতুকের হাসিতে জোড়া ভুরু নেচে ওঠে সত্যর, উৎফুল্ল মুখ লাল হয়ে ওঠে, নিতাইয়ের দিকে সরাসর তাকিয়েই বলে, “তোমার বন্ধুর সবতাতেই ভয়। ঘরে বসে বই পড়ে যদি একটু জ্ঞান বিগে অর্জন করা যায়, তাতে দোষটা কি বল তো ? নাকি মেলের অক্ষর ছুঁলেও জাত যাবে ?”

নবকুমার গম্ভীর ভাবে বলে, “তা একরকম তাই বৈকি। যতই হোক হিন্দুর মেয়ে।”

“আর নিজে হিন্দুর ছেলে নও ?”

“বেটাছেলের কথা আলাদা।”

“আলাদার কিছু নেই। ধর্মের কাছে সব সমান। আর যদি জাত যাওয়ার কথাই বল—”, আর একবার কোতুকের আলো ফুটে ওঠে সত্যর মুখে, “সে তা হলে অনেক দিনই গেছে।”

“জ্যা !”

“জ্যা !”

যুগপৎ দুই বন্ধুরই মুখবির হাঁ হয়েই থেকে যায় বৃজতে ভুলে।

সত্য মুহু মুহু হাসতেই থাকে।

একটু চৈতন্য লাভ করে নবকুমার বলে, “ইংরেজি পড়েছ তুমি ?”

“সামান্য সামান্য। নিজের চেষ্টায় যা হয়। তোমার বই দুটো তো ছিল ঘরে।”

“তাজ্জব !”

নিতাইয়ের কণ্ঠ থেকে শুধু এইটুকুই স্বর নির্গত হয়।

“কিগো ঠাকুরপো, আমার হাতে চলবে তো ? নাকি জাত যাওয়ার হাতে থাকবে না ?”

কথা নেই বার্তা নেই সহসা নিতাই এক হান্তকর কাজ করে বসে।

প্রশ্নের উত্তর না দিয়ে হুমড়ি খেয়ে পড়ে সত্যর পায়ের কাছে সাষ্টাঙ্গে এক প্রণাম করে।

সত্য অবশ্য এর জন্তে প্রস্তুত ছিল না। ছ পা পিছিয়ে যায়। তার পর ধীর স্বরে বলে, “যাক ঠাকুরপো, গুরুজন বলে মানলে তা হলে? বেশ। নাও এবার বাধ্যতা কর। তোমার ভো এখনো দুদিন ছুটি, চান করে খেয়ে ভাইপোদের নিয়ে ইস্কুলে ভর্তি করতে যাও দিকিন। কদিন এসেছে, কেবল খেয়ে খেলিয়ে বেড়াচ্ছে! যার জন্তে এত কাণ্ড করে কলকাতায় আসা।”

তেত্রিশ

কালের খাতার কয়েকখানা পাতা ডান দিক থেকে বাঁ দিকে চলে আসে, গড়িয়ে যায় অনেকগুলো দিন।...

অনভ্যস্ত জীবন প্রায়-ধাতস্থ হয়ে এসেছে নবকুমারের। গতিতে বেশ খানিকটা ক্ষিপ্ততার সঞ্চার হয়েছে, বাড়িতে অফিসের গল্প করতে শিখেছে, অফিস যাওয়ার সময় কোটো ভর্তি পান, আর পানের সঙ্গে দোস্তা নিতে শিখেছে।

ইতিমধ্যে ছেলেরা স্কুলে কয়েকবার ক্লাস বদলেছে, আর সত্যবতীরা একবার বাসা বদলেছে।

বাসা বদলাবার অবশ্য অতি সূক্ষ্ম গোপন একটি ইতিহাস আছে, সে ইতিহাস শুধু সত্যবতীর আর ভবতোষ মাস্টারের মধ্যেই নিবন্ধ।

বেশ চলছিল সংসার।

তাড়াহুড়ো করে স্বামীর আর স্বামীর বন্ধুর অফিসের ভাত রাঁধছিল সত্য। পান সাজছিল ছ কোটো করে। তারা বেরোতে না বেরোতে ছেলেদের নাওয়া খাওয়া নিয়ে ব্যস্ত হচ্ছিল, “হুর্গা হুর্গা” উচ্চারণ করে ছেলেদের স্কুলে পাঠাচ্ছিল, তারপর সারাদিনের অবসরে সংসারের বাকী কাজগুলো সেরে তুলে মন দিয়ে শিখছিল লেখাপড়া। বাংলা ইংরিজী দুই-ই।

বইয়ের ঘোঁসানদার ভবতোষ, পাঠশিক্ষকও ভবতোষ। নিয়মিত নয়, মাঝে মাঝে দুকুহ জায়গাগুলো বুঝে নিত সত্য। ঘরের মধ্যে উঁচু চৌকিতে বসতেন মাস্টার, চৌকির সামনে মাটিতে সত্যর দুই ছেলে বসত মাদুরে নিজেদের বই খাতা নিয়ে, আর সত্য মাদুর থেকে কিছুটা দূরত্ব বজায় রেখে মেজেয় বসত মাথায় কাপড় টেনে।

কিন্তু কথা চিরদিনই স্পষ্ট সত্যর।

তাই দূরত্ব সবেও তার প্রশ্ন বুঝতে অস্ববিধে হত না ভবতোষের।

এই পড়াশোনার মাঝখানে হঠাৎ একদিন সত্য বলে বসল, “আমাদের জন্তে অনেক তো করলেন আপনি, আর একটু কষ্ট করতে হবে।”

ভবতোষ বিচলিত হয়ে বললেন, “কষ্ট কিসের, কষ্ট মানে?”

“কষ্ট তো বটেই। এষাবৎ অনেক কষ্ট করলেন। সে যা হোক, আপনি পিতৃতুল্য, আমি আপনার মেয়ের মত, তাই ‘কিন্তু’ আমি হচ্ছি না—”

সত্যর বড় ছেলে লক্ষ্য করল, হঠাৎ যেন মাস্টার মশাইয়ের মুখটা কেমন বদলে গেল। কি রকম যেন ভয় পাওয়া ভয় পাওয়া মুখ হয়ে গেল।

সত্যর অবশ্য মাথায় ঘোমটা, মুখ নীচু।

ভবতোষ অশ্রুটে কি যেন বললেন। সত্য পরিষ্কার গলায় উত্তর দিল, “হ্যাঁ সেই কথাই বলছি—‘কিন্তু’ আমি হচ্ছি না। আপনি কায়ত ঠাকুরপোর জন্তে অল্প একটা ব্যবস্থা করে দিন। এখানে তো শুনেছি মেস-ঘর না কি যেন আছে, মাথাপিছু খাই-খরচা দিয়ে বেটাছেলেরা এক জোট হয়ে থেকে আপিস-কাছারি করে।”

কায়ত ঠাকুরপো অর্ধে নিতাই।

সামনে শুধু “ঠাকুরপো” বললেও আড়ালে তার সম্পর্কে অপরকে বোঝাতে “কায়ত ঠাকুরপো” বলেই উল্লেখ করে সত্যবতী। কিন্তু সেটা কেবলমাত্র বোঝাতেই।

নবকুমারের সঙ্গে তো ঠিক ভাইয়ের মতই ছিল সে এ বাড়িতে, আর নেহাত “ভাতে”র হোঁয়াটা বাদে অত বামুন কায়তের ভেদাভেদও ছিল না সত্যর কাছে। খুব সৌহার্দ্যই তো ছিল।

হঠাৎ কি হল?

ভবতোষ তাই অন্তমনস্কভাবে বললেন, “সে তো আছে।”

“হ্যাঁ সেই কথাই বলছি। ওনার থাকার জন্তে ব্যবস্থা একটা আপনাকে নিশ্চয়ই করতে হবে।”

ভবতোষ মাথা চুলকে বলেন, “তা না হয় দিলাম, কিন্তু হঠাৎ ? মানে সে কি কিছু বলেছে ? ইয়ে এখানে থাকবে না বলে—”

“না তিনি কিছু বলেন নি—”, সত্য দৃঢ় গলায় বলে, “আমিই বলছি। আর এটা আপনাকে করতেই হবে।”

ভবতোষ মুহূর্ত কয়েক চুপ করে থেকে আস্তে বলেন, “তুমি যখন বলছ বোমা, অবশ্যই শ্রাদ্ধ কোন কারণ আছে। তবু মানে বুঝতে পারছি না বলে, কেমন যেন চিন্তায় পড়ছি।”

এবার আর উত্তর এল না সত্যর দিক থেকে।

ভবতোষ উঠে দাঁড়ালেন।

তার পর বললেন, “নবকুমারেরও এই মত তো ?”

সত্য বলল, “ঘর-সংসারের সুবিধে-অসুবিধেয় বেটাছেলের মতামত চলে না। ব্যবস্থা হয়ে গেলে বললেই হবে।”

ভবতোষ বুঝলেন। বুঝলেন কোন একটা গোলমালে ব্যাপার ঘটেছে। কিন্তু নিতাই ছেলেটা তো—হল কী !

আচ্ছা—হঠাৎ বলা কওয়া নেই, নিতাইকে তিনি বলবেন কি করে, “ওহে তোমার জন্তে মেসের ঘর যোগাড় করেছি, কাল থেকে থাক গে যাও সেখানে।”

সে কথা বলেও ফেললেন।

“নিতাইকে আগে একটু না জানালে—”

“হ্যাঁ, সে একটা চিন্তা বটে। কিন্তু কি আর হবে ? বলতেই যখন হবে। সে ব্যবস্থা আমিই করব।”

ভবতোষ অগত্যাই বিদায় নিলেন।

বড় ছেলে বলল, “কাকাবাবু কেন এখানে থাকবেন না মা ?”

সত্য গম্ভীর ভাবে বলল, “ছেলেমানুষ সব কথায় থাকতে নেই থোকা ! যখন যা হবে দেখতেই পাবে। কেন কি বিস্তারিত অত ভাবতে বসো না।”

তা তারা শুধু দেখতেই পেল।

দেখল বাবা কোথায় যেন পালিয়ে থাকল, মা চুপচাপ দরজা ধরে দাঁড়িয়ে

রইল, আর নিতাইকাকা নিজের তোরঙ্গ আর বিছানা নিয়ে আস্তে আস্তে একটা ভাড়াটে ঘোড়ার গাড়িতে গিয়ে উঠল।

পরিস্থিতিটা এমন ধমধমে যে, একটিও প্রশ্ন করতে সাহস হল না তাদের।

তা সাহস প্রথমটায় নবকুমারেরও হয় নি। তাই সে সকাল থেকে পালিয়ে বেড়াচ্ছিল। অনেক রাত্রে বাড়ি ফিরে প্রায় চোরের মত চুপি চুপি তাকিয়ে দেখল নিতাইয়ের ঘরটার দিকে। দেখল দরজায় শেকল তোলা।

বুকটা ধক্ করে উঠল।

মনে হল তার “অস্তর” নামক জায়গাটাতেও যেন অমনি একটা শেকল তোলা। দরজা দাঁড়িয়ে রয়েছে মুখ গম্ভীর করে। সে দরজা আর বুঝি কোন-দিন খুলবে না। সেই বন্ধ ঘরের মধ্যে রয়ে গেল নবকুমারের অনেকখানিটা স্বপ্ন, অনেকখানিটা আনন্দ।

ঈশ্বর জানেন সত্যর হঠাৎ কেন এই খেলাল!

নিতাইয়ের কোনও ব্যবহারে যে সে রাগ করেছে তাও তো মনে হচ্ছে না। নিজের চক্ষে কাল দেখেছে নবকুমার, রান্নাঘরে নিতাইয়ের ভাত বাড়তে বসে টপটপ করে চোখের জল পড়ছে সত্যর। আর এও লক্ষ্য করেছে নিতাই যা যা খেতে ভালবাসে; সেই সবই আজ কদিন ধরে রাখছে সে।

তবে?

হিসেবটা মিলছে কোন্‌খানে?

তবে কি খরচপত্রের কথা নিয়ে মাথা ঘামাচ্ছে সত্য?

কিন্তু তাতেই বা প্রশ্নের উত্তর কোথা? নিতাই তো সংসার খরচের ভাগ না দিয়ে ছাড়ে না।

গোলকধাঁধার মধ্যে কাটাতে হয়েছে নবকুমারকে।

সত্যকে প্রশ্ন করে সজুত্তর জোটে নি। সে বলেছে, “এ তো ভাল ব্যবস্থাই হচ্ছে। দু বেলা বাড়ি ভাতটা পেলে, ঠাকুরপোর আর বৌ এনে বাসা করার চেষ্টা থাকবে না।”

নবকুমার ঝোঁজে উঠে বলেছিল, “ওর পরিবারের কথা ও বুঝবে। সে চেষ্টা যে করতেই হবে, তার কোনও মানে আছে? গাঁ হুকু বৌ কি তোমার মতন বাসায় আসার জগ্রে পা তুলে বসে আছে?”

সত্য অবশ্য এ কথায় মর্মাহত হয়ে নিথর হয়ে যায় নি। প্রথম প্রথম যেমন হত। কারণ যে কোন বিষয়ে সামান্যতম অসুবিধে বা অপছন্দ হলেই

সত্যর “বাসায় আসার” বাসনা নিয়ে খোঁটা দেওয়ার অভ্যাস নবকুমারের গোড়া থেকেই। বহুবিধ স্বাচ্ছন্দ্য স্থলের আশ্বাদ পেলেও, এবং বহুবার মনে মনে সত্যকে তারিফ করলেও, ওটা যেন ওর একটা মূদ্রাদোষের মতই।

প্রথম প্রথম সত্য অভিমানে পাথর হয়ে যেত। আর সেই পাথর-মূর্তি অসহ্য হওয়ায় শেষ অবধি নবকুমারকেই মিটমাট করতে হত। বলতে হত, “ঘাট হয়েছে বাবা, শতেকবার ঘাট হয়েছে। এই নাক মলছি, কান মলছি, আর যদি ও কথা মুখে আনি। ঠাট্টার কথা বুঝতে পার না, এই এক আশ্চর্য্য!”

তা “ঠাট্টা” বলেই বুঝিয়ে বুঝিয়ে ক্রমশঃ জিনিসটাকে গা সহ্য করে এনেছিল নবকুমার। এখন এমন হয়েছে যে ওই খোঁটাটাকে আর গ্রাহ্যের মধ্যেই আনে না সত্য। সেদিনও তাই আনে নি।

শুধু জ্রুটি করে বলেছিল, “পা তুলে আছে কি নেই, সেটা তো যতক্ষণ না অন্তর্ধর্মী হচ্ছ, টের পাবে না। তবে মাহুঘের সংসারেও নেয্য হিসেব একটা আছে। বিয়েটা করে লোকে ঘরকন্না করবার জন্তেই।”

আরো খানিক বাকাব্যয় করেছিল নবকুমার অনেকটা একতরফা। তবু তার মনে আশা ছিল শেষ পর্যন্ত নিতাইয়ের যাওয়ার কথাটা হাওয়ায় ভাসবে। কিন্তু দেখল ক্রমশঃই সেটা পাকতে থাকল।

কেউই কিছু বলে না তবু যেন কোথায় কি হতে থাকে। খেতে বসে ছ বন্ধুতে কথাও হয় না তা নয়। কিন্তু সে যেন কেমন শুকনো শুকনো, আঠাছাড়া। অথচ নিতাইকে স্পষ্টাস্পষ্ট জিজ্ঞেস করতেও সাহসে কুলোয় না।

সত্যকেও না।

কিন্তু আজ এই দুঃখের আবেগে ওর সাহস জেগে উঠল। ওখান থেকে তাড়াতাড়ি সরে এসে তীব্র স্বরে বলে ফেলল, “বিনি দোষে নিরপরাধ মাহুঘটাকে বাড়ি থেকে বিদেয় করে দিতে মনটা একবার কাঁদলও না? খন্ডি মেয়েমাহুঘ বটে!”

সত্য তখন প্রদীপের সামনে হেঁটমুণ্ডে বসে একখানা বইয়ের পাতা ওটাচ্ছিল, স্বামীর এই মন্তব্যে একবার মাত্র মাথাটা তুলল, তার পর নীরবেই আবার মাথা নীচু করল।

নবকুমারের তখন ভিতরে আলোড়ন চলছে, তাই সবই খারাপ লাগছে।

অতএব ওই বইয়ের পাতা ওন্টানোতেও গা জলে গেল তার। বলল, “মা যা বলে ঠিকই বলে। মেয়েছেলের অধিক বিচ্ছেদ সর্বনাশের মূল।”

সত্য চট করে বইটা মুড়ে ফেলে উঠে দাঁড়িয়ে বলল, “মাতৃবাক্য অবিশ্রিষ্ট বৈদবাক্য। অতএব আমিই বসে বসে তোমার সর্বনাশ সাধন করছি। তা তার তো আর চারা নেই। বিচ্ছেদটা তো আর ঘটাবাটি নয় যে, অসুবিধে ঘটছে বলে সরিয়ে রাখব। কিন্তু ‘বিনাদোষ’ কিনা, আর মনটা কঁাদছে কি না, সে সংবাদ তুমি সঠিক পেয়েছ।”

“মন! হঁ! পাষণেও বরং প্রাণ আছে, তোমার মধ্যে নেই।”

বন্ধুকে যে নবকুমার কতখানিটা ভালবাসে সে কথা সত্যর অজানা নয়, তাই এত বড় দোষারোপেও বিচলিত হয় না সে। বোঝে, রাগে দুঃখে বলে ফেলেছে। আর সেটাই তো স্বভাব নবকুমারের। রাগের মাথায় কড়া কথা বলে বসে, আর রাগ ভাঙলে খোশামোদ করতে বসে।

তাই সত্য বিচলিত ভাবে বলে, “তা পাষণীই যখন, তখন মন কঁাদার কথা উঠছে কেন? তবে ‘বিনাদোষ’, এ কথা ভাববার হেতু? যে মাহুষ গুরু নামে কলঙ্ক দিতে পারে, তাকে আমি অন্ততঃ নিরপরাধী বলতে পারব না।”

গুরু নামে!

নবকুমার স্তম্ভিত ভাবে বলে, “তার মানে?”

“মানে তোমায় বোঝাতে পারব না। মেয়েমাহুষের বাড়ি পেট-আলগা মাহুষ তুমি, এখুনি জগৎ সংসার সকল বাত্মা জেনে ফেলবে। তবে এই বিশ্বাসটুকু রেখো আমার ওপর, অতাই কাজ আমাকে দিয়ে হবে না। অবিবেচনার কাজও না।”

না, এর বেশী নবকুমার জানতে পারে নি।

পারবার কথাও নয়।

বুদ্ধি দিয়ে বুঝে ফেলবে এত ক্ষমতা তার নেই। আর সত্য তো হাত জোড় করে বলেছে, “আমায় আর কিছু জিজ্ঞেস করো না। আমি সে কথা মুখে আনতে পারব না।”

না, সত্যিই পারবে না।

মুখে আনবার কথা নয়।

তবু নিতাই একদিন মুখে এনেছিল। ভবতোষ মাস্টার সত্যকে পড়া দিয়ে চলে যাওয়া মাত্র বলে উঠেছিল, “সম্প্রকট্টা মাস্টার বানিয়েছে ভাল। গুরু শিষ্য! কিন্তু যতক্ষণ পড়া বুঝায় ততক্ষণ তো গুরু বসে বসে শিষ্যকে চোখ দিয়ে গিলতে থাকে!”

“সত্য তীব্র স্বরে বলে উঠেছিল, “ঠাকুরপো!”

“তা রাগ করলে আর কি হবে? যা হক কথা তাই বলছি। মাস্টার মশাইয়ের রীত-চরিত্রির আমার আর আজকাল ভাল মনে হয় না। ছুতোয়-নাতায় হরষড়ি এ বাসায় আসার বহর দেখে বুঝতে পারেন না? নিছক হিত করতে আসা নয়, কারণটা অজ্ঞ। আমি এই ভবিষ্যৎবাণী করছি, সময়ে সাবধান না হলে ওই মাস্টার হতে একদিন বিপদ আসবে।”

সত্য কঠিন গলায় প্রশ্ন করেছিল, “কথাই যদি তুললে ঠাকুরপো, তো বলি—সে বিপদ যে তোমার দ্বারাই আসবে না তার নিশ্চয়তা কি?”

“আমার দ্বারা! আমার দ্বারা মানে?”

নিতাই সিঁদুরে আমার মত লালচে হয়ে ওঠে।

কিন্তু সত্য কঠোরা।

“মানে ঘরে গিয়ে বোঝা গে। জিজ্ঞেস কর গে আপনার মনকে। কে কাকে চোখ দিয়ে গিলছে, সে খবর তোমার চোখে পড়ে কেমন করে তাই তোমায় শুধোই আমি?”

“পড়বে না?”

নিতাই উত্তেজিত হয়, “নবর মতন কানা মাহুষ ছাড়া সবাইয়ের চোখেই পড়ে।”

“নিজে চোখ না ফেললে পড়ে না; এই আমারও সাদা বাংলা। কিন্তু এমন মন্দ কথা যখন তোমার মনে উঠতে পারে ঠাকুরপো, তখন আমার মনে হয় আর একজ্ঞ থাকা ঠিক নয়।”

“ঠিক নয়!” নিতাই অবাক হয়ে বলে, “একজ্ঞ থাকা ঠিক নয়?”

“না।”

নিতাই হুঁসে উঠে বলেছিল, “আমাকে সরালেই তোমাদের বিপদ সরবে?”

“বিপদ!”

সত্য সহসা হেসে উঠেছিল, “আমার আবার বিপদ কিসের? আজ্ঞে

যদি কেউ হাত দিতে আসে ঠাকুরপো, বিপদটা আশুনের হয়, না হাতের হয়? রামায়ণ মহাভারতের কাহিনীও কি কখনো শোন নি? সতীনারীর উপাখ্যান? তোমায় যে সরে যেতে বলছি, সে তোমারই ভালর জন্তে।”

নিতাই আর কোনও কথা খুঁজে না পেয়ে বলেছিল, “চমৎকার! বিচারটা ভাল।”

সত্য বলেছিল, “এখন তুমি নানা কারণেই অন্ধ ঠাকুরপো, তাই জ্ঞানগমিয়া নেই। পরে বুঝবে। তবে এ সম্পর্কে অধিক কথায় আর কাজ নেই। কুখ্যা হচ্ছে ছারপোকাকার বংশ, একটা থেকে একশোটা ছানা জন্মায়। ওকে মূলেই ধ্বংস করে দেওয়া বুদ্ধির কাজ।”

তার পর সেই ভবতোষ মাস্টারের কাছে মেন খুঁজে দেওয়ার প্রস্তাব।

কিন্তু নিতাইয়ের অল্পযোগ কি বাস্তবিকই অমূলক?

নিছক অমূলক বললে ভুল বলা হবে।

ভবতোষ মাস্টারের চোখের অন্ধা সমীহ আর স্নেহভরা মুক্ত বিহ্বল দৃষ্টি যে আত্মহারা হয়ে সত্যবতীর আনত মুখের দিকে তাকিয়ে থাকে, এ কি সত্যবতীর অল্পভবের মধ্যে ধরা পড়ে না?

পড়ে। পাথরের দেবতাও ভক্তের নিবেদন বোঝে।

তবু সত্যবতী গ্রাহ্য করে না। সত্যবতী বোঝে এ দৃষ্টির মধ্যে অনিষ্টের আশঙ্কা নেই। সত্যবতী জানে এ দৃষ্টি সত্যবতীর কেশাগ্রেরও ক্ষতি করতে পারবে না। যেমন পারবে না নিতাইয়ের ঈর্ষাকাতর জালাভরা দৃষ্টি। দুটোকেই সমান অগ্রাহ্য করছিল সত্যবতী। কিন্তু নিতাইয়ের এই স্পষ্টাঙ্গাঙ্গি জালা-প্রকাশে বিবেচনার পথ নিল সে। কে জানে কোনদিন যদি নির্বোধ নবকুমারের কানে তুলে বসে নিতাই এই নীচ সন্দেহের কথাটা!

যদি মাস্টার মশাইয়ের কানে ওঠে?

ছি ছি!

উনি স্নেহ করেন।

উনি গুরু।

উনি নিজেও জানেন না এর মধ্যে কোনও দোষ আছে। তাই ঠুর নিজেরও কিছু ক্ষতি হচ্ছে না।

কিন্তু নিতাইয়ের কথা স্বতন্ত্র। নিতাইয়ের মধ্যে যা আছে, সেটা নির্ভেজাল অন্ধ নয়।

সে আপনি আপনার ক্ষতি করতে পারে।

তার জন্তে ব্যবস্থার দরকার।

তাই নবকুমারের কাছে দৃঢ় স্বরে বলতে পারে সত্যবতী, “আমার দ্বারা কোন অবিবেচনার কাজ হবে না, কোন ছোট কাজ হবে না এ বিশ্বাস রেখো।”

নিতাই চলে যেতেই নবকুমার বলতে শুরু করল, “বাড়িটা যেন গিলে খেতে আসছে।” বলতে লাগল, “চার-চারখানা ঘরে দরকার কি?”

ওই শেকল-বন্ধ ঘরটা যে ওর বুকে শেলের মত বিঁধছে সেটা বুঝতে পারে সত্য। তাই একদিন নরম গলায় বলে, “আর একটা বাসা দেখলে হয় না?”

“কেন আর একটা বাসার দরকার?”

নবকুমার খাপ্পা হয়ে ওঠে।

“দরকার আর কি, একটু হাওয়া বদল। তা ছাড়া এ বাসার ভাড়াটাও তো কম নয়। এদিকে বাজার দিন দিন অগ্নিমূল্য হচ্ছে। ওদিকে ছেলেদের বইখাতা ইস্কুলের মাইনে বাড়ছে।”

“তা সে তো তোমার পক্ষে ভালই। একটা মানুষ দু বেলা দু মুঠো ভাতের বদলে একমুঠো করে টাকা ধরে দিচ্ছিল—”

সত্য বিনাবাক্যে উঠে গিয়েছিল। আর মনে মনে প্রতিজ্ঞা করেছিল, ঠিক আছে, আর নবকুমারকেও বলা নয়, ভবতোষ মাস্টারকেও অহুরোধ জানানো হয়, নিজেই হাল ধরবে সে। ঝিকে দিয়ে বাসা যোগাড় করবে। ঝি পাঁচবাড়ি ঘোরে, অনেক সন্ধান রাখে।

তা সত্যর হিসেব ভুল হয় নি।

মুক্তারামবাবুর স্ট্রিটের এ বাসা ঝি পঙ্কুর মা-ই যোগাড় করে দিয়েছে। বাড়িওলারা মশু বড়লোক, বনেদী ঘর। আগে যখন আরো বোলবোলাও ছিল, তখন আমলা-গোমস্তাদের জন্তেই ছোট ছোট অনেক বাসা বানিয়ে দিয়েছিল। এখন কর্মচারীর সংখ্যা কম, তাই দু-পাঁচখানা বাসায় ভাড়া বসিয়েছে।

তারই একখানার সন্ধান এনে দিল পঙ্কুর মা। নবকুমার বাসা দেখে এসে সন্তোষ প্রকাশ না করে পারল না। কারণ ছোট হলেও বাসাটা ভাল।

রাস্তার ধারে। ভবতোষ মাস্টার ক্লান্ত হয়ে বললেন, “বাসা বদলের দরকার ছিল, আমায় জানাও নি তো নবকুমার?”

নবকুমার ‘বাড়ির মধ্যে’র শিক্ষায় শিক্ষিত হয়ে বলল, “আজ্ঞে আপনার ওপর আর কত বোঝা চাপাব? আমাদের জন্তে তো আপনার কাজের অন্ত নেই। এটা যখন ঝির দ্বারা হয়ে গেল—”

“আমার বাসা থেকে একটু দূর হয়ে গেল, এই আর কি!”

ভবতোষ নিশ্বাস ফেললেন।

তবু বাসা বদল হল।

আর সত্য আর একটু স্বাবলম্বী হয়ে উঠল। কি-হাত মাস্টার মশাইয়ের মুখাপেক্ষিতার অভ্যাসটা কাটাতে শুরু করল।

তবে এ বাড়ির একটা অস্থবিধে, বাড়িওয়ারা ধনী হলেও জাতে ছোট। কাজেই বামুন-ভক্তিটা প্রবল। যখন তখন পালপার্বণ হলেই বামুনবাড়ি সিধে পাঠায় তারা, বামুনের মেয়ের জন্তে পান সুপরি মিষ্টি, লালপাড় শাড়ীর উপঢৌকন পাঠায়।

ফেরত দেওয়াও চলে না, কেবল নেওয়াও লজ্জার।

নবকুমার অবশ্য লজ্জার বলে না। বলে “এতে তোমার এত কিছু কিসের? কথায় আছে লাখ টাকায় বামুন ভিথিরি। তা ছাড়া ওরা হল গে সোনার বেনে। বামুনকে দান করে পুণ্যসঞ্চয় করেছে।”

“তা হোক।” সত্য বাক্য দেয়। “আমরা তো আর পরিবর্তে কিছু দিতে পারছি না? নিতে আমার মাথা কাটা যায়।”

“তোমার সবই উন্টো। বলি পরিবর্তে তো তুমি আশীর্বাদ দিচ্ছ!”

“আশীর্বাদ।”

হি হি করে হেসে ওঠে সত্য। “আমার আশীর্বাদের অপেক্ষাতেই যে ছিল এত দিন। আর ওদের ওই রাজ্যপাট আমার আশীর্বাদেই হয়েছে! যাই বল, এ একটা বিপদ হয়েছে।”

“লোকের যা প্রার্থনার, তোমার তাতেই বিপদ, আর লোকের যাতে ভয়, তোমার তাতেই আত্মদান, এই তো দেখলাম চিরটাকাল। কোন্ বিধাতা যে গড়েছিল তোমায় তাই ভাবি।”

এই ধরনের কথা প্রায়ই হয়।

আবার মাঝে মাঝে পঙ্কুর মা বলে, “বড় বাড়ির গিন্নী পেরায় আমাকে

বলে, ‘হ্যাঁ লা, সবাই আমার সঙ্গে দেখা করতে আসে, কই সাত নম্বর বাসার গিন্নী তো কই আসে না একদিনও?’ আমি বলি, ‘ও রাণীমা, গিন্নী কোথায়? সে নেহাত ছেলেমানুষ বোটি।’ তা যাই বল বাপু, তোমার এক-আধদিন যাওয়া কান্তব্য। সকল প্রেজারাই যখন যায়—”

সকল প্রেজারাই যখন যায়—!

সত্য দপ্ করে জলে উঠে বলে, “তা আমি তো আর ওনাদের প্রজা নই পঙ্কুর মা? ভাড়া দিই, থাকি।”

“তা সে একই কথা।” পঙ্কুর মা বিগলিত স্বরে বলে, “খাজনা দিলে প্রজা, ভাড়া দিলে ভাড়াটে। গিন্নীর ঘেন একটু গোসা গোসা ভাব দেখলাম, তাই বলছি। মানে বড়মানুষ তো? রাতদিন তোয়াজ পাচ্ছে, তাতেই অম্মার ভাব। মনে করে সাত নম্বর কেন তোয়াজ করে গেল না? একদিন গেলেই ও গোসাটা কাটে।”

“আমার সময় কোথা?”

সত্য গম্ভীর ভাবে বলে।

“ওমা, শোন কথা।” পঙ্কুর মা বিস্ময় রাখবার জায়গা পায় না। “এই গলির এপার ওপার এটুকু একবার যেতে তোমার সময় হবে না? তা হলে বলি বৌদিদি, অম্মার তোমারও কম নয়।”

“তা হলে বুঝেছিস?” হেসে ফেলে সত্য।

“বুঝেছি। বুঝেই আছি। তবে কিনা তোমার হিতের জগ্গেই বলছি। জলে যখন বাস, কুমীরের সঙ্গে ভাব রাখাই ভাল।”

“দেখ্ পঙ্কুর মা, ওসব তোয়াজ করাটরা আমাকে দিয়ে হবে না। তা সে কুমীরের কামড় খেতে হয় তাও ভাল।”

“আহা-হা, তা কেন! কামড়ের কথা হচ্ছে না। তোমরা হলে গে জগত্তের সেরা, উঁচু বামুন। তোমাদের মাগির কাছে কি আর পয়সার মাগি? তবে কিনা কালটা কলি, এই আর কি। কলিকালে পয়সাই মোক্ষ। নইলে ওই এগারো নম্বর বাসার চকোত্তিগিন্নী অমন করে দত্তগিন্নীর পায়ে তেল দেয়?”

“বাক পঙ্কুর মা, ওসব কথা তুলিস নে। আমার যেজাজ খারাপ হয়ে যায়। বড়মানুষের বাড়ি যাওয়া আমার পোষাবে না, এই হচ্ছে সাদা বাংলা। তা তাতে এখানের বাস ওঠাতে হয় তাও ভাল।”

পঙ্কর মা মাহুঘটা ভাল। লাগানে-ভাঙানে নয়। আর বোধ করি সত্যর এই তেজস্বিতাকে সে সমীহই করে। তাই গিয়ে বড় বাড়ির গিন্নীর কানে তোলে না কথাটা। নইলে ও বাড়িতে তো তার নিত্য গতায়াত।

কারণ ঝি-খেটে খেলেও পঙ্কর মা মালির মেয়ে। তার বোনঝি ওই বড় বাড়িতে ফুলের যোগানদার, বোনঝির সেখানে অশেষ প্রতিপত্তি। পঙ্কর মা সেই স্ববাদে দৈনিক জলপানিটা বরাদ্দ করে নিয়েছে ও বাড়িতে।

আর রাজ্যের ঝি আর মালিনী তাঁতিনী নিয়েই তো আসর গিন্নীর।

তাই সে ভাবে, একটা দিন গেলে যদি বড় বাড়ির গিন্নীর মনটা প্রসন্ন হয়, গেলেই বা। কিন্তু সত্য উড়িয়ে দেয়।

বলে, “বড়মাহুঘের বাড়ির চৌকাঠ ডিঙোতে আছে? বাপ!”

তবু সত্যকে একদিন বড় বাড়ির চৌকাঠ ডিঙোতে হল।

ওদের রাঁধুনী বামনী আর গিন্নীর খাস ঝি এসে কর্তার নাতির ‘মুখে-ভাতে’র নেমস্তন্ন করে গেল। নতুন কাঁসার রেকাবিতে চার জোড়া সন্দেশ, আর নতুন পেতলের ঘটিতে সেরটাক তেল দাওয়ায় নামিয়ে দিয়ে বলল, “নাতির মুখে পেসাদ, নেমস্তন্ন করে গেলাম। বাড়িসুদ্ধ সব যাওয়া চাই। বাড়িতে যেন উতুন না জলে।”

সত্য মুহু গম্ভীর ভাবে বলে, “কবে অন্নপ্রাশন?”

“এই তোমার গে পশু।”

সত্য আরও গম্ভীর ভাবে বলে, “তবে? ছুটির দিন তো না? বাবুকে দশটায় আপিস যেতে হয়। উতুন না জাললে চলবে কেন? অত সকাল সকাল তো আর যজ্ঞিবাড়িতে ভাত মিলবে না?”

“তা জানি না।” রাঁধুনী খরখরে গলায় বলে ওঠে, “পাড়ার কারুর ঘরে উতুনের ধোঁয়া উঠতে দেখলে গিন্নী আর রক্ষে রাখবে না, এই হচ্ছে সংবাদ।”

“তা হলে বাবুকে সেদিন পাস্তা খেতে হবে!”

সত্য নিশ্চল দাঁড়িয়ে বলে।

আর রাঁধুনী বামনী গালে হাত দিয়ে ‘থ’ হয়ে যায়। তারপর খরখরিয়ে বলে ওঠে, “ওমা এ যে সর্বনেশে মেয়ে গো! রাণীমা তো ঠিকই বলেছে, ‘আর সকল বাড়ি শুধু ঝি গেলেই বোধ হয় হত, সাত নম্বরে বামনদি তুমি সঙ্গে যেও। ওনার বড় দেমাক, কি জানি যদি শুদ্ধুরের মুখের নেমস্তন্ন না নেন’।”

“তা ভাল! চোখে না দেখেও মাহুষ চিনতে পারেন। তোমাদের রাণীমা তো খুব গুণী!”

রাধুনী বোধ করি কথাটার নিহিতার্থ হৃদয়ঙ্গম করতে না পেরেই বলে, “গুণী, সে কথা আর বলতে! একবার কেন একশোবার। গেলেই জানতে পারবে। কী দয়া-দাক্ষিণ্য! আর রূপও তেমনি! যেন জগদ্ধাত্রী প্রতিমা!”

গিন্নীর খাসদাসী সঙ্গে।

কাজেই জানা কথা যে এই স্ততিগান একেবারে ব্যর্থ হবে না।

সত্য বলে, “তা দাঁড়াও। ঘটটা রেকাবটা নিয়ে যাও।”

শুনে বি বামনী দুজনেই হেসে ওঠে। “ওমা! বলে কি গো! নিয়ে যাব কি গো! ও তো সামাজিক বিলোনের জন্তে। একেবারে ব্যাপারী-দের কাছে বায়না দিয়ে এক মাপের এক গড়নের অমন হাজার খানেক আনানো হয়েছে। এসব বুঝি দেখনি কখনো?”

সত্য আর দ্বিকুক্তি না করে জিনিস দুটো ঘরে উঠিয়ে রাখে। ওই হাসির শব্দ যেন ছুরির মত বিধতে থাকে।

দেখবে না কেন?

রামকালী চাটুখোর মেয়ে সত্য অনেক কিছুই দেখেছে। বাসন বিলোনোও দেখেছে বৈকি। কিন্তু সেটা কখন কিভাবে বিলোনো হয় তা তার জানা ছিল না।

ভাবল কি জালা!

যদি বা পাঁচ টাকায় এমন মনের মত বাসাটি পাওয়া গেল, তার সঙ্গে জুটল এই পিপড়ের কামড়।

এতদিনে ওদের বাড়িতে না গিয়ে চলেছে, আর চলল না দেখা যাচ্ছে। সামাজিক নেমস্তন্ন বলে কথা।

গাড়ি-পালকির পথ নয়, তবু এসব কাজে পালকিতে চেপে যাওয়াই রেওয়াজ! পঞ্চর মা বলে, “আমি এই বাসন কথানা মেজে ফেলে, বাসা থেকে কাচা কাপড় পরে আসছি বৌদিদি, তুমি সাজগোজ করে নাও ততক্ষণ, আর খোকাদেরও পোশাক-আশাক পরিয়ে—”

“খোকারা তো এখন ইস্কুলে চলল।”

বলল সত্যবতী ।

“ওমা, সিকি কথা ! নেমস্তন্ন খাবে না ওরা ?”

“ইস্কুল কামাই করে ?”

পঞ্চুর মা অবাক হয়ে বলে, “একদিন তোমার ইস্কুল কামাইটা এমন মারাত্মক হল বৌদিদি ? পাড়াস্কুলে ছেলে কেউ আজ ইস্কুলে যাবে নাকি ? বলে বিশ দিন থেকে দিন গুনছে সবাই । বড়মাসুষের বাড়ির নেমস্তন্ন, কত ভালমন্দ সামগ্রীর আয়োজন, বারো মেসে সংসারে তোমার গে মেসব চোখেও দেখতে পায় না কেউ—”

সত্য ঈষৎ কঠিন স্বরে বলে, “তা বারো মাস যখন দেখতে পায় না, একদিন পেয়েই বা কি রাজ্যলাভ হবে ? তুই বাসা থেকে ঘুরে আয়, আমি একাই যাব ।”

“জানি নে বাবা ! তোমার মতিগতি কেমন ! বলি ছেলেরা না গেলে মাথা পিছু হাঁদাটাও তো বেবাক লোকসান ।”

“লাভ-লোকসানের হিসেব তোর সঙ্গে করতে বসতে পারছি না পঞ্চুর মা, কাজ সেরে বাসা থেকে ঘুরে আয় ।”

পঞ্চুর মা তথাপি হাল ছাড়ে না ।

বলে, “তা বৌদিদি, খোকারা ইস্কুল থেকে ফিরেও যেতে পারে । খ্যাঁট তো তোমার গে এই ছপুর থেকে সাঁঝ সন্ধে অবধি চলবে !”

“তুই খামবি ?”

বলে ধমক দিয়ে সরে যায় সত্য ।

নবকুমার কোটের পকেটে পানের কোটোটা ভরে নিতে নিতে বলে, “ছেলেদের নিয়ে গেলেই পারতে !”

“কেন ?”

“কেন আবার কি ! নেমস্তন্ন—”

“নাঃ । বড়লোকের বাড়ি না যাওয়াই ভাল । ছেলেবুন্ধি ছেলেমন, অত জাঁকজমক দেখে এসে শেষে নিজের তুচ্ছ মনে করতে শিখবে ।”

“তোমার যত সব উদ্ভট কথা ! মাথাতে আসেই যে কি করে ! যাক । যাবে একটা টাকা নিয়ে যেও । সামাজিক আশীর্বাদটা দিতে হবে তো ?”

সত্যর জোড়া ভুরু নেচে ওঠে ।

কৌতূকের হাসিতে মুখ উজ্জ্বল দেখায়।

“একটা টাকা! ধুং! এতদিন ধরে এত সিধে শাস্তি কাপড়চোপড় পেয়ে আসছি, যদি তার শোধ দেবার সুযোগ পাচ্ছি, টাকা দিয়ে সারব কেন?”

“তবে কী দেবে? গিনির মালা?”

নবকুমারও রহস্য করে।

“গিনির মালা? না। বেআন্দাজী কিছু করতে যাব না। এইটে দেব।”

সত্য তোরঙ্গ পূলে একটা জিনিস বার করে। মুঠোয় চেপে রহস্যভরে বলে, “হাত গুনে বল, কি এটা?”

“হাত গুনতে জানি না। আপিসের বেলা হয়ে যাচ্ছে। দেখাবে তো দেখাও।”

সত্য মুঠো খুলে ধরে।

আর ঝকঝক করে ওঠে সোনার জলুস।

কড়িহার একগাছা!

ভরি পাঁচেকের কম নয়।

নবকুমার হেসে ফেলে বলে, “ইস, তা আর নয়! প্রাণ ধরে পারবে?”

“নিশ্চয়। আমার প্রাণ অত হালকা নয়।”

“পাগলামি করো না।”

“পাগলামি নয়, সত্যিই দেব।”

“ওই অতবড় সোনার হারছড়া দিয়ে দেবে? বড়মাহুষের সঙ্গে পাল্লা দেওয়ার সাধ?”

“পাল্লা নয়।” সত্য গম্ভীর ভাবে বলে, “মান-সম্মান রক্ষা। বলে কিনা প্রজা!”

“ওদের কাছে তোমার মান? ওরা হল গে লাখপতি।”

“তাতে আমার কি?”

এবার নবকুমার বোঝে, রহস্য নয় সত্যি। ক্রুদ্ধ হয়ে ওঠে।

বলে, সর্বনাশা বুদ্ধি না হলে এমন কাণ্ড কেউ করতে যায় না। বলে, একটা টাকায় যেখানে যেটে, সেখানে এতবড় একগাছা সোনার হার! এ

শুধু বন্ধ পাগলেই করে। তা ছাড়া উড়নচণ্ডে হয়ে সোনাদানা নষ্ট করবার অধিকারই বা দিয়েছে কে সত্যকে? এলোকেশী যদি টের পান, রক্ষ রাখবেন?

সত্য গম্ভীর ভাবে বলে, “এ তো তোমার মায়ের জিনিস নয়!”

“নয় মানে? তোমার বাবা ষেকালে সালকারা কত্রে দান করেছে—”

“এ আমার বিয়ের সময়ের জিনিস নয়। সেসব তোমার মা সঙ্গে দেনও নি। এবারে নিত্যেন্দ্রপুরে যেতে ছোট খোকার নাম করে পিসঠাকুমা দিয়েছেন।”

“দিয়েছেন বলেই বিলোতে হবে? না না, ওসব বদখেয়াল ছাড়।”

“তা হলে আমার যাওয়া হয় না।”

“যাওয়া হয় না! চমৎকার! বলি এত যদি টেকা দেওয়ার শখ, নিজের জন্তেও তাহলে হীরে মুক্তো জরি বানারসী যোগাড় করো?”

“তা কেন?”

সত্য দৃঢ়ভাবে বলে, “বামুনের মেয়ের শাখা আর লালপাড় শাড়ীই মস্ত আভরণ।”

তা শেষ পর্যন্ত সেই মস্ত আভরণেই সজ্জিত হয়ে ও বাড়িতে গিয়ে হাজির হল সত্য পঞ্চর মার সঙ্গে। একখানা নতুন কাঁসার রেকাবিতে সেই কড়ি-হারছড়া আর একটু ধানদুর্বে নিয়ে।

নৌকতা’র বহর দেখে পঞ্চর মাও তাজ্জব হয়ে গেছিল। গালে হাত দিয়ে বলেছিল, “হ্যাঁ গা বৌদিদি, বড় বড় কুটুমবাড়ি থেকেও তো দুটো একটা টাকাই দেয়। আর তোমার মতন এই পাড়াপড়শী প্রেজারা চারগুণা কি জোর আটগুণা পয়সা। একটা টাকা হল তো খুব বেশী হল! আর তুমি—”

“হোক হোক, চল্ তুই।”

“ছেলে কোন্ ঘরে?”

সত্য শুধোল একজনকে।

সম্ভবত সে দাসী। কারণ পঞ্চর মা তাড়াতাড়ি আগবাড়িয়ে এসে একগাল হেসে বলে, “এই যে স্বখদার পিসি! নিয়ে এলাম আমাদের বৌদিদিকে। সাত নম্বরের বাড়ির—”

“ওঃ !”

সুখদার মা ভুরুর ইশারায় দিকনির্দেশ করে বলে, “ওই উদিককার দালানে বসাও গে !”

“বসবে বসবে ! তা অগ্রে খোকাবাবুকে আশীর্বাদ করে—”

সুখদার পিসির এতক্ষণে বোধ করি হাতের জিনিসটার প্রতি নজর পড়ে। ঈষৎ বিস্ময় এবং সমীহমিশ্রিত স্বরে বলে, “তা তবে ওপরতলায় নে যাও। মোক্ষদার কাছে আছে ছেলে।”

মোক্ষদা এ বাড়ির খোদ বি।

গিল্লীর পরের পদটাই তার।

বাড়ির বৌ-ঝিরা পর্যন্ত তার ভয়ে তটস্থ। আর অল্প ঝিদের তো সে দণ্ড-মুণ্ডের কর্তা। মোক্ষদার জিম্মাতেই আছে ছেলে। কারণ ছেলের সর্বান্তে আজ গয়না।

গাড়া মাথা, সর্বান্তে অষ্ট অলঙ্কার, আর সলুমা-চুমকির কাজ করা ভেল-ভেটের পোশাকের জালা, হাঁ হাঁ করে কাঁদছিল ছেলেটা—

“মুখ দেখানি”র খালা সামনে নিয়ে ক্রন্দনরত ছেলেটাকে কোলে চেপে ধরে বসেছিল মোক্ষদা কালো মোষের মত চেহারাখানি নিয়ে।

পঞ্চর মার সঙ্গে সত্যকে দেখেই বাজখাই গলায় বলে ওঠে, “এই বুঝি তোর মনিব পঞ্চার মা ? যাক, পাও ধুলো পড়ল তা হলে ?”

সত্যর ভুরু কঁচকে ওঠে।

তবু সে ধীরভাবে এগিয়ে গিয়ে ধানভূর্বে নিয়ে ছেলের মাথায় দিয়ে হার সমেত রেকাবিটা নামিয়ে দেয় মুখ-দেখানির খালার কাছে। যে খালায় টাকার চাইতে আধুলি, ও আধুলির চাইতে সিকির সংখ্যাই বেশী।

সঙ্গে সঙ্গে ভুরু কঁচকে ওঠে মোক্ষদারও।

“এটা কি পঞ্চার মা ?”

পঞ্চার মা তটস্থ ভাবে বলে, “এই খোকাবাবুর আশীর্বাদী মোক্ষদাদি ! বৌদি বলে একটা টাকা নিয়ে গিয়ে আর কি হবে পঞ্চর মা ? বড়মাসুকের বাড়ি, স্ফুন্দুরে পাণ্ড-অর্ঘি—তাই—”

“বাজে বাজে বকছিস কেন মিথ্যে ?”

তীব্র স্বরে ধমকে ওঠে সত্যবতী।

তীব্র, তবে মুহু।

মোক্ষদা একবার সত্যর আপাদমস্তক দেখে নেয়, একবার হারছড়া হাতে তুলে ঘুরিয়ে ফিরিয়ে অল্পভব করে। তারপর বিরস স্বরে বলে, “এ হার তুমি উঠিয়ে নিয়ে যাও গো সাত নম্বরের গিন্নী। এদের ঘরের ছেলেপেলে গিন্টির গয়না পরে না।”

গিন্টির গয়না!

পঞ্চুর মার বুকটা বসে যায়।

নিবোধ ছুঁড়ির নিবুদ্ধি দেখে এ পর্যন্ত সে মনে মনে হাসছিল। ভাবছিল শহরে বড়মামুষ তো দেখে নি কখনো, তাই ভয়ে তরাসে বেআন্দাজী একটা নৌকতা করে বসেছে। তা বসুক। পঞ্চুর মার মুখটা বড় হবে বোনঝির মনিববাড়িতে।

কিন্তু এ কী!

এ যে মুখে চুনকালি!

ছি ছি, ই কি মুখ্যামি! তুই এই দস্তবাড়িতে নিয়ে এলি গিন্টির গয়না!

প্রায় হতভম্ব হয়েই তাকিয়ে থাকে সে। কিন্তু ততক্ষণে উত্তর দিয়েছে সত্য। তীক্ষ্ণ তীব্র মুহু।

“তুমি বুঝি এখানে নতুন কাজে ঢুকেছ?”

“নতুন? আমি নতুন কাজে ঢুকেছি?” মোক্ষদা আঙুলের মতন গনগনিয়ে গুঠে, “ওমা আমার কে গো! তুমি আজ নতুন পদাঙ্গন করেছ বলে মোক্ষদাও নতুন হয়ে গেল! এই বাড়িতে কাজ করতে করতে চুল পাকালাম। বলি এ প্রশ্ন যে?”

“প্রশ্ন তুমিই করালে বাছা! এতদিন এদের ঘরে কাজ করছ, সোনা চেনো না?”

মোক্ষদা কালো মুখ আরও কালি করে বলে, “তোমার কথাবাত্তা তো বড় চ্যাটাং চ্যাটাং! যা পঞ্চুর মা, বড় রাণীমার কাছে নে যা। সেখানে মুখটায় একটু লাগাম রেখে কথা কোয়ো গো ভালমানুষের মেয়ে। সে আর দাসীবাঁদীর এজলাশ নয়।”

পঞ্চুর মা খানিক এগিয়ে ফিসফিস করে বলে, “মোক্ষদার বড় দাপট মা! শুকে একটু তোয়াজ করে কথা কইতে হয়। বাই দেখি আমার বুনঝিটা কোথায়! তাকে সঙ্গে পেলে বুকে একটু ভরসা পাই। খাস মালিনী তো সে! এই বিরোধ বাড়ির যত মেয়েছেলে সন্টার খোঁপার জন্তে রোজ বরাদ্দর

ফুলের সাজ, রকমারি মালা, জরির ফুল, রাংতার চাঁদতারা, সব ওই আমার বুনিয়।...অ শৈল, কই কোথা লো—”

পঞ্চুর মা ঝপ করে এগিয়ে যায়।

আর সত্যবতী দালানের একটা থামের কাছে দাঁড়িয়ে দেখতে থাকে তাকিয়ে তাকিয়ে বাড়ির বাহার, কারুকার্য, সাজসজ্জা।

দালানের ছাতটা কী উচু!

যেন কোথায় থামতে হবে ভুলে গিয়ে যথেষ্ট উঠে গেছে উপর দিকে। সেই ছাদের নীচে ঝুলছে প্রকাণ্ড প্রকাণ্ড ঝাড়লঠন, সত্য শুনে ফেলল, চকমিলোনো দালানের চার কোণায় চারটে, আর মাঝামাঝি একটা করে, সবস্বল্পু আটটা ঝাড।

আগাগোড়া দালান শ্বেতপাথরে মোড়া, শুধু কিনারায় কিনারায় কালো পাড়। থামের মাঝখানে প্রতিটি খিলেনের মাথা থেকে ঝুলছে নানা মাপের পাখীর খাঁচা, পাখীর দাঁড়। হরেক রকমের পাখী। আশ্চর্য! এত পাখী কেন? এত পাখী পুষে কি হয়?

দালানের কোণে কোণে একটা করে পাথরের নগ্ন নারীমূর্তি। সত্য তাদের দিকে তাকিয়ে চোখটা তাড়াতাড়ি ফিরিয়ে নিল। ভাবল মাগো মেয়েগুলোকে দেখে মনে হচ্ছে যেন জলজ্যান্ত! তার পর মনে মনে ফিক করে একটু হেসে ভাবল, বেচারীরা বোধ হয় রক্তমাংসেরই ছিল, হাজার লোকের চোখের সামনে অমন করে দাঁড়িয়ে থাকতে হওয়ায় লজ্জায় পাথর হয়ে গেছে।

বাইরে থেকে বাড়ির ভিতরের এতটা শোভা-সৌন্দর্য ঠিক বোঝা যায় না। ভিতরে ঢুকলে দেখে তাজ্জব বনতে হয়। ছেলেবেলায় বাবার কাছে নবাব-বাড়ির অনেক গল্প শুনেছে সত্য, তার অসীম কৌতুহলী চিত্তের অসংখ্য প্রশ্ন-শরাস্রাতে রামকালীকে বলতেই হত অনেক কিছু বিশদ করে। দত্তদের অন্তঃপুরে এসে সত্যর সেই ছেলেবেলায় শোনা নবাববাড়ির কথা মনে পড়ল। শোনা গল্পের সঙ্গে মনের রং আর কল্পনা মিশিয়ে নিয়ে এই ধরনের ছবিই এঁকে রেখেছিল সত্য তার ধারণার জগতে।

তাই ভাবল, বাবা, এ যে দেখছি একেবারে নবাবী কাণ্ড!

“এস গো বৌদিদি”, উর্ধ্বশ্বাসে ছুটে এল পঞ্চুর মা, “এই সময় চল। এখন একটু ভিড় কম আছে।”

সত্য আশ্বে বলে, “কাজের বাড়ি তো, কিন্তু এত বড় দালানে মানুষজনের চিহ্ন নেই কেন রে পঙ্কুর মা! বাড়ির গিন্নীটিনীই বা কোথায়?”

“ওমা শোন কথা!” পঙ্কুর মা বিস্ময়ের চরম অভিব্যক্তি স্বরূপ গালে হাত দেয়।...

“কি হল? মুচ্ছা গেলি যে!”

“তা মুচ্ছা যাওয়ার মতন কথাই যে বললে বৌদিদি! এ কী তোমার আমার মতন গরীবগুরবোর ঘর যে, নাতির অন্নপাশনে ঠাকমা কোমর বেঁধে কাজ করে বেড়াবে? এ বাড়ির গিন্নীরা নীচের তলায় নাবে নাকি?”

“নীচের তলায় নামে না?” সত্য হেসে ফেলে বলে, “কেন পায়ে বাত বুঝি?”

“বকো না বৌদিদি! হাসিও না! নীচের তলায় নামবার ওনারদের দরকার? বাহান্ন গুণা দাসীবাঁদী মোতায়েন নেই? তা ছাড়া তোমার গে সংসারে কত অবীরে বেধবা প্রতিপালিত হচ্ছে, তারাই সংসারের কন্না করছে। আর সরকার মশাই তো আছেনই। অবিশি একেবারে নাবে না তা নয়, নাবে। পাল-পাকবনে ঠাকুরদালানে আসে। তা তার জন্তে আলাদা সিঁড়ি আছে ভেতর-ঘর দিয়ে। ইদিকটা হল গে, না সদর না অন্দর, দুইয়ের মাঝখান। মানুষজনের কথা বলছ? সে তোমার গিয়ে ইদিকে বড় নেই। ভিড় দেখতে চাও তো দেখ গে যাও ভেতরবাড়ির উঠোনে দালানে।...এ তো আর চালা বেঁধে ভিয়েন বসানো নয়, পেরকাণ্ড পেরকাণ্ড টানা লম্বা পাকা ভিয়েন ঘর। তার হেঁচতলায় মেছুনীরা বসেছে মাছ কুটতে। ভগবান জানেন কত মণ মাছ, তবে সে যা বঁটি, দেখে ভিরমি লেগে যায়। মদ জেলেরা পেরথমে শ্রাজ্জা মুড়ো খণ্ড করে বাগিয়ে দিয়েছে, তার পর মেছুনীরা বসেছে ‘খামি’ করতে। দেখাব, সবই দেখাব তোমায় ঘুরিয়ে ঘুরিয়ে। আমি শৈলর মাসী বলে, আমায় কেউ কিছু বলে না। আর বলবেই বা কেন? আমি বলব, আমার মনিব গো! গাঁ-ঘরের মানুষ, এত সব সাহেবী কেতা, শহরে কাণ্ড তো কখনো দেখে নি, তাই—”

কথা হচ্ছিল এ-হদ্দ ও-হদ্দ দালানটা পার হতে হতে। তিন মুড়ো পার হয়ে তবে একেবারে শেষ মুড়োয় সিঁড়ি, সিঁড়ির কাছ বরাবর এসে পৌছেও ছিল, হঠাৎ দাঁড়িয়ে পড়ে তীব্র তীক্ষ্ণ অথচ চাপা গলায় বলে ওঠে সত্য, “পঙ্কুর মা!”

“কী হল গো?”

পঙ্কুর মা খতমত।

“দেখ্, কথা যখন কইতে জানিস না, হুশি-দীর্ঘি জ্ঞান যখন নেই, তখন মেলা কতকগুলো কথা কইতে আসিস নে।”

“ওমা! কথার ভুল আবার কখন হল?”

“সে জ্ঞান থাকলে তো বুঝবি। তা তোকে এই পষ্ট কথায় সাবধান করে দিচ্ছি, আমাকে নিয়ে মিছে কতকগুলো বকবক করবি না। যা করতে এসেছিস তাই কর।”

“বাব্বাঃ! ধন্তি মেজাজ! মেজাজে তুমিও তো দেখছি রাজরাজড়ার থেকে কিছু কম যাও না। এদের এসব ঘরবাড়ি, বোটকথানা আর বাবুদের ঐশ্বর্য্য দব্দবা এই কলকোতা শহরে একদিন এমন রাষ্ট ছিল যে শুনতে পাই নাকি খাস বিলিভী সাহেবরা স্বল্প দেখতে আসত। আর তুমি কিনা—”

“হ্যাঁ, আমি ওই রকমই! ও বাবা, এ কে?”

“ও বাবা, এ কে?” বলেই হঠাৎ থেমে দাঁড়ায় সত্য, তার পরই ঈষৎ অগিয়ে গিয়ে নিরীক্ষণ করে দেখে অল্পক্ষণে হেসে উঠে বলে, “দেখ কাণ্ড! কে বলবে সত্যি সেপাই নয়?”

পঙ্কুর মা এবার একটু গৌরব অনুভব করে, অজ্জারি মানুষটা হয়েছে তা হলে জন্ম! স্বীকার পেয়েছে যে অবাঁক হয়েছে!

সিঁড়িতে উঠতে যেতেই ঠিক পাশে বন্দুক কাঁধে যে সেপাইটা খাড়া দাঁড়িয়ে আছে বীরের ভঙ্গীতে, প্রথম দিন সেটাকে দেখে পঙ্কুর মাও ঘাবড়ে গিয়ে দশ পা পিছিয়ে এসে দুগ্গা নাম জপ করতে শুরু করেছিল। দেখে শৈলর কী হাসি! সে রকম হাসি পঙ্কুর মার হাসতে ইচ্ছে করছে, তবে নেহাত নাকি মানুষটা বেথাপ্পা মেজাজী, তাই সাহস হয় না। শুধু একটু মুচকি হেসেই ক্ষান্ত হয়ে বলে, “ওই দেখ, যত দেখবে তত আশ্চর্য্য হবে! এনাদের এক কুটুমবাড়ি তত্ত্ব নে গেছিলুম, তা সে বললে বিশ্বাস করবে না, তাদের বাগানে ফোয়ারার ধারে এমন একটা মেয়েছেলের মূর্তি বসানো আছে যে দেখে লজ্জায় জিভ কেটে ছুটে পালাতে হয়। আমি বলে উঠেছিলুম পয্যন্ত, ‘মরণ মাগীর! এই বাড়বাড়িতে এমন বে-বস্তুর হয়ে নাইতে এসেছে কেন?’ খেত পাথরে গড়া তো, আমি ইনতাম করেছিলুম বোধ হয় তোমার গে মেম-বাইজীটাইজি হবে। তা আমার কথা শুনে এ

বাড়ির এক দাসী হাসতে হাসতে হাতের বারকোশখানাই ফেলে দিল।
পথের ওপর মেঠাই গড়াগড়ি।”

সত্য কিন্তু এই হাসির নাটকে অংশগ্রহণ করে না, ঈষৎ কঠিন গলায় বলে,
“তা সে রকম মূর্তির অভাব তো এখানেও নেই। দেখে লজ্জায় জিভ কাটতে
হয়েছে তো আমাকেও। তা এই বুঝি শহরে বড়মানুষদের বাড়ির বাহার ?
রুচি পছন্দকে বলিহারি যাই ! পয়সা থাকে দেব-দেবীর মূর্তি গড়িয়ে প্রতিষ্ঠা
কর না ! তা নয় যত অসভ্যতা ! বাপ-বেটায় মায়ে-পোয়ে একসঙ্গে
আনাগোনা করতে হয় না এখেন দিয়ে ? দেখে লজ্জা লাগে না ?”

পঙ্কুর মা সত্যবতীর এই অবোধ নীতিজ্ঞানের মস্তব্যে একটি অবহেলা
মিশ্রিত পরিতৃপ্তির হাসি হেসে বলে, “তা এসব তো আর হেঁজিপৈঁজির ঘরের
কাণ্ড নয় ! এ তোমার গিয়ে বিলেত থেকে সায়েব কারিগর এসে গড়েছে।
এর মানমষ্যেদাই আলাদা।”

“তাই বুঝি ? তা বেশ। মানমষ্যেদার নিদর্শনটা দেখলাম ভাল। এখন
চ দিকি, দায় সেরে ফিরতে পারলে বাঁচি।”

সিঁড়িতে উঠতে উঠতে পঙ্কুর মা ফিস ফিস করে বলে, “বললে তুমি শুনবে
না বোধ হয়, তবু আমার কতব্য আমি করি, বলে রাখি তোমায়, যতই তুমি
বায়ুনের মেয়ে হও, গিন্নীকে একটু মান-সম্মান দিও। জোড়হস্ত দেখাই অব্যাস
তো ওনারের, বেতিকেয়র দেখলে চোটে যাবে।”

সত্য আর একবার থমকে দাঁড়ায়, তেমনি তীক্ষ্ণ কণ্ঠে বলে, “তবে দেখিয়ে
দে জোড়হস্তটা কেমন ভাবে করতে হবে ! শুধু জোড়হস্ত ? না গলবস্তুর
চাই ? ধস্তি বটে পয়সার মহিমা ! বলি এত যে ওদের স্তোত্রপাঠ করিস,
নিজের অবস্থা কিছু ফিরেছে তাতে ? বাসন মেজে তো খাস। জোড়হস্ত
করবি ভগবানের কাছে, করবি মানুষের মতন মানুষের কাছে, পয়সার কাছে
করতে যাস কেন মরতে ?”

সত্য বুদ্ধিমতী তবু সত্য নেহাতই নির্বোধ। যে মরার কথা সে বলেছে সে
মরা কি একা পঙ্কুর মার ? কে না যায় সেই মরণে মরতে ? কে না চায়
সেই মৃত্যুসাগরে ডুবতে ?

নইলে চক্রবর্তী-গিন্নী কেন দস্ত-গিন্নীকে অবিরত তেল দেয় ? দস্তরা যে
সোনার বেনে, আর সোনার-বেনেরা যে ‘জল অচল’ এ কথা কি জানে না
চক্রবর্তী-গিন্নী ?

সত্য যখন সিঁড়ি ভেঙে উঠে গিয়ে বড়গিন্নীর ঘরের দরজায় এসে দাঁড়াল, তখন চক্রবর্তী-গিন্নী বিগলিত বিনয়ে, মুখের চেহারায় জোড়হাতের ভঙ্গী ফুটিয়ে বলছিলেন, “তাই তো বলছি মা, তোমার মতন এমন উচু নজর কটা লোকের আছে ?... ঘরে তাই বলাবলি করি, হ্যাঁ, দরাজ প্রাণটা এনেছিল বটে দত্তদের গিন্নী।”

সত্য এসে দাঁড়াতেই কথায় ছেদ পড়ল। ঘরের মধ্যে ঝাঁরা ছিলেন তাঁদের সকলের চোখ পড়ল তার উপর। মোসাহেবের স্ত্রীলিঙ্গ কি আমার জানা নেই, যদি কিছু থাকে, তো এঁরা দত্ত-গিন্নীর তাই। সেই সকাল বেলা থেকে অর্থাৎ যখন থেকে দত্ত-গিন্নী ‘সত্য’ করে জাঁকিয়ে বসেছেন, তখন থেকে এঁরা তাঁকে ঘিরে বসে আছেন এবং চাটুবােক্যের প্রতিযোগিতা চালাচ্ছেন।

কাজে-কর্মের দিনে এইভাবেই গুছিয়ে বসেন দত্ত-গিন্নী, অথবা বসেন আরও সব বড়লোকের গিন্নীরা, এই ধরনের চাটুকারিণী পরিবৃত্তা হয়ে। নিমজ্জিত ঝাঁরা আসেন, তাঁরা পাতে বসবার আগে একে একে দুইয়ে দুইয়ে এসে দেখা করে যান। ওঁরা মানুষ বুঝে ওজন করে কথা বলেন।

এখানেও আজ চলছিল সেই পর্ব।

সত্য এসে দাঁড়াল সেই পর্বের পার্বণী ষোঁগাতে।

সমস্ত দৃশ্যটার ওপর চোখ বুলিয়ে নিল সত্য।

দেখল প্রকাণ্ড চারচৌকো ঘর, তার মেজেকটা শতরঞ্জ খেলার ছকের মত চৌকো চৌকো সাদাকালো পাথরে মোড়া। সমস্ত দেয়ালটায় একটা কালচে সবুজ রং, আর নীচে থেকে হাততিনেক উচুতে টানা লম্বা একটা পাঁচরঙা রঙের নকশার পাড় আঁকা। ঘরের মধ্যেও ছাতের নীচে বাড়লঠন। জানলা-দরজাগুলো যৎপরোনাস্তি চওড়া আর উচু, তাতে পাখী-খড়খড়ির পাল্লা, আর তার পিঠ-পিঠ ফিকে নীল-রঙা কাঁচের শার্মা পাল্লা।

দেয়ালের ধারে ধারে সাজানো মেহগনী কাঠের আলমারি টেবিল, স্ট্যাণ্ড দেওয়া প্রকাণ্ড দাঁড়া আরশি, দাঁড়ানো ঘড়ি। আলমারির সামনে টেবিলের ওপর দেয়ালের ত্র্যাকেটে নানাবিধ পুতুল খেলনা টাইমপিস ফুলদানি, উচুতে দেয়ালের গায়ে অয়েল পেন্টিং।

এত বড় ঘরটা আগাশোড়া জিনিসে জিনিসে বোঝাই। ঘরের ঠিক মাঝখানটার একটা মস্ত চৌকো পালঙ্ক, পালঙ্কের গদিটা প্রায় হাতখানেক পুরু, একখানা ধপধপে সাদা চাদর তাতে টান টান করে পেতে গদ্বির তলায়

তলায় গৌজা। সেই পালঙ্কের উপর চারিদিকে গির্দে তাকিয়া সাজিয়ে খেত হস্তীর মত বিপুল বপুখানি নিয়ে বসে আছেন দত্তবাড়ির বড়গিন্নী।

বড়গিন্নী যে বিধবা সে কথা জানা ছিল না সত্যবতীর, কিন্তু এ কেমন বিধবা? সত্যর মনের মধ্যে প্রশ্নের প্রাবল্য। এ কি রকম সাজসজ্জা? বড়গিন্নীর পরনে দর্শকের দৃষ্টি-পীড়াকারী অতি মিহি চন্দ্রকোণার থানধুতি, তার আঁচলে বড় থোলোয় চাবি, সামনের চুল “আলবোট” ফ্যাশান, পিছনে একটি বড়ির মত খোঁপা।

বড়গিন্নীর নিচের হাত শূন্য ফাঁকা, কিন্তু উপর হাতে বোধ করি নীরেট সোনার মোটা মোটা প্লেন তাগা। গলায় গোছা করা গোট হার। কোলের কাছে রূপোর ডাবরে ডাবরভর্তি সাজাপান।

পালঙ্কের ধারে দাঁড়িয়ে বাজুর ওপর থেকে হাত বাড়িয়ে দাসী বা কোনও আশ্রিতা একখানি ঝালরদার পাখা হুলিয়ে হুলিয়ে বাতাস করছে। পালঙ্কের নীচে পায়ের কাছে একখানা জলচৌকির উপর সোনার মত ঝকঝকে একটা বড় পেতলের পিকদানি, আশেপাশে চাটুকারিগীর দল। অবস্থা সম্পর্কে এবং মর্যাদা হিসেবে কেউ পালঙ্কের উপরেই বড়গিন্নীর গা ঘেঁষে বসেছেন, কেউ আলগোছে একটুখানি বসেছেন পালঙ্কের কিনারায়, কেউ কেউ বা পালঙ্ক ঘিরে আশেপাশে দাঁড়িয়ে। তাদের মধ্যে সধবা আছে, বিধবা আছে, বয়স্ক আছে, তরুণী আছে।

শূন্য প্রকোষ্ঠের উপর ভাগে বাহতে মোটা সোনার তাগা ভারী বিসদৃশ লাগল সত্যর, আরও বিসদৃশ লাগল বিধবা মাল্লষের এরকম পানের ডাবর কোলে করে খাটগদিতে বসে থাকা। ইতিপূর্বে কোনও বিধবাকে কখনো খাটগদিতে বসে থাকতে দেখে নি সত্য।

মনটা হঠাৎ কেমন বিমুগ্ধ হয়ে গেল। ভাবতে চেষ্টা করল বটে, মরুক গে, এই যদি কলকোতা শহরের চালচলন হয়, আমার কি? কিন্তু চেষ্টাটা ফলবতী হল না। মন সেই মোটা তাগাপরা ছোট ছেলেদের পাশবালিশের মত মোটা মোটা ঝাড়া হাত দুখানার দিকে তাকিয়ে সিটিয়ে রইল।

বড়গিন্নী চোখের কেমন একটা ইশারা করলেন, সঙ্গে সঙ্গে ক্ষতভঙ্গীতে একজন জলচৌকিতে বসানো সেই পিকদানিটা উঠিয়ে নিয়ে তাঁর মুখের কাছে ধরল। বড়গিন্নী পিচ করে একটু পিক ফেলে বললেন, “কে এসে দাঁড়াল রা? চিনতে পাচ্ছি না তো?”

এগিয়ে এল পঙ্কুর মা, বলে উঠল, “ওই যে আপনার সাত নম্বর বাড়ির—”

“অ। তাই বলি চিনতে পারছি না কেন? আসে নি তো কখনো? তা এসো বাছা, একটু এগিয়ে এসো।...পায়ের ধুলো দাও খানিকটা।”

“পায়ের ধুলো” নামক জিনিসটা যে নিজেকে থেকে দেওয়া যায় এ হেন অভিনব কথা সত্য জীবনে এই প্রথম শুনল। তার জানার জগতে জানা আছে ওটা যার নেবার ইচ্ছে হয়, সে এসে মুখু হেঁট করে আহরণ করে নেয়।

কিংকর্তব্য বুঝতে না পেরে চুপ করে দাঁড়িয়ে থাকে।

“কই গো দাও?”

জটনকা ‘ধামাধারিণী’ তীব্রকণ্ঠে বলে ওঠেন, “পা’র তলা থেকে এক ফোঁটা ধুলো নিয়ে এনার মাথায় দিয়ে দাও।”

সত্য গম্ভীর ভাবে বলল, “পায়ে ধুলো নেই।”

পায়ে ধুলো নেই!

এইটা একটা কথা হল?

তা ছাড়া দত্তগিন্নীর প্রার্থিত বস্তু, তাও সোনা নয় দানা নয়, নেহাতই তুচ্ছ বস্তু! সেই বস্তুর প্রার্থনা যে এভাবে অগ্রাহ্য করা যায়, এ তো অভাবনীয় কথা!

দত্তগিন্নী গালে হাত দিয়ে কোনরকমে বিস্ময় এবং অবহেলার ভাব কমিয়ে ফেলে ব্যঙ্গহাসি হেসে বলেন, “সেই যে বলে না, অভাগা যতপি চায়, লাগর শুকায় যায়, আমার ভাগ্যে যে দেখছি তাই হল! এক ফোঁটা পদরজও দুর্লভ হল!”

সত্য অবাক হয়ে তাকিয়ে দেখে সেই আকার-অবয়ব-বর্জিত মেদগিণ্ডের মুখের দিকে। এই মাংসের তালের মধ্য থেকে বয়স উদ্ধার করা কঠিন, কিন্তু যিনি পৌত্রের অন্নপ্রাশন দিতে বসেছেন, নেহাত কিছু ছেলেমানুষ তিনি নন, কোন্ না সত্যর দিদিমার বয়সী! সত্যর সঙ্গে এ আবার কোন্ ধরনের রসিকতা তাঁর।

‘ঝড়ের আগে এঁটো পাত’ সদৃশ একটি মহিলা বলে ওঠেন, “মানুষ বুঝে কথা কইতে হয় বাছা! কইবার আগে তলিয়ে দেখতে হয় কাকে কি বলছি!”

বলা বাহুল্য সত্য নীরব।

শুধু তার প্রকৃতি অহুযায়ী চোয়ালের পেশীগুলো দৃঢ় আর কঠিন হয়ে ওঠে।

“সোনার হার দিয়ে নৌকতা করেছ, তুমিই না?”

এবার সত্য মুখ খোলে।

নরম গলায় বলে, “নৌকতা বলছেন কেন? থোকাকে ষৎসামান্য কিছু আশীর্বাদী বৈ তো নয়!”

“তা সে যাই হোক,” দত্তগিন্নী অসন্তুষ্ট স্বরে বলেন, “ও হার তোমাকে ফিরে নিয়ে যেতে হবে।”

নিয়ে যেতে হবে!

সত্য অবাক হয়ে বলে, “ছেলেকে দেওয়া জিনিস কী করব নিয়ে গিয়ে?”

“কী করবে সে তোমার বিবেচনা। তবে পেরজার দানের সোনা আমরা নিই না।”

আবার সেই “প্রজ্ঞা”!

সত্যর সমস্ত শরীরের মধ্যে যেন একটা বিদ্যুৎপ্রবাহ বয়ে যায়, তবু সে কষ্টে আত্মসংবরণ করে বলে, “তা হলে দেখছি আপনাদের এই সব প্রজ্ঞা-পাঠকদের নেমস্তন্ন করাটাই ভাল, নৌকতা না দিয়ে কে আর কোন্ কাজে খায় বলুন? তা ছাড়া ব্রাহ্মণে কি আশীর্বাদী ফিরিয়ে নিতে পারে?”

ব্রাহ্মণ!

দত্তগিন্নী একটু মলিন হন।

“ওমা! এ যে দেখছি কাঠ-কাঠ কথা!” দত্তগিন্নী বলেন, “পোড়ারমুখী মোক্ষদা তো তা হলে ঠিকই বলেছে। যাক, তুমিই তা হলে জিতলে। অতিথি নারায়ণ, যা বলবে শুনতেই হবে। তবে কাজটা ভাল হয় নি তোমার। বামূনের মেয়ে তুমি, তোমাদের পায়ের ধুলো আমাদের শিরোভূষণ, বলব না তোমায় আমি কিছু, শুধু এইটুকু বলব, পুঁটিমাছও মাছ ঝুইমাছও মাছ, তবু কে আর তাদের এক সমান বলবে বল? যাক বলেছি তো অতিথি নারায়ণ! গ্রে স্বেচ্ছা, এঁকে সঙ্গে করে বামূনের পাতায় ঘরে বসিয়ে দিগে যা!”

অর্থাৎ এখানেই বাক্যে ইতি।

সত্য ধীরে ধীরে সরে আসে, আর হঠাৎ মনে হয় তাম্র—কোথায় যেন তার একটা হার হল।

সত্য কি খাবে না?

চলে যাবে ?

বলবে শরীর খারাপ ?

কিন্তু কিছু বলার আগেই দত্তগিন্নী ফের কথা বলেন, “তোমার ছেলেকে আন নি ?”

“না।”

“কেন ? সন্তুষ্ট নেমস্তন্ন হয়েছিল না ?”

সত্যর জোড়া ভুক চির অভ্যাসমত কুঁচকে ওঠে, আর গলায় ফিরে আসে মুহূর্ত্তিন স্বর। সেই স্বরে উত্তর দেয়, “না নেমস্তন্নয় আপনার জুটি কিছু হয় নি। তবে সন্তুষ্টির এসে মাথা মুড়োবার সময় না হলে আর উপায় কি ! যাক আমি তো এসেছি, তাতেই হবে। কথাতেই আছে শিরে জল ঢাললে সব্বাঙ্গে পড়ে।”

ঘরে যারা উপস্থিত ছিল তারা সাত নম্বর বাড়ির ভাড়াটের এ হেন স্পর্ধায়ুক্ত কথায় বিশ্ময়ে হতবাক হয়ে যায়, এবং ভাবলেশশূন্য মেদপিণ্ডেও কঠিন একটা ভাবের খেলা ফোটে। তা তিনিও দত্তবাড়ির বড়গিন্নী। তাই নিজেকে সামলে নিয়ে বলেন, “বামুনদার কথার তো খুব বাঁধুনী ? নেকাপড়া জানা বুঝি ? ভাল ভাল। দেখি নি তো এর আগে, দেখে বড় আমোদ পেলুম। তা যাক, খেও ভাল করে। আর ছেলেদের জন্তে ছাঁদাটা নিয়ে যেও।”

সত্য চলে যাচ্ছিল সেই স্তবাস না কে তার সঙ্গে, হঠাৎ মুখ ফিরিয়ে দাঁড়িয়ে পড়ে তীক্ষ্ণ একটু হাসির সঙ্গে বলে, “আমি পাড়ারগায়ের মেয়ে, শহরে রীতির কিছু জানি নে। নেমস্তন্ন করে ডেকে এনে অপমান করাই বুঝি কলকাতার চাল ?”

“ওমা শোনো কথা !”

দত্তগিন্নীর হৃৎকের মত সাদা মুখখানায়ও হঠাৎ কালি মেড়ে যায়, আমতা আমতা করে বলেন, “তোমরা হলে গে কুলের কুলীন, সব বামুনের সেরা বামুন, যাকে বলে জাত সাপ। তোমাদের অপমাণি করবে, এত সাধি কার আছে বল ভাই বামুনদি ? যদি দোষজুটি কিছু হয়ে থাকে—নিজ্ঞণে মার্জনা করে আমার খোকাকে একটু আশীর্বাদ করে যাও।”

সত্য স্থির স্বরে বলে, “আশীর্বাদ তো অবিরতই করব। কিন্তু আমাকে একটু শীগ্গির ছেড়ে দিতে হবে, তাড়া আছে।”

শুক্ল-বাড়ি বামুনের খাওয়া ।

দিনহুপুরে মোটা মোটা খানকতক লুচি, আলুনি খানিকটা কুমড়োর ঘ্যাট, আর আলুনি বেগুনভাজা । অবশ্য হরেকরকম মিষ্টি আছে, আছে দই কীর ।

তা কোনটাই সত্যর কাছে আকর্ষণীয় নয় । তবু খেয়ে দায় সেরে নিয়ে তাড়াতাড়ি পঞ্চর মার সন্ধান করে । কিন্তু কোথায় পঞ্চর মা ? সে তখন “ঢপের” আসরে গিয়ে বসেছে । তিনতলার ওপর প্রকাণ্ড হলো সে আসর বসেছে । নাতির ভাতে “ঢপ্ কীতন” দিয়েছেন দত্তগিন্নী ।

মানদা ঢপি এসেছে ।

আর নাকীসুরে টেনে টেনে কী একটা গানের গোড়াবামুনি শুরু করছে ।

পঞ্চর মার তল্লাস করতে এসে দাঁড়ায় তার বোনঝি শৈল ।

ময়লা রং, কাঁলো ফিতেপাড় শাড়ী পরনে, সাদা ধবধবে সরু সিঁথির দু পাশে পাতাকাটা চুল, সর্বাঙ্গ নিরাভরণ তবু মনে হয় মেয়েটা খুব সেজেছে তো ! এটা মনে হয় হয়তো তার মাজাঝবা গড়নের জন্তে, হয়তো বা পানেরাঙা ঠোঁটের জন্তে ।

শৈল বার্তা শুনে অবাক হয়ে বলে, “ওমা চলে যাবে কী গো ? ঢপ্ শুনবে না ?”

“না ।”

“কী আশ্চর্য ! শোনবার লেগে লোকে মরে যায়, আর তোমার এত আগেরাছি ? মনে ভাবছ বুঝি শুনলেই প্যালা দিতে হবে ? তা তুমি দিলেও পার না দিলেও পার, ওটা হচ্ছে ইচ্ছেসাপেক্ষ ।”

“তুমি পঞ্চর মাকে ডেকে দেবে ?”

“ও বাবা ! দিচ্ছি দিচ্ছি । মাসী তাই বলছিল বটে—”

“শোন, তোমার মাসীকে বল একেবারে যেন একখানা পাল্কি ডেকে তবে আসে ।”

“পাল্কি ! ও বাবা !”

শৈল পানেরাঙা ঠোঁটের একটা অপরূপ ভঙ্গী করে ওদিকে এগিয়ে যায় ।

তীক্ষ্ণ তীক্ষ্ণ নরু গলার গানের আওয়াজ এ বাড়ি থেকেও শোনা যাচ্ছে। শুধু এ বাড়ি কেন, দূরে অদূরে বোধ করি পাড়ার সব বাড়ি থেকেই শোনা যাচ্ছে। স্বরের জন্তে যত না হোক, গলার জন্তেই ‘মানদা ঢপি’ বিখ্যাত। তীক্ষ্ণ শানানো গলা, গলার সেই স্বর—গান থামবার পরেও বাতাসের গানে বনবনিয়ে আছড়ায়।

সত্য কখনও ঢপ্ কেতন শোনে নি।

ছেলেবেলায় সেজঠাকুরদার সঙ্গে কখনো কখনো হরিসভায় কেতনগান শুনতে যেত, সে অন্তরকম। তার গানের থেকে অনেক জোরালো ছিল খোল করতালের জগবাম্প। আরও ছোটয় বাবার সঙ্গে একবার যেন হালিশহরে না কোথায় মোকো করে গিয়েছিল কালীকীর্তন শুনতে, আবছা মনে পড়ে। আর কবে কোথায়?

বারুইপুরে পানের চাষ অনেক আছে বটে, গানের চাষ নেই।

আজ যদি মেজাজটা অমন না বিগড়ে যেত, দু দণ্ড বসে গান শুনে আসত সত্য, কিন্তু হল না শোনা! যাচ্ছেতাই হয়ে গেল মন মাথা।

নিজের বাড়ির দাওয়ায় দাঁড়িয়ে একটু শোনবার চেষ্টা করল, তা সে ওই স্বরের একটা রেশ ছাড়া আর কিছুই কানে এল না। একটুক্ষণ দাঁড়িয়ে নিশ্বাস ফেলে সরে এল সত্য। এ নিশ্বাস গান শুনতে না পাওয়ার জন্য অবশ্য নয়, কারণ অজ্ঞ।

জগতে পয়সার প্রাধান্য দেখে আর পয়সার গরম দেখে মনটা উদাস হয়ে যাচ্ছে তার। কী আশ্চর্য এই কলকাতা শহর! গুণের নয়, বিত্তবুদ্ধির নয়, মাহুষ মনিষ্যের নয়, শুধু মাত্র পয়সার জয়জয়কার! এই শহরকে সেই শৈশব কাল থেকে কত ভক্তি কত সমীহর চোখে দেখে এসেছে যে সত্য!

খানিকটা উদাস উদাস হয়ে বসে থেকে সত্য আবার ভাবল, তা একটা মাত্র সংসার দেখে, একটা মাহুষের আচার আচরণ দেখেই বা আমি এমন আশা ছাড়া হচ্ছি কেন? এত বড় বিরাট পুরীতে কত মাহুষ, কত হালচাল। এই শহরেই রাজা রামমোহন ছিলেন, বিত্তেসাগর আছেন, বঙ্কিমচন্দ্র আছেন, পিরীলি ঠাকুরবাড়ির মহর্ষি দেবেন্দ্রনাথ ঠাকুর আছেন, আরও কত সব আছেন। ভবতোষ মাস্টার তাঁদের সব জীবনকথা, মহিমার কথা কত শুনিয়েছেন সত্যকে, সে সব ভুলে গিয়ে সত্য কিনা ওই দত্তগিরীকে দিয়ে কতকাতার বিচার করছে?

মনটা ঝেড়ে ফেলে উঠল। আজ আর পঙ্কর মা আসবে না, তার কাজগুলো সব করে নিতে হবে।

তা একটু না শুছিয়ে নিতেই তুঙ্গ আর খোকা ইন্সুল থেকে ফিরল দুমদাম করে।

“মা! ভীষণ নেমস্তন্ন খেলে তো?”

সমস্বরে বলে উঠল দুজনে।

সত্য হেসে ফেলে বলে, “হ্যাঁ! শুধু ভীষণ? একেবারে বিভীষণ! নে নে, ইন্সুলের জামাকাপড়ে সর্বজয় করিস নে। মুখ-হাত ধো।”

“খাবার আছে? খাবার? মণ্ডা-মেঠাই, খাজাগজা, ছানাবড়া অমৃতি? ভাবতে ভাবতে আসছি আমরা—”

ওদের কণ্ঠে অসহিষ্ণুতা দেদীপ্যমান।

সত্যর মনটা একটু মায়া মায়া হয়ে আসে, এই দেখ ছোট ছেলেদের কাণ্ড! সারাদিন পড়া লেখা ফেল করে মণ্ডা-মেঠাইয়ের চিন্তা করছে। কিন্তু মায়াকে প্রশ্রয় দিলে চলবে না এখন। তাই সবিস্ময় ভাব দেখিয়ে বলে, “ওমা, স্বপ্ন দেখছিস নাকি? ওসব আবার আমি কোথায় পাব?”

ওরা কিন্তু এ বিস্ময়কে আমল দিল না, মার হাত ধরে ঝুলে পড়ে হৈ-হৈ করে উঠল। “ইস্ তাই বৈকি। চালাকি হচ্ছে। ও বাড়ি থেকে ছাঁদা আন নি বুঝি?”

ছাঁদা!

সত্যর মায়া মায়া মুখটা কঠিন হয়ে ওঠে, তীক্ষ্ণ প্রশ্ন করে, “ছাঁদার কথা কে বলেছে?”

“বাঃ, বাবা তো আগিস যাবার সময় বলল, তোদের মা কত ছাঁদা আনবে দেখিস।”

“ভুলে বলেছেন। নয়তো ঠাট্টা করেছেন।”

সত্য বলে।

কিন্তু তুঙ্গর মন এখন আক্ষেপ-উষেল। সে বলে, “তুমি শুধু শুধু আমাদের ইন্সুলে পাঠালে, কেউ বুঝি আজ ইন্সুলে গেছে? পাড়ার ওরা দিবিয়া পেট ঠেঁশে খেলো, আবার জনাজনতি ছাঁদা আনল। আর আমরা হুঁউউ—বোল বকম নাকি মিষ্টি করেছে ওরা—”

সত্য গম্ভীর ভাবে বলে, “সেটা আবার কি করে জানলি, আপিস যাবার সময় তাও বুঝি বলা হয়েছে?”

“না, সে কথা বাবা কি করে জানবে? বলেছে পঞ্চর মা।”

“ও তা আজ দেখছি তোদের মাথার মধ্যে শুধু ওই হাঁদার গল্পই ঘুরছে। হাংলার মতন আবার হাঁদা আনব কি, যাঃ। চল, বাড়িতে যা আছে তাই দিই গে।”

তুডু বয়সে বড় হলে কি হয়, খোকার থেকে সে হাঁদা। তাই সে সহসা বলে ওঠে, “চাই না আমি ও মুড়ি-মুড়কি আর নাডু খেতে! পঞ্চর মা ঠিকই বলেছে—”

হঠাৎ নিজের কথায় নিজেই শিউরে উঠে চূপ করে যায় সে।

কিন্তু চূপ করিয়ে রাখবার মেয়ে সত্য নয়। সে তীব্র জেরায় কী বলেছে পঞ্চর মা তা আদায় করতে চেষ্টা করে। আর তুডু কাঁঠ হয়ে গেলেও খোকা বলে বসে, “পঞ্চর মা বলেছে, একদিন ইস্কুল কামাই হলে কী এত রাজি লোপাট হয়? অমন ভোজটা থেকে ছেলে দুটোকে বঞ্চিত করল। মা না রান্না—”

“কী! কী বললি? বল, বল আর একবার।”

সত্য যেন দিশেহারা হয়ে গেছে। সত্য নিজের কানকে বিশ্বাস করতে পারছে না। এই হল শেষটা! এই রকম হচ্ছে তার ছেলেরা? এর জন্তে এত কাণ্ড করে দেশ থেকে চলে এসেছে সত্য?

তার যে একান্ত বাসনা ছিল তার ছেলেরা সভ্য হবে, মার্জিত হবে!

সত্যই কি তবে অসভ্য হবে, অমার্জিত হবে? মারবে ছেলেদের?

না, সত্য ছেলেদের মারে নি।

শুধু একবার সেই তীব্র প্রশ্ন করে চূপ করে গেছে। চূপ করে বসে আছে। ছেলেরা যে মুড়ি-মুড়কিও খায় নি, তা আর তার মনেও নেই। ও শুধু ভাবছে ঘরে পরে বিপদ, কার আওতা থেকে তবে রক্ষা করবে ছেলেদের?

খানিক পরে নবকুমার এল।

আড়চোখে একবার দেখে নিল সত্যর জলদগম্ভীর মুখটা, তার পর ইশারায় খোকাকে ডেকে বাইরে নিয়ে গিয়ে প্রশ্ন করল, কী হয়েছে সত্যর।

হ্যাঁ, বেগতিক দেখলে এই রকমই ওদের প্রশ্ন করে জেনে নেয় নবকুমার।

নেয় খোকার কাছে বেলী, জানে তুট্টা বোকা, গুঁছিয়ে বিশদ বলতে সে পারেও না।

কারণ শুনে নবকুমার বুঝতে পারে না, এই তুচ্ছ ব্যাপারে এত বিচলিত হবার কি হল সত্যর।

ছেলেরা তো আর মাকে রান্ধুসী বলে নি ? বলেছে পঞ্চুর মা ?

তাই ধরে ঢুকে কাঁঠহাসি হেসে বলে, “কি, আবার কি হল ?”

সত্য সেই ভাবেই বসে থাকে, কথা বলে না।

নবকুমার বলে, “বাবা রে, চিরটা দিন এক রকমে গেল ! তোমার ‘কাঁঠ-কাঠিন’ স্বভাবের গুণেই পঞ্চুর মা ও কথা বলেছে। তা সেইটুকু বলেছে বলে, এত শাস্তিও করতে হয় ছেলে দুটোকে ? ইস্কুল থেকে নাচতে নাচতে আসছে বড় মাহুঘের বাড়ির ভালমন্দ দুটো খাবে বলে, তার বদলে কিনা উপোসের সাজা ! ধন্তি বটে !”

উপোসের সাজা ! মানে ? ওঃ তাই তো ! ছেলেদের খেতে দেওয়া হয় নি !

মুহুর্তে মনটা ভিতরে ভিতরে দ্রব হয়ে গিয়ে “হায় হায়” করে ওঠে। ছেলেদের খেতে না দিয়ে বসে আছে সে ? রাগের চোটে খেয়ালই হয় নি ? ইস্ ! পঞ্চুর মা দেখছি নেহাত ভুল বলেও নি। কচি ছেলে ওরা, ওদের আর ভালমন্দ বোধ কতটুকু ? ওদের বাপ বুড়ো মিনসেই যদি বড়মাহুঘের বাড়ির খাবারের মোহময় ছবি এঁকে ওদের সামনে ধরে ? রাগটা কমে গিয়ে “হায়, হায়” এলেও, মুখে হারে না সত্য। গভীর মুখে বলে, “তা সামান্য দুটো মুড়ি-নাড়ু নাই বা দিলাম, মণ্ডা-মেঠাই খাজাগজার গল্প করগে না ছেলেদের কাছে, খুব পেট ভরবে।”

কথা কয়েছে। বাঁচা গেল।

নবকুমারের ভয়টা অনেক ভাঙে।

সত্য যখন মুখ খুলেছে, বুঝতে হবে অবস্থা একেবারে মারাত্মক নয়।

কথা না কয়ে চোয়ালের হাড় শক্ত করে নিঃশব্দে বসে থাকার তাতেই বড় ভয় নবকুমারের। অফিসে নবকুমারের কর্মদক্ষতা আর বুদ্ধিমত্তার এত সুনাম, নিম্নবর্তীরা এত ভয়-ভক্তি করে তাকে, সেখানে নিজেকে তো “বেশ একজন” মনে হয়, কিন্তু বাড়িতে এলেই যে কী হয় ! সেই চির অসহায়তা।

তবু আজ এখন সত্য মুখ খুলেছে।

তাই নবকুমারও সাহসে ভর করে বলে, “আহা খিদেয় কাহিল হয়ে গেছে একেবারে। আপিস ইস্ত্রুল থেকে ফিরে খিদে যা জোর লাগে জানি তো!”

অর্থাৎ এই সুযোগে নিজের কথাটাও ঢুকিয়ে দিল নবকুমার।

আর রাগ নিয়ে বসে থাকে চলে না। সত্য উঠে পড়ে।

নবকুমারও আর বেশী সময় নেই বুঝে তাড়াতাড়ি বলে ওঠে, “রাগ তো দেখালে এত, বলি ছাঁদায় এত ঘেন্না কিসের? ছাঁদা আবার কে না আনে? কেন, তোমার বাপের বাড়ির দেশে ছাঁদার চল নেই বুঝি? আমরা তো ঘাবা ছেলেবেলায় ওই ছাঁদাটার আশাতেই নেমস্তন্ন যেতাম। ছোট পেটে কতই আর খেতে পারতাম বল? বাড়িতে এসে পরদিন সকালে সেই ছাঁদার সরা খুলে—”

“থাক হয়েছে, গল্প রাখ -মুখ হাত ধোওগে” বলে সত্য উঠে যায়। মনটা হঠাৎ যেন নরম হয়ে গেল। সত্যি এতে রাগের কি ছিল? তাদের ছেলেবেলায় তারাও তো—! কেন ‘চল’ থাকবে না তার বাপের বাড়ির দেশে? তাদের বাড়ির কাজকর্মেই তো কত সরা সাজানো, মালসা সাজানো, হাঁড়ি সাজানো দেখেছে, লোকে খাওয়াদাওয়ার পর নিয়ে গেছে। রামকালী নিজে দাঁড়িয়ে তদারক করেছেন, মাথা পিছু ঠিকমত যাচ্ছে কিনা। সন্দের ঝিটা মুনিষটা রাখালটা পৰ্বস্ত বাদ যেত না। আবার সত্যরাও পিসঠাকুমার সঙ্গে যখন এ-বাড়ি ও-বাড়ি নেমস্তন্ন গেছে, তারা দিয়েছে, নেওয়া হত না তা তো নয়।

আর একটা উৎসব ছিল বিশেষ আকর্ষণীয়। সেটা হচ্ছে আটকোড়ে। গ্রামে কারো বাড়িতে ছেলে জন্মালেই আটদিনের মাথায় ডাক পড়ত অপর বাড়ির কুচো ছেলেদের কুলো পিটোতে। সে সম্মানটা অবশ্য শুধুই ছেলেদের!

তবে খই-মুড়কি আটভাজার সম্ভার থেকে মেয়েরা বঞ্চিত হত না। আট-সার্ট করে বেড়াবিহুনি বাঁধা, কোমরে ডুরেশাড়ীর আঁচল জড়ানো, পাড়া সচকিত করে মল বাজিয়ে যাওয়া নিজের সেই চেহারাটা যেন চোখের ওপর দেখতে পেল সত্য।

ফিল্মত সেই ডুরেশাড়ীর আঁচলটা কোশলে ‘কৌচড়ে’ পরিণত করে, তাতে খাজা গজা আটভাজার বোঝাই দিয়ে। তার মধ্যে কেউ-কেউবা

আবার আটটা করে পয়সা মিশিয়ে রাখত, বাড়ি এসে কী মহোন্মাদে সেই পয়সা খোঁজার ধুম !

কই নিজেকে বা অপরকে তো তখন ছাংলা মনে হত না ? কেন হত না ? আজই বা কেন—

স্বামীপুত্রের খাবার গোছাতে গোছাতে কারণটা ভাবল সত্য, নির্ণয়ও করল একটা। ওদের খেতে দিয়ে উপস্থাপিত করল সেই কথাটা।

“বলছিলে আমাদের নিত্যেন্দ্রপুরে ছাঁদার চল ছিল কিনা ? থাকবে না কেন, খুবই ছিল। তবে কথাটা হচ্ছে—সেই দেওয়ার মধ্যে নেমস্তম্ভ-কস্তার অহঙ্কারটা ফুটে উঠত না। বরং যেন দিতে পেরেই কেতাখ। তাই যারা নিত, তাদের মধ্যে ‘মান-অপমান’ ঘুলোত না। এই তোমার দস্তবাড়ির বাপু সবতাতেই যেন অহঙ্কার। এতখানি একখানা তিজ্জলে বাহান্ন গ্রন্থ মিস্তি শাজিয়ে রেখেছিল তো আসনের পাশে, তা সেটা মাছুষ পালুকিতে তুলিয়ে দেবে তো ? তা নয় বাড়ির লোকেরা কে কোথায় ঠিক নেই, কাকশু পরিবেদনা, একটা দাসীমতন মেয়েমাছুষ ভাঙা কাঁসি গলায় চেঁচিয়ে উঠল, ‘ওগো বামুন মেয়ে, তোমার ছাঁদা পড়ে রইল যে!’ দেখ তো অভাবতা ? নেব আমি হাতে তুলে ?”

সত্যার স্বামী-পুত্রের মনে সেই বাহান্ন রকম কী প্রতিক্রিয়া সৃষ্টি করল কে জানে, তবে নবকুমারকে স্ত্রীর কথায় “তা সত্যি” বলে সায় দিতেই হল। তার পর কথাটা সে নিজেই পাড়ল, “তা পর—সত্যিই সেই সোনার হারছড়াটা দিয়ে এলে নাকি ?”

“তা সত্যি দেব না তো কি মিথ্যে দেব ? দেব বলে নিয়ে গেলাম—”

নবকুমার আক্ষেপ-নিশ্বাস গোপন করে উদাসভাবে বলে, “তোমার জিনিস তুমি ফেলে দিতে পার, বিলাতে পার, সে কথা না, তবে পাড়ার দু-একজনকে শুধিয়েছি সকালে, কেউ আধুলিটা কেউ সিকিটা দিয়েছে, টাকার উর্ধ্ব কেউ ওঠে নি।”

সত্য এ প্রসঙ্গে স্ববনিকাপাত করে দিতে বলে, “ধাকগে বাপু, কচি ছেলেকে দেওয়া জিনিসের কথা নিয়ে কচকচানিতে কাজ নেই, ছাড়ান দাও ও কথায়। এবারে পুরুষ বেটাছেলের মতন একটা কাজ কর দিকি ? একখানা বাসা খোঁজ।”

“বাসা ? আবার বাসা খুঁজব ? বদলাবে এ বাসা ?”

“তাই তো স্থির করেছি।”

মনে করেছি নয়, ইচ্ছে করছি নয়, সংকল্প করেছিও নয়, একেবারে স্থির করেছি!

নবকুমার মনে মনে নিজের হার নিশ্চিত জেনেও লড়াইয়ে নামে, “তা স্থির করবে বৈকি, মাথাটাই অস্থির যে। তাই নিত্য নতুন স্থির করা। বলি এই ভাড়ায় এমন বাসা আর পাবে? দত্তদের নাকি নেহাত পরসায় দৃকপাত নেই, তাই বাসাগুলো এত সস্তায় ছেড়েছে! অপর কেউ হলে, এর দেড়া দাম হাঁকত। ওসব কু-মতলব ছাড়।”

সত্যর সেই জোড়া ভুসুর নীচের গভীর কালো চোখ জোড়া সহসা একটি কোতুক-রসাজিত বিদ্যুৎকটাক্ষে ঝিলিক মেয়ে ওঠে, “সত্য বামনী কবে তার মতলব ছেড়েছে?”

নবকুমার সেই মুখের দিকে হাঁ করে তাকিয়ে থাকে। সত্যর হাসিটা দুর্লভ বলেই কি এত অপূর্ব?

না, এ অপবাদ নবকুমার দিতে পারে না—সত্য বামনী কখন তার মতলব ছেড়েছে! শুধু নবকুমারই বুঝতে পারে না, অকারণ স্বস্থ শরীর ব্যস্ত করে কী স্থখ পায় সত্য!

সঙ্গে সঙ্গে হাঁ করে তাকিয়ে থাকা চোখ ফিরিয়ে নিয়ে বেজার মুখে বলে নবকুমার, “কেন, এ বাসা আবার কি অপরাধ করল?”

সে তোমাকে বললে তুমি বুঝবে না।”

“না, আমি তো কিছুই বুঝব না। যত বোঝার কত্তা তুমি। বাসা-দাসা বদলানো হবে না। বারে বারে এক কেতন! পাখী-পক্ষী নাকি, যে রাতদিন বাসা বদলাবো? হবে না বলে দিচ্ছি—বাস।”

“তা বেশ, হবে না! সত্যি, কর্তার কথাই বজায় থাক।”

বলে সত্য উঠে যায়।

এ বাসা বদলানোর ইচ্ছে যে সত্যরই খুব আছে তা নয়। বাড়িটা সব দিক দিয়ে সুবিধের। কিন্তু ওই মাথার ওপর প্রভু নিয়ে “প্রজ্ঞা” হয়ে থাকাটাই তার বরদাস্ত হচ্ছে না। আর মজাটাও দেখ, নিজের বাড়িতে নিজের মতন থাকব তা নয়, বিটা এবাড়ি ওবাড়ি করে যন্ত্রণা ঘটাতে থাকবে। ওকে ছাড়িয়ে দিলেও কতকটা স্বরাহা হয় বটে, কিন্তু সেটাও ঠিক মনের সঙ্গে খাপ,

খায় না। মাছঘটা দুইপাজী নয়। উপকারীও আছে। দোষের মধ্যে হচ্ছে অবোধ। আর অবোধ বলেই অতিরিক্ত কথা কয়। সেই কথার জ্বালাতেই ছেলে দুটোর কুশিকা জন্মাচ্ছে।

তা সেই কথাই বলে ছাড়িয়ে দিতে হবে পঞ্চুর মাকে। বলতে হবে, “আমার ছেলেদের যদি তুমি শেখাও ‘মা’ নয়, রাক্ষসী’, তা হলে তোমায় কি করে রাখি বল তো বাছা? সামনের মাস থেকে অল্প কাজ দ্বেথ।”

সেই কথাই ঠিক করে মনে মনে।

এবাড়ি ওবাড়ি আনাগোনার কথা তুলে আর খেলো হবে না। আনুক কাল সকালে।

কিন্তু কাল সকাল অবধি অপেক্ষা করতে হল না সত্যকে, সেই সন্ধ্যাতেই এসে হাজির হল পঞ্চুর মা, সম্পূর্ণ অপ্রত্যাশিত এক বার্তা নিয়ে।

এ কী!

এ কোন্ বিপদ অপেক্ষা করছিল সত্যর জন্মে?

সন্ধ্যার আগে দুপুরের কথাটা তা হলে বলে নিতে হয়।

দত্তগিন্নী পিচ্ করে পিক্ ফেলে বলেন, “হ্যাঁলা পঞ্চার মা, তোর মনিব-গিন্নী বয়সে তো কাঁচা, ওর এত অজ্ঞার কিসের বল দিকিনি?”

দত্তগিন্নীর চির মোসাহেব “ভায়ে-বো” হি হি করে হেসে উঠে বলে, “ওই কাঁচা বয়সেরই অহঙ্কার গো মামী! নইলে অহঙ্কার করবার আর কিছু তো দেখছি না!”

দত্তগিন্নী ভারীমুখে বললেন, “উহ, এ বাপু বয়সের দেমাক নয়, এ হচ্ছে স্বভাবের দেমাক। সংসারে ওর আর কে আছে রে পঞ্চার মা?”

পঞ্চুর মা এ বাড়িতে কোনদিনই “পঞ্চার মা” বৈ পঞ্চুর মা শোনে না, তাই ওই অগ্রাহ্যের ভঙ্গী তার গা-সহা। অতএব বিনয়ে বিগলিত হয়েই সে উত্তর দেয়, “আর কে? ওই উনি, ওনার সোয়ামী আর দুটো সাত-আট বছরের খোকা।”

“অঃ! তাই! কথাতেই আছে, মেঘা খেয়ে রোদ হয় তার বড় চড়চড়ানি, আর বো হয়ে গিন্নী হয় তার বড় ফড়ফড়ানি। তা, শান্তড়ীমাণ্ডী বুঝি মরেছে?”

পঞ্চার মা কৌতুকের ভঙ্গীতে বলে, “বালাই বাট। মরবে কেন? শান্তড়ী

আছে খবর আছে, আছে সবই। দেশ-গেহামে আছে। উনি বাসায় এসেছেন স্বাধীনতার নিয়ে। সোয়াধী সাহেবের আপিসে চাকরি করে।”

“বটে! তাই তো বলি! তাতেই তেজে মটমট! দেশ কোথা?”

“কোথা কি বিস্তারিত কে শুধাবে মা?” পঙ্কজ মা মনে মনে সত্যের প্রতি স্নেহশীল এবং সমীহপরায়ণ হলেও, নিতান্তই দত্তগিন্নীর স্বল্প হতে মনিবের প্রতি অগ্রাহ্য দেখিয়ে বলে, “গপপো করবার সময় আছে তেনার? ঘরের কাজ মিটল তো বই কেতাব মুখে দিয়ে বসল—”

বই কেতাব!

ঘরের মধ্যে একটা ব্যঙ্গহাসির ঢেউ খেলে যায়। “তাই নাকি? ওরে পঙ্কজ মা, তুই যে দেখছি খুব ভাল বাড়িতে চাকরি ধরেছিস! দেখিস বাপু গিন্নীর হাওয়া লেগে তুই স্বল্প পণ্ডিতনী হয়ে যাস নি!”

পঙ্কজ মা হেসে বলে, “তা পারলে গিন্নী আমাকেও বই ধরায়। বাব্বা, ছেলে দুটোকে ‘পড়া পড়া’ করে যা দিক্ করে। তবু ওই ছেলে দুটোই যা গপপোগাছা করে আমার সঙ্গে। ওদের মুখেই শুনেছি, বাকুইপুর না কোথায় যেন দেশ, ঠাকুমা আছে ঠাকুদা আছে পিসি আছে। আর মামারবাড়ি সেই ‘তিরবেণী’র কাছে নিত্যেনন্দপুর না কি যেন। দাদামশায় কবরাজ খুব বড়মুখ—”

সহসা ঘরের মধ্যের একটা মাহুকের মুখটা কেমন উদ্ভাসের মত হয়ে যায়, ঘেরালের কোলে একখানা পেতলের চৌকিতে পাতিয়ে পাতিয়ে পান সাজছিল সে, কাজ করা হাতটা তার থেমে যায়। ই! করে তাকিয়ে থাকে পঙ্কজ মায় মুখের দিকে, কানে যায় না দত্তগিন্নীর মন্তব্য।

“বড়মুখের কি” বলেই এত দেমাক সাত নম্বর বাড়ির গিন্নীর—সেই মন্তব্যই করেন দত্তগিন্নী।

পঙ্কজ মাও মন্তব্য দিয়ে পরিসমাপ্তি করে, “সেই তো।”

“শুনলার নাকি ছাঁদার হাঁড়ি ছোঁয় নি—”, ভায়ে-বৌ নিভস্ত আঙুলে কাঠ ফেলে, “চপ শোনে নি।”

“সেই কথাই তো বলে মরছি বৌদিদি—”, পঙ্কজ মা আক্ষেপ করে, “এত এত নোকের সময় হল, আর তোর সময় হল না? পাড়ার সকল ছেলে ঘরে বসে মইল, তোর ছেলেদেরই ইস্কুলের মাগি এত হল! ছেলে দুটোর সঙ্গে মরছি কলকরিয়ে—”

“তা বান। হাড়িখানা নয় তুইই নিয়ে বান। দিল গিয়ে ছোড়াদের।”

বলেন অপর এক মহিলা।

কিন্তু পানসাজুনি বিধবাটির কানে বুঝি এসবের বিন্দুবিসর্গও যায় না। সে তেমনি হাঁ করে তাকিয়ে থাকে পঞ্চুর মায় মুখপানে, আর কি বলে সে সেই আশায়।

পঞ্চুর মা কিন্তু আর কথা বাড়ায় না। সত্যার বিরুদ্ধে কথা বলতে তার বিবেক তেমন সাহায্য দিচ্ছে না, তবে নেহাৎ নাকি এ ঘরে এখন পালের হাওয়া উঠোদিকে তাই। বড়মানুষের কথার ধামা তো ধরতেই হবে। তা ছাড়া— সত্যার ওপর তার আজ সত্যিই বড় রাগ হয়েছে।

সে কোথায় ভেবে রেখেছিল সত্যাকে নিয়ে এসে বড়লোকের বাড়ির জাঁকজমক দেখাবে, আর তার বোনঝি শৈলর যে এ বাড়িতে কতখানি মানমর্যাদা তা বুঝিয়ে ছাড়বে। একটা যান্ত্রিকমানের মাসী-পিসী হওয়াও তো কম গৌরবের নয়!

যান্ত্রিকমান বৈকি!

দস্তগিরীর মেজছেলের সঙ্গে শৈলর দহরম-মহরম তো আর রাখা-ঢাকা নেই? মেজবাবুর উপর শৈলর আধিপত্য একেবারে প্রকাশ্য ব্যাপার। মেজবোটাকে টিটু রাখতে দস্তগিরী এ আগুনে রীতিমতই ইন্ধন দিয়ে চলেন। শৈলর জগ্রে গন্ধতেল গন্ধসাবান সরবরাহ হয় দস্তগিরীর নিজের ভাঁড়ার থেকে। শৈলর জগ্রে পানে খাবার সব চেয়ে দামী ‘কিমা’ আসে গিরীর খরচে। শৈলর ফিতেপেড়ে শান্তিপুরী হাফশাড়ীর যোগানদার অবশ্য মেজবাবু স্বয়ং, তবে একটু ময়লা কি ছেঁড়া চোখে পড়লেই দস্তগিরী “গাদারী বেজারমুণী” মেজবোটাকে শুনিয়ে শুনিয়ে শৈলকে বলেন, “হ্যাঁলা, কাপড় এত ময়লা কেন? নেই বুঝি? বলতে পারিস নে তোর মেজদাদাবাবুকে

এতজন থাকতে মেজদাদাবাবুকেই কেন, সে প্রশ্নটা অবশ্য উহা থাকে।

তা এসব রক্তরসের গণপো অবশ্য পঞ্চুর মায় মনিবনীর সঙ্গে করার জো নেই, কিন্তু শৈলর দখলখিটা তো দেখানো যেত? তা হল না কিছুই।

মরুক গে!

যার যেমন বুদ্ধি।

বুদ্ধির দোষেই ঠকে মানুষ। বৌদিদি যে এত বুদ্ধিমতী, তা কই জিততে

পায়ল কই, হেয়েই তো মলো। নিজে ভাল করে খেলি না, স্বামীপুতুরকে খেতে দিলি না, গান শুনলি না, সবদিকেই ঠকলি। ধুস্তোর!

মনঃক্লম পঞ্চর মা পানসাজুনির দিকে এগিয়ে এসে বলে, “দাঁও বামুনদি, দুটো বেশ মচমচে করে পান দাঁও দিকি খাই—”

দুটো পান তাড়াতাড়ি সেজে কম্পিত হাতে সে-দুটো পঞ্চর মার হাতে তুলে দিয়ে পানসাজুনি বামুনদি চাপা নীচু গলায় বলে, “কই, তোর মনিবনীকে তো আমায় দেখালি না?”

“ওমা শোন কথা! ক দণ্ড থাকল তিনি? এল আর চলে গেল বৈ তো না।”

“তোদের কথাবার্তা শুনে একটু কৌতুহল হচ্ছে। বলি এত তেজদস্ত শুনছি—দেখাবি না একবার?”

“আর দেখানো! বৌদি কি আর এমুখো হবে? আর এ বাড়িতে আসবে? তবে যদি তুমি—”

বামুনদি আরও মুহুগলায় বলে, “তবে তাই চল না, দেখে আসি।”

“ওমা! হঠাৎ আমার মনিবের ওপর এমন নেকনজর কেন গো বামুনদি?”

“আন্তে! একুনি গিন্নীর কানে উঠবে আর ‘না’ করে বসবে।”

“বেশ, সন্ধ্যার পর নিয়ে যাব।”

যাবার মুখটায় কিন্তু বামুনদিদি কেমন খেন বিচলিত হয়, আগ্রহটা খেন কিমিয়ে আসে তার। বলে, “থাক গে পঞ্চর মা—কাজ নেই।”

“ওমা কেন? ত্যাখন অত ‘মন’ করলে!”

“হ্যাঁ, কোঁকের মাথায় তখন বলেছিলাম বটে, তা বলি কি গেলে আবার এ গিন্নীর যদি গোঁসা হয়?”

“শোন কথা! কে টের পাচ্ছে? তোমার আমার মতন চুনোপুটির খবর রাখতে ওনারের দায় পড়েছে! কাজের বাড়িতে নানান গোলামাল, দশটা নতুন রাঁধুনী চাকরানী খাটছে, ফাঁকি দেবার এই তো সুযোগ।”

“না ভাবছি—গিয়েই বা কি হবে! শুনছি নাকি দেমাকী, রাঁধুনী পান-সাজুনির সঙ্গে যদি কথা না কয়।”

“ওমা না না, তা তুমি ভেবো না বামুনদি—“পঞ্চর মা অভয় দেয়, তাকে

যদি কেউ বাঁটাতে না যায় সেও কিছু বলবে না। বাড়িতে অতিথি এলে বরং আদর-আভ্যাসই করবে, রাঁধুনী চাকরানী বিচার করবে না। এই তো সেদিন তাঁতিনী মাগী গেছিল, তাকে কত স্বস্তি করে বসাল, তেঁটার জল দিল, পান দিল। কাপড় অবিশ্রান্ত নিল না, বলল দরকার নেই, তবে দু-ছাই তো করল না।”

অনেক অগ্রপঞ্চাতের পর শেষ অবধি অগ্রেরই জয় হয়।

পেঁজা তুরতুরে সিঁকের চান্দরখানা গায়ে জড়িয়ে সন্ধ্যার দিকে খিড়কির দরজা খুলে গুগুর মার সঙ্গে রাস্তায় নামল পান সাজুনি বামুন মেয়ে।

বামুনের মেয়ে একদা কাজের দরবার নিয়ে এসেছিল দস্তবাড়িতে। নেহাৎ ঝি-চাকরানীর কাজ তো দেওয়া যায় না তাকে, তাই এই কাজের ভার। অবশ্য ‘পান সাজা’ কথাটা শুনতে যত হালকা, এ বাড়িতে সে ব্যাপারটা তত হালকা নয়। দৈনিক অন্ততঃ হাজার তিনেক পান তাকে সাজতে হয়। তদুপযুক্ত সুপুঁরিও কেটে নিতে হয়। তা ছাড়া সব পান ঠিক এক ধরনের সাজলেও চলে না, তার আবার শ্রেণীবিভাগ আছে। কারুর কারুর মিঠেপানের খিলি বরাদ্দ, কারুর কারুর জায়ফল দারচিনি জৈত্রি কাণাবচিনি এলাচ কর্পূর সম্বলিত রাজকীয় পান, কারো বা দোস্তা খাওয়া মুখের রুচি অলুয়ায়ী শুধু খয়ের সুপুঁরি। আবার সুপুঁরিরও মিহি মোটা নানান প্রস্থ। এই সব পানের নৈবেদ্য সাজিয়ে যার যার ঘরের বাটার রেখে আসতে হয় গোলাপজলে ভিজানো গ্লাকড়া চাপা দিয়ে।

এছাড়া সরকার গোমস্তা লোকজন, অতিথি ফকির, ‘আস্থতি যাউস্তি’, আশ্রিত অভাগাদের জন্তে মোটা বাংলা পানের ব্যবস্থা আছে। সমস্ত ওই বামুন মেয়ের ঘাড়ে। শুধু পান নিয়েই সারাটা দিন তার প্রাণ যায় যায়। তার ওপর আবার বাড়িতে যজ্ঞি হলে তো কথাই নেই। সেও তো আছে যখন তখন। বিয়ে, সাধ, মুখেভাত, এসব বাদেও বাড়ির হরেক মেয়েমানুষের হরেক রকম ‘বস্ত সারা’ও তো সারা বছর। লোকজন খাওয়া লেগেই আছে। দস্তগিরীর ছোটজা অনন্ত-চতুর্দশীর বস্ত সারল, তিন-চারশ লোক খেল। পতিপুত্রহারা বিধবা, তবু কমতি কিছু হল না। বড়গিন্নী উদারমনা, বললেন, “তা হোক! ওর কেউ না থাক, আমি যখন আছি আমিই ওর সব করাব। ইহকালটা তো বুখাই গেল, পরকালটা বজায় থাক।”

ছোটগিন্নী অবশ্য বেইমান।

আড়ালে আড়ালে বলে বেড়ায়, “আমার বুঝি ভাগ নেই দত্তদের বিষয়-লম্পত্তিতে? বানের জলে ভেসে এসেছি বুঝি আমি? কাঠা হাতে করে ঢুকি নি আমি এদের উঠোনে? গাঁটছড়া বেঁধে সঙ্গে করে নিয়ে আসে নি এদেরই একজন?” তাকে উল্লুনিও দেয় কেউ কেউ।

কিন্তু সে নেহাতই আড়ালে। বড়গিন্নীর সামনে সবাই ঠাণ্ডা।

কি সে যাক।

পথ চলতে চলতে বামুন মেয়ের সঙ্গে নিয়োক্ত কথাবার্তা হয় পঞ্চুর মার, “যতই হোক তুমি হলে স্বজাতি, তোমায় সম্বোধ্য দেখাবে।”

স্বজাতি অবশ্য সত্যবতীর। কারণ সেও বামুন।

বামুন মেয়ে কিন্তু এ আশ্বাসে উল্লসিত হয় না। উদাসভাবে বলে, “সোনার বেনের অন্ন খাওয়া বামুন আবার বামুন! তুইও যেমন পঞ্চুর মা! তোর ‘বামুনদি বামুনদি’ করিস তাই, নিজেকে বামুনের মেয়ে বলে পরিচয় দিতে আমার ইচ্ছে করে না। নেহাত নাকি কাজ করতে এসে শুকুর বললে, পাছে পা টিপতে, ছাড়া কাপড় কাচতে, এঁটো বাসন মাজতে বলে, তাই ওই পরিচয় দেওয়া।”

“তা কেন বামুনদি, তোমার আচার-আচরণ তো সদ্বাস্থ্যের মতনই। নইলে রাঁধুনী কুটনোকুটনী তাঁড়ারদিউনি আরও যে সব বামনী ধনী আছেন, তাঁদের আচার কেতা তো আর পঞ্চুর মার অবিদিত নেই? ঘেঁচার মা তো সেদিন লুকিয়ে গরম মাছভাজা খেতে গিয়ে জিভে কাঁটা ফুটিয়ে হাতেনাতে ধরা পড়ল, তাই কি মাগীর হায়া আছে? আমল কথা কি জান বামুনদি, স্বভাব-চরিত্রটি যতক্ষণ ভাল আছে, তাতোক্ষণ কক্ষনো সে আচারবিচরণ ছাড়বে না। আচার অনাচার ত্যাগ করলেই বুঝবে মতিগতি বিগড়েছে। ধর্ম-কর্ম আচার-আচরণ হচ্ছে নদীর বাঁধ, বাঁধ যদি একবার ভাঙে—”

বাসনমাজা বি পঞ্চুর মার এই জীবনদর্শনের ব্যাখ্যার শেষাংশটা আপাততঃ ম্লভুবাঁ থাকে। সত্যবতীর দরজায় এসে পড়েছে দুজনেই। পঞ্চুর মা শানানো গলার ডাক পাড়ে, “কই গো বৌদিদি, কোথায়? একবার বেরিয়ে এস গো। নতুন মাছষ এয়েছে তোমায় দস্তান করতে।”

চৌজিন

অনেকদিন নিতাইয়ের সঙ্গে দেখা-সাক্ষাৎ নেই, ছাতাটা হাতে নিয়ে রোদের মধ্যে বেরিয়ে পড়ে নবকুমার। আজ ছুটির দিনে বাসার আছে নিশ্চয়। নিতাই চলে যাবার পর প্রথম প্রথম নিতাইয়ের সামনে মুখ তুলে দাঁড়াতে লজ্জা করত, নিজেকে ভারী অপরাধী মনে হত, কিন্তু সময়ে সবই সয়। সে লজ্জা একটু একটু করে কমেছে। সত্যবতীই বার বার ঠেলে ঠেলে পাঠিয়েছে নেমন্তন্ন করতে। আর অবাক কাণ্ড, দিব্যি সহজভাবে নিতাইয়ের সঙ্গে কথা করেছে সত্য, নিতাই বা বা ভালবাসে, মনে মনে করে রেখেছে, অহুরোধ উপরোধ করে খাইয়েছে।

এই সব অসমসাহসিক কাণ্ডগুলো কী করেই যে করে সত্য! থাক, আজ নবকুমার নিজেই যাচ্ছে। আজ বাড়িতে তেমন মন বসল না। সেই যে পরশু সন্ধ্যাবেলা পঙ্কুর মা কোথা থেকে একটা বিধবা মেয়েছেলে নিয়ে এসে বকবক করল, তার পর থেকেই সত্য যেন কেমন হয়ে গেছে। কথা নেই বার্তা নেই, ছেলেদের সঙ্গে হাসিখুশি নেই, যেন কোন্ জগতে বাস করছে।

কথাটা সত্যি—পরশু থেকে সত্য এক ধাঁধার জগতে বাস করছে।

কাকে নিয়ে এল পঙ্কুর মা? শুধু দৃষ্টিভাঙ্গির পানসাজুনি? তাহলে কি জন্মেই বা এল সে?

সত্যকে দর্শন করার বাসনা এমন প্রবল হবার হেতু কি তার? তা—তাই যদি হয়, মন খুলে কথাই বা কইল কই? কেমন চেপে চেপে রেখে রেখে কথা, থেমে থেমে নিশ্বাস, ভেতরে যেন কত কি!

ওকে কি সত্য আগে কোথাও দেখেছে? সত্যর খুব একটা চেনা মানুষের মতন কি দেখতে ও? কিন্তু সে মানুষটার তো এমন পোড়ামূর্তি ছিল না! ওর নিয়তি কি শেষ অবধি আগুন হয়ে ওকে ঝলসা-পোড়া করে ছেড়েছে?

দৃষ্টির মধ্যেই যেন উদ্ভাল ঢেউ, কিন্তু কেউই নিজেকে থেকে এগিয়ে এসে থপ্ করে হাত ধরে বলে উঠল না, “তুমি সেই না?”

পঙ্কুর মা খন খন করে বলে উঠেছিল, “কই গো বামুনদি, এত আগ্রহ করে এলে, অথচ বাক্য-ওক্যি নেই কেন?”

সেই বামুনদি আঙুলে বলেছিল, “কথা কইতে তো আসি নি, দেখতে এসেছি।”

গলার শব্দটা কি সত্যের শোনা নয় ?

যেন অনেক সাগরের ওপারে অনেক যুগের আগে সত্য এই স্বর শুনেছে ।
তবু বলতে পারা যায় নি, “আমার চোখকে তুমি কাকি দিতে পারবে না গো,
আমি বড় ধুরন্ধর মেয়ে ।”

বাধা অনেক ।

“হয় কি নয়, নয় কি হয়”—এর আলো-আঁধারির বাধা, সমাজ-সামাজিকের
বাধা, অবস্থার তারতম্যের বাধা, সর্বোপরি পঙ্কুর মার উপস্থিতির বাধা ।
সেটাই হয়েছিল বোধ করি সব থেকে বড় বাধা । হঠাৎ একলা দুজনে
মুখোমুখি দাঁড়ালে হয়তো অল্প বাধাগুলো মুহূর্তে খসে পড়ত, হয়তো
দ্বিধামাত্র না করে ঝপ করে বলে ফেলা যেত, “শেষ অবধি তা হলে এই ছাল
হয়েছে ? বেশ ভাল ! স্বখটা করলে ভাল !” আগে হলেও বলতো, অনেক
যুগ আগে ছেলেমানুষ ছিল সত্য, এখন তো নেই ।

তাই সে সব হল না । খানিক পরে পঙ্কুর মা হাই তুলে বলল, “চল তা
হলে বামুনদি, তোমাকে দুয়োঁর অবধি এগিয়ে দিয়ে আমি ঘরে যাই । সারাটা
দিন রপটানি গেছে, চোখে ভেঙে ঘুম আসছে ।”

“চল ।” বলে উঠে পড়েছিল সে । বলে নি, “আর একটু থাকি না !”

সত্য বলে নি, “আর একটু বসো না !”

সেই অবধি বিমনা হয়ে রয়েছে সত্য ।

নবকুমার বলেছিল, “পঙ্কুর মার সঙ্গে ওই মাগীটা কে এসেছিল ?
কোন—”

কথা শেষ করতে পারে নি, তীব্র স্বর থামিয়ে দিয়েছিল তাকে ।
“ছেলেপেলের সামনে অভাব্যর মতল কথা কও কেন ?” বলেছিল সত্য । আর
তদবধিই যেন সত্য চিন্তামগ্ন ।

ছুটির সকালটা দু-দুও রান্নাঘরের দোরে বসে গল্প করতে কত ভাল লাগে ।
মনমেজাজ ভাল থাকলে সত্য অপূর্ব ! সত্যি বলতে—মনমেজাজ ভাল না
থাকলেও, কী যে এক আকর্ষণ ! নবকুমারকে যেন হৃদি দিয়ে বেঁধে রাখে ।
বেহাত অকিসের সময়টুকু ছাড়া বাড়ি থেকে বেরোতেই ইচ্ছে করে না ।
তুড়ু খোকার পড়াটড়াগুলোও একটু দেখতে হয়, কারণ ঝাট্টার মশাই
আজকাল আর নিয়মিত আসেন না । কিন্তু ওই ছাই কর্তব্য কর্ম-টর্ম ভেমন
ভাল লাগে না, এক বা বাজার করাটা একটু ভাল লাগে । বাদে ইচ্ছে

হয় দুজনে মুখোমুখি বসে থাকি। তা হবার জো নেই। সত্যি, সংসার করাটা এত ভারী করে তোলার দরকারটাই বা কি? হাসলাম গল্প করলাম, খেললাম ঘুমোলাম, চুকে গেল, তা নয়—রাত দিন “দশের একজন” হবার সাধনা কর, ছেলেদের “মামুষের মতন মামুষ” করে তোলাবার চেষ্টা কর, মান-মর্যাদা রইল কি গেল তাই ভেবে মাথা ধরাপ কর, কেন যে বাবা? গাঁ-ভুঁই ছেড়ে বাসায় এসে তা হলে লাভটা কি হল? আমোদ-আহ্লাদে থাকা বাবে বলেই না আসা?

এই যে সেদিন শুনল আপিসের বন্ধু রামরতনবাবু তার পরিবারকে নিয়ে নাকি থিয়েটার দেখতে গেছিল। “নিমাই সন্ন্যাস” পালা। রামরতনের পরিবার নাকি দেখতে দেখতে কৈদে বুক ভাসিয়েছে, বাড়ি এসে তিনদিন ধরে কৈদে মরেছে। নবকুমার সত্যকে ধরে পড়েছিল দেখতে যাবার জন্তে, গেল না!

বলল কিনা, “এখন মাসের শেষ—হাতের টানাটানি। থিয়েটার যেতে তো পয়সা লাগবে! তা ছাড়া তুড়ু-খোকাকে নিয়ে সমিস্তে। ওদের দেখবে কে রাত অবধি?”

ওদেরও নিয়ে যাবার কথা তো উড়িয়েই দিল। ছেলেদের ঘোড়দৌড়ের খেলা দেখাতে নিয়ে যেতে চেয়েছিল নবকুমার, তাও বারণ!

কেন যে সত্য এ রকম!

এক যুগ ধরে মনকে এই প্রশ্নই করে চলেছে নবকুমার।

আজ কপালটাই অভাগিয়।

নিতাইয়ের সঙ্গে দেখা হল না। কোথায় গেছে! তার ঘেসের এক ভদ্রলোক বললেন, “জানি না মশাই, মামুষের সঙ্গে তো মিশতেই চান না নিতাইবাবু! ভাবগতিকও তেমন ভাল ঠেকে না আমাদের। চোখে না দেখলে কাকুর নামে অপবাদ দিতে নেই, গুঁর পাশের সীটের হাঙ্গামাবাবু যা বলেছেন তাই বলছি—স্বভাবচরিত্র ভাল নেই নিতাইবাবুর।”

“অ্যা! কী বললেন!”

প্রায় মাটিতেই বসে পড়ে নবকুমার।

এ কী সর্বনেশে সংবাদ!

ভদ্রলোক বললেন, “আপনার বিশেষ বন্ধু বুঝি? তবে তো আপনাকে কথাটা বলা আমার ভুল হয়েছে। তবে একরকম ভালও। দেখুন আপনি

যদি বুঝিয়ে-সুঝিয়ে স্থপথে আনতে পারেন। অবিশ্রি ও-পথ থেকে ফেরানো বড় শক্ত কথা।”

মনের মধ্যে একটা দারুণ যন্ত্রণা নিয়ে ভবতোষ মাস্টারের কাছে যায় নবকুমার। বোধ করি এই প্রথম সে সত্যর নির্দেশ ব্যতীতই একটা কাজ করে ফেলে।

মাস্টার এইখানা বই সামনে রেখে উপড় হয়ে পড়ে তা থেকে খাতায় কি সব লিখে নিচ্ছিলেন, নবকুমার কাছের গোড়ায় বসে পড়ে বিনা ভূমিকায় বলে ফেলে, “ভয়ানক একটা বিপদে পড়ে আপনার কাছে এসেছি মাস্টার মশাই।”

মাস্টার চমকে ওঠেন।

কী হল?

কারুর অসুখবিসুখ নয় তো?

সত্যবতী ফেন গালতে পুড়ে যায় নি তো? উঠোনে আছাড় খেয়ে পড়ে যায় নি তো? চকিত হয়ে বলেন, “বসো বসো, আগে একটু স্থির হও। ব্যাপারটা কি?”

“ব্যাপারটা গুরুতর। নিতাইয়ের চরিত্রদোষ ঘটেছে।”

“কী ঘটেছে নিতাইয়ের?”

ঝোঁকের মাথায় কথাটা বলে ফেলেই লজ্জা পায় নবকুমার। এবার মাথাটা চুলকে নীচু গলায় বলে, “আজ্ঞে, আজ গিয়েছিলাম নিতাইয়ের মেসে, তা দেখা হল না। একজন বলল, নিতাই কোথায় যান কোথায় না যান ঠিক নেই, আর—আর তার স্বভাবদোষ ঘটেছে।”

ভবতোষ মিনিটখানেক চুপ করে থেকে বলেন, “লোকটা নিতাইয়ের শত্রুটক নয় তো?”

“আজ্ঞে না না। সেরকম কিছু না।”

“তবে তো সত্যিই বিপদ।” ভবতোষ নিজের মনে বিড়বিড় করে বলেন, “এই রকম একটা ভয়ই আমার ছিল।”

নবকুমার বলে, “আজ্ঞে কী বলছেন?”

“নাঃ। তোমায় কিছু বলি নি।”

“আপনি একবার তার সঙ্গে দেখা করে বোঝান মাস্টার মশাই।”

“বোঝাব ?”

ভবতোষ হাসে ।

“এসব ক্ষেত্রে মাস্টারের বুঝ্ কোনো কাজে লাগে না নবকুমার ।”

“কিন্তু একটা জো কিছু করতে হবে মাস্টার যশাই ।”

চিরনিশ্বেজ নবকুমারের এই ব্যাকুলতা মনকে স্পর্শ করে ভবতোষের ।

তিনি স্নেহাৰ্জ গলায় বলেন, “আচ্ছা আমি চেষ্টা করব । তবে কি জান—”

“আজ্ঞে, কি বলছেন ?”

“বলছি—মান্নে বলছিলাম কি আমার বলার চাইতে অনেক বেশী কাজ হবে যদি বোমা একবার—”

বোমা !

নবকুমার বিমূঢ় নির্বোধ গলায় বলে, “কার কথা বলছেন ? ইয়ে তুড়ুর মা ?”

“হ্যাঁ তাই বলছি । উনি যদি একবার নিতাইকে দিব্যি-দিলেশা দিয়ে বলতে পারেন, হয়তো কাজ হতে পারে ।”

নবকুমার তেমনি গলাতেই বলে, ‘আপনি বললে কাজ হবে না, হবে গুর কথায় ?’

ভবতোষের মুখে রহস্যের জালে আবৃত সূক্ষ্ম একটু হাসির রেখা ফুটে ওঠে । ধীরে বলেন, “হলে গুর কথাতেই হবে । নচেৎ—”

“তবে তাই বলতে বলব ।” বলে বিমূঢ় নবকুমার উঠে দাঁড়ায় । তবে মাস্টারের প্রস্তাবটা তার হৃদয়ঙ্গম হয় না । আর সত্যি বলতে কি ভালও খুব লাগে না । ভাল লাগে না নিতাইয়ের সামনে সত্যকে উপস্থাপিত করার কথাটা । যতই বন্ধু হোক নিতাই, তার যখন স্বভাব খারাপ হয়েছে, তখন বিশ্বাস কি ? কে জানে মদ-টদও ধরেছে কিনা । মাতাল চরিত্রহীন, এদের কাছ থেকে ‘মেয়েছেলেনের’ শতহস্ত দূরে থাকা উচিত ।

নবকুমারের বাপ নীলাশ্বর বাঁড়ুঘ্যে নামক ব্যক্তিটিও যে ওইসব অপরাধে অপরাধী, এবং চিরদিন তিনি সমাজের মাথার ওপর বাস না ‘আসছেন, সেটা অবশ্য মনে পড়ে না নবকুমারের ।

নিতাইয়ের এই অধঃপতনের খবরটা এবং ভবতোষ মাস্টারের ওই অনামষ্টি প্রস্তাবটা কিভাবে সত্যর কাছে ফেলবে, আর সত্য সেটা কিভাবে নেবে ভাবতে ভাবতে বাড়ি ফেরে ।

বেলাও হয়ে গেছে ঢের। সত্য হাঁড়ি নিয়ে বসে আছে। ক্ষত এসে ব্রহ্মজাটার খাতা দিতে যায় নবকুমার, কিন্তু খাতার আগেই, হাত ঠেকাতেই খুলে যায় কপাট দুটো। তার মানে আগল দেওয়া ছিল না।

কী কাণ্ড! ভরহুপুরে দোরটা খুলে রেখেছে! বলবে বলে ব্যস্ত হয়ে ঢুকেই দু পা পিছিয়ে আসে।

দাঁওয়ার খুঁটির কাছে সত্য একজনের হাত ধরে দাঁড়িয়ে!

পঁয়ত্রিশ

না, হাত ধরার অপরাধে জাত যাবে না, পুরুষ নয় মেয়েমানুষ। বিহ্বল-দৃষ্টি এক বিধবা। শীর্ণ দেহ, পোড়া রং। নবকুমারও বিহ্বল দৃষ্টিতে তাকিয়ে থেকে শুনতে পায়, সত্য তার নিজস্ব সবল ভঙ্গীতে বলছে, “হাতে যখন পেয়েছি, আর ছাড়ি? মেয়ে নিয়ে চলে এস তুমি আমার কাছে। আমার যদি দু-বেলা দুমুঠো জোটে, তোমারও একবেলা এক মুঠো জুটবে। আমার ছেলে দুটো যদি খেতে পরতে পায়, তোমার মেয়েটাও পাবে।”

শুনে গায়ের রক্ত হিম হয়ে যায় নবকুমারের। এসব আবার কি কথা? কে এ? কোথায় এর মেয়ে? সত্যর সঙ্গে কী সম্পর্ক এর? আবার হঠাৎ সেই হিম হয়ে যাওয়া রক্ত উত্তপ্ত হয়ে উঠল। পুরুষের রক্ত!

নবকুমারের সঙ্গে একবার পরামর্শ পর্যন্ত না করে দু-দুটো মাহুকে খেতে পরতে দেবার ভরসা দিয়ে বাড়িতে জায়গা দিতে চাইছে সত্য। এতই বা সাহস কেন মেয়েমানুষের? নবকুমার কিছু বলে না বলে বড্ড বাড় বেড়ে গেছে।

নবকুমারের চিরদিনের প্রাণের বন্ধু নিতাই, বিনি অপরাধে তাকে বাড়ি থেকে সরিয়ে দেওয়া হল! যার জন্তে মনের দুখে, যেমায়, অভিমানে স্বভাবটাই খারাপকি করে ফেলল ছেলেটা। নবকুমারের সঙ্গে এক বাড়িতে থাকলে, কখনই এসব ঘটত না। মেসে কত রকম কুসঙ্গ!

নবকুমারের চোখে জল এসে গেল। তার পর ভাবল, এখন কি না কে কোথাকার একটা মাগী, নবকুমার যাকে সাহুজম্বেও চোখে দেখে নি, তাকে বাড়িতে প্রতিষ্ঠা করবার যড়যন্ত্র আঁটা হচ্ছে।

চালাকি !

চলবে না, এসব চলবে না। নবকুমার সাফ জবাব দিয়ে দেবে—
নবকুমারের বাড়িতে এসব চালাকি চলবে না।

নির্ধাত সত্যের বাপের বাড়ির দেশের লোক। তাই এত ভালবাসা !
সত্যি বলতে একটা ঈর্ষাও অহুভব করে নবকুমার। নবকুমারের সম্পূর্ণ
অপরিচিত জগতের কাউকে যে সত্য মনে জায়গা দেবে, এ অসহ্য !. হোক না
সে মেয়েমানুষ, তবুও।

মনের কথা যে মন ছাড়া আর কেউ জানতে পারে না, এই বাঁচোয়াতেই
পৃথিবী টিকে আছে। নইলে পৃথিবী তার সমাজ সভ্যতা শিক্ষা সংস্কৃতি সব
কিছুর বড়াই নিয়ে কোন্‌কালে রসাতলের অতল তলায় তলিয়ে যেত।

মনের কথা অন্তে টের পায় না।

নিতান্ত মনের মানুষটিও না।

এই আনন্দেরই যথেষ্ট নেচে বেড়াচ্ছে মানুষ, যত পারে বড় বড় কথা
বলছে। আর স্নেহ প্রেম ভালবাসার মহিমা দেখাচ্ছে। তা এ রহস্তটা
মানুষ নিজেও খেয়াল করে না, এই যা মজা !

নবকুমারও খেয়াল করে না, বিধাতার কাছে এ কত বড় পাওনা পেয়ে
বসে আছে সে। মনে মনে তাই শুধু সত্যকেই বাক্যবাণে বিদ্ধ করে না,
বিধাতাপুরুষকেও করে। করে, বিধাতা নবকুমারকে পুরুষ আর সত্যকে
মেয়ে করেছেন বলে। সহ্য হচ্ছে না। এই হাত ধরা দৃষ্ট আর সহ্য
হচ্ছে না।

গলা ঝাড়ার শব্দ করল নবকুমার।

এতক্ষণ সত্য নিজের ঝাঁকে ছিল, খেয়াল করে নি, আর আর একজন
তো দরজার দিকে পিঠ করে দাঁড়িয়ে। গলার শব্দে উভয়েই সচকিত হল।
বিধবাটি একটু সরে গেল।

আর সত্য ধরা হাতটা ছেড়ে দিয়ে, হাত তুলে মাথার কাপড়টা টানল।

বুদ্ধিমত্তী সত্য অবশ্য তক্ষুনি হৈ-হৈ করে আবির্ভূত। মহিলার পরিচয়
দিতে এল না স্বামীর কাছে। তা ছাড়া লজ্জা-শরম বলেও কথা আছে।
পুরুষের সামনে বরের সঙ্গে কথা বলা চলে না। তাই মাথার কাপড়টা
টেনে গলা নামিয়ে আঁতে বলল, “চল বৌ, ও-ঘরে গিয়ে বসবে চল।”

নবকুমার ভেবেছিল বা বলবে গলা চড়িয়ে বলবে, যাতে ওই মেয়ে-
মাহুঘটার কানে পৌঁছয়। যাতে সে বুঝতে পারে বাড়ির প্রকৃত কৰ্তা কে।
আর এও বুঝতে পারে বুঝা আশায় প্রলুব্ধ হয়ে কোনও লাভ নেই তার।
সত্য ছেলেমানুষ, না বুঝেছে কি না বলেছে, সেটা ধোঁপে টিকল না। এই
সবই আশা করেছিল নবকুমার।

কিন্তু গলা চড়ল না।

তুখু চড়ল না নয়, প্রায় বাক্‌ফুটিই হল না। একটা গম্‌গমে রাগ-রাগ
ভাব নিয়ে চান করে এসে খেতে বসল।

ভাতের খালা ধরে দিয়ে সত্য প্রশ্ন করে, “এত বেলা অবধি গিয়েছিলে
কোথায়?”

নবকুমার পাতের ওপর হুস্ করে সমস্ত ডালটা একসঙ্গে ঢেলে ফেলে ভাত
মাথতে মাথতে গম্ভীর গলায় বলল, “যেখানেই যাই না, তোমার কাছে তার
কৈফিয়ৎ দিতে হবে নাকি?”

“শোন কথা! কী কথার কী উত্তর! কৈফিয়ৎ দিতে হবে, এ কথা কে
বলেছে? নাইতে খেতে বেলা গড়িয়ে গেল, তাই শুধোছি।”

“না, শুধোতে হবে না।” তেমনি গলাতে চালিয়ে যায় নবকুমার,
“শুধোবার কোনও এক্তিয়ার নেই তোমার। কি জন্তে শুধোবে? তুমি
আমায় মেনে চল? তাই আমি তোমায় মেনে চলব?”

সত্য অবাক হয়ে বলে, “রোদের তাতে হঠাৎ মাথাটা গরম হয়ে গেল না
কি? কী বকছ আবোল-তাবোল?”

“আবোল-তাবোল! আবোল-তাবোল বকছি আমি? আর নিজে যখন
বলা নেই কওয়া নেই—”

গলা চড়াবার ব্যর্থ চেষ্টায় “বিষম” খায় নবকুমার।

অগত্যাই তখন সত্যর চিকিৎসাধীন হতে হয়, সত্যর বীরগুরু স্বামীকে।
জল-বাতাস মাথায় ফু! ধাতস্থ হতে সময় লাগে।

আর ধাতস্থ হওয়া মাত্রই সত্য নিয়ন্ত্রণে বলে, “সংসারে আর দুজন মানুষ
বাড়ল, একটু জানিয়ে রাখছি তোমায়। নইলে যেমন মতিবুদ্ধি তোমার,
হঠাৎ হৈ-চৈ লাগাবে—কে এরা? কোথা থেকে এল? কেন এল?”

নবকুমার বলতে পারত, “তা সে কথা তো জিজ্ঞেস করবই আমি।

সত্যিই তো—কে এরা ? কোথা থেকে এল ? কেন এল ? আর আমিই বা খামোকা দুটো মানুষকে সংসারে জায়গা দিতে যাব কিসের জন্তে ?”

বলতে পারল না।

সেই বিষম খাওয়া ধরা গলায় যা বলল, সেটা হচ্ছে এই, “তা আমাকে জানাবার কি আছে ? তুমি যা ভাল বুঝবে—”

কায় গলা ?

নবকুমারের ?

নবকুমার এ কথা বলল কেন ?

এতক্ষণ ধরে এই কথাটা বলবার জন্তেই কি “মহলা” দিচ্ছিল নবকুমার মনে মনে ?

সেই সেদিন পঞ্চর মার সঙ্গে একবারের জন্তে দেখা করে গিয়ে পৰ্ব্বত দস্তবাড়ির “পানসাজুনির” প্রাণটা যে কেন দেয়ালে মাথা কুটতে চাইছিল, তা ভগবানই জানেন। আর তার সাক্ষীও শুধু তিনিই।

তাই আবার যখন এদিন সে দিনহুপুরে পঞ্চর মাকে ধরে বসল, “চুপি চুপি আর একবার আমায় নিয়ে যাবি ?” তখন পঞ্চর মা হাঁ হয়ে গেল।

বলল, “হ্যাঁ গা, সেদিন তো কথাই কইলে না। আবার আজ যাবে বলছ মানে ?”

“কি জানি পঞ্চর মা, মনটা কেমন টানছে। আমার একটা ছোট বোন ছিল, অনেকটা তেমনি দেখতে—”

পঞ্চর মা বোধ করি একটা তবু মানে পেয়ে আশ্বস্ত হয়। তবে এ প্রশ্ন তোলে—দিনহুপুরে চুপি-চুপিটা সম্ভব কি করে ?

সে বুদ্ধি পানসাজুনিই দিয়েছে। কালীতলায় যাবার নাম করে বেরিয়ে পড়া। ঠনঠনের মা কালী জাগ্রত কালী, তাঁর কাছে সময় অসময় যায়ও সবাই !...দূরও বেশী নয়, এই তো একটু গেলেই।

দেবীদর্শনেই এসেছিল পানসাজুনি বামুনদিদি। আর সে দর্শন তার মিলেছিল।

তারপর তো সেই নবকুমারের প্রবেশ !

শঙ্করী বলে, “ঠাকুরঝি বলে ডাকবার মুখ নেই ভাই, তবু বলতে বড়

সাধ যাচ্ছে তাই বলছি, মিথ্যে ছেলেমানুষি করো না। তাই সত্য-ঠাকুরঝি, তুমি যা বলছ তা হবার নয়।”

“হবার নয়?”

সত্য জোরালো গলায় বলে, “কিন্তু কেন হবার নয়, সেই কথাটাই আমার বোঝাও কাটোয়ার বো! ভুল-ভ্রান্তি মাছুষেই করে, তা বলে কস্মিন্‌কালে আর সে ভুল শোধরাতে পাবে না সে?”

“শোধরাব বললেই হল? সমাজ সে আবদার শুনবে?” শঙ্করী নিখাস ফেলে বলে, “মেয়েমানুষ যে মাটির পাত্রের ঠাকুরঝি, ও তো ছুঁৎ গেলেই গেল।”

“মেয়েমানুষ যে মাটির পাত্রের, এ কথা বুঝি বিধাতাপুরুষ তার গায়ে দেগে দিয়ে ধরাডুমিতে পাঠিয়েছিল?” সত্য তীক্ষ্ণ স্বরে বলে, “আর বেটাছেলেকে সোনার বাসন বলে ছাপ মেরে পাঠিয়েছিল? তাই তাদের বেলা যা করুক তাই বাহবা? হ্যাঁ, অন্তাই তুমি করেছিলে সত্যি, খুবই করেছিলে। তুমি বয়সে বড়, গুরুজন সম্পর্ক, বলাটা আমার শোভা পায় না, তবু না বলেও পারছি না, যা করেছিলে তা মহাপাতক। তখন জ্ঞান-বুদ্ধি ছিল না, পুরো বুঝতে পারি নি কিসের জন্তে কি। কিন্তু পরে তো বুঝেছি! বুঝে মিথ্যে বলব না, মনে মনে তোমায় নোড়া দিয়ে ছেঁচেছি আমি। শুধু মহাপাতক বলেই নয়, বাবার মতন মান্তিমান মানুষের উচু মাথাটা যে তুমি হেঁট করে দিয়েছিলে, সেই ঘেরার জালায় তোমায় শতেক ধিক দিয়েছি। তবে এও তো সত্যি, অতি পাতকেরও প্রাচিস্তির আছে। যেমন মহাপাতক করেছ তুমি, তার মহা প্রাচিস্তিরই করেছ। তুহানলে জলে জলে থাক হয়েছ।”

“সত্য ঠাকুরঝি!”

শঙ্করী আবেগ-কম্পিত স্বরে বলে, “মান্তে ছোট্টর কথা বলি না, তবে তুমি আমার চেয়ে বয়সে আদেক, তাই পায়ের ধুলো নিলাম না তোমার। কিন্তু জিজ্ঞেস করি, রাতদিন যে আমি তুহানলে জলছি, এ তুমি কেমন করে টের পেলে?”

“শোন কথা! এর আবার টের পাবার কি আছে? প্রত্যেক দেখতে পাচ্ছি না? দিষ্টহীন তো নই? তুহানলে যে জলছ, সে লাক্কী দিচ্ছে তোমায় ওই পোড়াকাঠ দেহ। কী সোনার বর্ণ রং ছিল, কী মোমেগড়া দেহ ছিল তোমায়, সেটা তো আর তুলি নি। তা বাক, রূপ গেছে বালাই গেছে,

থাকলে আর কী ধুয়ে জল খেতে ? ওই রূপই ‘কাল হয়ে দংশন করেছে তোমায়। গেছে যাক, কিন্তু শরীর স্বাস্থ্যটা তো দেখতে হবে ? গলায় দড়ি দিয়ে বুলে এহকালের বালাইটা ঘোচাও নি যখন ?”

শঙ্করী কাতর কণ্ঠে বলে, “সে ইচ্ছে কি আর হয় নি ঠাকুরঝি ? রাতদিন সে ইচ্ছে হয়েছে, কিন্তু পারি নি। ওই পেটের জঞ্জালটাই পায়ের বেড়ি হয়েছে। আমিই মহাপাতকী, ওর আর অপরাধ কি ! ত্রিজগতে কেউ নেই ওর, মরে ওকে কোথায় ভাসিয়ে দিয়ে যাব ?”

সত্য ঝঙ্কার দিয়ে বলে, “যাক সে স্মৃতিটুকু যে হয়েছিল, তাও মজল ! একে তো এই পাতকের বোঝা, তার ওপর আবার আশুঘাতী মরণের পাপ ! নরকেও ঠাই হত না। যাক গে মরুক গে। গতশ্রু শোচনা নাশি। এখন সোজা কথা হচ্ছে—এতাবৎ যা করেছ করেছ, এখন আমার চোখে যখন ধরা পড়েছে, আর তোমার শুদ্ধুর দাস্তবিত্তি করা চলবে না।”

শঙ্করী বিষগ্ন হাসি হেসে বলে, “বয়েস হয়েছে, ছেলেপুলের মা হয়েছে, তবু স্বভাবটি তোমার দেখছি ঠিক তেমনি ডাকাবুকো আছে সত্য-ঠাকুরঝি ! কিন্তু জগৎকে চিনতেও বাকী আছে। আমার ঘরে ঠাই দিলে, তোমাকে কি আর কেউ ঘরে ঠাই দেবে ?”

হঠাৎ সত্যর মুখটা উজ্জল হয়ে ওঠে। একটু মুখ টিপে হাসে সে। তার পর বলে, “কে ঘরে ঠাই দেবে না ? তোমার ননদাই ?”

“বালাই বাট ! তা বলছি না। তিনি তোমায় চিরকাল রাজরাণী মাখার মণি করে রাখুন। এই সমাজের কথা বলছি। জানাজানি হয়ে গেলে—”

“জানাজানি হয়ে বাবার আবার কি আছে কাটোয়ার বৌ। আমি কি লুকোছাপি করব ? আমি তো ঠিক করছি আজই বাবাকে পত্তর দেব, বাবা এই কাজ করেছে আমি, এখন আমার মারতে হয় মার, কাটতে হয় কাট, আর রাখতে হয় রাখ।”

“বাবা” শব্দটা শুনেই শঙ্করী সহসা দু হাত জোড় করে কপালে ঠেকায়।

সেই “বাবা” নামক মাল্লবটার উদ্দেশ্যে কি ? না ভগবানের উদ্দেশ্যে ?

বোধ করি ভগবানের উদ্দেশ্যে।

সাহস করে সেই বাড়ি, সেই মাল্লবগুলো, সর্বোপরি সেই দৃষ্টমূর্তি দেবোপম ব্যক্তিটি সম্পর্কে কোনও প্রশ্নই করতে সাহস হচ্ছিল না শঙ্করীর। ভয়, লজ্জা,

অপরোধের সন্ধ্যা, এসব তো আছেই, তার ওপর এক আশঙ্কার আতঙ্ক। যদি প্রসন্ন করতে গিয়ে শোনে মাছুষটা নেই? সে বড় ভয়ঙ্কর।

কিন্তু সত্য বলছে “বাবাকে পত্তর লিখব”। তাই কপালে হাত ঠেকিয়েছে শঙ্করী।

আতঙ্কটা ষাবার সঙ্গে সঙ্গে ভয় লজ্জা সন্ধ্যা সবাই যেন একটু সরে দাঁড়ায়। যেন শঙ্করীর অবস্থা দেখে দয়া হয়েছে ওদের।

তাই শঙ্করী ঈষৎ ইতস্ততঃ করে বলেই ফেলে, “মামাঠাকুরের শরীরগতিক মজল?”

শরীরগতিক!

সত্য নিশ্বাস ফেলে বলে, “খুব ভাল নয়, তবে মাছুষটাকে তো জান? ভাঙব তবু মচকাব না। নইলে মা মারা ষাওয়ার পর থেকে ভেতরে ভেতরে দেহ ভেঙে গেছে। কলকোতায় আসার আগে দেখা করে এলাম তো।”

মা মারা ষাওয়া!

শঙ্করী ভাবে, এ ‘মা’ রামকালীরই মা, দীনতারিণী! ভাবে, তা তিনি মরবেন এটা তো আশ্চর্য্যও নয়, দুঃখেরও নয়, তবে নাকি রামকালী হৃদয়বান পুরুষ, মাতৃশোককে মর্ষণ দিয়েছেন। তবু বলে—“তিনি জ্ঞানবান মাছুষ, তিনি এত কাতর হয়েছেন? তা বড়দিদিমা মারা গেছেন কতদিন হল?”

“বড়দিদিমা!”

সত্য ভুরু কুঁচকে বলে, “ঠাকমার কথা শুধোচ্ছ? ঠাকমা মারা গেছেন এই ক’বছর যেন হল! আমি আমার মার কথা বলছি। মা তো চলে গেছেন—”

সত্য চুপ করে যায়।

গলার কম্পন কেউ ধরে ফেলবে, এতে সত্যর বড় লজ্জা।

শঙ্করী স্তম্ভিত দৃষ্টিতে তাকিয়ে বলে, “মেজমামীমা মারা গেছেন?”

সত্য নীরব।

সত্য নতদৃষ্টি।

অনেকক্ষণ পরে শঙ্করী একটা পন্নিতাপের নিশ্বাস ফেলে বলে, “কতদিন হল?”

“এই আমার বড় থোকা তখন আঁতুড়ে।”

আন্তে আন্তে উঘেলিত নিশ্বাস শাস্ত হয়ে যায়। ক্রমশঃ ধীরে ধীরে কখন

যে নিখাস ফেলার ধাপ থেকে গল্প করার অবস্থায় এসে পৌঁছে গেছে ওরা, তা ওদের নিজেদেরই খেয়াল থাকে না।

অতীত স্মৃতির রোমন্থনে সময়ের জ্ঞান হারান্ন বৃষ্টি।

শঙ্করী প্রবন্ধী।

সত্য উত্তরদাত্রী।

শঙ্করী যেন গভীর সমুদ্র হাতড়ে হাতড়ে কী এক হারানো মানিক খুঁজতে চাইছে, আর সত্য যেন শঙ্করীর সেই প্রশ্নের হাতড়ানির মধ্য দিয়ে ফিরে পাচ্ছে তার হারানো শৈশবকে।

নিত্যানন্দপুরের ঝামকালী কবরেজের অস্ত:পুরটা না একদা সশস্ত্র-গ্রহরী-বেষ্টিত অন্ধকার কারাগারের মত লাগত শঙ্করীর?

তবে আজ সেই অস্ত:পুরটা আলোকোজ্জ্বল স্বর্গের মত মনে হচ্ছে কেন তার?

সেই স্বর্গকে স্বেচ্ছায় হারিয়েছে শঙ্করী! ভাঙা মাটির বাসনের মত হেলান্ন পথের ধুলোয় আছড়ে ফেলে দিয়ে চলে গিয়েছে শয়তানের ছলনার স্বর্গে?

অনেক কথা অনেক নিখাস।

ভারী হয়ে উঠেছে বাতাস।

তবু আবার একটা গভীর নিখাস ফেলে বলে সত্য, “আজ তুমি ওই দস্ত-বাড়ির পানশাঙ্গুনিগিরি করছ কাটোয়ার বো! কিন্তু এর থেকে হাজার গুণ মর্যাদা ছিল, যদি তুমি কবরেজবাড়ির উঠোনটা বেঁটিয়েও খেতে।”

“মতিচ্ছন্ন! পূর্বজন্মের মহাপাতক! আর কিছু বলার নেই আমার।”

“বাই হোক, তুমি আর ষিধা করো না বো, মেয়ে নিয়ে একবজ্রে চলে এস! পেটের ভেতরের অন্ন তো আর এক কথায় ধুয়ে মুছে সাফ হবে না, তবে পরনের ওই সব পতিত বস্ত্র পন্নিত্যাগ দিতে হবে। ও ত্যাগ না দিলে গলদ আর দুঃ হতে চাইবে না! সে ষাক, মেয়ে কত বড়টা হল?”

“কত বড়? মামে বয়সের কথা বলছ?”

শঙ্করীর চোখের ছায়ায় যেন একটা ধূসর শূন্যতা। সে শূন্যতার স্পর্শ তার কণ্ঠে এসে লাগে।

“বয়েস? তোমার কাছে আর লুকোছাপা করব না ঠাকুরঝি, পট্টই বলছি—বয়েস চোখ উতরে গেছে এই মাঘে।”

“মাঝে! তা হলে তো পনেরই। পনের চলছে।” সত্য বিমূঢ়ভাবে বলে, “বিয়ে?”

“বিয়ে!” শঙ্করী ক্ষুব্ধ ব্যঙ্গমিশ্রিত একটু হাসে। এ ব্যঙ্গ ভাগ্যকে। এ কোভ সত্যের প্রসঙ্গে।

সত্য একটু চুপ করে থেকে বলে, “তা যাদের সংসারে আছ, তারা কিছু বলে না? তাদের কি জবাব দাও?”

শঙ্করী তেমনি একটু হেসে বলে, “সে জবাব আগে থেকেই ঠিক করে রেখেছিলাম। বলেছি পাঁচ বছরে বিয়ে, সাত বছরে বিধবা, ঋণবোধ চক্ষে দেখে নি—”

সত্য ইতিমধ্যে শিউরে উঠেছে।

“বল কি বো, কী সর্বমুখো মা তুমি! আইবুড়ো মেয়েটাকে ‘বিধবা’ বলে পরিচয় দিয়েছ? সমগ্র পৃথিবীতে এমন কথা কেউ কখনো শুনেছে? বলি, এই কাণ্ডটি যে করে রেখেছ, আজন্ম তো তাকে আলোচাল কাঁচকলা গিলতে হচ্ছে?”

“তা হচ্ছে বৈ কি। আমারও যা তারও তাই! তার বেশী জুটছেই বা কোথা থেকে ঠাকুরঝি?”

সত্য পরিতপ্ত স্বরে বলে, “তা যেন হল। কিন্তু এর পর ওর বিয়ে হবে কি করে?”

শঙ্করী নিশ্বাস ফেলে বলে, “সে পরিচয় না দিলেই কি বিয়ে দিতে পারতাম ঠাকুরঝি? বাপ-ঠাকুরদার পরিচয়হীন মেয়েকে কে বো বলে ঘরে তুলবে?”

সত্য ভুরু কুঁচকে বসে থাকে কিছুক্ষণ, তার পর বলে, “তা সেই নগেন না কে, তার সঙ্গে তো বিয়ে তোমার হয়েছিল বললে—”

“ফাঁকি ফাঁকি, সব ফাঁকি বুঝলে ঠাকুরঝি, সেই নরকের কীট পাপিষ্ঠ শয়তান ফাঁকি দিয়ে আমাকে—”, রুদ্ধকণ্ঠ পরিকার করে বলে শঙ্করী, “কী বলব ঠাকুরঝি, ওই ভোগায় না পড়লে কি এ দুর্ঘটি হত আমার? বলল, কলকাতায় এখন বিধবা বিয়ের চল হয়েছে। কত অল্পবয়সী বিধবা দ্বিবি আবার স্বধে-স্বচ্ছন্দে ঘর করছে। সেই ভোগায় তুলে পাতালের সিঁড়িতে পা ফেললাম!”

সত্য বিরসস্বরে বলে, “তা হলে বিয়ে করে নি?”

“না, সে মিথ্যে বলব না, করেছিল। বিধবা থিয়ে দিতে রাজী হয় এমন পুরুত ডেকে অগ্নি নারায়ণ সাক্ষী করে ঠাট একটা দেখিয়েছিল। কিন্তু সেই বিয়েকে যদি সে মনে প্রাণে সত্যি বলে মানত, তা হলে কি পেটে সন্তান এসেছে শুনেই আমাকে ছেঁড়া কাপড়ের মতন ফেলে চলে যেত?”

“তা যাক।” সত্য একটা আশ্বস্তির নিশ্বাস ফেলে, “তার চরিত্রের উপযুক্ত কাজই সে করেছে। কিন্তু তুমি তো একপ্রকার ধর্ম্য খাটি আছ! আর তোমার মেয়েকেও অধর্মের সন্তান বলা চলে না। বিধবার বিয়ে আমার চোখে অবিশ্বাসি ভাল ঠেকে না, তবে মন্দের ভাল। বড় বড় পণ্ডিতরা যখন শাস্ত্র পড়ে বুঝেবুঝে বিধান দিয়ে রেখেছেন, তখন একেবারে তো উড়িয়ে দেওয়া যায় না! তাঁদের চেয়ে আমি পণ্ডিত নই। তবু বলব কাটোয়ার বো, মেয়ের এই মিথ্যে বিধবা পরিচয়টা তোমার দেওয়া উচিত হয় নি। তার কাছেও তো একটা জবাব আছে? সে যখন বড় হবে, পাঁচজনের বিয়েখাওয়া গয়নাকাগড় ঘরবর দেখবে, তখন তার প্রাণের ভেতরটি কেমন করবে? তখন তোমায় একদিন শুধাবে না, ‘মা, মা হয়ে তুমি আমার এই করলে’—”

শঙ্করী কথার মাঝখানেই উদাস গভীর স্বরে বলে, “সে জিজ্ঞেসের গোড়াও মেরে রেখেছি ঠাকুরবি! তাকেও ওই কথাই বুঝিয়ে রেখেছি। বলেছি পাঁচ বছর বয়সের ঘটনা, তোর স্বরণে নেই।”

“বো!”

আবেগ-কম্পিত স্বরে শুধু এই একাক্ষর শব্দটুকু উচ্চারণ করে সত্য।

শঙ্করী সত্যর সেই ক্ষুদ্র বিস্মিত আহত মুখের দিকে তাকিয়ে বলে, “তা তুমি আমায় শতেক কাঁটা মারতে পার ঠাকুরবি, কিন্তু এ ছাড়া আর কোনও উপায় আমি দেখতে পাই নি। বলতে পার আমি মা নই রাক্ষসী, কিন্তু তবু তো সেই দুর্দিনে গর্ভস্থ গলায় ডুবে মরতে পারি নি? আর ওর জন্মেই দোর দোর ঘুরেছি, হাজার লাখি-কাঁটা খেয়েছি, মান-অপমান জমাঞ্জলি দিয়েছি। আর আজ সোনার বেনের দাসত্ব করে ভাত খাচ্ছি। কিন্তু বাড়ি ভাল নয়। লোকে বলে অন্নদাতার নিশ্চে করতে নেই, তবু না বলে উপায় নেই, লোমস্তা যেরে নিয়ে ও-বাড়িতে থাকা কাঁটা হয়ে থাকা। শুধু মেয়েটাকে যদি তুমি—” চুপ করে যায় শঙ্করী।

অনেকক্ষণ নীরবতার পর সত্য আন্তে বলে, “নাম কি রেখেছ?”

“নাম!” শব্দরীয় কণ্ঠে যেন অপরাধের স্বর বাজে, “দু-মাস বয়েস থেকে হাসিটা লম্বীছাড়ীর এত মন-কাড়া ছিল যে নাম রেখে বসেছিলাম স্বহাসিনী।”

তা অপরাধের স্বর আসাই স্বাভাবিক, ওই হতভাগ্য মেয়েটার নাম ‘মলিনা’ কি ‘অশ্রমতী’, নিদেন পক্ষে ‘ছায়া’ কি ‘দাসী’ এমনি একটা কিছু হলেই যেন শোভা পেত।

কিন্তু সত্য সে খোঁটা দিল না। সত্য বলল, “তা মন্দ নয়। সে যাক, বাড়ি যখন অমন বলছ, আর তো থাকা ঠিক নয়। মেয়ে নিয়ে অবিলম্বে চলে এস।”

“হ্যাঁ, বাড়ি ওদের অমনি।” নবকুমারের কাছে বসে সত্য চাপা তীব্র স্বরে বলে, “ভদ্রঘরের মেয়ের এসব কথা মুখে আনলেও পাপ, তবে অবস্থার তোমায় পষ্ট করে খুলে না বললেও তো বুঝবে না তুমি। ওই রূপের ডালি মেয়ে নিয়ে কী কীটা হয়ে থাকে বোঁ, বুঝে দেখ। বলে, নীচের তলায় রান্নাবাড়ির কাছে একখানা ছোট্ট ঘর আছে, তাতে নাকি কাঠ-ঘুঁটে থাকত, সেই ঘর পরিষ্কার করে মায়ের-ঝিঁয়ে আছে। কেন? না পাছে কারুর চোখে পড়ে যায়। দিনান্তে একবার নাইতে খেতে ঘর থেকে বেরোতে দেয় মেয়েকে, তাও নিজের কড়া পাহারায়। আইবুড়ো মেয়েটাকে ‘বিধবা’ পরিচয় দিয়ে রেখে দিয়েছে। ভাব কষ্ট!”

নবকুমার কিন্তু খুব বেশী বিচলিত হয় না, বরং নিতান্ত ব্যাজার মুখে বলে, “তা সে যার কথা সে বুঝবে। তোমার এত আগ-বাড়াবার দরকার কি? শুধু গরীব দুঃখী অবীরে বিধবা ভাজ হত, তার মানে ছিল। এসব কি? না না, এসব কেছা-কেলেঙ্কারি আমার বাড়িতে ঢোকানো চলবে না। বাসাতেই নয় এসেছি, তা বলে তো বেওয়ারিশ নই আমি! যা শুনলে আর আমার মুখ দেখবে, না তোমার হাতে জল থাকবে?”

সত্য স্থির কণ্ঠে বলে, “বলার আমার অনেক কথা ছিল। কিন্তু বলব না সে সব। শুধু বলছি—আমি যদি তাঁদের মত করাতে পারি?”

“হ্যাঁ! মত করাতে পারি!” নবকুমার বলে ওঠে, “এ তোমার কাছা-আলগা নবকুমার বাঁড়ুঘো কিনা, যে তোমার কথায় উঠবে বলবে। সে বড় শক্ত ঘাঁটি।”

সত্য ক্রভঙ্গী করে বলে, “নিজের মুখে নিজের ব্যাখ্যানটা আর নাই করলে। বেশ, ওনাঙ্গের মতটা পেলেই তো হল?”

“তা তোমাকে বিশ্বাস নেই। তুমি যা ভাকাত, হয়তো স্বপ্ন-শাঙড়ীর গলায় গামছা মোড়া দিয়ে মত আদায় করবে। কিন্তু এত বামেলার দরকার কি শুনি? আমি বলে দিচ্ছি—আমার সংসারে ওসব চলবে না—”

সত্য সহসা ক্রভঙ্গী ত্যাগ করে উদ্ভাস মুখে বলে, “বেশ তাই ভাল। সেই কথাই বলে দেব ভাজকে। বলব, না বো, এ সংসারে তোমার ঠাই হবে না, ভুল করে ভেবেছিলাম, সংসারটা বুঝি আমার, তা মস্ত একটা হাতুড়ির ঘায়ে ভুলটা ভেঙেছে। চোখ ফুটে গেছে। ভালই হল, শিক্ষা হয়ে গেল।”

নবকুমার বসে পড়ে।

নবকুমার চোখে সর্বেফুল দেখে।

নবকুমার সমস্ত বীরত্ব ত্যাগ করে ওর সেই চিরমুখস্থ কথাটা বলে বসে, “হল তো! অমনি রাগ হয়ে গেল? রাগের কথা কিছু বলি নি আমি। শুধু বলছি স্মৃতি থাকতে ভূতের কীল খাওয়া কেন?”

সত্যর মুখের কাঠিন্য কিছুটা হ্রাস হয়।

সত্য স্থির স্বরে বলে, “আর একদিন তোমার এ প্রশ্নের উত্তর দিয়েছিলাম, আজ আবার দিচ্ছি, কীল খাওয়া কেন জান? মানুষ জাতটা ‘মানুষ’ বলে। গরু-গাধা পাখী-পক্ষী নয় বলে।”

“আর ওই যে আবার একটা মেয়ে রয়েছে—”

“রয়েছে সে কথা তো হয়েই গেছে।”

“সেও মায়ের মত হবে কি না—”

“যাতে না হয়, সেই চেষ্টাই করতে হবে।”

সত্য উঠে যায় দৃঢ় সংকল্পের মুখে নিয়ে।

স্বহাসিনী।

ভাকনাম স্বহাস।

ই্যা, বয়সের সঙ্গে সঙ্গে রূপের ডালিই হচ্ছে। শঙ্করীর বাস্তবায়ন কৈশোর যুঁতি যেন ওর মধ্যে এসে পুনর্বাসন করেছে। এত ছুখ-ধাক্কা, এত লাঞ্ছনা-গল্পনা, মায়ের এত কড়া শাসন, তবু কলায় কলায় ভরে উঠছে দেহ। পনের কলা ভর ভর, আর একটা কলা হলেই সম্পূর্ণ।

মেয়ের মুখ দেখে শঙ্করী বুক ভরে ওঠে। মেয়ের রূপ দেখে শঙ্করী বুক কঁপে ওঠে। তাই কখনো মেয়েকে কোলে নিয়ে কাঁদে, কখনো মেয়েকে দাঁতে পেষে।

মেয়েকে দাঁতে পেষা তো নয়, নিজেকেই জাঁতান্ন পেষা। কিন্তু করবে কি শঙ্করী, তার যে বেড়া আগুন!

যেদিন সত্য হাত ধরে বসল—সে রাত্রে মেয়েকে বাচ্ছেতাই করল শঙ্করী। বলল, “তবে আন খানিক বিষ আন, তুইও খা, আমিও খাই। সকল জালা জুড়োক। সকল সমস্তা মিটুক।”

কথাটা এই, মার মারফত সত্যর প্রস্তাব শুনে, হুহাস একেবারে বৈকে বসেছে। ওসব অনাস্থটির মধ্যে যেতে রাজী নয় সে। অনেক হাঁড়ির হালের শেষে, অনেক ঘাটের জল পান করে এতদিনে যদি পায়ের তলায় একটু মাটি মিলেছে, যার তুল্য নেই রাজবাড়িতে আশ্রয় জুটে গেছে, এখন আবার অনিশ্চিতের সমুদ্রে ঝাঁপ দিতে যাবার কী দরকার?

আপনার লোক!

তিনকুলে কেউ ছিল না, একমুঠো পোড়ামুড়ি নিয়ে কেউ এগিয়ে আসে নি, এখন হঠাৎ ভূঁই ফুঁড়ে আপনার লোক গজাল। হতে পারে কোন একসময় দেশের লোক ছিল, কিন্তু তাতে কি চারখানা হাত-পা বেরোচ্ছে? হঠাৎ তাঁর এত দরদ উথলে ওঠবার কারণটাই বা কি? আর কিছুই নয়, বিনি মাইনের দাসীরাঁধুনী পেয়ে যাবার আশ্বাস। ভেবেছে দুটো দরদের কথা কয়ে একবার বাড়িতে পুরে ফেলতে পারলে হয়।……শঙ্করী যেমন বোকা তাই বুঝতে পারে না, এর পর একুল-ওকুল দুকুল যাবে।

হ্যাঁ, প্রথমটায় এত কথাই বলেছিল হুহাস। এত কথাই বলতে পারে সে। অবিশ্তি আর কারকে নয় শুধু মাকেই। মায়ের ওপর দাপটের অবধি নেই। জন্মাবধি যত দুঃখ-কষ্ট অভাব-অসুবিধে পেয়েছে চিরদিন তার বাল ঝেড়েছে মায়ের ওপর।

তবু তো সম্পূর্ণ ইতিহাস জানে না। সত্য ইতিহাস জানে না। জানে—গর্তে নিয়ে বিধবা বলে, সে সম্ভানকে ‘অপন্ন্য’ বলে দূর দূর করেছিল বাড়ির লোক, তাই শঙ্করী দুঃখে অভিমানে মেয়ে নিয়ে পথে বেগিয়ে পড়েছিল।

সেইটাই অভিযোগ হুহাসের।

মার অবিস্মৃতিকারিতাতেই যে তাদের এই হাঁড়ির হাল সে বিষয়ে সন্দেহ নাস্তি।

যাক, সে যাহোক হয়ে গেছে।

এখন আবার এ কী!

মায়ে কিয়ৎ তর্ক বাধে।

শরুরী যাচ্ছেতাই করে মেয়েকে।

এবং সুহাস সতেজে বলে, “ঠিক আছে। আমি যখন এতই পাথর তোমার গলার, সে পাথর সরিয়ে দিয়ে যাব।”

ছত্রিশ

কথায় আছে মাটি বোবা।

কিন্তু কলকাতার মাটি বোধ করি কথা কয়। বোধ করি তার মূল বনেদে অনন্তকালের সহস্রাব্দের ঐতিহ্য নেই বলেই প্রকৃতিতে তার উঠতি বয়সের মেয়ের চপলতা আর মুখরতা। সেই মুখরতার ঝাপটায় সে মুক্কে বাচাল করে তুলতে পারে। তাই কলকাতার বাসিন্দারা কিছু না শিখেও পণ্ডিত, কিছু না বুঝেও বোদ্ধা।

সত্য বলে, এ নাকি শুধু কলকাতার হাওয়ারই নয়, কলের জলেরও গুণ।

তা হতেও পারে।

আদি অস্তকাল তো লোকে পৃথিবীর গহ্বর থেকেই আঁজলা ভরে নিয়ে তৃষ্ণা নিবারণ করেছে, জীবনযাত্রার প্রয়োজন মিটিয়েছে। যেখানে সে গহ্বর আছে ভালই, যেখানে নেই, সেখানে কোদাল চালিয়ে গহ্বর খুঁড়েছে। তার পর তার কাছে এসেছে ঘট নিয়ে কলসী নিয়ে, ভরে নিয়ে গেছে অসময়ের জন্তে। কে কবে মাটির নীচে নল চালিয়ে জলকে হাতের মুঠোর মুঠোর পৌঁছে দিয়ে তাকে হুকুমের চাকর বানিয়ে ফেলবার কল গড়তে শিখেছিল? শেখে নি।...কলকাতা শিখে ফেলেছে। জল হেন দুর্গভ বস্তু কল মোচড় দিলেই তাকে আদায় করছে। এ কী কয় তাকব

এ জলের বিশেষ গুণ শরীরে বর্তাবে বৈকি। আর কিছু না হোক, কলের জলটা সাহসের যোগানদার।

নইলে আর নবকুমারের সাহস হয় ভবতোষ মাস্টারকে মুখের ওপর বলতে, “আমরা আপনাকে ত্যাগ করলাম মাস্টার মশাই! ভবিষ্যতে আপনি আর আমাদের বাড়িতে মাথা গলাতে আসবেন না।”

বলেছে, সে খবরটা নবকুমার নিজেই গিয়ে পৌঁছে দিল নিতাইকে। বলল, “রেখে ঢেকে বললাম না বুঝলি? আচ্ছা কয়েক দিনে দিলাম। যখন মাস্টার ছিলেন, তখন মাস্তুর করেছি, এখন উনি যদি মাস্টার মর্ষদা নিজে ঘুচিয়ে গালে মুখে চুনকালি লেপেন, মাস্তুর রাখবার দায় আমার নয়। এই বুড়ো বয়সে উনি যদি ধর্ম খোয়াতে পারেন, মাস্তুরের ছেদা-ভক্তি ভালবালা সবই খোয়াতে হবে। ছি ছি, কী করে যে এ দুর্ঘটি হল মাস্টারের, ভেবে কুল-কিনারা পাচ্ছি না। বিদেশবিদুই জায়গায় একটা অভিভাবকের মত ছিলেন, সেটা ঘুচল।”

নিতাই একটু পরিতৃপ্তির হাসি হেসে বলে, “সম্পর্ক আর রাখবি না তা হলে?”

“কেপেছিস! উনি তো ‘পতিত’! পতিতের সঙ্গে আবার সম্পর্ক কি?”

না, নিতাইকে “পতিত” বলে ত্যাগ করে নি নবকুমার। প্রতিদিন গুর মেলে ধর্না দিয়ে যায়, আর হাতে পায়ে ধরে বলে, এবং শেষ অবধি ভবতোষ মাস্টারের পরামর্শমত সত্যকে দিয়ে বলিয়ে স্বরাহার পথে এনেছে তাকে।

অবিশ্রি সেও হয়ে গেল অনেকদিন। নবকুমারের বড়ছেলে, যার ভাল নাম নাকি সাধনকুমার, সে তখন ফোর্থ ক্লাসে পড়ত, আর এখন সে এনট্রেন্স পাসের পড়া পড়ছে। সত্য বলেছে জলপানি নেওয়া চাই। বলেছে জলপানি নিয়ে পাস করতে না পারলে সত্যর জীবনের সাধনাই মিথ্যে।

গাঁয়ের ছেলেরা পাঁচ মাইল রাস্তা ভেঙে জেলা ইন্সুলে পড়ে পড়ে যেটুকু করছে, সত্যর সাধনকুমারও যদি এতখানি স্বযোগ স্ববিধে পেয়েও সেইটুকুই করে, কি হল সত্যর এই যুদ্ধ আর বলকয়ে?

অবিশ্রি শুধু জলপানি পাওয়াটাই শেষ কথা নয়। মাস্তুরের মত মাস্তুর হতে হবে সত্যর ছেলেদের। কিন্তু লেখাপড়ায় মুখোজলটা তো তার প্রথম সোপান।

তা ছেলেটা মুখ রাখবে বলে মনে হয়। অন্তত: পর মাস্টার তো

তাই বলে, নগদ মাস মাস দশ-দশটা টাকা দিয়ে যে মাস্টারকে পুষছে নবকুমার।

কিন্তু নবকুমারের মাস্টার যে এভাবে নবকুমারের মুখ পোড়াবেন, এ কথা কে কবে ভেবেছিল ?

স্বপ্নি জিনিসটা কি এতই দুর্লভ ?

সেই কতদিন তো গেল নিতাইয়ের দুর্ঘতির স্মৃতিতে। কত হাঁটাইট করতে হয়েছে তরে মেসে, কত কাকুতিমিনতি করতে হয়েছে তার কাছে, হেসে উড়িয়েছে নিতাই। জালাভরা তিক্ত হাসি। বলেছে, “আমাদের মতন একটা অথচ অবস্থার জগ্রে আবার ভাবনা ! রইলাম কি উচ্ছন্ন গেলাম, ত্রিভুবনের কার কি এসে গেল তাতে ? বেশ আছি। খাচ্ছিদ্বাচ্ছি রঙিন নেশা নিয়ে পড়ে আছি। তোমরা বাবা শুভ্ বয়, দামী মাল, জগতে তোমাদের দরকার আছে, তোমরা ভাল হও গে।”

কিন্তু এই এক জায়গায় নবকুমার হালছাড়া হয় নি, দৃঢ় থেকেছে। নিতাইকে সুপথে আনতেই হবে।

শেষ পর্যন্ত ভবতোষ মাস্টারের নির্দেশমত সত্যর কাছেই নিতাইকে টেনে এনে হাজির করেছিল নবকুমার। বলেছিল, “নাও এবার মোকাবিলা কর ছাওরের সঙ্গে। বোঝাও সংসারে ওর দাম আছে কি নেই ?”

সত্যর তখন শরীর ব্যাপারে মন প্রাণ ভাল নয়, তাই ধমথমে মুখে বলেছিল, “দাম আছে কি নেই সে কথা আমি বোঝাব ?”

নবকুমার মাথা চুলকে বলে, “ও তো তাই বলছে। মানে, বলছে ও উচ্ছন্ন গেলে কারুর কিছু এসে যাবে না।”

হঠাৎ স্পষ্ট করে চোখ ভুলে তাকিয়েছিল সত্য নিতাইয়ের দিকে, বলেছিল, “কারুর কিছু এসে যাবে না, সেটা জেনে ফেলেছ ? সবজাস্তা তুমি ?”

নিতাই সে দৃষ্টির সামনে মাথা নীচু করেছিল।

সত্য তীব্রস্বরে বলে উঠেছিল, “আমি বলছি, আমার এসে যাবে। জানবে সে কথা ?”

নবকুমার এই তীব্রতার মানে খুঁজে পায় নি, ঘাবড়ে গিয়েছিল। ওর ধারণা ছিল সত্য কাকুতিমিনতি করবে, দ্বিবিদ্বিগেশা দেবে। কিন্তু কই ! তেমন কিছু তো দেখা গেল না !

ধমকই কি দিল ?

মনে হচ্ছে না তা। অথচ কথাটা যে জোরালো, তাতে সন্দেহ নেই।
আবার তেমনি জোরালো স্বরেই বলল সত্য, “আমি বলছি তোমার
ভালো হতে হবে, লভ্য-ভব্য ভদ্রলোক হতে হবে। মাহুষ যে
বনের জন্ত-জানোয়ার নয়, সেটা মনে রাখতে হবে। আপিসে ছুটি নাও
দশদিন, দেশে যাও, বৌ নিয়ে এস। আমি এখানে বাসার ব্যবস্থা করে
রাখছি।”

বৌ!

বাসা!

নিতাই আস্তে আস্তে মাথা নাড়ে।

“সে অসম্ভব।”

“অসম্ভব! কেন, অসম্ভবটা কিসে?”

“বাড়িতে রাজী হবে না।”

“কে রাজী হবে না? তোমার বৌ?”

সত্যর স্বর তীব্র।

“না, মানে একরকম তাই।” নিতাই মলিন স্বরে বলে, “মামা-মামী
রাজী হবে না, কাজে কাজেই সেও—”

“কাজে কাজেই সেও? এ তো দেখি আচ্ছা স্বার্থপর মেয়ে!”

স্বার্থপর!

নিতাই আকাশ থেকে পড়ে।

যেখানে পরার্থপরতার চরম পরাকাষ্ঠা, সেখানে কিনা স্বার্থপরতার
অপবাদ!

“আপনার কথাটা ঠিক বুঝতে পারলাম না বৌঠান!”

সঙ্গে সঙ্গে নবকুমারও বলে, “তাই তো। এ কথাটা তোমার আবোল-
তাবোল হল বড় বৌ!”

“বুদ্ধি খরচ করলে, বুঝতে আবোল-তাবোল নয়। বলি—ওপরওলাদের
গোড়ে গোড় যে দেবে বৌ, সে কি ছেদায়, না ভালবাসায়? বোঝাও তুমি
আমায়। স্বামীর থেকে বেশী ভালবাসে তাদের? স্বামীর কাছে থেকে
স্বামীকে রেঁধেবেড়ে খাইয়ে যত্ন করে যে পরিভূষ্টি পাবে, তার থেকে বেশী
পরিভূষ্টি পাচ্ছে তেমনাদের যত্ন করে? হক্ কথা বল?”

প্রশ্নটা নিতাইকেই, তবে উত্তর দেয় নবকুমার।

বলে, “আহা এটা আবার একটা কথা নাকি ? বাসায় আসতে চাইলে লোকনিম্নে নেই ? পাঁচজনে মন্দ বলবে না ? তোমার মতন—”

“ই। আমার মতন ডাকাত আর কে আছে ? সে যাক, অনেক দিনের পুরনো কথা ওটা। বলি পাঁচজনে আমার একটু মন্দ বলবে এই ভয়ে স্বামী হেন বস্তুকে ভাসিয়ে দেব, হোটেলের ভাতে ছেড়ে দিয়ে শরীর স্বাস্থ্য ষোচাব তার, উচ্ছন্নতার পথে যেতে দেব তাকে, এটা স্বার্থপরতা নয় ? পাঁচজনে মন্দ বললে কি আমার গায়ে ফোসকা পড়বে ? কাজটা যে মন্দ নয়, লেটা আমার অন্তরাআ বুঝবে না ? সে তো আবার বাঁজা মাছ। কি নিয়ে আছে শুনি ? উদয়াস্ত জগতের যাবতীয় ঠঁচা কাজ নিয়ে পড়ে আছে, তার বিনিময়ে লোকে সুখ্যাতি করছে, এই কি একটা মনিষ্টির জীবন ? আমি তোমায় বলছি ঠাকুরপে, যদি নিজের হিত চাও, বৌকে নিজের কাছে এনে রাখ। বাসা আমি দেখছি।”

হঠাৎ আরও একদিনের মত নিতাই একটা কাজ করে বলে। হেঁট হয়ে সত্যর দুই পায়ে হাত দিয়ে সে হাত মাথায় ঠেকিয়ে বলে, “নিজের হিত অহিত আমি বুঝি না বোঁঠান, বুঝি শুধু আপনাকে। আপনি যদি হুকুম করেন, তা হলেই—”

“ই। হুকুমই করছি আমি।” সত্য দৃঢ় স্বরে বলে, “হুকুম করছি মাছবের মত ঘর-সংসার কর, অলীক স্বপ্ন নিয়ে মাথা ঘামিও না।”

নিতাই চলে যায়।

সত্য চলে যায় নিজের কাজে। নবকুমার বোকার মত দাঁড়িয়ে থাকে ফ্যালফ্যালিয়ে। প্রকৃত ঘটনা যে কি ঘটল, তা যেন অসুখাবন করতে পারছে না। অথচ ওর চোখের ওপরই এমন একটা কিছু ঘটল, যেটা ঠিক সচরাচরের নয়, এ বোধ আসছে। সত্য আর নিতাই যেন উর্দু ফার্সি অন্ত আর এক ভাষায় কথা বলল।

অথচ সত্যকে এখন জিজ্ঞেস করে ব্যস্ত করাও চলে না। শরীরী কীর্তিতে সত্য নিভাস্তই মনমরা এখন।

সত্য, শরীরী যে সত্যর সঙ্গে এত বড় শত্রুতা সাধবে, এ কি সত্য স্বপ্নেও ভেবেছিল ? এ যেন পূর্বজন্মের শত্রুতার ঋণ শোধ করে গেল শরীরী !

নইলে চিরদিনের হারিয়ে যাওয়া মানুষটা, একদিনের তরে মনের কোণেও থাকে আনে নি, সে হঠাৎ এমন আচমকা দেখাই বা হবে কেন, চেনাই বা করবে কেন ?

কত স্থখে কাটাছিল সত্য, হঠাৎ যেন শকরী তার সেই স্থখের প্রাণে একটা ছুরির আঁচড় টেনে ক্ষত করে দিয়ে গেল।

সেই যে গল্পে আছে কবর থেকে প্রেতাত্মা উঠে এসে মানুষকে যন্ত্রণা দেয়, সেই প্রেতাত্মার মতই করল শকরী।

কী করেছিল সত্য তার কাছে, যে এইভাবে দাগা দিয়ে গেল সত্যকে ?

বাবাকে চিঠি লিখেছিল সত্য, শকরীকে পাওয়ার খবর জানিয়ে, বাবা কি বলেন না বলেন জানতে। সে চিঠির জবাব আসার আগেই নতুন খবর ঘটাল শকরী।

দু দিনও তর সইল না তার ?

এ যেন সত্যিই সত্যকে ধরল আর ধারালো অন্তরখানা শানিয়ে তুলে বসিয়ে দিল সত্যর বুকের মাঝখানে।

এই দীর্ঘকাল ধরে শত লাঞ্ছনা আর শত ধিকারের ভাত খেয়ে খেয়ে যে প্রাণটাকে পুষে রেখেছিল শকরী, একটা দিন সত্যর কাছে ভালবাসার ভাত খেয়ে হেলায় বিসর্জন দিলে সেই প্রাণটাকে ?

এর চাইতে ভয়ঙ্কর নিষ্ঠুরতা আর কি আছে ?

খবরটা শুনেই সত্য মাথায় হাত দিয়ে বসে পড়ে সেই কথাই বলেছিল, “জানি, জানতাম ! চিরকালে পাষণ্ড ! মেয়েমানুষ এত বড় নিষ্ঠুর, উঃ !”

তার পর ডাক ছেড়ে বলে উঠেছিল, “ওগো বৌ, কৃষ্ণে আমার সঙ্গে দেখা হয়েছিল তোমার, কৃষ্ণে আমি বলেছিলাম তোমার মেয়েটার ভায় নেব। কেন মরতে বললাম গো ! না বললে তো তুমি এমন ভাবে দায়মুক্ত হতে পারতে না !”

তা কথাটা তো ভুল নয়, সূহাসের দায়েরই তো এষাবৎকাল অত বড় মানির জীবন বয়ে বেড়াচ্ছিল শকরী !

সে দায় থেকে মুক্ত হল বলেই তো—

নাকি শুধু সাময়িক উত্তেজনার ফল ? মেয়ে যখন মায়ের সঙ্গে কৌদল

করে বলে বসেছিল, “আমি যখন এতই গলার পাথর তোমার, সে পাথর সরিয়ে দিয়ে যাব—”, তখন কি শঙ্করীর মুখে একটা ক্রুদ্ধ আকোশের তীব্র হাসি ফুটে উঠেছিল? ভেবেছিল কি, “বটে! চিরকাল আমিই শুধু জন্ম হব তোমার কাছে? পাথরের প্রাচিস্তির আর হচ্ছে না আমার? জন্মাবধি জন্ম করে রেখেছ তুমি আমাকে, আবার মরে জন্ম করতে চাও? আচ্ছা দেখ এবার কে কাকে জন্ম করে!”

কে জানে কোন্ কথাটা সত্যি।

ঠাণ্ডা মাথায় ভেবেচিন্তে দীর্ঘকালের পরিকল্পনাকে রূপ দিয়েছিল শঙ্করী, নাকি ক্ষণিক মুহূর্তের অসতর্কতায় কূলে এসে ওঠা নোকোথানাকে ডুবিয়ে বসেছিল?

না, প্রকৃত কথা কেউ জানে না।

আত্মহত্যা করবার আগে যে একটু লিখে রেখে যেতে হয় “আমার মরার জন্তে কেউ দায়ী নয়—” সেটুকুও জানত না শঙ্করী। অথবা সে রেওয়াজ তখনও চালু হয় নি।

লিখতে ওরা শেখে নি বলেই হয়তো চালু হয় নি।

চালু হয় নি, তাই রাত পোয়াতেই দস্তদের বাড়ির অন্দরে হৈ-হৈ উঠল। রাতে রান্নাঘরের পাশের ঘরে আড়ায় দড়ি বেঁধে ঝুলে মরেছে পানসাজুনি বামুনদিদি!

ওমা কেন গো!

কী হুঃখে!

এই যে কাল আফ্লাদের সাগরে ডাসছিল, দেশের লোকের লজ্জান খবর পেয়ে, তাঁদের কাছে আদরের ভাত খেয়ে! চাকরি ছেড়ে দিয়ে চলে যাবই তো বলেছিল, বলেছিল, “দেশের লোক, চিরকালের চেনা-জানা, ছাড়ছে না, মেয়েটার স্বাক্ষর তার নেবে বলেছে, এ স্বয়োগ ছাড়তে পারব না মা! অনেক দিন তো দাস্তবিস্তি করলাম।”

কালীতলায় নাকি পরিচয় হয়েছিল।

কিন্তু মালুঘটা আর কেউ না, দস্তদের সাত নম্বর বাড়ির সেই অহঙ্কারী ভাড়াটে।

তার কাছেই আজকের আশ্বাস পেয়েছিল সে।

চলেই যেত।

তবে দিনক্ষণের ছুতো দেখিয়ে বলেছিল, “চৈৎ পোষ ভান্ডর এ তিনটে মাসে পোষা বেড়ালটাকেও বিদেশ দিতে নেই মা, দিলে গেরস্বর অকল্যাণ। এতদিন নেমক খেলাম, অকল্যাণ করব না তোমার। এ মাসটা আর যাব না।”

হঠাৎ সেই সংবুজি কি করে বিনষ্ট হল শরীরী? কি করে বিন্যত হল সে নিমকের ঋণ?

তাই অদিনে অক্ষণে গেরস্বর অকল্যাণ ঘটলে চিরদিনের মত বিদেশ হয়ে গেল?

হৈ-হৈ হল।

তবে নাকি বড়মামুষের অন্দর, আর দীনভূষী চাকরানী বিধবার প্রাণ! তাই সে হৈ-হৈ ফুটল আর মরল। থানা পুলিশ তো দূরের কথা, বৈঠকখানার কর্তারাও সবাই টের পেলেন কি না পেলেন। অস্তুতঃ টের পেয়েছেন এ লক্ষণ প্রকাশ পেল না তাঁদের আচরণে।

গড়গড়ার একটানা শব্দটার একবার হয়তো একটু ছন্দপতন হল, গলা থেকে একবার হয়তো একটু হকার উঠল, তার বেশী নয়।

দস্তদের খিড়কির দরজা দিয়ে বার হয়ে গেল শরীরী মৃতদেহ। নিজের দরজায় কাঠ হয়ে দাঁড়িয়ে দাঁড়িয়ে দেখল সত্য। যখন চলে গেল, চোখছাড়া হয়ে গেল, হাত ছুটো একবার তুলে নমস্কার করে মনে মনে বলল, “এত পতনেও ভেতরে ভেতরে তুমি খাড়া তেজী ছিলে বো, বুঝতে পারছি। তাই ছোট ননদের করুণার আশ্রয়ে থাকতে আর রইলে না। সবাই শুধোচ্ছে—‘কারণ কারণ!’ হাড়ে হাড়ে বুঝছি আমিই কারণ। কি করব আমার নিয়তি। ভগবান যাকে যার নিমিত্ত করেন!”

ঠিক এই সময়ে ও-বাড়ি থেকে একজন দাসী ডাকতে এল সত্যকে, “বড় গিন্নীমা ডাকতেছে।”

সত্য দ্বিকম্পিত করল না।

হয়তো এই ডাকটির প্রতীক্ষাই করছিল।

অবশ্য ডেকে ওকে সম্মেশ খাওয়াবেন দত্তগিন্নী, এমন আশা করবারও হেতু ছিল না। তবে এতটাও ভাবে নি সত্য। ভাবে নি ন তুতো ন ভবিষ্যতি করে গাল পাড়বেন তিনি তাঁর সাত নব্বয়ের প্রজার বোকে। একবার যেন

পুলিসেরও ভয় দেখালেন, কারণ দশেধর্মের সাক্ষী দেবে, সত্যের পরামর্শেই হঠাৎ সাদানিধে ভালমানুষটা কেমন বিগড়ে গেছিল।

“তুমিই ওর মৃত্যুর কারণ! নইলে বেশ তো ছিল এষাবৎ!”

বললেন দত্তগিন্নী।

সত্য মাথা নীচু করে সব অভিযোগ যেনে নিয়ে শুধু বলল, “যা হবার তা তো হয়েই গেল, মেয়েটাকে আমায় দিন।”

“তোমায় দেব?” মেয়েটাকে?”

অমন একটা রূপবতী উঠতি বয়সের মেয়েকে অমনি এক কথায় বিলিয়ে দেবেন, এত বোকা নয় দত্তগিন্নী। ও জিনিস হল হাতের একটা হাতিয়ার। ওকে দিয়ে সময়ে অসময়ে কত কাজ হাসিল হতে পারে, কত কাজে লাগতে পারে। তাই ভুরু কঁচকে বলেন তিনি, “তোমায় দেব মানে? তুমি কি ওর অছি? আমার সংসারেই থাকবে ও। যেমন ওর মা ছিল।”

সত্য মুখ তুলে প্রশ্ন করে, “পানসাজুনি চাকরানী হয়ে?”

দত্তগিন্নী কালীমুখে কঠিন গলায় বলেন, “তা চাকরানীর মেয়ে চাকরানী হবে না তো কি রাজরাণী হবে? তবে কিনা আমাদের ঘরের পুরুষ বেটা-ছেলেদের দয়ার শরীল, নজরে পড়তে পারলে তাও হওয়া আশ্চর্য্য নয়।”

এই বিষাক্ত হলটা যে দত্তগিন্নী জেনে বুঝে ইচ্ছে করে ফোটালেন, তাতে আর সন্দেহ কি! আসল কথা শঙ্করীর মরণটার জন্তে আগাগোড়া সত্যকেই দায়ী করে বসে আছেন তিনি, কি না জানি মস্তুর কানে দিল, আর জলজ্যান্ত ভাল বিটা তাঁর কর্পূরের মত উপে গেল! এর ওপর আবার তার মেয়েটাকে দাবি করতে আসছে!

ওরে আমার কে রে!

তোমার অহঙ্কার ভাঙবার দিন এবার এসেছে আমার। বুঝেছি তোমার ভেতরের শাঁস। ওই সুহাসের মা তোমার ‘দেশের লোক!’ কোন্ না আত্মীয়ই। তুমিও তবে সেই পদেরই লোক! মুখে অহঙ্কার দেখিয়ে আমার সঙ্গে টেকা?

সত্যবতী দত্তগিন্নীর মনের কথাটা বোধ করি মুখের ভাষা থেকেই আবিষ্কার করে ফেলে। তাই বিচলিত হব না প্রতিজ্ঞা করেই বলে, “তা হলে তো সুবিধেই। আপনাদের ঘরের পুরুষদের যখন এত দয়ার শরীল,

তখন আর ওর কী গতি হবে ভেবে কাতর হই কেন? সদগতিই হবে মনে হচ্ছে।”

দত্তগিন্নী ভুরু কঁচকে বলেন, “কী বললে?”

“ওই তো বললাম!”

“সদগতির কথা কি বললে?”

“ওই তো বললাম, যদি বুঝতে না পেরে থাকেন, তবে বোঝাতে পারব না, পরে বুঝবেন। আচ্ছা তা হলে যেতে অসুমতি দিন।”

দত্তগিন্নী আবার নিজমূর্তি ধরলেন। বললেন, “তোমায় আমি পুলিশে দিতে পারি জান? বলতে পারি, আমার লোক তোমার প্ররোচনায় মরেছে?”

সত্য মুহু হেসে বলে, “তবে সেই চেষ্টাই করুন। কিন্তু আপাততঃ আপনাদের কোনও দাসী কি ছোট ছেলেকে আমার সঙ্গে দিন, দেখিয়ে দেবে কোথায় আপনাদের বৈঠকখানা।”

“বৈঠকখানা দেখিয়ে দেবে? বৈঠকখানায় যাবে তুমি? তোমার মতলবখানা কি তাই বল তো?”

“দস্যর মানুষদের কাছে একটু ভিক্ষে চাইব। বামুনের মেয়ের তাতে দোষ নেই।”

“এ তো আচ্ছা জাঁহাজ মাগী!” দত্তগিন্নী তেড়ে খাট থেকে উঠে ছুম ছুম করে মাটিতে নেমে আসেন, বলেন, “তোমার রীতি-নীতি তো ভাল দেখছি না। বৈঠকখানা-বাড়িতে গিয়ে পুরুষদের কাছে কী ছলা-কলা করতে যাবে শুনি? বলি একটু লাজ লাগবে না?”

সত্যর মাথার কাপড়টা খসে পড়েছিল, সত্যর মুখটা লাল হয়ে উঠেছিল, ছোটোকেই সংবরণ করে সত্য শাস্ত হয়ে বলে, “লজ্জার কি আছে? শুদ্ধুর মাঝেই ব্রাহ্মণকন্টার সম্ভানতুল্য। সম্ভানের কাছে মায়ের ‘লজ্জা’র কথাটা উঠবে কেন?”

তার পর কিসে কি হল দত্তগিন্নীর অজ্ঞাত।

তবে সুহাসিনীকে সত্যর সংসারেই ভর্তি করে দিতে হল তাঁকে।

মেজকর্তা, অর্থাৎ মেজ ভাণ্ডর চটি ফট ফটাতে ফটাতে অন্দরে ঢুকে এসে আদেশ দিলেন, “ওই বামনী-মাগীর মেয়েটাকে লাত নম্বর বাড়িতে চালান করে দাও গে বড়বৌ, মেয়েটা নাকি ওদের দেশের লোক!”

বৌ-মরা ছাওর, বলতে গেলে বড়গিন্নীর হাতের মূঠোর সম্পত্তি, তাই ভ্রভঙ্গী করে প্রাণ করেন তিনি, “কে কার দেশের লোক, সে খবর তোমার কানে আসে কোথা থেকে?”

“আসে কোথা থেকে! শোন কথা! কানে গিয়ে ঢেলে দিয়ে এলে আসবে না? ওই বাঁদুঘোর পরিবার তো নিজে গিয়ে বলল—”

“বলল! তোমার সঙ্গে কথা কয়ে বলল!”

“আহা পষ্টাপষ্ট কথা কয়ে কি আর বলল? একটা চাকরানীকে দিয়ে বলাল—”

“আর তুমি অমনি সোন্দর মুখ দেখে গলে গেলে! ধৃত বটে! এসব সন্দর মহলের কথায় তোমার থাকবার দরকার নেই মেজবাবু! পুরুষ-মজানি মেয়েমানুষকে কি করে শায়েস্তা করতে হয় আমার জানা আছে।”

মেজবাবু বিচলিত হলেন।

“আঃ, কী যা তা বলছ? ভদ্রবরের মেয়েছেলে, বলতে গেলে আমার মেয়ের বয়সী, এসব কি কথা! ছি ছি!”

বড়গিন্নী চাপা ক্রুদ্ধ কণ্ঠে বলেন, “ইল্লি মারি গুরু গোঁসাই! কত ছলাই জানো! মেয়ের বইসী মেয়েমানুষ আর কখনো দেখি নি আমি! যাও যাও, যেখানের মানুষ সেখানে যাও। স্নাহাসকে আমি কোথাও পাঠাব না, ব্যস!”

মেজকর্তা নিরুপায় ভঙ্গীতে বলেন, “কিন্তু আমি যে কথা দিয়েছি! আমার কথাটার একটা দাম আছে তো?”

“ওঃ! আর আমার কথার দাম নেই, কেমন?”

“কী মুশকিল! সে কথা কে বলছে—”, মেজকর্তা কুট-কৌশল ধরেন, “আমি বলছি ও তোমার যখন বিনি চেষ্টায় আপদ বিদেয় হচ্ছে হতে দাও। জানই তো গলায় দড়ি মড়ার সদগতি হয় না? আর পৃথিবীতে যার প্রতি বেসী টান ছিল তার ধারে কাছে ঘুরে ঘুরে আসে! ওই মেয়েটা তো ওর একটাই সন্তান, অবিভ্রিই টান ছিল খুব।”

বড়গিন্নী শিউরে রাম নাম করে উঠলেন।

খুব!

খুব বললে আর কতটুকু বলা হয়? সন্তানে এত আকর্ষণ বড়গিন্নী অন্তত দেখেন নি কখনো!

যাক আর কাঠ-খড় পোড়াতে হল না, ওই এক মশালেই কার্বনিকি হয়ে
গেল মেজবাবুর।

স্বহাসিনী শত অনিচ্ছে নিয়ে সত্যর সংসারে এসে উঠল।

অনিচ্ছে সকলেরই।

নবকুমারের তো যোলআনাই অনিচ্ছে, সত্যরও আগের সেই বেশ একটি
মধুর কর্তব্যের আনন্দ রইল না আর। নেহাতই নীরস কর্তব্যর দায়ে
ঘরে আনল তাকে। বাক্যদত্ত হয়েছিল শঙ্করীর কাছে তাই!

তা এসব তো সেই বছর চারেক আগের কথা!

এখন তো বেথুন স্থলে তিন ক্লাস পড়া হয়ে গেল স্বহাসিনীর!

স্কুলের সুবিধের জন্তেই হোক আর দত্তবাড়ির আওতা-মুক্ত হতেই হোক,
মুক্তারাম বাবু স্ট্রিটের সেই বাড়ি ছেড়ে বাগবাজারে উঠে এসেছিল সত্য।
এ বাড়িতে ভাড়া বেশী, অসুবিধে ঢের, তবে একটা পরমলাভ গন্ধা খুব
নিকটে। নিত্য গন্ধান্নানের পুণ্যঅর্জন হয়।

আর?

আরও একটা আকর্ষণ আছে, যে খবর নবকুমারের অজ্ঞাত। নবকুমারের
অজানিতেই দুপুরবেলা একটা জায়গায় আনাগোনা শুরু করেছে সত্য।

যাক সে তো নবকুমারের অজানিতেই, তার জন্তে নবকুমারের সুখ-দুঃখ
নেই, মোটামুটি সুখেই তো থাকবার কথা তার। কারণ বাড়ির ভাড়া যেমন
বেড়েছে, তেমনি অফিসের মাইনেও তার বেড়েছে অনেক। ছেলে দুটি
প্রত্যেক বছর ফাস্ট সেকেণ্ড হয়ে ক্লাসে উঠেছে, একজন পাস দিয়েছে।
সত্যর অটুট স্বাস্থ্য আর অপরিণীত কর্মক্ষমতা সংসারটিকে একখানি নিটোল
মুক্তার মত করে রেখেছে।

দেশের বাড়িতে মা-বাপও আছেন ভাল।

নিতাইটারও মতিগতি কিরেছে বলা চলে। আর কি চাইবার আছে?
ছিল না।

চাইবার আর কিছু ছিল না, কিন্তু হঠাৎ ভয়ানক একটা লোকসান ঘটে
গেল।

হ্যাঁ, হঠাৎই। আর যা হয়েছে তার চান্না নেই।

বিলা মেখে বজাঘাত ঘটেছে নবকুমারের, যোলো সুখে বিবাহ।

ভবতোষ মাস্টার দ্বান্বদ্য গ্রহণ করেছেন।

‘পতিত’ হয়েছেন।

সাঁইজিংশ

দেশের বাড়িতে আর এক চেহারা ছিল ভাবিনীর। সারাদিন গাধার মত খাটুনি, সারারাত ঘোষের মত ঘুম। সাত চড়ে মুখে ‘রা’ নেই। মামাখন্ডর-বাড়ির তামস প্রাণীকে ঘরের মত ভয়।

কলকাতার বাসায় আসার আগে, এতখানি বয়েস পর্যন্ত নিতাইয়ের সঙ্গে কটা কথা বলেছে তার বৌ, বোধ করি হাতে গুনে বলতে পারে নিতাই। শুধু সেই অনেকদিন আগে যখন একবার বাসায় আসার কথা উঠেছিল তখনই যা বোয়ের একটু স্পষ্ট গলা গুলতে পেয়েছিল নিতাই।

বৌ বলেছিল, “গলায় দড়ি আমার! লোকলজ্জা ভাসিয়ে গালে মুখে চুনকালি মেখে বাসায় যাব তোমার সঙ্গে?”

আশেপাশে কোনোখান থেকে যে “আড়িপাতা”র জীলা চলছে, এ জ্ঞান টনটনে থাকার দরুনই বোধ হয় বোয়ের এই উচ্চ কণ্ঠ।

গুনে নিতাইয়ের চুন মুখো আরো চুন হয়ে গিয়েছিল।

পরদিন মামী বলেছিল, “কি রে নিতাই, পরিবারকে বাসায় নিয়ে যাবি নাকি, তোর ওই পেরাণের বকুটার মতন?”

নিতাই উড়িয়ে দিয়ে বলেছিল, “কী যে বল! ক্ষেপেছ?”

মামী বলেছিল, “আখো বাপু ভবিষ্যতে আমায় ছুযো না! বৌমাকে আমি বলেছিলাম, মনের বাসনা মনে চেপে এখানে পড়ে থাকার দরকার নেই, যাবে তো যাও। তা আবাগীর বেটি বলে কি, ‘তোমাদের পা আঁকড়ে পড়ে থাকব, দেখি আমায় কে নিয়ে যেতে পারে তোমাদের আচ্ছন্ন থেয়ে’।”

মামীর কণ্ঠে পরিতৃপ্তির স্বর বয়ে পড়েছিল।

আর নিতাই তার ধর্মপত্নীর ধর্মজ্ঞানের পরিচয়ে পরিতৃপ্ত হয়েই কলকাতায় এসে নবকুমারের সংসারে ভর্তি হয়েছিল।

কিন্তু সে তো সেই গোড়ার দিকের কথা।

তারপর তো কত জল গড়াল, কত জল ঝোলাল। নিতাইয়ের দশ দশা ঘটল। এবং অবশেষে বন্ধুপত্নীর নির্দেশে অথবা আদেশে আবার সেই পুরনো প্রস্তাব নিয়ে দেশে গেল।

ভেবেছিল বেশ একটু লড়তে হবে।

কিন্তু আশ্চর্যের বিষয় এবারে বিনা যুদ্ধেই রাজ্য দখল হয়ে গেল। ঈশ্বর জানেন কে কোথায় কি কলকাঠি বেড়েছিল, তবে নিতাইয়ের বলার আগেই মামী বললেন, “কতকাল আর ‘মেছে’র ভাত খাবি, বৌমাকে এবার নিয়ে যা।”

মামাও তাই বললেন।

এবং দেখা গেল বৌ বিনাবাক্যে ঝড়ঝড় করে নিতাইয়ের পদাক অনুসরণ করল। তার গালে যে চুনকালি পড়ছে, এমন মনে হল না ভাবগতিক দেখে।

আসলে ব্যাপারটা এই—

নিতাইয়ের চরিত্র-চ্যুতির খবর দেশ পৰ্যন্ত পৌঁছেছিল। কারণ নিম্নে আর মন্দ খবরের পাখা থাকে। আর সে পাখা অনেক ‘অশশক্তি’ সম্বলিত।

শুনে অবধি বৌ ধরাশয্যা নিয়েছিল, আর অভিভাবকরা চিন্তাশ্রিত হয়ে স্থির করছিলেন ঘাঁটি আগলাতে সেনাপতি পাঠানো প্রয়োজন। আর ইতিমধ্যে তো গ্রামের বেশ কয়েকটা বৌ-ই গ্রাম ছেড়েছে। মামীর নিজের বাপের বাড়ির গ্রাম থেকেই চার-চারটে বৌ জামালপুরে চলে গেছে। এখানের একটা গেছে কাঁচড়াপাড়ায়, একটা সাহেবগঞ্জে। “রেলের চাকরি” হয়েছে ছোঁড়াগুলো সাপের পাঁচ পা দেখছে, লজ্জানরয়ের মাথা খেয়ে বৌ নিয়ে বাসায় যাচ্ছে।

অতএব নিতাইয়ের বৌ যদি কলকাতায় যায়ই, জাতিপাত হবে না। তা ছাড়া নেহাৎ অগজার বেশও নয় যখন। বরং কালীঘাটের কালীমাতা বিত্তমান।

জন্মি আপনিই প্রস্তুত হয়েছিল।

তবে নিতাই এত জানত না। নিতাই এক কথায় মত পেয়ে অবাক হয়েছিল।

কিন্তু সে আর কতটুকু?

এখন নিতাইকে মুহূর্তে মুহূর্তে অবাক করছে ভাবিনী!

সে যেন আর এক মূর্তি পরিগ্রহ করেছে।

নিতাই কি স্বপ্নেও ভেবেছিল ভাবিনীর এত ‘মুখ’ আছে ?

কিন্তু ভাবিনীকেও দোষ দেওয়া যায় না।

প্রথম কথা, সে এসেছে ঘাটি রক্ষা করতে, বরকে শাস্তেত্তা করার ব্রত নিয়ে। দ্বিতীয় কথা, এই এতদিনের বিবাহিত জীবনে ‘মুখ’কে অবিরত চূপ করিয়েই রেখে এসেছে ভাবিনী, তা সে ভয়েই হোক আর সুখ্যাতি কিনতেই হোক। সেই রাখার একটা প্রতিজ্ঞা তো দেখা দেবেই।

তৃতীয় কথা হচ্ছে, এখন আর সে মুখকে চূপ করিয়ে রাখার কোনও প্রয়োজন নেই। অতএব এই দীর্ঘকালের রুদ্ধ জল বাঁধ ভেঙে প্রবল কল্লোলে নিজেকে বিস্তার করতে শুরু করেছে।

উঠতে বসতে নিতাই বাক্যবাণে জরজর!

অথচ উর্টে চড়ে ওঠবার মুখ তার নেই, কোথায় যেন হার হয়েছে তার। বোঝা যায় না হারটা কোথায়, অথচ কী এক লজ্জা মাথা তুলতে দেয় না।

আবার সব থেকে মর্যাস্তিক এই, যেখানে নিতাইয়ের পূজার বেদী হৃদয়ের নৈবেদ্য, ঠিক সেইখানেই যেন ভাবিনীর যত আক্রোশ। সত্যবতীর নামে জলে ওঠে সে। অথচ কেন এই অগ্নিদাহ, হৃদয়ঙ্গম হয় না নিতাইয়ের। মাঝে মাঝে জাতটা কি এতও অকৃতজ্ঞ ?

নিতাই ভাবে, কার দয়ায় ‘বাসা’য় আসতে পেলি তুই ? কে তোর জন্তে সংসার গুছিয়ে রেখেছিল ? কে তোর স্বামীকে বিপথ থেকে সুপথে আনল ? এত স্বাধীনতা এত বাবুয়ানা থাকত কোথায় তোর, যদি সত্যবতী না সুপারিশ করত ? ধান সেদ্ধ করতে করতে, ক্ষার কাচতে কাচতে, আর ঢেঁকিতে ‘পাড়’ দিতে দিতেই তো জীবন কাটছিল, আর তাই কাটত !

তা তার জন্তে কৃতজ্ঞতার বালাই মান্ডর নেই ! জানে না নাকি ! নিতাই তো কলকাতার বাসায় পা দিয়েই বলেছিল, “এই যে গিন্নেননার স্বাধীনতাটি পেলো, এর কারণ স্বরূপ হচ্ছে সেই মাছুষটি। বোঠান না হুকুম করলে কোন্ শালা এত বায়েলা পোহাতে যেত।”

ভাবিনীর যে ‘মুখ’ বলে একটা বস্তু আছে, সেই দিনই যেন হঠাৎ একটু আভাস পেয়েছিল নিতাই। ঝগ করে বলে উঠেছিল ভাবিনী, “সভ্য শহরে বাস করলে বুঝি কথা-বাতা এমন চোয়ালে হয়।”

তা ইদানীং কথাবার্তা একটু অসভ্য হয়ে গিয়েছিল নিতাইয়ের। যে

স্বপ্নের যে ফল! যে ‘বন্ধু’ তাকে উচ্ছ্বাসের পথের পথ চেনাচ্ছিল, সে নিজে যে দরেকর, তার গতিবিধিও তেমনি দরেকর ঘরে। কাজেই কথাবার্তা চালচলনে একটু প্রভাব পড়বেই, না পড়ে যাবে কোথায়?

নিতাই ‘শালা’ শব্দটা উচ্চারণ করেই ঈষৎ লজ্জিত হয়েছিল, ভাবিনীর মন্তব্যে আরো দমে গিয়ে বলল, “এ্যাই দেখো। বাসায় পা দিতে না দিতেই ‘যে গিন্নী’ শুরু করলে!”

সেদিন ওইটুকুর ওপর দিয়েই গিয়েছিল।

কিন্তু “দিনে দিনে কলা কলা চাঁদ বেড়ে যায়।” এখন যোল কলায় বিকশিত হয়ে উঠেছে ভাবিনী!

আজ সকালেই হয়ে গেল এক চোট!

রাত থেকে মাথাটা টিপটিপ করে সর্দিজ্বর মত হয়েছিল নিতাইয়ের, বলেছিল ভাতও খাব না, অফিসও যাব না। শুনে একটু প্রসন্নই হয়েছিল ভাবিনী। বাঁজা মাহুঘ, সারাদিন তাকে একাই কাটে, এ তবু বাড়িতে থাকবে লোকটা। চোরের সাজিবাস, একটা দিন একটা দিনই! ছুটির দিনগুলো তো নিতাইয়ের কাটছে আজকাল এক নতুন নেশায়! ঠিক নতুনও নয়, পুরনো নেশা। ঝালানো। দেশে-গ্রামে তো ওই ছিল একমাত্র আনন্দ। মাহুঘরা ধরেছে আজকাল নিতাই আর নবকুমার ফি রবিবার।

অফিসের সহকর্মীদের মধ্যে অনেকেরই একটু এদিক সেদিক বাড়ি বাগান পুকুর আছে, তারা নেমস্তন্ন করে মাহুঘরতে। অতএব শনিবার দুপুর থেকেই ছিপ ছইল বঁড়িশি ‘চার’ নিয়ে ব্যস্ততা পড়ে যায় ছ বাড়িতে।

সে যাক।

আজ রবিবার নয়, তাই খুশি হল ভাবিনী। আর শহরের বাসায় কম কাজ করে করে আয়েসী হয়ে যাওয়া মনে ভাবল, যাক, তাহলে আজ রাঁধবই না। ও যেমন ভাতের বদলে মুড়ি চিড়ে খেয়ে থাকবে, আমিও তাই থাকব। তবে আজ তিথিটা ভাল নয়, দশমী। এয়োৎ রক্ষে করতে একটু মাহুঘ মুখে দেওয়া দরকার। তা রাতে সে লক্ষণটুকু পাললেই হবে। কলসীতে কৈ মাহুঘ জিয়োনো আছে।

সেই মন নিয়েই খানিক বেলায় আধসেলাই কাঁথাখানা আর ছুঁচনুতো পেড়ে নিয়ে বসেছিল ভাবিনী। নিতাই ঘরে শুয়ে পা নাচাচ্ছিল। হঠাৎ উঠে এলে বলল, “এ কী, রান্না না চড়িয়ে কাঁথা পেড়ে বসেছ যে?”

ভাবিনী মুখ কঁচকে বলে, “তুমিই যখন খাচ্ছ না, তখন আর নিজের জন্তে কে আবার হাঁড়ি নাড়ে!”

নিতাই অবাক হয়ে বলে, “তার মানে? আমি খাব না বলে তুমিও হরি মটর? ছি ছি, এ আবার একটা কথা নাকি? খাবে কি?”

ভাবিনী একটা উচ্চাঙ্গের দার্শনিক ভঙ্গী করে বলে, “মেয়েমানুষের আবার খাওয়া! ও তোমার সঙ্গে দুটো খই-মুড়ি খেলেই হবে।”

“এ্যাই ঠাখো! চুমোই জ্বালবে না?”

“দরকার তো দেখছি না কিছু—”

নিতাই ইতস্ততঃ করে বলে, “তবে আর কথা কি। নইলে ভাবছিলাম—”

“কি ভাবছিলে?”

“নাঃ, থাক!”

ভাবিনী কাঁথা সরিয়ে রেখে বলে, “থাকবেই বা কেন? বলই না?”

নিতাই বলে, “না মানে বলছিলাম কি—তেমন কিছু জর তো হয় নি, আলুমরিচের দম দিয়ে দুখানা গরম গরম রুটি খেলে মন্দ হত না।”

রুটি!

রুটি শুনেই ভাবিনীর মাথায় বজ্রাঘাত হয়। রুটি কথাটাই শুনেছে এষাবৎ, হাতে করে গড়ে নি কখনো। তাদের গাঁয়ে-ঘরে ও বস্তুর চলনই নেই। ভাত খাও ভাত, না খাও মুড়ি আছে চিঁড়ে আছে, খই বাতাসা, ফুলুরি কলাইসেদ্ধ আছে, যেমন যার শরীরের অবস্থা বুঝে ‘সেবা’ কর। রুটির কথা ওঠে না!

কলকাতায় এসে নিতাই এই শহরে চালটি শিখেছে। আর একদিন অমনি সন্ধ্যাবেলা বাড়ি ফিরে বলে বসেছিল, “দেহটা কেমন ম্যাজম্যাজ করছে, দুখানা রুটি গড়ো না। ঞাটা নিয়েই এসেছি একেবারে।”

সেদিন একটু অনূতভাষণ করতে হয়েছিল ভাবিনীকে। স্বামীর কাছে মিথ্যা বলার পাপের জন্তে অলক্ষ্যে একবার নাকটা কানটা মলে নিয়ে বলেছিল, “ও হরি! তা কি জানি ছাই! ভাত তো চড়িয়ে ফেলেছি।”

নিতাই অবশ্য রান্নাঘর খানাতল্লাস করতে যায় নি, “তবে থাক তবে থাক” বলে আটার ঠোঙাটা নামিয়ে রেখেছিল। সেই ঠোঙাহুঁক আটা মজুত আছে নিতাইয়ের জানা, কাজেই বাসনাটা প্রকাশ করে ফেলে, অল্প চিন্তায় পড়ে না।

কিন্তু ভাবিনীর মাথায় যে ছুশিস্তার পাহাড় চাপল।

“কটি গড়তে পারব না” বলটাও যেমন কঠিন, “কটি গড়তে জানি না” বলটাও তেমনি কঠিন।

তবু শেষ চেষ্টা করে সে।

বলে, “দিনহুপুরে শুকনো কটি আর কেন থাকে তবে? বরং একটু থিচুড়ি চড়িয়ে দিই, তাই গরম গরম—”

“না না, থিচুড়ি না”, নিতাই ভাবিনীর আশার মূলে কুঠারাঘাত করে, “অন্ন ত্রব্যটা থাক, ওতে শরীর রসস্থ হয়। কটিটা নেহাৎ শুকনো না কর, গাওয়া বি একটু মাখিও। মেলা করো না, ওই খান বারো-চোদ্দো। অন্নাহারই ওষুধ।”

অগত্যই আটার চৌঙা নিয়ে রান্নাঘরে ঢুকতে হয় ভাবিনীকে ভাগ্যকে ধিকার দিতে দিতে। কোথায় আজ কাঁধাখানা মিটিয়ে ফেলবে আশা করছিল, আশা করছিল উহুনের দ্বায়ে ধরা পড়বে না, সে জায়গায় কিনা একেবারে মাথায় আকাশ!

বলা বাহুল্য, কটির ব্যাপারে ভাবিনীর প্রচেষ্টা সাফল্যমণ্ডিত হল না।

কারণ প্রথমই প্রয়োজনাতিরিক্ত জল ঢেলে আটাটাকে প্রায় “শির্ণীতে” পরিণত করে ফেলেছিল সে। তার পর যদিও ছিঁড়েখুঁড়ে বহুকোণবিশিষ্ট খানকয়েক আটার চাকলা বানান হিমসিম খেয়ে, তাদের উহুনে কেলে তুলতে তুলতে পুড়ে উঠল প্রায় সবগুলোই। অথচ আবার গঠন-সৌকুমার্যে জায়গায় জায়গায় কাঁচাও বর্তমান।

ওদিকে হুপুর গড়িয়ে যায়।

নিতাই অহুমান করে নিজের জন্তেও কটিই করছে ভাবিনী! আর সে কটির সংখ্যা অহুমান করে মনে মনে একটু হেসে ধৈর্য ধরে বসে থাকে।

কিন্তু ধৈর্যেরও তো একটা সীমা আছে। পেটের মধ্যে যে সাড়া উঠেছে।

বার বার সাড়া দিয়ে উসখুস করে অবশেষে রান্নাঘরের দ্বারজাতেই এসে দাঁড়ায় নিতাই, “কী এত নশো-পঞ্চাশ ব্যঞ্জন রান্নাছ? বললাম যে শুধু দুখানা কটি আর আলু-মরিচের দম হলেই হবে—”

ভাবিনী আজও মনে মনে নাক-কান মলে বলে, “ওমা তাই কি আবার খেতে পারে মানুষ? একটু সোবানুগের ডাল চড়াচ্ছি—”

“এয়াই জাখো! আবার ওই সব! তাই এত দেয়ি হচ্ছে! দয়কার নেই দয়কার নেই, ওই যা হয়েছে তাই দিয়ে দাও।”

দিয়ে তো দেবে, কিন্তু আলু-মরিচের দম কই?

আলু তো এখনও বুড়িতে।

অগত্যা হাতে হাড়ি ভাঙতে হয় ভাবিনীকে। সবটা নয়, হাড়ির কানাটা। বলতে হয়, “একটু অপেক্ষা কর, দেয়ি আছে।”

নিতাই হটফট করে আর বলতে থাকে, “ও না হয় পরেই হবে। শুধু গুড়-কটিও মন্দ না।”

এতএব শুধু গুড়-কটিই ধরে দিতে হয় ভাবিনীকে স্বামীর পাতের গোড়ায়।

আর জোর কিদের মুখে সেই গুড়ের ডেলা এবং আটার পিণ্ডি দর্শনে নিতাইয়ের সমস্ত রক্তকণিকা মুহূর্তের মধ্যে অগ্নিকণিকায় পরিণত হয়ে “মার মার” করে ওঠে।

খালাটা ধরে দিয়েই ছুতো করে রান্নাঘরে ঢুকে পড়েছিল ভাবিনী। হঠাৎ খালা-আছড়ানোর বন্ বন্ শব্দে চমকে বেরিয়ে এসে দাঁড়িয়ে পড়ল। এতটা আশঙ্কা ছিল না তার। কিন্তু দেখল খালাটা অদূরে নিক্ষিপ্ত।

সব কথানা রুটি একসঙ্গে তাল করে হাতে চটকে নিতাই চোঁচাচ্ছে, “কী হয়েছ কী এ? আমার ছেরান্দর পিণ্ডি? বলি দুখানা রুটি গড়বারও যদি ক্ষমতা না থাকে, বল নি কেন আগে? কোন্ শালা বেতুব খেতে চাইত তা হলে? আমারও যেমন মুখ্যমি! বাজার থেকে দু আনার পুরী-তরকারি কিনে এনে খেলেই চুকে যেত। তা নয় লাধ করে রুটি খেতে চাইলাম আমার কর্মিষ্ঠি পরিবারের কাছে! হঁ। বোঝা উচিত ছিল এসব সভ্য কাজ সবাইয়ের জন্তে নয়। লেই যে বলে—‘বাপের জন্মে নেইকো চাষ, ধানকে বলে দুর্বোদাস!’ এ হচ্ছে তাই। তা শহরে যখন এসেছ, সভ্য কাজ একটু শিখতে হবে বৈকি। তোমার ধান লেঙ্ক ঢেঁকি কোটার মহিমা তো চলবে না এইখানে।* তাই পরামর্শ দিই—একবার আধবার বোঁঠানের কাছে গিয়ে মাল্লবের মতন কাজ-কর্ম শিখে এসো দু-একখানা—”

বড্ড বেশী খিদের মাথায় বড্ড বেশী আশাভঙ্গ হয়েছে বোধ করি মেজাজের ওপর রাশ রাখতে পারে নি নিতাই। কিন্তু সকলেরই ধৈর্যের সীমা আছে।

বিশেষ অপ্রতিভ হয়ে গিয়েছিল বলেই এতগুলো কথা নীরবে শুনেছিল ভাবিনী, মাল্‌ঘটার খিদের মাথায় উত্তর প্রত্যুত্তর করবে নাই ভাবছিল, এবং মনে মনে আঁচ করছিল রাগটা একটু নরম হলে বরং তুতিয়েপাতিয়ে চারটি খই ছুধ—

কিন্তু শেষরক্ষা হল না।

শেষ টান্টা আর সহিতে পারল না যন্ত্রের তার।

ছিঁড়ে পড়ল বন্বানিয়ে।

পড়বেই।

তোমার গায়ে আমার পায়ের আঁগাটা একটু ঠেকে গেছে বলে তুমি আমায় কবে লাথালে আমি সহিব? তোমার গোয়ালে আমার তামাকের কাঠকয়লাখানা ছিটকে পড়েছে বলে আমার ঘরে তুমি আগুন দেবে আর আমি চূপ করে থাকব?...তোমার বাগানে আমার ছাগলটা একবার মুখ লাগিয়েছে বলে গরুর পাল ঢুকিয়ে আমার তামস্ত বাগান তুমি মুড়াবে, আমি ফ্যাল ফ্যাল করে তাকিয়ে থাকব?

ইয়াকি নাকি?

মাল্‌ঘ মানো পাথর নয়।

তাই শেষরক্ষে হল না। নিতাইয়ের কথাটা শেষ হবার আগেই ভাবিনীও “রে-রে” করে তেড়ে এল।

“কী! কী বললে? আর একবার বল তো শুনি? তোমার পেয়ারের বোঁঠানের কাছে আমি যাব রান্না শিখতে? বলি আর কত অপমান তুলে রেখেছ আমার জন্তে? যা রেখেছ একসঙ্গে বার কর। একেবারে বৃকে ভরে নিয়ে মা-গলার কোলে আশ্রয় নিই গে।...রেখে এস, আজ আমায় রেখে এস বাকুইপুরে। এত অপমান সঙ্গে থাকতে পারব না, এই বলে দিলাম সাদা বাংলা।...ও গো মা গো, এই সুখ করাতে তুমি আমায় শহরে এনেছিলে? ঝাড়ু মারি আমি অমন সুখের মাথায়! ভাবছিলাম দোষ হয়ে গেছে, ঘাট মানব, চুকে যাবে জাটা, তার আর ভালপালা গজাবে না। ওমা এ যে দেখি থামেই না! শক্তের ভক্ত আর নয়নের ঘম তুমি, কেমন? উঠতে বলতে নড়তে চড়তে খালি ‘বোঁঠান আর বোঁঠান!’ বলি এতই যদি মস্তুরপুত করে রেখেছিলো বোঁঠান, তো আমাকে আবার আনতে গেছলে কেন? লোকের কাছে মুখ রাখতে? শাক দিয়ে মাছ ঢাকতে? তোমার—”

আবার শেষ ঘাটে ধাক্কা !

আবার কথার ওপর হাতুড়ি !

নিতাই আসন থেকে দাঁড়িয়ে উঠে গলা কাটিয়ে বলে, “কী বললি ?”

“অ্যা ! ‘তুই !’ ‘তুই’ বললে তুমি আমাকে হাড়ি-কাণ্ডার মতন ? এও বোধ হয় শহুরে সভ্যতা ?” ভাবিনী ধেই ধেই করে ওঠে, “তোমায় আমি কড়ে আঙ্গুলের ছেদা করি না বুঝলে ? কানা কড়ার না। চুচরিজ্ঞ স্বামী আবার স্বামী ? হঁঃ। আমি যাব সেই মায়াবিনী ডাকিনীর কাছে শিক্ষে করতে ! গলায় দেবার দড়ি জুটবে না আমার ? যাও, তুমি যাও ছ-বেলা তাঁর পাদোদক খাও গে—”

নিতাই সহসা গম্ভীর হয়ে যায়। হাত দুখানা আড়াআড়ি করে বুকের ওপর রেখে বার দুই পায়চারি করে হঠাৎ দাঁড়িয়ে পড়ে বলে, “পাদোদক যদি জোটে তো শুধু ‘খাবো’ কেন, মাথায় মেখে বর্তাব। তবে এই তোমার মতন মেয়েমানুষেরও সেটা করা উচিত। বিশ বছর তাঁর পায়ের কাছে বসে শিক্ষে করলে, আর ছবেলা পা-ধোয়া জল খেলে যদি তাঁর কড়ে আঙ্গুলের নখের যুগিও হও !”

নিতাই চরম অভিব্যক্তিতে তার হৃদয়ের শ্রদ্ধা প্রকাশ করতে পারে, কিন্তু জ্বর পক্ষে যে পরজ্বর প্রতি এ শ্রদ্ধাপ্রকাশ কাটা যায়ে লুনের তুল্য তাতে তো আর সন্দেহ নেই। অতএব এর পর ভাবিনী যদি কোমরে কাপড় জড়ায়, তাকে দোষ দেওয়া যায় না। ভাবিনী জীবনাবধি যা দেখেছে তাই শিখেছে। ‘দেখা’র উর্ধ্বে শেখবার মত অল্পভূতি কটা মেয়েমানুষের থাকে ?

তা ছাড়া যে মেয়েমানুষ যতই নীরেট হোক নির্বোধ হোক, স্বামীর মন পেলাম কিনা বুঝতে বাধে না তার। আর সে মনের অধীশ্বরী যদি আর কেউ থাকে, তাকে চিনতেও দেয়ি হয় না। কলকাতার মাটিতে পা দিয়েই তাকে চিনেছে ভাবিনী। সেই জ্বালাকর সত্যটা বুঝে ফেলেছে।

এই ভয়ঙ্কর জ্বালা ভাবিনী মহান উদারতায় লহ করে যাবে, এ তো আর হয় না।

অতএব কোমরে কাপড় জড়িয়ে কী যেন একটা ছড়া আউড়ে ছিটকে কাছে সরে আসে ভাবিনী।

“বটে ! বটে ! কড়ে আঙ্গুলের যুগি ! চরিত্রহীন পুরুষের উপযুক্ত কথাই বলেছ ! পরের ইস্তিরী সবই ঝিটি যাদেব ! বলি তোমার প্রাণের

নিধি বোঁঠানের সব ‘খেলা’ জান ? ও কথা তুলি না, তুলতে পিরবিস্তি হয় না তাই তুলি না। তুললেই তো পুরুষের মুখ বুক সব খুলে যাবে। যা দেখবে তাই সূচকে দেখবে। নইলে জেনেছি অনেকদিন। এইবার তোমায় জানাই—স্বামীকে হুকিয়ে রোজ ভরদুপুরে বিবিটি সেজে কোথায় যান গিন্নী, জান সে কথা ?”...

“স্বামীকে লুকিয়ে মানে ?”

নিতাই যেন দুর্বল পক্ষ হয়ে পড়ে। অতএব সবল পক্ষ ভাবিনী কুটিল হেসে বলে, “হুকিয়ে মানে হুকিয়ে! বি মাগীই বলেছে আমার বিকে, ছেলেদেরকে শেখানো আছে ‘বলিস নে’।”

নিতাই বিশ্বাস করতে পারে না সত্যবতীর পক্ষে লুকোচুরি সম্ভব। তাই সগর্জনে বলে, “বিশ্বাস করি না।”

“ও: তাই নাকি ? এইটুকুই বিশ্বাস কর না ? আরও শুনলে না জানি কি বলবে!...বলি তোমাদের ওই জাতধর্ম খোয়ানো মাস্টারটার সঙ্গে তলে তলে কত দহরম মহরম তা জান ? তেনার সঙ্গে তো বেঙ্গধর্মের আগ্নিসে পর্যন্ত যাওয়া হয়েছিল। বলি নি এতদিন, ওর কথা তোমার কাছে কইতে ঘেন্না হয়, তাই বলি নি। আমি বলছি ও মেন্নেমাছুষ একদিন—”

“খবরদার !”

নিতাই তীব্র চীৎকারে এগিয়ে আসে, “মিথ্যাবাদী ! মিছিমিছি করে আর কিছু বলতে যাস তো জিত খসে পড়বে। চূপ, একেবারে চূপ !”

দিশেহারী দেখায় নিতাইকে।

একে তো দুটো অপবাদই ভয়ানক মারাত্মক, অথচ এমনই সর্বশেষে সত্যগন্ধী মত্ত যে একেবারে উড়িয়ে দিতেও বুকে বল আসে না। তত্বপরি আবার সেই ভবতোষ মাস্টার। মাস্টার জাতধর্ম খুঁয়ে বেস্ত হয়েছিল, নিতাইয়ের হাড়ে বাতাস লেগেছিল। ভেবেছিল অন্ততঃ নবকুহারের বাড়িতে আসা যাওয়ার পথে তার কাঁটা পড়ল।

কিন্তু এ কী কথা শোনা যায় মন্মথার মুখে ? দিশেহারীই হয়ে যায় নিতাই।

এই সুযোগে ভাবিনী কোমরের আঁচলটা আর একটু শক্ত করে।

“বলি গায়ের জোরে চূপ করিয়ে রাখলেই তো আর সত্যিটা মিথ্যে হয়ে যাবে না ? আমি এই তোমায় বলে রাখছি, ওই তোমার পেয়ালের বোঁঠান

বেস্ত হবে হবে হবে। ওই যে একটা বুড়ো খিঙ্গী ঘেরে পুবেছে, মিছে করে বলে ভাইঝি, ভগবান জানেন বেধবা না আইবুড়ি, বয়সের তো গাছপাথর নেই, সেটাকে তো আর হিঁচুর সংসারে গছাতে পারবে না? তাই বেস্ত হয়ে তার—”

“তুমি চূপ করবে?”

ভাবিনী মুখে একটা আত্মল ঠেকিয়ে ভেড়িয়ে উঠে বলে, “তবে এই করলাম। কিন্তু আমি চূপ করলেই তো আর জগৎ চূপ করে থাকবে না? জানতে সবই পারবে।”

চূপ সত্যিই তখন করেছিল ভাবিনী।

বোধ করি অস্বাভাবিক স্বামীকে পরাজিত শত্রুপক্ষের মতই দেখতে লেগেছিল বলে অস্ত্র সংবরণ করেছিল।

কিন্তু নিতাই ছটফটিয়ে বেড়িয়েছিল পাগলের মত।

বোঁঠানের দ্বারা এসব সম্ভব?

লুকোচুরি, অভিসার, ব্রাহ্মসমাজে ষাটায়াত, ভবতোষের সঙ্গে চুপি চুপি মেলামেশা! ভাবিনীর অভিযোগ যদি সত্যিই হয়, তা হলে তো ধর্ম মিথ্যে, ভগবান মিথ্যে, জগতে যা কিছু বস্তু আছে সবই মিথ্যে।

অস্থূল শরীর, না-স্নান, না-আহার আরও উদ্ভ্রান্তি আনছিল। ভাবিনী একসময় এসে পায়ে ধরে মাপ চেয়ে ছোটো নারকেল নাড়ু আর এক ঘটি জল নিয়ে সেধেছিল, গলা দিয়ে নামাতে পারে নি নিতাই, “পরে হবে—” বলে সরিয়ে রেখে বালিশে মাথা ঘষতে ঘষতে অবশেষে একসময় ঘুমিয়েও পড়েছিল।

ওবেলা ঘটেছিল এসব।

ঘুম ভাঙল পড়ন্ত বেলায়, নবকুমারের ডাকে।

নবকুমার ব্যস্তসমস্ত হয়ে ঠেলা ঘেরে প্রস্থ করছে, “নিতাই নিতাই, তোদের বোঁঠান এসেছে এ বাড়িতে?”

ধড়মড়িয়ে উঠে বসে নিতাই।

উপবাসক্লিষ্ট শরীরে মাথাটা ঝিমঝিম করে ওঠে, প্রশ্নের কথাটা চাই করে হৃদয়ঙ্গম হয় না। তাই উত্তরের বদলে নিজেরই সে প্রশ্ন করে, “কি? কে এসেছে?”

“আরে বাবা তোর বোঁঠান ছাড়া আর কে? আর কাকে খুঁজে বেড়াব

আমি ? ভেতরে গিয়ে একবার খবর নিয়ে আয় দিকি, বৌমার কাছে বেড়াতে এসেছে কিনা ?”

নিতাই হতচকিত দৃষ্টি মেলে আস্তে মাথা নাড়ে ।

“কী মুশকিল ! বসে বসে হাত গুঁড়ি কেন ? তুই তো ঘুমোচ্ছিলি মদারাম ! ইত্যবসরে এসেছে কিনা—”

এতক্ষণে বড়সড় একটা কথা বলে নিতাই ভেবেচিন্তে, “কেন বাড়িতে নেই ?”

“এই দেখ ! থাকবেই যদি তো আমি ছুটে এসে হামলা করছি কেন ? ওঠ তুই একবার—”

অগত্যাই উঠতে হয় নিতাইকে ।

এবং বাড়িতে তৃতীয় ব্যক্তি না থাকার অস্ববিধেটা হঠাৎ এখন স্পষ্ট করে উপলব্ধি করে নিতাই ।

ভিতরে গিয়ে ওই প্রদ্বারটা এখন করতে হবে ভাবিনীকেই । নিতাইয়ের মুখ থেকেই বার করতে হবে, “বৌঠান এসেছেন ?”

উত্তরটা যা আসবে সে তো নিতাইয়ের জানাই । নেহাৎ নবকুমারের নির্বেদেই ওঠা । নইলে সত্যবতী এসেছে, আর নিতাই টের পায় নি ? ঘুমিয়েছিল বৈ তো মরে ছিল না ?

খানকয়েক বাড়ির ব্যবধানেই দুটো বাড়ি । আসা-যাওয়া তো আছেই । ভাবিনী আসার পর তার স্ববিধে অস্ববিধে দেখতে প্রথম প্রথম খুবই এসেছে সত্য, কিন্তু ভাবিনীর অনাগ্রহেই যাওয়াটা আসাটা কমিয়ে ফেলেছে ।

কিন্তু সে সব আসা বেশীর ভাগই নিতাইয়ের অল্পস্থিতিতে । উপস্থিতিতে মৈবাৎ । আজই কি আর হঠাৎ সেই সৌভাগ্য—

নবকুমারের অধীরতায় উঠে গেল নিতাই । ভিতরে গিয়ে এদিক ওদিক ঘুরে চলে এসে মাথা নাড়ল ।

মান খুইয়ে জিজ্ঞেস আর করতে হল না ।

দেখল ভাবিনী একা বদে সন্ধ্যার অন্ধকার তুচ্ছ করে সেই কাঁথাখানাই সেলাই করছে । ভরসন্ধ্যায় যে ছুঁচসুতো হাতে করতে নেই, এ শিক্ষাও যেন বিস্মৃত হয়ে গেছে ভাবিনী ।

“কী হবে নিতাই ?” নবকুমার প্রায় ‘ভঁয়াক’ করে কেঁদে ফেলে ।

নিতাই গুৰুমুখে বলে, “আর কোথাও গেছেন হয়তো !”

“আর কোথায় যাবে? একা আর কোথায় যাবে?” নবকুমার কাতর ভাবে বলে, “কপালক্রমে ঠিক এই সময় তুড়ু খোকা ছুদিনের জন্তে ওদের ঠাকুমা-ঠাকুদাকে দেখতে বারুইপুর গেছে—”

“একা গেছে?” চমকে ওঠে নিতাই—

“না. না। আমাদের অবনী যাচ্ছিল দেশে—ভাবলাম ওদের তো ছুটি রয়েছে, যাক ছুদিন। দেশভিটে কিছুই তো চিনল না! কী করে জানব এই ফাঁকে এই বিপদ হবে!”

নিতাই আরও শুককণ্ঠে বলে, “তোমার সঙ্গে কোনও বচসা-টচসা হয় নি তো? মানে গঙ্গার দিকেটিকে—”

“না না। সে সব কিছু নয় নিতাই! তবে আমাকে না জানিয়ে তো তুড়ুর মা কোথাও—”

আবেগের মুখে এসেছিল নিতাইয়ের, “তা তিনি যান। শুনেছি সে খবর—”

কিন্তু আবেগকে প্রশমিত করে। আশ্বে অন্ত কথা বলে, “সেই যে মেয়েটা—মানে সুহাস আর কি— সে নেই?”

“সে তো ইস্কুল থেকে এসে পর্যন্ত না দেখে ভাবনা করছে। ঝিটাও কিছু জানে না। কী হবে নিতাই?”

কী হবে, কী হচ্ছে, কী হতে চলেছে, তার কি কিছুই জানে নিতাই? তার শূন্য মস্তিষ্কে যেন সহস্র বোলতা শনশনিয়া ওঠে। মাথার ভার ঘাড় বহন করতে রাজী হয় না। বামিশে ধপ করে মাথাটা ফেলে ভাঙা গলায় বলে ওঠে নিতাই, “আমি তো কিছুই বুঝতে পারছি না।”

কিন্তু আর একজন তো সবই বুঝতে পেরে ফেলেছে।

নিতাইয়ের ওই একবার নিঃশব্দে অন্তঃপুরে পাক খেয়ে আসার পর মুহূর্তেই কাঁথা ফেলে উঠে এসেছে ভাবিনী।

দরজার ফাঁকে চোখ কান রেখে আড়ি পেতে এ পিঠের কথাবার্তা শুনেছে, এবং শুনেই সমস্ত রহস্য হৃদয়ঙ্গম করে ফেলেছে।

একটা বদ বিচ্ছিন্নি মেয়েমানুষের জন্তে দু-দুটো দস্তিপুরুষ যে এরকম মচ্ছিভঙ্গ হয়ে পড়বে, এও তো অসহ! চোখে দেখাই শক্ত!

ওই অসহ ব্যাপারটা আর বেশীক্ষণ বরদাস্ত করতে পারে না ভাবিনী, ঠনঠনিয়া দরজার শেকলটা নেড়ে দেয়।

সেই ঠনঠনানির মধ্যে যেন কোনও রহস্যবর্তার ইশারা।

ছেলের বোঁ যেমনই হোক, নাতি বড় জিনিস। বংশধর, সর্বেশ্বর, নাড়িতে নাড়িতে বাঁধন। ছেলে দুটো আসা অবধি এলোকেশী যেন উথলে বেড়াচ্ছেন। অবিজ্ঞি সঙ্গে সঙ্গে বোয়ের নিম্নেরও বিয়াম নেই। ‘যে ছোটলোকের বেটা’ তাঁকে এই পরম বস্তু থেকে বঞ্চিত করে রেখেছে, তার যে কখনো ভাল হবে না, এ বিষয়ে শেষ রায় দিয়ে এলোকেশী নাতিদের যত্নে তৎপর হয়ে বেড়াচ্ছেন। কার্ণণ এবার ওরা একা এসেছে। কোন-কোনবার পূজায় আসে, বাপের সঙ্গে তিন-চারটে দিন মাত্র থাকে, বিশেষ হাতে পান না! না, সত্য আর আসে নি। এলোকেশী আর তার মুখ দেখতে চান না, সেটা বড় গলায় জানিয়ে দিয়েছেন। ছেলেদের পৈতে দিয়ে গেছে ভিটের এসে, তাও নবকুমার একা। দুই ছেলে একসঙ্গে মাথা মুড়িয়ে দিয়েছে। কৃপণস্বভাব নীলাশ্বরের বাড়িতে সমারোহময় কাজের ধরণও নেই। নবকুমার শেখে নি।

আর সত্য? তার যদি বা কোনো সাধ থেকেও থাকে, এলোকেশীর কথা ভেবে সে সাধ তুলে রেখেছে। সমারোহ করতে গেলেই তো তাঁদের সঙ্গে যোগাযোগ করতে হবে। এ বয়স কদিন বিকে রাত্তিরে থাকতে বললেই বেশ থাকতে পারবে সত্য। তাই থেকেছে।

ভারী তো মনিয়ি সাধন সরল, তুড়ু খোকা ছাড়া পোশাকী নামে যাদের আজ পর্যন্ত কেউ ডাকে নি, বড় একেবারে থাইয়ে, তবু তাদের জন্তে পুকুরে জাল ফেলা হচ্ছে, টাটকা চিঁড়ে কোটানো হচ্ছে, পিঠে পায়স, নাদু, পাটিসাপটা, গোকুল পিঠে, ক্ষীরতস্তি ইত্যাদি করে যতরকম জানা আছে এলোকেশীর, একটু ভুল বলা হল—যত রকম বানাতে জানা আছে লহর, সব চলছে একধার থেকে।

নাকে নল ছেঁচে যাচ্ছে লহর।

নীলাশ্বর অবশ্য এক আখবার বলছেন, “ওরে তোদের পেট-টেট ভাল আছে তো? দেখিস, দিনকাল ভাল নয়। শেষে আবার কলকাতায় ফিরলে তোদের মা না বলে ঠাকুমার কাছে আদর খেয়ে পেটের রোগ ধরিয়ে এনেছে!”

কিন্তু এলোকেশী সে কথায় কর্ণপাত মাত্র করছেন না।

নাতিদের অস্থখ এবং বোয়ের 'কথা' শোনানো সম্পর্কে তাঁর মনে লেশমাত্রও ভয় আছে বলে মনে হচ্ছে না। বরং ঝঙ্কার দিয়ে বলে উঠেছেন, "তুমি খাম তো! অস্থখই বা হতে যাবে কেন? বালাই ঘাট! আমি কি পচা পাস্তো খাওয়াছি নাতিদের? অস্থখ যদি হয় তো বলতে হবে যে ওদের গর্ভধারিণীর গুণেই হয়েছে। শহরে গিয়ে শহরে চাল ধরেছেন, ছেলে দুটোকে আধপেটা খাইয়ে খাইয়ে পেট মেরে রেখেছেন। সারা দিনমানে একবার বৈ দুবার ভাত নয়!...আর নবুকে আমার আমি তিনবার করে ভাত দিতাম। সকালবেলা কী খাচ্ছে ছেলেরা, না গজা জিলিপি তিলকুট! দোকান থেকে কিনে আনিয়ে রাখে। কেনা খাবারে ছেলপিলের পেট ভরে? কেন সকালে একবার দুটো ফেনাভাত দিতে হাতে পোকা পড়ে?...ইস্কুল থেকে এসে খাবার কি? না পরোটা। খিদের সময় ময়দা? দেখলে চোখ ফেটে জল আসে না ছেলেদের?...নবু আমার একদিন যদি ইস্কুল থেকে এসে মাছ-ভাতের বদলে অল্প কিছু দেখেছে তো ছুঁড়ে ফেলে দিয়ে কেঁদেছে!"

সহ এক-আধবার বলতে চেষ্টা করেছিল, "তা নবুর ছেলেদেরও যে কান্না আসে, তা বলেছে ওরা তোমাকে?"

এলোকেশী সে কথাও উড়িয়েছেন।

বলেছেন, "বলবে আর কোন্ সাহসে? যে খাওয়ারনী মা, ভয়ে তার বিপক্ষ কথা একটা বলতে পারে? বড়টাকে খুঁচিয়ে খুঁচিয়ে যদিবা দু-একটা পেটের কথা টেনে বার করছি, ছোটটা একেবারে তুখোড় পাকা। জানে কথা প্রকাশ পেয়ে গেলে মা আর আমার কাছে পাঠাবে না, তাই—"

"আহা প্রকাশেরই বা আছে কি? বৌ তো আর বাসায় গিয়ে চুরি ডাকাতি করছে না?"

"চুরি ডাকাতি না করুক, অনেক কাণ্ডই তো করছে। কোথাকার একটা অথন্তে অবন্তে ছুঁড়িকে তো পুষছে, তাকে পরমা খরচ করে ইস্কুলে দিয়েছে, বই খাতা কিনে দিচ্ছে, সে তো গেল। নিজে নাকি রোজ দুপুরে কোথায় গিয়ে গিয়ে মেয়ে পড়াচ্ছে। বিত্তেবতী লীলাবতী! বলি চুরি-ডাকাতির চেয়ে কমটাই বা কি হল তা হলে? বাবার জন্মে শুনেছিল কেউ এ কথা? ভদ্রঘরের বৌ যায় গুরুমশাইগিরি করতে?"

নীলাধরও অবজ্ঞা এ সংবাদে হিটকে উঠেছিলেন, গাল দিয়ে নবকুমারের পিতৃজ্ঞান ঘটিয়ে সংকল্প ঘোষণা করেছিলেন, নিজে গিয়ে খড়ম পেটা করে

ছেলে বোকে গাঁয়ে ফিরিয়ে নিয়ে আসবেন, পরে সে সংকল্প ত্যাগ করেছেন। বলেছেন, “নাঃ, গাঁয়ে এনে আর দরকার নেই! জাত যা যাবার তা তো গেছেই, ও বোয়ের হাতের ভাত তো আর খাচ্ছি না আমরা, মিথ্যে আর ধরা বাঁধার দরকার কি? এ বরং বাইরে বাইরে আছে, এখানে আনলেই তো পাড়া জানাজানি। ঘোমটা দিয়ে কোণে বসে থাকবার বোঁ যখন নয়, তখন চোখের আড়ালে থাকাই মঙ্গল। বরং ছেলে ছুটোকে যদি হাত করতে পার সেই চেষ্টা দেখ। আথেরে বুড়ো-বুড়ীকে দেখবার একটা লোক তো চাই!”

এলোকেশী গলা খাটো করে মুচকি হেসে উত্তর দিয়েছিলেন, “সে চেষ্টার কসুর করছি মনে করছ? মায়ের ওপর মন বিষ করে তোলবার জন্তে, মায়ের যত গুণাগুণ সবই ব্যক্ত করছি। তবে মায়াবিনীর যে মহামন্তর জানা! ছেলেরা মাতৃভক্তিতে ডগমগ। মন্তর মইলে আমার নিজের পেটের ছেলেরা এমন পর হয়ে যায়?”

সাধন সরল অবশ্য ভেতরের এত কথা জানে না, তারা প্রাণভরে ছুটির আনন্দ উপভোগ করছে। কলকাতার ধরা-বাঁধা জীবনের বাইরে এসে, শৈশবের লীলাভূমি ফিরে পেয়ে, মাঝে মাঝে সত্যিই মায়ের ওপর রাগ হচ্ছে তাদের। মায় জেদের জন্তেই যে কলকাতায় বাস, সেটা সবিস্তারে এবং স-নিশ্চয় শুনছে তো উঠতে বসতে।

তবে সছু গ্রাম্য কথা কয়।

অবশ্য মামীর সামনে তত নয়, কারণ এলোকেশীর স্বগরজিগী মূর্তিকে সে বড় ডরায়। রাতের খাওয়ার সময় একলা পায় ভাইপোদের, এলোকেশী সন্ধ্যার মধ্যে বিছানা নেন। সছু ভাত বেড়ে দিয়ে কাছে বসে গল্প করে। বলে, “ঠাকুরমার কথায় তো মাকে ছুঁতাম, বলি মা যাই টেনে হিঁচড়ে নিয়ে গেছল তাই মা এই বয়সে এতটা পড়া করেছিল, ভাল ভাল করে পাস করছিল। এখানে থাকলে হত এসব? দেখছিল তো এখানে তোদের বইসী ছেলেদের। কেউ এরই মধ্যে পড়া ছেড়ে দিয়ে মাছ ধরছে আর তামাক খাচ্ছে, কেউবা একটা কেলাশে তিন চার বছর ঘবটাচ্ছে। না লভ্যতা না ভব্যতা। বামুনের ঘরের ছেলেরা আর চাবার ঘরের ছেলেরা তফাত বোঝবার উপায় নেই।”

সাধন ঠাকুরমার মুখের বচন ঝেড়ে বলে, “তা এত এত দিন, এত এত যুগ

ধরে লোকে তো দেশগাঁয়েই থেকেছে ? তারা কি আর মাহুয নয় ? মায়ের বাবাও তো পাড়াগাঁয়ের ছেলে ?”

“তোদের দাদামশাইয়ের কথা বলছিস ? তাঁর কথা বাদ দে । তিনি হলেন হাজারে একটা । তবে তিনি কি আর তোর এই ঠাকুদার মতন বদ্ধজলা ? তিনি হলেন নদীর মতন । শুধু পাড়াগাঁয়ে কেন ? শহর-বাজারেই তাঁর অনেক দিন পর্যন্ত কেটেছে । তা হ্যাঁ রে—মামার বাড়ি যাস-টাস না ?”

“না তো !”

“যাস না ? আমি বলি, এখন তোর মা স্বাধীন হয়েছে, হয়তো—”

হঠাৎ সরল ফট করে বলে বসে, “মা আবার একলা একলা কি স্বাধীন হল ? আমাদের দেশের কেউই তো স্বাধীন নয়, ভারতবর্ষটাই তো পরাধীন ।”

সহু কথাটা চট করে অহুধাবন করতে পারে না, বলে, “ভারতবর্ষটা কি বললি ?”

“পরাধীন, পরাধীন ! গোরা সাহেবরা রাজা নয় ?”

সহু সবিস্ময়ে প্রশ্ন করে, “ওমা ! শোন কথা, ওদের রাজ্য ওরা রাজা হবে না ?”

“বাঃ ওদের রাজ্য কি করে হবে ? ওরা কি আমাদের এ দেশের লোক ?”

“তা ওরা তো রাজার জাত ? তা ছাড়া ওরা সমুদ্রের ওপার থেকে এসে তোদের কত ভাল করছে !”

“ভাল করছে না হাতী ! অনেক লোকসানই করেছে বরং । আর মা বলেন যে যার নিজের দেশের মালিক হবে এই নিয়ম । যারা পরের দেশে এসে লোভ করে সেখানে শেকড় গেড়ে বসেছে, তাদের—”

সহু অবাক হয়ে বলে, “এই সব কথা বলে তোদের মা ? তা হলে তো দেখছি মামী মা বলে মিথ্যে নয় ! মাথারই দোষ । কিন্তু ওসব কথা বলতে নেই রে থোকা, সাহেবরাই তোদের বাপের অন্নদাতা ।”

অন্নদাতা কথাটার সম্যক অর্থ বুঝতে না পেরেই বোধ করি সরল উত্তর দেয় অল্প পথে, “মা তো সাহেবদের নিন্দে করেন না, শুধু বলেন, সব ছেলেরই মনে এই চিন্তা নিয়ে মাহুয ছওয়া দরকার, পৃথিবীর মধ্যে মাথা উচু করে দাঁড়াতে হবে । তা দেশটাই যাদের পরাধীন, তারা আর মাথা উচু করবে কি করে ?”

সহু হতাশ নিখাস ফেলে বলে, “কি জানি বাবা, ওসব কথার মর্ম বুঝি না। তোর মায়ের চিরদিনই চোটপাট কথা, উদ্ভুটে বিদ্ভুটে চিন্তা। এত দেশ থাকতে কিনা সাহেব বাড়ালী নিয়ে মাথা ঘামানো, কে রাজা কে প্রজা তার ভাবনা! আজন্ম পরাধীনতায় কাটল, স্বাধীনতা কাকে বলে তাই জানলাম না। তার মর্ম বুঝবো কি ছাই। মাহুষ পরাধীন হয় তাই জানি, দেশের আবার স্বাধীন পরাধীন? যাক গে মরুক গে ওসব কথা, তোর মা নাকি গুরুমশাইগিরি করতে যায় রে?”

সাধন সরল দুই ভাই একবার মুখ চাওয়াচাওয়ি করে, তার পর সরলই সহসা সবগে বলে ওঠে, “তা বল না দাদা, ভয়টা কি? মা তো বলেছেন, লুকোচুরি মিথ্যে কথা, এর বাড়ি পাপ নেই। তবে বাবাকে বলতে মানা, বাবা পাছে মাকে যেতে নিষেধ করেন। নিষেধ করলে তো মুশকিল। অথচ মাস্টার মশাই বলেছেন—”

সহু চোখ কঁচকে বলে, “মাস্টার মশাই কে?”

“বাঃ মাস্টার মশাই কে জান না? ভবতোষবাবু। বাবাকে যিনি—”

“বুঝেছি! বুঝেছি! তা সে না ব্রহ্মজ্ঞানী হয়ে গেছে?”

সাধন ভয়ে ভয়ে মাথা কাত করে।

“তার সঙ্গে বৌ কথা কয়?”

সাধন ততোধিক নব্রতায় আর একবার মাথা কাত করে।

“ব্রহ্মজ্ঞানী হয়ে যাবার পরও তোদের বাড়িতে আসে সে?”

“না, বাড়িতে আসেন না—”, সরল গম্ভীর ভাবে বলে, “বাবা তো তাঁর মান রাখেন নি, বাড়িতে ঢুকতে বারণ করেছেন। তাই মা বলেন, ‘বেশ আমিই তাঁর বাড়ি যাব। মাস্টার মশাই কত উপকারী—’”

সহু গালে হাত দিয়ে বলে, “তোদের কথা শুনে আমি তাজ্জব হয়ে যাচ্ছি তুড়ু, ইচ্ছে হচ্ছে গিয়ে দেখে আসি তোদের মার আর দুখানা হাত-পা বেরিয়েছে কিনা। যা জিভুবনে কেউ শোনে নি, সেই সব ঘটনা ঘটাচ্ছে সে? কিন্তু এও বলি, এককালে মাস্টার উপকার করেছে বলে, এখন জাতধর্ম নষ্ট করার পরও কি দয়াকর তার কাছে যাবার?”

যে কথা মনে আনাও পাপ, হঠাৎ তেমনি একটা সন্দেহ দংশন করে ওঠে সহুকে। তাই এই প্রশ্ন।

কিন্তু সাধন ততক্ষণে সহুত্তর দিয়েছে।

“পাঠশালা তো মাস্টার মশাই-ই বানিয়েছে। বুড়ো বুড়ো গিন্নীরা অ আ ক খ শিখতে আসে। মাস্টার মশাই বলে, দিনভোর গালগল্প করে, তাস খেলে আর কৌদল করে—নয়তো বা ঘুমিয়ে নষ্ট করার চাইতে কত ভাল কাজ লেখাপড়া শেখা, তাই ‘সর্বমঙ্গলা তলা’য় দুপুরবেলায় ওই পাঠশালা খুলে দিয়েছে। তোমাদের মতন বড়রাও পড়তে আসে।”

সহু একটা নিখাস ফেলে বলে, “এজন্মে যদি কখনো মরি, তবে আবার তোদের ওই কলকাতায় জন্মাব, আর তোর মার ইস্কুলে পড়ব।”

“তা এখনই তো পড়তে পার ?”

“পারব। সেই একেবারে যখন চিতায় শোব। নে ভাত কটা যে পাতে পড়েই আছে।”

“খাচ্ছি। বাবা, রাতদিন যা খাচ্ছি—আর পেটে ধরছে না।”

“তবে থাক, জোর করে খাস নে।”

সাধন সহুর সেই হঠাৎ স্থির হয়ে যাওয়া মুখটার দিকে একটুক্ষণ তাকিয়ে থেকে আশ্তে বলে, “পিসি, তুমি চল না, আমাদের সঙ্গে—”

“আমি ?” সহু হঠাৎ চড়ে উঠে বলে, “আমি কলকাতায় যাই আর এই বুড়োবুড়ী দুটো না খেয়ে মরুক।”

“আহা চিরকাল কি ? দু-একদিনের জন্তে বেড়াতে—”

“থাক বাবা। তুই যেতে বললি এই ঢের, বেড়াতে আর এজন্মে কোথাও যাচ্ছি না, যাব তো চিরকালের মতন সেই যমরাজার বাড়িতে। তবে বড় হয়েছিস তুই, চুপি চুপি একটা যদি কাজ করতে পারিস। কাউকে কিছু বলতে পারি না। যে বলবে সে আমার মরা মুখ দেখবে—”

“আহা কি কাজ তাই বল না ?”

“বলছি—তোদের ওই বাগবাঙ্গারেই, তাই বলছি। ওখানের একটা বাসার ঠিকানায় একখানা চিঠি দেব, পৌঁছে দিতে পারবি ?”

সাধন মহোৎসাহে বলে, “কেন পারব না, কত নম্বর বল ?”

“লেখা আছে দেব। কিন্তু—শোন্ কেউ ঘেন না জানতে পারে।”

“জানতে না পারে ? কেন বল তো পিসি ?”

“পরে বলব।”

আটত্রিংশ

হারিয়ে যাওয়া সত্য যখন বাড়ি ফিরল, তখন সন্ধ্যা হয় হয়। একটা ভাড়াটে ঘোড়ার গাড়ি থেকে নামল সত্য, সঙ্গে একটি গিন্নীবান্নি বিধবা।

“তুমি একটু দাঁড়াও বাছা, গাড়োয়ানটাকে আগে বিদেয় করি—”, বলে সত্য ভিতরে ঢুকে আসে। সুহাস তখন এ-জানলা ও-জানলা করে ছটফটিয়ে বেড়াচ্ছে, নবকুমার নিতাইয়ের বাড়ি থেকে ফেরে নি।

সত্যকে দেখেই সুহাস প্রায় চোঁচিয়ে ওঠে, “পিসিমা!” সে স্বরে অভিযোগ।

সত্য ব্যস্তকণ্ঠে বলে, “হবে, জবাবদিহি হবে, এখন গঙ্গাজলে হাত ধুয়ে আমার ওই হাতবাক্স থেকে চার আনা পয়সা বার করে দে দিকি, গাড়ির কাপড়ে আর বাক্সটা ছোঁব না।”

আঁচলের গিঁট খুলে চাবিটা ফেলে দেয় সত্য সুহাসের সামনে।

সুহাস স্বল্পভাষিনী, নেহাৎ অস্থির হয়েছেই চোঁচিয়ে উঠেছিল। আর কথা বলে না, নিঃশব্দে আদেশ পালন করে। শুধু অলক্ষ্যে বার বার দেখে নেয় সত্যকে। রহস্যময়ী সত্যকে।

গাড়ির ভাড়া দিয়ে গাড়োয়ানকে বিদেয় করে সত্য সেই মেয়েমানুষটিকে বলে, “নাও বসো, হাতেমুখে একটু জল দাও, একটু মিষ্টিমুখ কর, তবে যেও।”

মেয়েমানুষটি হুটুচিস্তে বলে, “আবার মিষ্টি কেন মা? তোমার ঘরদোর দেখলাম চিনে গেলাম, এই ঢের। তোমার মিষ্টি কথাই ‘মিষ্টি’ মা, গুনলে শরীর নীতল হয়।”

“তা হোক, তুমি আমার সঙ্গে এতটুকু করলে, একটু মিষ্টিজল না খাইয়ে ছাড়ব না।” বলে সত্য ফট করে গায়ের সিঁকের চাদরটা রেখে কলের ঘরে ঢুকে কাপড়টা গেমিজটা কেচে ফেলে ভিজ়ে কাপড়েই ভাঁড়ার থেকে দুটো নারকেল নাড়ু বার করে এক খাট জল দিয়ে খেতে দেয়।

মেয়েমানুষটি বিদায় নিলে সত্য শুকনো কাপড় পরে ঘরে এসে বসে সুহাসকে উদ্দেশ করে বলে, “তার পর? আমার নামে ছলিয়া বেরিয়ে গেছে বোধ হয়?”

সুহাস অস্তিত্বকে ষাড় ফিরিয়ে বলে, “ছলিয়া আবার কি? পিসেমশাই অস্থির হয়ে বেরিয়ে গেলেন, এই পর্বন্ত।”

“এই একদিনেই তোর পিসের কাছে আমার সব কীর্তি ফাঁস হয়ে গেল দেখছি”—সত্য বলে, “পাঠশালার খবরটা এযাবৎ চেপেচুপে ছিলাম—”

স্বহাস বোধ করি আজকের স্বযোগে তার মনের সম্ভ্রষ্ট প্রকাশ করে বসে। মুখ তুলে ঝপ্ করে বলে ফেলে, “তা চাপাচাপিই কি ভাল? এদিকে তো তোমরা নিজেরাই বল স্বামী মেয়েমানুষের দেবতা!”

সত্যর মুখে আসছিল বলে, “তোমার যে দেখি স্বামী না হতেই স্বামীভক্তি!” কিন্তু সামলে নেয়। কে জানে মেয়েটার কপালে “স্বামী” আছে কিনা। নিরুপায় বুদ্ধিহীন মা তো কুমারী মেয়েকে বিধবা পরিচয় দিয়ে তার ভবিষ্যতের পায়ে কুড়ুল মেরে রেখে গেছে। এই রূপের ডালি মেয়ে, সত্য নব্র, লেখাপড়ায় কত চাড়, এ মেয়েকে যে স্বামী পেত, সে তো দত্ত হত!

কিন্তু হয়তো দুঃখিনীর ভাগ্য দুঃখেই যাবে। তবু মনে স্থির করে রেখেছে সত্য, শেষ অবধি লড়বে মেয়েটার জন্তে। তাই না ব্রহ্মজ্ঞানীদের সম্পর্কে ঔৎসুক্য সত্যর, তাদের সঙ্গে চেনাজানার বাসনা।

ব্রহ্মজ্ঞানীরা নাকি খুব উদার।

বালবিধবা মেয়ের বিয়েতে নিষেধ নেই তাদের। সত্য প্রথমে ভেবেছিল সত্য ঘটনা প্রকাশ করে দেবে স্বহাসের কাছে।

কুমারী পরিচর্যেই স্কুলে ভর্তি করে দেবে তাকে, কিন্তু সাতপাচ ভেবে সে ইচ্ছে স্থগিত রাখতে হয়েছে। প্রথম তো এত বড় আইবুড়ো মেয়ের কৈফিয়ত অনেক জাত ষাওয়ার প্রশ্নও আছে। তা সে হয়তো সত্য তার শ্রায়ভাবণের জোরে একরকম করে মানিয়ে নিত, “গরীবের মেয়ের বিয়ে দিলে দিতে পারে না সমাজ, জাতটা নিয়ে নিতে পারে?” এ তর্ক তুলত। কিন্তু বাধা অগ্রদিকেও।

এত বড় নিষ্ঠুর সত্য প্রকাশ হয়ে পড়লে মাকে কী ভাববে স্বহাস? কোন দিনই কি প্রাণ থেকে ক্ষমা করতে পারবে মাকে? যখন স্তনবে কেবলমাত্র নিজের সুবিধার্থে মা তার কপালে দুর্ভাগ্যের ছাপ দেগে রেখে দিয়েছে, আজন্মকাল খাওয়ানরা থেকে বঞ্চিত করে রেখেছে, মা কি নিতাস্ত ছোট হয়ে যাবে না তার চোখে? স্বার্থপরতার নির্মমতায়? সে যে মরার ওপর ঝাঁড়ায় না!

আর যদি মাকে সে দেবীর আসনে বেদীতে বসিয়ে রেখে থাকে,

বিশ্বাসের ভালবাসায় ভক্তির নড়চড় না হয়, তা হলে হয়তো বা সত্যকেই সন্দেহ করে বসবে। ভাববে সত্যই এখন তার বিয়ের সুবিধে করতে—

এইসব সাতপাঁচ ভেবেছে সত্য সুহাসের সম্পর্কে। ভেবেছে, থাক, আরও একটু জ্ঞানবুদ্ধি বাড়ুক। সতিমিথ্যে বোঝবার চোখ হোক। তখন দেখা যাবে।

তাই এখন ওদিক দিয়ে না গিয়ে সত্য দোষ মেনে নেওয়ার ভঙ্গীতে বলে, “স্বামী দেবতা এ কথা শুধু আমরা কেন, ত্রিজগতের সবাই বলে। কিন্তু দেবতার অসন্তোষ ঘটনোও তো দোষের রে! আমি পাঠশালা খুলে গুরুমশাইগিরি করছি শুনলে, তোর পিসে অসন্তোষের পরাকাষ্ঠা করবে বৈ তো না? অনর্থক রাগিয়ে দিয়ে লাভ? তাকেই মনে যন্তরা দেওয়া। আর না বুঝেহুঝে ছুঁ করে যদি বারণ করে একটা দ্বিবিদ্যাদিলেশা দিয়ে বসে, তাতেও তো বিপদ!”

সুহাস একটু চুপ করে থেকে আস্তে আস্তে বলে, “তা পিসেমশাই যাতে রাগ করতে পারেন, সে কাজ তোমার না করাই উচিত।”

সত্য সুহাসের এই সন্ধিবেচনার কথায় খুশি হয়, তবে সত্য মনে মনে একটু হাসে। ভাবে তাই যদি উচিত হত, তুই কোথায় থাকতিস বাপু? এত কথা ভাববার মত বুদ্ধিই বা পেতিস কোথা থেকে? কম লড়ালড়ি করতে হয়েছে ওর সঙ্গে তোর জন্তে? তোকে কাছে রাখা নিয়ে তো বটেই, তা ছাড়া ইস্কুলে ভর্তি করা নিয়ে?

সাহেবী ইস্কুলে পড়ালে মেয়েকে, সে মেয়ের হাতের জল খাওয়া চলবে না, এ বলেও নিবৃত্ত করতে চেয়েছে নবকুমার। তবু সত্য ব্যাপারটা ষটিয়ে তুলেছে।

মনে পড়ে গেল সত্যর সেই কথাটা এই ‘উচিত অসুচিত’ের প্রসঙ্গে। মুখেও আসছিল, সামলে নিল, যুহু হেসে বলল, “তুই তো দেখছি অনেক শিখে ফেলেছিস! হ্যাঁ, বলেছিস ঠিক, উচিত নয়। কিন্তু দেখ, সব নিয়ম সব ক্ষেত্রে খাটে না। কত স্বামী হরিনামে অসন্তুষ্ট হয়, হরিনাম শুনলে জলে ওঠে, তা বলে তার স্ত্রী করবে না হরিনাম? তবে আবার তার কানের কাছে খোল্ পিটিয়ে নাম সংকীর্তন করাও ভাল নয়। আসল কথা, যে কাজটা করতে যাচ্ছ, আগে দেখবে সে কাজ ভাল কি মন্দ, সেই বিবেচনাটুকু রাখতে হবে, তার পর ষতটা পারা যায় কাউকে না চটিয়ে সে কাজকে সামলে নিয়ে

উদ্ধার করা। যারা পছন্দ করে না তাদেরকে অগ্রাহ্য করাও হল না, কাজটাও হল।”

স্বহাসকে কি একেবারে বড়র দলে ফেলেছে সত্য? তাই তার কাছে এত কৈফিয়ত? অথবা স্বহাসকে উপলক্ষ করে সত্য নিজের মনকেই কৈফিয়ত দিচ্ছে? স্বামীর সঙ্গে লুকোচুরি করতে, ভিতরে ভিতরে যে স্বন্দ্র বিবেকের পীড়ন অল্পভব করে সে, এ কৈফিয়ত তার জন্তে?

স্বহাস অবশ্য নিজেকে বড়ই ভাবে, পুরো একটা মানুষই ভাবে, তাই সত্যর কৈফিয়ত শুনেও আবার মতামত ব্যক্ত করতে সাহসী হয়। আর সত্যর কাছে আর যাই হোক সাহসী হতে বাধা নেই। তাই আশ্তে বলে, “আমার তো মনে হয় হরিনামটা ভাল কাজ, সেটা বুঝিয়ে দিয়ে—”

সত্য হেসে ওঠে।

বলে, “কম বয়সে আমিও তোর মত করেই ভাবতাম স্বহাস, সব কিছু নিয়ে লড়াই করতাম, তরু করে অপরকে বুঝিয়ে ছাড়বার চেষ্টা করতাম, কিন্তু এখন বয়েস বৃদ্ধি বাড়ার সঙ্গে সঙ্গে এইটা বুঝেছি অবিরত লড়াইয়ে কেবল শক্তিকর। কাজের জন্তে যে শক্তি থাকা দরকার, সে শক্তির অনেকটা যদি তর্কেই খরচ করে ফেলি, তবে কাজটায় যে ঝিমিয়ে যাব। তাই যাতে সাপও মরে লাঠিও না ভাঙে, সেই পথই ধরি। তবে ওই যা বললাম ক্ষেত্রবিশেষে। আর সেই ‘বিশেষ’টা চেনবার চোখ চাই বুঝি? ‘মেয়েমানুষ কি মানুষ নয়’ বলে অনেক তরু করেছে, কিন্তু দেখছি ক্রমশঃ সে তরু সমূদ্রে বালির বীধ। এই আমাদের পোড়া দেশে মেয়েমানুষ হওয়ার অনেক জালা বুঝি? একটা সং কাজ করতে যাও, তাও পান্নে পান্নে বাধা। মাষ্টার মশাই বলেন, অন্নদানের চেয়েও বড় পুণ্য বিজ্ঞাদানে। মানুষের আর জন্তু-জানোয়ারে যে তফাৎ সে তো ওই বিত্তে থেকেই! নইলে প্রাণী মাতরেই তো খায়, ঘুমায়, ছানা পাড়ে। মানুষ থেকে কীটপতঙ্গ পৃথক। তা সেই বিত্তে বস্তুটা যার মধ্যে এতটুকুও আছে, তার উচিত আর একজনকে সে বিত্তের ভাগ দেওয়া। এ জিনিস তো দানে কমে না, বরং বাড়ে। কিন্তু এসব কথা কজন বুঝতে চায় বল! চায় না।...আগে ভাবতাম, যা ঠিক, তা সবাইকে বুঝিয়ে ছাড়ব। বুঝিয়ে সোজা করব, কিন্তু এখন বুঝতে শিখেছি সে চেষ্টা হচ্ছে হাত দিয়ে হাতী মাথা, আকাশের তারা গোন। তার চেয়ে নিজের বিবেচনায় যা ঠিক বলে বুঝব, করে যাব একমনে। একদিন না একদিন

বুঝবে লোকে ঠিক কি ভুল। যারা বিরক্ত হয়েছে, অপছন্দ করেছে, তারাই মেনে নেবে।”

অনেকগুলো কথা একসঙ্গে বলে সত্য একটু চূপ করে জিরিয়ে নেয়। স্হাস সেই অবসরে চট করে উঠে গিয়ে এক ঘাট মিশ্রীর পান্না এনে সত্যর মুখের সামনে ধরে।

সত্যর ভেতরটা বোধ করি এমনি একটা শীতল পানীয় চাইছিল। কোন্-কালে বাড়ি থেকে বেরিয়েছে। বিনাবাক্যে ঢকঢক করে মিশ্রীর জলটা খেয়ে নিয়ে মুহূ হেসে বলে, “মনের কথা টেনে নিয়ে তেঁটার জল দিতে শিখেছি, আর তোর শেখবার কিছু বাকী নেই স্হাস। জগৎ-সংসারে শুধু এইটুকু শিক্ষার সম্বল থাকলেই যথেষ্ট।”

স্হাস লজ্জায় মাথা হেঁট করে।

সত্য তাকিয়ে দেখে।

রূপে শুণে যেন আলো করা মেয়েটা! কিন্তু, কিন্তু শুণ কি ছিল এমন?

সত্যর মনে পড়ে প্রথম দিনকার কথা। কী উদ্ধত অনমন, ভেতর-চাপা, মুখ-গোঁজা গোছের স্বভাব ছিল স্হাসের। প্রতিনিয়ত তাকে নিয়ে অস্ববিধেয় পড়তে হয়েছে সত্যকে। নেহাৎ যে সত্য নিজেকে সামলে থেকেছে, সে শুধু মেয়েটা সত্ত্ব মাতৃহারী বলে। আর তার ওপর মায়ের মৃত্যুটা বড় মর্মান্তিক, বড় আকস্মিক বলে।

ক্রমশঃ স্হাসের প্রকৃতিতে এসেছে নব্রতা, সভ্যতা, কোমলতা। দস্তবাড়ির দরুন বহুবিধ বদভ্যাস, যা সত্যকে পীড়িত করত, বিরক্ত করত, সেগুলো অন্তর্হিত হল আশ্বে আশ্বে, একটা মেয়ের মত মেয়ে হয়ে উঠল স্হাস।

তবে স্বভাবটা একটু গভীর, চাপা।

হৃদয়-বৃত্তির বহিঃপ্রকাশটা কম। আনন্দ-বেদনা স্তম্ভ-স্তম্ভ খুশী-অখুশী বোঝা যায় না ফট করে, বোঝা যায় না অন্ধা কৃতজ্ঞতা স্নেহ। তাই আজ হৃদয়-বৃত্তির এই প্রকাশটুকুতে বড় বেশী পরিতৃপ্ত হয় সত্য।

স্হাসের ওই লজ্জানত মুখের দিকে তাকিয়ে বলে, “তা আমার এত দেয়ি হল কেন, তা তো জিজ্ঞেস করলি না-কই?”

স্হাস মুহূ হেসে বলে, “জিজ্ঞেস করতে যাব কেন? বলবার হলে, তুমি নিজেই বলবে।”

“বলবার হলে ? শোন কথা !” সত্য বলে, “বলবার নয়, এমন কাজ তোর পিসি করে বেড়ায় বুঝি ?”

“বাঃ তাই বলেছি নাকি ? বলেছি—”

তা স্নহাসের আর কথার শেষটা বলা হল না, উঠোনের দরজা ঠেলে ছুই মূর্তিমান ঢুকলেন। নবকুমার আর নিতাই।

হুজনের মুখ থেকেই একটা করে সঙ্ঘোষন বেরোল।

“বড়বো !”

“বোঠান !”

সত্য মাথার কাপড়টা একটু টেনে উঠে দাঁড়ায়।

নবকুমার বসে পড়ে।

বসে পড়ে বলে, “কী ব্যাপার তোমার বড়বো ? ভরহুপুরে রোজ তুমি যাও কোথায় ? আজই বা এতক্ষণ ছিলে কোথায় ? তোমার এলব রীতনীত তো ভাল ঠেকছে না আমার ?”

সত্য এক মুহূর্ত নবকুমারের সেই বিপর্যস্ত মূর্তির দিকে তাকিয়ে, একটু মুখ টিপে হেসে বলে, “তাই বুঝি ? আমার রীতনীত আর ভাল ঠেকছে না তোমার ?”

হাসি !

সত্য হাসছে !

তার মানে, হয় তার মনে কোনও অপরাধ-বোধ নেই, নয় সে পাকা ঘুঘু। নিতাইয়ের জ্ঞান থাকে না যে সে হাঁ করে সেই চাপা হাসিতে উজ্জ্বল অর্ধাবগুষ্ঠিত মুখের দিকে তাকিয়ে আছে এবং রীতিনীতির দিক দিয়ে সেটাও খুব শোভন নয়।

নবকুমার কিন্তু এখন বিহ্বল নয়। এই এতক্ষণকার উবেগ অশান্তি ছুশিস্তা সব কিছুই যজ্ঞা তার রাগের বাঁজ হয়ে ফুটে ওঠে। সত্যর হাসিটা তাতে ইচ্ছন জোগায়। তাই এবার তেড়ে দাঁড়িয়ে উঠে বলে, “না ঠেকছে না। আমার মনে হচ্ছে তোমার মতিবুদ্ধি মন্দপথে যাচ্ছে।”

শুধু নবকুমার থাকলে সত্য দপ্ করে উঠত কিনা কে জানে, কিন্তু এখন সঙ্গে নিতাই। ওর সামনে রেগে উঠলে মান থাকে না। তাই সত্য তেমনি ভাবেই বলে, “তা তোমার যখন মনে হচ্ছে, তখন অবশিষ্টই তার একটা ভাষ্য কারণ আছে। বিজ্ঞ বিচক্ষণ পুরুষ তুমি। তা হলে এখন এই দুই

পরিবারকে নিয়ে কি করবে বল? বনবাস? অগ্নিপরীক্ষা? না কেটে গঙ্গায় বিসর্জন?”

এ কী হুঃসহ স্পর্ধা! নবকুমারের মুখে কথা যোগায় না।

নিতাই এতক্ষণে কথা বলে।

বলে, “কিন্তু বৌঠান, আপনি যে আমাদের ধাঁধায় ফেলে মজা দেখছেন, তারও তো একটা বিহিত চাই? এই আজ বিকেল থেকে ও হতভাগার কী গেরো! আর আমিও আজ এই সমগ্র দিনটা না খাওয়া, না দাওয়া, তার ওপর বোয়ের কাছে মুখ হেঁট—”

“ওমা! ধাঁধায় যে তুমিই আমাকে ফেলছ ঠাকুরপো! তোমার খাওয়া-দাওয়াতেই বা আমি হস্তারক হলাম কি করে? আর বোয়ের কাছে মুখ হেঁট হবার দায়ীকই বা হলাম কেন? কিছু তো বুঝতে পারছি না! মুখ তো দেখছি ‘কড়ি’ হয়ে গেছে!”

বেচারিা নিতাই, উপোস সে একেবারে সহ্য করতে পারে না, সেই উপোস আজ সারাদিন, তার উপর এত রকম কথাবার্তা, সর্বোপরি এই স্নেহবাণী, তার চোখের স্নায়ু দুর্বল হয়ে বিশ্বাসঘাতকতা করে বলে। আর সেই বিশ্বাস-ঘাতকতার লজ্জাটা ঢাকতে সে তার বোয়ের কাছে হেঁট হয়ে যাওয়া মাথাটা আর একবার হেঁট করে।

“নাঃ, এই ছুটি বুড়ো খোকা হয়েছেন সমান”, সত্য এবার ব্যঙ্গের রূপ ছেড়ে সদয় রূপে আসে, “এই অবুঝপনার জন্তেই আমাকেও বুড়ো বয়সে ছলচাতুরী ধরে মরতে হচ্ছে।...কিন্তু তার আগে ঠাকুরপো, কিছু খাও দিকি, মনে হচ্ছে বোয়ের সঙ্গে ঝগড়া করে হরিমর্টার চালিয়েছ আজ।...স্বহাস, আগে তোর ছোট পিসেমশাইকে একটু কিছু খেতে দে তো—”

“না না, আমার কিছু লাগবে না—”, বলে প্রতিবাদ করে ওঠে নিতাই।

সত্য মুছ হেসে বলে, “লাগবে কি না লাগবে সে কি তুমি বুঝবে?”

স্বহাস বিনাবাক্যে দুখানি ঝকঝকে কাঁসার রেকাবে দুই পিসের জন্তেই খাবার এনে ধরে দেয়। বাড়িতে মজুত খাবার যা হয়, ছুটি নারিকেল নাড়ু, খানচারেক জিবেগজা, আর একবাটি মুড়ি।

হঠাৎ নিতাইয়ের ভারী হুঃসহ হয়। তার ঘরেও তো এমন কিছু অপ্রতুল নেই, অথচ এমন পরিপাটিত্ব কোন সময় চোখে পড়ে না। এই যে নবকুমার মাঝে মাঝে বায়, কই নিতাইয়ের বৌ তো কোনদিন এক

গেলাস জল এগিয়ে দেয় না! খিদে দুর্দমনীয় হলো, হাত বাড়িয়ে নিতে ইচ্ছে হচ্ছে না বেশ।

নবকুমারও ভারী মুখে বলে, “আমার খাবার দরকার নেই।”

সত্য গভীর ভাবে বলে, “তোমাদের দরকারে তো খেতে বলা হচ্ছে না, আমার দরকারেই বলা হচ্ছে। খাও, আমি বলে বলে আমার অপরাধের জবানবন্দী দিচ্ছি।”

অগত্যাই দুজনকে হাত বাড়াতে হয়।

সত্য বলে, “রোজ কোথায় ঘাই, সে বিভাস্ত স্বেদ জানে, ছেলেরা জানে, জান না শুধু তুমি। জানাব তোমাকে, তবে তার আগে কথা দিতে হবে, যে কাজ করছি নিষেধ করবে না।”

“বাঃ! এ যে সাদা কাগজে মই—”, নবকুমার বলে, “কাজটা ভাল কি মন্দ না জেনে—”

সত্য এক মুহূর্ত চুপ করে থেকে শাস্ত স্থির গলায় বলে, “তাকাও আমার দিকে। তু বন্ধু আছ, দুজনেই তাকাও, পষ্ট তাকিয়ে বল, আমি একটা মন্দ কাজ করছি, এ সন্দেহ সত্যি আছে তোমাদের মনে? বল—তবে আমি তোমাদের কথার উত্তর দেব।”

বলা বাহুল্য তু বন্ধুর কেউই চোখ তুলে তাকায় না, বরং দুজোড়া চোখ একেবারে নতমুখী হয়ে যায়।

সত্য একটু অপেক্ষা করে বলে, “বুঝলাম। শোন, রোজ দুপুরে আমি পাঠশালা পড়াতে যাই।”

নবকুমার এবার চোখ তোলে।

চমকে। শিউরে।

নিতাইও প্রায় তাই। বলে, “পড়াতে!”

“হ্যাঁ পড়াতে। সর্বমঙ্গলাতলায় রোজ দুপুরে মেয়েমহলের একটা আড্ডা হয়। গিল্লী, মাঝবয়সী। বৌ কি আছে দু-একজন। সাধ করে কেউ বা মায়ের ফুল বিধিপত্তর বেছে রাখেন, কেউ বা মালা গাঁথেন, একজন আছেন মুখে মুখে পুরাণ-কাহিনী রামায়ণ-মহাভারতের কাহিনী বলেন, পাঁচজনে শোনে। আবার গালগল্পও খুব চলে। এটা দেখে মাস্টার মশাইয়ের মাথায় এসে গেল—”

আবার মাস্টার মশাই!

নবকুমারের মুখটা বিকৃত হয়ে ওঠে। সত্য সেটা দেখেও দেখল না, বলতে লাগল, “মাথায় এসে গেল এই মেয়েমাছুবন্ধের নিয়ে একটা পাঠশালা খুললে কেমন হয়, বুখা গালগল্লে সময় নষ্ট না করে—খুলে দিলেন ‘সর্বমঙ্গলা বিতাপীঠ’! আমায় ধরলেন পড়াতে। বললেন, ‘গুরুকে এবার গুরুদক্ষিণা দাও, পড়াও এদের।’ দেখলাম কাজটা পুণ্যের, বললাম, ‘বেশ’।”

“বললাম বেশ।” নবকুমার চঞ্চল হয়ে বলে ওঠে, “আমাকে একবার শুধোবারও দরকার নেই?”

“আহা, সে অপরাধ তো একশোবার স্বীকার করছি, কিন্তু তুমি যদি ‘দুঃ’ করে দিবি দিয়ে বলতে? সে ঠেলে তো আর করা হত না? তাই মা সর্বমঙ্গলার নাম করে লেগে গেলাম।...বই খাতা শেলেট সব মাস্টার মশাইয়ের খরচ।”

“তোমার এত বিত্তে যে মাস্টারি করতে এগোও—”

নবকুমারের এই ব্যালোকিত্তে সত্য মুহূ হেসে বলে, “মাস্টারি করা তো সত্য বামনীর জন্মগত পেশা গো, আজন্ম তো মাস্টারি করেই এলাম। স্বভাবের দোষেই এগিয়ে পড়লাম, আর বিত্তেয়? সে ওই পড়াতে পড়াতেই এগোবে। যতটুকু পারি ততটুকুই করে যাব।”

নিতাই আন্তে আন্তে বলে, “বয়সওলা মেয়েরা পড়ায় মন দিচ্ছে?”

“খুব খুব! ছ-একজন বাদে শিখেও ফেলেছে চটপট! দেখলে বুঝতে, নিজেরা রামায়ণ-মহাভারত পুরাণকাহিনী পড়বার জন্তে কী আগ্রহ! দেখে মনে হয় জীবন সার্থক হচ্ছে আমার।”

নবকুমারের মুখ তপাপি হালকা হয় না। বলে, “মাস্টার মশাই যে ধর্মের মাথায় ঝাড়ু মেয়ে বেশ হয়েছেন, সে কথা নিশ্চয় জানে না ওরা?”

“জানবে না কেন? তবে তোমার মতন সবাই অত গৌড়া নয়। মাস্টার মশাইয়ের হাতে ভাত তো খেতে যাচ্ছে না কেউ। আর ধর্মের মাথায় ঝাড়ু মারাই বা বলছ কেন? ব্রাহ্মধর্মও হিন্দুধর্ম। কান দিয়ে শোন না তো কিছু? এই যে আজ অত বড় ব্রাহ্মসমাজের চাই কেশব সেনের বাড়ি পরমহংস এসেছিলেন—”

“কী কী! কোথায় কে এসেছিলেন?”

নবকুমার কাছা খুলে দাঁড়িয়ে ওঠে।

“পরমহংসদেব,—বলি তাঁর নামটাও কি শোন নি কখনো?”

“শুনব না কেন।” বেজার মুখে বলে নবকুমার, “দক্ষিণেশ্বরে দেখেও তো এসেছি সেবার আপিসের বন্ধুদের সঙ্গে। তা তিনি—”

“হ্যাঁ, তিনি। কেশব সেনের বাড়িতে এসেছিলেন। সেই দেখতেই তো আজ আমার এত দেরি, আর তোমাদের কাছে সব ফাঁস।”

নবকুমার ভিত্তি দৃষ্টিতে কিছুক্ষণ তাকিয়ে থেকে বলে, “তোমাকে আর কিছু বলবার নেই আমার বড়বোঁ, তুমি আমার নাগালের উর্ধ্বে চলে যাচ্ছ। কিন্তু কেশববাবুর বাড়ি গেলে কি করে?”

“কি করে আবার? একা নাকি? আরও কত মেয়েমানুষ গেল। দল করে শেয়ারের ষোড়ার গাড়ি ভাড়া করে—যেখানে দল, সেখানেই বল। কত চমৎকার গান হল, প্রাণ যেন জুড়িয়ে গেল।”

“বুক কাঁপল না?”

“বুক কাঁপবে? কেন?” সত্য অবাক দৃষ্টিতে বলে, “এই যে মেয়েমানুষরা তীর্থে যায়, যোগে গজাচ্ছান করতে যায়, দেবস্থানে মেলা দেখতে যায়, সাধু-সন্নিসী দর্শনে যায়, কই বুক কাঁপার কথা ওঠে না!...এসব জায়গায় মাঝে মাঝে যেও গো তা হলে দিগ্টিটা খুলবে।”

“আমরা যাব? হঁঃ।” নবকুমার বলে, “আমরা ক্ষুদ্র প্রাণী, আমাদের অত সাহস কোথা?”

সত্য উঠে পড়ে বলে, “নিজেকে চব্বিশ ঘণ্টা ‘ক্ষুদ্র প্রাণী ক্ষুদ্র প্রাণী’ ভাবলেই মনটা ক্ষুদ্র হয়ে যায়। ক্ষুদ্রই বা ভাবতে যাব কেন? সব মানুষের মধ্যেই ভগবান আছেন, এটা মানো তো? সেই ভগবানের জোরেই জোর। সেই ক্ষেত্রে সবাই বড়।”

নিতাই সন্তর্পণে একটা নিশ্বাস ফেলে।

তার বোঁকে সে বোঁঠানের কাছে আসতে বলে। সাতজন্য পার করে এলেও নিতাইয়ের বোঁয়ের সাধ্য হবে, এসব চিন্তা ধরতে?...নবকুমার ঠিকই বলেছে, সত্য যেন তাদের নাগালের উর্ধ্বে চলে যাচ্ছে।

নবকুমার তাই টেনে নামাতে চেষ্টা করে, “তা সে যাই হোক, বেন্দ্ৰবাড়ি থেকে এসে কাপড়-চোপড় ছেড়েছ? মাথায় একটু গজাজল স্পঞ্জ করেছ?”

সত্য মুহূর্তে হেসে বলে, “সেটা করেছি বাড়ির জন্তে নয়, গাড়ির জন্তে। গাড়ির কাপড়ে কোনকালেই থাকি না। ভেবেচিন্তে বৃষ্টি এই মাথায়

আনলে এতক্ষণে ?...যাক্, ছেলেরা কবে আসবে ? ওরা নেই, বাড়ি ফাঁকা ফাঁকা ঠেকছে—”

নবকুমার বেজার মুখে বলে, “তোমার আবার ফাঁকা ঠেকা ! তোমার মন প্রাণ তো সব তত্ত্বজ্ঞানে ঠাসা। সেখানে আবার স্বামী-পুত্রুরের জায়গা কোথা ? বেশ বুঝছি তোমার বাপের মতন কাঠ-কঠিন হয়ে যাবে তুমি—”

সত্য শান্ত গলায় বলে, “বাবার মতন ? বাবার চরণের নখের এক কণা হতে পারলেও ধন্য মনে করব নিজেকে।...কিন্তু আজ আবার এ কথা কেন ? নিজে মুখেই তো বলেছিলে, ‘বাবা মানুষ নয় দেবতা।’

“সে কথা এখনও বলছি। কিন্তু দেবতাকে দূরে থেকে পুষ্পাঞ্জলি দেওয়াই ভাল, নিয়ে ঘর করায় কোন সুবিধে নেই।”

সত্য হেসে ফেলে বলে, “দেখ ঠাকুরপো, তোমার বন্ধুর কত উন্নতি হয়েছে। কত বাক্য শিখেছেন !”

আর নিতাই এতক্ষণে কিঞ্চিৎ ধাতস্থ হয়ে বলে, “না শিখলে তো শাস্ত্রই মিথ্যে বোঠান ! সঙ্গুণ বলে কথা—”

কথার মাঝখানে হঠাৎ স্তব্ধ পাতালের ঘর থেকে এসে বলে, “কে যেন আসছেন মনে হচ্ছে।”

পাতালের ওই ঘরের দুটো জানলাই রাস্তামুখো, স্তব্ধ খুব সম্ভব সেখানেই দাঁড়িয়েছিল।

এরা সজ্জ হলে, “কে ? কে আসছেন ?”

“চিনি না। বুড়ো মতন, কিন্তু খুব লম্বা,—ফর্সা—সোজা—”

লম্বা ফর্সা ! সোজা—

সত্যর বুকটা ছাঁৎ করে ওঠে। আর পরক্ষণেই সেই ছাঁৎ করা বুকটা হিম করে দিয়ে উঠোনের ওধার থেকে একটি মুছ গভীর ভারী গলায় প্রশ্ন ধ্বনিত হয়, “বাড়িতে কে আছেন ?”

“বাবা !”

সত্য বিদ্যুৎগতিতে ঘর থেকে বেরিয়ে আসে। তারও আগে নিতাই বেরিয়ে পড়ে, পিছনে নবকুমার। আর ততক্ষণে সেই মুছ গভীর ভারী গলার আর একটি প্রশ্ন উচ্চারিত হয়, “এইটাই কি নবকুমার বন্দ্যোপাধ্যায়ের বাড়ি !”

“বাবা ! বাবা গো ! তুমি !”

সত্য প্রণামের মাথাটা না তুলেই বলতে থাকে, “আমার যে সত্যি বলে বিশ্বাস হচ্ছে না—”

“তবে ঝগাই ভাব।” বলে মুহূ হেসে রামকালী দাঁড়ায় ওঠেন।

নবকুমার নিতাই দুজনেই প্রণাম করে। আর মনে মনে ভাবে, অনেক দিন বাঁচবেন ইনি। ঠিক যে মুহূর্তে তাঁর কথা হচ্ছিল, সেই মুহূর্তেই এমন আকস্মিক এসে পড়া—

আবেগের উচ্ছ্বাস প্রশমিত হতে এবং কুশল বিনিময় হতে বেশ কিছুক্ষণ যায়। তার পর আসার কারণ ব্যক্ত করেন রামকালী। তিনি কাশীবাসের সংকল্প করেছেন, তাই শেষ একবার সত্যকে দেখতে এসেছেন।

কাশীবাস!

সত্য ভেঙে পড়ে বলে, “বাবা! এই সংকল্প করেছ তুমি? তাই এই হতভাগা মেয়েটাকে দেখা দিতে এসেছ? আমি যে কিছু জানি না বাবা, তাহলে সব ফেলে ছুটে চলে যেতাম তোমার কাছে!”

রামকালীর এই আকস্মিক আবির্ভাবে সত্য যেন তার চির-অভ্যন্তর স্থিরতা হারিয়ে ফেলতে বসেছে।

একে তো অপ্রত্যাশিত আনন্দের আবেগ, তার সঙ্গে অন্তর্নিহিত এক চিন্তা—তাদের এই বাসাবাড়িতে বাবা জলগ্রহণ করবেন কিনা। জলও তো কলের জল। যদি এ জল না খান, না হয় গঙ্গাজলেরই ব্যবস্থা করবে, কিন্তু বাসাবাড়ির দোষ খণ্ডাবার উপায় কি?

গেরস্তবাড়িতে গুরু আসা দেখেছে সত্য, সেভাবে করতে পারে, কিন্তু বাবা কি সেই অতি যত্ন অতি সেবা নেবেন? এই সব চিন্তার সঙ্গে উপচে উঠছে এক অব্যক্ত বিচ্ছেদ-ব্যাকুলতা!

বাবাকে সে নিত্য দেখেছে না সত্যি, কিন্তু জানে বাবা রয়েছেন, সত্যার সেই চির-পরিচিত পরিবেশের মাঝখানে বাবার চিরঅভ্যন্তর জীবনে।

কিন্তু কাশীবাস!

সে যে চিরবিরহের সমতুল্য। এ তো এক প্রকার মৃত্যু। কাশীবাসের সংকল্প মানেই সংসার থেকে মুখ ফিরোনো। সাতপাঁচ চিন্তার সত্যার কণ্ঠে এই আবেগ, এই আকুলতা।

রামকালী বোঝেন।

তাই রামকালী এই অস্থিরতাকে ঈষৎ প্রজ্ঞয়ের দৃষ্টিতে দেখেন। আর মেয়ের কথার উত্তরে মুহূ হেসে বলেন, “তুমি যাও নি, আমিই তোমার কাছে এলাম। একই কাজ হল।”

প্রণামান্তে নিতাই চলে গিয়েছিল, নবকুমার সত্যর কথা বলার সুবিধের জন্তে একটু তফাতে গিয়ে বসেছে। সত্য তাই স-আক্ষেপে বলে, “তুই কি আর এক হল বাবা? সে আমি বাপের মেয়ে বাপের কাছে গিয়ে পড়তাম, আগের ছোটটি হয়ে যেতাম। যা প্রাণ চায় বলতাম! আর এ তুমি কুটুম-বাড়ি এসেছ, আমি পরের ঘরের বৌ, আমার প্রতিপদে বাধা। কী বা বলব, কী বা কইব!”

নবকুমার তফাতে বসলেও, এত তফাতে নয় যে সত্যর বাক্যাবলী তার কর্ণগোচরিত হতে কোনও বাধা হচ্ছে। সে সহসা নৈর্ব্যক্তিক স্বগতোক্তি করে ওঠে, “হায় ভগবান! প্রতিপদে বাধা! পা আরো অবোধ হলে কী যে হত!”

রামকালী সচকিত হয়ে বললেন, “কী বললে বাবাজী?”

নবকুমার গম্ভীর গলায় বলে, “না, এমন কিছু নয়। তবে নাকি আপনার মেয়ে আক্ষেপ করছেন, প্রতিপদে বাধা, তাই বলছিলাম! আপনাদের নিত্যানন্দপুরে এমন কোন্ মেয়েটা আছে, আর আমাদের বাকুইপুরে এমন কোন্ বোটা আছে, যে আপনার মেয়ের সমতুল্য স্বাধীন, তাই বরং জিজ্ঞেস করুন।”

রামকালী অলুভব করেন এটা নালিশের স্বর।

তাই মুহূ হাসেন।

বলেন, “তা যদি হয় সেটা তো ভালই। আমার মেয়ে যে ‘ঝাঁকের কৈ’ হবার জন্তে জন্মায় নি, সে আমি তার শৈশবকালেই বুঝেছি।”

সত্য আর বাপের উপস্থিতি স্বামীর উপস্থিতি ইত্যাদি মানতে পারে না, ঘোমটাটা আর একটু টেনে বলে, “আচ্ছা বাবা, তুমি এই তেতেপুড়ে এসেছ, এ সময় নালিশ ফোরেদ করতে বসটা খুব ভাল হচ্ছে? থাকবে তো ছ’চার দিন, পরে যত খুশি—”

“ওরে বাবা! ছ’চার দিন কি রে? একটা দিনের জন্তে চলে এলাম। কাল যাবো।”

“একটা দিন! বাবা মাস্তুর একটা দিনের জন্তে এলে তুমি?” সত্য কঁধে ফেলে, “তোমার সঙ্গে যে আমার অনেক কথা—”

হ্যাঁ, বাবার সঙ্গে সত্যর অনেক কথা।

কতদিন ভেবেছে চিঠি লিখে সব বলে বাবাকে, প্রশ্ন করে—কোনটা ঠিক, কোনটা ভুল, কিন্তু লিখতে গিয়ে দেখেছে অগাধ কথা! এত কথা কি চিঠিতে লেখা যায়? তা ছাড়া উত্তর-প্রত্যুত্তরের মধ্যে বক্তব্য বোঝানো যায়, শুধু একতরফা পেশ করা যেন কৈফিয়ত দাখিল করা।

বাবা যদি উত্তরে লেখেন, এত কথা আমায় লেখার উদ্দেশ্য কি?

অথচ—ব্রাহ্মধর্ম কি, কোন একজন চিরহিতৈষী গুরুজন যদি হঠাৎ ব্রাহ্মধর্ম নিয়ে বসেন, তাঁকে ত্যাগ করাই সমীচীন কিনা, “গেরস্তব্বরের মেয়ে, অথবা গেরস্তব্বরের বোঁ,” এই অপরাধে জগৎ-সংসারের সকল প্রকার কাজ থেকে তাদের বঞ্চিত হওয়াই বিধি কিনা, স্বামী যদি হিতাহিতে অন্ধ হন, মেয়েমানুষের সেই অন্ধপথেই চলা নিয়ম কিনা, এমন অনেক প্রশ্ন তো আছেই, সর্বোপরি প্রশ্ন শঙ্করীর মেয়ের প্রশ্ন। শঙ্করীর কথা বলে যখন বাবাকে চিঠি লিখেছিল, তখন রামকালী উত্তর দিয়েছিলেন, “যে যত বড় অপরাধেই অপরাধী হোক, সে যদি অতুতপ্ত হয়ে থাকে, তাকে ক্ষমা করাই কর্তব্য। তা ছাড়া তোমার বিবেচনার ওপর আমার আস্থা আছে।”

স্বহাস সম্পর্কে কোন্ সিদ্ধান্ত গ্রহণ করবে, এ একবার বাবাকে জিজ্ঞেস করবার তার বিশেষ ইচ্ছে।

কিন্তু বাবা কিনা একদিন মাত্র থাকবেন?

তার মানেই সত্যর এই বাসাবাড়িতে তিনি খাওয়া-মাথা করবেন না। হয়তো ফলমূল আর গজাজল খেয়েই একটা বেলা কাটিয়ে দেবেন। সত্যর আর পিতৃসেবার পুণ্য হবে না। এত সব উচ্ছ্বাস মনের মধ্যে আলোড়িত হতেই চোখের জল বাঁধ মানে না।

রামকালী আশ্তে তার মাথায় একটু স্পর্শ রেখে বলেন, “একটা দিনই কি কম হল রে? কত কথা বলবি, বল না?”

“আর কথা! আমার তো শুধু উপ্চে উপ্চে কান্নাই আসছে বাবা।”

আঁচল ভিজে জব্জবে হয়ে ওঠে সত্যর।

অনেকক্ষণ পরে প্রশমিত হয় সে কান্না। কথাও হয়। যত কিছু বলার ছিল সব বলে ফেলে সত্য, তার চিরদিনের ঋণভারার কাছে।

রামকালী নবকুমারকে যুহু ভৎসনা করেন। বলেন, “সে কি! মাস্টার মশাই তোমার চিরহিতৈষী, তাঁকে ত্যাগ করবে কি? তাঁর ধর্ম, বিশ্বাস তাঁর কাছে। এই যে আমি, আমি শাক্ত কি বৈষ্ণব, এইটা কি দেখতে যাবে তোমরা? না দেখবে—বাবা? গুরু, শিক্ষক এঁরাও তেমনই পিতৃতুল্য! তা ছাড়া তিনি তো তাঁর ধর্মবিশ্বাস তোমার ওপর চাপাতে আসছেন না? তোমার কোনো অনিষ্ট আসছে না তা থেকে? তবে?”

সত্যর ওই পাঠশালায় পড়ানো শুনে রামকালী কিছুক্ষণ চুপ করে থেকে আস্তে একটি নিশ্বাস ফেললেন। তার পর বললেন, “সত্য তোর মাকে তোর মনে পড়ে?”

“মাকে মনে পড়ে না? কী বলছ বাবা?” আবার সত্যর চোখ উপচে ওঠে।

“না, তাই বলছি। তোর মা থাকলে, একথা শুনে ভয় পেত, বুঝলি? নির্বাণ ভয় পেত। আবার আড়ালে বলতো, আমি জানি ও আমার ক্ষণজন্মা মেয়ে।”

উত্তর পেয়ে যায় সত্য। তার কাজ ভুল কি ঠিক জেনে যায়।

শুধু স্নানকে নিয়ে কিছুক্ষণ আলোচনা চলে। কিছুটা বাদ-প্রতিবাদও বুঝি। তখনও সত্য স্নানকে সামনে আনে নি রামকালীর।

রামকালী বলতে চাইছিলেন, বিয়ের চেষ্টার প্রয়োজন কি? বেশ তো লেখাপড়া শিখছে ভাল কথা। নিজের জীবিকা নিজে অর্জন করতে পারে, সেটা মজল। কলকাতায় তো আজকাল এরকম হচ্ছে। বিদ্যুৎ মেয়েরা গৃহশিক্ষয়িত্রী হয়ে অথবা মেয়েস্কুলে পড়িয়ে উপার্জন করছে।

“কিন্তু বাবা—”, সত্য বলে, “মা-টা তো চিরদুঃখিনী হয়ে দুঃখে-দুঃখেই মরল। মেয়েটাও কোনদিন ঘর-সংসারের মুখ দেখবে না?”

“মা-বাপের পাপের প্রায়শ্চিত্ত তো সন্তানকেই করতে হয় সত্য।”

“আর যদি ইচ্ছে করে কেউ ওকে বিয়ে করতে চায়?”

রামকালী মাথা নেড়ে বলেন, “কে চাইবে? একে তো জন্মের গোড়াতাই অত বড় গলদ, তার ওপর মেয়ের যথেষ্ট বয়েস হয়ে গেছে, বিধবা কি কুমারী ভাবও নিশ্চয়তা নেই—”

সত্য তখন নিজের গোপন ইচ্ছে ব্যক্ত করে। মেয়েটাকে যদি ব্রাহ্মধর্ম

এহণ করিয়ে ব্রাহ্মসমাজের কোনও সমাজ-সংস্কারক পরহিতৈষী যুবকের হাতে তুলে দেওয়া যায়! স্বেচ্ছাসেবক যোগ্য বয়সের অবিবাহিত ছেলে ও সমাজে পাওয়া যায়।

রামকালী যেন এ প্রস্তাব সমর্থন করেন না। তুচ্ছ একটা মেয়ের বিয়ে বিয়ে করে এত কাণ্ডের দরকার কি, এই যেন তাঁর মত। তাই সহসা গম্ভীর হয়ে গিয়ে বললেন, “যদি জিজ্ঞেসই করছ তা হলে বলি, একটা খুঁতওলা বংশের ধারা বাড়িয়ে চলে লাভ কি?”

“লাভ ওই মেয়েটার সংসার। মেয়ে বলেই কি ‘তুচ্ছ’ বাবা? একটা মাহুষের জীবন তো?”

“মাহুষের জীবন শুধু ভোগেই সার্থক নয় সত্য, ত্যাগেও সার্থকতা আছে। ও তো জানে ও বিধবা, বালবিধবার যেমন ভাবে জীবন কাটে—”

“কী ভাবে আর তাদের কাটে বাবা?” সত্য হতাশ নিশ্বাস ফেলে বলে, “চিরতুঃখেই কাটে। পিসঠাকুমার মতন আর ক’জন হয়? তাও তিনিও মনের দাহয় শুচিবাই করে বিশ্বহৃদ্ধ লোককে অতিষ্ঠ করেছেন—”

রামকালী সহসা স্তব্ধ হয়ে যান। যেন মোক্ষদাকে চোখের ওপর দেখতে পান। পূর্বের সেই স্ববর্ণবর্ণা তীব্র দীপ্তময়ীকেও দেখেন, আর তার পিছনে—কায়ার পিছনে ছায়ার মত, সূর্যের পিছনে রাহুর মত, বর্তমানের রোগজীর্ণ মোক্ষদার প্রেতাঙ্ককেও দেখতে পান। যে মোক্ষদা এখন ভীমরতী হয়ে যা তা করে বেড়াচ্ছেন। লুকিয়ে চুরিয়ে খাবার জন্তে নাকি সর্বদা হোক হোক করে বেড়ান তিনি, “দেখ্ তোমার, না দেখ্ মোর” নীতিতে মুঠো করে মাছভাজা নিয়ে মুখে পুরে বসে থাকেন।

আর সারদা রাতদিন গালমন্দ করে টেনে টেনে নিয়ে গিয়ে পুকুরে চুবিয়ে আনে।

একথা তবু জানে না সত্য।

সত্য সেই শুচিবাইটাই জানে।

রামকালী একটু চুপ করে থেকে বলেন, “দেখ! তেমন পরোপকারী ভাল ছেলে যদি পাও!”

“তোমার আশীর্বাদ না পেলে, এত বড় একটা কাজ করতে ভয় খাচ্ছি বাবা। তুমি মন খুলে সার দিবে যাও—”

রামকালী একটু হেসে বলেন, “মন কি ঘরের জানলা-দরজা সত্য, যে

গায়ের জোড়ে খোঁজাবি ? তবে—আশীর্বাদ আমি করছি। তোর কাছে ভগবান সহায় হবেন।”

সত্যর আশঙ্কাই ঠিক।

রামকালী সামান্য কিছু ফলমূল গ্রহণ করেন, এবং জানান পরদিনও তাঁর পূর্ণিমার ব্রত।

“এই বুঝেই তা হলে তুমি এসেছ বাবা ?” সত্য কঁাদ কঁাদ হয়ে বলে, “আমি তোমার এমন অধম মেয়ে যে জীবনে একদিন রেঁধে ভাত দিতে পারলাম না।”

রামকালী সহসা একটি গভীর নিশ্বাস ফেলে বলেন, “জীবনের কথা কি এখন বলে শেষ করে ফেলা যায় সত্য ? জীবনের পরিণতি গুহার অন্ধকারে।”

তার পর বলেন, “এত কথা হল, কই সে মেয়েটাকে তো দেখলাম না ?”

“কি জানি বাবা, কি লজ্জা ঢুকেছে তার মনে, চোকিতে পড়ে কঁাদছে।”

কঁাদছে ! রামকালী একটু চকিত হন।

আর কিছু বলেন না।

কিন্তু পরদিন সকালে যখন স্নান-আহ্নিক সেরে বসেছেন, তখন সহসা মাথা নীচু করে এসে আঙুলে আঙুলে প্রণাম করে রামকালীকে।

পূর্ব জানলা দিয়ে সকালের আলো এসে মেয়েটার মুখে পড়ে যেন তাকে একটা স্নিগ্ধ কৌমার্যের দ্যুতিতে স্নান করিয়ে দিয়েছে। আর নব্র অথচ দৃঢ় মুখের রেখার একটি প্রত্যয়ের আভা। পাতলা ঋজু দীর্ঘ দেহের গড়নেও সেই প্রত্যয়ের দৃঢ়তা।

রামকালী বুঝি এমনটি আশা করেন নি।

রামকালী যেন বিচলিত হন।...হঠাৎ বহুদিন পূর্বের একটা কথা মনে পড়ে যায় তাঁর। মনে পড়ে যায়, পুকুরঘাটের ধারে বসে থাকা একটা বিধবা মূর্তি ! কেমন সেই মূর্তি রামকালী কি দেখেছিলেন ?

মাথায় হাত ঠেকিয়ে আশীর্বাদ করেন রামকালী।

তার পর গভীর শাস্ত গলায় বলেন, “সত্য, এ যে তপস্বিনী উমা !”

সত্য হাসি হাসি মুখে সহাসের মুখের দিকে তাকায়। এ প্রশংসা যে তারই। সহাস যে তার হাতে গড়া প্রতিমা।

কচি নয়, শিশু নয়, পানরো বছরের ধাড়ী মেয়েটাকে কাছে এনেছিল সত্য, তার বহুবিধ অশিক্ষা কুশিক্ষা আর চরিত্রগত বহু দোষের সমষ্টি সমেত।

এই ক'বছরে মাত্র ভেঙেচুরে গড়েছে সেই মেয়েকে।

অবশ্য প্রকৃতির নিয়মে তার নিজের ভিতরেও একটা প্রবল ভাঙাগড়ার কাজ চলেছে। মায়ের ওই আকস্মিক বীভৎস মৃত্যু, এবং তার পরবর্তীকালে মায়ের জীবন-ইতিহাস জ্ঞানার ফলে সেই বিরাট ওলট-পালটটা সংঘটিত হয়েছিল।

তার পর এসেছে স্নহাসের নবজন্মের পালা।

কোথায় দত্তদের বাড়ির সেই বিলাসিতায় আবিল অশুচি আবহাওয়া, আর কোথায় সত্যের দৃঢ় চরিত্রের দৃষ্টান্ত! তা ছাড়া স্কুলের জীবন! সে যেন স্বর্গের জগৎ।

স্নহাসের প্রকৃতিই শুধু বদলায় নি, আকৃতিও বদলেছে। যেমন বাচাল মেয়েটা মিতভাষিনী হয়ে গেছে, তেমনি হঠাৎ লম্বা হয়ে গিয়ে, গোলগাল পুষ্টদেহ মেয়েটা হয়ে উঠেছে বেতের ডগার মত ছিপছিপে লম্বা পাতলা। একটু বুঝি কুশই।

যে ক্লশতাকে দেখে তপস্বিনী উমার তুলনা মনে পড়েছে রামকালীর।

সত্য হাসি হাসি মুখে বলে, “পর পর দুবছর ফার্স্ট হল—”

“সত্যি নাকি।”

বলেন রামকালী।

স্নহাস বোধ করি লজ্জা পেল। মুহূর্ত্তে একটু হাসি হেসে বলল, “দ্বাদশ নাতীদের ফার্স্ট হওয়ার খবর তোলা থাকল, আর—”

তোলা নেই।

সেকথা শুনেছেন রামকালী। নবকুমার বলেছে। নাতীদের সঙ্গে দেখা হল না বলে দুঃখ প্রকাশও করেছে। রামকালী বলেছেন, “তা সত্যি, দেখি নি অনেক দিন। জলপানি পেয়েছে, শুনে খুশি হলাম।”

এসব গত রাত্রে কথা।

স্নহাস জানে না। স্নহাস নিজের লজ্জা ঢাকতে তাড়াতাড়ি ওদের কথা তোলে।

রামকালী মুহূর্ত্তে হেসে বলেন, “নাতির ফার্স্ট হওয়া আশ্চর্যের কথা, কিন্তু নতুন কথা নয় দিদি, নাতনীর ফার্স্ট হওয়াটাই নতুন কথা।...আশীর্বাদ করি স্নহী হয়, সোঁভাগ্যবতী হও।”

সত্যর দিকে ফিরে বলেন, “মন খুলেই আশীর্বাদ করলাম রে।”

সত্যর চোখ আবার জলে ভরে আসে।

বাবার কথাবার্তার ধরন বদলে গেছে। চিরদিনের সেই দুরত্ব বজায় রাখা মাপা-জোপা কথার জায়গায় এখন যেন নিকটের স্বর।

সংসার থেকে মুখ ফিরোবার কালে কি সহসা সংসারের প্রতি মমত্ববোধ করছেন রামকালী?

নাকি তাঁর এই তৃষ্টিছাড়া সংসার-ছাড়া মেয়েটার কার্যকলাপ তাঁকে বিচলিত করেছে?

যাত্রাকাল যত নিকটবর্তী হয়, সত্যর গলার শব্দ তত ভার হয়ে আসে। “থেকে যাও” বলে অহুরোধ করারই বা পথ কোথা? এখানে একমুঠো ভাত খাবার অহুরোধ চলবে না! যেতেই দিতে হবে।

ছোট ছোট কথা, ছোট ছোট নিখাস।

“কবরেজী কি ছেড়ে দেবে বাবা?”

“ছেড়ে দেব? না ছেড়ে দেব কেন সত্য? ওই বিগেটুকু দিয়ে ষতটুকু বার উপকার হয়—তবে পেশাটা ছেড়ে দেব।”

অর্থাৎ “দক্ষিণা”টা বাদ।

“খুব কষ্ট করে থাকবে না তো বাবা?”

“বিশ্বনাথের খাসমহলে কষ্ট করে পাগলী!”

“শরীর-অশরীরে এই বেয়াড়া অবাধ্য মেয়েটা একটু খবর পাবে তো বাবা?”

“সে বাপু এখন বাক্যদস্ত হতে পারছি না।”

“সে জানি! সে কি আর জানতে বাকী আছে আমার।”

নবকুমার পায়ের ধুলো নিয়ে বলে, “কবে যাত্রা?”

“এই সামনের অষ্টমী তিথিতে নৌকা ছাড়বে।”

“নৌকো!” নবকুমার সাহসে ভর করে বলে, “কেন এখন তো রেল-গাড়ি চলে—”

“চলেছে! নৌকোও তো চলে এসেছে।” রামকালী হাসেন, “সে তো চলৎশক্তি হারায় নি।”

“ওতে একদিনে পৌঁছে যেতে—”, সত্য এগিয়ে এসে বলে।

রামকালী যুহু হাসেন, “অত তাড়াতাড়িই বা কী? মুমূর্ষু রোগী দেখতে তো যাচ্ছি না? তীর্থের পথটাই তীর্থ, পথটাকে চোখ বুজে অতিক্রম করে লাভ কি। এ একেবারে মা গঙ্গার কোলে চড়ে বসবো, কোলে কোলে চলে যাব।”

“বাবা ঠিকানা?”

“ঠিকানা? সে কি আমি এখান থেকে ঠিক করে যাচ্ছি রে?”

“গিয়ে পৌঁছনো খবরে জানাবে তা হলে?”

“এই দেখ! এ মেয়ের কেবল সত্যবন্দী করিয়ে নেবার ফন্দী!”

“হবেই তো! যেমন নাম রেখেছ।”

একেবারে যাবার সময়, রামকালী সহসা বেনিয়ানের পকেট থেকে দুখানি পাকানো কাগজ বার করে বলেন, “এই নাও, এই দুটি জিনিস রাখো।”

“কী এ?”

সত্য হাত পাতে না, চমকে তাকায়।

রামকালী বলেন, “একখানি তোমার জন্মপত্রিকা। আমার কাছে ছিল এয়াবৎ—”

“ও আমি নিয়ে কি করব বাবা?”

“থাক! থাকা ভাল। আর এইটা—”, রামকালী একটু থামেন, “দেশের বিষয়-আশয় বা কিছু বংশের ছেলেদেরই থাকল। ত্রিবেণীতে আলাদা কিছু লাখরাজ জমি ছিল, সেটা তোমার নামে—”

“না বাবা না”, সত্য কঁদে ওঠে, “ও আমি চাই না। আমি তোমার মেয়ে-সন্তান, শুধু স্নেহের অধিকারী—”

“তা এটুকু সেই স্নেহেরই চিহ্ন ধরে নাও।”

“বাবা গো, চিহ্ন দিয়ে স্নেহ বুঝবো তোমার? না বাবা দরকার নেই আমার।”

সত্য হাতও পাতে না, চোখের আঁচলও নামায় না।

এত কালো বোধ করি সারা জীবনে কঁাদে নি সত্য। মা মরতেও নয়।

রামকালী মুখটা ফিরিয়ে আত্মস্থ করে নেন নিজেকে, তার পর নবকুমারের দিকে বাড়িয়ে দিয়ে বলেন, “রাখো!”

নবকুমার সত্যর এই বাড়াবাড়িতে চাঞ্চল্য বোধ করছিল।

ভাবছিল, “ছেলে নেই, মেয়ের তো সবই পাবার কথা। বলে মহারাজী

ভিক্টোরিয়া রাজ্যটাই পেলেন। সে সব কিছুই না, মুষ্টিভিক্ষের উপহার, তাও ঘেয়ে নিচ্ছেন না। অতএব নবকুমারের হাত বাড়াতে দেয়ি হয় না।

রামকালী পলাকিতে ওঠেন।

আপাততঃ পালকিতেই চড়লেন। কলকাতার বিশিষ্ট কয়েকটি দেবস্থান দেখবেন, তার পর নৌকোর উঠবেন। রেলটা পছন্দ করেন না রামকালী। বলেন, “তেমন তাড়া না থাকলে দরকার কি?”

পালকিটা যতদূর দেখা যায়, দরজায় দাঁড়িয়ে দেখে সত্য। তার পর বাড়ির মধ্যে ঢুকে এসে বসে পড়ে। অনেকক্ষণ পরে চোখ মুছে নিখাস ফেলে বলে, “নেহাত নিরুপায় যদি না হতাম, ঠিক আমি বাবার সঙ্গে চলে যেতাম।”

নবকুমার বলে, “তা নিরুপায় আর কি? ক’টা দিন নয় স্ত্রহাস চালিয়ে দিত, গেলেই পারতে। যে দুদিন না কাশী যান উনি, থেকে আসতে! বললে না তো?”

সত্য আর একটা লজ্জা আর ক্ষোভ মেশানো নিখাস ফেলে বলে, “সংসার চালানোর কথা নয়! অন্য কথা! শরীরের অবস্থাই মনে হচ্ছে আমার ভাল নয়। জানি না বুড়ো বয়সে আবার কপালে কী গেরো আছে—”

নবকুমার কিছুক্ষণ ইঁা করে তাকিয়ে থাকে সত্যর সেই লজ্জা-ক্ষুব্ধ বিপন্ন মুখের দিকে, খবরটা হৃদয়ঙ্গম করতে তার কিছুক্ষণ লাগে। তারপর অকস্মাৎ এক অপ্রত্যাশিত পুলকে রোমাঙ্কিত হয়ে ওঠে সে।

ওঃ ভগবান!

এইবার তাহলে সত্যর পায়ে একটু ছেকল পড়বে! এই ছেকল পড়ার কথাটাই সব চেয়ে আগে মনে পড়ে নবকুমারের। আর তাতেই আহ্লাদ উথলে ওঠে। হঠাৎ সত্যর একটা হাত চেপে ধরে বলে, “সত্যি?”

আস্তে হাতটা ছাড়িয়ে নিয়ে সত্য বলে, “আহ্লাদে নাচবার কিছু নেই।”

উনচল্লিশ

ভরা হুপুর।

নোকো মাঝগঙ্গায়।

দাঁড়টানার একটানা একটা শব্দ ছাড়া আর কোনো শব্দ নেই। শুধু খানিক খানিক সময় অন্তর দাঁড়ি-মাঝিদের এক-একটা দুর্বোধ্য হুকার শুক প্রকৃতিকে যেন চমকে চমকে দিচ্ছে।

নোকোর আশেপাশে, দাঁড়ের ধাক্কায় ভেঙে পড়া জলের বৃত্তরেখা, দূরে চেউ খেলানো জলের রেশম চিকন গায়ে বাতাসের মুহূর্ণা কাঁপন।

সেই চেউ খেলানো ঘি-রঙা রেশমী ওড়নার গায়ে হীরেকুচি রোদের উজ্জল সমারোহ।

রামকালী সেই সমারোহের দিকে তাকিয়ে শুরু হয়ে বসেছিলেন।

ভরহুপুরের অচঞ্চল গঙ্গা, নোকোর গতি মুহূর্ণা-মুহূর্ণা, তাই ভিতরে আলোড়ন নেই।

কিন্তু মনের ভিতরে ?

যে মন ওই শুরু দেহদুর্গের মধ্যে চিরদিন সমাহিত থেকেছে ?

না, আলোড়ন নয়, শুধু যেন সেই চিরসমাহিত মনটাকে আজ একটু মুক্তি দিয়ে ফেলেছেন রামকালী। ছেড়ে দিয়েছেন ইচ্ছেমত ঘুরে বেড়াবার জগৎ।

এই আটঘটি বছর ধরে যে দীর্ঘ প্রাস্তরটা পার হয়ে এলেন রামকালী, সেই প্রাস্তরের এ-প্রান্ত থেকে ও-প্রান্ত অবধি পাক খেয়ে বেড়াচ্ছে সেই হঠাৎ ছাড়া পাওয়া মনটা।

এর আগে কোন দিন এমন করে স্বাতি-রোমন্থন করেন নি রামকালী। আজ করছেন। হয়তো বা অজ্ঞাতসারেই করছেন।

আজ সংসারের কাছ থেকে বিদায় নিয়েছেন রামকালী, শিঠ ফিরিয়েছেন তার দিকে। কিন্তু বিদায় গ্রহণের প্রাকালে কত ব্যবস্থা, কত হিলেবনিকেশ, কত নির্দেশ, কত বন্দোবস্ত !

গ্রামে যে টোলাটি স্থাপন করেছেন, যে দুঃস্থ বিজ্ঞার্থী কল্লনের প্রতিপালনের ভার গ্রহণ করেছেন, একজন কবিরাজ বলিয়ে যে দ্ব্যতব্য কবিরাজখানাটি প্রতিষ্ঠা করেছেন, গ্রীষ্মের দিনের জন্তে যে জলসত্রটি খুলেছেন, সেগুলি বাতে

বন্ধ হয়ে না যায়, তার জন্য উচিতমত নিজের জমি দানপত্র করে দিয়ে আসতে হল। যে কজন দুঃস্থ পণ্ডিত বৃত্তি পেয়ে আসছিলেন, তাঁদের বৃত্তি বজায় রাখার জন্যও জমি ব্যবস্থা করতে হল। তাছাড়া বরাবর গ্রামের কতাদায়গ্রন্থ দরিত্র পিতা, অবীরা অসহায়া বিধবা, রুগ্ণ অগাধ পুরুষের, অথবা মাতৃপিতৃহীন শিশুর একরকম আশ্রয়স্থল ছিলেন রামকালী।

দূর দূর জায়গা থেকেও লোক এসে হাত পেতেছে রামকালীর কাছে।

এসব লোক যাতে একেবারে না বঞ্চিত হয়, একেবারে না বিতাড়িত হয়, তার জন্য রাস্তাকে নির্দেশ দেওয়া হয়েছে, একখানা বড় তালুকের মাধ্যমে।

অবশ্য রাস্তা যদি নিয়ম বজায় না রাখে, রাস্তা যদি সে তালুকের উপস্থান আত্মসাৎ করে, করবার কিছু নেই। কারণ এটা একটা অনিয়মিত ব্যাপার।

তবু রাস্তাকেই ভার দিয়ে আসতে হল। রাস্তা ছাড়া আর কে মানুষ হল? নেড়ুটার তো উদ্দেশ্যই পাওয়া গেল না প্রায়। ঠিকানা না জানিয়ে দু'একটা চিঠি দিয়ে ছিল কবে কবে যেন। তাতেই জানা আছে, মরে নি বেঁচে আছে। রাস্তার আর ভাইগুলো তো অমনিয়ি। সেজকাকার দুই ছেলে কুচুটের রাজা। রাস্তার বড় ছেলেটা বাবুর শিরোমণি হয়ে উঠছে। হচ্ছে সারদার দোষেই কতকটা।

সারদা যেন স্বামীর সঙ্গে রেযারেশি করে ছেলেকে 'বাবু' করে তুলতে বন্ধপরিকর। সব কথায় বলে, 'ও পারবে না!'

ওই একটা মেয়ে! অভূত উন্টোপান্টা!

রামকালী নিশ্বাস ফেলে ভাবলেন, ওর বিধাতা কি ওকে কতকগুলো উন্টোপান্টা জিনিস দিয়েই তৈরী করেছিলেন, নাকি জীবনটা ওর উন্টোশ্রোতের মুখে পড়ল বলেই?

রামকালী ওর হৃদিস পান না।

কখনো ওর ভারসহ কর্মনিষ্ঠা, ওর অসাধারণ নৈপুণ্য, ওর অগাধ সহিষ্ণুতা দেখে তাক লেগে যায়, কখনো ওর বিশ্বয়কর নির্লিপ্ততা, দৃষ্টিকটু ঔদাসীন্য দেখে স্তব্ধ হতে হয়।

দুর্গোৎসবের সমস্ত ভার সারদা একা মাথায় তুলে নিতে ভয় পায় না, দিয়েও নিশ্চিন্ত হন রামকালী। কিন্তু এবারে হঠাৎ সারদা শাস্তি বোষণায় জানিয়ে দিল, খুড়োঠাকুর যেন এ ভার আর কারো উপর ন্যস্ত করেন।

কেন?

‘কেন’র কিছু নেই।

বাড়িতে তো আরো লোক আছে।

গ্রামের কজন বয়স্ক ব্রাহ্মণ-কন্তাকে ডেকে রামকালী জানিয়েছিলেন বড় বোমার শরীর অসুস্থ, অতএব তাঁরা যদি—

তা তাঁরা এসেছিলেন, তুলেও দিয়েছিলেন পুজো।

কিন্তু অনেক সন্ধ্যাসীতে গাজন নষ্ট।

পুরোহিত পুজোর বসে হাতের কাছে উপকরণগুলি ঠিকমত না পেয়ে রেগে আশুন।

তবু রামকালী যেন সারদার উপর রাগ করতে পারেন না। পারেন না অগ্রাহ্য করতে। অসুভব করেন, সারদার মধ্যে ‘বস্তু’ ছিল, কিন্তু ভাগ্যের প্রতিকূলতায় সেটা খণ্ড খণ্ড হয়ে গেছে।

ভাগ্যের প্রতিকূলতায় ?

এইখানেই কোথায় যেন একটা খোঁচ। অনেকবার ভেবেছেন রামকালী, ভাগ্য ছাড়া আর কি ? মানুষ তো নিমিত্ত মাত্র, কিন্তু সে বিশ্বাসে অটুট থাকতে পারেন নি।

যাক, তবু সকলের যথাসাধ্য সুব্যবস্থা করে এসেছেন রামকালী, এখন যার যা নিয়তি। তথাপি অনেকগুলো মুখ যেন হতাশ দৃষ্টি মেলে তাকাচ্ছে রামকালীর দিকে। যেন বলছে...ফেলে চলে গেলে আমাদের ?...সত্যি !...কই যাবে এ কথা তো বল নি কোনদিন ? আমরা যে বড় নিশ্চিন্ত ছিলাম !

এই মুখগুলোর মধ্যে সারদার মুখটা বড় স্পষ্ট, সারদার চোখটা বড় তীব্র। হতাশা নয়, যেন সে দৃষ্টিতে অভিযোগ।

কিন্তু অনেক বছর আগে আর একবার যখন সংসার ত্যাগ করেছিলেন রামকালী ?

তখন কি একবারও পিছনপানে তাকিয়েছিলেন ? নাঃ ! কী হালকা, কী বন্ধনহীন মন নিয়ে সেই যাওয়া !

বৈরাগ্যের কারণটা নিতাস্তই স্থূল ছিল সত্যি, বাপের খড়ম থেকে সে বৈরাগ্যের উদ্ভব। রাগ দুঃখ অভিমান ক্লেভ সব মিলিয়ে তীব্র একটা অসুভূতি যেন ঠেলে ঘরের বার করে দিয়েছিল সেই কিশোর বালককে, যাকে এখন যেন চোখের সামনে দেখতে পাচ্ছেন রামকালী।

ছেলেটা একথানা নৌকোর পাটাতনের মধ্যে ঢুকে বসে রইল সারাটা দিন, কেউ তেমন লক্ষ্য করল না, একসময় ছেড়ে দিল নৌকো। ছেলেটা রইল ঘাপটি মেরে।

তার পর অনেকক্ষণের পর ধরা পড়ল।

তখন নৌকো অনেক এগিয়েছে।

রামকালী দেখছেন, মাঝি-মাল্লারা জেরা করছে ছেলেটাকে। ছেলেটা স্বচ্ছন্দে উত্তর দিচ্ছে—তার কেউ কোথাও নেই, গরীব ব্রাহ্মণসন্তান, ভাড়া-টাড়া দিতে পারবে না, নৌকো যেখানে যাবে, সেখান পর্যন্ত যদি তাকে দয়া করে নিয়ে যায় তারা।

অবস্থা বুঝে মমতাবশতঃই হোক, অথবা দেবকান্তিরূপ দেখেই হোক, ছেলেটাকে তারা সমাদর করে নিয়ে গিয়েছিল মুকুন্দাবাদ অবধি।

সেখানে মিলে গেল গোবিন্দ গুপ্তর আশ্রয়।

সে যেন ঈশ্বরের প্রত্যক্ষ আশীর্বাদের মত।

সেই নিতান্ত কিশোর ছেলেটার মনে হয়েছিল, পৃথিবীটা এত বড়! ভগবান এত দয়ালু! অথবা ইনিই ভগবান? পুরাণ উপপুরাণের গল্পের মত ছদ্মবেশ ধরে রামকালীকে রূপা করতে এসেছেন?

গঙ্গার ঘাটেই বসেছিল ছেলেটা।

কবিরাজ আনে এসেছিলেন।

থমকে দাঁড়িয়ে পড়ে বললেন, “চিনছি না তো তোমাকে? কাদের ছেলে বাবা?”

এখন ভেবে হাসি পাচ্ছে, রামকালী স্বচ্ছন্দে বলেছিলেন, “তোমার সে খোঁজে দারকার কি?”

“দরকার কিছু আছে বৈকি!” গোবিন্দ গুপ্ত একটু হেসে বলেছিলেন, “কাদের ছেলে, কেন একা ঘুরে বেড়াচ্ছ, রীত-চরিত্তিরই বা কেমন, এসব না জ্ঞানলে চলবে কেন?”

“চলবে না?”

“না। ভিনগাঁয়ের ছেলেকে বিশ্বাস কি?”

পরে জেনেছিলেন রামকালী, ওটা একটা চালাকি। রাগিয়ে দিয়ে পরিত্যক্ত আত্মার চেষ্টা। কিন্তু সেদিন সেই ছেলেটার সে কথা বোঝাবার কথতা ছিল না। সে তাই জুড়গলায় বলে উঠেছিল, “বিশ্বাস করতে কে পারে

ধরছে তোমার? আমার ইচ্ছে আমি বসে আছি। ঘাট কি তোমার কেনা।”

সেই সৌম্যদর্শন প্রোঢ় ছেলেটার কথাই যে বেশ কৌতূহল অহুভব করেছিলেন, তাতে সন্দেহ নেই। এবং ইচ্ছে করেই খানিকক্ষণ ধরে বাদ-বিতণ্ডা চালিয়েছিলেন মজা উপভোগ করতে।

তার পর কেমন করেই যেন সন্ধি হয়ে গেল। আর কেমন করেই যেন ছেলেটা আশ্রয় পেয়ে গেল তাঁর কাছে।

কিন্তু শুধুই কি আশ্রয়?

নিঃসন্তান দম্পতির হৃদয় উজ্জার করা ভালবাসার অধিকারী হয় নি সেই মুখর ছেলেটা?

আন্তে আন্তে সেই মুখরতা চপলতা সব অন্তর্হিত হয়ে স্থির শাস্ত মেধাবী একটি ছাত্রে পরিণত হল সে। আর শুধু স্নেহেরই নয়, তাঁদের যথাসর্বস্বেরই উত্তরাধিকারী হয়ে উঠল।

আশ্চর্য! তবু এক দিনের অল্পে নিজের হাতে রেঁধে খাওয়ান নি কবিরাজ-গৃহিণী। অল্প এক ব্রাহ্মণবাড়িতে খাওয়ার ব্যবস্থা করে দিয়েছিলেন।

সমস্ত দৃশ্যগুলো যেন হঠাৎ চোখের উপর জলজলিয়ে উঠছে।

রামকালী আবদার করছেন, জেদ করছেন, “আমি তো তোমাদের জাতেরই হয়ে গেছি” বলে যুক্তি খাড়া করছেন, কবিরাজ-গৃহিণী হাসিভরা মুখ আর চোখভরা জল নিয়ে বলছেন, “পাগলা ছেলে, তাই কখনো হয়?”

“তোমাদেরও তো পৈতে আছে—”

বলেছিলেন রামকালী।

গোবিন্দ গুপ্ত হেসেছিলেন, “আছে, তা সত্যি। তবে কি জানিস? সবারই তো জাত থাকে? কেউটে গোথরো আর ঢোঁড়া বোড়া যেমন এক নয়, তেমনি তোর পৈতে আর আমার পৈতে এক নয়। তাকে ভোঁ আমার দত্তক নিতে ইচ্ছে করে, কিন্তু নিই না। কখন কি অপরাধ ঘটে কে জানে।”

স্নেহের সঙ্গে প্রকার এক আশ্চর্য সংমিশ্রণ।

রামকালী প্রথমে বলেছিলেন, “আমার কেউ কোথাও নেই।”

তারপর ধীরে ধীরে সবই প্রকাশ পেয়ে গিয়েছিল।

গোবিন্দ গুপ্ত বলতেন, “দেখ, তোর মা-বাপকে খবর না দেওয়া আমার পক্ষে মহাপাপ হচ্ছে, তুই নিষেধ করিস না, আমি কোন প্রকারে খবর দিই।”

রামকালী বলতেন, “কেন? আমি বুঝি তোমার চক্ষুশূল হচ্ছি এবার? বেশ, পুণ্যের ভরা করে খবর দাও তুমি, দেখবে আবার পাখী ফুটুং!”

কবিরাজ-গৃহিণী ষাট ষাট করে শিউরে উঠতেন। বলতেন, “তুমিই বাঁ পাপ-পাপ করে ব্যস্ত হচ্ছ কেন বাপু? ওর মা-বাপ, ও বুঝবে। ছেলের প্রাণ যদি ‘মা’ বলে না কাঁদে, বুঝতে হবে মায়ের প্রাণে কোথাও ঘাটতি আছে।”

“মায়ের প্রাণে কি ঘাটতি থাকে বড়বো?”

কবিরাজ বলতেন সহাস্তে।

রামকালী চড়ে উঠতেন। বলতেন, “আছে। খুব আছে। আমাকে মা দু-চক্ষে দেখতে পারে না। নইলে পিসি যখন শাসন করে, তখন ইচ্ছে করে করে আমার নামে আরো লাগায়?”

“সে বোধ হয় ননদের ভয়ে—”

“ইং, ভারী আমার ভয়! মায়ার চেয়ে ভয় বড় হল!”

পরে অনেক সময় ভেবেছেন রামকালী, সত্যি, মার জন্তে তো একটুও মন কেমন করত না তাঁর। বরং কবিরাজ-গৃহিণী যখন অস্থির পড়তেন, আর শেষে যখন মারা পড়লেন, লুকিয়ে লুকিয়ে কেঁদে কেঁদে শিরঃপীড়া জন্মে গিয়েছিল।

কেন এমন হয়েছিল?

রামকালী নিষ্ঠুর?

না তার মা-বাপই স্নেহহীন?

বাপের সম্পর্কে এক কথায় রায় দিয়ে দিলেও মায়ের সম্পর্কে সে রায় দিতে একটু বাধতো। হয়তো বিবেকেই বাধতো।

কিন্তু জীবনের এই শেষপ্রান্তে এসে যখন জীবনটাকে ওই ফেলে আসা গভীর স্রোতের মতই সম্পূর্ণ আর স্পষ্ট দেখতে পাচ্ছেন, তখন রামকালী নিশ্বাস ফেলে ভাবলেন, ভালবাসা জীবনে সেই একবারই লাভ করেছিলেন।

সেই এক প্রোঢ় সম্পত্তির কাছে।

সারা জীবনে অনেক পেয়েছেন রামকালী, শ্রদ্ধা সমীহ ভয় ভক্তি, ভালবাসা পান নি। সবাই তাঁকে দূরে রেখেছে, দূরে থেকে প্রণয় জানিয়েছে।

রামকালীর নিজেরই দোষ।

দূরত্বের গণ্ডি নিজেই রচনা করেছেন তিনি। ইচ্ছে করে নয়, স্বভাবে।

কোনদিন কি ভাবতে পেরেছেন তিনি, গ্রামের কোনো কাজেকর্মে তিনি ব্রাহ্মণ-ভোজনের সারিতে পাত পেতে বসেছেন? ভাবতে পেরেছেন তিনি কোথাও ‘দান’ নিচ্ছেন?...কারো চণ্ডীমণ্ডপে গিয়ে বসে গালগল্প করছেন? তাস-পাশা খেলছেন?

ভাবলে হাসি পাবে কি, ভাবতেই পারেন নি।

অথচ গ্রামের অনেক কুলীন সন্তানই এমনি সাধারণের ভূমিকায় জীবন কাটাচ্ছেন।

কৌলীভটার সত্যকার বাস তবে কোথায়?

কিন্তু আজ সংসারকে পরিত্যাগ করে যাবার সময় হঠাৎ মনে হচ্ছে রামকালীর, সারা জীবন বিজয়ীর ভূমিকা নিয়ে কাটালাম, কিন্তু সত্যি কি বিজয়ী হতে পেরেছি?

তা হলে কেন মনে হচ্ছে, ভয়ানক একটা লোকসানকে টেনে এনেছেন তিনি সারাজীবন ধরে?

লোকসানটা কী? পরাভবটা কোথায়?

লোকসানের কথা ভাবতে অপ্রাসঙ্গিক একটা কথা মনে এল রামকালীর। কিংবা অপ্রাসঙ্গিক নয়।

সত্য বড় আক্ষেপ করে বলেছিল, “এই খেদ রয়ে গেল বাবা, তোমায় এক দিন রেঁধে খাওয়াতে পারলাম না।”

আচ্ছা কতটুকু ক্ষতি হত রামকালীর, যদি সত্যর এই খেদটুকু না রাখতেন? নিয়মের সেই সামান্ততম হানির লোকসানটাই কী মস্ত একটা লোকসান হত?

রামকালী তাঁর জীবনে যে বস্তুকে পরম মূল্য দিয়ে এসেছেন, সত্যিই কি সেটাই মূল্যের শেষকথা?

যদি তাই হয়, তবে কেন বারবার ভুবনেশ্বরী অভূত এক বিজয়ীনির হাসি হেসে চোখের সামনে এসে দাঁড়ায়?

কেন বলে, “জীবনে তো অনেক পেলো, পাওয়ার গোরবে পৃথিবীর দিকে ভাকিয়ে দেখ নি, কিন্তু আসল ঘরটাই যে ফাঁকা পড়ে রইল তোমায়, সে হিসেব করেছ কোন দিন? কর্তব্যই করলে চিরকাল, ভালবাসতে পারলে কাউকে?”

মনের মধ্যে ডুব দিয়েছেন রামকালী।

ভালবাসা? কার জন্তে সঞ্চিত থেকেছে?

সত্যর মুখ ছাড়া আর কোনও মুখ চোখে ভেসে উঠছে না।

আর সব যেন ‘জীবের’ প্রতি করুণা।

সত্য আছে হৃদয়ের নিভূতে অনেকখানি জায়গা দখল করে। কিন্তু সেটুকু কি সত্যকে কোন দিন জানতে দিয়েছেন রামকালী? জানানো দুর্বলতা ভেবে অনবরত বালি চাপা দিয়ে আসেন নি কি?

হঠাৎ ‘দুর্গা দুর্গা’ করে উঠলেন রামকালী। ছেড়ে দেওয়া মনকে যেন বেঁধে ফেললেন। বললেন, “ওহে মুন্সেরে পৌঁছবে কখন নাগাদ?”

মারি বলল, “আজ্ঞে কর্তা, এই তো এসে পড়লাম বলে—”

“আচ্ছা ভাল। কষ্টহারিণীর ঘাটে নৌকো বাঁধবে।”

চল্লিশ

সাধন সরল শিসির কাছে দেওয়া প্রতিজ্ঞা ভঙ্গ করে নি, তবু সবই প্রকাশ হয়ে পড়ল। প্রকাশ হয়ে পড়ল সহুর দীনতা, আর তার ভাইপোদের মিথ্যা কথা।

কাঁচা-পাকা চুল; বেঁটে খাটো শক্ত সমর্থ চেহারার যে ভদ্রলোকটির বাসা খুঁজে খুঁজে সেদিন শিসির দেওয়া চিঠিখানা পেশ করে এসেছিল ওরা, সেই ভদ্রলোক তার পরের রবিবারেই সকালে এদের এখানে এসে হাজির হলেন।

এ হেন সম্ভাবনার কথা স্বপ্নেও মনে আসে নি ওদের। অবশ্য সেদিন ভ্রম খণ্ডিত পলায়নপর ছেলে দুটোকে প্রায় জোর করে ধরে দাঁড় করিয়ে ডাঃদেব নাম কি, দেশ কোথায়, কলকাতার বাসা কোন্ রাস্তায়, ইত্যাদি পুঙ্খানুপুঙ্খ জেনে নিয়েছিলেন ভদ্রলোক, শুধু সেটাকে নিছক কৌতূহল

ছাড়া কিছু ভাবে নি এরা দুই ভাই। সন্দেহমাত্র করে নি, ভদ্রলোক দু-দিন না যেতেই “কৈ গো খোকারা,” বলে এসে হানা দেবেন।

এ যে বিনা মেঘে বজ্রাঘাত।

ভয়ে প্রাণ উড়ে গেল ওদের।

সভয়ে পরস্পর মুখ চাওয়াচাওয়ি করল দু'ভাই, তার পর সরল নিঃশব্দে দুটো হাত উন্টে এমন একটা বেপয়োরা ভঙ্গী করল, যার অর্থ দাঁড়ায়—“তা আমাদের কী দোষ? আমরা তো ওনাকে আসতে বলি নি, পিসি বারণ করে দিয়েছিল তাই না—”

কিন্তু—

এটাও বিনা শব্দে শুধু চোখের ইশারায় উচ্চারিত হল, কিন্তু আমরা সেদিন মিছে কথা বলেছি। মা যখন বলল, ইঞ্চুল থেকে ফিরতে দেয় কেন, তখন বলেছি ইঞ্চুলে বল খেলা ছিল।

কিন্তু এত সব ভাববিনিময় মুহূর্তেই ঘটল, কারণ ইত্যবসরেই ভদ্রলোক বাড়ির চৌকাঠ ডিঙিয়ে উঠোনে এসে দাঁড়িয়ে বাজুখাঁই গলায় পুনঃ প্রশ্ন করেছেন, “খোকারা বাড়ি নেই নাকি?” এবং সত্যবতী মাথার কাপড় টেনে রান্নাঘর থেকে বেরিয়ে এসে স্পষ্ট গলায় উচ্চারণ করেছে, “তুড়, দেখ তো কে। জিজ্ঞেস কর কাকে চান।”

তুড়কে আর কষ্ট করে জিজ্ঞেস করতে হল না, যার কানে যাবার স্বচ্ছন্দেই গেল। আর তিনি সহাস্ত্রে এগিয়ে এসে উত্তর দিলেন, “ননদাই গো ননদাই, আপনি হচ্ছেন খালাজ ঠাকরন।”

শুনে সত্যবতী হাঁ!

এইমাত্র নবকুমার বাজুারে গেল, আর এখন এই ঝামেলা! কে জানে লোকটা কে! কোন বদবুদ্ধি লোক, না বাসা ভুল করে—সেই কথাটাই বলে সত্যবতী, ছেলেদের মাধ্যম মাত্র করে, “তুড়, বল আপনি বোধ হয় বাসা ভুল করেছেন—”

“বাসা ভুল!”

ভদ্রলোক হেসে উঠলেন, “মুকুন্দ মুখ্যে এত কাঁচা ছেলে নয় যে উচিতমত তজ্ঞাস না করে কাকুর অন্দরে ঢুকে পড়বে। দম্ভরমত পাড়ার লোককে শুধিয়ে সঠিক জেনে তবে ঢুকেছি। বলি তুমি বাকুইপুরের নীলাধর বাঁদুঘোষ ব্যাটা নবকুমার বাঁদুঘোষের পরিবার নয়? অস্বীকার কর?”

বলে আপন রসিকতায় হেঁ হেঁ করে টেনে টেনে হাসতে থাকেন।

কথার ভাষা এবং ভঙ্গিমা এমনি অমার্জিত যে, রাগে আপাদমস্তক জলে যায় সত্যবতীর। নিঃসন্দেহ যে কোন বদলোক, নামটা পরিচয়টা সংগ্রহ করে বাড়ি ঢুকে পড়ে ভয় দেখাতে চায়।

চাক। সত্য বামনীকে চেনে না।

দুর্দ আর বিরক্তস্বরে বলে ওঠে সত্যবতী, “তুচ্ছ, বল পাড়া-পড়নীকে শুধিয়ে কাকুর নাম পরিচয় জানা এমন কিছু কঠিন কাজ নয়। আমরা ও নামে কাউকে চিনি না, উনি যেতে পারেন।”

কিন্তু মুকুন্দ মুখ্যে এত সহজে অপমানিত হন না। হাশুবর্গ বজায় রেখেই বলেন, “চেন না তা সত্যি। জানার স্বযোগ আর ঘটল কই? তোমার নন্দ ঠাকুরণ তো আমাকে ত্যাগ দিয়ে নিশ্চিন্দ আছেন। তা এতদিন পরে বিশ্বরণ রাজার স্মরণ হল কেন, সেই কথা শুধোতেই আসা। কিন্তু খোঁকারা, তোমরা একেবারে চুপটি মেরে মুখটি সেলাই করে বসে আছ যে? সেদিন অত আলাপ পরিচয় হল, চিঠি পৌঁছে দিলে, আর আজ যেন চিনতেই পারছ না। মাকে বুঝি বল নি? তাই উনি ‘সোবে’ করছেন লোকটা গুণ্ডা বদমাশ।”

এতক্ষণ তাই-ই ভবছিল বটে সত্যবতী, কিন্তু ভদ্রলোকের শেষ কথাটারে যেন অকূল সমুদ্রে পড়ে।

এসব কি কথা।

বিন্দুবিসর্গও তো বুঝতে পারছে না সত্যবতী। নিজের ছেলোদের মুখের দিকে তাকিয়ে দেখল। সেখানে স্পষ্ট অপরাধীর ছাপ। কী এ?

লোকটা কি বাকুইপুরের কেউ?

তুচ্ছ খোকা যখন দেশে গিয়েছিল তখন দেখেছে, এখন চিনতে পারছে না? কিন্তু “চিঠি” কিসের? ভগবান জানেন বাবা। একেই তো খণ্ডরবাড়িতে সত্যর নাম জাঁহাজ বোঁ, আবার এককাঠি বাড়ল বোধ হয় সে বদনাম। ছেলে দুটো যেভাবে শুকনো মুখে দাঁড়িয়ে আছে, তাতে সন্দেহ নেই, ঘটেছে কিছু।

কিন্তু তথ্যপি মুখে হারে না সত্য। দুর্দ হলেও একটু নরম স্বরে বলে, “খোকা, বল বাড়ির গুরুজন এখন বাড়ি নেই, আপনি একটু ঘুরে আসুন। যা বলবার তাঁকেই বলবেন।”

মুকুন্দ মুখ্যে এবার একটু গভীর হন। বলেন, “বলবার আমার কিছুই ছিল না। তবে আপনার নন্দ ঠাকরন শ্রীমতী সৌদামিনী দেবী হঠাৎ তাঁর ত্যাগ দেওয়া স্বামীকে একখানা পত্র কেন দিলেন, তারই তন্মাস করতে—”

“ঠাকুরবি পত্র দিয়েছেন! আপনাকে! মানে আপনি—”

“যাক এতক্ষণে চিনলে? বাবাঃ, কোথায় ভেবেছিলাম খালার বাড়িতে এসে একটু জামাই-আদর পাব, তা নয়—”

“কিন্তু ঠাকুরবি চিঠি লিখেছেন!” সত্য আরক্ত মুখে বলে, “আমার বিশ্বাস হচ্ছে না—অসম্ভব।”

মুকুন্দ মুখ্যে কথাটার অল্প অর্থ ধরেন। বলেন, “আহা, নিজের হাতে কি আর লিখেছে? কাউকে ধরে লিখিয়েছে নিশ্চয়। এই তো তোমার এই খোকারাই দিয়ে এল পরশুদিনকে—”

“আমার খোকারা? পরশুদিনকে।”

সত্যবতীও বিচলিত হয়।

বিচলিত স্বরে বলে, “তুডু! খোকা!”

তুডু-খোকার নত বদন, যে বদনে অপরাধের কালিমা।

সত্য যেন একটু অসহায়তা অনুভব করে, আর এই প্রথম বোধ করি নব-কুমারের অনুপস্থিতিতে কাতরতা বোধ করে। মুকুন্দ মুখ্যের চোখে সত্যর এই বিচলিত ভাবটা ধরা পড়তে দেয় হয় না। এবং ব্যাপারটা অনুধাবন করতেও দেয় হয় না। ছেলেমানুষদের যা-হোক বুঝিয়ে চিঠিটা সৌদামিনী চুপিচুপিই পাঠিয়েছে। আগে এটা বুঝলে মুকুন্দ মুখ্যে অল্পভাবে নিজেকে উপস্থাপিত করতেন। ছেলে দুটো খতমত খেয়ে যাচ্ছে, যাবেই তো, মা জননীটি যে খাওয়ারনী তা তো বোঝাই যাচ্ছে। বাবাঃ, যেন পুলিশের ধমক।

কিন্তু মুকুন্দও পুলিশের বাবা।

আটঘাটটি বেঁধে তবে এসেছে। চিঠিটা সঙ্গে এনেছে। তবে ভদ্রলোকের ধারণায় একটু ভুল ছিল। ভেবেছিলেন সৌদামিনী নিশ্চয় কলকাতায় ভাইয়ের বাসায় এসেছে, আর ভাইপোদের সেটুকু চেপে যেতে বলেছে। নইলে সাতজন্মে যে কখনো কোন বার্তা দিল না, সে কেন হঠাৎ...কিন্তু ধারণাটা ভুল তা তো বোঝাই যাচ্ছে। সৌদামিনী এখানে নেই।

সত্যি, তবে কেন হঠাৎ—?

সে চিন্তা যাক। ফতুরার পকেট থেকে সৌদামিনীর সেই গোপনভম

দুর্বলতার ইতিহাসটুকু বার করে মেলে ধরেন মুকুন্দ মুখ্যে দাওয়ার ধারে মেজের। আর দেখে এক মুহূর্তেই চিনে ফেলে সত্য—হাতের লেখাটা তারই বড় ছেলের। অর্থাৎ তুড়ুকে দিয়েই লিখিয়েছে সৌদামিনী।

সমস্ত ঘটনাটা স্পষ্ট হয়ে যেতে দেরি হয় না আর। দিনের আলোর মত স্পষ্ট হয়ে ওঠে। শুধু নিজের ছেলেদের এই দুর্বোধ্য আচরণটা অন্ধকারেই থেকে যায়। সত্যবতীকে বিন্দুবিসর্গ না জানিয়ে এত সব কাণ্ড করবার সাহস কি করে হল ওদের?

গড়ে থাকা চিঠিখানাতে চোখ ফেলামাত্রই পাঠোদ্ধার হয়ে গেছে, কারণ অন্ধরের ছাঁদ আর তার প্রতিটি টান, প্রতিটি ঝাঁক তো সত্যবতীর মুখস্থ।

না, প্রেমপত্র নয়, ভাইপোকে দিয়ে লেখানোয় আপত্তির কিছু নেই। সৌদামিনী লিখেছে—

পরমপূজনীয় শ্রীচরণকমলেশু—

বহুকালাবধি আপনার কোনো সংবাদাদি জানি না, আপনিও সংবাদ নেন না অধীনা জীবিত কি মৃত। আমার কথা থাক, আপনার সংবাদ পাইতে ইচ্ছা হয়। আমার ভ্রাতা নবকুমার কলিকাতায় বাসা করিয়া আছে, তাহার সহিত সাক্ষাৎ হইলে জানিতে পারি। ইহার নবকুমার ভাইজীবনের পুত্র সাধনকুমার ও সরলকুমার। পত্রদানের ধৃষ্টতা মার্জনা করিবেন।

অধিক কি লিখিব। ভগবানের নিকট নিয়ত আপনার কুশল প্রার্থনা করি।

শতকোটি প্রণামান্তে

চরণের দাসী

শ্রীমতী সৌদামিনী দেবী।

পাঠোদ্ধার করে যেন শুদ্ধ হয়ে যায় সত্য। এই সৌদামিনী দেবী কোন সৌদামিনী? সেই তাদের সদ্‌হি? সেই সদ্‌হি নিয়ত ভগবানের কাছে সেই লোকটার কুশল প্রার্থনা করে? এই বেঁটে-খাটো খাটমুণ্ডের গড়নের আধবুড়ো লোকটার।

এও কি সম্ভব?

সৌদামিনী বিধবা নয় এইটুকু মাত্র জানা যেত ভাত খেতে বসার সময়। হেঁসেলের ভাতটা নিয়ে বসত সে মামীর সঙ্গে, ভাই-বোয়ের সঙ্গে, মাছের জাগটা নিয়ে। এই বা।

তা ছাড়া আর কখনো কোনদিন কোনো সময় তো টের পাওয়া যেত না সহর স্বামী আছে। আশ্চর্য! আশ্চর্য! মানুষ কী অভূত জীব গো! শুধু মনে থাকাই নয়, স্বামীর সংবাদের জ্ঞাত উতলা হয় সে। এতই হয় যে মান-মর্যাদা জলাঞ্জলি দিয়ে “চরণের দাসী” স্বাক্ষরিত চিঠি পাঠায়।

এ কী দীনতা।

এ কী দুর্বলতা।

বয়সকালে চিরদিন স্থির থেকে এখন এই ভাঁটা-পড়া বয়সে এমনই অস্থির হল যে মান-অপমান জ্ঞান হারাল?

সৌদামিনীর এই পদস্থলন যেন সত্যবতীর মাথাটা ধুলোয় লুটিয়ে দিল।

পদস্থলন।

হ্যাঁ, পদস্থলনই মনে হল সত্যবতীর। আর অকস্মাৎ তার বড় একটা যা না হয় তাই হল, দুই চোখ জলে ভরে উঠল।

তবু কষ্টে নিজেকে সামলে মাথার কাপড়টা আর একটু বাড়িয়ে সত্য বড় ননদাইয়ের পায়ের ধুলো নিয়ে শাস্ত স্বরে বলে, “মনে কিছু করবেন না, চেনা-জানা তো নেই কখনো। দাওয়ায় উঠে বসুন। তিনি বাজারে গেছেন, এসে পড়বেন এখনই।”

গুরুজনদের সামনে “উনি” বলাটা নাকি অশোভন, তাই “তিনি” বলে সত্যবতী।

অবশ্য তাতে বুঝতে অসুবিধে হয় না সংসার করে বাহু হয়ে যাওয়া মুহূন্দ মুখুয়ের। এতক্ষণে তিনি শালাবোয়ের আচরণে প্রীত হন, এবং প্রণতাকে “থাক থাক” করে সৌজন্য দেখিয়ে গর্বিত ভঙ্গীতে উঠে গিয়ে দাওয়ায় পাতা জলচৌকিতে জাঁকিয়ে বসেন।

সত্যবতীর চোখের ইশারায় ছেলেরাও তাদের নবলব্ধ পিসেমশাইকে প্রণাম করে এবং চোখের ইশারাতেই তামাক সেজে আনতে যায় সরল। যদিও নবকুমার তামাক খায় না, তবু তামাকের পাটটা বাড়িতে রেখেছে সত্যবতী অতিথি-অভ্যাগতের জ্ঞাত।

আপ্যায়ন করতে হবে বৈকি।

পিতৃঋণ মাতৃঋণ দেবঋণ গুরুঋণ তো অলঙ্ঘ্য জগতের, আর তার শোধের কথা তো কথার কথা! আসলে কুটুম্বধ্বংসের তুল্য ঋণ নেই, আর তার

শোধটা নিতান্তই প্রত্যক্ষ বাস্তব। দুর্লভ্য নীতিকে লঙ্ঘন করবে সত্য, লোকটা কুটুখনামের অযোগ্য বলে ?

তা পারে না।

এখন আর পারে না।

এ সেদিনের সেই কিশোরী সত্যবতী নয়, একদা যে স্বপ্নরকে অপবিত্র জ্ঞান করে তার পুঙ্খের গোছ করে দিতে অস্বীকৃত হয়েছিল। এ সত্যবতীর অনেক বাস্তববুদ্ধি হয়েছে। এখনকার সত্য জ্ঞানে কতকগুলো ব্যাপারকে মনের সঙ্গে রক্ষা করতে না পারলেও, বাইরে খানিকটা রক্ষা করে নিতে হয়। নইলে অসামাজিকতা অভদ্রতা ইত্যাদির দায়ে পড়তে হয়। সংসার যখন করতে বসেছে, সামাজিকতার দায় পোহাতে হবে বৈকি।

তাই একটা নিশ্বাস ফেলে রান্নাঘরে ঢুকে উত্তনে চাপানো হাঁড়িটা নামিয়ে রাখে। তারপর বড়ছেলেকে হাতের ইশারায় ঘরে ডেকে তার হাতে রসগোল্লা আনবার পয়সা দিয়ে ঘরের দরজার কাছে এসে বসে। যেখান থেকে সরাসরি না হলেও ননদাইকে অবলোকন করা যায়।

নবকুমার যতক্ষণ না ফিরছে, ততক্ষণ এই বন্ধন-যন্ত্রণা সইতেই হবে তাকে।

হুকোয় একটি হুখটান দিয়ে মুকুন্দ মুখ্যে রাশভারী গলায় প্রশ্ন করেন, “কতদিন হল বাসা করে থাকা হয়েছে ?”

সত্য মুদ্রস্থরে বলে, “অনেক দিন। সাত আট বছর।”

“বল কি ! তখন তো তুমি প্রায় কাঁচা যুবতী গো ! তা বুড়ো-বুড়ী যে মত দিল ? নাকি মরেছে তারা ?”

সত্যর ইচ্ছে হয় মুখের সামনে ঘরের দরজাটা বন্ধ করে দিয়ে বসে থাকে শুন্ম হয়ে। কিন্তু করে না। সংক্ষেপে বলে, “আছেন। মত না দিলে চলবে কেন ? ছেলের লেখাপড়া—”

“হঁ। তা বটে, একালে তো আর পাঠশালে পড়া বিত্তেয় চলবে না। তা মাস্তর ওই দুটিই নাকি ? কুচোকাচা দেখছি নে তো !”

এ কথার আর উত্তর কি দেবে সত্য, চূপ করেই থাকে। “আর হয় নি” এটা বলতেও বুঝি কোথায় কাঁটার মত একটু বাধে। অদৃষ্ট সেই কাঁটাটা বুঝি আন্তে আন্তে অবয়ব নিচ্ছে এক নিভৃত অন্ধকারে।

মুকুন্দ কিন্তু নাছোড়, কেন বলেন, “বাপের সঙ্গে বেয়িয়েছে বুঝি ?”

এ প্রশ্নের উত্তরটা সরলই দিয়ে ফেলে, “আমরা শুধু দুই ভাই।”

মুকুন্দ যে এর মধ্যে নিজের কী “ভাল” আবিষ্কার করেন কে জানে, সম্মিত মুখে বলেন, “তা ভাল! আপদের শাস্তি! এ দিব্যি ঝাড়া হাত-পা হয়ে যাওয়া। এখন তীখ কর ধর্ম কর, দস্তিবিত্তি করে সংসার কর, কোনো বালাই নেই। বাবাঃ, আমার ঘরের এণ্ডি-গেণ্ডিগুলো দেখলে আমার মাথা কেমন করে। মাগুয়ের ছাঁ তো নয়, যেন হাঁস-মুরগীর পাল।”

এবার বোধ করি সত্য বিরক্ত হতেও ভুলে যায়, চমৎকৃত হয়েই তাকিয়ে থাকে। বেটাছেলেতে যে এমন ধরনের কথা কইতে পারে এ তার জানা ছিল না। তার বাপের বাড়ির দেশে অনেককে দেখেছে সে, মেয়েলী বেটাছেলেও দেখেছে, দেখেছে নীলাশ্বরকে, নবকুমারকে, সত্যর আদর্শ অহুযায়ী ‘পুরুষ বেটাছেলের’ রূপ কোথাও দেখে নি সত্য, কিন্তু এ কী!

গ্রামের গাঁইয়ামির মধ্যেও এক ধরনের শোভন সভ্যতা আছে, এই শহরে গেঁয়োটা এক কথায় বিশ্রী কুৎসিত।

অথচ দেখলে বোঝা যায় লোকটা এককালে ‘সুপুরুষ’ বলেই গণ্য হত। একটু বেঁটে বটে, তবে রংটি হর্তেলের মত, মুখাকৃতি দিব্য, কাঁচা-পাকা হলেও চুলে কেয়ারি আছে, আর সর্ব অবয়বে তোয়াজের চিহ্নটি পরিস্ফুট।

হাঁস-মুরগীর পালের সংসার হলেও, ভদ্রলোক নিজের তোয়াজটি ভালই বাগিয়ে নেন সন্দেহ নেই। সত্বদির সতীনকে মনে মনে একপ্রকার ব্যঙ্গাত্মক তারিফ করে সত্য।

কিছুক্ষণ নীরবতা।

মুকুন্দ হাঁকো টানছেন, সত্য উৎকণ্ঠিত দৃষ্টিতে সদরের দরজার দিকে তাকিয়ে আছে, আর বেচারী সরল মনে মনে কাঁঠ হয়ে চুপচাপ দাঁড়িয়ে আছে উত্তত বজ্রের নীচে প্রতীক্ষারতের মত। এই লোকটা চলে যাওয়ার পর যে তাদের বিচার হবে সে বিষয়ে সন্দেহ নাস্তি।

প্রতীক্ষার মুহূর্ত দীর্ঘ। সত্যর মনে হয় নবকুমার যেন কতকাল বাজারে গেছে। আর তুড়ুটাও কম দেরি করছে না। ময়রার দোকান তো এই কাছেই।

নীরবতা ভঙ্গ করলেন মুকুন্দ।

বলেন, “তা তোমার ননদ ঠাকরুনই বোধ হয় মামা-মামীর সেবা করছে?”

• কঠে যেন একটু চাপা অসন্তোষ।

সত্য আশ্বে বলে, “উনিই তো কাছে আছেন বরাবর।”

“তা ঠিকতেই হবে, বেটা বেটার-বোঁ যখন উড়তে শিখেছে। কিন্তু স্বামীর সংসারের প্রতিও তো একটা কর্তব্য আছে? এই তো আমার ঘরে, সংসারটা একটা ‘মাহুঘ’ বিহনে ফুটোনোকোর তুল্য। দ্বিতীয় পক্ষটি তো আমার হরঘড়ি আঁতুডঘরে ঢুকতে ওস্তাদ, বাচ্ছা-কাচ্ছাগুলোর হাড়ির হাল। এখন বড় গিন্নী এসে থাকলে সবদিকই রক্ষা হয়, আর তারও—”

বোধ করি নি তাস্তই অসহ বিন্ময়ে স্তব্ধ হয়ে গিয়েছিল বলে, সত্য এতগুলো কথা বলবার অবকাশ দিয়েছিল লোকটাকে, কিন্তু স্তব্ধতার ঘোর কাটল। আর লোকটা যে সচ আগন্তুক, এবং হিসেবমত গুরুজন, সে কথা বিন্ম্বত হয়ে মুহু হলেও তীব্রস্বরে বলে উঠল, “আপনার অবিশ্বি সবদিক রক্ষে হয়, বিনি মাইনেয় রাঁধুনী-চাকরানী, ঘরুনী, সব পেয়ে যান, কিন্তু তাঁর কী উপকারটা হবে শুনি?”

মুকুন্দ মুখ্যে ক্ষণকালের জ্ঞাত খতমত খেয়ে যান, কারণ এ হেন তীব্রতার মুখোমুখি দাঁড়াতে হবে, এ কল্পনা নিশ্চয়ই ছিল না তাঁর, তবে আত্মস্থ হতেও দেরি লাগে না। সেই আত্মস্থ ভঙ্গীতে মুদুহাস্তের প্রলেপ লাগিয়ে বলেন, “শালাবাবুর আমার পরিবার ভাগ্যটি তো দেখছি বেশ ভালই! একে রূপসী, তায় বিদ্বসী, নাটক নভেল পড়ার অব্যেস আছে বোধ হয়? তা জিজ্ঞেসই যদি করলে তো বালি, উপকারের কিছু না হোক পরকালের কাজটাও তো হবে? আমার ঘরে দাস্ত্রবিত্তি করার চাইতে স্বামীর ঘরের দাস্ত্রবিত্তি কিছু আর অপমান্তির নয়?”

সত্য উঠে দাঁড়ায়, ধীর স্বরের চেষ্টা করে বলে, “মেয়েমাহুঘের কোন্টা মাত্তের আর কোন্টা অমাত্তের সে জ্ঞান থাকলে আর এ কথা বলতে পারতেন না। তবে ঠাকুরঝি যে আপনাকে ত্যাগ দেয় নি, আপনিই ত্যাগ দিয়েছেন তাকে, জানা আছে আমার সে কথা। এখন সংসারে বিয়ের দরকার হয়েছে বলে, তার পরকালের চিন্তা নিয়ে মাথা ঘামাতে এসেছেন—”

বতই ধীরভাবে বলতে চেষ্টা করুক, তবু উত্তেজনায় মুখটা লাল হয়ে ওঠে সত্যর। আর এ উত্তেজনা শুধু ওই চোখের চামড়াহীন বর্ষরটার নির্লজ্জতাতেই নয়, সত্বর নির্লজ্জতাতেও। এই হতচ্ছাড়া লোকটাকে এসব কথা বলার স্বযোগটা তো সত্বই দিয়েছে।

মুকুন্দ মুখ্যে এর উত্তরে কী বলতেন অথবা সত্য কিভাবে কথা শেষ করত.

কে জানে, বাধা পড়ল পিতা-পুত্রের আগমনে। সাধন এসেছে রসগোল্লা নিয়ে, সঙ্গে সঙ্গে নবকুমারও। পথে বাবার সঙ্গে দেখা হয়ে যাওয়ায় সমাচারটা জানিয়ে দিয়ে অবহিত করিয়ে এনেছে সাধন। বাবার দেখা পেয়ে যেন আপাততঃ বেঁচেছে বেচারী, সরাসর মার মুখোমুখি দাঁড়াতে অন্ততঃ কিছুটা বিলম্ব হবে।

নবকুমার অবশ্য গুরুজন এবং দুর্লভ কুটুম্বের সম্মান জানে। শশব্যস্তে হাতের জিনিস নামিয়ে হেঁট হয়ে পায়ের ধুলো নিয়ে সম্মিত বচনে বলে, “কী ভাগ্য আমার, পায়ের ধুলো পড়ল এতদিন পরে! কতক্ষণ এসেছেন?”

সত্য ততক্ষণে রসগোল্লার ভাঁড় নিয়ে ঘরে ঢুকে গেছে। মুকুন্দ অন্তরাল-বর্তিনীর কর্ণগোচর হতে পারবে এমন উদাত্ত স্বরে উত্তর দেন, “তা এসেছি অনেকক্ষণ। এতক্ষণ ‘হাঁ’ হয়ে বসে তোমার বিদুষী পরিবারের লেকচার শুনছিলাম। কলকেতারই মেয়ে বুঝি? মেমের কাছে লেখাপড়া শেখা?”

লজ্জায় মাথাটা হেঁট হয়ে যায় নবকুমারের, মুখটা টকটকে হয়ে ওঠে। আর সত্যর প্রতি অপরিসীম ক্রোধে যেন হতবাক হয়ে যায়।

আস্পদ্যার কী একটা সীমা নেই? কথা বলতে জানে বলে যাকে যা ইচ্ছে বলবে? অতবড় বুড়ো ননদাই, তা-ও আবার চিরদিনের অদেখা, তার সঙ্গে তো কথা কইবারই কথা নয়, ঘোমটা দিয়ে ঘরের মধ্যে ঢুকে পড়বার কথা, তা নয় এমন কথা শুনিয়েছেন বসে বসে যে, এই উপহাসের জুতোটি খেতে হল নবকুমারকে!

ছি ছি।

কিন্তু এখন হচ্ছে মনের রাগ মনে চাপা, কিল খেয়ে কিল চুরি। জুতোটাকে বোনাইয়ের রসিকতা বলে ধরে নিয়ে হেঁ হেঁ করে হাসা।

সেই হাসিই হাসতে থাকে নবকুমার এবং সত্য নিঃশব্দে রসগোল্লার রেকাবি আর জলের গ্লাসটা নামিয়ে দিয়ে বাজারের ধামাটা তুলে নিয়ে ঘরে চলে গেলে বোনাই নিজেই যখন রেকাবিটি হাতে উঠিয়ে ব্যঙ্গহাস্তে বলেন, “জুতো মেরে গরুদান? তা মন্দ নয়। যাক। ষামুন মুচি-বাড়িতেও লুচি খেতে ছোটো—”, তখনও নবকুমার সেই হেঁ হেঁ হাসি হাসতে থাকে। বরং মাজাটা আরো বাড়িয়ে দেয়।

অন্তঃপর সত্য-আর বেরোয় না।

ছেলে দুটো গুটি গুটি ঘরে ঢুকে বই নিয়ে পড়তে বসে।

নবকুমারের সঙ্গেই অনেককণ কথ্য চালান মুকুন্দ।

সুহাসিনী বাড়িতে নেই, রবিবার সকালে সে পাশেরই এক বড়লোকের বোয়ের কাছে লেসবোনা শিখতে যায়। বোটির ছেলেমেয়ে নেই, বাড়িতে প্রচুর চাকর-দাসী, স্বামীটি রবিবার হলেই সকাল থেকে তাসের আড্ডায় চলে যায়, অতএব রবিবার সকালে তো বটেই, এমনিতেও বোটির অফুরন্ত অবকাশ।

সুহাসিনীর স্থলে যাবার পথে জানলা দিয়ে ডেকে ডেকে নিজেই আলাপ করেছিল বোটি।

“ওই লোকটা থাকতে থাকতে সুহাস না ফিরলেই বাঁচি,” রান্না করতে করতে ভাবল সত্য। ফিরলে তো ওরই চোখের সামনে দিয়ে ফিরবে? অতি বদ্ প্রকৃতির লোক। দেখলে নিশ্চয় ওই সুহাসের কথার সাতশ কৈফিয়ত চাইবে।

মাতুষ যে কেন এমন অসভ্য হয়।

আস্তে আস্তে অল্প ভাবনায় চলে যায় সত্য, শুধু কি অসভ্যই হয়? স্থাংলাও হয় না কি? নইলে সত্বে ওই বদলোকটাকে এখনো স্বামীজ্ঞান করে বসে থাকে? শুনেছে নবকুমারের কাছে ইতিহাস। নির্ধাতনের জালায় জালায় চলে গিয়েছিল সত্বে, তার পর সেই নির্ধাতক স্বামী ঘরে সতীন-কাঁটা পুঁতেছে, সে খবরও জানা। তবে? এত সত্বেও কি চিরদিন মনে মনে ওর চরণের দাসী হয়ে থেকেছে সোঁদামিনী? না ওটা একটা নিয়মরক্ষের ‘পাঠ’ মাত্র?

হয়তো এদিকে মাঝীর নির্ধাতনে সাময়িকভাবে কোনোদিন ধৈর্যচ্যুত হয়েই সত্বে এ কাজটা করে বসেছে।

কিন্তু তাই কি?

এ তো মনে হচ্ছে বেশ পরিকল্পনার ব্যাপার। রাগের মাথায় কিছু করে ফেলা নয়। পাড়ার কোনো ছেলেপুলেকে দিয়ে লেখালে লোক জানাজানি হবার ভয়েই হয়তো এতদিন পারে নি। এখন নিজের ভাইপোদের দিয়ে—

সন্দেহ নেই কথাটা প্রকাশ করতে ব্যর্থ করেছে ছেলেদের। সত্বে ওপর এ অভ্যন্তর রাগ হয় সত্য। পিসি হয়ে লুকোচুরি করার বিজেটায় হাতেখড়ি দিলে ভূমি।

এখন সত্য কি করে ওদের তিরস্কার করবে ?

সেটা কি ঠিক হবে ?

শিসিও তো গুরুজন। তার কাছে যখন কথা দিয়েছে। “সত্যরক্ষা” যে মানুষের জীবনের সারধর্ম এ কথা সত্যই শিখিয়েছে ছেলেদের।

কিন্তু যতই যা শেখাও, তুড়ুটা ঠিক তার বাপের ধাঁচে যাচ্ছে। মেক-দণ্ডহীন অসার। তবে নবকুমারের আবার তার ওপর মুখে তড়পানি আছে, এর সেটা নেই, এই যা ! মৃদু ভালমানুষ ছেলেটা। কিন্তু ভালমানুষই কি প্রার্থনীয় ? ওই ‘ভাল’টা বাদ দিয়ে যেটা হয়, সেটাই যে চায় সত্য।

সরলটা হয়তো একটু অন্তরকম হবে।

কিন্তু সে কোন্ রকম ?

সত্যবতীর মনের মধ্যে ‘মানুষ’ের যে ছাঁচ গঠিত আছে তার ধারে কাছে পৌঁছবে ?

নাঃ, সে আশা নেই সত্যর ! লেখাপড়া শিখবে, রোজগারপত্র করবে, পাঁচজনে “ভাল” বলবে এই পর্যন্ত। তার বেশী নয়। বুঝে নিয়েছে সত্য। যদি তার বেশী হত, এতদিনে ধরা পড়ত সে দীপ্তি, সে গুঞ্জল্য।

বরং সুহাসিনীর মধ্যে “বস্তু” দেখতে পায় সত্য, দেখতে পায় দীপ্তির চমক। যে সুহাসিনীর কৈশোরকাল পর্যন্ত কেটেছে এক কুশ্রী পরিস্থিতির মধ্যে। জীবনের বনেদে যার শুধুই শূন্যতা।

হয়তো সেই জন্তাই।

আলো আর অন্ধকারের পার্থক্যটা ওর কাছে তীব্র হয়ে ধরা পড়েছে। এদের কাছে সে তীব্রতা নেই। এরা তাই ঝাপসা ঝাপসা। চোন্দ-পনের বছর বয়স হল, এখনো বোঝা যাচ্ছে না ওরা নিজেদের নিয়ে কিছু ভাবে কিনা, ভাবতে শিখেছে কিনা। কোনটা ভাল কোনটা মন্দ সেটা চিন্তা করে কিনা।

আশ্চর্য !

সত্যবতীর মনের মধ্যে যে ছাঁচ, সত্যবতীর গর্ভের ছাঁচ তার নাগাল পেল না !

ঈশ্বর জানেন এই সুদীর্ঘকাল পরে সত্যবতীর সন্তান মধ্যে আবার কোন্ ছাঁচ গঠিত হচ্ছে ! প্রথমটা ভারী একটা বিপন্নতা বোধ করেছিল সত্য, বিপন্ন বলে মনে হয়েছিল ঘটনাটাকে, ক্রমশঃ মনটা কোমল হয়ে আসছে।

এমন কি মাঝে মাঝে ভাবতেও ইচ্ছে করছে পালা বদল হলে মন্দ হয় না, একটি মেয়ে হলে বেশ হয়।

আজ হঠাৎ মনে হল সত্যবতীর যদি তাই-ই হয়, কে বলতে পারে সে মেয়ে তার পিতামহীর আকৃতি আর প্রকৃতি নিয়ে অবতীর্ণ হবে কিনা।

হয়তো তাই হবে।

সত্যবতীর একাগ্র ইচ্ছার নিরন্তর তপস্যা কোনো কাজেই লাগবে না। মেয়েমানুষের এ এক অদ্ভুত নিরুপায়তা। নিজের রক্তমাংস মন বুদ্ধি আত্মা সব কিছু দিয়ে যাকে গড়ছি, জানি না সে কী হবে।

নিখাস ফেলে ভাবল, শুনেছি শাস্ত্রে আছে নরাণাং মাতুলক্রমঃ! কিন্তু মাতুল না থাকলে? দাদামশাইয়ের আত্মজই তো মাতুল? তবে? দাদামশাইয়ের কথা শাস্ত্রে লেখে নি।

চিন্তায় ছেদ পড়ল।

বাইরে সেই বাজখাঁই গলা বেজে উঠল, “কই গো বাড়ির গিন্নী, অত লেকচার-টেকচার শুনিয়ে হঠাৎ একেবারে ডুব যে। অধম তাহলে এখন বিদায় নিচ্ছে। মাঝে মাঝে আসতে অল্পমতি হবে তো?”

সত্য বাইরে বেরিয়ে এসে হেঁট হয়ে নমস্কার করে শাস্তগলায় বলে, “আসবেন বৈ কি।”

কিন্তু এতে, ওই শাস্ত বচনেতে কোনো কাজ হল না।

মুকুন্দ বিদায় নিতে নবকুমার “রে রে” করে পড়ল।

“বলি তোমার ব্যাপারটা কী? কী সব যাচ্ছেতাই কথা বলেছ মুখ্যো-মশাইকে?”

সত্য বিরক্তভাবে বলে, “যাচ্ছেতাই আবার কি বলতে যাব?”

“তা যাচ্ছেতাই ছাড়া আবার কি? উনি কিছু যেচে আসেন নি? দিদি তন্মাস করেছিল তাই—”

কথা খামিয়ে দিয়ে সত্য বলে ওঠে, “সেই ঘেরাতেই গলায় দড়ি দিতে ইচ্ছে হচ্ছিল আমার।”

“তার মানে?”

“মানে ভেবো খেয়ে-দেয়ে নিশ্চিন্দ হয়ে। এখন চান কর গে।”

“ধাম। বলি দোষটা কি করেছে দিদি? স্বামী তো বটে?”

“তা তো নিশ্চয়।”

“তবে?” নবকুমার সোৎসাহে বলে, “মুখ্যোন্মশাই বা বললেন, তাতে বুঝলাম ওঁর দুঃখুটা। আর যাই হোক লোকটা কপট নয়। বললেন, একসময় দোষ ঘটেছিল ঢের, কুসঙ্গে পড়ে নেশাভাঙ কুর্কম কিছুই বাকী রাখে নি ভায়া, সতী-সাদ্বীকে লাজনাও করেছি। কিন্তু পরে চৈতন্ত হয়েছে।”

সত্য নিরীহ গলায় বলে, “হয়েছে বুঝি।”

“হয়েছে বৈকি। এখন তো ওই তামাকটুকু ছাড়া আর কোনো নেশাই নেই। তাই বলছিলেন, কত ইচ্ছে হয়েছে গিয়ে ক্ষমা চাই, আমার পায়ে ধরে চেয়ে আনি, কিন্তু লজ্জায় পারি নি। তা তোমার দিদি যেকালে আঙু বাড়িয়ে লজ্জাটা ভেঙে দিল, তাতে—”

“তা বেশ তো, স্বথের কথা। দিদিকে আনিয়ে নিয়ে আবার নতুন করে গাঁটছড়া বেঁধে পাঠিয়ে দাও। দুই সতীনে স্বখে সংসার করুক—,” বলে একটু তীক্ষ্ণ হেসে সরে যাচ্ছিল সত্য, কিন্তু মুহূর্তে ঘটে গেল এক বিপর্যয়।

নবকুমার বোধ করি কিছু না ভেবেচিন্তেই ক্ষণপূর্বে শোনা একটি কথা যথার্থ উচ্চারণ করে বসল, “তা সে সতীন-জালা আর বেশী দিন নয়। শুনলাম নাকি এ পক্ষের স্ত্রীকা ধরেছে। তবে? সে কাঁটা আর কদিন?”

মুহূর্তে যেন একটা বোমা ফেটে গেল। সত্যবতী উন্মাদের মত নিজের কপালে একটা খাবড়া মেয়ে চিংকার করে উঠল, “চুপ করবে তুমি? দয়া করে একটু চুপ করবে? যদি তা না পারো তো যে করে পারো, আমার জন্মের শোধ কালা করে দাও।”

একার সংসারে এতদিন ধরে অরুচি আর অন্ধিদেয় না খেয়ে খেয়ে ভিতরে ভিতরে দুর্বল হয়ে যাওয়া শরীরটা এই উত্তেজনার ভার বহিতে পারল না। হৃদমুড়িয়ে পড়ে গেল।

ছেলে দুটো হাঁউমাউ করে জল আর পাখা আনতে ছুটল, নবকুমার ঘর থেকে একটা বালিশ এনে সত্যর লুটিয়ে পড়া মাথার তলার গুঁজে দিতে বসল, আর এই সময় স্বহাসিনী ও-বাড়ি থেকে এরে পাথর হয়ে দাঁড়িয়ে পড়ল।

আজ ভারী উৎফুল্ল হয়ে আসছিল স্বহাস, কারণ তাঁর শিকা-গুরু বোটি-

বলেছেন, “তুমি যদি ভাই রাজী থাক, তো আমার মাস্টারী কর। বড়লোকের বাড়িতে কেবল খেয়েপুয়ে জীবনে যেন ঘেরা ধরে গেছে। তোমার দেখে মনে হয়, যদি তোমার মতন বই-টাই পড়তে পারতাম, তা হলেও বা দিনটা কাটত। তা ইহুলে যাওয়া তো আর এ জীবনে হবে না, তবু তোমার কাছে যদি—”

মাস মাস আটটা করে টাকা দিতে চেয়েছে সে। স্নহাস অবশ্য টাকার কথায় আপত্তি করেছিল, বলেছিল, “টাকা কেন ভাই? তুমি আমার একটা বিত্তে শেখাচ্ছ, আমি না হয় তার বদলে তোমাকে একটা—”

কিন্তু সে হাতে ধরে কাকূতি-মিনতি করেছে। বলেছে, “আমার শখের জন্তে টাকা খরচ করতে তো আমার বর সর্বদা রাজী। একদিন থিয়েটার নিয়ে যেতে পঁচিশ-তিরিশ টাকা খরচ করে, এও তো আমার একটা শখ? গুরুকে দক্ষিণে না দিলে বিত্তে হয় না।”

স্নহাস রাজী হয়ে এসেছে।

উৎফুল্ল হৃদয়ে সত্যর কাছে বলতে আসছিল, “দেখ পিসিমা, বড়লোক মাঝেই খারাপ হয় না। তাদের মধ্যেও মহৎ আছে—” কিন্তু এসেই এই দৃশ্য।

তাড়াতাড়ি সবাইকে সরিয়ে দিয়ে সেবার ভারটা হাতে তুলে নিল সে। আর সেই প্রথম খবরটা জানল। আত্মগত ভাবেই বলে ফেলল নবকুমার, “শরীরটায় পদার্থ নেই দেখছি। বাচ্ছা-কাচ্ছা হবার আগে মেয়েছেলে মা-ঠাকুমার কাছে যায়, তা সে গুড়ে তো বালি। বাবুইপুরেই পাঠিয়ে দিতে হবে দেখছি।”

কিছুটা সময় দিশেহারা হয়ে তাকাল স্নহাস। তার পর নিজের গুপ্তর থিকারে অবাক হয়ে গেল। ছি ছি, এতবড় বুড়োমাগী মেয়ে সে এমনই অবোধ! একঘরে একদঙ্গে কিছু টের পায় নি? তুড়ু খোকার চাইতে তা হলে কোন তফাৎ নেই তার। পিসিমার যে শরীরের এমন অবস্থা হয়েছে, প্রথমে তো তারই বোঝা উচিত ছিল। যত্ন-আত্মিও করা উচিত ছিল।...

বুঝতে পারে নি।

সত্যর ছেলে দুটো এত বড় হয়ে গিয়েছে যে, এ ধরনের চিন্তা মাথাভেই আসে নি। তা শুধু লজ্জাই নয়, আজ সত্যর ওই চৈতন্যহীন পাংগু মুখের দিকে তাকিয়ে অজানা একটা ভরেও বুকাটা কঁপে উঠল স্নহাসের।

স্বহাসের ভাঙা ভাগ্যে যদি তার এই আশ্রয়ের ভেলা ডুবে যায় ? যদি সত্যর কিছু ঘটে ?

অনেকদিন পরে ছেলেপুলে হলে তো বিপদ হতে পারে শুনেছে, বুকটা কেঁপে নিখর হয়ে এল স্বহাসের। আর বোধ করি এই প্রথম উপলব্ধি করল সত্যকে কতটা ভালবাসে সে। শুধু আশ্রয়ের ভেলা বলেই নয়, ‘মাল্লু’টা বলেও প্রাণের আসনে বসিয়ে রেখেছে স্বহাস সত্যকে প্রতি মুহূর্তের সংস্পর্শে।

মা-ঠাকুমা নেই বলে যত্ন পাবে না সত্য ? স্বহাসের কি ব্যয়স হয় নি সেবা করবার ?

একচল্লিশ

অহুতাপ-দগ্ধ স্বহাসের দৃঢ় সংকল্প অবশ্য কাজে লাগল না। কারণ মাত্র একটা বেলার বেশী বিছানায় শুয়ে থাকল না সত্যবতী। স্বহাসের অলুন্ন-বিনয় এবং নবকুমারের ব্যস্ত ভৎসনাকে উপেক্ষা করে উঠে পড়ল সে। বলল, “ঠিক হয়ে গেছি বাবা। তোমরা আর তিলকে তাল করো না।”

কিন্তু এই আকস্মিক দুর্বলতার ঘটনায় গভীর একটা চিন্তা দেখা দিল সত্যবতীর মনের মধ্যে। সে চিন্তা স্বামী-পুত্রের জ্ঞান নয়, ওই অনাথা মেয়েটার জ্ঞানই। নিশ্চিন্ত হয়ে বসে আছে সত্য, কিন্তু যদি সত্যর একটা কিছু ঘটে, ওর কি হবে ? অবিশ্বাস মরে এক্ষুণি যাবে সত্য, তা নয়, তবু বলা কি যায়। বুড়ো বয়সে আবার যখন কেঁচে-গণ্ডুঘের পালা পড়ল, তখন ভয় আছে বৈকি ! ছেলেদের জ্ঞানে ভাবনা নেই, ওরা প্রায় মাল্লু হয়ে এল, নবকুমারেরও মা-বাপ আছে এখনও, হয়ে যাবে কোন ব্যবস্থা, ওই মেয়েটারই অজল অস্থল অবস্থা। ওই রূপের ডালি মেয়েকে এলোকেশী নিশ্চয়ই স্বেচ্ছা দেখবেন না। তা ছাড়া শুধু দেখার প্রশ্নই তো নয়। এতদিন নিশ্চিন্ত হয়ে বসে থাকার জ্ঞান নিজেকে দিবার দিল সত্য এবং পরদিন নবকুমারের কাছে একটা অসমসাহসিক আবেদন করে বসল।

সত্য মাথা ঘুরে পড়ে যাওয়ার সঙ্গে সঙ্গে নবকুমারেরও মাথা ঘুরে গিয়েছিল

এবং এই কদিন নিতান্তই বেচারার মত কিসে সত্যর সম্ভাব-বিধান হতে পারে তার চেষ্টা করছিল, কিন্তু সত্যর এই আবেদনে তার নতুন করে আবার মাথা ঘুরে গেল। অবাক হয়ে বলল, “মাস্টার মশাইয়ের বাড়ি যাবে তুমি। কেন? হঠাৎ এমন কি দরকার পড়ল?”

“আছে দরকার।”

“কিন্তু নিতাই শুনলে কি আস্ত রাখবে আমায়?”

“আস্ত রাখবে না?” সত্য মূহ একটু ব্যঙ্গহাসি হেসে বলে, “একেবারে ভেঙেই ফেলবে?”

“তা প্রায় তাই। তা ছাড়া, মানে দরকারটা কি?”

“বললাম তো আছে দরকার।”

নবকুমার নম্রতা ভোলে, ক্রুদ্ধকণ্ঠে বলে ওঠে, “ওই বেধর্মী লোকটার সঙ্গে তোমার দরকারটাই বা কি তাই শুনি?”

বলে ফেলেই অবশ্য ভয়ে কাঁঠ হয়ে যায়। কে জানে বাবা এ কথাতেও সত্য অজ্ঞান হয়ে যাবে কিনা। কিন্তু না, অজ্ঞান হয়ে যায় না সত্য, শুধু মিনিট-খানেক পাথরের চোখ নিয়ে স্বামীর দিকে তাকিয়ে থেকে বলে, “একটা পরামর্শ করব।”

“পরামর্শ! বাপ-পিতেমোর নাম গেল হিদে জোলায় নাতি! জাতে-জাতে পরামর্শর মানুষ মিলল না, পরামর্শ করতে যাবে ওই ধর্মখোয়ানো ইয়ের সঙ্গে?”

সত্য বোধ করি রাগবে না বলেই দৃঢ়সংকল্প, তাই স্থিরভাবে বলে, “জাতে-জাতে ‘মানুষ’ আর পাচ্ছি কোথা? পাখী-পক্ষীর সঙ্গে তো আর পরামর্শ হয় না? যাক গে, তুমি যখন নিয়ে যেতে পারবে না, আমি নিজেই যে করে হোক—”

“নিজেই-যে করে হোক!”

“তা ছাড়া?”

নবকুমার আরো ক্রুদ্ধগলায় বলে, “এই এক একবগ্গা গোঁ! যা ধরব, তা করবই। বেশ এতই যদি দরকার, তাঁকেই তবে ডেকে আনব গলবস্ত্র হয়ে গিয়ে।”

“না।”

“না?”

“না-ই তো ! একদিন নিজের মুখে তুমি তাঁকে এ বাড়িতে আসতে বারণ করেছ—”

“করেছি, এবার গলবস্ত্র হয়ে সে অপরাধ ক্ষয় করব !”

“ক্ষয় হয় না এমন অপরাধও তো জগতে আছে গো ? যাক, তবু আমি করতে চাই না, তবে এ বাড়িতে আর পা ফেলতে বলব না তাঁকে, নিজেই গিয়ে যা পারব—”

“এই তোমার জ্ঞাত একদিন দেশত্যাগী হতে হবে আমায় !”

নবকুমার মুখের চেহারায় বিরক্তির চরম নমুনা দেখায় । কিন্তু সত্য নির্বিকার, বলে, “দেশত্যাগী হব বললেই কি হওয়া যায় ? যায় না । যাক্ গে তুমি আর ও নিয়ে মাথা খারাপ করো না । আমিই ব্যবস্থা করে নেব । তবে জানানোটা হয়ে থাকল ।”

মাথা খারাপ করতে বারণ করলেই কি আর নিজের দায়িত্ব ত্যাগ করতে পারে নবকুমার ? মাথা সে খারাপ করছেই । শেষ অবধি ভেবে হৃদিস না পেয়ে হাল ছেড়ে দেয় সে, আর ইত্যবসরে সত্য স্বাধীন অভিযান চালায় । নিজেই রওনা হয় ভবতোষের বাড়ি ।

পথের সঙ্গী ?

আর কেউ নয় স্বেচ্ছা !

হ্যাঁ, স্বেচ্ছাসের সঙ্গেই গিয়েছিল সত্য । স্বেচ্ছা ঠিকানাটা শুনে বলেছিল, “ওমা, এ তো আমাদের ইন্সুলের কাছেই—”

“ঠিক আছে, তবে তোতে আমাতেই যাব—”

বলেছিল সত্য, আর বোধ করি মনের নিভৃত কোণে এটুকু গুপ্ত বাসনা ছিল, ভবতোষকে একবার ‘কনে’টা দেখিয়ে দিতে । ঘটকালি যখন করবেন, তখন অন্তত মেয়ে কেমন তা যাতে বলতে পারেন ।

এবার আর মাধ্যম নয়, সরাসরি নিজেই কথা !

ভবতোষ যেন হাঁ হয়ে গেলেন !

সত্য একটা অনাথ মেয়ে পুষেছে, এ তিনি জানতেন, কিন্তু সে মেয়ে যে এমন মেয়ে আর এত বড় মেয়ে তা তাঁর ধারণার বাইরে ছিল । বিহ্বল দৃষ্টিতে কিছুক্ষণ তাকিয়ে থেকে চোখ নামিয়ে নিয়ে বললেন, “এ মেয়ের আবার পাস্তরের ভাবনা বোঁমা ?”

“সে আপনি স্নেহ করে বলছেন। দিন তবে নাভনীর একটা ব্যবস্থা করে। আপনাদের সমাজে শুনেছি অনেক উদারমন ছেলে আছে যারা বিধবা বিয়ে করতে রাজী—”

বিধবা।

ভবতোষ খতমত খান, “বিধবা! এ মেয়ে যে লক্ষী-প্রতিমা বোমা, বিধবার মতন তো কোন লক্ষণ—”

সত্য সহসা বলে ওঠে, “তুই একবার পাশের ঘরে যা তো স্নহাস, আমার একটু কাজ আছে।”

সত্যর এই দুঃসাহসিক স্পর্ধায় স্নহাসও স্তম্ভিত হয়ে যায়। একেই ভেবে এভাবে একটা পুরুষের বাসায় একা দুটো মেয়েছেলে আসাই ভয়ঙ্কর ঘটনা, তার ওপর কিনা “স্নহাস তুই পাশের ঘরে যা।”

প্রায় হতভম্ব হয়েই চলে যায় স্নহাস।

ভবতোষ হতভম্ব দৃষ্টিতে তাকিয়ে থাকেন এই কুলকিনারাহীন দুঃসাহসের দিকে। আর সত্য নিষ্কম্প মুহূর্তে বলে, “এসেছি যখন, তখন আপনার কাছে গরু সব ইতিহাসই বলব।”

হ্যাঁ, স্নহাসের সব ইতিহাসই বলেছিল সেদিন সত্য ভবতোষ মাষ্টারের কাছে। স্নহাসের জন্মের আগের বৃত্তান্ত থেকে শুরু করে পরিচয়ও বাদ দেয় নি। শঙ্করীর কুলত্যাগের পর রামকালীর স্পষ্ট স্বীকারোক্তির কথাটাও এসে পড়েছিল।

সব শুনে ভবতোষ গভীর একটা নিশ্বাস ফেলে বলেছিলেন, “এখন বুঝতে পারছি বোমা, কোথা থেকে এ ধাতু তুমি পেয়েছ। অমন বাপ তাই—কিন্তু কথা হচ্ছে বোমা, এই আমার নতুন সমাজকে তুমি যে রকম উদার ভাবছ, ঠিক সে রকম নয়। এর মধ্যেও দলাদলি আছে রেষারেষি আছে, তা ছাড়াও—যে মেয়ের বংশ-পরিচয় নেই, সে মেয়েকে বিবাহ করার মত মনোবল-সম্পন্ন যুবক পাওয়া শক্ত।”

সত্য দৃঢ়স্বরে বলে, “শক্ত সহজ বুঝি না, চিরদিন জানি আমার কথা আপনি ফেলতে পারেন না, তাই জোর করতেই এসেছি। ওই মেয়েটার ব্যবস্থা আপনাকে করতেই হবে।”

ভবতোষ বিচলিত স্বরে বলেন, “আমি তোমার কথা ফেলতে পারব না, এ কথা তুমি জানলে কি করে বোমা?”

সত্য মুখ তুলে পরিষ্কার এবং শাস্তগলায় বলে, “এ কথা জানতে খুব বেশী কিছু লাগে না মাস্টার মশাই, আমি তো মাটি পাথর নই। কিন্তু সে কথা থাক, আপনি শুধু আমায় ভরসা দিন—”

ভবতোষ য়ুহু একটু হাশ্বেদর সঙ্গে বলেন, “চেষ্টা অবিশ্রি করব বোঁমা, কিন্তু জোর করে তো বলতে পারছি না। যদি নিজেকে দিয়ে হত, তা হলে নয় আজন্মের ব্রত ঘুটিয়ে একবার তোমার সুন্দরী মেয়ের জন্তে বরসাজ সেজে নিতাম।”

সত্যও হেসে ফেলে। তারপর সর্কোতুকে বলে, “তেমন ভাগ্য ওর থাকলে তো? আমি কিন্তু বলে যাচ্ছি সব ভার আপনায় ওপর রইল।”

ভবতোষ আকুলতা করেন, ভবতোষ ব্যাকুল হয়ে ওঠেন, বারবার বলতে থাকেন, “এ তুমি কি করলে বোঁমা? আমাকে এভাবে সত্যবন্দী করে রাখলে—”

সত্য বিচলিত হয় না।

সত্য দৃঢ়স্বরে বলে, “আমি ঠিক জায়গাতেই ঠিক কথা বলেছি মাস্টার মশাই, এখন আপনি আছেন এই ভরসা।”

ভবতোষ আকাশ পাতাল ভাবতে থাকেন কোথায় সেই পাত্র যার হাতে ওই সোনার প্রতিমাটিকে দেওয়া যায়, আর যে ওর সমগ্র ইতিহাস শুনেও নিতে রাজী হয়।

ভেবে পান না।

একটা নিশ্বাস ফেলে বলেন, “এখন চট করে মাথায় আসছে না বোঁমা, দেখি। কিন্তু একটা প্রশ্ন করি, এই যে তুমি এসেছ নবকুমার জানে?”

সত্য মাথা কাত করে। অর্থাৎ “হ্যাঁ।”

“জানে! তা ভাল। কিন্তু তোমার এই ব্রাহ্মবাড়ি আসায় এবং ওই মেয়েটির বিবাহ সম্বন্ধে যা প্রস্তাব করলে তাতে তার সম্মতি আছে তো?”

সত্য ঘাড় নাড়ে। অর্থাৎ “না।”

ভবতোষ উদ্বিগ্ন কণ্ঠে বলেন, “তবে?”

“তবে আর কি? ওনার অমতেই করতে হবে।”

“কাজটা কি ভাল হবে বোঁমা?”

সত্য মুখ তুলে বলে, “কিন্তু ওই মেয়েটার আখেরের কথা না ভেবে নিশ্চিন্দ হয়ে বসে থাকাই কি ভাল হবে মাস্টার মশাই? আমার ঘরে

সংসারে হয়তো একটু মনোমালিঙ্গ হবে, হয়তো খণ্ডরবাড়ির মানুষেরা আমার মুখ দেখবে না, কিন্তু আমার সেই সামান্য লোকসানটা কি একটা মেয়ের জীবনটা বরবাদ হয়ে যাওয়ার থেকে বেশী লোকসানের হল ?”

ভবতোষ এক মুহূর্ত নির্নিমেমে তাকিয়ে থেকে হঠাৎ ব্যাকুল রুদ্ধ কণ্ঠে বলে ওঠেন, “সন্দেহ হয়ে আসছে বোঁমা, তুমি বাড়ি যাও। তোমায় কথা দিচ্ছি। ওর বিয়ের ভার আমি নিলাম।”

সত্য আকাশের দিকে তাকিয়ে দেখে সন্দেহের চিহ্নমাত্র নেই। মাথাটা একটু নিচু করে বলে, “চিরটাকাল আপনার কাছে অগ্নায় আবদ্ধার করে, আর পেয়ে, সাহস বেড়ে গেছে মাস্টার মশাই, আমায় মাপ করবেন।”

“মাপ ? তোমায় আর আমি কি মাপ করব বোঁমা ? নিজেকে যদি মাপ করতে পারতাম ! সে যাক, মেয়েটি কোথায় গেল ?”

মেয়েটি ! তাই তো !

তার তো তদবধি আর কোন সাড়া নেই। সত্য ব্যস্তভাবে বেরিয়ে আসে ঘর থেকে, আর এই প্রথম খেয়াল হয় অনেকক্ষণ ধরে সে এই তৃতীয় মানুষহীন ঘরে একজন পুরুষের সঙ্গে নিশ্চিন্তে কথা বলছে বসে বসে।

স্বহাস কি বিরক্ত হল ?

পাশের ঘরে চলে যেতে বলেছে বলে অপমানিত হল ?

পাশের ঘরের দরজায় এসে দাঁড়াল সত্য, কিন্তু কোথায় স্বহাস ?

একা চলে গেল না তো ?

সহসা একটা আতঙ্কের বিদ্যুৎশিখা মাথা থেকে পা পর্যন্ত যেন শিউরে উঠল সত্যবতীর ! নিশ্চয় তাই।

“কই ?”

প্রশ্ন করলেন ভবতোষ।

সত্য অশ্রুটে বলল, “কই দেখছি না তো ! একা চলে গেল না তো ?”

একা।

একা চলে যাবে।

ভবতোষ সন্দেহের স্বরে বলেন, “তাই কখনো হয় ? ওই কোণের ঘরটায় আছে বোধ হয়—”

“কোণের ঘরে ? ওখানে কি আছে ?”

“কিছু না। শুধু কতকগুলো—”

কথা শেষ হয় না। মুখে একঝলক আলো মেখে স্বহাস সেই কোণের ঘরটা থেকে ছুটে আসে, স্বভাব-বহির্ভূত উচ্ছ্বাসে বলে ওঠে, “পিসিমা পিসিমা, দেখবে এস কত বই। উঃ, আমার আর এখান থেকে যেতে ইচ্ছে করছে না।”

বিয়াল্লিশ

সময়ের বাড়া কারিগর নেই।

সময়ের “র‍্যাঁদা”র নিচে পড়ে সব অসমানই সমান হয়ে আসে, সব এবড়ো-খেবড়োই তেলা হয়ে যায়।

সকল সংসারের মত নিতাইয়ের সংসারেও এই লীলা চলছে বৈকি। প্রথম দিকে এক-একদিন এক-একটা ছুতোয় মনে হত, নিতাই বোধ করি এই দণ্ডে বোঁকে দেশে রেখে আসবে, অথবা বোঁ ভাবিনী সেই রাত্রেই আড়ায় দড়ি ঝুলিয়ে নিজে ঝুলে পড়বে। কিন্তু কার্যকালে তেমন কিছুই হল না।

ক্রমশই, বোধ করি নিজেদের অজ্ঞাতসারেই, ভাবিনী স্বাধীন সংসারের সংসার-রসে এবং নিতাই আর এক স্থলরসে মজতে শুরু করল, অতঃপর দুজনেই পরস্পরের কাছে অপরিহার্য হয়ে উঠল।

অতএব খণ্ডপ্রলয়ের সেই অবস্থাটি কোন্ ফাঁকে ফিকে হতে হতে বিলীন হয়ে গেল, দৈতো হাসি বাজার দখল করল।

এখন দেখা যাচ্ছে—নিতাইয়ের বোঁ কটি গড়তে শিখেছে, এবং নিতাই বোঁকে ভয় করতে শিখেছে।

ভয় থেকেই আসে মনোরঞ্জন-চেষ্টা। ক্রমশই অনুধাবন করছে নিতাই সত্যবতীর নিন্দাবাদটি হচ্ছে বোঁয়ের মনোরঞ্জনের একটি প্রশস্ত পথ, মনো-বৈকল্যের একটি প্রকৃষ্ট গুণ।

অতএব সেই প্রশস্ত আর প্রকৃষ্ট উপায়টিই বেছে নিয়েছে নিতাই। না নিয়ে করবেই বা কি? পরিবারের পরকলায় অগতঃ দেখতে না শিখলে যে অগতঃ দুঃসহ হয়ে ওঠে। অন্ততঃ নিতাইয়ের মত নিতান্ত গৃহগতপ্রাণ গেরস্থ জীবদের। এদের ও ছাড়া উপায় নেই।

আঙুনের মাংস কোলে করে তো আর ঘর করা যায় না? আঙুনে জল ছিটোতেই হয়। তদগতপ্রাণ বশংবদ হয়ে পড়াই সেই শীতল জল।

নারীজাতি যতই অবলা কোমলা হোক, স্বক্ষেত্রে সে বাধিনী। আর ইচ্ছা পূরণের অভাব ঘটলে ফণাধরা নাগিনী হয়ে উঠতেও পিছুপা নয়। শান্তিকামী পুরুষজাতি যতক্ষণ না এটা ধরতে পারে, সংঘর্ষ বাধে, যতক্ষণ মনে করে এটা যেনে নেব না, অবস্থা আয়ত্তে আনা অসম্ভব হয়। অথচ একবার বশুতা স্বীকার করলেই মিটে গেল গোল। কিসে তুষ্টি ধরতে পারলেই বিশ্বশান্তি।

অতএব এখন ভাবিনী যে কোন কারণেই মেজাজ গরম করুক অথবা বাক্যমালা বন্ধ করুক, নিতাই এটা ওটা কথার ছলে স্বগতোক্তির সুরে সত্যবতীর প্রসঙ্গ এনে ফেলে। যে প্রসঙ্গ আর বাই হোক প্রশস্তির পর্যায়ে পড়ে না।

দু-চারবার চেষ্টার পরই কার্যসিদ্ধি হয়, মৌনব্রতধারিণী ঝঙ্কার দিয়ে বলে ওঠে, “কেন, এখন আবার এসব কথা কেন? চিরদিনই তো শুনে আসছি তিনি গুণের গুণমণি! তাঁর পাদোদক জল খেতে পারলে তবে যদি আমাদের মত অধমদের উদ্ধার হয়।”

নিতাই সোৎসাহে কাজ এগোয়, “তা বলতে অবিশি পার, এই মুখেই অনেক গুণগান করেছি বটে। কিন্তু এখন? এখন আর নয়। এখন আর তাঁকে চিনতে বাকী নেই। কি বলব তোমাকে, ওই ‘বেঙ্কট’র সঙ্গে যা নটঘটি, দেখে দেখে চিন্তির চটে গেল। অবিশি—”, নিতাই মুখ কৌচকার, “সন্দেহ একটু আধটু বরাবরই ছিল, তবে সে সন্দেহকে আমল দিতাম না। বলি, না না ছিঃ! বামুনের ঘরের মেয়ে—কিন্তু এখন তো দেখছি চোখের চামড়াহীন বেপরোয়া! একলা ঘোড়ার গাড়ি ভাড়া করে তার বাড়ি গিয়ে গিয়ে—”

“তা তোমার বন্ধু কি কানা না বোবা?” ভাবিনী চিপ্টেন কাটে।

নিতাই মুচকে হেসে হলে, “ঐশ্বর্য পুরুষ শুধু কানা বোবা কেন, বোবা কানা কানা হাবা বুদ্ধ ভেড়া সব। ক্রমশই যে অবস্থা আমার ঘটছে আর কি!”

ভাবিনীর কালো কালো ডাবর ডাবর মুখে আফ্লাদ রসের হাসি উছলে ওঠে। সেও মুখ টিপে বলে, “আহা লো মরি মরি। তবু যদি না রাতদিন এই বাদী ধরহরি কম্প হয়ে থাকত! ভেড়াপুরুষ কেমনধারা একবার দেখতে সাধ যায়।”

সেদিন নিতাই এই কথার পিঠে বলে ওঠে, “সাধ যায় তো চল না দেখবে।
ও বাড়ি তো যেতেই চাও না।”

“পরের বাড়ি গিয়ে দেখে আর কি হবে?”

ভাবিনী “গুলি” চোখে কটাক্ষ হানে।

নিতাই বলে, “তা সকল বস্তুই কি আর ঘরেই মেলে গো? তবু দৃষ্টি
সার্থক করবে তো চল। শুনলাম দেশ থেকে সহৃদি এসেছে বোয়ের ঝাঁতুড়
তুলতে। দেখা হবে—”

“সহৃদি এসেছে?” ভাবিনী গালে হাত দিয়ে বলে, “ঝাঁতুড়
কলকাতাতেই উঠবে? গিন্নী দেশে যাবেন না? এ সময়েও শাউড়ীর ধার
ধারবেন না?”

“তাই তো শুনছি। বলেছেন নাকি, কেন, কলকাতায় কি আর জন্মমৃত্যু
হচ্ছে না?”

“তা ভাল!”

নিতাইয়ের বোয়ের মুখে অন্ধকার নামে। সত্যবতীর “খবরটা” শুনে
অবধি একটা আশা ছিল কিছুদিনের মতন অন্ততঃ ওই চক্ষুশূলটা চোখছাড়া
হবে। আর সেই অবসরে ভাবিনী সত্যবতীর স্বামী-পুত্ররূকে নেমস্ত্র-
আমস্ত্রের ছলে খাইয়ে মাখিয়ে বশ করে ফেলে বরকে তাক লাগিয়ে দেবে।

তা না এই বার্তা!

বাসায় বসে ঝাঁতুর তোলাবেন!

ক্রুদ্ধকণ্ঠে বলে ওঠে ভাবিনী, “তা ভেড়া বর তাতেই রাজী তো?
মা বাপের মুখে চুনকালি দিয়ে বোঁ আপনি স্বাধীন হয়ে বেটা-বেটি
বিয়েবে—”

নিতাই চোখ মটকে বলে, “তা হোক! ও তো বাঁচল। পরিবারকে
চোখ ছাড়া করতে হল না।”

কথাটানিতাই অহুমানে বলল মাত্র। প্রকৃত ঘটনা কিন্তু তা নয়।

সত্যবতীর এ প্রস্তাবে নবকুমার শিউরেই উঠেছিল, এবং ‘অসম্ভব’ বলে
উড়িয়েই দিয়েছিল।

“ঝাঁতুড় পর্বের” মত একটা ভয়ঙ্কর পর্ব যে দেশের বাড়িতে গিয়ে না পড়লে
মিটতে পারে, এ তার ধারণার বাইরে।

কিন্তু শেষ অবধি বরাবর বা হয় তাই হল। সত্যবতীর তীক্ষ্ণ যুক্তির বাণে নবকুমারের দ্বিধা লজ্জা ভয় সব টুকরো টুকরো হয়ে গেল।

ভয়টা কিসের ?

কলকাতায় জন্ম-মৃত্যু হচ্ছে না। ভূমিষ্ঠ শিশুর নাড়ি কাটা বাকী থাকছে ?

লজ্জা ?

লজ্জার অর্থ ?

বুড়ো বয়সে যদি আবার কেঁচেগুবে লজ্জা না হয় তো বাসায় জাঁতুড় তোলাতেই লজ্জা ?

অতএব ?

দ্বিধার প্রশ্নটা অবাস্তব।

নবকুমার অবশ্য এই ‘বুড়ো বয়স’ কথাটার রেগে উঠেছিল। বলেছিল, “বুড়ো বয়স বুড়ো বয়স করছ কেবলই কেন বল তো ? আমার ছোট মাসীর পোস্তুরের উপনয়ন হয়ে যাবার পর আবার একটা মেয়ে হয়েছিল—”

সত্য জলন্ত দৃষ্টিতে শুধু তাকিয়েছিল একবার, তার পর সংক্ষেপে বলেছিল, “ওসব কথা থাক, এখানেই ব্যবস্থা করতে হবে সেই কথাটাই জানিয়ে রাখলাম।”

বলা বাহুল্য মাত্র এইটুকুতেই কাজ হয় নি।

নবকুমার বিস্তর হাত-পা আছড়েছিল, বিস্তর আক্ষেপ জানিয়ে বলেছিল, “আমি ও সবের কি জানি ? এখানে কাউকে চিনি আমি ? ব্যবস্থা করতে হবে বললেই হল ?”

তার পর সত্যর একটি তীব্র মন্তব্যে সহসা চুপ করে গিয়েছিল। আর অতঃপর একদিন বুদ্ধি করে চুপি চুপি গিয়েছিল সত্বর বরের কাছে। শুনেছিল তার গণ্ডা তিন-চার ছেলেমেয়ে। সেগুলো নাকি কলকাতাতেই জন্মেছে, অতএব লোকটা অভিজ্ঞ।

তা অভিজ্ঞ লোকটা দরাজ ভরসা দিয়ে আশ্বস্ত করল নবকুমারকে এবং সেই সঙ্গে সত্বকে আনিয়ে নেবার পরামর্শটা দিল।

দিন তিনেক ছুটি নিয়ে বান্ধাইপুরে গিয়ে সত্বকে এনে ফেলল নবকুমার।

কিন্তু বত সহজে বলা হল, কাজটা কি তত সহজে হয়েছিল ?

পাগল ? তাই কি সম্ভব ?

এলোকেশী একাধারে তাঁর রাঁধুনী পরিচর্যাকারিণী এবং নিঃসঙ্গ সংসারের সঙ্গিনী সত্বে কি এক কথায় ছাড়তে রাজী হয়েছিলেন ?

হারামজাদী শতকথোয়ারী হাড়বজ্জাত বোঁটার নামে একশো গালা-গালের ছড়া কেটে, বেয়াকৈলে বেহায়া বোঁয়ের দাসাভূদাস ছেলেকে কি শুধু হাতে বিদায় করতে উত্তত হন নি ?

হয়েছিলেন ।

কিন্তু ভেসে দিল অয়ং সত্বে !

সে বলে বসল, “আমি যাব ।”

“তুই যাবি ?” এলোকেশী গর্জে উঠেছিলেন, “আকৈলখাকি, চোখের মাথাখাকি, নেমকহারাম লক্ষ্মীছাড়ি ! তুই আমাদের একা ফেলে সেই হাড়হাবাতির পাদোদক খেতে যাবি ?”

কিন্তু সত্বে অনমনীয় ।

সত্বে যে এত গৌঁ আছে, এ কথা কে কবে জানত ?

এ যেন আর এক সত্বে ।

সামান্য ছ-চারখানা কাপড়ের সম্বল নিয়ে সত্বে সদরে দাঁড়িয়ে প্রস্তুত ।

আজন্ম অগঙ্গার দেশে মুখ খুবড়ে প্রাণ গেল সত্বে, কালী-গঙ্গার দেশে যেতে পাবার এই স্বযোগ ছাড়বে না ।

তোমাদের কন্না ? সে তো চিরকাল করে এল ! সত্বে কি ছুটি নেই ? সত্বে যদি মরে ? তোমরা কি না খেয়ে থাকবে ?

কে সত্বে এই বিজ্রোহের শক্তি দিল ঈশ্বর জানেন ।

“থ” হয়ে গেলেন এলোকেশী, হকচকিয়ে গেল নবকুমার ।

নীলাশ্বর বাঁড়ুয়ে ক্রুদ্ধগলায় বললেন, “যাচ্ছ যাও, কিন্তু আর কখনো এ ভিটেয় মাথা গলাতে এস না এই বলে রাখছি ।”

সত্বে প্রণাম করে নবকুমার বলল, “আচ্ছা ।”

দি-খহার নবকুমার বলল, “ভয়ে আমার নাড়ি ছেড়ে আসছে সত্বে, থাক তোমায় যেতে হবে না । বোঁয়ের যদি পরমায়ু থাকে বাঁচবে, আর যদি কপালে মৃত্যু থাকে—”

সৌদামিনী মৃদু হেসে বলল, “তোমার বোঁকে বাঁচাতে যাচ্ছি ভেবেছিস ? মোটেও না । নিজের কপালটা ফের আর একবার বাঁচাই করতে ইচ্ছে হয়েছে, তাই যাচ্ছি ।”

এ কথার মানে নবকুমার বুঝতে পারে নি। চোবের মত মা-বাপের সামনে থেকে পালিয়ে এসেছে।

এলোকেশী উচ্চকণ্ঠে ভগবানকে ডাক দিয়ে আদেশ করেছেন—“ভগবান, যে সর্বনাশী আজীবন আমার বুকে কুলকাঠের আংরা জেলে রেখে দগ্ধাল, আর বুড়ো বয়সে এই কোমরের বলটুকু পর্যন্ত কেড়ে নিয়ে মজা দেখতে বসল, তুমি তার বিচার করো। যদি ‘শ্রায়পরায়ণ’ হও তো সর্বনাশীর যেন তেরান্তির না পোহায়! তার ভরা ঘরে যেন দোর পড়ে, তার মুখের গেরাস যেন বাসি চুলোর ছাই হয়ে যায়, এহকালে পরকালে যেন তার গতি না হয়।”

সত্যবতীর আরো অনেক ভয়াবহ পরিণতির জন্ত শ্রায়পরায়ণ ভগবানের কাছে আবেদন জানাতে থাকেন এলোকেশী হ্র করে চুন্দে গাঁথে।

না, কথাটাকে মিথ্যা ভাববার হেতু নেই, বাড়াবাড়ি ভাবলেও ভুল ভাবা হবে, সত্যবতীদের আমলে এলোকেশীরা নিতান্তই বিরল ছিল না।

আর আজই কি আছে?

নেই। শুধু হয়তো অভিশাপের বাণীগুলি সভ্য মার্জিত স্তম্ভ হয়েছে। তীব্র চিংকারটা তীক্ষ্ণ মন্তব্যে পরিণত হয়েছে।

সে যাক, সত্যবতীর কানে এসব পৌঁছল না। শুধু বিনা নোটিশে হঠাৎ সদর আবির্ভাবে প্রথমটা একটু বিমূঢ় হয়ে পড়েছিল সে। তার পরই অবশ্য সামলে নিল। মুহূ হাসিমাখা মুখে বলল, “যাক ভালই হল। সংসারটা একজনের হাতে তুলে দেবার লোক হল। এবার নিশ্চিন্দি হয়ে মরে বাঁচব।”

সহু ভুরু কৌচকাল, “কেন মরার কি হল? রাজ্যি স্তম্ভু মেয়েমানুষ মরছে?”

সত্যবতী হাসল। “কি জানি, এবার কেবলই মনে হচ্ছে মরে যাব। কালের ঘণ্টা কানে বাজছে যেন।”

তা যে ঘণ্টাই কানে বাজুক, মরে অবিজ্ঞি গেল না সত্যবতী। শুধু দীর্ঘকাল যমে-মাহুষে টানানানি চলল, শুধু সত্যবতীর সংসারে অনেক ওলট-পালট কাণ্ড ঘটে গেল, আর সত্যবতীর মনোজগতে অনেক বিপর্ষয় ধাক্কা মেয়ে মেয়ে আরো দৃঢ় করে তুলল সত্যবতীকে।

এরই মাঝখানে সত্যবতীর নবজ্ঞাত কন্যা কেবলমাত্র কামার জগৎ থেকে হাসির জগতে উঁকি দিতে শিখে ফেলল।

সাধন সরল দুই ভাই কাঁচের পুতুলের মত মেয়েটাকে ‘গলার হার’ করে তুলল, আর নবকুমারের মধ্যে দেখা দিল প্রবল একটি বাৎসল্য রসের ধারা। তবু তার যেন নববধূর লজ্জা।

যদিচ মেয়ে সন্তান কানাকড়ি মাত্র, তথাপি দেখতে ইচ্ছে করে, নাড়াচাড়া করতে ইচ্ছে করে। আর স্নেহের বস্তু বলে মিস্ট একটি অল্পভূতি আসে।

সাধন সরল তার অপরিণত বয়সের ফল। সে বয়সে বাৎসল্য রসের স্রষ্টি হয় নি। বরং সেই নবযৌবনের তীব্র আবেগের সময় ওদের আপদ বালাইয়ের মতই মনে হত।

এখন সেকাল নেই।

এখন সত্যবতী তো হাতছাড়াই। তবু এর সূত্রে যদি আবার একটু সরসতা আসে এই আশা। যমে-মাছুষে টানাটানির লড়াইয়ে মাছুষই জিতেছে, তাই মেয়েকে পয়মস্তও মনে হচ্ছে নবকুমারের।

মোটকথা সংসার বেশ ভালই চলছে নবকুমারের।

কিন্তু এ বাড়িতে স্নহাস বলে যে একটা মেয়ে ছিল? সে কোথায় গেল? তাকে তো আর দেখা যায় না? সে কি তবে মারা গেছে? নাকি তার কুল-ত্যাগিনী মায়ের পদাঙ্ক অঙ্গসরণ করে কুলত্যাগই করেছে?

তা নবকুমার তা-ই বলেছে।

প্রায় কুলত্যাগের দিকারই দিয়েছে তাকে। জীর্ণদেহ সত্যবতীর সামনে তীব্রকণ্ঠে সে দিকার ঘোষণা করতেও দ্বিধা করে নি। বলেছে, “আর যেন ওটা এ বাড়ির ছায়া না মাড়ায়। কুলত্যাগে আর ধর্মত্যাগে তফাতটা কি? না-ই বা বিয়ে হত! হিঁদুর ঘরের মেয়ে, ঠাকুর-দেবতা পূজো পাঠ করে জীবনটা কাটিয়ে দেওয়া যেত না? একটা বাপের বয়সী বুড়োর সঙ্গে—ছি ছি ছি!...বুঝলে তুড়ুর মা, আমড়া গাছে কখনো ঝাংড়া ফলে না। এই যে তুমি এতদিন গাছের গোড়ায় জল ঢাললে, এত সার দিলে, ঝাংড়া কি ফলল? আমড়ার ছানা আমড়াই হল।”

সত্যবতী হাত নেড়ে থামবার ইশারা করে পাশ ফিরেছিল।

এখন আর সত্য শয়্যাগত নয়, তবু বেশীর ভাগ বিছানাতেই পড়ে থাকে। সছু এসে তার সংসারভার হাতে তুলে নেওয়ায় সত্য যেন অদ্ভুত একটা

শুস্তির স্বাদে মগ্ন হয়ে আছে। সত্ব বেই বলে, “থাক থাক বো, তুমি আবার কেন উঠে এলে রোগা মানুষ—” অমনি সত্য গিয়ে রূপ করে শুয়ে পড়ে। আগের মত তর্ক করে না, বলে না, এখন তো ভাল আছি। শুয়ে পড়ে—

আর বেশীক্ষণ শুয়ে থাকলেই সেই দিনের অভিনীত নাটকটার দৃশ্যগুলোই তার চোখের পর্দায় ছুটোছুটি করে বেড়ায়।

গোড়া থেকে সবটাই জানে সত্য।

সত্যর জ্ঞান চৈতন্ত নেই ভেবে আঁতুড়ঘরের দোরে বসে সত্ব আর ভাবিনী সশব্দেই আলোচনাটা চালাচ্ছিল। কিন্তু অক্ষুট চৈতন্তের মধ্যেও সত্যর মাথার মধ্যে ওদের কথাগুলো যেন হাতুড়ির ধাক্কায় ধাক্কায় ঢুকে পড়তে লেগেছিল। অথচ ওদের নিষেধ করবার ক্ষমতা হয় না। না পারে হাত নাড়তে, না পারে কথা বলতে।

আর ভাবিনী হাতমুখ নেড়ে—ই্যা ভাবিনীই বক্তা, সত্ব শ্রোতা। দেশ থাকতে ভাবিনীর সাধ্য ছিল না যে পাড়ার বয়স্কাদের সঙ্গে কথা বলে। কিন্তু এখানে আলাদা, এখানে ভাবিনী ‘একজন’। তাই হাতমুখ নেড়ে কথা বলতে বাধে না, “আর বলো না বামুন-ঠাকুরঝি, দেখে দেখে আমরা ‘থ’ হয়ে গেছি। ওই একটা বেজাতক বেজন্মা আইবুড়ো খুঁড়ি মেয়েকে নিয়ে কী নাচানাচি। কী নাচানাচি।”

“জন্মের কথা কী বললে কয়েত-বোঁ?”

শিউরে উঠেছিল সত্ব।

অথবা শিউরে উঠেছিল সত্বর চিরদিনের সংস্কারে পুষ্ট রক্তকণিকা।

সত্ব যে ওই মেয়েটার হাতে খাচ্ছেদাচ্ছে গো!

সেই কথাই বলে ফেলে সত্ব।

“কে না খাচ্ছে?”

ভাবিনী চোট উঠেছিল, “নারায়ণের ঘরের ভোগ রাঁধবার দরকার হলেও বোধ হয় গিন্নী ওই ভাইঝিটিকে এগিয়ে দেবেন—”

“ভাইঝি।”

সত্ব বলেছিল, “রোস দিকি, আমায় আগে বুঝতে দাও সবটা। এই তো জনছিলাম বিধবা, আবার তুমি বলছ আইবুড়ো, একবার জন্মের খোঁটা শোনাগে, আবার বলছ ভাইঝি, সব কেমন গোলমেলে ঠেকছে যে।”

‘অর্চৈতত্ত্ব’ সত্যবতীর কানে বিষের তীর বিঁধতে থাকে, “ভাইঝি আমি বলছি না গো, উনিই ওই পরিচয় রটিয়ে রেখেছেন। যে ভাজ বারো বছরে বিধবা, তার বাইশ বছর বয়সের গর্ভের ওই রত্ন! বোঝ। মা কুলে কলঙ্ক ঘটিয়ে বাড়ি থেকে বেরিয়ে গেল, মামাশুশুর—মান্নে গিয়ে তোমাদের বোয়ের বাবা, নাকি চাকে কাঠি দিয়ে দশজন মান্নিগণি লোককে ডেকে সেই বার্তা বড় গলা করে শোনালেন। আবার ইনি এতকাল পরে সেই আঁতাকুড়ের জঞ্জালকে মাথায় করে এনে ঘরের মধ্যে দেবীপিত্তিষ্ঠে করেছেন। কী বলব ভাই, তোমাদের বামুনের ঘরের রীতনীত দেখে আমরা হাঁ! বলছিলে বিধবা? বিধবা নয় গো, খুবড়ি, আইবুড়িই। কে ওই জাতজন্মহীন-ধন্যাকে বে করবে যে বে হবে? মা মাগী লোকলজ্জায় আর মেয়ের কাছে ঘেন্না ঢাকতে বলে বেড়াত, পাঁচ বছরে বে, পাঁচ বছরেই বিধবা। ইনিও সেই কথাই চালিয়ে আসছেন। আবার শুনি নাকি বেঙ্গবাড়িতে বে দেবে বলে বর খুঁজছে।”

সহু কিছুক্ষণ গালে হাত দিয়ে বলে, “তা দিতেই পারে। মেমের ইস্কুলে পড়াচ্ছে যখন! বোয়ের শরীরে অনেক গুণ ছিল, ওই বৃকের পাটাতেই সব হয়ে গেল। অতিরিক্ত তেজ, অতিরিক্ত আসপদা! নইলে কোন্ সংসারে কোন্ মেয়েমানুষের এ সাহস হয়, নন্দমার পাক তুলে নিয়ে এসে পুজি করে? শুনে আমি হাঁ হয়ে যাচ্ছি কয়েত-বোঁ! রেখেছিস রেখেছিস, তার হাতে ভাত জল খাচ্ছিস কোন্ আক্কেলে? নবাটাও তো—”

“ওনার কথা আর তুলো না ঠাকুরঝি! উনি একেবারে কামরূপ কামিখোর ভেড়া। নচেৎ আর এতখানিটা হয়? উনি স্বদ্ধু হা স্বহাস যো স্বহাস! এদিকে তো মূনির মন টলে এমন রূপ। ওই কি ভাল থাকবে নাকি? দেখো কোনদিন কি করে বসে। মিথ্যে বলব না ভাই, ওই ভয়ে তোমাদের ভাইকে আমি সাধ্যপক্ষে এ বাড়িতে একা আসতে দিই নে। পুরুষ হচ্ছে মাছির জাত, ফুল থেকে উঠে পাঁচড়ায় গিয়ে বসে। ওই ছুঁড়ি—”

সহের সীমা অতিক্রম করলে বুঝি বোবারও বোল ফোটে। তাই “অজ্ঞান অর্চৈতত্ত্ব” সত্যবতীর মুখ থেকে সহসা একটা ক্রুদ্ধ গর্জন বেরিয়ে আসে। যেন মুখ চেপে ধরা কোনও ক্রুদ্ধ জন্তুর আর্তনাদ।

এরা চমকে ওঠে।

“কি হল” বলে আঁতুড়ঘরের ঝিকে ডাক-পাড়াপাড়ি করতে থাকে এবং তার ঘণ্টা কয়েক পরেই সারা বাড়িতে অন্ত একটা সোরগোল ওঠে।

প্রশ্ন আর বিস্ময়।

নেই?

কোথায় গেল?

শেষ কখন কে দেখেছে?

কে দেখেছে ঠিক কেউ মনে করতে পারে না। দেখছিল তো সর্বক্ষণ সবাই, হঠাৎ জলজ্যাস্ত একটা মানুষ হাওয়া হয়ে যাবে?

অথচ তাই গেল।

স্বহাসকে পাওয়া গেল না।

সত্য চোখ বুজলেই যেন সেদিনের সেই কথাগুলো শুনতে পায়। সড় আর ভাবিনীর সেই নিতান্ত সহজ অসতর্ক উক্তি।

তার পর পট পরিবর্তন হয়।

আর এক দৃশ্য চোখে ভাসে।

যা নিয়ে পরে বহু শ্লেষাত্মক কথা শুনতে হয়েছে সত্যকে। কিন্তু নাটকের সেই অঙ্কের উপর তো সত্যর কোনও হাত ছিল না। সেটা শুধু সত্যর চোখের সামনে ঘটেছিল।

আঁতুড়ঘরের দরজায় এসে ঠাঁড়িয়েছিলেন ভবতোষ মাস্টার।

দরজার একটা পাল্লা ধরে ভাঙা গলায় আর্তনাদ করে উঠেছিলেন, “বোমা!”

সত্য চমকে তাকিয়েছিল।

অবাক হয়ে চারিদিকে তাকিয়েছিল। এখানে উনি কেন! এ কী অঘটন? এমন উদ্ভ্রান্ত ভাবই বা কেন গুর? কী বলছেন এ সব?

বুঝতে সময় লেগেছিল।

লাগবারই কথা।

কে ভাবতে পেরেছিল, এ বাড়ি থেকে পালিয়ে গিয়ে আশ্রয় নিতে আর জায়গা পেল না স্বহাস, নিতে গেল ভবতোষ মাস্টারের বাড়ি। জীবনে যার বাড়িতে একবার মাত্র গিয়েছে, আর জীবনে যার সঙ্গে একবারও কথা বলে নি!

কিন্তু এবার গিয়ে কথা বলেছে।

অনেকগুলো কথা।

ভবতোষ তেমনি রুদ্ধকণ্ঠে আন্তে আন্তে উচ্চারণ করেন, “বলে কিনা—
আপনার বাড়িতে একটা বিয়েরও তো দরকার হয়! সেইভাবেই থাকব
আমি। সব কাজ করব। আপনি তো উদারধর্মী, আপনার তো আমার
হাতে খেতে ঘেন্না করবে না। শোন দিকি কথা—তোমার ওই দেবকন্ঠার
মত মেয়ে, তার হাতে খেতে ঘেন্না করবে।”

সেদিন সত্যর বাকশ্রুতির শক্তি ছিল। সেদিন সত্য আন্তে আন্তে
বলেছিল, “আপনি তো একথা বলছেন, লোকের যে ঘেন্না করে।”

“ঘেন্না করে?”

“করে বৈকি!” সত্যবতী বালিশ থেকে ঘাড়টা একটু তুলে ক্ষুদ্র হেসে
বলে, “করবে না কেন? আপনি তো ওর সবই জানেন মাস্টার মশাই,
বিশ্বস্বল্প লোকই ওকে ঘেন্না করবে।”

“করতে পারে,” ভবতোষ আবেগ-রুদ্ধ কণ্ঠে বলে উঠেছিলেন, “আমি তা
হলে তোমার ওই বিশ্ব-সংসারের কেউ নই বোঁমা!”

সত্য এক লহমা অগলকে ওঁর মুখের দিকে তাকিয়ে বলেছিল, “জানি।
আর সে মুখপুড়ীও এক নিমিষে সে কথা জেনে ফেলেছিল। তাই আগুনের
ঝাপটা থেকে বাঁচতে ছুটে গিয়েছে আপনার কাছেই শরণ নিতে।”

“কিন্তু এক্ষেত্রে আমি কী করব?” ভবতোষ ব্যাকুল বিব্রত বিভ্রান্ত,
“আমার বাসায় মেয়েছেলে বলতে কেউ নেই—”

“নাই বা থাকল—”

সত্য মুদ্র হেসেছিল, “ও সব চালিয়ে নিতে পারবে!”

চালিয়ে নিতে পারবে?

ভবতোষ হতাশ স্বরে বলল, “তুমিও কি তোমার ভাইবির মত পাগল
হয়ে গেলে বোঁমা? তাকেও তো কিছুতেই বোঝা মানাতে পারলাম না।
গাড়ি দাঁড় করিয়ে রেখে শত সাধ্যসাধনা করলাম, সেই এক কথা, ‘আপনার
সব কাজ করে দেব, তার বদলে এককোণায় একটু থাকতে দিন, আর
আপনার বইগুলো পড়তে দিন। আর কিছু চাই না আমি।’ শোন
পাগলামি!”

সত্য হঠাৎ গাঢ়স্বরে বলে, “পাগলামি কেন বলছেন মাস্টার মশাই, এর

থেকে ভাল আশ্রয় ও আর কোথায় পাবে? ওর জন্মের বিত্তান্ত শুনেও কে ওকে ছেদা করবে, স্নেহমমতা করবে?”

ভবতোষ আরও ব্যাকুল হয়ে বলেন, “সে সব তো বুঝলাম, ওই জন্তেই পাত্র যোগাড় করে উঠতেও পারছি না। অথচ তুমি বলেছ সব কথা খুলে বলতে। কিন্তু একটা কথা তুমি বুঝছ না—”

ভবতোষ থামেন।

সত্য শাস্ত্রস্বরে বলে, “বলুন?”

“বলছি—” ভবতোষ কেসে বললেন, “আমার জন্তে ভাবি না, আমার তিনকুলে কে বা আছে, ওর জন্তেই বলছি—যতই আমি তিনকেলে বুড়ো হই, লোকনিন্দের তো কষর হবে না তাতে! আমার বাসায় কী পরিচয়ে রাখব ওকে?”

সত্য একটু হেসে বলে, “দাসী পরিচয়েই রাখুন।”

“তুমি বোধ করি আমায় নিয়ে মজা দেখছ বোঁমা!” ভবতোষের আক্ষেপটা যেন আছড়ে পড়ে।

আঁতুড়ের দরজায় এই দীর্ঘস্থায়ী দৃশ্য।

সহু গালে হাত দিয়ে দালানে বসে, আর নবকুমার খাঁচার বাঘের মত ছট-ফট করছে। আর ধৈর্য থাকে না। নবকুমার এগিয়ে এসে বলে, “মাস্টার মশাই, বাইরে কি আপনার গাড়ি অপেক্ষা করছে? না একখানা ডাকতে পাঠাব?”

ভবতোষ বিমূঢ় দৃষ্টি মেলে তাঁর একদা ভক্তশিষ্যের মুখের দিকে তাকান, এবং সেই মুহূর্তে শুনতে পান সত্যবতীর ক্ষীণ কিন্তু স্পষ্ট স্বর, আদেশের স্বরে উচ্চারিত হল, “থাক, গাড়ির জন্তে কারুর ব্যস্ত হতে হবে না, মাস্টার মশাইয়ের সঙ্গে আমার এখনো দুটো দরকারি কথা আছে, আর সকলের একটু ওদিকে গেলে ভাল হয়।”

আর সকলের ওদিকে গেলে ভাল হয়।

এর চাইতে সত্য কেন একখানা থান ইঁট মারল না নবকুমারের মাথায়?

কিন্তু উপায় নেই। ডাক্তার বলে গেছে রুগীর বুক হালকা, রাগ দুঃখ কোন কিছুতেই যেন বেশী উত্তেজিত না হয়।

কাজে কাজেই মনের রাগ মনে চাপা।

হ্যাঁ, ডাক্তার ডাকতে হয়েছিল, আঁতুড়ঘরে ডাক্তার আসা সহ নবকুমার

সকলের জানেই এই প্রথম। তা উপায় কি? সত্বেই জোর করে আনিয়েছিল। বলেছিল, “যে কালের যে শাস্তর। তুই আর ইতস্ততঃ করিস নে নবু! কলকেতায় যখন বাসা করে আছিস, কলকেতার মতই হোক। বাকুইপুয়ের সেই গর্তয় গিয়ে পড়লে তো মরেই যেত, এ যদি—”

তা সেই ডাক্তারের নির্দেশেই স্নান মাথাঘষা বন্ধ, কাজেই একুশে যষ্টিও মূলতুবী। একুশ দিনের ঔতুড় একত্রিশ দিনে গিয়ে ঠেকেছে।

তা ছাড়া মুশকিলই কি কম?

বাড়ির লোকের সেবা-যত্নটা তো পাচ্ছে না! সেবা বলতে সেই হাঁড়ি দাই মাতঙ্গিনী। সেরে উঠবে কি করে?

অথচ ঔতুড়ের দরজাতেই এই সব কাণ্ড।

“চলে যেতে হবে! ওঃ!” বলে হুম্‌হুম্‌ করে চলে যায় নবকুমার।

ভবতোষ অপ্রতিভের একশেষ হয়ে বলেন, “আমি যাই বোঁমা!”

“না!”

সত্য দৃঢ়স্বরে বলে, “কথা তো শেষ হয় নি। আপনি বলেন, আমি আপনাকে নিয়ে মজা দেখছি, এই কি একটা কথা?”

“কি করব বোঁমা, দিশেহারা হয়ে যাচ্ছি বলেই—”

“কেন হবেন?” সত্য স্থির স্বরে বলে, “দিশে তো সামনেই রয়েছে। আপনি সেদিন ঠাট্টা করে বলেছিলেন, স্তম্ভরী নাতনীর জন্তে যদি আপনার মাথায় টোপর দিতে হয় তো দেবেন। সেই ঠাট্টাটিই সত্যি করে তুলুন।”

“বোঁমা!”

“অস্থির হবেন না মাস্টার মশাই, আমি বলছি এই ভাল হবে।”

“এই ভাল হবে!”

“হ্যাঁ। আপনি আর স্থিরা করবেন না। বিনা পরিচয়ে একটা মেয়েছেলের থাকায় নিন্দে, আপনিই পরিচয় দিয়ে দিন ওকে। পরিচয়ের মত পরিচয়।”

“তুমি কি আমাকে আমার চিরদিনের অপরাধের শাস্তি দিতে চাও বোঁমা?”

ভবতোষের কণ্ঠে দৈন্তের সঙ্গে একটা জ্বালা ফুটে ওঠে বুঝি।

কিন্তু সত্যবতীর কণ্ঠে ফুটে ওঠে স্নিগ্ধ স্নেহের করুণা।

“ছি ছি, ওকথা বলছেন কেন মাস্টার মশাই? বরং বলুন এ আমার এত

কালের শিক্ষা-দিক্কার গুরুদক্ষিণা। লেখাপড়া জানা বুদ্ধিমতী মেয়েরা আপনার প্রিয়, এ আমার জানা, স্বহাস আপনার অপছন্দের হবে না।”

ভবতোষ ক্ষুদ্র হান্তে বলেন, “পছন্দ জিনিসটা শুধু বোটাছেলেরই একচেটে নয় বোমা। সে এই জেঠার বয়সী বুড়োটাকে—”

“তাতে কি?”

সত্য সর্কৌতুক হান্তে বলে, “মহাদেবও তো বুড়ো, তবু তো মেয়েরা তাঁকেই বর চেয়ে ‘বত্ত’ করে। স্বহাস যদি সেকথা না জানত তো আপনার কাছেই ছুটে যেত না।”

আশ্বে কণ্ঠস্বর গাঢ় হয়ে আসে সত্যবতীর, “স্বহাস আপনাকে ভক্তি করে, জেনে বুঝেই সে আপনার আশ্রয় নিতে গেছে। আপনিই শুধু বুঝতে পারছেন না। মেয়েমানুষ মুখ ফুটে আর কত বলবে?”

“কিন্তু আমি তো ভেবে কূল পাচ্ছি না বোমা, হঠাৎ এমন কি নতুন ঘটনা ঘটল যে—সে অমন করে ছুটে গিয়ে—”

“বলব, সব বলব। আজ আর পারছি না।”

সত্য একটু ক্লান্ত হাসি হাসে।

তবু ভবতোষ কথা বলেন।

কাতর কণ্ঠে বলেন, “এই কি তোমার শেষ রায় বোমা? এই শাস্তিই মাথায় তুলে নিতে হবে আমাকে?”

সত্য আবার একটু কৌতুকের হাসি হাসে, “এবার কিন্তু আমি রেগে যাব মাস্টার মশাই! আমার জামাই হওয়া বুঝি আপনার শাস্তি?”

ভবতোষ একটুক্ষণ চুপ করে তাকিয়ে থেকৈ বলেন, “তবু আমি হয়তো কোনদিনই আমাকে ক্ষমা করতে পারব না বোমা! মনে হবে—”

“ভুল ভেবে মনে কষ্ট করবেন না। এখন কি মনে হচ্ছে জানেন? মনে হচ্ছে—”, শেষের কথাটা যেন নিজেকেই নিজে বলে সত্য, “মনে হচ্ছে, স্বহাসকে বুঝি এমন মনের মত করে গড়তে চেষ্টা করেছি আপনার কথা ভেবেই। শুধু সে কথা নিজেই টের পাই নি এতদিন।”

ভেতাল্লিশ

একেই বুঝি বলে “পরকীয়া ভাব”।

শোনা যায় ভগবানকে ভজবার এ একটা সহজ রাস্তা। মুখ্যে মশাই এই পথটাই ধরেছেন। অবশ্য ভগবানের ধার ধারেন না মুখ্যে মশাই, মাহুঘ নিয়েই কারবার তাঁর। তবে তাজ্জবের কথা এই, যে মাহুঘটাকে একদিন টিল-পাটকেলের মত লাথি মেরে ছুঁড়ে ফেলে দিয়েছিলেন, এখন তার আশেপাশেই ঘুরঘুর করে বেড়াচ্ছেন।

মুখ্যে মশাই এখন নবকুমারের সংসারের প্রায় প্রতিদিনের অতিথি। বেশীর ভাগ সন্ধ্যার দিকটিতেই আসেন, সন্ধ্যার বখন সাংসারিক কাজগুলো হালকা হয়ে আসে। ই্যা, সত্যবতীর সংসারের সব কাজই স্বেচ্ছায় নিজের কাঁধে তুলে নিয়েছে সত্, হয়তো বা ভগ্নশরীর সত্যর প্রতি মমতাবশে, হয়তো বা নিজস্ব অভ্যাসবশে, আর নয়তো বা এ সংসারে নিজের প্রয়োজনীয়তা স্পষ্ট প্রত্যক্ষ রাখবার বাসনায়। হয়তো মনে করে—নবকুমার যেন না ভাবে “আর কেন।” সত্যকে কুটোটি ভাঙতে দিলে, নবকুমারের সন্ধ্যার সম্পর্কে সহজে আস্থা আসবে না।

তা মনের কথা মনই জানে। মোটের উপর সত্ কলকাতাতেই রয়ে গেছে এখনো এবং এ সংসারের জুতো সেলাই থেকে চণ্ডী পাঠ সব করছে। তবু সন্ধ্যার দিকে বসে থাকবার সময় পায় সত্। একে তো এখানের এই শহরে সংসারের কাজ তার কাছে তৃণসম, তা ছাড়া প্রবল এক উৎসাহে রাজ্যের রান্নাটা সে বিকেলেই সেরে ফেলে।

সন্ধ্যার দিকে মুখ্যে মশাই আসেন।

সত্ মনে নবোঢ়ার লজ্জা আর মুখে নবোঢ়ার আভা নিয়ে ভাইপোদের চোখ বাঁচিয়ে তামাকে ফুঁ দিতে দিতে এসে কাছে দাঁড়ায়।

এ ঘরটা সেই কোণের দিকের ছোট ঘরটা, যে ঘরে স্নহাস থাকত। স্নহাস তার সমস্ত ব্যবহারের জিনিসগুলি ফেলে চলে গেছে। স্নহাসের স্মৃতি ঝাঁকড়ে সে ঘর তার মত করে সাজিয়ে রেখে দেবে, এত ভাবপ্রবণতা এ সংসারের নতুন ব্যবস্থাপনায় নেই। সত্য তো ঢোকেই না এ ঘরে।

সত্ এ ঘরটার রাজ্যের আজোবাজে জিনিস এনে ঠেলে রেখেছিল, শুধু

স্বহাসের শোবার চৌকিটার একটা সভ্যভব্য শতরঞ্জ বিছানো আছে। আছে তাকিয়া।

মুখ্যে মশাই প্রায় যেন চুপিচুপিই এসে সেই তাকিয়ার কলুই ঠেসিয়ে সেই চৌকিটিতে বসেন, সড় তামাক এনে হাতে দেয়।

মুখ্যে মশাই একটু রহস্তধন হাসি হেসে কলকে ধরা হাতটাও কাছে টেনে বলেন, “এখনো তোমার কনে-বোয়ের লজ্জা গেল না। বসো না এখানে।”

বলা বাহুল্য “এখান”টা সেই স্বল্পপরিসর চৌকির সামান্যতম ফালিটুকু। ভারী ভারী মুখ্যে মশাই তো প্রায় বাকী সব জায়গাটাই দখল করে আছেন। অতএব বসতে গেলে নিতান্ত ঘনিষ্ঠ হওয়া ছাড়া উপায় নেই।

তবে সড় পতিদেবতার এ অহুরোধটুকু রাখে না। “নাঃ এই বেশ বসছি।” বলে মাটিতেই বসে চৌকির সামনে।

খুব কি গল্প করে সড় তার এতদিনের ফিরে পাওয়া বরের সঙ্গে ?

নাঃ, তা করে না।

কথা কোথায় ?

কথার বয়সই বা কোথায় ?

অনেকক্ষণ ভুড়ভুড় করে তামাক টানতে থাকেন মুখ্যে মশাই, তার পর একসময় হয়তো বললেন, “তার পর গরীবখানায় কবে যাচ্ছ বড়বো ?”

সড় এতক্ষণ বসে বসে হাতের নখ খুঁটছিল কি আঁচলের খুঁটটা আঙ্গুলে জড়াচ্ছিল, এ প্রশ্নে সচকিত হয়ে নড়েচড়ে বসে বলে, “এখন আর ছেড়ে দিয়ে তেড়ে ধরে কী হবে ? জীবনটা তো বয়েই গেল।”

মুখ্যে মশাই নিটোল বপুটি ছলিয়ে বেশ একটু হেসে নিয়ে বলেন, “ও কথা শুনছে কে গো বড়গিন্নী ? গড়নে পেটনে এখনো তো ছুকরিটি আছে। বরং আমার বাড়ির ওটি একেবারে বুড়ীর বুড়ী তন্ত্র বুড়ী হয়ে গেছে। মাথার সামনে কপালজোড়া টাক, দাঁতগুলো ঝুলে নড়নড় করছে, হাতে পান্নে হাজা, আর গড়ন ? সে আর কী বলব তোমায়—” বিল্বী একটা মুখভঙ্গী করে কথাটা শেষ করেন মুখ্যে মশাই, “তাকাতে ঘোরা করে। আমি তাই এখনো ঘরে রেখেছি, অস্ত্র স্বামী হলে টান ঘেরে বাপের বাড়িতে কেলে দিয়ে আসত।”

সড় অবশ্য সস্ত্রীনের সম্পর্কে স্বামীর এই অকটিকর মন্তব্যে পুলকিত হয় না,

বরং বেজার ভাব দেখিয়ে বলে, “তা তো বলবেই এখন ! তার শাঁস-মাস সব খেয়ে ছোবড়াটাকে টান মেরে ফেলে দেবার কথা তোমার মুখেই শোভা পায় । সাথে কি আর বলেছে পুরুষ প্রজাপতির জাত !”

মুখ্যে এ অপবাদে লজ্জিত হন না । বরং ক্যাক্ ক্যাক্ করে হেসে বলেন, “তা সে মোষ তবে বিধাতার । তিনি যে জাতকে যেমন করে গড়েছেন । কিন্তু যাই বল বড়বোঁ, আমিও তো এতগুলো ছেলেপেলের বাপ হয়েছি, তারপর তোমার গিয়ে দু-দুটো মেয়ের বে দিলাম, নাতির অন্নপ্রাশনে ঘটা করলাম, এ সংসারের যাবতীয় করণ-কারণ করে চলেছি, আর ওই শূয়োরের পাল পুষছি । টসকেছি একটু ? রূপ-যৌবন রাখতে জানা চাই বুঝলে বড়বোঁ ?”

বলেই হাতটা বাড়িয়ে সত্বর গালে একটি টোকা মেরে বলেন, “তা তোমাকে সে কথা শোনানো চলে না । তুমিও জান । নচেৎ তুমিও কিছু এযাবৎ আমার সংসারে সোনার খাটে গা রূপোর খাটে পা দিয়ে বসে থাক নি । দাসীবিত্তি করতে করতে জীবন গেছে, তবু কেমন চেকনাইটি !”

সহু কি এই স্বাবকতায় ভুলবে ?

সহু কি বলে উঠবে, “এই বুড়ো বয়সে তুমি আমার মনের দিকে না তাকিয়ে শরীরের চেকনাইয়ের দিকে তাকাচ্ছ ? লজ্জা করছে না ?”

কিন্তু কি করেই বা বলবে ?

সহু এই তুচ্ছ শরীরটার দিকেই বা কে কবে তাকিয়েছে ? এই লোকটাই তো মারের চোটে ঘরছাড়া করেছে সহুকে । তখন তো সহুর বয়সকাল, কী অগাধ স্বাস্থ্য, আর রূপটাও ফেলনা ছিল না ।

আর কত হাসি-খুশি স্বভাব ছিল ।

সহু তখন বুঝত না, হয়তো বা এখনো বোঝে না, সেই অগাধ স্বাস্থ্য আর রূপটাই অনিষ্টকারী হয়েছিল সহুর । হাসিটাও । সংসারে তখন মেলাই লোক,—জ্ঞাওর, ভান্সর, বড বড ভাগে,—তাদের চোখের সামনে থেকে সেই স্বাস্থ্য আর রূপ লুকিয়ে বেড়াবার কথা মাথায় আসত না সহুর । তাই সহুর দুর্দান্ত বরের মাথার রক্ত টগবগ করে ফুটত ।

অতএব রাতদিন যে দেহটাকে হাতের মুঠোর শিষতে ইচ্ছে করত ডাকাতটার, সেই দেহটাকেই সে ফুটবলের মত লাথিয়ে লাথিয়ে ঘরের বাহর করে দিত ।

সহর যে রূপ আছে স্বাস্থ্য আছে, সে কথা সহর কারো মুখে কোনদিন শোনে নি।

তার পর গন্ধার কত জল বয়ে গেল, কত দিন রাত্রি মাস বছর পার হয়ে গেল, সহর “যোবন” নামক বস্তুটা কোর্ন খবর না দিয়েই বিদায় নিল, তবু মাজা মাজা গড়নের দেহটা সহর তেমন ভাঙে নি। এখন এক লালসাতুর লুক প্রোটের দৃষ্টি পড়েছে সেদিকে।

এ দৃষ্টি স্বামীর দৃষ্টি নয়, পরপুরুষের দৃষ্টি। পড়ে পাওয়া চোদ্দ আনা পরজ্ঞীর মতই দেখছে আজ মুখ্যে তার যোবনে বিভাড়াটা স্ত্রীকে।

তবু বিশ্বল হচ্ছে সোঁদামিনী।

জীবনে একবারও বিশ্বলতার স্বাদ উপভোগ করতেই হয়তো।

কিন্তু নিজের বাড়িতে নিয়ে যেতে না পারলে জুং কোথায় সহর বরের ? সন্ধ্যাবেলা নবীন নায়কের ভঙ্গী নিয়ে এসে বসে গল্পগুজব কিছুদিন বেশ ভাল লাগছিল, এখন আর শুধু তাতে মন উঠছে না। তা ছাড়া ছোটবোঁটার সত্যিই বুঝি মরণদশা ঘনিয়ে এসেছে।

সময় অসময়ে বড় মেয়েটা শ্বশুরবাড়ি থেকে এসে ভাত-জল করত, কিন্তু সেও এখন আসন্নপ্রসবা। মেজটা তো এই বয়সেই মা-ঘণ্টীর বরপুত্রী। তাদের এনে লাভ নেই।

তাই সহর কাছে অম্মনয়-বিনয় চলে।

সহর কিন্তু সহজে হ্যাঁ করে না।

বলে, “কেন এই তো বেশ! আসছ, বসছ, চোখের দেখা দেখছি—”

মুখ্যে চোখ টিপে বলে, “শুধু চোখের দেখাতে কি পেট ভরে গো?”

“আর পেট ভরায় কাজ নেই।”

“তুমি তো বললে কাজ নেই। আমি যে এদিকে বছরভোর উপোসী। তা ছাড়া মাইরি বলছি বিশ্বাস কর, মাসের মধ্যে পাঁচদিন সত্যি পেটের উপোসে কাটে। লক্ষ্মীছাড়া মেয়েমানুষটা একবার যদি ‘পারছি না’ বলে শুনতো, কার সাধ্যি ওঠায়। বাজার থেকে মুড়ি চিঁড়ে এনে ওই রাবণের পুরীর পেট ভরাতে হয়।”

সহর ভুরু কঁচকে বলে, “আর নিজে?”

“নিজে? নিজের ওই বামুনের হোটেল আছে একটা পাড়ায়, সেই গতি। নগদ চার গুণা পরসা ফেলে—”

সহর মনটা কি ছলে ওঠে ?

মনে হয় কি, চিরজীবনই তো ভাতের হাঁড়ি নাড়লাম, কিন্তু সার্থকের ভাত রাখলাম কই ? ভাত বেড়ে স্বামী-পুত্রের পাতের সামনে ধরে দিতে পেলাম কবে ?

স্বামী-পুত্রের কোলে ভাতের খালা এগিয়ে দিতে ক্লান্ত পারলে আর—

পুত্র ? ও বাড়িতে যারা আছে, তারা কি সহর পুত্র ?

তা একরকম পুত্রই বৈকি। স্বামীরই সন্তান তো ! ব্রতকথায় আছে—
“জ্ঞাতির ভাত হোক, সতীনের পুত হোক।”

মরলে সতীনের ছেলেও মুখে আগুন দেয়, গলায় “কাচা” নেয়। ইঁয়া, এইসব চিন্তা সহর মাথার মধ্যে পাক দেয়, তবু সহর সহজে মুখে হারে না। বলে, “আমি এখন নবুর সংসার ভাসিয়ে দিয়ে কোন্ মুখে—”

“আহা-হা, ওর সংসার আবার ভাসাবে কী দুঃখে ? ওর কাণ্ডারী খুব ওস্তাদ। এ নেহাৎ তুমি আছ তাই ঘোড়া দেখে খোঁড়া হয়ে বসে আছে। তুমি চলে গেলে ঠিক সবই পারবে।”

তা সহর সে কথা বোঝে।

বোঝে বোয়ের এই চুপচাপ বসে থাকা যতটা শরীরের দুর্বলতার জ্ঞে, তার থেকে বেশী মনের অবসন্নতা। সেই হতচ্ছাড়া ছুঁড়িটা যেন প্রাণের পুতুল ছিল ওর। সেটা গেছে। তা ছাড়া নবু কড়া দিব্যি দেওয়ায় সেখানে যেতে আসতেও পারছে না। যত শক্ত মেয়েমানুষই হোক, স্বামীর “মরা মুখ দেখার” দিব্যিটা তো আর ফেলতে পারে না ?

অমন যে একটা সোনার পুতুল মেয়ে হয়েছে, তাও যেন সাজাতে গোছাতে গা নেই। সহর চলে গেলে ঘাড়ে পড়লে আবার সব ঠিক হয়ে যাবে।

কিন্তু সহর ?

বড় লজ্জা ! বড় লজ্জা !

নিজের কোটে বসে তামাক সেজে দেওয়া, পায়ে হাত বুলিয়ে দেওয়া এক, আর কেন্দ্রচ্যুত হয়ে সেই অজানা রাজ্যে গিয়ে পড়া আর। কেমন সেই সতীন, কেমন সেই ছেলেপুলে কে জানে।

তারা যদি সহরে সহর করতে না পারে ? আবার যদি স্বামীর ঘরে গিয়ে লাজ্জনা অপমান জোটে ?

সেদিন কথার পিঠে এ সন্দেহ প্রকাশ করে বলে সৌদামিনী, কিন্তু মুখ্যের এক ফুঁয়ে উড়ে যায় সে দুশ্চিন্তা।

তিনি প্রবল স্বরে আশ্বাস দেন, “ছেলেমেয়ে? তারাই তো রোজ আমায় খেয়ে ফেলেছে, ‘বাবা বড়মাকে আনো, বড়মাকে আনো’ বলে। আর তোমার সতীন? হুঁ: রাতদিন তো নিজের মরণ ডাকছে। বলে, ‘আনো একবার তোমার প্রথম পক্ষকে, তাঁর পায়ের ধুলোটা নিয়ে আর এই হতভাগাগুলোকে তাঁর হাতে তুলে দিয়ে মরে বাঁচি’।”

কেন কে জানে, সদূর চোখে হঠাৎ জ্বল আসে। সে জ্বল মুছে লহু রক্তস্রব বলে, “তোমরা পুরুষজাত বড় নিষ্ঠুর! এতদিন ঘর করছ, প্রাণে একটু মায়া নেই!”

“কি মুশকিল! মায়া কি করছি না? না করি নি? এযাবৎ কে তার এগারটা আঁতুড় তুলল, কে তার ‘তাওত’ করল? ওকে ঘরে আনার সময় থেকেই তো যে বার ভেঙ্গ। মা ছোট ছেলের সংসারে থেকেছে, তার পর মরেছে। আমি চিরদুঃখী। নইলে বিয়ে করা পরিবার তুমি, তবু তোমার ওপর স্নেহ খাটাতে পারি না, ভিথিরির মতন দয়া ভিক্ষে করি।”

“থাক থাক, আর আমার পাপ বাড়তে হবে না।” সদূর বলে, “সতীন না হয় মরে বাঁচতে চায়, কিন্তু ছেলেপেলে সংমাকে চায় কেন?”

“কেন আর? বুঝছ না?” মুখ্যে কণ্ঠস্বর করুণ করেন, “একটু মাতৃ-স্নেহের আশায়। সময়ে দুটো ভাতজলের আশায়।”

তিল তিল জলে পাথর ক্ষয় হয়। আর এ তো আপনা থেকেই গলে থাকা বেলেমাটি। অবশেষে একদিন সদূর মাথাটা নীচু করে ধরাগলায় বলে, “বেশ, বল নবুকে। আমি নিজমুখে বলতে পারব না।”

তা নবরও বলতে বেধেছিল সত্যর কাছে। কোনরকমে খতমত খেয়ে বলে ফেলেছিল, “মুখ্যে মশাই ত আমায় খেয়ে ফেলেছেন!”

সত্য চোখ তুলে তাকিয়েছিল শুধু।

তাতেই প্রসন্ন।

নবকুমার অতঃপর তড়বড় করে মুখ্যে মশাইয়ের সংসারের ‘হাঁড়ির হালে’র বর্ণনা করে, কথা সমাপ্ত করেছিল একটি বিবেচনার কথা বলে।

“এমন অবস্থায় দ্বিধিকে না পাঠানো আমাদের পক্ষে গর্হিত হবে না? মনে হবে না বড় যেন স্বার্থপরতার মত আটকে রেখেছি দ্বিধিকে—”

সত্য শাস্তভাবে উত্তর দিয়েছিল, “আটকে রাখার কথা উঠছেই বা কেন ? ওখানে যাবার জন্তেই তো কলকাতায় এসেছেন ঠাকুরঝি !”

ওখানে যাবার জন্তে !

নবকুমার হতবাক হয়ে গিয়েছিল। সত্যর অকৃতজ্ঞতাকে ছি-ছি করে খিকার দিয়েছিল। ভেবেছিল, আর এই যে ঝাঁতুড় তোলা, মুখে রক্ত তুলে সংসারের যাবতীয় খাটুনি খাটা, এসব কিছুর না ? দিদি আগে থেকে জানত মুখ্যে মশাইয়ের সঙ্গে দেখা হবে ? তিনি অত খোশামোদ করবেন ওকে ?

কিন্তু মনের মধ্যে ঠেলাঠেলি করে ওঠা এইসব কথাগুলো বলে উঠতে পারে নি নবকুমার। বলেছিল, “বেশ তবে তাই বলে দিই গে। জানি তোমার একটু কষ্ট হবে—”

“আমার কষ্ট !”

সত্য বলেছিল, “আমার যে কিসে কষ্ট হয় আর না হয়, সে বোধ যদি তোমার থাকত ! যাক গে, যেতে দাও ওসব কথা, মুখ্যে মশাইকে বলে দাও একটা ভাল দিন দেখতে।”

চুয়াল্লিশ

জগন্নাথের রথের চাকা গড়গড়িয়ে এগিয়ে চলে, কখনো বাজির গাদায় বসে যায়। বসে যাওয়া রথের রশিতে টান দিতে এগিয়ে আসে লক্ষ মাল্লুষের হাত। শ্রেণীহীন নির্বিচার।

মাল্লুষের হাতে জগন্নাথের মুক্তি।

রূপকের রূপে দেবতার রূপ।

জগন্নাথের রথ যুগের প্রতীক। যুগের চাকার গতিও কখনো উদ্দাম, কখনো মন্দ্র। সেই মন্দ্রতার মুক্তিও মাল্লুষের হাতে। জনগণেশের জাগরণে যুগের জাগরণ।

ভবু বলতেই হবে যুগের দেবতা একটু শহর-ঘেঁষা। শহর ক্রতছন্দে আবর্তিত হয়, গ্রাম ছায়াচ্ছন্ন উঠোনে পড়ে ঘুমোয়। “শহরে হাওয়া” যখন

ভায় কাছে এসে পৌঁছয়, তখন শহর সে হাওয়ারকে ত্যাগ করে আর এক নতুন হাওয়ার পিছনে ছুটছে।

কিন্তু শহর আর মফঃস্বল কি কেবলমাত্র মানচিত্রের বর্গমাইলের ওপর নির্ভরশীল? একই ঘরের মধ্যে বাস করে না কি শহর আর মফঃস্বল? জাগন্ত আর ঘুমন্ত? মাহুবে মাহুবে মনের গড়নে কি পার্থক্য নেই?

তা মনের গড়নেরও শহর মফঃস্বল আছে বৈকি। নইলে যুগচক্রের আবর্তনে সত্যবতী কেন এমন অধীর হয়, চঞ্চল হয়, আন্দোলিত হয়, আর নবকুমার কেন সে আবর্তন টেরও পায় না?

সত্যবতী তো ঘরে থাকে।

নবকুমার তো বাইরে ঘোরে।

নবকুমার বাইরে ঘোরে। অর্থাৎ নবকুমার বাজারে যায়, মুদির দোকানে যায়, নিতাইয়ের বাসায় তাস খেলতে যায়, সদুর বাড়িতে তত্ত্বতল্লাস করতে যায়। এই বহির্জগৎ নবকুমারের।

কিন্তু সত্যবতীই বা এমন কি করে?

সত্যবতীও তো কুটনো কোটে, বাটনা বাটে, রান্না করে, বড়ি দেয়, মুড়ি ভাজে, আচার বানায়। শুধু অবসরকালে বই পড়ে সত্যবতী। পড়ে পত্র-পত্রিকা।

এইটুকু জানলা।

খোলা জানলা।

এই জানলাখানি সত্যকে বহির্জগতের বার্তা বয়ে এনে দেয়।

এ জানলাখানি খোলা রাখার সহায়, ছোট ছেলে সরল। মায়ের সঙ্গে তার যত গল্প যত কথা। আর বই যোগাড়ের ব্যাপারে উৎসাহ ষোল আনা।

নবকুমার এ খবর রাখে না।

নবকুমার এক-একদিন তাসের আড্ডায় শোনা গল্প এনে উত্তেজিত দিকার তোলে, “শুনেছ কেলেকারি? মেয়েমাহুবে বিলেত যাচ্ছে! কিনা এম. এ. বি. এ. পাস করতে! বিত্তের পাহাড়ের চূড়ায় ওঠা চাই!...কালে কালে কতই হবে!...শুনেছ কাণ্ড, পিরিলি বাড়ির কোন্ বৌ নাকি—”

সত্য বলে ওঠে, “ধাম, চুপ কর।”

নবকুমার বিচলিত স্বরে বলে, “বাবাঃ! বুড়ো হয়ে গেলাম, জীবনে কখনো মন খুলে দুটো গল্প করতে পেলাম না।”

সত্য বলে, “কেন কর না গল্প! তোমার নাগালের উপযুক্ত গল্প কর। বাজারের দরদামের গল্প আছে, কায়েত-ঠাকুরপোর বৌ কী খাওয়াল তার গল্প আছে, আপিসের বড়বাবুর গল্প আছে……”

নবকুমার ক্রুদ্ধ গলায় বলে, “কেন দেশের দেশের কথা বলা বুঝি আমার বারণ?”

“বারণ নয়! বারণ কেন হবে? নিজের জেনে বুঝে কথা কও, তার মানে আছে, তুমি যে পরের মুখে ঝাল খাও!”

নবকুমার এবার অভিমানে ভারী হয়, “আমার জেনেও দরকার নেই, বুঝেও দরকার নেই। তুমি আর তোমার বিদ্বান ছেলেরা কথা কও গে।... আয় স্ববর্ণ আমরা গল্প করি।”

স্ববর্ণ? ই্যা, স্ববর্ণ!

সোনার পুতুলের মত মেয়েটাকে স্ববর্ণলতা নামই তো মানায়। বছর চারেকের হয়ে উঠেছে মেয়েটা, বাপের ভারী স্নায় হয়ে উঠেছে।

কথা কয় যেন পাখীর মত।

হাঁডি-কুড়ি নিয়ে রাঁধাবাড়া খেলতে শিখেছে ইতিমধ্যে। বলে, “এস বাবা ভাত খাও।” বলে, “মার মতন রান্না করতে পারি আমি। পারি না বাবা?”

নবকুমার সত্যকে শুনিয়ে শুনিয়ে বলে, “তা পেরো মা! কিন্তু মার মতন রাগী হয়ো না যেন।”

এইভাবেই চলছিল দিন, কিছুটা মন্থর ছন্দে।

সেই মন্থরতার মাঝখানে হঠাৎ একটা আলোড়ন এল একদিন। সে আলোড়ন এল সত্যর ‘ঘর পালানে বন্ধু’ নেতুর মূর্তি ধরে। তা নেতু তার বন্ধুই, দাদা আর বলেছে কবে তাকে সত্য? ছ-মাসের নাকি বড় নেতু সত্যর থেকে। সে কথা মানে না সত্য। এখনও মানে না।

রুদ্ধকণ্ঠে শুধু বলে উঠল, “নেতু, তুই?”

নেতু হেসে উঠে বললো, “বিশ্বাস হচ্ছে না? নেতুর ভূত মনে হচ্ছে? তা সন্দেহ মোচন করতে চিমটি কেটে আখ্।”

“তা ভূত বললে অত্যায হয় না—” সত্যর রুদ্ধকণ্ঠে এবার উচ্ছ্বাস আসে, “রংটা অন্ততঃ ভূতের মত করে তুলেছিল বাবা। ইয়ারে নেতু, তোর সেই বেলেরপানার মত রংটা কী করলি রে?”

নেদু হো হো করে হেসে ওঠে, “কী মনে হচ্ছে? বেচে থেয়েছি? তা মাঝে মাঝে যা অবস্থা যায়, ‘চুল নখ হাত পা বেচে থাই’ এমনই মতি হয়। রংটা বেচতে পারলে নিশ্চয় বেচতাম, বেচবার নয় এই যা। রোমে পুড়ে পুড়েই আর কি—”

নেদুর ওই কৌতুক কথা কটির মধ্যে থেকেই নেদুর অবস্থাটা স্পষ্ট ধরা পড়ে যায়, আর ধরা পড়ার সঙ্গে সঙ্গেই চোখে জল এসে যায় সত্যর।

কিন্তু সে জল চোখেই আটকে রেখে সত্য সেই অতীতকালের মতই ঝঙ্কার দিয়ে ওঠে, “খুব তো ব্যাখ্যান্য করছিস অবস্থার, বলি হঠাৎ এমন নিরুদ্দেশ হবার শখ হল কেন বল দিকি? এমন হাঁড়ির হাল করে বেড়িয়ে লাভটা কি হচ্ছে তোর?”

নেদুর বহু অবস্থায় ছাপ পড়া কাঠ-কাঠ মুখটায় হঠাৎ একটা বিদ্যুৎদীপ্তি খেলে যায়। সেই বিদ্যুৎ-উদ্ভাসিত মুখে উত্তর দেয় নেদু, “লাভ? সে তোদের সংসারের কড়াক্রান্তির হিসেবে অবিশিষ্ট পড়বে না সত্য, সেটাকে বলতে পারিস ‘অদৃশ্য বস্তু’। তবে হয়েছে বৈকি লাভ। ভগবানের রাজ্য এই পৃথিবীটা যে কেমন তার কিছুটা আশ্বাস লাভ হয়েছে।”

সত্য কি নেদুর এই উত্তরে চমকে ওঠে? সত্যর মুখটা কি হঠাৎ ছাইয়ের মত সাদাটে দেখায়? সহসা কি একটা বিরাট লোকসানের খবর দিয়ে গেল কেউ সত্যকে? সত্যর মুখে তাই দিশেহারা উদ্ভাস্তির ছায়া?

সত্যর তাই কথা বলতে মুহূর্ত কয়েক দেরি হয়। বুঝি বড় একটা নিশ্বাস চাপে সত্য।

পরে বলে, “পায়ে হেঁটে পৃথিবীর কতটা দেখবি শুনি?”

নেদু ছ হাত উর্টে বিশেষ একটা ভঙ্গী করে বলে, “নাও ঠালা! পৃথিবীর সব মাটি মাড়িয়ে মাড়িয়ে কি আর পৃথিবীটা দেখবার বায়না করেছি!... আসল কথা চেনা জানা সংসারের চৌহদ্দিটার বাইরে পা বাড়াতে পারলেই আর এক জগৎ বুঝি? তার মজাই আলাদা। সত্যি বটে তোরা সংসারী লোকেরা বলবি হাঁড়ির হাল, কিন্তু আমি বাবা বলবো তোফায় কাটাচ্ছি। ‘ভোজনং বত্র তত্র, শয়নং হট্ট মন্দিরে’, এ কি সোজা মজা? কোনদিন আহার জুটছে, কোনদিন জুটছে না, কোনদিন মাথার উপর আচ্ছাদন আছে, কোনদিন পাছতলা সার।...কখনো কারো কাছে এক ঘটি জল চাইলে সে ব্যাজার মুখ করে, কখনো কেউ মুখের চেহারাটা দেখেই ক্ষুধার্ত ব্রাহ্মণ বলে

অনুরোধ উপরোধ করে ভেকে নিয়ে গিয়ে তোয়াজ করে খাওয়ায়। কত লীলাখেলা পৃথিবীর! কত চণ্ডের মানুষ, কত সত্ত্বের বাজার।”

সত্য যেন হাঁ করে শুনতে থাকে নেদুর এই অভিনব অভিজ্ঞতার গল্প।... আশ্চর্য! আশ্চর্য! সেই তার চিরকুপার পাত্র বোকা নেদুটা হঠাৎ যেন সত্যর নাগালের বাইরে চলে গেছে।

সম্বর্পণে একটা নিশ্বাস ফেলে সত্য। আশ্বে আশ্বে বলে, “খুব ভাল লাগে না রে নেদু?”

নেদু তার রক্ষ চুলগুলো মুঠোয় চেপে ধরে চাপতে চাপতে বলে, “ভাল লাগা মন্দ লাগা বুঝি না সত্য, একটা অল্পরকম জীবন, এই আর কি। কুমোরের চাকে গড়া হাঁড়ি-কলসীর মত একছাঁচের না হয়ে, নিজের হাতে গড়া যা হোক একটা গডন পাওয়া, এই হচ্ছে কথা। তোরা বলবি, বাউগুলো লক্ষীছাড়া ভবঘুরে। বলবি, ‘আহা কী কষ্ট’। আমি মনে মনে হাসবো। ভাববো এই বাউগুলো লক্ষীছাড়া ভবঘুরে হয়ে ছাখো, বুঝবে তার রহস্য রস।”

সত্য আর একবার ঝঙ্কার দিয়ে ওঠে “বলছিস তো খুব! বলি মেয়ে-মানুষে পারবে তোর মতন ভবঘুরে হতে? ব্যাটাছেলে হয়ে জন্মেছিস, তাই যা খুশি করবার স্মৃতি পেয়েছিস। বাবাও তো বাড়ি-ছাড়া হয়ে বেরিয়ে গিয়েছিলেন—”

নেদু আঙুল তুলে বলে, “ওই তো, ওই কথাই তো বলছি—গিয়েছিলেন তাই একটা মানুষের মতন মানুষ হতে পেরেছেন। গাঁয়ে পড়ে থাকলে আমার বাবাটির মতন হতেন।”

“এই নেদু, পিতৃনিন্দে করছিস?”

“নিন্দে-কিন্দে বুঝিনে সত্য, আমার হচ্ছে হক্ কথা। যাক তুই কেমন আছিস বল?”

সত্য ঈষৎ উদাস গলায় বলে, “আমার কথা ছেড়ে দে। মেয়েমানুষ হয়ে জন্মেছি—”

নেদু বলে ওঠে, “এই সেরেছে, তুইও যে দেখছি আক্কেপ ধরতে শিখেছিস। আগে তো এমন ছিলি না। ‘মেয়েমানুষ মানুষ নয়’ একথা বললেই তো রেগে যেতিস—”

সত্য তেমনি গলায় বলে, “সে এখনো যাব। তবে তোকে দেখে যেন

আক্ষেপটার সৃষ্টি হচ্ছে ভাই! কোথায় ছিলি তুই, কী বা ছিলি। মিথ্যে বলব না, তোকে ‘মাথামোটা’ ভেবে একটু ক্লপার চম্কেই দেখতাম, কিন্তু এখন মনে হচ্ছে তোর মাথাটাই সব চেয়ে সফল। তাই তোকে ভক্তির ছেদার চোখে দেখছি।... যাক বেশী বলব না অহঙ্কার হবে। তবে এটা ঠিক, ভগবান যদি আমার মেয়েমানুষ না গড়ে বেটা ছেলে করে তৈরি করতেন, তোর মত ঘরই ছাড়তাম। যাক হই নি যখন, ভগবানের ভুলের খেসারত দিই বসে বসে। সে তো হল, কিন্তু... তুই কিভাবে আমার বাড়ির খোঁজ পেলি বল দিকি?”

হ্যাঁ, সেটাই কথা।

ঘরপালানে ছেলেটা এতদিন পরে হঠাৎ সত্যর বাড়ি এসে হাজির হল কী করে?

তা হল প্রায় দৈবের আলুকল্যাণ।

উত্তর প্রত্যন্তের মধ্য দিয়ে যা বোঝা গেল তা হচ্ছে এই—ঘুরতে ঘুরতে কলকাতায় এসেছে নেড়ু কিছুদিন হল। আর ওই ঘোরার সূত্রেই কালীতলায় এসে বসেছিল আজ সকালে, আর দৈবক্রমে সত্য গিয়েছিল সেই ঠাকুরতলায় পূজো দিতে।

যায় এমন সত্য।

বারব্রত থাকলেই যায়।

আজ অষ্টমীর উপোস ছিল, গিয়েছিল। নেড়ু দেখতে পায়। কিন্তু পথের মাঝখানে বা মন্দিরের চাতালে তো একটা বোঁমানুষকে ডেকে কথা কওয়া যায় না, তাই নেড়ু একটু দূরে দূরে থেকে সত্যর সঙ্গে সঙ্গে এসে বাড়িটা বুঝে নিয়েছিল। সত্যর সঙ্গে পাড়ার একটি গিন্নী ছিলেন। তিনি বিদায় নিতেই নেড়ু এগিয়ে গিয়েছিল, এবং মহোৎসাহে কড়া নাড়া দিয়েছিল।

সত্য সেইমাত্র পড়শী গিন্নীকে বিদায় সম্ভাষণ জানিয়ে দরজায় খিল লাগিয়ে পিছন ফিরেছে, তখনো দাঁড়ায় ওঠে নি। ভাবল সেই মহিলাই বোধ করি কিছু বলতে ভুলেছেন বা সত্যর সঙ্গে তাঁর কোনো বস্তু চলে এসেছে। নিশ্চিন্ত চিন্তেই তাই ফের খিলটা খুলেছিল সত্য, আর খুলেই খণ্ডমত খেয়ে দু-পা পিছিয়ে গিয়েছিল।...

কিন্তু পিছিয়ে গিয়েই কি তাড়াতাড়ি দরজাটা বন্ধ করে দিয়েছিল সত্য ? তাই দেওয়াই তো উচিত ছিল ? তা বলতেই হবে উচিত কাজ সত্য করে নি। সে যেন শুরু হয়ে গিয়ে সামনের মূর্তিটার দিকে দৃষ্টি নিবদ্ধ করে দাঁড়িয়ে থেকেছিল।

রুদ্ধ ধূসর মাথাভর্তি চুল, তামাটে কালচে রং, শীর্ণ পেশীবহুল মুখ, আর রোগা পাকসিটে চেহারা !...দৈর্ঘ্যের তুলনায় প্রস্থটা নিতান্তই কম। আর ওই দৈর্ঘ্যের জটাই পরনের ধুতিটা খাটো মনে হচ্ছে। গায়ের রং-জলা গলাবন্ধ কোটটাও যেন মানুষটার নীচের দিকের অনেকখানি অংশকে বঞ্চিত করে সহসা থেমে পড়েছে।

হাতে একটা ক্যাবিসের পোর্টম্যান্টো, সেটাকে দোলাতে দোলাতে মুহু মুহু হাসছে লোকটা। হঠাৎ কেউ সত্যকে এই অবস্থায় দেখলে কী বলবে বা বলতে পারে, সে কথা স্মরণ মাত্র না করে হাঁ করে দাঁড়িয়েই থাকে সত্য। অতঃপর লোকটা হেসে উঠে বলে, “কী রে সত্য, চিনতে পারলি নে তা হলে ?”

অথচ চিনে ফেলেছে তখন সত্য, ঠিক সেই মুহূর্তেই চিনে ফেলেছে। আর সেই আকস্মিকতার মুহূর্তে রুদ্ধকণ্ঠে উচ্চারণ করেছে, “নেডু, তুই !”

উঠে এসে দাওয়ায় গুছিয়ে বসে নেডু বলে, “যাক, ভাগিস যে চিনতে পারলি, চোর-ছ্যাচোড় বলে মুখের ওপর দরজা বন্ধ করে দিলি নে, এই চের।”

সত্য তিরস্কারের স্বরে বলে, “তা দিলেও তুই আমায় দোষ দিতে পারতিস না নেডু। চেহারাখানা যা বাগিয়েছিস চোর-ছ্যাচোড়ের অধম ! তোকে দেখে আহ্লাদ করবো, না কাঁদবো তা বুঝি না। বলে দিচ্ছি এখন থেকেই, সহজে তোর এখান থেকে যাওয়া হবে না, থাকবি আমার কাছে।”

নেডু হেসে ফেলে বলে, “তোর হাতের রান্না খেয়ে খেয়ে মোটা হবো ?”

“হবিই তো ! মিথ্যে নাকি ?” সত্য সতেজে বলে, “কিছুকাল খেয়ে খুমিয়ে স্বাস্থ্য শরীর ভাল কর। এই তালে চললে বেশীদিন আর পৃথিবী দেখে বেড়াতে হবে না।”

তা সত্যর কথাটা একেবারে অবহেলা করতে পারে নি নেডু। ছিল কয়েকটা দিন। ভারী খুশি খুশি মনেই ছিল। দুবেলা খেতে বসে রান্নার প্রসঙ্গসার পঞ্চগুণ হত, আর বলতো, “নাঃ, বতদূর বুঝি বোনাই বাড়ি

থেকে আমাকে আর নড়তে দিবি না তুই সত্য। তোর এই স্বস্তি, মোচার ঘণ্ট, এঁচড়ের ডালনা, মাছের ঝোলের বন্ধনেই বেঁধে রেখে দিবি।...” বলতো, “জামাইবাবুর আমার এখনো শরীরটি যে কী কারণে অমন নাড়ুগোপালটির মত রয়ে গেছে, তা বুঝতে পারছি।”...ছেলেদের ডেকে বলতো, “বুঝলে হে বাপধনেরা, তোমরা যে জননী রত্নটি পেয়েছ, লাখে একটি এমন মেলে না!”

সত্য মুগ্ধ বিগলিত চিন্তে ওর কথা শুনতো, চোটপাট উত্তর দিতেও ভুলে যেত মাঝে মাঝে।

বাড়ি ছেড়ে পথে পথে ঘুরে নেড়ুর কথার ধরনটা কী অদ্ভুত ভাবে বদলে গেছে। এ ভাষা এ স্বর নিত্যানন্দপুরের নয়। বাকুইপুরেই কি এমন সহজ কোঁতুকের স্বরের হালকা চালের কথা শুনেছে সত্য? অথবা কলকাতায়?

নাঃ। শোনে নি।

সত্যর দেখা মাল্লবরা সব যেন চোখের সামনে ভিড় করে আসে। কেউ চঞ্চল, কেউ গভীর, কেউ ব্যস্ত, কেউ মহ্বর। কেউ ভয়ঙ্কর, কেউ বা হাস্যকর। এমন হাসিতে উজ্জল কোঁতুকে সহজ, অথচ ভারহীন নির্লিপ্ত, কই কোঁথায়?

নেড়ুর “কথা” শুনবে বলেই সত্য তাড়াতাড়ি হাতের কাজ সেরে নিত, সত্যর ছেলেরা আগে আগে পড়া সেরে নিত।...হ্যাঁ, সত্যর ছেলেরাও সত্যর রত্নই মুগ্ধ বিমোহিত। নানান দেশ-বিদেশের গল্প ফাঁদতো নেড়ু, নানান অভিজ্ঞতার। রসিয়ে রসিয়ে গল্প করতো তার।...

“ট্যাঁকে নেই পয়সা, পেটে নেই ভাত। অথচ মুখে হারছি না বুঝলি? ধর্মশালার সেই লোকটাকে জোর গলায় বলছি—‘আমি রাঁধছি না খাচ্ছি না। তাতে তোমার কি হে বাপু? তোমার এই ধর্মশালায় এমন কোনো লেখাপড়া আছে যে রাঁধতেই হবে, খেতেই হবে?’ লোকটা একেবারে গন্ধড়ের অবতার বুঝলি? হাত জোড় করে বলতো, ‘আজ্ঞে লেখাপড়া কিছু নেই, তবে আপনি ব্রাহ্মণ সন্তান চোখের সামনে না খেয়ে পড়ে থাকবেন, দেখি কি করে? দেখছি তো আপনি রাঁধছেন না খাচ্ছেন না। বেরিয়ে গিয়ে পুরী-কছুরিও রকিনে আনছেন না—’”

বললাম, “আমার রত্ন আছে।”

“তবু ব্যাটা নাছোড়বান্দা। বলে, ‘কী ব্রত’?”

আরো গম্ভীর হয়ে বলি, “সে তুমি বুঝবে না।”

“তা এমন কি ব্রত যে ফল দুধ গজাঙ্গল এসব খেতে মানা?”

“আমি রাগ দেখিয়ে বলি, ‘অত কৈফিয়ৎ তোমায় দিতে যাব কেন হে? ঠিক আছে, চলে যাচ্ছি অন্য ধর্মশালায়।’ অথচ বুঝি কিনা, মনে মনে ভাবছি, অত কথা না শুধিয়ে এনেই দে না বাবা ছড়াখানেক মর্তমান, গোটা কতক মিষ্টি পুষ্কটু আম, সেরটাক মালাই, আর গণ্ডাআষ্টেক মণ্ডা—”

কথার মাঝখানেই হেসে লুটোপুটি খেত সাধন সরল। সরল হয়তো বা যোগও দিত—“গণ্ডাবারো চমচম, এক চ্যাঙারি গরম জিলিপি...”

“তা মন্দ বলিস নি,” নেড়ু বলতো, “তখন মনে হচ্ছে বিশ্বব্রহ্মাণ্ড শেষ করি। অথচ হ্যাংলা বামুন হতে রাজী নই। তা বলবো কি, সত্যিই সেদিন এনে হাজির করলো লোকটা বড় লোটার এক লোটা ক্ষীরের মত ঘন গরম দুধ, আর ইয়া বড় বড় গোটাচারেক কদলী। বলে, ‘এ খেলে তোমার ব্রত নষ্ট হবে না—’ আমি বুঝি কিনা, তাকে যেন কতই রূপা করছি, এই ভাবে মেয়ে দিলাম সেগুলো। মারছি আর ভাবছি আরো চারটি কিছু আনলি না কেন বাবা?”

এরা হেসে ওঠে।

এ আসরে নবকুমারও এক-একদিন যোগ দিত। এই ভবঘুরে শালাটির প্রতি তারও বেশ একটু শ্রীতির সঞ্চার হয়েছিল। চুপি চুপি সত্যকে বলতো, “কায়দা করে আটকে ফেলে একটা কনেটনে যোগাড় করে বিয়ে দিয়ে ফেল না? তখন দেখবে বাছাধন কেমন বাউড়লে হয়ে বেড়ায়।”

সত্য বলতো, “থাক গে, বেড়াক না। একটা মাহুঘ না হয় জগৎ-ছাড়া হল! সবাইকে বিয়ে করে ঘর-সংসার করতেই হবে, এমন তো কিছু লেখা পড়া নেই?”

“আহা সরিসী হত তো সে এক কথা। এ যে না গেকুয়া, না সংসারী।”

“তা হোক।”

নবকুমার বলতো, “ভবে আর কি বলবো।” আসরে গিয়ে বলতো, “ভারপর শালাবাবু, কোন্ কোন্ তীর্থ করেছ বল?”

নেদু বলতো, “তীর্থ-টীর্থ কিছু করি নি বাবা, তীর্থধর্ম নিয়ে মাথাও ঘামাই নি। তবে ভ্রমণ করতে গেলেই তীর্থ। পৃথিবীর যেখানে যত শোভা-লৌন্দর্যের জায়গা, সেখানেই তো মানুষ দিব্যি এক-একখানা তীর্থ বানিয়ে রেখেছে—”

সত্য প্রশ্ন করেছিল, “শেষ তুই কোথা থেকে ঘুরে এলি?”

“কাশী! কাশী আগেও গিয়াছিলাম অবিশ্তি। প্রথম তো কাশীতেই যাই।”

“কাশী? সম্প্রতি কাশী গিয়েছিলি তুই?” সত্য রুদ্ধকণ্ঠে বলে, “বাবার সঙ্গে দেখা করেছিলি?”

“বাবা! মানে মেজকাকা!” নেদু আশ্চর্য হয়ে বলে, “কাশী গেছেন বুঝি?”

“গেছেন কি রে নেদু! বরাবরের জন্তে গেছেন। বাবা কাশীবাসী হয়েছেন।”

“জ্যা! সে কি।”

“তবে আর বলছি কি।”

নেদু এই একটিমাত্র প্রশ্নে গম্ভীর হয়। আশ্চর্যে নিশ্বাস ফেলে বলে, “জানি না তো! জানলে খুঁজে নিয়ে দেখা বরাবর চেষ্টা করতাম। নিত্যানন্দপুরে মেজকাকা নেই, এ যেন ভাবাই যায় না, না রে সত্য?”

সত্য কথার জবাব দেয় না।

সত্য চোখ তোলে না। স্ববর্ণকে কোলে চেপে বসে থাকে।

আবার কোনো একসময় পুণ্যির প্রশ্ন ওঠে।

একবেলার জন্তে শ্রীরামপুরে পুণ্যির বাড়িও গিয়েছিল নেদু। তা এক বেলায় বেশী থাকতে পারে নি। পুণ্যি নাকি এমন গিন্নী হয়ে গেছে যে, দেখে প্রাণ হাঁপিয়ে উঠেছিল নেদুর। যতটুকু সময় ছিল নেদু, ততটুকুই কেবল তাকে উপদেশ দিয়েছে আর থিক্কার দিয়েছে পুণ্যি।

“জগৎটা কতই বদলে যাচ্ছে।” সত্য নিশ্বাস ফেলে বলে, “ছোটবেলার কথা তোর মনে পড়ে না নেদু?”

“পড়ে। পড়বে না কেন? তবে কি জানিস সত্য, একে তো তুই মা বাপের এক সন্তান, তায় আবার মেজকাকা মেজখুড়ীর মত বাপ-মা! তোর স্মৃতিতে আমার স্মৃতিতে তফাৎ আছে। চোদ্দটা ছেলেমেয়ের একটা আমি।”

“তা হলেই বা! তুই তো কোলের ছেলে।”

“দূর! দূর! মানুষ না হাঁস-মুরগী!”

এ ধরনের কথায় সত্য লজ্জিত হয়ে অল্প প্রসঙ্গ এনে ফেলতো। হয়তো পুণ্যির কথাই ফের তুলতো। সেই রকম রোগা আছে পুণ্যি, না মোটা হয়েছে? এখনো তেমনি চুলের রাশি আছে কিনা?

“চুল?”

নেডু হেসে উঠেছে। “এই এতো বড় একখানি টাক। তার ওপর এতোখানি সিঁদুর লেপা। অবিকল সেজ্ঞাঝুমা! আমি বললাম, ‘মা শেতলা, গড় করি! আর নয়’।”

সত্য হেসে ফেলে বলে, “সেইতো বোকা-হাবা ছিলি তুই নেডু, এত কথা শিখলি কি করে?”

নেডু বলে, “হাওয়ায় বাতাসে! যত মানুষ দেখবি, তত বুদ্ধি বাড়বে।”

খুবই স্ফূর্তিতে ছিল নেডু।

আর সত্যি বলতে, দিন দশ-বারোতেই যেন চেহারা ফিরে যাচ্ছিল। রং ফিরছিল, গড়ন ফিরছিল। হয়তো মাস দেড় দুই থাকলে দশসই হয়ে উঠতো রোগা লম্বা নেডু। কিন্তু থাকলো না। হঠাৎ বলে উঠলো, “আর নয় রে সত্য, তোর এখানে শেকড় গজিয়ে যাচ্ছে, এবার পলায়ন দিই।”

সত্য চমকে উঠেছিল।

সত্য বসে পড়েছিল।

“চলে যাবি?”

“এই থাকো, চলে যাবো না তো কি, বোনাই-বাড়িতে মৌরসীপাট্টা নিয়ে বাস করতে এসেছি? না, না, আর একদিনও না।”

সত্যর কাকূতি-মিনতি, সত্যর ছেলেদের দর-দস্তুর, আর নবকুমারের অমুরোধ-উপরোধ, সব ঠেলে ক্যাষিশের ব্যাগটা গুছিয়ে নিয়ে পা বাড়ালো নেডু।... শুধু যাত্রাকালে বললো, “দে বাবা তোর ওই নাড়কেল নাডু, দিয়ে দে পুঁটলিখানেক। পচবার মাল নয়। চলবে বেশ কিছুদিন। যখনি খাবো, তোদের মনে পড়বে।”

তা শুধুই নারকেল নাডু নয়, চোখের জল মুছতে মুছতে একবেলার মধ্যেই অনেক কিছু বানিয়ে ফেলেছিল সত্য।...

তিলের নাডু, ক্ষীরের ছাঁচ, মৃগের বরফি, কুচো গজা, মুড়কির মোয়া!

